

清
實
錄

穆宗毅皇帝實錄(五)

卷一六五至卷二二〇
同治五年至六年

清實錄

第四九冊

中華書局影印

清 實 錄

(第 四九 冊)

穆 宗 實 錄 (五)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 • 56 3/4 印張

1987 年 3 月第 1 版 1987 年 3 月北京第 1 次印刷

印數 0,001——1,500 冊

統一書號: 11018 • 1355—49 定價: 43.00 元

清實錄第四九冊目錄

穆宗毅皇帝實錄(五)

卷一六五	同治五年正月上	一
卷一六六	同治五年正月中	一三
卷一六七	同治五年正月下	二三
卷一六八	同治五年二月上	四一
卷一六九	同治五年二月中	五五
卷一七〇	同治五年二月下	七四
卷一七一	同治五年三月上	八五
卷一七二	同治五年三月中	一〇〇
卷一七三	同治五年三月下	一二三
卷一七四	同治五年四月上	一二七
卷一七五	同治五年四月下	一四九
卷一七六	同治五年五月上	一七〇
卷一七七	同治五年五月下	一八五
卷一七八	同治五年六月上	二〇四
卷一七九	同治五年六月下	二三一

卷一八〇	同治五年七月上	二三二
卷一八一	同治五年七月下	二四七
卷一八二	同治五年八月上	二六五
卷一八三	同治五年八月下	二七八
卷一八四	同治五年九月上	二九九
卷一八五	同治五年九月下	三一八
卷一八六	同治五年十月上	三三二
卷一八七	同治五年十月下	三四七
卷一八八	同治五年十一月上	三六六
卷一八九	同治五年十一月下	三八一
卷一九〇	同治五年十一月下	三九四
卷一九一	同治五年十二月上	四〇九
卷一九二	同治五年十二月下	四三六
卷一九三	同治五年十二月下	四四九
卷一九四	同治六年正月上	四六八
卷一九五	同治六年正月下	四八七
卷一九六	同治六年二月上	五〇六
卷一九七	同治六年二月下	五二七
卷一九八	同治六年三月上	五四三

卷一九九	同治六年三月下	五五六	卷二一八	同治六年十二月上	八五四
卷二〇〇	同治六年四月上	五七二	卷二一九	同治六年十二月中	八六九
卷二〇一	同治六年四月下	五八六	卷二二〇	同治六年十二月下	八八五
卷二〇二	同治六年五月上	六〇〇			
卷二〇三	同治六年五月中	六一三			
卷二〇四	同治六年五月下	六二五			
卷二〇五	同治六年六月上	六四三			
卷二〇六	同治六年六月下	六五八			
卷二〇七	同治六年七月上	六七三			
卷二〇八	同治六年七月下	六八九			
卷二〇九	同治六年八月上	七〇一			
卷二一〇	同治六年八月下	七一九			
卷二一一	同治六年九月上	七三七			
卷二一二	同治六年九月下	七五四			
卷二一三	同治六年十月上	七六七			
卷二一四	同治六年十月下	七八二			
卷二一五	同治六年十一月上	八〇四			
卷二一六	同治六年十一月中	八二〇			
卷二一七	同治六年十一月下	八三八			

毒皇殿行禮。○御乾清宮。賜近支親藩等宴。○

竄擾獨山各匪。並請調席寶田等援黔。留多

文差委各摺片。苗匪教匪粵匪分途闖入獨山。勾結蔓延。環境皆賊。該處民勇鄉團。踊躍擊賊。以少勝眾。將四面寇氛次第掃蕩。勦辦尚屬出力。所有在事之官紳團練。著張亮基擇尤保奏。候旨施恩。毋許冒濫。另片奏賊匪由獨山被擊後。竄至荔波一帶滋擾。著該署撫督飭文武員弁。嚴密防勦。毋稍疏虞。粵匪竄陷嘉應州城。席寶田一軍。尚須入粵會勦。一時斷難赴黔。朱洪章現駐南安。防勦正當喫緊。亦難遠調。惟李元度前在平江辦理霆營叛勇。業已竣事。若將該革員調往貴州。尚屬可行。著李瀚章卽派該革員酌帶勇丁赴黔助勦。其應用餉需。著劉坤一、李瀚章於該兩省協黔餉下支給。或按月輪流撥給。俾利師行。不得稍分畛域。多文前因田興恕案內革職永不敘用。情節較重。張亮基請留該革員差委之處。著不准行。將此由五百里各諭令知之。○以貴州黎平等處勦匪出力。賞同

知銜知縣許德基。都司黃新春等花翎千總孔繼梅等藍翎。餘加銜升敘有差。○予貴州苗拱陣亡把總張廷魁祭葬世職。如守備例。○甲子諭內閣。前因給事中劉毓楠等先後奏參河南巡撫吳昌壽勦賊逗遛。縱兵騷擾。袒護屬員。保劾失實。及總兵張曜縱勇殺掠。各款。疊經諭令曾國藩秉公查奏。茲據曾國藩奏稱。遵將所參各節博加察訪。並派員前往密查。或漫無依據。或確有見聞。據實覆奏。此案吳昌壽於擒匪竄擾河南之時。赴許州稍緩。尚非有意逗遛。救陳州稍遲。實因文報梗阻。惟馬兵騷擾。該撫未能申明紀律。嚴行禁止。遂平縣知縣文玉。徇捐妄押。浮收錢糧。且有京控未結之案。該撫輒以民愛滋深。保列升階。汝陽縣知縣蘊琛甚洽民心。著有勞績。該撫漫不加察。遽列彈章。未免是非顛倒。有負委任。吳昌壽著交部議處。遂平縣知縣文玉。著卽行革職。汝陽縣知縣蘊琛著開復

原官總兵張曜並無縱兵搶殺之事。鄧州知州黃縉昌亦無貪劣可指之蹟。均著無庸置議。其揭叅蘊琛之本管知府係屬何員。有無挾私著吳昌壽查明叅奏。不准徇隱迴護。尋吏部議吳昌壽應照不應重杖八十私罪例降三級調用。無庸查級紀議。抵得旨著加恩改為降一級調用。不准抵銷。○又諭前因給事中孫楫御史朱鎮先後奏叅閻敬銘丁寶楨等貽誤各款。並朱鎮奏叅山東郟城縣知

縣周士溥劣蹟。當經諭令曾國藩查奏。茲據曾國藩將閻敬銘等被叅各節查明覆奏。此案閻敬銘並無奉有僧格林沁函令赴曹助勦不肯往援情事。其赴東昌防河本係先期奏明。並非借此意存趨避。當僧格林沁殉難曹州時。該撫卽馳回省垣。以致軍心不免惶惑。至謂其將家眷裝扮民婦送往齊河縣署。則並無此說。山東應解僧格林沁協餉。閻敬銘按月接濟。並無所吝。原叅稱其於僧格林

沁戰歿後。佯為不知。奏請添設幫辦。故示先見。亦屬失實。惟於齊河縣知縣李均係屬姻親。該員有在省城開設店棧之事。該撫毫無覺察。轉將該員列入賢員。屢登薦牘。實屬非是。閻敬銘著交部議處。至山東布政使丁寶楨帶兵勦賊。俱奉僧格林沁劄委而行。原叅各節多係傳聞失據。該藩司親自截賊於臨城驛。殺傷過當。所部亦並無淫擄重情。功多過少。官民尚無間言。丁寶楨著免其置議。前

任山東兗沂曹濟道盧朝安前在單縣任內勒索富紳財物。迨擢任道員後。辦理大營糧臺飲酒觀劇。聞僧格林沁殉難之信。蒼黃驚散。聲名惡劣。心術亦屬險鄙。盧朝安業經告病開缺。仍著勒令休致。山東候補道王繼庭才尚可用。並無劣蹟。惟未親臨行陣。閻敬銘將該員附入戰功保奏。致招物議。王繼庭前已開復知府原官。著撤銷道員。以昭公允。候補知府署齊河縣知縣李均。雖無招妓聚飲

實據而開設店棧與民爭利實屬貪鄙妄為著卽行革職以示懲儆至山東郛城縣知縣周士溥並無任賊攻陷民圩坐視不救之事著免其置議尋吏部議閻敬銘應照濫舉匪人例降二級調用該撫本有革職留任處分請照例革任得旨著加恩降為三品頂帶仍留山東巡撫之任○諭軍機大臣等官文鄭敦謹奏擒匪闖入楚疆營勇索餉譴潰襄樊黃孝同時喫緊並襄樊勦勝情形曾國藩奏擒萃湖北又有叛勇之變現派大軍援鄂各摺片前因喬松年奏探聞賊勢南趨楚軍索餉譴潰各情當經諭令官文等查明因何潰變緣由據實具奏本日據該督撫奏報雖與曾國藩所陳情形大致相同而於成大吉何以受傷各情未能詳細聲敘著懷遵前旨據實具奏不准有一字諱飾成大吉近來頗不得力官文等現今招集潰勇是否可用並著酌度情形妥為辦理曾國藩已派劉銘傳一

軍馳赴光固麻城徑援黃州著卽飭令該提督迅卽赴援並令彭玉麟等水師駛赴上游力固武漢門戶官文等於劉銘傳等軍到後責令成大吉等就現有兵力會合痛勦成大吉如再不奮勉卽著嚴叅治罪姜玉順譚仁芳均已折回楚境誠恐該匪聚避兵而行復又回竄皖豫地方著喬松年吳昌壽飭派出各軍嚴密防守遇賊卽擊毋稍疏懈將此由六百里各諭令知之○又諭本日據穆圖善奏甯郡回匪悔罪投誠郡城業經收復現因辦理不善恐釀事端一摺另片奏都興阿因病請假調理甯郡善後事宜仍當妥籌辦理等語並據都興阿奏收復甯夏郡城現將查辦大概情形馳奏一摺回目馬萬選等懇請投誠經都興阿會同穆圖善批准勒限獻城繳械據穆圖善奏稱該回眾於十二月初二日俱已遵批將城池圩卡全行撤空各堡回人俱移往納家厓一帶繳出槍礮刀矛多件

並陸續呈繳銀米。將倡亂之千總納萬有送營正法。是該回等已屬真心悔罪。何以都興阿將留營辦繳銀米之回目保立等十一人誅殺。並於十五日督帶陳天佑等入城。各兵勇肆行搶殺。殊不可解。都興阿是否因該回等逾限。至初七日始將圩卡撤退。獻出郡城。且城內尚有回民逗遛。跡涉可疑。是以督隊入城誅洗。以杜後患。抑係另有別情。著卽將前後辦理實在情形。明白回奏。都興阿前已

調補盛京將軍。茲據奏稱病勢較前尤增。懇請賞假調理等語。現在奉省馬賊猖獗。都興阿當恪遵前旨。速赴新任。毋庸給予假期。以重職守。穆圖善現任甯夏將軍。責無旁貸。所有納家牘等處回眾。如何妥籌善後之處。著卽責成穆圖善妥為辦理。毋令已成之局。又生他變。其甯夏郡城防守事宜。仍應認真籌辦。以備不虞。所請另簡大員來營查辦之處。著毋庸議。將此由六百里各諭令知之。○又

諭甯夏一城。久未攻拔。茲因回目馬萬選等悔罪投誠。經都興阿會同穆圖善批准。該回目於十二月初二日將城圩獻出。並呈繳器械軍火等件。該回等暫移住城外之納家牘。聽候安插。自應乘機利導。予以自新。茲據穆圖善奏。都興阿於十五日卯刻。派員提撥該將軍所部隊伍。並將遞稟之回目保立等悉行誅戮。是日酉刻。兵勇又復入城。焚燒殺掠。提督黃金山等彈壓不從。甯夏城內火光燭

天。居民燒斃者無數。並將已交銀米搶掠殆盡等語。而都興阿摺中。並未將兵勇入城情形聲敘。是否回情中變。抑因各營兵勇彼此猜疑。致相攻殺。此次回眾投誠。係都興阿穆圖善會同辦理。其情節不應參差若是。蘭州距甯夏尚近。楊岳斌諒有所聞。著該督迅將該處情形詳細馳奏。以慰廬繫。穆圖善摺片。都興阿摺。均著鈔給楊岳斌閱看。將此由五百里諭令知之。尋奏。查由蘭州以至甯夏中

間多為回氛阻隔。傳說無稽。俟得確耗。再行具奏。惟納家牘事關緊要。懇專飭穆圖善布置。得旨。納家牘安插事宜。屢有寄諭。責成穆圖善妥辦。其都興阿穆圖善辦理甯郡回匪投誠。勦撫兩歧。仍著確查據實具奏。○予河南南陽陣亡千總廖得勝等三十九員祭葬。世職加等。○展緩山東濟甯廳城鄒平長山齊河臨邑長清肥城東阿東平平陰惠民濱泗水嶧汶上城武定陶鉅野濮范蘭山茌平平度昌邑嘉祥齊東濟陽禹城青城陽信海豐霑化甯陽滕陽穀壽張荷澤曹鄆城觀城朝城郟城聊城魚臺四十五州縣暨德州東昌臨清濟甯四衛東平所屯莊被水被旱被蟲被風被雹被擾地方本年應徵額賦並鹽蘆各項雜課。○豁免湖南鄆縣被水地方失額田畝咸豐三年後未完額賦。○乙丑諭軍機大臣等。德英等奏擊退攻撲長春廳大股賊匪。並伊通被擾。請飭蒙古黑龍江各派兵

合勒摺片。馬賊竄擾長春廳。經德英等派令依克唐阿等帶兵進攻。殲斃匪首劉果發姜老道等多名。又經松鶴密帶練勇擒獲匪首周榮等正法。馬傻子等率眾攻撲長春廳。亦經擊退。而伊通地方又被該匪乘虛竄擾。吉林賊眾兵單。實不免顧此失彼之虞。現在德英已添派防省馬隊赴伊通助剿。兵數甚微。無濟於事。且恐省城又復空虛。再蹈伊通覆轍。前論文祥等將吉林在奉省馬隊撥回。著卽全數調撥。令回吉林。交德英等妥為調派。以資厚集。德英等仍先就現有兵力。飭令嚴扼長春廳伊通等處。痛加勦洗。毋得再有疏失。致干重咎。所請調蒙古郭爾羅斯公就近派兵赴援長春廳著文祥等與伯彥訥謨祜會商妥調。其黑龍江官兵能否由呼蘭吉林伯都訥一路前進。會吉林官兵合剿之處。著寶善斟酌情形。妥為辦理。另摺奏道路梗阻尋常事件。仍請隨報奏陳等語。吉林道路未

通尋常應辦事件。無關軍務者。准由馬遞馳奏。不得輒附五六百里急遞。俟軍務告竣。仍照常派差弁齎遞。以符定制。將此由五百里各諭令知之。○廣西巡撫張凱嵩奏。收復那檀。現飭合圍山澤老巢。迅圖蕩事。得旨著卽督飭劉培一等乘勝進攻。迅拔孫逆老巢。毋稍延緩。並著知照瑞麟等。嚴飭靈山等縣合力兜剿。聚殲醜類。以靖邊圉。又奏軍務未竣。請將本年大計展限舉行。從之。○以四川官

軍歷年防勦滇黔竄匪。並克復貴州仁懷縣城出力。賞總兵官胡尊賢。王聚蘭一品封典。總兵官胡福榮。賀玉貴。副將王萬青。辜勝九。何乃輝。羅榮貴。胡芝瑞。陳均山。鄧續寅。蘇傳堂。鍾福俊。王與仁。成鼎臣。成復清。參將周新二。譚太和。李崇秀。巴圖魯名號。遊擊譚迎全。等花翎。知縣趙鴻藻等藍翎。餘加銜升敘。開復有差。○予吉林長春廳陣亡委參領凌陞祭葬世職加等。○免福建本年例貢品物。○

丙寅。

上詣

時應宮拈香。○御紫光閣。賜蒙古王貝勒貝子。公台吉呼圖克圖暨琉球使臣等宴。並賞賚有差。○諭內閣。駱秉章奏。假期已滿。目疾仍未就痊。懇請開缺調理一摺。駱秉章自簡任四川總督以來。於吏治軍務。辦理甚為妥協。現在鄰境賊氛未靖。籌餉籌兵。均關緊要。未便遽如所請。駱秉章著毋庸開缺。再賞假

四箇月安心調理。四川總督仍著崇實暫行兼署。○諭軍機大臣等。前因巴里坤需餉甚亟。諭令德勒克多爾濟將現存稅銀一萬兩。備解烏城。以便訥爾濟就近迎提。茲據訥爾濟奏稱。巴里坤駝隻無幾。難於轉運糧石。擬由附近巴里坤一帶採辦兵糧。請飭綏遠城將軍撥歸綏道庫稅銀解赴烏里雅蘇台等語。著德勒克多爾濟即將前撥殺虎口存儲歸綏道庫稅銀一萬兩。派委妥員迅速解往。

烏城交明誼查收一面知照廣鳳奎昌飭令科布多站員妥為護送以利進行並著訥爾濟派員赴烏城就近迎提至巴里坤應用將此由五百里各諭令知之○總理各國事務衙門奏酌派前任山西知縣斌椿率同官生等前赴外國遊歷採訪風俗從之○賞科爾沁貝子阿敏烏爾圖子三等台吉巴咱朗根阿巴噶扎薩克頭等台吉都噶爾布木子三等台吉勒拉濟勒桑都布花翎命巴林貝子索哩雅子二等台吉色旺諾爾布在乾清門行走○以巴里坤守城出力賞遊擊凌祥等花翎外委劉漢章等藍翎餘升敘有差○丁卯。

世祖章皇帝忌辰遣官祭

孝陵○

上以孟春時享

太廟自是日始齋戒三日○戊辰諭軍機大臣等左宗棠奏官軍漸偪嘉應現籌合圍及龍

溪勦匪情形各一摺汪逆盤踞嘉應左宗棠籌調各軍分路進勦其東北之高連陞劉清亮兩軍由樟樹坪進紮遇賊於雙板橋一帶血戰數時雖將賊擊退而哨弁傷亡不少東西南三路駐紮之粵軍亦復被賊掩襲或失去營壘是賊勢雖威而兇鋒頗張該督現進大埔分布劉典王德榜黃少春高連陞康國器等軍互相聯絡嘉應州城東路東南東北及北路長圍之勢漸成正可力圖進取昨據劉坤一奏鮑超已於十二月初六七以次前進平遠之相公亭席寶田劉勝祥兩軍於初九十以次前進東石大柘兩路官軍計日業已到防自可遏其北竄平遠西竄興甯之路即著左宗棠督飭各軍剋期齊進務期步步近逼合力兜圍毋留縫隙以收聚殲之效並著瑞麟郭嵩燾檄令鄭紹忠方耀等軍與江閩之兵互相聯絡嚴密布置儻粵省帶兵員弁不能得力致賊鋌走即由左宗棠嚴叅治

罪。鮑超及江西客軍入粵。人地生疏。瑞麟等務須設局寬為採辦軍米。以期無誤兵食。劉坤一並著迅速前旨。出省督飭各軍會攻一面。嚴扼本境邊防。毋稍疏懈。賊見長圍勢合。擄船下竄。潮郡必在意中。左宗棠瑞麟等務當多備礮船。飭令黃聯開朱明亮水陸各軍嚴備要隘。毋令賊蹤善脫。又成不了之局。龍溪縣社匪郭凸郭好等踞寨從逆。怙惡不悛。經左宗棠調派羅大春等將該寨匪徒殄除。

淨盡。自此漳州龍溪著名土匪一律肅清。實屬大快人心。另片奏粵東籌餉事宜。已交戶部議奏矣。將此由六百里各諭令知之。○命浙江布政使蔣益澧馳赴廣東辦理軍務兼籌糧餉。○實授鮑超浙江提督。○以懲祿忘親。革福建縣丞唐長壽職。永不敘用。○予廣東雙板橋陣亡知縣汪遇元等十七員祭葬。世職加等。○予福建龍溪陣亡千總鄭炳星邵來旬祭葬世職。○予河南各屬陣亡殉難

紳民婦女一千一百五十名口分別旌卹如例。○豁免廣西陣亡殉難知府孫蒙等四十員虧短交代銀米。○

上以次辛祈穀於

上帝。自是日始齋戒三日。○己巳。

上以孟春時享

太廟。前期親詣行禮。○諭軍機大臣等伯彥訥謨祜奏馳抵錦州沿途地方情形。土默特貝勒報效馬匹各摺片。該親王於正月初五日

行抵錦州。途遇大小車輛紛紛西來。並乘騎馬驢及步從之人絡繹不絕。內多攜帶婦女形跡可疑。難保非馬賊飽掠。另圖竄匿他處。亟應力為防範。著劉長佑麟慶長善徐廷楷嚴飭將弁並各該地方官於關津渡口實力盤查。如實係賊匪偷越。即行拏辦。仍不得藉端訛索。擾害良民。哲里木盟長達爾漢親王索特那木彭蘇克所挑馬隊千名。迄今音信杳然。著伯彥訥謨祜嚴催該盟長等星速挑

齊備調。儻再遲延。卽由該親王據實嚴叅。土默特貝勒散巴勒諾爾贊報效戰馬一百匹。尚屬急公。所有該貝勒應得獎敘。著理藩院照例辦理。此項馬匹。就近撥赴伯彥訥謨祜軍營。以備攻勦之用。將此由四百里諭知伯彥訥謨祜。劉長佑。麒慶長善。並傳諭徐廷楷知之。○又諭都興阿奏甯郡回逆投誠。將前後辦理情形。縷晰詳陳一摺。覽其所奏。與穆圖善前奏相符。都興阿因該回等未能遵限

獻城。且城內逗遛回人不少。所繳馬匹。又皆疲乏不堪。並非戰馬。該匪等首鼠兩端。都興阿將保立等正法。並帶隊進城。搜查驅逐。恩威並用。所辦甚屬認真。現在城南各營布置已妥。回眾亦甚安靜。都興阿自請從重治罪之處。著加恩寬免。惟奉省賊勢猖獗。亟盼該將軍會同文祥等督兵進勦。著恪遵疊次寄諭。星速起程。馳赴奉省。以副委任。穆圖善身為甯夏將軍。且有督辦軍務之責。所有甯夏

善後事宜。及納家插安插回眾諸務。穆圖善務當斟酌輕重緩急。妥協辦理。聯捷業經革職。應卽遵旨。隨同成祿出關勦賊。諒不敢再行干預。辦撫為逗遛計。穆圖善切不可再信其言。致誤大局。都興阿離營後。穆圖善責無旁貸。設或善後一切事宜。未能周妥。致已成之局。又生他變。屆時縱思諉過他人。以善自文飾。朝廷惟知治穆圖善以辦理不善之罪。杜嘎爾本係甯夏副都統。所統馬隊數百人。

仍留甯夏軍營。最為得力。著都興阿斟酌情形。妥籌調撥。迅速奏聞。都興阿前往盛京。隨身親兵。可以酌帶。惟所募之勇。須酌量裁汰。歸併穆圖善軍營。不可帶往盛京。至收復甯夏時。藉勢燒房搶擄之兵勇。著穆圖善嚴密訪查。將為首滋事者正法。以肅軍律。不准含糊了事。甯夏府城業已收復。亟需文武員弁前往料理。著楊岳斌嚴飭道員三壽知府孫家穀等。速赴本任。以重職守。毋任遷延。將此

由六百里各諭令知之○蠲緩廣西岑溪容
宣化橫永瀋新甯崇善左柳城來賓象賓上
林天保歸順貴武宣永康甯明馬平雒容武
緣遷江凌雲西隆臨桂靈川陽朔義甯平樂
荔浦賀蒼梧藤桂平平南融宜山思恩三十
九州縣暨太平安平二土州被旱被擾地方
新舊額賦有差○庚午享

太廟遣惇親王奕詝恭代行禮○遣官祭

太歲之神○諭軍機大臣等戶部奏籌撥奉

省月餉一摺奉天調集官兵勦捕匪徒需用
月餉較多必須籌撥有著之款源源接濟方
可無誤要需著閻敬銘於戶部前撥山東地
丁餉銀外再由該省地丁項下每月協濟銀
二萬兩自本年正月為始派委妥員按月解
往奉天此項餉需關繫最重閻敬銘不得稍
有推諉遲延致干咎戾並著文祥福興慎選
委員於山海關交界處所迎提護解以免疏
虞至山海關本年稅銀現據戶部奏稱並未

指撥京餉即著文祥等隨時酌量就近提用
將此由四百里各諭令知之○又諭恩合等

奏勦賊獲勝情形及商派富平阿守護

永陵各摺片所稱恩科穆錦等於開原等處疊

獲勝仗有無鋪張粉飾著文祥福興查明具

奏其扎朗阿在邊外三道林子勦賊獲勝情

形著一併查覈明確據實具奏至各股賊匪

均向邊北竄去文祥福興當調派兵勇咨會

吉林熱河等處官軍會合兜勦毋令紛竄徐

占一所部能否勦賊立功恩科穆錦等帶兵

能否得力並著文祥等隨時察看其反獄逸

犯並零股土匪仍著嚴密查拏懲辦務絕根

株富平阿前已有旨以協領降補所有

永陵附近地方應如何添派大員督兵分布設

防之處著文祥福興額勒和布恩錫熟商妥

籌務臻周密恩合等摺片三件著鈔給文祥

福興等閱看將此由四百里各諭令知之○

又諭喬松年奏楚境竄賊情形並派兵會勦

一摺賊匪因成大吉營勇丁譚潰躡蹤南趨盤踞於麻城黃岡之間分擾羅田黃陂一帶勢甚蔓延。喬松年現飭總兵王才秀四營馳赴麻羅擇要駐紮視賊所向與鄂軍併力追剿尚能不分畛域著卽嚴檄該總兵認真剿辦毋稍鬆勁張得勝一軍現已改令駐紮麻埠並於雉河防軍內抽撥三營填紮三河尖防堵亦尚周密。曾國藩現已派兵由豫援鄂著該大臣卽飭劉銘傳等軍奮力追剿賊旣分擾麻黃羅田各境則股數以分而較弱剿辦當易為力務當就地殄盡不可再任北竄致成不了之局。黃麻等處團練素稱得力官文鄭敦謹宜聯絡紳團協同助剿並嚴督鄂省將士實力進攻不得以本省軍務專待他人援應賊被劉銘傳援軍由北路追壓勢必南趨漢黃官文鄭敦謹尤當厚集水陸兵勇嚴密堵剿毋稍疏虞沿江一帶著曾國藩調撥水師防堵英霍舒桐等處喬松年當留意

防範成大吉所部潰勇現在辦理情形如何官文等自當力行籌剿擒獲首要各犯盡法懲治不得含糊粉飾使滋事兵弁得遂所願轉致各營紛紛效尤現在情形若何並著喬松年就近探明具奏將此由六百里各諭令知之尋喬松年奏成大吉潰勇經官文籌給欠餉已收集七營新洲地方踞賊現調張得勝王才秀合力堵剿得旨仍著飭令張得勝王才秀等隨時嚴密防範毋稍疏虞○以惠端親王安葬園寢命鍾郡王往奠茶酒○豁免河南省咸豐九年前民欠錢糧暨停緩帶徵等項銀穀○緩徵安徽壽鳳陽宿懷遠鳳臺阜陽潁上亳蒙城盱眙五河滁全椒來安懷甯桐城潛山太湖宿松望江貴池銅陵建德東流當塗蕪湖繁昌合肥無為舒城廬江巢定遠靈璧霍邱太和泗天長和含山四十州縣暨屯坐各衛被水被旱被擾地方新舊額賦漕糧有差○緩徵奉天三姓雙城堡歉

收地方本年銀穀。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十五

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十六

教修

同治五年丙寅正月辛未祈穀於

上帝遣怡親王載敦恭代行禮○

孝全成皇后忌辰遣官祭

慕陵○以直隸永定河防汛出力予道員徐繼

鏞等議敘加銜有差○壬申諭軍機大臣等

崇實駱秉章奏請留貴州提督在川帶兵防

剿一摺前因貴州軍務喫緊簡授周達武為

提督令其即赴新任茲據該將軍等奏稱滇

黔各匪時圖竄川周達武一軍三面馳防有

應接不暇之勢恐驟易生手必難調習等語

周達武著准其暫留四川。俟邊防稍鬆。接替得人。卽令馳赴新任。至趙德昌一員。在黔未能得力。因勞崇光等密請調離本省。是以有旨令赴四川。交崇實等差委。著俟到川後。由該將軍等妥為鈐束。毋任妄為。勞崇光等密摺一件。著鈔給閱看。將此由四百里各諭令知之。○雲南巡撫林鴻年奏。現在所部前哨親兵。於十二月二十一起程。惟滇境山徑險僻。村落成墟。必須直抵昭城。方堪駐紮。得旨著卽懷遵。疊次諭旨。迅速赴滇。相機進取。毋得徒託空言。一奏塞責。自取咎戾。懍之。○癸酉。

上御乾清宮。賜近支親藩等宴。○諭內閣。前據萬青黎下寶第奏。官荒地畝。擬試墾水田。當經諭令崇厚會同順天府直隸總督派員履勘。茲據萬青黎等勘明海河北岸。自邢家沽起。至卧河村止。開濬環渠。中開洩水渠一道。渠旁兩岸。可開墾稻地五百餘頃。計需渠工。

約銀八千數百兩。此項銀兩。准由崇厚借款興辦。卽著督飭委員招戶認墾。將酌定章程及應行事宜。認真經理。一俟辦有成效。仍當將附近一帶荒地。次第開墾。以興地利。而裕民生。○福建巡撫徐宗幹奏。邊防未靖。請將各屬動缺倉穀。從緩買補。報聞。○甲戌。宣宗成皇帝忌辰。遣官祭。

慕陵。○

上詣

奉先殿

壽皇殿行禮。○乙亥。

上詣

大高殿

壽皇殿行禮。○御保和殿。賜文武大臣。蒙古王。

貝勒。貝子。公。額駙。台吉。暨琉球使臣等宴。○

奉

慈安皇太后

慈禧皇太后幸漱芳齋。侍午膳。○諭軍機大臣。

等前據德英等奏。伊通被擾。當經諭令文祥、福興將吉林在奉省馬隊全數撥回。並諭令文祥等與伯彥訥謨祜商調蒙古郭爾羅斯公旗就近赴援。長春令寶善派兵與吉林會剿。茲據德英馳奏。賊匪潛越江東。另股匪徒竄近省垣。並探聞伯都訥被匪占踞。請飭各路派兵速援。各摺片。賊眾由長春廳退屯農安附近靠山屯一帶盤踞。卽由靠山屯青山口分路竄過江東。在三家子屯遜扎保站一帶肆擾。並欲向石頭城子、雙城堡等處擄掠。另由奉省圍場竄出馬步賊匪五百餘名。已過輝法河。直奔杉松蛟河等處。距吉林不過百餘里。現在奉省大股匪徒業已全數竄過吉林。該省地廣兵單。處處皆賊。難於兼顧。勢甚危急。亟宜由各路派兵馳赴援應。以顧大局。文祥、福興務當遵奉前旨。飛速飭令吉林在奉天馬隊官兵全數趕回吉林。交德英調遣。以顧根本。並與伯彥訥謨祜迅卽妥商酌。

調郭爾羅斯公旗蒙古兵馳赴長春廳一帶就近會剿。其黑龍江官兵卽著寶善懷遵前旨迅速派兵馳援。應由何路進兵。前赴吉林。卽由寶善酌度機宜辦理。德英仍當就現有兵力妥為防剿。雙城堡等處亦宜激勵該處嚴密圍防。毋稍疏虞。伯都訥失守。信息是否的確。並著德英速卽查明實在情形具奏。該處距黑龍江所屬地方較近。寶善務須速派將領帶兵前往防堵。毋令賊蹤竄擾。益滋蔓延。本日據軍機大臣呈遞文祥寄恭親王等信。函有派兵由昌圖廳一帶進至長春廳與吉林兵前後夾擊。所籌甚合機宜。卽著迅籌辦理。並與伯彥訥謨祜商催哲里木盟蒙古馬隊趕緊會剿。何路緊急。卽由何路進攻。劉榮合馬隊本日已寄諭劉長佑催令卽赴奉省。俟到奉時。卽由文祥等酌量派往吉林剿賊。以期得力。德英等摺片各一件均著鈔給文祥、福興閱看。將此由六百里各諭令知之。

○又諭前據劉長佑奏調派總兵劉榮合於楚勇內挑出精壯數十名並酌帶馬隊百數十名馳赴薊州護解餉鞘出關前赴奉天茲據德英等奏奉省賊匪分股北竄吉林兵力單弱防勦俱形喫緊必須由奉天派兵前往夾擊方可收聚殲之效文祥等所帶馬隊僅千餘名尚覺不敷分布劉榮合既據該督前奏稱其久歷行陣素號勇敢現在餉銀計日當可到薊著即嚴飭該總兵迅帶所部護解前進到奉時即由文祥等酌量派往吉林勦賊以期得力將此由四百里諭令知之○又諭吳昌壽奏賴牛等逆南竄楚疆張逆折回豫境調兵截追一摺張總愚股匪竄入襄陽東陽屬境經姜玉順宋慶等軍兜勦折向北趨分竄唐縣新野一帶復經官軍追擊攻拔呂營陳營等寨該逆悉向新野之白秋田九店一帶竄逸馬德昭一軍前因賴牛等逆竄入黃孝等處經吳昌壽派令越境追勦現因

張逆回竄豫軍不敷調派復調該軍折赴舞陽葉縣一帶迎頭攔截著即飭令馬德昭與宋慶等軍前後夾攻毋任狂竄成大吉所部潰散之後是否尚能成軍黃孝一帶賊氛甚熾官文鄭敦謹務當遵照疊次諭旨添派得力之兵認真堵勦毋令賊蹤深入劉銘傳一軍現已行抵正陽距黃州不遠著曾國藩即飭該提督統率全軍入楚會勦務當窮賊所向痛加勦洗毋稍遲誤李昭慶所練馬隊刻下計可部署成行並著曾國藩酌度情形何路緊要即令由何路進勦該大臣務當察看豫楚賊情妥籌兼顧以副委任將此由六百里各諭令知之○又諭左宗棠等奏官軍進徧嘉應東路痛勦撲壘悍賊大獲勝仗首逆伏誅一摺康逆汪海洋知官軍漸次進紮率領全股悍賊乘我軍初至營壘未固猛力衝撲經劉典黃少春高連陞同心共濟謀勇兼資在事將士踴躍用命勇氣百倍大獲勝仗

殲除汪逆。自應乘賊勢新挫之時。一鼓作氣。聚而殲旃。左宗棠現率親兵由松口前進。飭令高連陞等軍分布各路。四面兜剿。布置甚合機宜。卽著督飭各軍合力進逼。嚴密堵剿。其方耀、鄧安邦、鄭紹忠等軍。並著瑞麟、郭嵩燾飭令迅速進紮。儻敢稍涉遲延。致罅隙未彌。賊得竄突。必將該員等從重治罪。鮑超已抵平遠。著左宗棠調令進屯西北平城鋪一帶。會師剿賊。並著劉坤一迅檄席寶田等軍。由西北步步進兵。務令四面合圍。使此股殘寇飛走路窮。盡行殄滅。以彰天討。而靖疆圉。有厚望焉。將此由六百里各諭令知之。○又諭林鴻年奏。副將不遵劄撤。捏詞招募。恐擾地方一摺。湖南儘先副將李宜泰。由川回湘沿途需索。夫馬船隻。屢經林鴻年劄撤申飭。並分咨四川湖南各督撫勒令回籍。不准干預滇事。該副將擅敢私刻鈐記。捏詞募勇。招有楚省員弁康志亮等數營勇丁。自湖南寶

應起程。由四川秀山縣前進。實屬不安本分。任意妄為。儻任令長途行走。必至另生枝節。貽害地方。卽著崇實駱秉章、李瀚章嚴飭所屬地方員弁。查明李宜泰行抵何處。迅卽勒令該副將所募勇丁趕緊撤散。並提同康志亮等嚴訊確情。分別嚴叅懲辦。以肅戎行。將此由五百里各諭令知之。○以廣東嘉應剿賊獲勝。殲斃首逆汪海洋。賞副將樂連生甘大有、劉傳儀、高方吉、周玉堂、巴圖魯名號。遊擊張佑廷、花翎軍功鍾雲杰等。藍翎總兵官簡桂林等。加銜升敘。開復有差。予陣亡副將陽命伸、參將周壽臣等。祭葬世職。加等都司歐隆勝守備蔡文蔚等。祭葬世職。○予廣東嘉應殉難遊擊英秀祭葬世職。加等建專祠。○丙子。上御乾清宮。賜大學士尚書等宴。○諭軍機大臣等。文祥等奏酌派馬步各隊出邊追剿。並勸捐馬匹各摺片。王起等股匪竄擾伊通等

處邊內現無大股賊匪。自應出邊追剿。以期迅殄逆氛。文祥等現派馬步隊三千名。交定安等帶赴昌圖協剿。並派洋槍隊五百名。赴興京扼紮。著卽飭令定安等懍遵昨日諭旨。督飭各軍視賊所向。實力進剿。會同吉林等處官軍。三面夾攻。以收聚殲之效。文祥等所帶吉林馬隊。既據奏稱極為疲乏。難為緩急之用。卽著將前調黑龍江馬隊一千名。留於吉林。歸德英等調遣。以資防剿。奉省紳商捐輸馬匹。文祥等擬先發給實收。或量給頂帶功牌。俟有成效。再行奏定章程。覈給獎敘。均著照所請行。大凌河馬羣應交料馬五百匹。迄今尚未解到。實屬延玩。著慶春迅速如數挑選。解赴文祥等軍營備用。毋再遲延干咎。將此由四百里各諭令知之。○工部尚書文祥奏遵查金州投誠之匪。刦獄一案。據拏獲逆犯供稱。王小泉曾帶夥黨入城。給獄犯送菜。內藏器械。該犯等刦獄出城後。卽有賊匪

接應等語。是實係刦獄。並非反獄。王小泉於張登擊敗後。逃至本溪湖。僅勝二十餘人。分匿山內。現在購綫密拏。務獲究辦。報聞。○以奉天張登剿賊獲勝。賞已革總兵官博崇武五品頂帶。千總冉鳳文以守備用。並賞花翎。把總張廷法等藍翎。餘升敘有差。○戊寅諭內閣。倉場侍郎鍾岱。宋晉奏排造船隻。請格外加增價銀一摺。著照所請。所有該倉場現在排造船四十隻。每隻於例價加價外。准其增領銀三百二十一兩五錢。卽著戶部於該倉場年前借撥銀十萬兩內。先行撥給銀五萬兩。為排船並先漕各事之需。此項銀兩。向由該經紀等分作十年攤扣歸款。既據該侍郎等聲稱。經紀所得江浙津貼無多。實形竭蹶。著准其分作十五年均攤。以紓役力。其排造船河船隻價值。著仍照上年成案辦理。不准加增。借支銀兩。仍由車戶分作十年。與前款接併攤扣。該侍郎等卽督飭坐糧廳等妥

為辦理務使工堅料實不得稍有虛糜俟驗米大臣到通時再行查驗另片奏萬安等倉木料請籌價運交木倉及興修石壩號房各等語萬安裕豐兩倉木料城軌等項著工部妥為查覈奏明辦理其拆修石壩號房用銀五千七百餘兩即著於該侍郎等奏撥辦漕銀十萬兩內發給仍於通庫輕齋項下實用實銷署石壩州判汪瀛准其留署該缺以資熟手○諭軍機大臣等德英富爾孫奏賊眾

合股竄擾省會情形危急請飭催大兵援救一摺逆匪王洛七馬傻子徐姓等突竄伯都訥劫獄開庫將署副都統常奎署同知安榮縛載東竄旋入雙城堡境闖入堡城盤踞撿括德英富爾孫有統轄之責未能先事豫防實難辭咎著一併交部議處吉林地廣兵單賊勢猖獗文祥福興已派定安等統帶馬步三千名前赴昌圖協剿即著督飭定安等迅速東行現賊所向併力進剿不得稍有遲延

致有貽誤德英富爾孫仍當就現有兵力嚴密堵剿保全省會重地其協領富明阿等所帶之兵仍著斟酌賊情趨重何處調往何處迎擊不得株守一隅顧此失彼文祥等前調之黑龍江馬隊一千名昨已有旨令其留於吉林歸德英等調遣著即知會寶善迅催此項馬隊星夜馳赴吉林以厚兵力毋稍延誤常奎安榮是否被害著德英等查明據奏本日據曾國藩奏烏爾圖那遜馬隊現同劉銘

傳赴鄂若由楚赴遼程途太遠且僅調弁兵百餘名誠恐於事無濟已令駐紮陳州之色爾固善一軍並高福一起托倫佈一起共計九百餘人起程赴奉等語此項馬隊均係吉林黑龍江弁兵久從征役還救桑梓必能得力著文祥等催提前進酌量調赴吉林助剿將此由五百里各諭令知之○又諭德英等奏軍務緊急現將發商生息本銀抽充兵餉請飭催山東協餉以資彌補一摺吉林馬賊

肆擾奉天各匪。又復竄至該境。伯都訥、雙城、堡均被占踞。賊眾兵單。德英等現在調集各路援軍。相機勦辦。需餉萬分緊要。該署將軍等現將從前三次發商生息本銀八萬兩。暫為抽提。以作支發。在防在隊各官兵勇役餉需之用。自屬移緩就急之策。惟此項發商銀兩。每年應得息銀。均歸正款覈銷。款項亦關緊急。自應隨時彌補。仍舊發商生息。以歸公用。著閻敬銘即將戶部指撥山東協餉銀五萬兩。迅速派員解赴奉省。轉解吉林。以濟急需。毋稍延誤。將此由五百里諭令知之。○又諭曾國藩奏遵派馬隊回援奉天。並請令劉秉璋襄辦軍務各摺片。奉天所屬各股馬賊。現已全數竄擾吉林。該處兵力單薄。勢甚危急。文祥、福興所部兵勇。本屬無多。援勦不敷。分布。曾國藩以烏爾圖那遜所部兵數較少。鄂省距奉天程途稍遠。現改派色爾固善等管帶吉林黑龍江馬隊九百餘人。卽日由陳

州起程。馳赴奉天。實屬不分畛域。力顧大局。劉秉璋統帶淮軍。素稱得力。著李鴻章卽飭令該學士迅赴曾國藩軍營。襄辦軍務。俟該學士到營後。應行駐紮何處。卽由曾國藩酌度情形辦理。將此由四百里各諭令知之。○庫爾喀喇烏蘇領隊大臣李雲麟奏赴任道阻。請繞赴甘省大營。隨同出關。得旨著俟道路疏通。卽行進發。不准繞由甘省行走。藉詞延宕。○緩徵湖北嘉魚、漢陽、黃陂、沔陽、天門、江陵、公安、石首、監利、松滋、十州縣被水地方。應徵漕糧。並展緩嘉魚、漢陽、漢川、黃陂、孝感、沔陽、鍾祥、京山、潛江、天門、江陵、公安、石首、監利、松滋、枝江、荊門、江夏、黃岡、廣濟、二十州縣暨武昌等衛被水被旱地方。新舊額賦雜課有差。○己卯。上御撫辰殿大帷次。賜王公大臣蒙古王貝勒貝子公額駙台吉暨琉球使臣等食。○諭軍機大臣等。張之萬奏遵議籌運新漕。請飭撥

款並請催找撥不敷等銀各一摺。本年江北新漕經戶部奏准一半照舊辦運。所有挑河修插各事宜自應早為辦理以期無誤。運行茲據張之萬奏稱估計四廳所屬各汛塘長河淤淺工段必需挑挖者共估挑工銀二萬五千五十餘兩。此項銀兩尚有前經鄭敦謹奏准未撥銀二萬五千六十餘兩足敷挑工之用。即著張之萬催提前項銀兩趕緊興辦。其餘各廳另案工程共需銀五萬兩著閻敬

銘即飭藩運兩司如數迅速籌撥毋稍遲延。至上南廳等處歲修土工亦應趕早興辦。前經張之萬奏准指撥壬戌年找撥不敷彌補舊欠之項並續請添撥歷年節省防險銀六萬兩及應撥丙寅年歲料例價歲麻加價四成銀兩著吳昌壽遵照前旨迅速撥發俾辦工不至遲誤。是為至要。將此各諭令知之。○又諭馬新貽奏總兵出洋巡哨遇賊被害調兵殲擒巨寇一摺。此股外洋盜匪膽敢於水

師巡哨之時駕駛廣艇圍裏師船抗拒官軍致令署總兵剛安泰等同時戰歿實屬罪大惡極。現經署副將張其光等統率師船駛往勒捕立將首匪梁彩斬馘斃匪多名奪獲船隻器械並擒獲戕害官軍各犯勒辦尚屬迅速著馬新貽將省城事宜妥為部署即馳赴甯波海口督飭在事各員弁將餘匪搜捕淨盡務絕根株以清洋面將此諭令知之。○以浙江勒辦主山洋匪獲勝賞副將張其光巴

圖魯名號予陣亡總兵官剛安泰遊擊蔡鳳占千總江潛蛟把總年仁彪祭葬世職加等○庚辰諭軍機大臣等趙長齡劉蓉奏秦犯陝回逆回竄平固涇防缺糧慶臺勒捐不解一摺據奏前竄隴州逆回經官軍奮擊疊勝該逆已由靈臺崇信一帶竄回平固惟涇州糧餉缺乏楊能格將紳民捐定糧石勒解慶陽不准運解涇州庇護雷正綰通同一氣專與譚玉龍龔銘等語楊能格自叅劾周顯承後

與涇州營將積不相能。若仍令管理慶陽糧臺。恐難得力。本日業經明降諭旨。楊能格毋庸辦理慶陽糧臺。即著林壽圖迅速馳赴慶陽接辦糧臺事務。並准其專摺奏事。將各營糧餉酌度緩急。均勻撥解。以利軍行。其陝西藩司一缺。著劉蓉派員署理。以便林壽圖交卸前進。並著楊岳斌檄飭楊能格。俟林壽圖到慶陽接替後。即赴甘肅臬司本任。仍一面聽候楊岳斌等查辦。毋許逗遛。甯夏府城雖已收復。移圖善尚須督兵規取靈州及金積堡等處。自應厚集兵力。藉資攻勦。雷正綰應否調赴甯夏軍營。隨同移圖善辦理軍務之處。著楊岳斌、劉蓉遵照前旨。迅速覆奏。前據劉蓉奏。雷正綰馬步不過千餘。茲據趙長齡奏。譚王龍將迅字五營撥交雷正綰帶赴平涼。統計雷正綰所部。仍不下二三千人。若竟斷其接濟。是激之使變也。林壽圖仍當斟酌情形。量為解濟。俾免譁潰滋事。趙長齡另摺

奏查訊大概情形。飛咨楊岳斌前赴慶涇會查具奏等語。逆回逼近蘭州。防勦正當喫緊。楊岳斌一時恐難出省。趙長齡若必俟楊岳斌到涇會查。轉恐耽延時日。著恪遵疊次諭旨。迅赴涇州。將周顯承被叅各款。及所供各節。秉公查辦。近來外省積習。往往偏執己見。迴護前說。趙長齡務當破除情面。認真查訊。一秉大公。毋得稍涉瞻徇。致負委任。正在寄諭間。據雷正綰奏。陳甘省現在情形。並布置前敵靈州回眾乞撫各摺片。所奏先取靈州。以剪河狄之羽翼各情。不為無見。靈州回眾能否將馬化澂父子捆獻投誠。雷恆李高啟曾否解到。著將雷正綰摺片鈔寄楊岳斌閱看。由該督酌度現在情形。妥籌辦理。楊岳斌奏聯捷因病出缺。所部馬步各軍暫行分別管帶等語。除聯捷係革職之員。毋庸議卹外。所有黑龍江馬隊。即著照楊岳斌所請。檄調來省。藉資訓練。如查有疲乏不堪策應者。仍

當隨時遣撤以節糜費其定字營勇現已就食涇州著暫歸譚玉龍兼管以資鈐束所需餉項仍著林壽圖酌量接濟將此由六百里諭知楊岳斌趙長齡劉蓉並傳諭林壽圖知之○以故車臣汗公銜扎薩克頭等台吉瑪哈蘇噶子德勒克依車車克襲職○命辦理慶陽糧臺甘肅按察使楊能格回任以署陝西布政使林壽圖辦理甘肅慶陽糧臺事務

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十六

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十七

教修

同治五年丙寅正月辛巳

孝穆成皇后忌辰遣官祭

慕陵○諭軍機大臣等前因左宗棠奏粵海關收稅請由督撫設法籌辦當諭令戶部議奏茲據奏稱該關積弊已深歷任總督監督縱不至盡屬肥己亦難保不受家人丁書之蒙蔽今左宗棠奏聞每歲不下二百萬兩與該關奏報銀數大相懸殊請飭兩廣總督廣東巡撫查明辦理等語粵省軍務日久未竣籌餉之難該督撫監督等亦所深悉豈容任聽

家人丁書。羣相吞食。視為故常。亟應嚴行查辦。著瑞麟。郭嵩燾。嚴密查明。該關各口實在收稅數目。以及蒙蔽情形。妥議章程。限三箇月內。詳細奏明。再由該部酌覈辦理。該督撫受恩深重。務當破除情面。秉公確查。儻敢飾詞迴護。有意彌縫。別經發覺。卽治該督撫以查辦不實之咎。原摺著鈔給閱看。將此諭令知之。○又諭。官文。鄭敦謹。奏。西路官軍擊賊出境。襄樊一帶肅清。現分路籌勦。及遣撤成

大吉一軍潰勇。請分別懲辦一摺。張總愚股匪。攻撲樊城等處。經江長貴會合譚仁芳。姜玉順等。及水師團練。疊擊大勝。斬擒首李城年。張大義等多名。賊向西北竄去。東路賴牛等逆。蔓延於麻羅黃孝諸境。經官文等調藍斯明等進擊。亦有斬擒。此股賊匪。尚盤踞於黃陂一帶。官文現令藍斯明等由孝感取道楊店。進攻黃陂一帶之賊。兼遏逆蹤。上竄德安之路。令總兵梁洪勝由溝口一路而進。兼

顧漢鎮。令唐協和趕募數營。為各路遊擊策應之用。令唐際盛馳赴東路。督率諸軍。專辦賴牛股匪。官文亦卽日出省。駐紮漢口調度。所籌均尚妥協。著卽督飭諸軍。認真勦洗。務須杜賊上竄之路。免致再擾完善。官文出省以後。省防事宜。著鄭敦謹悉心經理。毋稍玩忽。成大吉所部。首先滋事之潰勇。已正法十數名。其餘脫逃者。仍責令成大吉查拏懲辦。至現在各營招勇。不得以潰散勇丁復行應

募。以肅戎行。張逆竄向新野一帶。疊經諭令吳昌壽。督飭馬德昭與宋慶等軍。前後夾攻。著卽督飭該總兵等實力攻勦。毋再任其狂竄。劉銘傳一軍。曾國藩令其赴黃州協勦。李昭慶馬隊。應卽飭赴河南助勦。張樹聲已簡放直隸按察使。現在劉長佑赴三屯營防邊。直隸辦理南路防務需人。如張樹聲到任。卽可令李鶴年交替赴湖北新任。著曾國藩咨會李鴻章。迅派妥員。接署徐海道。催張樹聲

赴任。以重職守。將此由六百里各諭令知之。
○江西巡撫劉坤一奏。軍務未竣。請將本年大計展限舉行。從之。○陝西巡撫劉蓉奏。陝省叛產。變賣充餉。窒礙難行。得旨。即著設法招墾納租。認真籌辦。務使野無曠土。以裕國課。為經久之計。不得徒託空言。一奏塞責。○以約束營勇不嚴。革湖北提督成大吉職。總兵官曾昭仕革職。永不敘用。遣戍軍臺。○予江西各屬陣亡殉難從九品丁為章等紳民

婦女一千二百五十八名口。分別旌卹如例。
○壬午。河南巡撫吳昌壽奏。開封土匪史石柱。現經拏獲審辦。得旨。著嚴訊究辦。毋任狡展。逸犯李法等。並鄭州登封等股匪。均著嚴密查拏。務獲盡法懲治。以儆兇頑。而絕後患。不准敷衍了事。○予河南各屬陣亡殉難官紳婦女一千五百九員名口。分別旌卹如例。
○癸未。
孝聖憲皇后忌辰。遣官祭。

泰東陵。○諭內閣。林鴻年自簡任雲南巡撫以來。迄今一年有餘。疊經催令赴任。乃該員由川起程。遲延日久。始抵敘州。於一切勦匪事宜。辦理毫無把握。茲據崇實。駱秉章奏。滇匪李開甲等。屯聚滇境。林鴻年派員招撫。該匪等藉詞投降。意圖混入川境。又劉委李宜泰回湘募勇。在途招搖滋事。各等語。林鴻年由雲南知府。不數年擢任封疆。宜如何激發天良。仰副朝廷倚畀之重。乃畏葸無能。濫行招

撫。縱弁滋擾。貽誤地方。實屬溺職辜恩。大負委任。林鴻年著即行革職。以示懲儆。○諭軍機大臣等。前因成林奏。山海關稅項。儘解神機行營。接濟餉需。所有長善咨借修補軍裝銀兩。及續借各款。懇請暫行停止。當經允准。茲據長善奏稱。山海關為奉省門戶。沿邊一帶。毗連熱河。防務均關緊要。現擬將軍械暫緩修補。各隘防兵。全行撤回。俟有警再令赴防。惟巡哨偵探。實為守口要務。此項官兵口

糧無從籌措。請仍飭撥銀二萬兩等語。所奏尚係實在情形。著成林如數籌撥。陸續解交該副都統旗庫。以備支發。俟軍務完竣。再行分年扣還。該副都統當飭經手各員。撙節支銷。毋得稍有虛糜。以重帑項。將此諭知長善。並傳諭成林知之。○又諭本日據劉坤一奏江軍進逼嘉應獲勝。會同收復州城。並左宗棠、瑞麟、郭嵩燾奏收復嘉應州城。追剿竄匪全股蕩平。詳細情形各一摺。覽奏曷勝欣慰。

逆匪盤踞嘉應州城。屢思衝突出竄。經左宗棠督飭江粵閩三省之軍。面面兜擊。遂使該逆無路可竄。一鼓殲除。深堪嘉尚。惟投降之人為數過多。必須妥為遣散。分別安插。方免後患。閩粵地方。向多土匪。積年為患。亦應殄捕淨盡。永絕根株。並飭地方文武。將應辦善後事宜。認真妥辦。毋稍大意。所部各軍。自應由左宗棠會同瑞麟、郭嵩燾、劉坤一酌量分別遣留。惟現在東南雖已肅清。而捻匪竄擾。

北路、楚豫等省。到處戒嚴。防剿正當喫緊。鮑超一軍。前本令其馳赴北路助剿。此時粵賊業已辨結。即著左宗棠飭令統帶所部。迅赴楚豫之交。聽候曾國藩調遣。其江閩各路得力將弁兵勇。有可調赴楚豫江皖助剿者。並著曾國藩迅速函商左宗棠等。酌量調往。以期厚集兵力。早殄逆氛。左宗棠等仍當聽候曾國藩函商調派將士之信。分別遣留。不得先將得力諸軍概行遣撤。以顧全局。將此由六百里各諭令知之。○又諭劉蓉奏覆陳雷正綰情形。飭令前赴穆圖善軍營。並擊退竄擾隴州回匪。籌濟甘省軍糧。請催四川籌解捐銀。楊能格誤事情形。各摺片。逆目馬泳和假冒官兵。由固原繞路回至陝邊。撲擾涇州。經涇防將士勦力同心。立時擊退。勦辦尚屬認真。現在固原等處。回匪盤踞數萬。意欲乘此春融氣暖。紛竄陝疆。著劉蓉督飭防邊將士。實力堵禦。毋稍鬆懈。固原平涼一帶。為陝

省赴甘大路。回逆麇聚其間。聲息阻隔。蘭州省垣。米糧因此奇窘。勢成坐困。劉蓉現擬派兵由平涼進剿。疏通甘省糧路。實能不分畛域。力顧大局。並著楊岳斌酌帶親兵數營。督飭曹克忠。鞏昌之軍。進擣固原。與劉蓉所派劉玉興。譚玉龍。進剿平涼之師。前後夾擊。先清東面。以期疏通糧路。雷正綰既經劉蓉傳知。令赴穆圖善軍營。所有該提督部下將士。及逃赴涇州之親兵。並平涼赴涇之勇丁。均

著楊岳斌。劉蓉飭令併歸譚玉龍統帶。俾有約束。免致散而無紀。劉蓉所參楊能格分撥各營糧餉不均。並營私侵蝕各情。著楊岳斌確實查明。會同趙長齡覆奏。劉蓉原片。著摘鈔給閱看。昨已有旨。令楊能格回甘省臬司本任。慶陽糧臺事務。令林壽圖接辦。現在涇州需餉甚急。即著劉蓉迅飭林壽圖撥解餉銀接濟。毋稍延誤。四川前辦勸捐援甘銀兩。本日已寄諭崇實。駱秉章。迅解十萬兩赴陝。

劉蓉所請撤去慶陽糧臺。由該督擇員經理。以免分歧之處。著楊岳斌。劉蓉會同酌度情形。奏明辦理。原片著摘鈔給楊岳斌閱看。劉蓉仍當由陝省隨時籌撥銀糧。源源接濟。不得稍涉推諉。所陳穆圖善偏於主撫情形。本日已密諭該將軍。令其詳慎斟酌。不可偏聽誤事。將此由六百里各諭令知之。○又諭。前因甯夏收復。所有善後事宜。及納家牘安插回眾諸務。疊經諭令穆圖善妥協辦理。現聞

靈州逆回。亦有投誠之信。該將軍務當熟察誠偽。認真籌辦。不可偏重撫議。墮賊狡計。雷正綰與周顯承等。意見齟齬。已令其酌帶隨身弁勇。迅赴甯夏軍營。隨同穆圖善辦理軍務。穆圖善與雷正綰共事有年。想必能勦力同心。埽除賊匪。惟該提督近來專以招撫為事。恐為孫義和赫明堂。穆三楊大娃子等所給。穆圖善總當遇事詳慎體察。毋稍偏徇。庶操縱有權。機謀不至宣洩。雷正綰何日抵營。

並著穆圖善隨時具奏。靈州為首各逆必應擒獲正法。其投誠之眾非將軍械馬匹全數呈繳不准收降。經朝廷再三誥誡。該將軍如不能悉心體會。冒昧從事。致貽後患。必惟穆圖善是問。此係密旨。著不准一字洩漏。將此由六百里密諭知之。○又諭前因甘肅軍務緊急需餉甚殷。曾經諭令江蘇浙江湖北湖南等省按月派定協餉數目。源源接濟。茲據劉蓉奏稱。楊岳斌所部親兵斷炊飢困。且涇

州防軍以及穆圖善曹克忠成祿等營皆須量為兼顧。乃半年以來各省欠解甘餉積至四十餘萬兩之多。各軍飢困不堪言狀。若再不籌解濟。譁潰立見。請飭催各省迅解等語。即著官文曾國藩李鴻章馬新貽李瀚章鄭敦謹迅將同治四年欠解甘軍月餉及本年按月應協之款趕緊解陝。俾資轉運。現在甘省軍餉萬緊。非尋常餉項可比。該督撫等務當統籌兼顧。毋得稍分畛域。觀望遲延。貽誤

大局。勞崇光現已行抵平彝。雲南地方事宜在在需人辦理。著李瀚章傳知趙煥聯迅赴雲南臬司本任。以重職守。將此由六百里各諭令知之。○又諭崇實駱秉章奏官軍截剿大股滇匪獲勝。並林鴻年招降滇寇貽誤情形各摺片。滇邊苗土各匪兩萬餘眾銳意入川。分撲敘州。屢經胡中和督飭湘果各營以少擊眾。疊挫兇鋒。陣斬首要各匪。殲斃賊黨六七千人。該逆已敗逃出境。由雲南威信司

竄往嚴方地方。剿辦尚為得手。所有此次出力員弁勇丁及官紳團練著准其查明擇尤保奏。毋許冒濫。四川署建武營守備劉瀛因帶兵出防隘口。致建武營汛地被匪占踞。該營汛並無城池。現經官軍克復。著免其查辦。仍留營效力。現在敘永及合江綦江邊隘復有大股黔匪竄擾。崇實等已飭李輝南四營駐防瀘衛。周達武馳赴合江防剿。即著崇實駱秉章嚴飭各軍相機堵禦。毋稍疏懈。該署

督等所奏。滇匪李開甲等。屯聚滇境天星場。經林鴻年派員持劉招降。挑選五百名。發給口糧。其餘遣散。現在該匪等明投暗叛。攻破民堡。圖犯川疆。並該撫劉委李宜泰回湘募勇。中途招搖滋事各等語。本日已明降諭旨。將林鴻年革職。雲南巡撫著劉嶽昭補授矣。劉嶽昭前由川帶兵赴黔。即著崇實等知照。該撫迅即疏通道路。帶兵赴任。並著崇實等飭令胡中和嚴防叛匪。毋令入境。現據劉蓉

奏稱。陝省餉項奇絀。積欠太多。難於兼顧。涇州請飭催四川勸辦援甘捐輸銀兩等語。該省防勦緊要。即著崇實。駱秉章迅即督飭司道。將前項勸辦援甘捐輸銀兩。趕緊催收。十萬兩。派員解交陝西。以濟要需。毋稍延玩。將此由五百里諭令知之。○又諭。勞崇光奏。行抵滇境日期。及籌辦事宜。並密陳岑毓英馬如龍不和情形各摺片。滇省大局。決裂已久。必須有督撫重臣。前往鎮撫。整飭紀綱。方能

漸圖挽救。勞崇光現已行抵平彝。距省城僅止七站。自應迅速前進。且曲靖昭東大致尚覺稍安。馬如龍復稟稱省城地方安謐。尤當剋日進省。以赴事機。即著勞崇光斟酌情形。速行赴省。將一切防勦撫綏各事宜。妥籌辦理。務期漸挽頹風。以收撥亂反正之效。該督既稱馬如龍感恩圖報。何以於馬如龍稟請迎謁時。反阻其行。恐此舉不免生其疑惑。該督到省後。務當宣布朝廷德意。令其進勦杜

逆。力圖報稱。林鴻年自簡任滇撫。託辭逗遛。大員委任。本日已降旨將其革職。雲南巡撫命劉嶽昭補授。其雲南藩司。仍著岑毓英署理。著勞崇光傳知岑毓英。奮勉立功。去其偏隘之見。以臻和衷共濟之休。如該署藩司始終不能領悟。即著據實具奏。勞崇光所稱辦理滇事。要在克復大理。殲除杜逆等語。實屬切中機宜。即著實力籌辦。設法進兵。蕩平醜類。劉嶽昭到任需時。勞崇光一身獨膺艱鉅。

責無旁貸。務當澄心體察。力籌整頓。毋失機宜。將此由六百里諭令知之。○以雲南布政使劉嶽昭為巡撫。仍以補用道岑毓英署布政使。○改丁憂雲南提督唐友耕為署理。飭卽赴任。○以廣東收復嘉應州城。殲斃逆首譚體沅。賞閩浙總督左宗棠雙眼花翎。還署兩廣總督。將軍瑞麟。花翎。江西巡撫劉坤一。頭品頂帶。署廣東巡撫。郭嵩燾。二品頂帶。浙江提督鮑超。加一雲騎尉。世職。前浙江按察使劉典。廣東提督高連陞。雲騎尉。世職。劉典並賞一品封典。提督唐仁廉。譚勝達。曾成武。黃少春。福建布政使王德榜。黃馬褂。總兵官黎榮鈞。劉明燈。丁賢發。馬駿發。道員李耀南。副將張再勝。賴光斗。喻名揚。涂祖昌。賴長徐。連陞。江自康。易進春。宋定元。陳集賢。黃北海。譚勝清。黃喜光。謝復雲。陸金城。鄒玉林。戴清輝。杜登雲。吳茂軒。參將唐得勝。柳玉清。葉善明。朱長林。陳道亨。戴榮陞。巴圖魯名號。都司

彭錫芝等花翎。軍功王蓋臣等藍翎。餘加銜升敘有差。予傷亡副將宋成祥。陣亡守備鍾福春等四十三員。祭葬。世職加等。○予四川趙家壩等處陣亡副將張大有等三十三員。祭葬。世職加等。○甲申。諭內閣。崇實奏甄別州縣佐雜各員。請旨革職等語。四川候補同知徐鈞。心地糊塗。聲名惡劣。候補直隸州知州陳吉昌。性情浮躁。遇事鑽營。試用通判李肇培。借差招搖。需索夫馬。候補府經歷姚元霍。辦事羸率。舉動乖張。試用從九品李葆宸。行為乖謬。任性妄為。以上五員。均著革職。以儆官邪。○陝甘總督楊岳斌奏。軍務未平。請將同治元年大計展緩舉行。從之。○乙酉。諭軍機大臣等。劉長佑奏。馬賊較遠。北防稍鬆。酌擬居中籌辦。情形一摺。匪距山海等關二千餘里。內有邊牆之固。外有三省騎兵防剿兼資。自可無虞。竄越該督擬暫行回省。居中調度。留通水道英良在防。並飭令徐廷楷暫

同本轄地面。著准其暫回省城。清釐積贖。並將南北兩防事宜。妥籌兼顧。仍督飭英良駐紮三屯營。妥為操防。多設偵探。儻該匪有內竄消息。卽行飛報該督。酌量出省。至古北口地方。亦屬要隘。恐熱河餘匪潛蹤內竄。著徐廷楷卽回本轄地面。將迤北關隘。仿照在北各口。一律挑鑿深濠。築建牆柵。以臻周密。文祥函商該督籌撥兵勇。駐紮朝陽。該督以孤軍遠涉。饋運維艱。聲援易隔。不如將擬派之軍。分紮口內。更嚴戍守。卽照所請行。仍隨時酌度情形。妥為調度。將此諭知劉長佑。並傳諭徐廷楷知之。○戶部議覆陝西巡撫劉蓉奏墾荒章程。一正經界。叛絕各產。劃分段落。編立字號。客民應募者。查明來歷。給照永種。一定限制。叛產概令入官。絕產以三年為期。業主逾期不返。卽行截止。客民認墾者。期至六年。租糧及額。卽為永業。一緩錢糧。水田初年免租。止納正糧。旱田租糧俱免。次年再升

科。一定租穀。每畝每年約取租穀。六年後統免租穀。照額輸糧。以上四條。均應如所請辦理。從之。○以河南修武縣捐修城垣。永廣學額六名。○蠲免直隸安隆平。天津三州縣被水地方上年額賦。○丙戌諭軍機大臣等。德英富爾孫奏逆匪竄陷阿勒楚喀。逼近省會。現籌堵剿情形一摺。逆匪王洛七等。由雙城堡直撲阿勒楚喀。署副都統永壽帶兵堵禦。斃賊無數。惟賊勢太重。官軍被其圍裹。以致潰散。阿勒楚喀及拉林地方。旋即失守。五常堡亦被賊踞。德英富爾孫未能先事防範。實屬咎無可辭。均著交部嚴加議處。現在賊勢南趨。逼近省會。德英等惟當就現有兵力。激勵拊循。奮勇堵剿。以待援兵。文祥福興所派赴援吉林之定安等軍。此時行抵何處。並著迅催前進。節節埽蕩。與吉林之兵。兩面夾擊。毋令省垣重地。稍有疏失。文祥等前調之神機營官兵八百名。已於日內陸續東行。著酌

量目下情形。如定安等軍尚不敷用。卽於盛京防兵及續調之官兵內。酌撥若干。迅赴吉林援剿。以厚兵力。著文祥等斟酌機宜。妥籌辦理。寶善前派馬隊千名。疊經降旨令赴吉林。交德英等調遣。卽著寶善催令趕緊馳赴吉林助剿。不得稍有遲逾。致干重咎。富明阿病體已否痊愈。吉林待援孔亟。非得有知兵大員。前往督剿。不足以大挫賊鋒。著富明阿與寶善籌商。酌帶官兵。卽日馳赴吉林剿賊。務當仰體朝廷委任之意。毋以病辭。黑龍江防守事宜。亦關緊要。著文祥等傳知特普欽。百日孝滿後。卽日起程回任。以重職守。特普欽未到以前。寶善責無旁貸。仍當力籌守禦。毋稍疏虞。將此由六百里各諭令知之。○又諭。本日已降旨將李鶴年調補河南巡撫。曾國荃調補湖北巡撫。昨據劉長佑奏。該督現擬暫行回省。籌辦南北防務。李鶴年著俟劉長佑回省後。卽起程來京。陛見後再行赴任。

曾國荃現在假期將滿。舊病諒已就痊。刻下捻匪竄擾湖北邊境。防剿正當喫緊。曾國荃素嫻軍旅。朝廷為地擇人。正資倚任。且由湘赴鄂。相去甚近。著曾國藩、李瀚章卽行知照該撫迅速馳赴新任。力圖報稱。不得稍存推諉之念。有負屬望。曾國荃舊部中有得力將弁兵勇。並著酌量帶往湖北。以資差遣。將此由五百里各諭令知之。○又諭。都興阿奏。察看回目投誠情形一摺。回目馬化澂。既向雷正綰軍營具稟投誠。當曹克忠進軍强家沙窩之際。何不將疑懼情節稟明。輒敢聚眾抗拒。致雷營有金積堡之挫。該回目等陽為乞撫。而詭譎反覆。心志叵測。總因尚未大創之故。穆圖善務當酌度機宜。勦撫兼施。不得粉飾因循。草率了事。致貽後患。儻偏於主撫。懈惰軍心。或縱令回匪復行勾結生事。則穆圖善貽誤之罪。斷難寬宥。懍之慎之。回匪孫義漳。何時投誠。保至副將。何以擅出告示。交花

馬池各處張貼且擅稱總統忠義等營名目著穆圖善詳細查明覆奏。都興阿以撫局未定飭令各營及地方官於未經查明具奏以前不准回人擅自往來以杜勾結。辦理甚屬認真。穆圖善不可疏於防範漫無稽察致誤事機。毛卜拉邊口尚有匪擾經都興阿派兵勦散。現在河東橫城花馬池定邊一帶後路均應嚴防。穆圖善不得稍涉大意。都興阿原摺著鈔給穆圖善閱看。將此由六百里各諭

令知之。○河南巡撫吳昌壽降調調湖北巡撫李鶴年為河南巡撫以前任山西巡撫曾國荃為湖北巡撫調陝西巡撫趙長齡為山西巡撫仍以劉蓉署陝西巡撫。○丁亥諭內閣景霖奏請將弁兵應支廉餉量加變通一摺。馬蘭鎮所屬遵化等營廉餉向由通永霸昌道庫按實銀七成支領較之馬蘭鎮左右兩營按八成實銀支領者已覺向隅况弁兵廉餉均未能按季撥給枵腹差操殊堪憐憫

現當邊防緊要之時自應量為變通以示體恤所有遵化營等五營路弁兵應支七成廉餉馬乾等銀准其援照左右兩營廉餉章程一律按八成實銀徑向藩庫支領即著直隸總督轉飭藩司自本年春季起按季籌撥毋稍延誤。○諭軍機大臣等伯彥訥謨祜等奏會商分道出邊勦賊馳援吉林請飭催捐輸馬匹並文祥福興奏勦賊獲勝情形各摺片賊匪盤踞昌圖廳之八面城並城西大窪一

帶經文祥等飭令定安等冒雪進兵攻其不備並設伏誘賊出追斃匪甚多城賊震懾奔竄立將該城收復匪眾現向東北逃逸著文祥等即飭令定安督兵跟蹤迅速追勦毋令得稍喘息逆首王起詭辭乞降冀圖緩師經文祥等嚴加斥絕立意主勦所辦甚合機宜所有此次勦賊出力員弁著准其查明請獎廣甯防守尉扎朗阿經飭令帶兵豫紮大房申地方杜賊竄往東北之路乃敢託詞繞前

迎擊致令殘匪他遁。實屬恒怯規避。著卽革職。不准留營。以示懲儆。吉林勢甚危急。文祥等務遵昨日寄諭。飭令定安等酌量撥兵。馳赴援剿。並酌留馬步數營。駐紮長春廳。以防賊眾回竄之路。伯彥訥謨祜現已行抵奉天。哲里木盟官兵一千名。已陸續到奉。卽著該親王督帶。由法庫邊門馳赴昌圖一帶。察看情形。與定安等軍會合。進援吉林。以壯聲勢。如長春廳以西有警。仍卽折回防剿。並著嚴

催昭烏達盟及郭爾羅斯旗兵。迅速派往。以厚兵力。一面知照卓索圖盟。令其挑齊蒙古官兵。在本境嚴防。以杜賊蹤。西竄之路。蒙古各旗王公所捐馬匹。未經解到者。亦著伯彥訥謨祜迅催。令其解赴該親王行營。毋稍延緩。春霖所帶洋槍隊。經文祥等派赴興京防護。布置尚屬周密。卽著照所議辦理。將此由五百里各諭令知之。○又諭。官文等奏。官軍兩路剿辦髮捻。並現駐漢鎮布置情形。吳昌

壽奏。張總愚竄至明港驛。飛調各軍進剿。各一摺。張總愚股匪。由棗陽紛竄。唐縣屬之郭灘一帶。經姜玉順等緊躡追剿。連破賊巢。俱向白秋田九店竄去。賴牛等逆。擾及麻羅黃孝等屬境內。梁洪勝敗賊於黃岡縣屬之街埠等處。猝因賊眾兵單。力竭陣亡。其所帶之安民各營。卽著官文委令劉盛國暫行統帶。以專責成。此次賊竄襄棗。雖經擊退。難保不悉數下趨。亟應厚集兵力。分路兜剿。方能漸

次掃蕩。劉銘傳一軍。前據曾國藩奏。已於上年十二月間拔營赴鄂。著該大臣催令該提督率所部十八營。由羅山取道前進。遇賊卽擊。喬松年所派之王才秀四營。是否已抵羅麻一帶。著該撫迅催前進。以厚兵力。漢口係著名巨鎮。官文既經移紮該處。卽著將防守事宜。妥籌布置。俟各路援兵到齊。卽當合力大舉。以收聚殲之效。張總愚現由桐泌折竄明港驛。吳昌壽已督帶安住保英馬步各隊。

進抵西平。催令馬德昭蔣希夷等徑至遂平。繞出賊前。與姜玉順等軍互相聯絡。以勦為防。卽著督飭各將士。會合楚師。縱橫夾擊。迅殄賊氛。河南巡撫已令李鶴年調補。未到以前。吳昌壽責無旁貸。仍當督率各軍。安籌調度。不得存五日京兆之見。稍形疏懈。湖北巡撫已令曾國荃調補。鄭敦謹著俟曾國荃到任後。再行交卸。李鶴年卸任在邇。著曾國藩懍遵前旨。催令張樹聲迅速北上。毋再遲延。

將此由六百里各諭令知之。○又諭張凱嵩奏官軍進規山澤。連破賊營。現籌乘勝攻勦一摺。山澤逆首孫荏廣等盤踞谿崗。稔惡阻兵。此次楚軍湘勇奮力進攻。數日之間。踞平賊村賊營二十五處。擒斬極多。實足以褫賊魄而揚軍威。張凱嵩現赴南甯。卽著督飭劉培一。覃遠璵。王月亮等軍。將附近村壘設法攻克。徑擣老巢。並著迅撥一軍。由宣化拊賊之背。務使該匪兩面受敵。不能日久負隅。方

為妥善。至逆首孫荏廣。必應拏獲正法。毋令乘間脫逃。致稽顯戮。將此由五百里諭令知之。○署盛京將軍福興奏。遵旨訓練兵丁。得旨著隨時督飭該員等認真訓練。俾得悉成勁旅。以固根本。○廣西巡撫張凱嵩奏。上林逆首已誅。武緣餘氛未淨。現飭分別認真勦撫。得旨卽著飭令易元泰將上林善後趕緊清釐。卽日移營武緣。將雙橋鄧廣林墟等伏匪悉數捕斬淨盡。毋留餘孽。○以廣西勦辦

山澤踞匪獲勝。予同知劉培一以知府用。○以帶隊不力。革奉天協領李天恩。德印。佐領李興詩。防禦桂森。職開暫革。協領恩科。缺不准留營。○以約束勇丁不嚴。革湖北軍營總兵官王名滔。職遊擊蕭至元。守備李上發。均革職永不敘用。○予湖北黃岡陣亡總兵官梁洪勝祭葬。世職加等。○戊子。諭內閣。李瀚章奏。臬司呈請開缺。終養等語。雲南按察使趙煥聯著准其開缺。現在粵逆已平。貴州軍

務未竣。仍著該員在湖南本籍帶兵防勦。○
己丑。

孝儀純皇后忌辰遣官祭

裕陵。○諭內閣本月二十八日楊岳斌遞到報
二件。一係上年十二月十七日。一係本年正
月初九日。均由五百里於甘肅省城拜發。前
後兩報相隔二十餘日。何以同日遞到。現當
軍務喫緊之際。豈容驛站任意延玩。著兵部
查明上年十二月十七日楊岳斌所發軍報。

係何站遲誤。卽行從嚴叅辦。以肅郵政。○又
諭楊岳斌奏甘肅歲徵額糧擬請概復舊章
以備軍食一摺。甘省歲徵起存上下色糧四
十八萬餘石。耗羨糧七萬一千餘石。前經已
革護理陝甘總督恩麟奏明於兵少糧多之
撫彝張掖等廳州縣分別改徵折色以備轉
撥。茲據該督奏稱近來甘省糧價昂貴。每麥
一石視前所定折徵二千之價已增至十數
倍。以此價估撥兵丁不能餬口。而州縣侵漁

中飽。培克愈重。屆期轉撥。則又任意枝梧。以
至兵糧不給。儲積全無等語。甘肅地方瘠苦
軍民乏食。自酌徵折色而後公私交困。儲峙
一空。民賦軍糈兩受其弊。自應迅復舊章。以
圖補救。著照該督所請。自同治五年起。額徵
正耗糧石仍歸本色。並不分上下雨忙。並著
該督嚴飭各州縣潔己奉公。務使惟正之供
概入倉儲。用備緩急。儻有不肖牧令。仍敢勒
折侵那。徂於積習。卽著該督按照違誤軍需
例嚴叅治罪。以重軍食而儆效尤。○諭軍機
大臣等楊岳斌奏甘肅賊眾兵單不敷分布。
查有曹克忠舊部明宇四營。現在楚省。請飭
調赴甘協勦等語。曹克忠一軍不及萬人。若
令兼顧各路。實屬不敷調撥。該四營係其舊
部。恩義相習。防勦必能得力。著官文鄭敦謹
卽飭藍斯基歐陽春李玉麟魏元祿各率所
部速赴甘省。協同勦匪。以資厚集。其沿途口
糧等項。卽著官文鄭敦謹籌款給發。俾利軍

行羅惇衍奏各營勇紛紛拜會。名曰江附會。又一名幘老會。其匪首則稱為老帽。出入營盤。官不敢禁。恐致養癰貽患。請飭拏辦等語。著官文鄭敦謹督飭帶兵員弁及地方官嚴密訪查。認真究辦。以杜亂萌。原片著鈔給閱看。將此由五百里各諭令知之。○又諭楊岳斌奏甘省兵力不敷分撥。請調朱南桂劉連捷迅統所部赴甘援剿等語。前因李瀚章奏劉連捷等軍勞勩日久。當經諭令准其陸續

裁撤。現在甘省賊匪未平。亟應添調勁兵。以資援剿。著劉坤一李瀚章查明朱南桂劉連捷兩軍。是否已經裁撤。抑仍在江境防堵。卽飭該二員迅統所部星馳赴甘援剿。毋稍延緩。其沿途口糧一切費用。並著江西湖南兩省從寬籌撥。俾利軍行。將此由五百里各諭令知之。○又諭楊岳斌奏酌擬分撥甯夏軍營餉項。並請飭催江蘇協甘餉銀等語。楊岳斌所帶各軍需餉甚鉅。雷正綰等軍約五十

餘營。而甯夏軍營尤為甘肅要地。現據楊岳斌奏稱各營月餉業已積欠數月。卽令各款按月解到。尚屬不敷分撥。所奏自係實情。江蘇財賦日充。其情形迥非甘省之比。所有都興阿前奏請在兩淮鹽課項下月撥銀二萬兩。卽著李鴻章按月籌撥銀六千兩。由陝解赴甯夏軍營。其不敷銀一萬四千兩。仍著李鴻章設法籌措。派員徑解山西藩庫。轉解甯夏軍營。毋再延諉。其江蘇江海關每月協甘

餉銀二萬兩。日久未解。該營支發罄盡。無款可籌。並著劉卨膏查照部議。按月如數撥解。楊岳斌軍營以應要需。毋得藉詞推延。致誤戎事。原片著鈔給閱看。將此由五百里諭知李鴻章。並傳諭劉卨膏知之。○陝甘總督楊岳斌奏。遵查胡大貴供稱。於雷營勇變後。率所部八百人。請派秦國勝管帶。實有其事。至所稱譁潰之時。力為阻止。則係一面之詞。尚難遽信。得旨。著卽咨會趙長齡。催提雷恒李

高起及蔣方直等歸案質訊。母任狡展。○以雲南迤西道宋廷春為按察使。○以貪黷營私甘肅知州陳履謙知縣聯凱革職訊辦。○予甘肅李家堡陣亡總兵官余華龍等祭葬世職加等。○予甘肅岔口陣亡千總尤誥等祭葬世職。○庚寅諭軍機大臣等富爾孫奏勦辦馬賊情形。請飭奉省官軍夾擊等情。一摺。馬賊垂涎吉林。逼近省會。經佐領常喜等督帶馬隊並礮手步勇一千八百名在烏拉迤北雙陽通地方力行堵遏。雖將賊匪擊敗。而後股愈來愈眾。尚在白旗屯嘎牙河一帶。直至巴彥鄂佛羅邊門內外盤踞。富爾孫續帶馬隊二百名馳往烏拉援勦。該處山徑叢雜。賊眾兵單。兼顧為難。又有小股匪徒兩路窺探。希圖繞越僻徑。詐襲省會。現在該逆雖向巴彥鄂佛羅邊門竄遁。難保不去而復來。著富爾孫嚴督兵勇加意堵遏。以防回竄。並著德英嚴防省會。毋稍鬆懈。寶善前派赴援

吉林之黑龍江兵一千名務當懍遵疊次諭旨。嚴催速赴吉林。富爾孫俟此項馬隊到時。卽與德英商酌分撥應用。匪徒僅被吉林兵勦退。勢必復向奉省回竄。文祥福興現已派兵出邊赴吉林援勦。著卽飭令定安等視賊所向相機堵截。毋令賊蹤回竄。至賊匪老巢多在圍場大山之中。非設法擒捕不能立清盜源。並著文祥福興飭令定安等與富爾孫所部兵勇聯絡聲勢。嚴密擒捕。所請籌辦擒捕圍場兵餉及專員辦理餉糈之處。著文祥等斟酌情形辦理。富爾孫原摺著鈔給文祥福興閱看。將此由六百里各諭令知之。○又諭富爾孫奏請調參將李其昌帶勇赴吉林勦賊等語。奉天馬賊竄入吉林。肆行搶掠。署副都統富爾孫現在帶兵勦辦。兵力尚嫌單薄。據奏參將李其昌前在山東統帶勇丁俱持長竹竿標槍頗稱利器。該員現在是否仍在山東軍營。著閻敬銘卽飭李其昌挑選直

東壯勇一千名。並由山東備齊一丈五六尺長竹竿標槍。以及旗幟等項。交該員管帶。剋日起程。馳赴吉林。限於三月間趕到。聽候富爾孫調遣。此項勇丁務須責令認真挑選。毋使游匪涸跡其間。沿途嚴加鈐束。迅速進行。應需行糧。並著間敬銘籌款發給。俾無缺乏。將此由五百里諭令知之。○又諭穆圖善奏甯靈軍務未竣。都興阿馬隊先行撤動。並都興阿接奉寄諭。知照遲延各摺片。覽奏曷勝

詫異。甯夏回人雖已投誠。納家牘一帶回眾。雖尚安靜。然必須重兵彈壓。方可資鎮攝。而免疏虞。都興阿何以不與穆圖善和衷商榷。輒將杜嘎爾所帶馬隊。撤赴定邊。殊不可解。現在都興阿已調補盛京將軍。疊經降旨。催令赴任。所有甯夏軍營馬步各隊。均令穆圖善督率調遣。卽著都興阿懍遵前旨。迅速起程。前赴盛京將軍新任。不准稍涉遲延。杜嘎爾本係甯夏副都統。職守所關。豈可調赴他

處。仍著飭回甯郡。聽候穆圖善調遣。其餘各軍。一併交穆圖善分別布置。都興阿不得有。意為難。致誤大局。都興阿於兵勇入城抄掠。既未能彈壓禁止。且將杜嘎爾馬隊率行飭赴定邊。辦理甚屬非是。該將軍先事已調任盛京。穆圖善有督辦之責。責無旁貸。卽著懍遵疊次諭旨。將勒撫機宜。及一切善後各事。妥籌辦理。儻偏於主撫。為賊所愚。而以都興阿辦理不善。為諉過地步。必惟穆圖善是問。

前據都興阿奏營務處鈔呈告示。閱其前銜。係統帶忠義等營副將孫義漳所出。事涉無稽。當經諭令穆圖善查明覆奏。此次穆圖善片內。但將都興阿查詢孫義漳原文敘入。而於孫義漳銜名原委。並未聲敘明晰。殊屬含糊。著仍遵前旨。查明具奏。不准一字徇隱。至所稱上年十二月初五日寄諭。事隔多日。都興阿始於咨文內敘及。恐以前延閣者尚多。請飭查明等語。著都興阿確切查明。因何知

照遲延。及從前有無閤壓之處。迅速明白覆奏。毋許迴護。將此由六百里各諭令知之。○入諭傳諭護山西巡撫王榕吉。本日據穆圖善奏甯夏辦理善後。請飭山西省迅速協濟銀兩等語。據稱甯夏府城自遭兵燹以來。土地荒蕪。生靈塗炭。城內僅賸窮黎數百。房廬鋪肆。焚掠一空。若不興修渠道。招民歸業。早事春耕。則夏秋顆粒不收。兵糈民食。無所取資。全局依然渙散。惟渠工牛糧籽種。並一切設官安兵賑濟難民等項。需款浩繁。本處地方彫敝。無項可籌。請飭山西就近撥銀十萬兩。迅解甯夏。以濟急需。各等情。該府甫經收復。籌辦善後事宜。需項甚殷。卽著王榕吉迅速籌撥銀十萬兩。限一箇月內。趕緊委員分批解交甯夏府城。毋稍延緩。○補鑄福建彰化縣知縣印信。從巡撫徐宗幹請也。○以吉林伯都訥廳城被賊竄陷。革被擄同知安榮職。遣戍軍臺。

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十七

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十八

欽定大清會典事例
光緒二十六年十一月二十二日奉
上諭軍機大臣等前因廣東嘉應州髮逆全
股殄滅東南各省大局雖已肅清而豫楚捻
匪奔突靡常蔓延數省特經諭令左宗棠等
將江閩各軍暫行停撤聽候曾國藩函商將
得力將士揀調北路江皖豫楚各營助剿並
令鮑超先統所部馳赴鄂豫聽候曾國藩調
遣以期厚集兵力迅掃捻氛因思甘省甯夏
雖經收復而回匪到處肆擾靈固及秦涼狄
河等處盤踞勾結其勢甚熾楊岳斌所部兵
勇頗單不敷防剿之用現在江閩各軍除應
撥鄂豫江皖助剿外尚餘若干名可以調赴
甘省軍營將領中何人可以派令帶往總以
精銳得力為主此時江閩粵東軍務已平浙
江江西湖南亦應撤防自可將各該省餉項
移作甘肅軍需之用嗣後江西浙江湖南每
月可協濟甘省餉銀若干兩並協濟調赴鄂

同治五年丙寅二月辛卯朔

上詣綏履殿問

慈安皇太后安平安室問

慈禧皇太后安至己未皆如之○奉

慈安皇太后

慈禧皇太后幸漱芳齋侍午膳○諭內閣本年

輪應查閱山東河南江蘇安徽江西五省營

伍之期山東著即派閻敬銘河南即派李鶴

年江蘇即派李鴻章安徽即派喬松年江西

即派劉坤一逐一查閱認真簡校如查有訓

練不精軍實不齊即將廢弛之將弁據實奏
奏該督撫等務當加意整頓毋得視為具文
○諭軍機大臣等前因廣東嘉應州髮逆全
股殄滅東南各省大局雖已肅清而豫楚捻
匪奔突靡常蔓延數省特經諭令左宗棠等
將江閩各軍暫行停撤聽候曾國藩函商將
得力將士揀調北路江皖豫楚各營助剿並
令鮑超先統所部馳赴鄂豫聽候曾國藩調
遣以期厚集兵力迅掃捻氛因思甘省甯夏
雖經收復而回匪到處肆擾靈固及秦涼狄
河等處盤踞勾結其勢甚熾楊岳斌所部兵
勇頗單不敷防剿之用現在江閩各軍除應
撥鄂豫江皖助剿外尚餘若干名可以調赴
甘省軍營將領中何人可以派令帶往總以
精銳得力為主此時江閩粵東軍務已平浙
江江西湖南亦應撤防自可將各該省餉項
移作甘肅軍需之用嗣後江西浙江湖南每
月可協濟甘省餉銀若干兩並協濟調赴鄂

豫江皖助勦勇營餉銀若干兩。鮑超一軍調赴鄂豫約有若干名。楚北可協濟此軍餉銀若干兩。江蘇省能否於現協甘省月餉外再行籌添若干兩。均著官文、曾國藩、左宗棠、李鴻章、劉坤一、馬新貽、李瀚章妥籌速奏。從前南省勇丁以甘肅地方瘠苦多不願往。此時若將調赴甘省勇丁酌增餉銀若干。或再將員弁勇丁之從征西路者變通章程從優保舉當可樂於從事。益加奮勉。曾國藩、左宗棠。

李鴻章識見素優。此舉是否可行。卽著詳晰奏聞。儻南勇以水土異宜難於調赴甘省。此外如有嘉謨碩畫可以統顧全局者亦當各抒所見以期謀出萬全。早歲軍事有厚望焉。廣東髮逆雖平而土客匪徒互鬪蔓延糾結為患方長。且降眾土匪散處各州縣伏莽甚多。嘉應新降匪徒亦須籌畫安插均不可無得力兵勇彈壓。左宗棠仍當酌留閩軍在粵不可概行遣撤。並著該督仍留粵東辦理善

後事宜。毋庸遽回閩省。肇慶等處滋事匪徒卽由左宗棠派兵勦辦。分別良莠懲勸兼施。豫遏亂萌。以副殷望。嘉應州前助髮逆戕害官兵之土匪亦應分兵按捕淨絕根株。毋留餘孽。將此由六百里各諭令知之。○又諭張亮基奏川軍攻克天台山賊巢並會同黔軍擊退遵義襲城號匪及貞豐州逆回出巢攻陷永甯州城各一摺。貞豐新城回匪以偽降緩我軍心各處官紳團練皆以勦回為諱致該匪得逞狡謀乘隙竄陷永甯州城兇狡情形實堪髮指。張亮基當督飭趙德光、羅孝連、畢大錫等各率所部分路進勦並飭興義等屬厚集團勇直取貞豐州城盡殲醜類毋得再行議撫。稍事遷就。至號匪雖經擊退難保不去而復來。著仍督飭倪應復等嚴密防範毋稍疏虞。劉嶽昭業經簡放雲南巡撫已令其節節掃蕩疏通道路。張亮基當嚴檄黔軍會合該撫所統川軍實力攻擊肅清北路。是

為至要。將此由五百里諭令知之。○兵部奏遵議科布多參贊大臣廣鳳幫辦大臣奎昌於烏梁海地方奏明添設之臺站。輒行裁撤。應均照不應重杖八十例降三級調用。無庸查級紀議。抵得旨。廣鳳奎昌均著照部議降三級調用。不准抵銷。仍著帶所降之級。留於該處效力。毋庸開缺。○撥河南光州營歸信陽協副將管轄。移信陽州吳家店汛把總駐明港驛。設經制外委一員駐吳家店汛。額外

外委一員駐蕭曹店。移信陽州守備駐確山縣城。確山縣溝竹汛外委駐新安店。遂平汛外委駐溝竹汛。設千總一員駐遂平縣城。從前任巡撫吳昌壽請也。○以籌防不力。貴州道員莫超宗下部嚴議。○以貴州永甯州城被匪竄陷。革署知州知縣袁濬職。仍留營。○壬辰諭內閣李鴻章奏查明藉病偷安。飭法營私之卡巡各員。分別參辦一摺。江蘇候補知縣張壽昌等。經李鴻章派令在揚州仙女

鎮等處辦理釐捐。該員等並不親身駐局。輒藉病他往。任聽司事人等朋比作奸。匿報舞弊。實非尋常玩誤可比。把總裴瀚帶船護卡。輒敢勾串奸商。屢次得錢賣放。實屬飭法營私。亟應從嚴懲辦。候補把總裴瀚著革職發往新疆效力贖罪。候補知縣張壽昌候補縣丞葉滋懷均著革職永不敘用。候選縣丞郭炳奎監生馮邦泰著一併斥革以示懲儆。○以江蘇通州辦理團防出力。予知府許大猷

等優敘升用有差。○予江蘇常州殉難通判彭仁中祭葬世職。○旌表割臂療親江蘇蘇州府原任學正蔣錫琳妻吳氏。湖南善化縣監生余祖培妻徐氏。○癸巳遣官祭文昌帝君廟。○諭軍機大臣等李瀚章奏請令貴州藩司暫緩赴任。辦理貴東軍務一摺。黔省下游羣盜如毛。苗教各匪。時伺楚邊。李瀚章現飭周洪印徑取寨頭。以為節節進擣之計。第懸軍深入。非有黔省知兵大員駐紮

會勦難。以見功。該撫擬令新任貴州藩司兆琛稍緩赴任。專辦貴東軍務。由楚西馳紮鎮遠。選將練兵。與楚軍共圖進勦。所陳尚合機宜。張亮基於黔省下游。頗有鞭長莫及之勢。湖南援黔之軍。屢次中輟。迄未竟功。兆琛既熟悉該處形勢。責令專辦下游。必克呼應較靈。客兵主兵聯為一氣。卽著該撫傳知兆琛暫緩陞見。卽由沅晃馳赴鎮遠。辦理軍事。務與周洪印等軍。聯絡聲勢。埽蕩而前。以收破竹之效。粵東髮逆既平。湘省東防已鬆。李瀚章尤當抽撥勁兵。越境入黔。以資厚集。趙煥聯前已有旨。准開雲南臬司之缺。仍令在湖南本籍帶兵防勦。並著該撫飭赴湘黔邊境。與兆琛周洪印等督兵進取。毋任諉卸。張亮基仍當嚴飭下游地方文武。及在防兵勇。與楚軍併力夾擊。並聽兆琛調遣。以期早靖邊陲。無負委任。將此由五百里各諭令知之。○又諭總理各國事務衙門奏廣東辦理英領

事入潮城一案。復接英國照會。請派員隨兩廣總督前往潮州妥辦一摺。本日已明降諭旨。令丁日昌馳赴潮州。隨同瑞麟辦理矣。英人進潮城一事。經瑞麟與該領事言明。不開行店。不設關卡。不建天主堂。業經堅佐治允肯照辦。將此曉諭紳民。洋人進城一次。旋經官紳護送出城。前據瑞麟等奏。堅佐治入城以後。潮民復張揭帖。聚眾喧呼。實因通事佛禮賜邀求建立洋館。暫住一月。一時閔傳。遂至復滋疑議。堅佐治以此不甚愜意。現摘傳潮城紳士數人到省。面加開導。熟籌經久善策等語。似此辦法。尚為妥協。但未知瑞麟與該處紳士如何妥商定議。從前與堅佐治所約。有無照會往來憑據。何以堅佐治詳呈住京公使。則云並無允准前項等事之說。英國使臣阿禮國此次在總理衙門呈遞照會。語多激切。若不妥籌了結。深恐別滋釁端。本日因丁日昌係潮州原籍。且前在上海與洋人

熟悉。令其隨同瑞麟前赴潮州辦理。著李鴻章卽傳知該運使。卽日由上海乘坐輪船赴廣東省城。隨同瑞麟赴潮。務須不激不隨。顧全大局。方為妥善。瑞麟等現在籌議情形。著隨時奏聞。以慰馳繫。總理各國事務衙門摺一件。著鈔給瑞麟、李鴻章閱看。將此由六百里各密諭知之。○命兩淮鹽運使丁日昌馳赴廣東。隨同將軍瑞麟辦理中外交涉事件。○予浙江湯溪等處陣亡副將何萬華等祭

葬。世職加等。○予安徽巢縣等處陣亡殉難千總姜士豪等紳民婦女二十員名口分別旌卹如例。○甲午遣官祭

先醫之神。○予江蘇上元等處殉難文童楊長寅等紳民婦女十九名口分別旌卹如例。

○乙未春分朝

日於東郊。遣克勤郡王晉祺恭代行禮。○諭內閣。穆圖善奏請將廢弛營務之已革副都統摘去頂帶等語。已革甘肅甯夏副都統常陞

前因守城出力。賞還頂帶。暫署副都統缺。並暫護甯夏將軍印務。乃該革員自署任以來。於營務一切。操防諸多廢弛。且於兵民苦累。漠不關心。輒敢罔利營私。行同市儈。實屬有玷官箴。該員前經革職。著卽摘去頂帶。勒令回旗。不准留營。穆圖善著卽赴甯夏將軍本任。將操防善後一切事宜。實力整頓。以副委任。○又諭前據都興阿、穆圖善先後奏報甯夏回眾投誠。郡城業經收復。並據穆圖善奏

稱該回眾於上年十二月初二日將城池圩卡全行撤空。各堡回人俱移往納家牕一帶。檄出槍礮等件。將倡亂之逆首納萬有送營正法。官軍入城駐紮。乃都興阿復將回目保立等誅戮。兵勇乘機肆行搶殺。當以情節參差。未卽查辦。茲復據穆圖善奏該處回眾實係真心悔罪。投誠後頗能安靜。接據都興阿信函。亦自認冒昧。孟浪鈔錄呈覽等語。都興阿督辦軍務於勦撫機宜。毫無定見。且於兵

勇入城肆掠未能彈壓禁止致與穆圖善辦理兩歧實屬錯誤著交部議處至回眾踞城抗官固為國法所必誅惟朝廷以好生為心其中果有被脅勉從真心悔罪者自應寬其既往概予保全前經諭令統兵大臣但分良莠不分漢回諄諄告誡至再至三此次都興阿辦理不善業經加以懲處所有甯夏投誠回民即著穆圖善妥籌安撫俾得各安生業復為良民此外各處回眾如有能捆獻首逆

誠心反正者亦准一體免其前罪妥為安插用示朝廷覆幬無私至意○諭軍機大臣等前因勞崇光奏滇省餉源枯竭請飭部查催各省積欠協餉並酌定數目撥解當經諭令戶部速議具奏茲據奏稱各省積欠過多請仍就上年酌提數目明定批解限期以收實濟各等語滇省需餉萬緊該部酌提銀兩為數無多自應迅速籌解所有提解浙江省協餉十萬兩著限一年內解清提解廣東省協

餉六萬兩並四川省及太平關協餉各四萬兩著限半年內解清提解江西省協餉三萬兩湖南省協餉二萬兩河南省協餉一萬兩俱著限三箇月解清均以奉旨之日作為起限日期四川接濟滇省銀五萬兩著一併趕辦撥解各該督撫等務當督飭各該藩司監督等不分畛域按限批解隨時奏報儻逾限不解即著該部查明嚴叅至各該省奉撥本年雲南兵餉銀兩仍著照數起解毋稍牽混將此由五百里各諭令知之○又諭李鴻章吳崇奏理漕須先理河請飭擇要濬築一摺據稱東省河道乃行漕最要關鍵上屆東省所挑淤運兩屬各工不無多費而米船仍係繞湖而行本屆糧艘自應入湖行走所有十字河等處挑工大可酌量停辦僅將東省下游及進湖處所量加疏濬並將沈家口張秋鎮淤墊段落認真挑濬似挽運不至阻滯其本屆米石無多止可擇要挑築或於南壩頭

口門迤上酌做鉗口草壩數道各等語現在江省已遴員分投購米雇船漸有頭緒亟宜將運道豫籌濬築方免臨事周章前據閻敬銘奏漕船入運全無把握張之萬奏南壩頭等處運河挑挖深淺皆有可虞各等語東省運道久經淤滯疏濬自屬費手惟現當辦理新漕之際豈可任令河道廢弛著張之萬閻敬銘丁寶楨按照李鴻章等所擬妥籌辦理不得畏難推諉致誤漕行李鴻章吳棠亦當

隨時體察情形與張之萬等悉心咨商務臻妥善李鴻章等摺著鈔給張之萬等閱看將此諭知李鴻章吳棠張之萬閻敬銘並傳諭丁寶楨知之○又諭傳諭護山西巡撫王榕吉吳棠奏徐州防兵餉項日絀晉省協撥之款經年未解防軍飢潰堪虞請飭山西撫臣將欠解徐防協餉趕緊籌解等語現在曾國藩指日移師前進而徐州本境防兵未能遽撤所需餉銀亟應寬為籌備以資守禦著王

榕吉按照吳棠所請嚴飭藩司及河東道將欠解徐防協餉各先撥銀二萬兩趕緊解赴徐州俾濟目前之急毋稍延誤並將同治四年五月起部撥銀數按月源源解濟毋得再行拖欠致誤要需○又諭都興阿奏辦理移交軍務請將杜嘎爾帶赴奉天等情穆圖善奏甯郡回眾仍復求撫各一摺都興阿前已調補盛京將軍現在吉林奉天防勦正形喫緊該將軍務當趕緊起程就近來京陛見後

卽行馳赴新任辦理軍務毋得稍涉遷延杜嘎爾帶隊旣能得力著准其隨同都興阿前往奉天奉天軍營本有吉林黑龍江馬隊杜嘎爾到彼自可交令管帶甯夏軍情尚未大定靈固等處勦辦回匪在在需兵都興阿所請抽帶甯夏軍營四起馬隊赴奉之處著毋庸議納家牘回民前在甯夏城中被官兵殺掠現復赴穆圖善軍營懇請投誠情詞哀切出於至誠著穆圖善妥為安插毋令失所都

興阿交卸起程後穆圖善於甯夏軍營事務責無旁貸該處漢回人心尚未大定自應妥籌綏輯並須留意隄防不可稍涉疏忽俟甯夏善後事宜辦有頭緒再行進圖靈州至回眾投誠時務當責令將戕官踞城首要兇犯捆獻正法並將軍械馬匹交出其脅從回眾酌量情形果係真心悔罪方准受降不可輕率漫無區別致為奸回所紿懷之慎之甯夏將軍本任事務即著穆圖善趕緊接辦駐紮

花馬池之直隸官兵二千名著都興阿穆圖善酌量情形能否回直歸伍之處妥籌辦理將此由六百里各諭令知之○漕運總督吳棠奏河工官員半係蒞任未久請將大計展至下屆辦理從之○以故科爾沁貝勒桑魯布杜特賽弟昂噶扣襲爵○以故車臣汗公銜頭等台吉囊濟特多爾濟子那旺什庫爾襲職○調西安左翼副都統金順為甯夏副都統以涼州協領圖明額為西安左翼副都

統○

上以祭

社稷壇自是日始齋戒三日○丙申遣官祭昭忠祠○諭內閣前因劉蓉奏保賢能收令龔衡齡等酌給虛銜升階當經降旨允准嗣經吏部援案議駁茲據該署撫奏稱近來登進之途多在軍營而究心民瘼者仍潦倒於下吏陝省瘡痍未起亟應舉善勸能其前保各員請仍照前旨給獎等語督撫明保人員原應照例送部引見候旨錄用惟劉蓉所奏係為整飭吏治起見且所保亦不如軍營勞績之優著照所請興安府知府龔衡齡著仍賞加道銜富平縣知縣孫毓林府谷縣知縣郎鶴鳴均著仍以同知直隸州知州儘先補用准升同知咸甯縣知縣柳坤厚潔己愛民署乾州知州周相焯廉勁堅愨並著均以知府儘先補用以昭激勸○諭軍機大臣等林壽圖奏俟交替後馳赴慶陽並請收回成命無

庸專摺奏事各摺片所奏雷正綰固原三營陸續潰散數百人其迅字五營隨撥隨逃平涼之營逃至涇州者亦眾雷正綰僅存百餘人該提督咨文乃有十六營之語多寡相懸奚啻倍蓰該提督之咨固不足信即秦國勝等之函亦恐有傳聞之誤仍著楊岳斌劉蓉確切查明以昭覈實據稱固原回逆聚眾數萬將由新城奄至鎮原繞出涇州東趨邠州北集原窺伺陝疆等語不可不豫為之防楊

岳斌現已出省即著督飭所部相機前進遇賊即擊毋令闖入陝疆並著劉蓉嚴飭防軍認真堵剿毋得稍有疏懈林壽圖擬俟交卸藩篆後馳赴慶陽聲稱糧餉轉運恃西安為後路而慶陽係偏隅僻壤請飭接署藩司通籌妥辦俾免跋前疐後之虞慶陽糧臺前經劉蓉奏請裁撤當交楊岳斌等酌度情形具奏該糧臺是否可以裁撤歸併西安省城能否兼顧仍著該督會商劉蓉奏明辦理至林

壽圖奏稱綜糶臺者不宜專摺奏事嗣後擬請督撫代為具疏以一事權等語所見亦是即著照所請行楊能格奏糧餉兩竭急籌補救請推廣捐輸章程以拯危局並將所擬條款開單呈覽一摺著楊岳斌覈議奏聞再降諭旨原摺單著鈔給楊岳斌閱看又片奏軍糧緊急請飭陝西撫臣飭屬按月運解倉糧並籌撥腳費銀兩等語著將原片鈔給劉蓉閱看即由該撫妥籌辦理將此由五百里諭

知楊岳斌劉蓉並傳諭林壽圖楊能格知之○又諭林壽圖奏甘肅糧餉缺絕請飭催各省亟籌接濟一摺甘肅餉需奇窘各軍因飢潰變者不一而足現在固原回逆勢甚熾張屢圖分竄楊岳斌擬於春間分道並舉而各營餉糶匱乏枵腹從事岌岌堪虞四川等省協餉前經屢次飭催而報解者殊屬寥寥何以固軍心而維大局著崇實駱秉章閻敬銘吳昌壽丁寶楨王榕吉各飭藩司無論何款

迅速湊撥銀十萬兩。並著王榕吉於河東鹽課項下。速提銀十萬兩。卽日派委妥員。解交陝西藩庫。由林壽圖妥籌解濟。以應急需。其四川山西兩省。自本年正月為始。每月各應解銀二萬兩。交陝設局。為採辦甘省軍糧之用。並著該督撫等源源協濟。俾資飽騰。將此由五百里諭知崇實駱秉章閻敬銘吳昌壽。並傳諭丁寶楨王榕吉知之。○以左春坊左庶子常恩充日講起居注官。○丁酉。

孝淑睿皇后忌辰。遣官祭

昌陵。○祭

先師孔子。遣大學士倭仁行禮。○諭內閣。已革提督田興恕。業據崇實等委員於上年十月間。押解帶病起程。取道川北。解至陝西。轉解甘肅。現在行抵何處。著四川陝甘總督陝西巡撫等。迅速催令押赴戍所。不准藉端逗遛。○諭軍機大臣等。明緒奏。孤城軍民飢困日久。各路援兵不至。危在旦夕。一摺。前因伊

犁軍情危急。疊經諭令成祿等迅速出關援剿。現在該回匪於伊犁城外。四面環攻。該城東北兩面。尚可勉強支持。而西南兩路空虛。直無兵可以分撥堵禦。局勢萬難久支。亟應添兵援救。以解倒懸。著楊岳斌嚴催成祿鶴齡。懍遵疊次諭旨。各率所部趕緊出關。兼程前進。協同勦洗。速解伊犁之圍。經此次諭知之後。儻成祿鶴齡仍前玩泄。再行託故逗遛。遷延不進。必治成祿鶴齡以貽誤之罪。和闐辦事大臣奎章。簡放已久。迄今尚未到任。著楊岳斌嚴催該員迅赴新任。毋再遲延干咎。將此由六百里諭令知之。○又諭。明緒奏伊犁軍務危急。請飭明誼挑派蒙古馬隊官兵救援一摺。伊犁情形危急。日甚一日。著明誼卽行挑派蒙古馬隊官兵六千員名。由該將軍親帶。取道塔城。迅赴伊犁救援。儻官兵不能如數派撥。務將驕馬認真備辦三千匹。專派練達敏捷之官兵。先行借道俄國臺站。趕

緊護解伊犁。以顧急需。必須解至伊犁大城。文明後方准銷差烏科二城。與伊犁唇齒相依。明誼務當妥籌應援。如所需口糧不敷。卽著一面調派。一面奏聞。不得藉詞推諉。致干咎戾。原摺著摘鈔交給閱看。將此由六百里諭令知之。○又諭總理各國事務衙門奏稱江甯還堂一事。前經李鴻章咨據江甯府稟稱。該國不願城外擇地抵換。應令自來江甯與該處官紳面議。茲據法國公使照會內以

並無完結之信。為詞請以三箇月為限。仍請飭令李鴻章妥籌速結等語。金陵教堂業經該署督允議抵還。如能於城外擇地抵換。卽著李鴻章速為議結。儻該國主教必欲在城內建堂。該署督亦當於城內另擇一區。給與修造。總期彼此相安。羣情帖伏。毋任地方官借詞遷延。致該國有所藉口。日事嘵嘵也。該署督熟諳洋務。必能力持大局。於此事迅速完結。以示懷柔。原片著鈔給閱看。將此諭令

知之。尋奏據江甯府知府涂宗瀛稟稱。與教士雷通駿辯論數月。仍遵前說。以城內小桃源空基一處查還。並將該教士現寓小豐富巷舊屋及旁基稍為加寬。給與棲身。均繕立漢文洋文合同。互換結案。下所司知之。○又諭總理各國事務衙門奏查還陝西教堂請飭速辦一摺。各省查還天主堂舊址。原係按照和約辦理。自應早為完結。以免外國人藉口。陝西省已歷五年。尚未辦結。疊經總理各

國事務衙門咨催。該撫僅以西安教堂並無實在憑據。未能照辦。城固教堂則因主教未到。莫可籌商等詞聲覆。今該國公使以陝省因循未辦。請立限六箇月期內交還。著劉蓉迅飭該地方官將查還西安城固原有教堂。速行設法辦結。並立予限期。毋得再事遲緩。此係照約辦理事件。該撫務當認真籌辦。將此案及早了結。免致外國人嘵嘵不已。以符條約。再據該公使聲稱。陝省所定交還天主

教堂必須出銀取贖。否則卽另還一不堪之地。若西安府必要出銀。亦必如數交出。將來定於上海稅關扣償之語。是其藉事生波。已可概見。若再遲延。則辦理必更棘手。劉蓉務當通盤籌畫。早為了結。以期折服其心。不得一味因循。致生枝節。原摺著鈔給閱看。將此諭令知之。○以理藩院右侍郎英元兼正黃旗蒙古副都統。○賞已革山西按察使瑞昌二等侍衛。為駐藏幫辦大臣。前任伊犁巴燕岱領隊大臣富勒敦泰藍翎侍衛。為伊犁厄魯特領隊大臣。○戊戌祭

大社。

大稷遣恭親王奕訢恭代行禮。○諭軍機大臣等。伯彥訥謨祜奏勦辦馬賊。生擒匪首。並請禁濫撫。暨請將黑龍江馬隊千名先歸統帶。各摺片。文祥奏派兵援勦吉林一摺。賊匪大股。雖渡江東竄。而遼河東西兩岸。尚有小股多起。沿村裹脅。隨在搶掠。經伯彥訥謨祜督

帶蒙古官兵馳往昌圖。派兵在遼陽窩鋪一帶追勦。殺賊數十名。並將賊首王洛疇等三名生擒正法。搜獲賊匪三十餘名。內有賊首隋同令等十七名。一併正法。該親王現已馳抵八面城。籌畫前進。著卽督帶所部赴援吉林。惟當詳慎布置。不可輕率從事。致有疏虞。黑龍江馬隊千名。已據寶善奏報起程。仍著該署將軍嚴催速進。現在賊股竄至烏拉。距吉林僅數十里。該處情形緊急。自應令黑

龍江馬隊就近由德英調遣防勦。以救眉急。未便再令繞赴八面城一帶。歸該親王統帶。所有昭烏達盟蒙古官兵。卽著伯彥訥謨祜嚴行檄催。迅赴軍營。歸該親王調遣。應需軍餉。仍著文祥籌撥。源源接濟。伯彥訥謨祜所稱賊匪不可輕議招撫。實屬深悉弊端。著文祥、福興、德英、寶善詳審情形。斟酌辦理。不可輕率收降。致滋後患。原片均著鈔給閱看。博崇武、定安等軍。已陸續由長春廳進援吉林。

著卽與伯彥訥謨祜及黑龍江馬隊三面會
勦。迅殄賊氛。八面城一帶餘匪。俟劉榮合馬
隊到奉後。卽飭令赴昌圖一帶駐紮。搜捕烏
拉賊股。前據富爾孫奏稱。被官兵擊退。此股
賊匪。係王洛七為首。現在情形若何。有無分
散回竄之處。著文祥探明具奏。本日據德興
阿奏。聯捷軍營撤回馬隊官兵。多有嗜好。不
自愛惜。並聞黑龍江兵丁。近多吸食洋煙者。
傳染日深。關繫非細。請飭禁止等語。著寶善

於所屬各城嚴加禁止。務期一兵得一兵之
用。不至日就頹廢。奉天吉林官兵內。如有沾
染惡習者。亦著福興德著一體嚴禁。有犯必
懲。俾得振刷精神。悉成勁旅。將此由六百里
各諭令知之。○補鑄福建汀漳龍道關防。從
巡撫徐宗幹請也。○己亥遣官祭

文昌帝君廟。○諭軍機大臣等。昨據明緒奏。
伊犁回匪鴟張。情形危急。設由北自塔城竄
入烏科兩城。處處勾結騷擾。其害不可勝言。

等語。因思自新疆回匪變亂以來。西路各城。
聞風四起。到處蔓延。伊犁被困。岌岌可危。設
該匪乘勢竄突。則北路極形喫重。塔爾巴哈
台及烏科兩城。所設額兵。軍火不齊。操防久
已廢弛。又兼糧餉缺乏。殊難枵腹荷戈。前經
戶部奏催。同治五年分新疆南北兩路經費。
酌撥山西丙寅年地丁銀十萬兩。山東丙寅
年地丁銀十五萬兩。河南丙寅年地丁銀十
五萬兩。均由山西解至綏遠城。從北路草地

解至烏里雅蘇台。分撥應用。當經降旨。令山
西山東河南等省。照數撥解。現在北路防務
喫緊。待用孔殷。著閻敬銘吳昌壽王榕吉丁
寶楨。懍遵前旨。迅速籌解。不得稍事遲延。現
在明緒因事機緊急。請調烏里雅蘇台蒙古
官兵六千員名。一應軍火。尤須早為籌備。山
西距該城較近。著王榕吉趕辦火槍戰箭。及
隨槍箭什物。並一切火藥鉛丸等件。運交綏
遠城。由綏遠城從北路草地解至烏里雅蘇

台交明誼等接收撥給蒙古官兵迅速起程赴援伊犁。王榕吉於此項軍火務須寬為籌備足數六千人之用。烏里雅蘇台為北路咽喉。明誼等身膺專城責任綦重。科布多塔爾巴哈台均係北路扼要之區。需餉均甚緊要。一俟餉銀陸續解到。即由明誼等酌定數目分給各城。一面咨照該大臣等迅速迎提應用。該大臣等務各督飭兵丁日夜訓練。俾成勁旅。以備緩急。儻泄沓不知振作。致兵丁仍前疲弱。貽誤事機。必將該將軍大臣等重治其罪。懷之。將此由六百里諭知明誼麟興車林敦多布廣鳳奎昌閻敬銘吳昌壽並傳諭丁寶楨王榕吉知之。○兵部等部奏遵議奉天省監犯反獄及降匪復叛焚劫鐵嶺縣署獄。請將盛京將軍恩合照防範不嚴降一級留任例上加等議。以革職留任。金州協領穆錦照溺職例革職。該二員均因另案革職。所有現議處分。照例註冊。兼管奉天府府尹額

勒和布府尹恩錫均照防範不嚴降一級留任例上加等議。以降二級留任。係公罪。准其抵銷。從之。○庚子諭內閣。御史林式恭奏民間溺女積習未除。請嚴行禁止。一摺。民間溺女。乾隆年間部議照故殺子孫律治罪。例禁綦嚴。乃據該御史奏近來廣東福建浙江山西等省仍有溺女之風。恐他省亦所不免。實屬傷天地之和。若不嚴行禁止。何以挽全民命。著各直省督撫。董飭所屬地方官出示嚴禁。並責令各州縣勸諭富紳廣設育嬰處所。妥為收養。俾無力貧民不至因生計艱難再蹈惡習。儻仍不知悛改。即治以應得之罪。毋稍姑貸。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十八

實錄卷一百六十八

五

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十九

同治五年丙寅二月辛丑

孝康章皇后忌辰遣官祭

孝陵○壬寅諭內閣德懋奏請迎養生母來京
一摺據稱出繼以後伊父病歿伊兄陣亡伊
弟德元亦在京當差止伊生母一人在涼州
防所舊病復發並無親丁侍養請賞給德元
假期迎養來京等語三等侍衛德元著賞假
九箇月迎接伊母來京並准其歸入京旗俾
得就養○諭軍機大臣等官文鄭敦謹奏官
軍克復黃陂縣城暨請仍留馬德昭在楚會

勒各摺片。逆匪廣聚黃陂城內。及新洲岐亭。宋埠一帶。經楚省官軍會同劉銘傳等軍。合力圍攻。殺賊甚多。其奔竄出城者。又被我軍分路追殺。當將黃陂縣城收復。在事出力各軍。著官文等擇尤酌保。毋許冒濫。現時敗逆。均向安麻新洲一帶大路竄去。亟應乘勝殲滅。以除後患。官文等已飭豫楚各軍跟蹤追剿。並飭王才秀由麻城一路前進。咨劉銘傳就近馳赴新洲等處迎頭攔截。與追軍前後夾擊。務即嚴檄各軍奮力兜擊。迅殄逆氛。毋任再行紛竄。復至蔓延。張總愚股匪現由信陽竄往確遂一帶。與賴牛等逆相距較遠。一時尚難句合。著吳昌壽督飭豫省馬步各軍與姜玉順等軍互相聯絡奮力夾擊。以期隨地剪除。早日歲事。馬德昭一軍入楚後尚能得力。自應仍留楚省會剿。蔣希夷一軍。吳昌壽業已調回舞陽一帶。豫楚兩省軍務均屬喫重。馬德昭當視何路喫緊。即由何路進剿。

一應進止。著官文等與吳昌壽商同辦理。總期與軍事有裨。不可稍分畛域。將此由六百里各諭令知之。○又諭總理各國事務衙門。奏接據俄國公使照會。稱有土爾扈特數千名。為首喇嘛一人。巴揚託孤子桑扎二員。帶領闖入境內搶殺。巴揚託孤子復帶土爾扈特十一人。往馬甘齒河兵卡殺死八人。經該國將巴揚託孤子扣留。送至恰克圖辦理等語。土爾扈特越界殺人。有無其事。並未據武隆額奏及該國公使照會內。所稱為首之喇嘛。係屬何人。巴揚託孤子桑扎二員。係屬中國何官。曾否帶領土爾扈特往俄國境內。搶殺哈薩克及該國所屬回人。其烏龍甲馬甘齒河等處。是否俄國地界。所稱此事係塔城參贊主使。是否確有其事。其中有無別項回人。藉端挑唆構釁。抑係俄人砌詞狡執。均著武隆額詳細查明。據實具奏。事關中外交涉。不可稍有虛飾。致啟邊釁。巴揚託孤子如已

由俄國送至恰克圖地方。卽著文盛、阿爾塔什達將其提至庫倫。務將以上各情節詢問確實。詳細具奏。此事固不可含混了結。亦不得鋪張生事。文盛等務當審慎妥商。秉公覈辦。仍將訊辦大概情形。先行速報總理各國事務衙門。以便覈覆。該國公使。毋稍疏忽。俄國公使照會。均著鈔給武隆額、文盛、阿爾塔什達閱看。將此由六百里各諭令知之。○以詹事府詹事繼格為大理寺卿。○癸卯遣官

祭

關帝廟。○諭內閣鑾儀衛奏直隸各州縣徵解地租拖欠甚鉅。擬派員前往會同查辦。一摺。直隸各州縣欠解鑾儀衛地租銀兩。疊經降旨嚴催。茲據該衙門奏稱。數十年來。各州縣應解銀兩。積欠至四十萬三千餘兩之多。每年新租徵解尚不及十分之半等情。該衙門每月放項。及一切辦公經費。在在均關緊要。豈容稍有貽誤。各州縣積年欠解銀兩。是

否那墊侵吞。相沿成習。必須嚴行查辦。以懲疲玩。卽著直隸總督認真確查。所欠銀兩。究屬在官在民。不准稍有含混。如有侵那等弊。卽著從嚴參辦。該衙門所請擬派員前往會同查辦之處。著毋庸議。○又諭卞寶第奏請開缺回籍養親等語。順天府府尹職守緊要。卞寶第向來辦事尚屬妥協。該員之母亦已迎養在京。卽可隨時定省。藉遂孝思。所請開缺回籍養親之處。著毋庸議。○又諭曾國藩奏請將胡大任仍以四品京堂候補等語。據稱禮部員外郎胡大任曾任實缺。於咸豐年間奉

旨以四品京堂記名。遇缺提奏。嗣因告病回籍。後辦理釐務出力。經曾國藩奏准免補員外郎原缺。仍請以四品京堂遇缺開列在前。經吏部以局務出力。不准保奏免補本班奏駁。懇請飭部仍照前旨辦理。胡大任既係曾任實缺。亦未別保升階。自與並未補缺而保舉

免補本班者微有不同。吏部何以毫無區別。概以不准保舉免補奏駁。以致前保遇缺提奏京堂之案。統歸另覈請獎之內。聲敘殊屬牽混。著仍照曾國藩所請。胡大任免其坐補員外郎。仍以四品京堂候補。遇缺開列在前。嗣後吏部於覈減保案。務須按照定章。查覈詳明。辦理公允。毋稍輕率。○又諭曾國藩奏查辦湖團。分別留遣。並酌籌善後事宜一摺。據稱江蘇銅沛兩縣濱湖田畝。前於咸豐元年間。因黃河豐工決口時。被水淹沒。嗣因黃水退涸。變為荒田。經前任南河河道總督庚長設立湖田局招墾。繳價輸租充餉。山東曹濟等屬各縣客民。遂陸續前赴該處。創立湖團。相率墾種。屯聚日多。銅沛土民。於水退歸鄉後。因舊時田產被客民所墾。日相控鬭。疊釀巨案。並有刁劣生監。設局斂錢。屢以湖團通捻謀逆等詞誣控。希圖將客民概行驅逐。現經訊明。分別良莠辦理。並擬設立同知及

籌辦善後章程三條等語。所辦甚屬允協。銅沛等縣土民田產。因被客民占墾。控鬭不休。固出於情之不得已。惟當地方官立局招墾時。該處土民並不呈請認還舊產。迨客民出賃認墾。變荒為熟。始行爭控。亦無以服客民之心。且所墾之田。亦有官荒地畝。土民被占田產。並無如許之多。其聚眾構訟者。亦非田產被占之戶。現經曾國藩查明。將上年容留捻匪之刁王兩團客民。驅回山東本籍。所有該兩團退出田畝六百五十餘頃。抵還侵占之數。計已有盈無絀。凡有印契糧票之失業土著各戶。均准其報官認種。以昭平允。其餘安分各良團。均不得概行驅逐。所墾地畝。均准其永為世業。該處土民不得再行爭控。經此次清理之後。該地方官遇有土客爭控之案。但當分別良莠。不得復存土客之見。以期永斷葛藤。其沛縣激眾構訟之生員王獻華。著卽革去衣衿。以示懲儆。嗣後儻再有土著

刁劣紳民聚眾誣控希圖斂錢肥己及客民中有恃眾逞強滋事者均著該地方官從嚴懲辦通匪在逃之客民王長振著曾國藩嚴拏務獲正法所請將徐州同知移紮該地方以資彈壓之處著該部議奏尋吏部議既據奏稱徐州境內必須駐有廳員彈壓應如所奏辦理將徐州同知移紮該處以制要害從之○諭軍機大臣等曾國藩奏查辦湖團分別留遣並酌籌善後事宜及起程赴周家口

派兵駐徐防賊東竄各摺片湖團爭利尋仇積釁已久此次曾國藩秉公查辦將王刁兩團全數逐回山東並酌定善後事宜三條以期各安生業永息爭端所辦甚屬妥速已明降諭旨均照所請辦理驅回山東之團現經設局發還地價並許給一半熟麥自不至窮無所歸第人數太多良莠不齊一旦失業回籍易滋事端著閻敬銘丁寶楨督飭該處官員認真經理撫綏安輯毋得稍有疏虞至安

靜各團地方應如何設官彈壓按照善後事宜次第經理之處著李鴻章吳棠督飭徐州道府各官隨時妥辦務臻萬全張總愚股匪現在西平遂平一帶意欲竄入山東曾國藩已飭劉松山等仍駐徐州湖團等處以遏竄突其東省防勦事宜著閻敬銘丁寶楨督飭在事各軍嚴密偵探力籌防堵王刁兩團從前既有容賊情事此時驅逐回東尤應防其勾結捻匪並著豫為防範不得稍涉大意朱

南桂前經楊岳斌奏調統帶舊部赴甘現在該總兵所部既經遣散能否前赴甘肅或由曾國藩另派一軍赴甘之處著斟酌情形妥籌辦理昨據官文奏稱官軍收復黃陂賊匪敗竄安麻新洲一帶咨劉銘傳迎擊等語著曾國藩嚴飭劉銘傳督率所部視賊趨向會合楚豫各軍前後夾擊以收聚殲之效將此由五百里諭知曾國藩李鴻章吳棠閻敬銘並傳諭丁寶楨知之○又諭穆圖善奏通籌

甘省軍務全局。並陳都興阿殺降失信。及馬隊四營無庸赴奉。擬令杜嘎爾赴任各摺片。納家插回民具稟投誠。靈州金積堡回目馬化澄亦曾兩次具稟求撫。真偽尚未可定。卽著穆圖善懷遵疊次諭旨。妥為籌辦。務令將首要各犯設法縛獻。方准投誠。斷不可專意主撫。致為奸回所給。現在甯靈尚未大定。甘肅近省之秦王川水北河一帶。肅甘涼等州郡。均有匪蹤肆擾。該將軍所稱甘省軍務宜先甯靈而後河狄先內地而後新疆。自係一定辦法。穆圖善務當將甯夏善後事宜妥為辦理。並將靈州回匪迅速辦竣。再圖移師進剿。雷正綰前經諭令馳赴甯夏軍營。茲據穆圖善奏稱甯郡各部兵勇已足鎮撫。請飭雷正綰勒辦甘肅近省回匪。免致勾結為患等語。卽著穆圖善與楊岳斌體察情形。斟酌辦理。新疆需兵緊要。成祿一軍著楊岳斌仍遵前旨。催令出關。穆圖善奏責令曹克忠勒辦

鞏昌股匪。俟省南安堵。再行移師平固一節。現在鞏昌業已解圍。著咨商楊岳斌妥籌調派。楊岳斌現已出省赴涇。務當督飭各軍將各路回氛次第掃蕩。以期肅清關內。毋稍延緩。前已降旨。諭令都興阿將馬隊四營仍留甯夏。並將杜嘎爾開缺。諭令隨同都興阿前赴奉天。甯夏副都統已著金順補授。卽著穆圖善將馬隊四營妥為調派。甯夏一切事宜俟金順到任後會商妥辦。將此由六百里各諭令知之。○河南歸德鎮總兵官朱南桂因病解職。以貴州清江協副將徐鶚為河南歸德鎮總兵官。○浙江衢州鎮總兵官朱品隆乞假養親。以記名總兵官唐殿魁為浙江衢州鎮總兵官。○命荊州副都統薩薩布京口副都統富和。前赴盛京。交工部尚書文祥署盛京將軍福興調遣。○予安徽廬江傷亡總兵官夏金標祭葬世職加等。○予江蘇銅山等處殉難州同銜唐守忠衛千總唐振海等

祭葬世職加等並建專坊○甲辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣劉坤一奏甄別庸劣不職

各員請分別革職降補改簡一摺江西建昌府知府董敬宣任意需索公事糊塗前署饒州府知府吳秉衡行跡貪污心術狡險新淦縣知縣程乃文操守不謹聽斷失平前署崇義縣知縣吳鴻慶自便私圖不協輿論新昌縣知縣姚近維大節有虧均著即行革職南

康府知府高延綬性情迂緩難以有為著降為同知歸部銓選前署甯都直隸州知州劉晉卿氣質麤率有乖政體著降為通判歸部

銓選臨川縣知縣錫榮才具平常著以簡缺改調以肅官方○諭軍機大臣等左宗棠奏

粵省軍務告歲班師回閩請令高連陞帶所部赴任各摺片粵東之賊全股蕩平後復經康國器等追捕餘匪並於降人中擒獲逆裔及悍賊數百名立予斬決老弱壯丁分別資遣辦理甚為妥協該督以墜馬致舊病增劇現於本月二十四日班師回閩著於到閩後安心調理期於速痊以慰廕繫左宗棠凱旋後粵省安插降卒按誅土匪善後之事方多正當留紮勁兵以資鎮遏瑞麟既咨催高連陞赴廣東提督本任何以反令左宗棠將其部曲檄飭回閩該署督徒為推諉該軍餉需起見曾不為地方計殊昧事機該省民風著名刁悍平日所養制兵毫不得力徒耗餉需儻閩軍凱撤而降卒土匪又復滋生事端重煩兵力該署督其能當此重咎耶高連陞所部五千餘人計每月需餉不過三萬餘兩即

著左宗棠檄飭該提督帶所部赴任。月餉由瑞麟郭嵩燾按月籌給。不准絲毫短少。帶欠致有掣肘之患。俟該省諸患悉平。伏莽淨盡。再議裁遣。劉典現在請假省親。該臬司久歷戎行。素稱得力。若令投閒。殊屬可惜。著左宗棠諄飭該員。於省親後即行銷假。應派往何路軍營帶兵勦賊。並著左宗棠斟酌奏聞。將此由六百里各諭令知之。○又諭前據明緒奏伊犁軍務危急情形。請催俄兵助勦。並伊犁摺報。請由俄國臺站派兵護送至伊各摺片。當經諭令總理各國事務衙門速議具奏。茲據奏稱借用俄兵助勦一節。上年與俄使往返商榷。該使詞語枝梧。毫無實際。今因伊犁情形危迫。復向婉轉籌商。仍推託如前。是借兵助勦。已屬萬不能行。惟有迅催內地兵餉。以為自強之計。至解到俄境之餉。該公使聲稱若欲由庫庫烏蘇再行前進。必須多派弁兵護送。伊犁將軍亦應派兵迎提。遞送文

報一節。則稱遞至伊犁邊界。已屬中國地面。礙難越境遞送。該王大臣復向再三諄屬。如能撥兵護送文報餉銀。該將軍必當酬勞。該公使始允。函致該處提督商辦各等語。著明緒即派妥員酌帶兵丁。前赴俄國邊界。常川駐紮。遇有俄國護送餉銀。及遞到文報。均須設法妥速轉遞。毋得稍有疏虞。伊犁軍情萬分危急。前據明緒奏請派員帶兵會勦。暨調撥蒙古馬匹。已諭令明緒親帶馬隊官兵六千名。赴伊救援。並將驕馬備辦三千匹。護解伊犁。著明誼懷遵前旨。迅速帶兵啟行。具業經解到之伊犁餉銀。並著一同護解。以期聲威漸振。守城兵士。不至枵腹荷戈。該將軍總當以大局為重。不得稍分畛域。觀望遷延。致滋貽誤。關內成祿等軍。已諭令星夜出關。赴伊會勦。儻再徘徊不進。即著明緒指名嚴叅。從重治罪。明緒當兵單餉缺之時。禦四面環攻之寇。竟能眾志成城。堅忍苦守。忠悃可嘉。

明誼援兵未到以前。該將軍仍當拊循飢卒。激勵士心。以冀力拯危局。各省專解伊犁餉銀。已令戶部查明。催令飛速籌解矣。榮全已否回伊。借兵之說。有無成約。明緒當斟酌情形。隨時奏明辦理。總理衙門原摺。著鈔給明緒閱看。將此由六百里各諭令知之。○以廣東軍務告竣。賞福建道員康國器三代二品封典。餘升敘有差。免投誠賊目黃朋厚罪。並賞守備銜。○予伊犁陣亡領隊大臣達春泰

等十二員祭葬世職。○予江西各屬陣亡殉難監生徐世璋等紳民婦女一千二百七十三名口分別旌卹如例。○乙巳諭軍機大臣等。前因伊犁待餉甚殷。諭令戶部查明各省專撥伊犁餉銀欠解數目。迅速具奏。茲據該部奏稱。查明上年正月六月七月。疊因伊犁需餉緊迫。三次專撥伊犁軍餉銀五十六萬兩。內山東銀十六萬兩。河南銀十四萬兩。山西銀二十萬兩。直隸銀六萬兩。迄今已及一

年。惟山西報解銀十四萬兩。直隸僅解銀一萬五千兩。河南山東則分毫未解。請旨飭催等語。現在伊犁軍務萬分喫緊。需餉甚亟。若再遷延不解。必至貽誤大局。著閻敬銘。丁寶楨。將上年奉撥未解銀十六萬兩。吳昌壽。將上年奉撥未解銀十四萬兩。迅速飭各該藩司如數措齊。解往山西。遞交烏里雅蘇台。轉解伊犁。其直隸上年奉撥欠解銀四萬五千兩。山西上年奉撥欠解銀六萬兩。並著劉長佑。

王榕吉嚴飭各該藩司趕緊籌出。轉遞烏里雅蘇台。迅速解往。以濟要需。儻再遲延。定將各該藩司從重懲處。並著各該督撫將起解日期專案報部。以憑稽覈。將此由五百里諭知劉長佑。閻敬銘。吳昌壽。並傳諭丁寶楨。王榕吉知之。○又諭傳諭護山西巡撫王榕吉。玉通奏。接准王榕吉咨稱。前奉指撥青海蒙古王公俸銀。現在無款可籌。俟庫款充裕。再行撥解。惟該蒙古自同治二年西甯回匪變

亂後道路梗塞。外被野番剽劫。內受回匪搶殺。貧民生計維艱。該王公俸項。未便虛懸。亟應變通撥濟。用資安撫等語。所奏自係實在情形。著王榕吉即將積欠該蒙古俸銀二萬七千三百兩。委員解赴西甯。交玉通轉給該蒙古王公收領。此係晉省欠解甘餉。劃抵之款。王榕吉務當設法籌解。如一時未能全解。卽先措解一年全俸。不得再有延誤。再據都興阿片奏前由鄂爾多斯貝勒扎那格爾第

運營之前。明萬歷年間所造熟鐵千斤大礮一尊。自回眾投誠後。交大同鎮總兵馬陞照管。現在甯靈漸就平靜。此礮無庸存於邊疆之外。請飭運交綏遠城暫存等語。著王榕吉飭知馬陞簡派妥員。卽將此礮自橫城河路順至包頭。運赴綏遠城。交德勒克多爾濟收存。聽候調撥。並咨行德勒克多爾濟遵照辦理。○西甯辦事大臣玉通奏漢回仇釁相尋。議撫恐難了事。得旨。玉通惟當會同委員鍾

瑛等妥籌辦法。抑強扶弱。恩威互用。不可意存遷就。為目前苟且之計。○調吏部尚書瑞常為工部尚書。工部尚書文祥為吏部尚書。未到任前。以都察院左都御史全慶署理。○予甘肅紅崖溝陣亡都司李澍等祭葬世職。○丙午。諭軍機大臣等。近聞直隸藩司唐訓方。於公事未能力求整頓。遇事健忘。惟候補道卞寶書之言是聽。該道不知檢束。有藉勢招搖情事。藩司表率僚屬。責任綦重。豈容他人干預。致令事權下移。劉長佑現已回省。著卽詳細查察。據實奏聞。毋得瞻徇諱飾。代人受過。將此密諭知之。○又諭有人奏。疆吏玩兵侵蝕。縱暴殃民。請另簡賢能以綏嚴疆一摺。據稱署貴州巡撫張亮基。莅任伊始。尚知愧奮。數月以後。與督臣勞崇光互相齟齬。近復信任家丁子弟。漁利營私。侵蝕湖南黔捐不下三十萬兩。四川已革知縣王應昌。送給該署撫三千金。遂攜帶至黔。冒功保薦。無惡

不作。張亮基始終袒護。該署撫之子張臚壽擅作威福。知縣茹含章厚贄拜門。委署畢節。劉登仁。趙文會納賄買缺。該署撫佯為不知。張臚壽至今亦未回籍。家丁白振采濫保官職。官紳憤恨。請飭查辦等語。張亮基被參各節。如果屬實。殊與黔省地方大有關係。著張凱嵩卽飭嚴樹森馳赴貴州。按照所參各情嚴密確查。據實具奏。不准稍涉徇隱。原摺著鈔給嚴樹森閱看。嚴樹森起程後。廣西臬司

著張凱嵩派員署理。將此諭知張凱嵩並傳諭嚴樹森知之。○補鑄浙江黃巖鎮總兵官關防。從巡撫馬新貽請也。○加賞普濟堂功德林。賡賑小米二百石。展期兩月。○丁未遣官祭

歷代帝王廟。○諭內閣。前因都興阿督辦甯夏軍務。於勦撫機宜毫無定見。且於兵勇入城肆掠。未能彈壓禁止。降旨將都興阿交部議處。茲復據穆圖善奏稱。都興阿帶隊入城。

百姓猝遭焚掠。城內精華蹂躪淨盡。回眾所交銀錢米糧亦被燒搶。不惟三寺良回死傷太眾。卽漢民甫經歸家者。大半皆遭屠戮。幾至釀成他變。各等語。都興阿於回眾獻城之後。帶隊入城。任令兵勇肆行搶殺。以致死傷過眾。民遭荼毒。實屬辦理乖謬。著再行交部議處。以示懲儆。尋議都興阿本應照溺職例議以革職。再奉諭旨。應請革職從重治罪。得旨。著加恩改為革職留任。○諭軍機大臣等。

德英奏分兵勦禦西南股匪。省會仍形喫緊。富爾孫奏長春廳會遇京兵。現仍分路截勦。各一摺。賊匪竄撲長春廳。退踞大嶺。富爾孫馳赴該廳。與定安之軍會遇。定安卽於初三日向八家子一路追賊進勦。富爾孫亦於是日向伊巴丹站進發。其時該站之孫九工等股匪紛紛入山。經依克唐阿等追及於三道濠地方。殲擒數十名。餘匪翻山奔竄。現在黑林鎮等處。股匪經定安等追勦。又自五臺子。

直奔大孤山赫爾蘇站一帶。富爾孫擬卽馳赴葉赫一路迎勦。卽著督飭依克唐阿等馬步各軍探蹤截擊。毋任狂竄。定安等軍業已由黑林鎮一帶進發。著文祥、福興飛檄該副都統等會合吉林官兵分道截擊。迅速圖功。毋稍遲誤。德英摺內所稱現據探報西南各股賊匪有竄赴圍場山邊村屯騷擾者。亦有轉竄西北長春屬境者。仍著德英商令富爾孫察看賊勢輕重。妥籌防勦。省城防守事宜並著嚴密籌辦。毋稍疏懈。黑龍江所撥馬隊一千名。早經奏報起程。何以尚未到吉。著寶善飛催前進。不准稍有延緩。富明阿於何時起程。並著寶善知照該將軍速赴吉林助勦。以期迅殄逆氛。伯彥訥謨祜所帶蒙兵現抵何處。著文祥知會該親王相機進勦。藉壯聲威。現在各股賊匪經官軍分路兜擊。勢必紛紛星散。所有奉天吉林兩省地方應如何分派各軍嚴密布置之處。著文祥豫行籌畫。妥

為調度。以便諸事就緒。屆期卽行回京銷假。將此由六百里各諭令知之。○又諭前因曾國藩奏調撥色爾固善等軍赴奉助勦。當經諭令文祥等催提前進。現在奉天吉林等處勦賊疊次獲勝。亟應添調兵力。以期迅就殄除。色爾固善等軍計已在直隸山東境內。著劉長佑、閻敬銘、丁寶楨查明該軍行抵何處。催令星夜趲程。速赴奉省。歸文祥等調遣。至察哈爾參領達爾濟一軍。前據阿克敦布等奏稱已起程進口。並著劉長佑一併催令前進。迅赴文祥等軍營聽候調遣。毋稍遲誤。將此由六百里諭知劉長佑、閻敬銘並傳諭丁寶楨知之。○又諭吳昌壽奏豫軍扼勦張總愚股匪。疊獲勝仗。喬松年奏皖軍越境勦賊獲勝。現仍督令進勦各一摺。張逆一股屢經豫軍擊敗。回繞於西平舞遂三縣之間。亟應乘勢翦滅。而賴牛等逆又自湖北回竄光州。豫省止此兵力。勢難兼顧。吳昌壽已派員前

赴周口。約會李昭慶一軍夾擊。卽著曾國藩飭令李昭慶迅速進兵。將賴牛等股痛加剿洗。其現駐鄂省之馬德昭等軍。及喬松年派出追賊之張得勝等軍。應如何合兵會剿之處。並著曾國藩相機調度。毋失事機。至張總愚股匪。屢經挫衄。吳昌壽當飭宋慶等軍乘勝進剿。就地殄除。毋令伺隙東竄。得與賴牛等逆合股復肆蔓延。皖境防剿事宜。喬松年督飭英翰等先事豫籌。毋稍大意。將此由六

百里各諭令知之。○又諭前因喬松年奏康錦文所部一軍改隸皖營。請催山東山西協解該營軍餉。當經諭令該兩省按月協解。茲據喬松年奏稱。山東山西協解該營之餉寥寥無幾。該撫於自顧不暇之時。尚須分濟此軍之食。實屬萬分拮据。請飭山東山西按月協解等語。現在皖省糧臺竭蹶。康錦文部下馬步六營。防剿捻氛。需餉孔亟。皖省萬難分濟。卽著閻敬銘。于寶楨。王榕吉。迅飭該藩司

將各該省向來協解康錦文軍營月餉。迅速併入皖省協餉之內。按月撥解。以資接濟。不得稍有貽誤。將此由五百里諭知閻敬銘。並傳諭于寶楨。王榕吉。知之。○又諭穆圖善奏甯靈回眾待撫。現在籌辦情形。並遵查燒搶郡城各節。一摺。甯夏獻城之後。陳天佑帶隊進城。肆行焚殺。殊屬大干軍律。陳天佑現經在逃。著趕緊查拏。嚴行究辦。該將軍有督辦軍務之責。卽當秉公查訊。以期水落石出。務

須情真罪當。以服眾心。正無庸另派大員來甯查辦。陳天佑所帶東治兩營。既經改派鄭啟貴接統。卽著飭令該總兵將所部兵勇妥為管束。以專責成。回目馬萬選。赫壯。圖馬化。澄。投誠乞恩。該回目等曾經糾眾踞城戕官。稔惡多年。若輕率准與投誠。恐狼子野心難消。反側著穆圖善。懾遵疊次諭旨。查明真偽。斟酌辦理。納家牘降眾。亦須妥為安插。該將軍當會同地方官。悉心經理。以期與漢民永

遠相安悉泯嫌隙將此由五百里諭令知之○又諭穆圖善奏大營餉糈不繼請飭催各省帶欠一摺甘省地瘠民貧米糧昂貴各營每月撥餉若干皆係計口授食實為刻不容緩之需各該省積欠餉銀為數過多若再遲延不解深恐飢軍譁潰於西北大局甚有關礙著官文崇實駱秉章李鴻章閻敬銘鄭敦謹劉蓉丁寶楨王榕吉嚴飭該管司道迅將各該省每月應解甯夏軍營餉銀按照數目源源批解並將以前積欠各款一併設法籌解毋得稍存膜視致誤要需將此由六百里諭知官文崇實駱秉章李鴻章閻敬銘鄭敦謹劉蓉並傳諭丁寶楨王榕吉知之○又諭穆圖善奏派員採辦軍糧請飭綏遠城將軍代覓駝船轉運等語甯夏軍營糧石缺乏現在穆圖善劉派委員在於包頭歸化等處採辦著德勒克多爾濟轉飭所屬雇覓駝船隻俾資運解所需價值仍由穆圖善軍營照

章發給該將軍當妥為備辦以期轉運迅速無誤軍食將此由五百里諭令知之○以河南正陽等處扼剿擒匪獲勝賞守備胡詩等花翎外委姜萬隆等藍翎遊擊劉廷等加銜升敘有差陣亡領催石成等賞卹加等○予因公淹歿安徽軍營記名總兵官康錦文祭葬卹廕加等○予河南各屬陣亡殉難官弁兵勇紳民婦女一千六百三十八員名口分別旌卹如例○戊申諭內閣馬新貽奏籌辦海塘情形一摺所稱石塘工程危險雇夫儲料均難湊手未能迅速集事均係實在情形惟浙省海塘為兩省民命所關著該撫督同司道嚴飭各廳弁設法籌款多購料物將土塘埽工認真保護未堵缺口趕緊修築斷不可怠緩因循停工待餉據奏此次籌修海塘工程均係該司道會同稽覈實用實銷各廳弁皆三年杭城克復後始行委署於銀錢全不經手與從前領項承修者迥不相同等語

所有修防處分。卽著照馬新貽所請。俟工竣日。再行扣限覈計。至歲久失修各石塘。如續有坍塌。各該員應得處分。並著一併免議。○又諭前因左宗棠奏參廣東布政使李福泰粉飾戰功。當照部議將該藩司降三級調用。茲據瑞麟郭嵩燾奏稱該藩司服官粵省二十餘年。循聲素著。自同治三年委辦軍務。尚能悉心調度。現當大功告歲。懇恩開復處分等語。李福泰粉飾之咎。本所應得。惟念其平日官聲尚好。從戎數載。不無微勞。可錄。著加恩准其開復降調處分。來京另候簡用。○諭軍機大臣等。伯彥訥謨祜奏擊賊獲勝。生擒賊首正法。及請催昭烏達盟官兵各摺片。伯彥訥謨祜行抵八面城後。馬賊避兵渡江。而西。經該親王進擊於鄭家屯地方。斃賊八九百名。沿途追捕。擒斬甚多。另股賊首孫九工等盤踞東沙嶺。復經該親王馳勦。斃匪三百餘名。並將賊首趙豁牙等陸續弋獲。訊明正

法。此次官軍以少擊眾。三日之內。連獲大勝。辦理甚為得手。卽著伯彥訥謨祜督飭各軍。將附近一帶餘匪殄除淨盡。視賊所向。移師進勦。隨時與文祥妥籌辦理。所有出力員弁。准該親王擇尤保奏。以示鼓勵。據奏昭烏達盟官兵屢催不到。復接麒慶文稱。擬將該盟馬隊留於熱河防堵。請分別議處等語。巴林郡王那木濟勒旺楚克於奉調官兵任意遲延。著交理藩院議處。麒慶於此項官兵擅擬截留。實屬不知緩急。著交部議處。仍著麒慶迅速咨行昭烏達盟長。將所調官兵星速派赴伯彥訥謨祜軍營。聽候調遣。儻再遲誤。卽著伯彥訥謨祜從嚴參處。將此由五百里各諭令知之。○又諭瑞麟等奏髮逆全股蕩平。現將各營兵勇分別撤留。籌辦地方土匪情形。一摺。所稱廣東民氣强悍。因循日久。紀綱廢弛。如上年翁源縣利陂塘土匪涂洪古等戕斃知縣張興烈一案。匪犯漏網尚多。永安

縣候選訓導黃遇周挾仇刦殺劉姓一案日久未辦遂至聚眾抗拒高連陞追賊之師為土匪相襲一案各鄉寨繳出案匪未及懲辦復任逃脫此外如東莞惠潮肇慶等處已發未發伏莽尤多若不趕緊籌辦必至釀成燎原之禍瑞麟郭嵩燾現擬裁撤方曜等營酌留二十餘營分三停辦理並移會高連陞勘辦黃陂等處之匪均著照所請辦理廣東兵數勇數不少若果得力何至寇盜充斥至於

如此現即分投辦理恐賊眾兵單在事之勇不能圖功已裁之勇又復為盜是該省軍務永無了期高連陞所部不過數千人且皆百戰勁旅瑞麟不令帶赴廣東兵將不習何以能濟著懷遵本月十四日諭旨傳知高連陞將所部五千餘人帶赴新任並統率粵境各軍將各處土匪責令該提督次第勦除冀收全效月餉由該督撫籌給不得推諉貽誤廣東籌辦防勦各員准瑞麟等擇尤保獎毋許

冒濫將此由四百里各諭令知之○以不遵紀律革外火器營參領雙保職並逮問○己酉以吉林勦辦馬賊獲勝予協領春壽以副都統簡放賞佐領岳忠阿巴圖魯名號瑚圖里花翎○以克復湖北黃陂縣城予提督劉銘傳優敘賞總兵官張景春副將馮如霖田履安劉盛休周志本李錫增遊擊王德成巴圖魯名號餘加銜升敘開復有差予陣亡守備陳福祿等祭葬世職加等○予浙江洋面

陣亡外委林鷹揚祭葬世職加等○予浙江陣亡殉難官弁鹽經歷王秉森等暨紳民婦女五十五員名口分別旌卹如例○庚戌清明節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○諭軍機大臣等戶部奏

各省欠解新疆餉銀並歷年積欠甘餉請飭

催籌解一摺新疆地處邊陲自回匪滋事以

來餉源早經枯竭全賴內地源源接濟方可

維持大局乃各省奉撥之餉已解者僅止四

十七萬六千兩未解者尚有一百六十三萬

四千兩之多實屬任意延玩著崇實駱秉章

劉長佑閻敬銘丁寶楨王榕吉吳昌壽迅將

前項奉撥未解銀兩趕緊籌措不得再有玩

誤除山西應解銀兩仍由綏遠城轉解烏里

雅蘇台外其直隸山東河南應解銀兩即著

解交山西由該護撫派員遞解烏里雅蘇台

四川應解銀兩即著解交甘肅由該督派員

轉解成祿軍營交納毋稍延緩至各省自軍

興以來拖欠甘餉為數甚多疊經該督奏催

令各該省先籌二三十萬兩及數萬兩解甘

乃至今報解仍復寥寥甘省地方瘠苦現在

攻勦正當喫緊餉需甚形缺乏各該督撫等

理應竭力籌措共濟時艱著曾國藩李鴻章

瑞麟郭嵩燾劉長佑閻敬銘丁寶楨吳昌壽

劉卹膏喬松年馬新貽劉坤一劉蓉王榕吉

各將同治五年協甘新餉迅速籌款委解甘

省其歷年積欠甘餉雖一時不能全數起解

亦當各先籌一成解往。至廣東天津關所欠無多。卽著儘數籌解。均不得飾詞諉卸。致誤要需。戶部原摺著摘鈔給閱看。將此由五百里諭知曾國藩。李鴻章。劉長佑。崇實。駱秉章。閻敬銘。喬松年。馮新貽。劉坤一。瑞麟。郭嵩燾。劉蓉。吳昌壽。並傳諭丁寶楨。王榕吉。劉卣膏知之。○又諭總理各國事務衙門奏據總稅務司呈遞局外旁觀論。英國使臣呈遞新議論略。於中外情形深有關繫。請飭交沿海沿

江通商口岸地方各督撫大臣妥議一摺。並將總稅務司及英國使臣所遞論議照會各件一併進呈。披覽之餘。有不能不豫為籌畫者。中國軍務未平。帑項未裕。洋人卽因此以生覬覦。詳閱總稅務司赫德所陳局外旁觀論。大旨有二。曰內情。曰外情。英國使臣威妥瑪所陳新議論略。大旨有二。曰借法自強。曰緩不濟急。其詞與局外旁觀論大意相同。而措詞更加激切。其所以挾制中國者。則以地

方多故。不能保護洋商為兢兢。現據總理各國事務衙門奏稱窺洋人之立意。似目前無可尋釁。特先發此議論。為日後藉端生事地步。若不先事通籌。恐將來設有決裂。倉卒更難措置等語。因思外國之生事與否。總視中國之能否自強為定準。該使臣等所論。如中國文治武備財用等事之利弊。並借用外國鑄錢造船軍火兵法各條。亦間有談言微中之時。總在地方大吏實力講求。隨時整頓。日

有起色。俾不至為外國人所輕視。方可消患未萌。杜其窺伺之漸。至所論外交各情。如中國遣使分駐各國。亦係應辦之事。此外所論各節。反覆申明。總以將來中國不能守信為疑。所陳輪車電機等事。雖多窒礙難行。然有為各國處心積慮所必欲力爭之事。尤恐將來以保護洋商為詞。卽由通商口岸而起。江蘇江西浙江湖廣閩粵各省。及三口通商地方。均係沿江沿海。與該洋人日相交涉。該督

撫等俱應熟悉中外情形。應如何設法自強。使中國日後有備無患。並如何設法豫防。俾各國目前不致生疑之處。著官文曾國藩左宗棠瑞麟李鴻章劉坤一馬新貽鄭敦謹郭嵩燾崇厚各就該處情形。及早籌維。仍合通盤大局。或目前即可設施。或陸續斟酌辦理。或各處均屬阻滯。斷不可行。務條分縷析。悉心妥議。專摺速行密奏。此事關係中外情形甚重。該督撫大臣等務當共體時艱。勿泥成

見。知己知彼。保國保民。詳慎籌畫。不可稍涉疏略。是為至要。外國論議及說帖照會四件。均著鈔給官文等閱看。將此由五百里各密諭知之。○又諭總理各國事務衙門奏請飭各省督撫將中外交涉事件迅速了結等語。洋人性多堅執。遇有交涉事件。必求悉如所願。惟在臨事揆度機宜。辦理迅速。方不至因遲生疑。因疑生憤。乃近來各省辦理交涉事件。不論事之難易。相率懸宕。甚至有數年不

結者。卽如廣東潮州入城一事。不立教堂。不設關卡。不開行棧。三條言之已久。阿禮國斷非近日始知。乃先則不言。而近忽言並無其事。可見因循延誤。於和好大局。關係匪輕。著各該將軍督撫府尹等嚴飭各地方官。嗣後於中外交涉事件。務須迅速辦理。其易於了結者。固應隨時妥辦。卽有難為之事。亦當折之以理。諭之以情。與之反覆辯論。萬不可一味遲延。致彼族有所藉口。激成他變。是為至

要。原片均著鈔給閱看。將此各諭令知之。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十九

實錄卷之九

天

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十

臣等伏以穆宗皇帝繼天開運受中居正保大定功聖智誠孝信敏恭寬毅皇帝實錄卷之一百七十

教修

同治五年丙寅二月辛亥祭

先農之神。遣怡親王載敦行禮。○諭軍機大臣等文祥福興奏官軍馳赴吉林三獲大勝。並保守開原縣城。覆陳摺捕圍場。擬辦情形各摺片。覽奏曷勝欣慰。此次文祥福興所派兵勇。前赴吉林。行至長春廳地方。適遇馬賊大股。陸續渡江而西。紛紛回竄。有一萬數千名之多。定安劉景芳等竟能督率兵勇奮力鏖戰。三獲大捷。擒斬賊目甚多。實足以挫兇醜而快人心。文祥等調度有方。定安劉景芳

等異常奮勇。甚屬可嘉。福興帶兵馳赴開原。適值股匪來撲。城大兵單。該署將軍督率兵勇迎擊。以少勝眾。殲戮甚多。布置亦頗合機宜。所有在事出力各員。著照所請。准其擇尤保奏。現在長春廳擊敗餘匪。多向東南威遠堡邊門一帶逃竄。興京地方緊要。文祥等務須多撥兵勇。分投布置。小心保護。毋稍疏忽。定安所部追賊回向奉天。兵力應敷分布。著卽妥為調度。飭令將此路逸匪擒剿淨盡。毋

留餘孽。伯彥訥謨祜現帶蒙古兵駐紮八面城。前據該親王奏稱屢次擊敗西竄馬賊。並擒捕該處土匪。疊擒首要各犯。頗為得力。卽著文祥等知會該親王在該處嚴密防剿。以杜吉林賊股西竄之路。所有前調之黑龍江兵一千名。仍著歸德英就近調遣。並著富明阿遵奉前旨。迅速馳赴吉林助剿。毋稍延緩。賊股現既四散紛竄。並未專踞圍場。自應先將紛竄之賊盡力埽除。再合奉天吉林兩省

兵勇入山擒捕圍場藏匿餘匪。或設法雇募獵戶。購綫緝拏。務期淨絕根株。毋留餘孽。前據丁寶楨奏稱富爾孫所調之參將李其昌已歸直隸開州原籍。現咨直隸總督劄調。惟直東各勇率多油滑。俟該參將到東。飭令認真挑募等語。已批令該護撫詳細察看能否得力。據實具奏。候旨遵行矣。富爾孫能否獨當一面。直東勇丁擒捕圍場能否有效。著富明阿於到吉林後。確切查明覆奏。該副都統

前請設立糧臺之處。既於軍事未便。著毋庸議。將此由五百里各諭令知之。○欽差大臣文祥等奏遵查扎朗阿在三道林子。並無殺賊之事。恩科穆錦德印李天恩所報勝仗。俱跡近鋪張。業經奏參革職。請免查究。報聞。○以吉林中陽堡等處剿賊。疊獲大勝。復副都統定安職。與守備夏東昇均賞巴圖魯名號。遊擊費蔭魁等花翎。餘加銜升敘有差。予陣亡軍功楊成謙祭葬世職。如千總例。○壬子。

諭內閣張凱嵩奏查明屬員優劣分別舉劾一摺。廣西補用道李均幹濟艱難。綜覈精密。著仍以道員遇缺儘先提奏。候補同知徐廷旭。勵志潔清。勞心撫字。著俟補同知後以知府用。先換頂帶。知州楊廷璵。心氣和平。膽識堅定。知縣柳增香。精明果決。寬猛兼施。均著以同知直隸州知州補用。以示鼓勵。泗城府知府鄒嶧杰。年逾七旬。兩耳重聽。著以原品休致。岑溪縣知縣景星。體弱多病。性涉固執。

平樂縣知縣施治。鑒識見淺狹。均著以教職降補。歸部銓選。羅城縣知縣袁昕。才具平庸。難膺民社。著以縣丞留於廣西降補。興業縣知縣鍾聲果。於自用。文過飾非。候補知縣江汝霖。性情靡率。不愜輿情。典史朱秀棣。言行謬妄。挾制印官。何廉敬。延不赴任。潛回原籍。從九品周芝恩。行同無賴。不守官箴。以上五員。均著一併革職。以示懲儆。○署吉林將軍德英丁憂。以前任江甯將軍富明阿為吉林

將軍。○癸丑。諭軍機大臣等。前因曾國藩奏遵查吳昌壽於保升遂平縣知縣文玉參劾。汝陽縣知縣蘊琛是非顛倒。當降旨將吳昌壽議處。文玉卽行革職。蘊琛開復原官。並令吳昌壽將揭參蘊琛之本管知府查明參奏。茲據吳昌壽奏稱。蘊琛嬾於辦公。常以看牌拍崑腔為事。先由該管署南陽府知府顧嘉衡開具清摺送司。嗣經藩司訪查屬實。請列彈章。與之暗合。是以據情參劾。並非顧嘉衡通詳揭參。可否免其置議等語。蘊琛文玉參劾保舉之案。業經曾國藩查明。明降諭旨。平反。自可無庸置議。惟顧嘉衡於參劾蘊琛。何以無印冊印文。通詳揭參。有無挾私。蘇廷魁率行據以請列彈章。有無考察失當之處。著李鶴年於到任後。秉公查明。據實具奏。毋稍偏徇。吳昌壽原參摺。及此次覆奏摺。並劉毓楠。曾國藩各原摺。均著鈔給閱看。將此諭令知之。尋奏遵查前撫臣吳昌壽曾面屬蘇廷

魁轉飭顧嘉衡將所屬收令賢否密考。是以未用印冊印文。惟嗣經飭查。又復遁辭諉卸。雖無挾私情事。實屬前後兩歧。藩司蘇廷魁據該府清摺請參。並未查出確據。亦屬不合。請分別交部議處。從之。○陝甘總督楊岳斌奏。遵查雷正綰自願帶領降回。進取金積堡等處。以贖前愆。得旨。前據穆圖善奏甯郡各部兵勇已足鎮撫。請飭雷正綰勦辦甘肅近省回匪。免致勾結為患。已寄諭該將軍與該

督酌辦。即著該督遵照前旨。會商穆圖善相機調遣可也。○予浙江紹興殉難候選知縣姜葆泰等紳民婦女一百二十三員名口分別旌卹如例。並予建祠。○甲寅。諭內閣。禮部具題本年三月二十三日萬壽應行禮儀一本。所有王公大臣官員著在乾清宮行禮。停止筵宴。餘依議。嗣後內閣票擬萬壽禮儀本內著於現票雙簽外添票著在乾清宮行禮。停止筵宴。餘依儀一簽。○諭軍機大臣等官

文。鄭敦謹奏官軍擊賊出境。疊獲勝仗。現在分路防剿各情形一摺。捻逆自黃陂竄遁後。併聚新洲。經提督藍斯明等於靠山鋪等處將該逆連次擊敗。擒斬甚眾。馬德昭復與韋志俊追至新洲。與李濟清水師會合夾擊。大破賊眾。乘夜襲攻匪巢。追至麻城。適遇皖軍進至該處。會合助剿。復乘夜襲入賊寨。包抄衝擊。連毀賊營數十座。追殺六十餘里。斃賊千餘名。生擒三百餘名。該逆竄向光山。楚境已無賊蹤。此股捻匪。經鄂皖江豫各軍會剿。屢次獲勝。足見各省合力會剿之效。惜乎吟域之見。猶未盡除。僅稱擊賊出境。不能就地殄滅。現在該逆殘敗之餘。勢甚窮蹙。著官文嚴飭將士。乘此聲威。速將此股殄盡。以期移師西進。再將張總愚股匪合力埽除。並著曾國藩即飭劉銘傳迅率馬步全軍。由武勝關入豫。繞出賊前。迎頭攔截。其梁美材等馬步各營。已隨馬德昭跟追赴豫。著官文鄭敦謹

吳昌壽嚴檄該提督等。視賊所向。盡力窮追。張得勝等軍。現已回紮商城。卽著曾國藩檄令該軍嚴密扼守。以固皖省門戶。總期數省實力會剿。不得有名無實。官文所請此次暨襄棗剿賊出力各員保獎之處。著准其擇尤覈實酌保數員。毋許冒濫。鮑超一軍。如已抵鄂。卽著曾國藩飭令馳赴豫省助剿。由曾國藩調遣。所需餉銀。應如何分籌接濟之處。卽由官文。曾國藩。函商奏撥。曾國藩此時計可

行抵周家口。所派劉松山。張詩日等軍。進至固始。與商城相距甚近。兵力已厚。卽著飭令該提督等。與劉銘傳等軍。分路進剿。以冀迅殄賊氛。毋稍延緩。將此由六百里各諭令知之。○又諭楊岳斌。劉蓉奏慶陽糧臺。請移設西安。楊岳斌奏遵催成祿等軍出關各摺片。慶陽糧臺。僻處偏隅。難資轉運。楊岳斌等擬撤去慶陽糧臺。於涇州秦州慶陽等處。設立分局。派員轉遞。而以西安為後路總匯。並將

製造採買轉運等局。歸併糧臺。提綱挈領。所奏係為因時制宜起見。卽著照所請行。並責成林壽圖。卽在西安辦理甘肅後路糧臺。認真擘畫。以期呼應靈通。有裨大局。所有慶臺裁汰委員及接統兵勇各事宜。著楊岳斌派員妥為辦理。毋稍稽遲。成祿。鶴齡兩軍。楊岳斌已酌分餉銀。催令迅速出關。仍著遵旨嚴催。毋許稍涉延玩。至該軍出關以後。需餉尤關緊要。楊岳斌務當設法源源接濟。毋令稍有缺乏。致誤師行。本日據楊能格片奏發餉均照舊章辦理。並無膜視前敵之事。譚玉龍挾奏參周顯承之嫌。屢次蒙稟。現已咨稟督撫各等語。著楊岳斌趙長齡秉公詳查。據實具奏。楊能格請飭陝省力籌糧餉接濟慶涇之處。著楊岳斌。劉蓉督飭林壽圖竭力籌辦。陸續解濟。以拯飢軍。楊能格片一件。著鈔給楊岳斌。趙長齡。劉蓉閱看。將此由六百里各諭令知之。○又諭楊岳斌。劉蓉奏慶陽糧臺。

請移設西安一摺。慶陽糧臺。僅顧隴東一路而防兵委員。糜費頗多。經該督撫等通盤籌畫。擬撤去慶陽糧臺。於涇州秦州慶陽等處設立分局。而以西安為後路總匯。請飭協撥慶陽月餉各省。移解陝西藩庫等語。自係為關隴全局起見。所奏尚屬可行。嗣後協餉各省。自應將餉銀移解陝西總局。以免紛歧。著崇實駱秉章閻敬銘吳昌壽。丁寶楨王榕吉。按月將慶陽糧臺協餉。委員徑解陝西藩庫。

西安距各省道里較近。且免繞越之虞。各該督撫等務當隨時解濟。毋稍缺乏。將此由六百里諭知崇實駱秉章閻敬銘吳昌壽並傳諭丁寶楨王榕吉知之。○以內閣學士李鴻藻為禮部右侍郎。仍兼署戶部右侍郎管錢法堂事。○江蘇學政宜振因病解職。命太常寺卿鮑源深提督江蘇學政。○乙卯。諭軍機大臣等。本日都興阿到京。陛見。不日即可赴任。前因該將軍辦理軍務有年。尚稱老練。是

以調任盛京將軍。乃上年冬間甯夏回眾投誠。郡城收復之後。該將軍無端帶隊進城。任令兵勇肆行搶殺。以致回漢居民盡遭荼毒。辦理實屬乖謬。疊經交部議處。部議請將該將軍革職治罪。因一時簡調乏人。降旨將都興阿加恩改為革職留任。惟盛京地方積弊甚深。將軍兼轄文武。責任綦重。該將軍到任後。於一切事宜。辦理能否妥協。不至貽誤。著文祥留心察看。據實具陳。現在吉林賊匪。經

官軍疊次剿除。聲威大振。諒不難剋日蕩平。惟圍場山內。餘孽潛藏。恐尚不少。所有吉林奉天兩省。應如何分兵布置。摺剿之處。著妥為籌畫調度。務臻周密。其先後所調京兵天津洋槍隊直隸馬步兵勇。應如何分別撤留。福興是否可以暫留奉天帶兵剿賊。抑或與該尚書一同回京。均著文祥酌度情形。奏明辦理。將此由四百里密諭知之。○又諭寶善奏派兵過界剿賊。克復雙城堡一摺。雙城堡

失守後。經寶善派令托什納德勝等前往援。勦連夜環攻。賊眾冒死衝出。官兵乘勝追勦。直至拉林河。賊匪狂奔四散。現將三姓營總農英阿暫駐雙城堡。拏緝餘匪。飭德勝赴伯都訥界助守。托什納赴阿勒楚喀。會同該城協領拏拏土匪。卽著責成該營總等。分赴各城界實力防守。毋稍疏懈。現在伯都訥阿勒楚喀等處。是否尚有大股賊匪。著卽查明具奏。雙城堡出力各員。著寶善擇尤酌保。毋許

冒濫。北路三城收集潰兵。安撫難民。一切善後事宜。在在均關緊要。現在均無大員駐守。無所責成。著富明阿德英揀派得力之員。前往各該城分投辦理。以靖地方。並將該處官員下落詳細查明。據實具奏。將此由五百里各諭令知之。○以湖北黃安縣捐貲團練。永廣學額八名。○以湖南官軍捐輸欠餉。永廣龍陽縣學額四名。○丙辰。

孝昭仁皇后忌辰。遣官祭。

景陵。○諭內閣。殷兆鏞著授其詳。奕訢奕謨讀。○諭軍機大臣等。馬新貽奏。巡視海口情形。酌議改造戰船。粵省軍事已定。藩司將益澧應否前往各一摺。官軍拏捕洋盜。全賴船械得力。方能奏效。馬新貽現擬改造紅單廣艇三十號。合之張其光原帶廣艇十隻。共計四十號。分派溫州等處各要口。並購買外國輪船一兩隻。以為遊擊雕勦之用。所籌尚屬周妥。均著照所請行。仍著馬新貽督飭沿海各將弁。就現有師船。認真巡緝。拏捕餘匪。以靖地方。毋得稍涉疏懈。本日已明降諭旨。授將益澧為廣東巡撫。卽著將益澧趕緊交卸起程。前赴新任。蔣益澧經朝廷擢膺疆寄。責任非輕。到任後。務將軍務吏治及籌餉各事宜。力加整頓。以期日有起色。毋得稍蹈因循積習。致負委任。將此由五百里各諭令知之。○又諭崇實駱秉章奏。籌撥採辦甘省軍糧銀兩。請解至本年五月停止。並請將協甘餉銀。

每月改為二萬兩各摺片。所稱四川每月解陝銀二萬兩。為採辦甘省軍糧之用。計每歲需銀二十四萬兩。川省庫儲罄竭。不能籌此鉅款。且尚須按月撥解協甘餉銀。陝省現已復業。錢糧日有起色。且營田次第開墾。計四五月間。麥秋豐稔。辦糧較易。請將此項銀二萬兩。自本年正月起。解至五月止。少紓川力。雖係實情。惟陝省自五月後。於甘省軍糧。能否竭力籌措。無誤要需。朝廷實難懸揣。著崇

實駱秉章劉蓉妥為籌商定議。以恤鄰封。至楊岳斌前奏酌定川省每月協甘餉銀三萬兩。崇實等以力難兼顧。請將先後奉撥甘肅及新疆各餉。除按月已解一萬兩外。每月再籌銀一萬兩。自本年正月為始。按月共撥銀二萬兩。解至秦州。交楊岳斌酌量分撥之處。並著楊岳斌斟酌情形。與崇實駱秉章商定數目。奏聞辦理。將此由五百里各諭令知之。○以正白旗漢軍副都統明春署右翼前鋒

統領。正紅旗蒙古副都統奕貴署正黃旗護軍統領。○命署廣東巡撫郭嵩燾來京。以浙江布政使蔣益澧為廣東巡撫。浙江按察使楊昌濬為布政使。補用道王凱泰為浙江按察使。○命工部左侍郎黃倬在上書房行走。○丁巳諭內閣。喬松年奏請將革員押解來皖。覈算軍需等語。已革總兵郭寶昌前在皖境領放軍餉。輾轉甚多。即著山東巡撫委員將該員押赴安徽。將經手餉項。迅速造報。該

革員係發往新疆效力贖罪之犯。一俟造報完竣。即由喬松年派員押解赴戍。不准藉端逗遛。○諭軍機大臣等。丁寶楨奏豫捻折竄東境。現在飭軍布防。並移紮東平一摺。捻匪張總愚由豫境率黨東竄。已至曹考交界之許河寨長樂寨。並定陶縣屬境林窪喬樓一帶。該匪晝夜狂奔。勢必銳意東趨。圖擾腹地。曾國藩現在濟甯。著即督飭潘鼎新等軍。迎頭截擊。力遏賊蹤。並著閻敬銘丁寶楨嚴飭

開河十營布置運岸。毋令該匪乘隙偷渡。賊捻大股在後未動。吳昌壽務當不分畛域。派兵追躡。期與東省各軍會合夾擊。以收聚殲之效。直隸與東境毗連州縣。延袤數百里。亦應嚴密設防。卽著督飭水師礮船認真防範。並飛檄陸路將弁一體相機截剿。毋得稍有疏虞。丁寶楨另摺奏察看參將李其昌招勇未能得力。擬改派副將張得魁帶勇千名。馳赴奉省助剿等語。奉天吉林馬賊疊經官軍剿洗。屢獲大捷。現在賊勢窮蹙。指日可期。蕲事。前調京營兵勇已酌量撤回。而東省剿辦正須厚集兵力。所有張得魁一軍。卽著留於東省。交丁寶楨調遣。以資得力。毋庸前赴奉省。將此由六百里諭知曾國藩劉長佑閻敬銘吳昌壽並傳諭丁寶楨知之。○予江蘇各屬殉難光祿寺署正銜陳俊等紳民婦女二千一百四十四員名口分別旌卹如例。○戊午遣官祭賢良祠。○諭軍機大臣等鮑超奏

拔營抵江。擬請籌撥餉項採辦戰馬。整隊赴豫一摺。前因鮑超一軍調豫助剿。曾經諭令官文曾國藩將該營所需餉項。函商奏撥。茲據鮑超奏稱豫省地勢平曠。利在騎戰。現在派員採買戰馬。並赴粵購辦馬槍等件。俟馬匹到齊。編立十五營。操練候調。至所部新舊各軍月需餉銀九萬七千零馬隊編立。照章需餉三萬四千零。合共月需餉銀十三萬一千有奇。此時東南軍務告竣。江省各軍分別裁撤。該營月需餉銀可否仍由江西籌撥。馬隊均用洋槍。所需洋藥洋火。請飭廣東陸續採運各等語。著官文曾國藩懍遵前旨。將鮑超軍營月餉迅速函商籌撥有著之款。源源接濟。如鄂省餉需缺乏。不能全顧。鮑超軍餉或由江西每月協濟若干。亦著官文曾國藩酌度情形。奏明辦理。其洋槍所需火藥等件。應用若干。並著官文等酌定數目。咨明廣東趕緊籌解。以利師行。捻匪張總愚現由豫境

率黨東竄。已至曹考界內。而賴牛等逆。尚蔓延於光州等處。亟應分兵勦辦。著鮑超迅率所部。剋日起程。由鄂赴豫。探明賊蹤。認真勦辦。毋稍遲延。鮑超摺著鈔給官文。曾國藩閱看。將此由六百里諭知官文。曾國藩並傳諭鮑超知之。○己未。諭內閣。前因左宗棠奏。參福建布政使張銓慶昏憤糊塗。意存戀棧。曾經降旨。將該員卽行革職。茲據徐宗幹奏。張銓慶在閩浙軍營二十餘年。辦理文案。尚為通達。在藩司任內。勤儉著稱。雖器識稍近偏狹。而誠實廉謹。尚可降格量用等語。張銓慶著吏部調取引見。○又諭。前因熱河赤峰縣番役丁起雲。丁起隴等諸多不法。疊經降旨交麒慶嚴密查辦。茲據奏稱番役丁起雲。丁起隴。查有通賊情事。經該都統派令知縣李繼昭前往密拏。立將該二犯弋獲。於審明後卽行就地正法。辦理尚為妥速。署赤峰縣知縣李繼昭拏辦巨匪。慎密周密。著准其奏請

獎勵。○諭軍機大臣等。麒慶奏。飭催昭烏達盟官兵赴營。並請飭伯彥訥謨祜咨行該盟文書。徑由蒙古馳送各等語。昭烏達盟官兵前經麒慶遵旨劄催。迨至二月初間。仍未據該盟長呈報起程。現復經該都統專差齎文前往。催令迅速前進。尚未接據回文。卽著麒慶仍遵前旨。嚴行咨催該盟長。將所調官兵星速派赴伯彥訥謨祜軍營。聽候該親王調遣。不准再涉遲延。致干重咎。熱河至該盟長駐紮巴林地方。路途紆遠。鋪遞遲滯。嗣後伯彥訥謨祜於應行咨照該盟長文書。卽著一面徑由蒙古地方馳送。一面知照麒慶妥為辦理。以免遲誤。將此各諭令知之。○又諭富明阿奏。起程日期。並調烏里布帶兵酌擬征兵餉銀章程各摺片。吉林境內馬賊現多回竄。長春廳界經文祥等派撥直隸馬勇。並京營官兵進剿。疊獲大勝。殲戮大半。餘眾星散。此時吉林情形當已稍鬆。自應乘此機會。將

該處所留餘匪。迅速勦捕。力行掃蕩。富明阿業已起程。著卽兼程馳往吉林。督帶黑龍江援兵。會合德英。將境內賊股。實力勦洗。毋留餘孽。署墨爾根城副都統烏里布。帶兵既稱得力。卽著富明阿調赴吉林。勦賊。所遺員缺。著寶善派員署理。富明阿此次赴吉。應帶官兵及親軍若干名。著與寶善商酌妥辦。所請將黑龍江營領餉章程。照吉林省章一律辦理之處。卽著照所請行。阿勒楚喀等處。現在有無大股賊匪盤踞。仍著德英查明具奏。並將各該處善後事宜。認真妥辦。毋稍疏忽。將此由五百里各諭令知之。○又諭李瀚章奏黔苗復竄楚疆。疊經官軍擊退。現勦銅仁教匪情形。及朱南桂劉連捷兩軍未能赴甘。並遵催曾國荃赴任各摺片。黔省寨頭苗匪。屢擾楚疆。經周洪印等督軍擊敗。賊遁回巢。惟銅仁教匪。現由黃瓜巖出撲謝家橋。並有盤踞壩關溪之意。設再與苗逆勾通一氣。勢將

益肆蔓延。李瀚章現飭周洪印等軍。赴銅勦辦教匪。以翦苗逆羽翼。所辦甚合機宜。卽著嚴檄周洪印等。迅速圖功。將教匪痛加勦洗。以期併力寨頭。擒渠掃穴。張亮基督飭銅仁文武員弁。會兵勦辦。務殄賊氛。毋得稍涉遲誤。朱南桂劉連捷患病未愈。所部亦均遣散。自難剋日赴甘。惟甘省軍務緊要。差委需人。仍著李瀚章隨時察看。如該二員病已就痊。卽行奏明。飭令赴甘。以資得力。曾國荃現已料理行裝。定期就道。著李瀚章傳知該撫。迅速馳赴新任。力圖報稱。不得稍有遲逾。將此由五百里各諭令知之。○以故圖謝圖汗扎薩克頭等台吉幹丕爾多爾濟子索諾木車林襲職。○追予福建殉難道員徐曉峰謚剛毅。交國史館立傳。○追予福建漳州殉難署總兵官祿魁。知府扎克丹布。各建專祠。募友戚屬等分別旌卹附祀。○追予福建漳州殉難縣丞王秉剛等祭葬世職。附祀道員徐曉

峰專祠。知縣何煒等四十八員名暨婦女等
分別旌卹。入祀忠義節孝等祠。○予聞變捐
軀原任福建按察使黃安綬妻張氏暨子媳
等分別旌卹如例。○追予廣東佛岡殉難同
知羅才綸於福建甯府原籍建立專祠。○
予貴州金家場陣亡千總石中瓊祭葬世職
加等。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十一

聖祖皇帝御製詩經注疏卷之六十五
聖祖皇帝御製詩經注疏卷之六十六
聖祖皇帝御製詩經注疏卷之六十七
聖祖皇帝御製詩經注疏卷之六十八
聖祖皇帝御製詩經注疏卷之六十九
聖祖皇帝御製詩經注疏卷之七十
聖祖皇帝御製詩經注疏卷之七十一
聖祖皇帝御製詩經注疏卷之七十二
聖祖皇帝御製詩經注疏卷之七十三
聖祖皇帝御製詩經注疏卷之七十四
聖祖皇帝御製詩經注疏卷之七十五
聖祖皇帝御製詩經注疏卷之七十六
聖祖皇帝御製詩經注疏卷之七十七
聖祖皇帝御製詩經注疏卷之七十八
聖祖皇帝御製詩經注疏卷之七十九
聖祖皇帝御製詩經注疏卷之八十
聖祖皇帝御製詩經注疏卷之八十一
聖祖皇帝御製詩經注疏卷之八十二
聖祖皇帝御製詩經注疏卷之八十三
聖祖皇帝御製詩經注疏卷之八十四
聖祖皇帝御製詩經注疏卷之八十五
聖祖皇帝御製詩經注疏卷之八十六
聖祖皇帝御製詩經注疏卷之八十七
聖祖皇帝御製詩經注疏卷之八十八
聖祖皇帝御製詩經注疏卷之八十九
聖祖皇帝御製詩經注疏卷之九十
聖祖皇帝御製詩經注疏卷之九十一
聖祖皇帝御製詩經注疏卷之九十二
聖祖皇帝御製詩經注疏卷之九十三
聖祖皇帝御製詩經注疏卷之九十四
聖祖皇帝御製詩經注疏卷之九十五
聖祖皇帝御製詩經注疏卷之九十六
聖祖皇帝御製詩經注疏卷之九十七
聖祖皇帝御製詩經注疏卷之九十八
聖祖皇帝御製詩經注疏卷之九十九
聖祖皇帝御製詩經注疏卷之一百

同治五年丙寅三月庚申朔

上詣綏履殿問

慈安皇太后安平安室問

慈禧皇太后安至戊子皆如之○奉

慈安皇太后

慈禧皇太后幸漱芳齋侍午膳○諭內閣吏部

奏科房不戒於火請將書吏送部嚴訊該衙

門堂司各官分別嚴議議處一摺本年二月

二十八日吏部文選司燒毀科房四間當經

該部會同營官旋即撲滅其搶救不及已被

延燒各案卷。著吏部堂官督飭司員詳細查明分別辦理。所有直宿書吏難保非平日舞弊。恐別經發覺。輒將案卷付之一炬。希圖滅跡。殊堪痛恨。著交刑部嚴行審訊。務期水落石出。盡法懲辦。不准稍涉寬縱。其當月直日司員。著查取職名。交都察院嚴加議處。吏部堂官及該司司員。未能先事豫防。著一併交都察院分別議處。○又諭前聞直隸藩司唐訓方於公事未能整頓。惟候補道卞寶書之言是聽。該道不知檢束。有藉勢招搖情事。諭令劉長佑詳查具奏。茲據奏稱。唐訓方履任以來。於公事尚能實力講求。惟每有精神未能周到之處。道員用候補知府卞寶書久在直隸。因接辦軍需總局。並派查催直省積年交代。晉謁該藩司之時。較勤。該藩司傳問接見該員之時。亦較密。人遂謂該藩司惟卞寶書之言是聽。而卞寶書平日言動。又有未能檢束之時。謗訕之興。多由於此。此外查

無實據等語。卞寶書平日言動。既有未能檢束之時。自必確有實蹟。昭著。劉長佑雖代為掩覆。而該員平日居官任事。已可想見。豈得謂人言盡屬子虛。若僅將交代局差事撤銷。暫行給假。何以示懲儆。而肅官方。卞寶書著交部嚴加議處。唐訓方任用屬員。未能詳慎。亦屬咎有應得。著交部議處。劉長佑於特旨交查之件。宜如何切實覆陳。乃僅稱唐訓方每有精神未到之處。傳問接見該員之時。較密。又稱卞寶書平日言動。有未能檢束之時。含糊隱約。語意頗涉瞻徇。該督平素尚屬樸實。不料沾染習氣。如此之深。著傳旨申飭。尋吏部議卞寶書應降四級調用。不准抵銷。唐訓方降二級留任。准其抵銷從之。○又諭李鴻章奏。奏江北新漕遵辦河運。將現辦章程開單呈覽一摺。據稱上年試辦之船。以東境汛後河乾。至今未返。以致人人視為畏途。必須優加體恤。船戶樂從。方可行之久遠。現

密。又稱卞寶書平日言動。有未能檢束之時。含糊隱約。語意頗涉瞻徇。該督平素尚屬樸實。不料沾染習氣。如此之深。著傳旨申飭。尋吏部議卞寶書應降四級調用。不准抵銷。唐訓方降二級留任。准其抵銷從之。○又諭李鴻章奏。奏江北新漕遵辦河運。將現辦章程開單呈覽一摺。據稱上年試辦之船。以東境汛後河乾。至今未返。以致人人視為畏途。必須優加體恤。船戶樂從。方可行之久遠。現

擬每米一石給水腳及神福犒賞等款銀六錢仍仿照海運沙船之例。准於回空時裝載貨物免交北稅並請飭倉場衙門嚴革陋規等語。上年漕船回空停泊東境日久未歸若不量為變通無以廣招徠而利後運著照該署督等所請每米一石給銀六錢並照海運沙船之例回空時准裝貨物免交北稅應如何給照稽查示以限制之處由該署督等妥議具奏所有經過山東直隸地方著各該督

撫一體催趲毋任阻滯本年解運正漕運費較海運尤絀所有一切陋規自當永遠裁革恐丁胥經紀仍沿從前勒索幫丁之弊著倉場侍郎嚴行禁革隨時稽察如有需索苛求立予重懲務期漕政從此整頓河運可以暢行餘著照所議辦理尋吳棠等議奏船戶免稅以裝米輕重價值科算如裝米三百石准帶土宜六十石回空時准帶成本銀五百兩貨物剗令糧道督飭委員按船開單黏發護

照以便稽查如所請行○又諭李鴻章奏特參庸劣不職之鹽員請分別革職摘頂一摺兩淮候補運判韓茂萱承辦輪規膽敢於薪水之外私派局用取諸商販實屬不知檢束角斜場大使奎書冊報煎餉既有浮多且私增酒餉四百十三口隱匿八年之久迨經李鴻章飭查復敢捏詞掩飾居心實不可問其歷任該場大使候補大使章憲文陳皓候補運庫大使呂承業候補知事馬書城扭於積

習久匿不報均屬有意含混通州分司鄭士彥有督煎之責從前未能查報究屬玩忽餘東場大使李餘慶辦事顛預於竈戶聚眾阻撓清釐溝界重案並不認真查拏廟灣場大使蔣紹鏞嗜好甚多廢弛場務草堰場大使張恩澤庇商欺混新舊餉數此等庸劣不職之員自應分別懲辦以肅釐政韓茂萱奎書李餘慶蔣紹鏞張恩澤均著卽行革職鄭士彥章憲文陳皓呂承業馬書城均著摘去頂

帶以示懲儆。予因公被轟安徽總兵官張志邦祭葬卹廕加等。辛酉諭軍機大臣等前據戶部等衙門奏遵議籌撥內務府需用銀兩除粵海關公用銀三十萬兩仍儘數報解外當經諭令各直省關口將歷年欠款遵照部議按成籌解限於三箇月內由各該將軍督撫監督等詳細覆奏並添撥兩淮鹽課銀三萬兩兩浙鹽課銀三萬兩山東鹽課銀三萬兩廣東鹽課銀三萬兩江海關洋稅銀三萬兩閩海關洋稅銀三萬兩浙海甯波口洋稅銀三萬兩江漢關洋稅銀三萬兩臨清關稅銀三萬兩福建茶稅銀三萬兩該將軍督撫監督等於開印後陸續解交內務府應用茲據奏稱各處籌解欠款及添撥等項銀兩至今尚無一處報解起程而庫存不敷供備請飭戶部暫借銀十萬兩並請飭催各處迅速起解等語內廷用款關繫緊要除飭戶部先行借撥庫銀十萬兩以應要需外著各

該將軍督撫監督懍遵前旨將覈解各款應如何分成帶解之處迅速覆奏其添撥兩淮兩浙山東廣東鹽課及江海關閩海關浙海甯波口江漢關洋稅臨清關稅福建茶稅均著遵限於六月前各將添撥銀數籌解一半統於十二月掃數解清如敢再事遲延定將各該將軍督撫監督等從重懲處不稍寬貸其粵海關應解銀三十萬兩著該監督源源報解毋得延緩干咎將此諭知福州將軍兩江江蘇浙江山東福建湖北廣東各督撫並傳諭粵海關監督知之○又諭張亮基奏覆查殺害教民一案係募役司團首任聚五與永甯州革役羅勝為首任聚五等已在省監禁羅勝等五名尚未弋獲擬先為了結等語任聚五即係為首要犯自當按律先行定擬其羅勝等犯仍當飭屬認真緝拏遵照前旨早日結案以免嘵瀆嗣後事關中外交涉必須處處持平固不可矯激沽名任意將教民

陵虐亦不可因其習教任令橫行鄉里魚肉一方。於應辦之案含糊了事。蔡興槐既與胡縛理熟習。即責成專辦。教案務令悉心妥辦。免至別啟釁端。張亮基摺內有請召還京師賞給閒散差使之語。礙難允准。若各省封疆大吏紛紛效尤。乞予內召。更復成何事體。該署撫既係三朝舊臣。自應力為其難以副委任。將此由六百里諭令知之。○予江蘇長洲等處殉難生員馮桂英等紳民婦女一百三

十八名。口分別旌卹如例。命五城焚賑展期兩月。壬戌諭軍機大臣等。吳昌壽奏張總愚股匪擾及東省。追勒布置情形。並賴牛等逆竄入皖境。一摺。張總愚股匪被官軍在遂平擊敗。北竄舞陽。郟城。禹州。新鄭等處。意欲搶渡黃河。圖擾完善。復經副將崔廷桂督帶水師礮船擊退。宋慶善慶等軍敗之於中牟。朱仙鎮。賊遂東竄。陳留。蘭儀。擾及東省之曹州。此股賊匪剽疾異常。非東豫兩省合力

夾剿。不能杜其奔突。曾國藩現駐濟甯。自應速調各路將士。四面布置。兜擊圍剿。毋任他竄。閻敬銘已銷假出省。馳赴東平。著即督飭王心安。潘鼎新等軍。嚴扼運河。防其東渡。並與曾國藩妥商籌辦。分路兜剿。迅殄狂氛。丁寶楨交卸撫篆後。即著馳回省城。嚴密防守。勿稍疏懈。吳昌壽已回汴省。並派兵追赴考城。著即嚴檄宋慶安。住保英等。會合東省兵勇實力剿洗。總以聯絡聲勢。殄除股匪。為要。

不得存此疆彼界之見。徒以驅賊出境。為了事。汴省布置及防河事宜。吳昌壽當加意防維。不可稍有疏忽。陳留尉氏等處。逼近大名。地界並著吳昌壽隨時知照。直隸防河文武互相聯絡。嚴密堵剿。前經寄諭劉長佑。布置河防。著即嚴督地方文武偵探防剿。毋稍大意。賴牛等逆。現竄阜陽。喬松年當飭張得勝等軍奮勇迎剿。潁郡團練素稱得力。並著激勵紳團。到處堵截。以助官軍聲勢。劉銘傳已

率所部跟蹤追擊著曾國藩檄飭該提督與張得勝等軍前擊後追就地殲除不可縱令北竄致與張總愚股匪合併又成滋蔓難圖之勢東省境內黃河防守事宜閻敬銘亦當整飭籌備以免臨時竭蹶將此由六百里諭知曾國藩劉長佑喬松年閻敬銘吳昌壽並傳諭丁寶楨知之○予山東各屬陣亡殉難官紳婦女一萬三千七百二十七員名口分別旌卹如例 癸亥諭軍機大臣等富爾孫奏省防稍鬆督隊出省探勦並擬暫裁殘廢官兵半餉及關東軍務不可輕議招撫各摺片馬傻子股匪三千餘名盤踞在灣甸子現有回竄開鐵及出邊滋擾之勢據富爾孫奏接據文祥咨文已飭博崇武迅回開原並令富爾孫相機截勦等語即著文祥福興督飭博崇武等軍迅將馬傻子一股就地殄除毋任出邊竄突前據丁寶楨奏李其昌帶兵向無紀律恐難得力擬改派張得魁率勇赴奉

當因捻竄曹考山東防勦喫緊諭令丁寶楨將此項勇丁留東調遣毋庸前赴奉天矣富爾孫惟當就現帶馬隊實力控勦不得徒事張惶有名無實從征殘廢兵丁給予半餉原係朝廷軫恤戎行德意況軍興以來東三省徵調頻仍死亡相繼其受傷成廢者給餉以養餘年所費亦屬無幾富爾孫請將六十以下甘心自棄不來當差者所支半餉暫行裁汰之處雖為節省餉需起見而於國家優恤出力士卒之意未能體會是否可行著富明阿體察情形具奏原片著鈔給閱看富爾孫所稱亂民不可輕議招撫等語不為無見著文祥等斟酌機宜妥慎籌辦原片均著鈔給閱看嗣後富爾孫奏事總當與吉林將軍會銜具陳不得專行發報以一事權將此由五百里各諭令知之○以陝西官軍勦辦甘肅潰勇出力予提督蕭德見等優敘賞副將彭體道巴圖魯名號千總張成貴以守備用並

賞花翎把總戴福祿等藍翎餘加銜升敘開復有差○甲子派工部尚書單懋謙倉場侍郎鍾岱前往天津驗收海運漕糧戶部左侍郎阜保前往通州會同倉場侍郎宋晉辦理驗收事宜○乙丑以神靈顯應頒吉林

關帝廟扁額曰巖疆保障○諭軍機大臣等恒祺明慶奏火藥局硝斤短絀請旨嚴催一摺京師火藥局製造火藥應用硝斤部庫久無存儲現在局內輪碾空閒停工待料轉瞬

大雨時行曬晾難於乾透趕辦不及關繫非輕各省應解硝斤疊經工部奏催迄無一批解到殊屬延玩卽著劉長佑閻敬銘吳昌壽遵照前次工部奏催限期趕緊按批埽數解京毋得稽延拖欠致干咎戾其上年火藥局奏請飭令直隸於例解之外採辦硝數十萬斤迄今僅據解到五萬斤亦屬遲延並著劉長佑迅速籌解將此由五百里各諭令知之又諭德英奏據報次第收復外城暨截勒

各處股匪獲勝一摺與寶善前奏大略相同北路三城收復後均無大員認真駐守辦理善後一切事宜著富明阿德英懷遵上月二十五日諭旨揀派得力之員分投辦理以期周密各路獲勝兵勇仍當飭令乘勝追剿毋任賊匪潛匿再貽後患德英另摺奏需餉孔亟請飭戶部迅將吉林自甲寅年起積年欠餉二十萬兩並本年約需俸餉銀三十餘萬兩如數籌撥並請由盛京戶部無論何款先

行籌墊十數萬兩以資布置等語著戶部速議具奏盛京戶部庫內能否就近先行籌墊著文祥福興酌度辦理原摺著鈔給文祥等閱看將此由五百里各諭令知之尋文祥奏擬先撥銀二萬兩知照德英派員赴奉支領報聞○以吉林勦辦竄賊出力賞同知博霖等花翎武生劉海以驍騎校用並賞藍翎餘升敘有差予陣亡驍騎校凌壽等祭葬世職加等○丙寅諭內閣前因劉蓉楊能格先後

奏稱雷正綰部眾變亂回撲涇州經雷正綰極力阻截兵勇始回防所復據劉蓉奏稱拏獲叛將胡大貴供係雷正綰之弟雷恆及李高啟等首先謀逆當經降旨令雷正綰將雷恆等解赴涇州交楊岳斌趙長齡訊明辦理茲據楊岳斌趙長齡奏稱訊據已革總兵雷恆等供稱上年八月間因雷正綰革去幫辦軍務心懷忿恨起意率領兵勇先到涇州向周顯承索餉乘勢直入西安因營官金占元不從將其殺害適已革提督胡大貴亦因失守城池恐雷正綰治罪遂與雷恆商議同叛率同已革副將李高啟同赴涇州嗣因雷正綰誓死阻攔兵勇逃回該革員等亦俱轉回防所各等語此案雷恆李高啟胡大貴等膽敢因雷正綰革去幫辦軍務頓起逆謀沿途殺掠人民焚攻堡寨實屬罪大惡極業經楊岳斌等訊明將雷恆李高啟正法梟示實足以彰國法而肅軍律胡大貴一犯卽著劉蓉

提出正法其餘同潰各弁勇均係雷恆等威脅所致情尚可原著一併免其查辦雷正綰入甘以後頗著戰功乃因金積堡失利不能自振咎無可辭惟於兵勇潰變之時以死自誓阻截亂軍且業將雷恆等交出訊辦尚知愧悔著加恩免其治罪仍責令整飭營伍實力勦賊以贖前愆營官金占元拒亂被戕頗知大節著楊岳斌查明請卹○諭軍機大臣等劉坤一奏江省各軍酌定留撤並暫留席寶田軍防勦閩匪及籌濟各省協餉一摺福建崇安縣齋匪焚搶釐卡戕官踞城竄至江閩交界之大安地方肆行焚掠劉坤一已飭席寶田由吉安酌撥所部兼程馳赴該處相機截擊卽著嚴檄該軍迅速前進越境攻勦並著左宗棠徐宗幹遴派官兵乘賊匪初起之時鼓行而前會合江省官軍兩面夾擊迅圖掃蕩毋任日久蔓延前據鮑超奏所部新舊馬步各營每月需餉十三萬一千有奇請

飭江西按月籌撥等語。當經諭令官文曾國藩酌度情形。奏明辦理。茲據劉坤一奏。江省兵燹之餘。度支久匱。目前勻撥京協各餉。已形拮据。勢難全數接濟。擬每月協濟該軍餉銀四萬兩等語。所陳亦係實在情形。即著咨商官文。曾國藩酌定數目。具奏。席寶田帶兵向稱得力。齎匪辦竣之後。自應督率所部入黔剿賊。未便遽准請假。劉坤一當傳知該臬司勉力圖功。以副委任。將此由六百里各諭

令知之。○又諭楊岳斌趙長齡奏查辦雷營倡亂之員。訊明正法一摺。本日已明降諭旨。宣示。並將被脅之員弁兵勇概予寬免。雷正綰亦免其治罪矣。胡大貴現在西安監禁。楊岳斌等已咨令劉蓉將該革員就地正法。即著劉蓉趕緊辦理。涇州軍營士卒。經雷恆等正法之後。順逆已明。軍心當已鎮靜。其被脅潰亂之將士。現均邀恩免罪。楊岳斌等當剴切曉諭。令其各釋危疑。以安眾志。將此由五

百里各諭令知之。○刑部右侍郎吳廷棟因病解職。調戶部右侍郎鄭敦謹為刑部右侍郎。未到任前。以都察院左副都御史潘祖蔭署理。○調禮部右侍郎李鴻藻為戶部右侍郎。管錢法堂事。以都察院左副都御史賀壽慈為禮部右侍郎。以安徽雉河集解圍出力。賞守備惠開元等花翎。府經歷李普潤等藍翎。餘升敘有差。○追予安徽殉難巡撫蔣文慶諡忠愍。旌表守正捐軀河南淇縣民

婦武姜氏。○戊辰諭內閣。前因楊能格先後奏參陝西參將周顯承把持侵蝕帶隊勒捐縱勇擄掠等款。當經降旨將周顯承革職。拏問。交趙長齡會同楊岳斌查辦。茲據將周顯承被參各節。逐款嚴審。定擬具奏。此案周顯承原稟雷營潰變事屬真情。並非架詞誣陷。亦無狡詐把持侵蝕餉項等事。惟勸辦軍糧帶隊前往。以致勇丁騷擾。實屬辦事鹵莽。約束不嚴。該員業經革職。著責令隨營立功自

贖以觀後效已革遊擊張潤槐雖訊無滋擾不法情事惟於裴輔晉私賣軍糧擅作威福責打捐戶等事徇隱不稟致令裴輔晉蒙稟周顯承激使帶隊勒捐釀成巨案著從重發往軍臺效力贖罪千總王丕承帶領馬隊乘機搶掠同惡相濟著革職發往黑龍江充當苦差外委羅鈺為勇丁引路肆擄雖中途折回究屬多事著革職逐回本籍已革把總裴輔晉擅責捐戶復敢蒙稟激成釁端業經楊

岳斌等訊明與不守營規姦擄斃命之隊勇王長懋等先行正法梟示足以申軍律而昭炯戒記名提督劉正高於部下兵勇騷擾事前失於約束副將李鳳岡劉心灼遊擊王新元不能嚴馭勇丁致多擾害咎無可辭均著革職暫行留營效力儻不知愧奮卽著嚴叅治罪候選知縣孟樹森遺失文案係因雷營潰變猝不及防且並非收支餉冊無關報銷署涇州直隸州知州林發深被叅各款查屬

不實均著免其置議○諭軍機大臣等曾國藩奏陳近日軍情暫駐濟甯調度喬松年奏賊蹤折竄皖境現籌勦辦閻敬銘奏東省防軍在鄆鉅接仗各情形王榕吉奏擒逆竄近晉邊飭在防文武固守各摺張總愚股匪由豫入東竄經荷定鉅鄆等城攻破寨圩楊飛熊一軍先勝後挫王心安一軍挫損尤甚該逆日思渡運曾國藩現將該兩軍調赴運河以東憑河堵禦以固北路之防惟運河汛地

太長仍著添調兵勇招集民團合力堵禦毋任偷渡李昭慶一軍已抵鉅野卽令會合潘鼎新之軍分道進剿用收夾擊之效桂逆錫楨欲赴曲阜報仇該大臣檄調徐州楊鼎勳之軍赴東如賊已渡運卽徑赴曲阜護衛孔林賊未渡運卽駐兗聽調所籌均妥卽著飛飭照行閻敬銘摺內所稱飭濟東道衛榮光督率兵團連布北岸總兵趙三元礮船水師梭巡南岸均須實力辦理未可有名無實

致涉疏虞。任賴等逆由光息沈項竄至江口集。有回踞蒙毫老巢之信。周盛波已由歸德馳赴亳州。會合劉銘傳一軍力辦此股。曾國藩喬松年卽飭該提督等與英翰等軍扼擊於淮潁之交。嚴防竄回老巢以固腹地。鮑超現抵豐城。本日已傳諭該提督速赴皖豫剿賊。著曾國藩再行催調。並劉秉璋劉松山等均令各率所部前來。用作遊擊之師。以期四面兜剿。聚而殲旃。該大臣卽暫駐濟甯調度。

俟張總愚一股殄除。再行赴豫督剿。捻已東趨去。晉日遠。惟逆蹤飄忽。河防不可不慎。王榕吉惟當與陳湜等悉心妥籌。毋稍疏忽。賊匪全數北竄。直隸防務緊要。著劉長佑嚴飭各路防兵認真戒備。不得稍涉大意。將此由六百里諭知曾國藩劉長佑喬松年閻敬銘並傳諭王榕吉知之。○又諭前諭曾國藩檄調鮑超一軍北來剿捻。並將該營餉需籌定有著之款。嗣據鮑超奏該營月需餉銀十三

萬有奇。請仍由江西籌撥。亦諭曾國藩酌定奏明。茲據該督奏稱鮑超步隊過多。擬令酌留二十營。月給額餉七萬兩。其馬隊令招募十二營。月給額餉三萬兩。又軍火車輛柴草之費。月需一萬四千金。鮑超一軍有功於江西。甚巨。惟以全餉十一萬數千兩責之江西。究恐力有未逮。擬令江西月解七萬。供霆營步軍之餉。湖北月解二萬。供其馬隊之餉。江蘇月解二萬五千。以一萬充馬隊口糧。以

一萬數千為購買柴草車駝添補洋火藥馬匹之用。等語。所籌尚屬妥協。劉坤一曾有月協霆營四萬兩之奏。惟該營需餉甚鉅。已令湖北江蘇分任該省自當力任其難。該撫素顧大局。前於鮑超一軍入江。供支無缺。嘉應之捷。深資轉餉之功。此時該軍北來。尤當不分畛域。無誤要需。嗣後霆營餉需。卽著官文鄭敦謹李鴻章劉卣膏劉坤一按照此次奏定之數。每月源源撥解。以資飽騰。並著官文

鄭敦謹於襄陽設立該軍糧臺派襄陽道總司其事仍由江西派一委員駐臺支應步軍口糧湖北江蘇各派一委員駐臺支應馬隊口糧及洋火藥器械等事步軍欠餉將來仍由江西找補馬隊欠餉將來仍由湖北江蘇找補俾該軍得一意勦賊速蕆全功鮑超之軍前因餉需竭蹶不免騷擾此時月餉有著該提督務當嚴明紀律俾軍行所至市井無驚以期終始保全令名用副委任該軍現在暫駐豐城而皖豫勦辦正當喫緊著卽迅速前進覘賊所向實力勦洗毋稍遲延至勦擒之師兵力已厚江閩各軍卽可毋庸再調著左宗棠劉坤一等卽將江閩各軍酌量分別遣撤以節餉需而靖民氣將此由六百里諭知官文左宗棠李鴻章鄭敦謹劉坤一並傳諭劉卣膏鮑超知之○又諭馬新貽奏福建崇安縣突被齊匪闖入派兵越境勦辦一摺據稱崇安齊匪於二月十五日闖入縣城句

結九龍山土匪人數甚眾該處與江西鉛山浙江江山等處相距較近現派兵越境勦辦與劉坤一前奏情形大略相同著馬新貽卽飭副將余朝貴等會同江閩各軍合力兜擊以期一鼓聚殲並著左宗棠徐宗幹劉坤一懍遵前旨遴派官兵迅速掃蕩毋任蔓延將此由五百里各諭令知之○又諭前因劉蓉奏參甘肅按察使楊能格各情疊經諭令楊岳斌會同趙長齡確查覆奏茲據奏稱楊岳斌將涇軍部署後卽馳赴慶陽嚴密查察趙長齡擬回西安候旨再赴新任等語楊能格被參之案本係交趙長齡會同楊岳斌查辦該撫毋庸折赴西安仍著會同楊岳斌查明該臬司糧臺收支各款有無浮冒侵蝕情弊據實具奏趙長齡俟此案辦結一面奏聞一面前赴山西本任毋庸候旨至涇州地方招集兵勇人數過多著楊岳斌妥籌布置毋令滋生事端將此由五百里各諭令知之○命

直隸布政使唐訓方來京調陝西布政使鍾秀為直隸布政使賞降調布政使林壽圖三品頂帶為陝西布政使○旌表守正捐軀四川榮經縣民婦曹李氏○己巳祭

先蠶之神遣總管內務府大臣存誠行禮

諭軍機大臣等文祥等奏官軍南北兩路剿賊疊勝仍飭追剿一摺北路之賊竄至開原撫順等處經定安劉景芳等跟蹤追剿連獲大捷擒斬甚多餘匪翻山四散奔竄南路之

匪經劉榮合雙德等追擊於望城岡鳳凰城等處疊獲勝仗辦理極為得手現存餘匪合計不及二千人著文祥等即行督飭定安劉景芳等乘勝追剿一鼓殄除並入山搜捕餘匪以期一律肅清劉榮合所部楚勇既與水土不宜著即分別撤留所發四月分餉銀免其扣還以示體恤馬傻子一犯既已改裝潛逃著文祥等認真緝拏務在必獲此外儻有著名要犯潛蹤藏匿亦必須次第弋獲毋任

漏網將此由五百里各諭令知之○又諭本

日據文祥等奏南北兩路剿賊獲勝各情業經諭知該尚書等妥籌辦理餘賊所存無多有定安等馬步各軍挖捕自可剋日蕆事前諭文祥於布置妥協後即行回京並密查都興阿能否勝任都興阿已經陛辭赴任該尚書俟其到省後詳加察看密速具奏如賊股漸完地方安謐即可將各兵次第撤令歸伍善後事宜責成地方官經理伯彥訥謨祜所

帶蒙古官兵原以牽制賊勢輔兵力之不足該王帶兵在鄭家屯等處雖有斬擒並未撲滅全股本日列單保舉各員人數既多所請亦未免有過優之處念其身行在行間姑從所請降旨照准惟伯彥訥謨祜年輕望淺更事不多恐有受人蒙混之處現在吉林已無匪股該王所帶蒙兵諒可酌量裁撤著文祥通盤籌畫於應留應撤之處詳察情形具奏候旨遵行該尚書於東省事宜布置周妥即著

迎養來京照常供職以慰廕繫毋稍遲緩將此由五百里諭令知之尋奏遵查吉林雖現無匪股然蒙兵同時並撤恐宵小聞而生心業經玉屬伯彥訥謨祜酌留哲里木盟馬隊五百名派員管帶扼紮昌圖以固奉省北路門戶報聞○又諭勞崇光奏起程赴省籌辦西征並歷陳澂江臨安等府屬漢回官弁跋扈情形各摺片杜逆盤踞大理回夷人等皆遙倚該逆聲勢肆意橫行必須翦滅渠魁始可削平寇亂勞崇光詳考輿圖悉心籌畫剋期赴省督飭馬如龍等分道西征擬由楚雄府入手並於該府設立糧臺以便採運供支所籌甚屬周妥滇省無督撫鎮壓已閱三年該督毅然進省與馬如龍密商熟計自必申明紀律號令一新著即分飭各路將弁次第進兵督催馬如龍帶兵出省相機前進該總兵以忠義自許必能率同楊振鵬等直抵大理下關力拔堅城殄除巨逆劉嶽昭前已簡

放雲南巡撫該督如慮兵力不敷分布著即飛催劉嶽昭迅速赴滇會商進剿則聲勢更壯勦辦自易得手另片奏通籌全局不能不急行進省其故有五覽奏具見忠蓋之忱殊堪嘉尚該督更事多而慮事密朝廷方倚以辦賊豈浮議危言所能搖惑勞崇光膺茲鉅任惟當振刷精神肅清疆圉以副委任其澂江等府民強官弱武強文弱各情形若逐加控剔難免別滋事端自以不動聲色分別勸懲俾知感畏為是一切均著照所奏辦理林鴻年畏葸無能業經革職伊前在昭通具奏摺片六件如摺內所稱楊盛宗勇而知理於迤西消息見聞較詳可資臂助等語著勞崇光酌量調遣其餘各片有無可採之處並著發交該督閱看斟酌辦理本日迤南道一缺已簡放岑毓英而藩司尚未簡放有人前亦有旨令該道署理其能否勝藩司之任著勞崇光仍遵前旨察看具奏將此由六百里諭

令知之。○又諭勞崇光奏派員督勦鎮雄州。進攻豬拱箐賊巢一摺。貴州畢節豬拱箐地方。苗號各匪。踞為老巢。上年竄陷雲南鎮雄州。並分擾彝良州同地方。及昭通大關一帶。蔓延甚廣。若不亟籌勦辦。勢將不可復制。勞崇光現派岑毓英挑選所部五千人馳往。先由彝良進攻。次第規復州城。即著飭令該署藩司親督所部。實力勦洗。務將州城剋期攻拔。鎮雄距豬拱箐僅四十里。必須兩省合攻。

方能制賊死命。並著張亮基嚴飭威甯鎮貴西道等文武各員。厚集兵練。與岑毓英之軍約期夾擊。一俟州城克復。即會勦豬拱箐老巢。以期痛殄逆氛。擒渠掃穴。該署撫務當振刷精神。盡心疆事。毋得遷延觀望。坐失戎機。至四川永甯高珙一帶。與鎮雄畢節等處犬牙相錯。時虞侵軼。並著崇實駱秉章嚴飭該地方文武。及防邊各軍。扼要嚴備。相機兜勦。毋任闖入。將此由五百里各諭令知之。○以

京營蒙古各軍勦辦吉林賊匪獲勝。賞二品頂帶。嘎必雅圖。巴圖魯名號。協理台吉沙金。靈保員外郎德泰等。花翎。餘加銜升敘有差。予陣亡外委王元章。驛丞馮柏。祭葬。世職加等。○予雲南省城被戕。訓導華嶸。祭葬。世職加等。○蠲免奉天新民。岫巖。鐵嶺。開原。廣甯。義金。遼陽。承德。甯遠。海城。錦。十二廳州縣被擾旗民地方。本年額賦。租課有差。

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十一

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十二

軟修

同治五年丙寅三月庚午

孝賢純皇后忌辰遣官祭

裕陵。諭內閣劉坤一奏請將九江關短徵各款銀兩免其賠繳並將徵收比較單呈覽一摺據稱九江關短絀贏餘銀兩實因兵燹之後商販無幾加以常稅多歸洋稅短收實出有因並將船料鹽木等項稅銀短收原委詳細縷陳懇請將本屆短徵贏餘銀兩及以後徵收贏餘銀兩如有短少暫免著賠俟稅務漸有起色卽請復歸舊制等語尚係實在情

00

形著戶部按照該撫所奏情節覈實議奏。尋議本屆短徵銀兩。應請暫免著賠。下屆如有短欠。再由該撫奏明辦理。儻該監督有任意虧短情弊。請飭據實嚴叅。從之。○諭軍機大臣等。德英奏分布兵勇。按勦餘匪。覆查收復各城。請派員署理副都統等缺。並查明打仗出力各員開單請獎各摺片。吉林西南界連奉天圍場嶺麓叢雜。餘匪易於竄匿。亟宜布置周密。方免此挈彼竄之患。德英現派派役勇巡緝南輝河口。並派礮勇三百餘名。在附省西南一帶圍場山邊。扼要堵禦。其岔路河西南一帶圍場山邊。飭派佐領佛銘依克唐阿等會帶兵勇八百餘名。分布堵禦。卽著該署將軍嚴飭該將士。實力巡緝按捕。以清餘孽。前據富爾孫奏南路各股敗匪。退入圍場大股賊匪。在邊裏外灣甸子大輞子溝等處盤踞。現在富爾孫已選拔兵勇。馳往伊通。卽著嚴飭該副都統相機勦辦。並將逸匪馬傻子

嚴密緝獲。毋令死灰復燃。敗殘各路股匪。務當設法邀截。於圍場以外殄盡。不可縱令入山。致接捕又形費手。博崇武一軍。已抵伊通。文祥等咨令德英速飭博崇武一軍馳赴開原。惟現在伊通軍務亦關緊要。該軍應否留遣之處。卽著文祥福興德英斟酌緩急辦理。其長春等處防堵事宜。卽著德英分派各兵實力籌辦。收復東北三城。德英已派員前往覆查。並著嚴查該文武失事原由。分別懲辦。

阿勒楚喀副都統。係德英本任。德英著俟富明阿到吉林將軍任後。穿孝百日。俟孝滿卽赴本任。未到任以前。著富明阿先行派員署理。伯都訥副都統高福。現隨色爾固善帶兵赴奉。定安曾經派署伯都訥副都統。著文祥於該二員內酌派一員前往。以重職守。雙城堡總管著富明阿派員署理。前任阿勒楚喀協領富明阿一員。前經富爾孫奏稱該員曾在軍營獲咎。打仗亦不甚得力。業已飭令回

旗。茲據德英奏保該員打仗出力。懇請記名以副都統用。事出兩歧。卽著富明阿於到任後查明該前任協領富明阿打仗是否出力。奏明請旨。將此由五百里各諭令知之。又諭李瀚章奏遵籌援黔諸軍分路進剿事宜。並兆琛赴黔調員差委。及貴東軍務請由兆琛奏報各摺片所陳楚軍援黔不在急求速效。宜勦撫兼施。先將貴東肅清。再圖分路進剿等語。尚合機宜。卽著飭令兆琛及王永章

李光燾李元度各軍合力進剿。聯絡聲勢。以期節節掃蕩。肅清貴東。席寶田一軍。前據劉坤一奏已飭赴江閩交界防剿崇安齋匪。當經諭令俟齋匪辦竣。卽率所部赴黔剿賊。仍著劉坤一懍遵前旨。催令於事竣後挑選精銳數千。由黎平一路進兵。與楚軍互相犄角。至該臬司一軍餉需。卽由江西按月籌解。俾資飽騰。兆琛現由沅晃馳赴鎮遠。該處苗教充斥。文報難通。一切軍情。卽著由兆琛自行

奏報以免遲滯。李瀚章另摺奏據兆琛詳稱。黔省餉源枯竭。請仿照楚省黔捐章程。委員前赴欠撥黔餉各省。設局勸捐。卽以捐銀作收。該省協餉等語。所陳尚屬可行。著官文鄭敦謹崇實駱秉章瑞麟郭嵩燾劉坤一左宗棠徐宗幹馬新貽於黔員到後。設局勸捐。派委委員幫同辦理。各該督撫務當不分畛域。妥為圖維。不得稍涉膜視。現在援軍已集。不日卽可入黔。張亮基當振刷精神。督飭在事

文武員弁。實力防勦。期與楚軍會合。廓清全省。以副委任。將此由五百里諭知官文左宗棠瑞麟崇實駱秉章鄭敦謹劉坤一馬新貽徐宗幹李瀚章郭嵩燾張亮基並傳諭兆琛知之。又諭明誼等奏遵調蒙古官兵籌備伊犁馬匹一摺。蒙古兵丁不知講習軍旅與內地營伍不同。雖係實在情形。但伊犁待援孔殷。自須設法籌調。以壯聲勢。前諭該城派撥蒙兵六千名。如萬不能足數。亦須挑選精

壯數千。加意訓練。以備折衝之用。明誼等現已飭令各該扎薩克旗下。每部落湊撥兵丁一千五百名。並派該盟長副將軍等督率教練。卽著趕緊剴調來城。聽候調撥。明誼年逾七旬。礙難遠征。麟興年力正強。卽著將調到蒙兵歸其管帶。俟練習成軍。卽統率前往援救伊犁。戰馬三千匹。旣據明誼如數備齊。擬令明緒於該城曾經由俄境走過官兵內。揀派多員來城協護。免致別生枝節。卽著明誼等迅速咨照明緒。酌派委員迅來烏里雅蘇台。協同解送。以免疏虞。至伊犁待援情形。萬分危急。明緒坐困孤城。奏牘中語言未免過於激切。明誼等非但不必與之較量。尤當思設法救援。以期顧全大局。烏科兩城當伊犁之衝。防守事宜尤關緊要。該將軍等務當加意豫防。一面將蒙古兵丁勤加操練。一面將本城防守。先行妥籌布置。不可稍涉大意。明誼現因患病奏請開缺。邊疆重地。簡用乏

人該將軍辦事素稱熟練著卽在任調理毋庸開缺一切操防布置事宜務當與車林敦多布等熟商妥籌以副委任將此由五百里各諭令知之○湖南巡撫李瀚章奏遵查湖南東路撤防勻出餉項供本省留防暨援黔各軍尚虞竭蹶甘肅協餉實難驟增至協濟鄂豫江皖各營更力有未逮得旨協甘餉銀僅能月解一萬務須按月撥解不得短少帶欠以後如款項稍裕仍須酌量增撥以重邊

陞其協濟鄂豫江皖助勦各營軍餉並應通盤籌畫分撥兼顧○以吉林疊次勦賊出力予佐領依克唐阿以協領升用賞同知福謙花翎○以江西南安府城解圍出力賞道員鄧子垣二品封典提督徐良棟參將張達貴文明迪徐士蛟鄧善美遊擊楊光保道員何應祺巴圖魯名號知府鄒泗鍾遊擊江秀山等花翎知縣顧鴻璫等藍翎餘加銜升敘有差○辛未諭軍機大臣等德勒克多爾濟等

奏土默特臺站差使繁多額定經費不敷應用旗車歷年積存各項減成銀兩動撥亦幾無餘請飭山西撫臣由藩庫提解銀兩濟急等語著王榕吉卽於山西藩庫暫行提解銀二千兩以備要需此項借用銀兩俟土默特旗庫減成項下積有成數仍著德勒克多爾濟移解歸還仍由土默特於年底造冊報部覈銷將此諭知德勒克多爾濟並傳諭王榕吉知之○壬申諭軍機大臣等劉長佑奏東

路捻氛逼近河干現飭水陸各軍實力堵禦喬松年奏皖軍擊賊獲勝各一摺捻逆入東境後在鉅野鄆城等處圍攻民墟逆騎四出距壽張河岸三四十里距張秋沈家口河岸亦止四十里該逆此次悉銳東趨勢將窺伺黃運兩河不思東竄卽圖北犯亟應嚴密堵禦著劉長佑嚴檄官軍扼要駐守節節設防遇賊卽擊毋令乘間偷渡曾國藩閻敬銘務當督飭各軍分路進攻將東省之匪就地殄

除以免該逆四出北犯擾及畿疆直省南路如再有警報卽著劉長佑督帶馬步各隊星速出省擇要駐紮相機布置賴牛等逆經皖軍繫退復向豫省之新蔡光州一帶奔竄喬松年現飭張得勝等軍出境追擊卽著催令該員等會合劉銘傳所部協同勦洗兩面夾攻以收聚殲之效李鶴年前已陛辭著卽趲程前進迅赴新任未到任以前仍著吳昌壽督飭豫省防軍迎頭攔截杜賊紛竄為次第

廓清之計曾國藩節制各省責無旁貸所有皖豫軍情該大臣當全局統籌妥為調遣以副委任將此由五百里各諭令知之○以正紅旗漢軍副都統增慶兼署正黃旗滿洲副都統○追予廣西龍英陣亡州同李懋莘於湖北監利縣原籍建立專祠妻蔡氏殉節旌表如例並附祀○癸酉以江西湖口捐修城垣並防守出力擢知縣岑連乙以知府用賞知府福縣花翎餘加銜升敘有差○以江西

長甯擊退竄匪出力賞參將洪良輝巴圖魯名號彭成書等花翎千總張春和等藍翎餘加銜升敘有差○予湖北各屬陣亡殉難官弁把總李芝發等暨紳民婦女四千九百四十員名口分別旌卹如例○甲戌

上奉

慈安皇太后

慈禧皇太后幸漱芳齋侍午膳○諭軍機大臣

等吳棠奏嚴防捻匪東竄情形一摺張總愚

股匪竄至山東曹縣旋竄定陶及鄆城交界地方該逆復欲勾合賴牛等股由泰安曲阜折竄清江徐州並探聞賊至嘉祥金鄉逼近江境捻逆行蹤飄忽難保不乘虛東犯清江及邳宿運河南北兩岸在在需防該漕督已飭姚廣武等各率所部分布清江及邳宿等處並飭徐海道張樹聲修整民圩派兵分駐徐州並防堵湖團王團布置尚屬周密卽著吳棠嚴飭在防員弁兵勇實力籌防毋稍疏

懈。至裏下河完善之區。尤關緊要。該漕督已就現有兵力。嚴密防範。並著俟劉秉璋督勇移紮宿遷之後。與之熟商妥辦。以固疆圉。將此由五百里諭令知之。○又諭張凱嵩奏官軍續獲勝仗。進攻山澤賊巢。並豫籌辦理邊郡土匪情形。各一摺。山澤附近各村。險隘林立。經張凱嵩督飭各軍。分路進剿。疊破賊壘。直逼腹心。合圍之勢已成。即著嚴檄在事文武。乘此聲威。奮勇進攻。擒渠掃穴。迅速肅清。不得稍有疏懈。南太鎮泗各郡。伏莽徧地。該撫擬俟山澤土匪剿平後。即簡精卒萬人。分道疾驅。相機剿辦。先將巨股殲除。設法解散餘黨。以盜攻盜。深合機宜。即著照所籌各節。實心辦理。以期肅清通省。奠安閭閻。至各該處牧令。尤當慎選賢能。以與吾民培養元氣。庶戡定地方。不至復萌禍亂。是為至要。將此由五百里諭令知之。○又諭張凱嵩奏粵西糧餉不繼。江西省計共部撥銀四十三萬兩。

疊次咨催。未准撥解等語。廣西兵民俱困。必賴鄰省協濟。現在該省軍務未竣。防剿尚形喫緊。若不速籌解濟。何以作士氣而勵戎行。著劉坤一飭司將部撥歷年地丁銀。先行措解若干兩。以應急需。下餘之款。仍著源源撥解。毋再拖延。將此由五百里諭令知之。○又諭本日據李鴻章將丁日昌擬陳辦理潮州交涉洋務事宜。據情轉奏。開單呈覽。一摺。據稱潮郡紳民。不願洋人入城。一在惜虛聲。一

在懼實禍。洋人必欲汲汲入城者。一恐他處效尤。一苦他國嘲笑。並慮入城之後。難於長久相安。所陳應辦事宜三條。如立威宜留餘地。勸諭宜通民志。紳士宜才德並用等語。立論俱切中機要。著李鴻章即飭丁日昌趕緊馳回粵東本籍。聽候瑞麟調遣。毋稍稽延。粵省督臣。既據丁日昌聲稱。未便徑赴潮郡。先襄威重。致事後轉多窒礙。著瑞麟即行先赴嘉應駐紮。傳諭潮郡得力紳士。赴轅開導。並

在懼實禍。洋人必欲汲汲入城者。一恐他處效尤。一苦他國嘲笑。並慮入城之後。難於長久相安。所陳應辦事宜三條。如立威宜留餘地。勸諭宜通民志。紳士宜才德並用等語。立論俱切中機要。著李鴻章即飭丁日昌趕緊馳回粵東本籍。聽候瑞麟調遣。毋稍稽延。粵省督臣。既據丁日昌聲稱。未便徑赴潮郡。先襄威重。致事後轉多窒礙。著瑞麟即行先赴嘉應駐紮。傳諭潮郡得力紳士。赴轅開導。並

擇仕潮素得民心之大員會同紳士親往撫慰勸諭俾潮郡紳民自行轉圜使洋人入城之舉出於紳民而非由於大吏之迫脅庶日久可以相安無事前任廣東藩司李福泰潮陽令冒澄素得該郡民心李福泰著暫留粵東與冒澄均由瑞麟酌量派往潮郡曲行曉諭紳民並將該郡政令之不便於民者先行裁革以順民情紳民中有才德可用取信於民者該署督卽行酌量收用以冀因勢利導

總期事在必成顧全大局不可畏難中止丁日昌所稱洋人入城之後恐其以利餌誘愚民當徐圖防範一節識慮甚遠著瑞麟於該員到轅後飭令將防範事宜豫行籌畫毋稍疏忽原摺並單各一件均著鈔給瑞麟閱看將此由五百里各密諭知之○以江蘇清河創建新城予知縣龍寅綬等加銜升敘有差○以廣西武宣勦平土匪賞守備曹福祿花翎餘升敘有差○乙亥諭軍機大臣等吳昌

壽奏賴牛股匪竄至中牟鄭州一帶調派各軍進勦一摺另片奏賊向朱仙鎮竄駛等語賴牛等逆自皖境阜陽全數折回由西華通許陳留尉氏一帶竄至朱仙鎮折竄中牟經官軍奮力擊退賊向西北逸去盤踞鄭州白沙一帶現復由中牟回駛馬賊擾至省城南隄以外大隊疾趨向朱仙鎮一帶竄擾此股賊匪行蹤飄忽勢甚猖獗省城現存隊伍不敷分勦甚屬可虞著吳昌壽將城守事宜嚴密布置飭令馬德昭等軍相機追擊一面迅催宋慶蔣希夷安住保英等軍趕緊由東路折回探明賊蹤繞前迎勦賊竄朱仙鎮難保不東趨曹濟與張總愚合股曾國藩務當分撥各軍與豫軍截擊毋令得遂其合併之計致成燎原直隸大名邊境與開封接壤尤須防其窺伺黃河希圖北渡著劉佑佑添派兵勇與在防將士實力堵遏毋稍疏懈閻敬銘會商曾國藩將黃運兩河要隘力籌防守毋

得稍有疏虞。山西澤潞等處。本有防兵。王容吉仍當先事圖維。豫為戒備。不得以賊蹤尚遠。稍涉疏虞。前據喬松年奏。賊匪回竄豫境。已飭張得勝、程文炳等軍會合劉銘傳追擊。即著曾國藩檄令劉銘傳等確探賊蹤。迅速追剿。盡殄賊氛。李鶴年如已到豫。即著懷遵前旨。妥籌防剿。用副委任。將此由六百里諭知曾國藩、劉長佑、閻敬銘、李鶴年、吳昌壽。並傳諭王榕吉知之。○以湖北荊州團練出力。

予同知吳久安等加銜升敘有差。○追予陝西陣亡遊擊鄒朝元於四川崇慶州原籍建立專祠。子守備步雲同知玉璽知縣玉鼎縣丞玉梁府經歷玉寶祭葬世職加等。一併附祀。○旌表守正捐軀直隸任邱縣民婦郭劉氏。○丙子諭內閣林鴻年奏已革參將在逃未獲。請飭嚴拏等語。雲南鎮雄州城失守案內要犯除袁學海等三名業經正法外。其在逃之已革署參將張兆綬無論逃往何處。著

各省督撫飭屬認真一體嚴拏務獲。就地正法。以肅軍紀。○諭軍機大臣等有人奏天津關向在三河縣設有分口。近聞三河縣稅局又在寶坻新集鎮等處設立分局。遇有船運車運。無論未稅已稅及應稅不應稅之物。概行訛索。請旨飭查等語。各關徵稅均有定額。似此營私舞弊。任意濫徵。大為閭閻之害。亟應嚴行懲辦。著萬青藜、卞寶第確切查明。按律嚴懲。秉公究辦。毋稍寬縱。原片著鈔給閱

看。將此諭令知之。尋奏遵查新集鎮分局收稅。歷年已久。均係按照稅則。並無訛索等事。惟東路七縣共分局二十一處。不免多擾。應請飭部覈減。從之。○又諭伯彥訥謨祜奏續獲各股首從。開單呈覽。德英奏截剿回竄逆匪。奪獲礮位等件。各摺賊眾經官軍擊敗。後四散奔逃。改裝隱匿。伯彥訥謨祜派令兵弁分路緝拏。續獲多名。軍前正法。辦理尚為認真。現在邊外地方。雖可稍安。誠恐山徑叢雜。

餘孽潛滋。著該親王仍卽督飭文武員弁會同地方官悉心搜捕。以期一勞永逸。俟地方一律肅清。應如何分別撤兵歸伍之處。與文祥等妥商辦理。德英摺內所稱斃匪多名並奪獲大礮一尊。據賊供係搶自奉省。

皇陵。又奪獲繡龍黃黑色鐵甲各一副。箭二枝等語。奉省失去此項礮位等件。從前未據奏報。著德英卽將礮位鐵甲解送奉天查驗。是否係安放。

陵寢之件。著文祥、福興詳查具奏。未獲各匪。仍著富明、阿德英嚴飭兵練。實力搜勦。毋留餘孽。將此由五百里各諭令知之。尋文祥等奏據。

三陵總管呈稱。尙無安放大礮及鐵甲箭枝等件。應俟吉林解交奉省查明覈辦。報聞。又諭前據劉長佑奏。擒匪逼近河干。吳昌壽奏。賴牛等逆竄至中牟鄭州一帶。疊經寄諭。曾國藩等妥籌辦理。茲據御史賈鐸奏。說河南

情形。敬陳四策。一摺。所稱嚴守汴省東西要路。以防其北犯。扼守淮河。以杜其南竄。東西兩路夾擊。以遏其鋒。多張告示。以散其黨。於現在辦理情形。大致尚不相左。擒蹤飄忽。此勦彼竄。勢所必然。曾國藩現駐濟甯。杜賊北趨。淮軍緊躡其後。賊勢紛擾豫境。該大臣將來應否移紮鄭許之處。著斟酌妥籌。毋致顧此失彼。其請令閻敬銘等分駐曹考等處。李鶴年、喬松年分駐淮河南岸。劉銘傳等軍由

歸陳向西進勦。鮑超會豫軍由南汝向東進勦。雖不為無見。惟軍情旦夕變遷。著該大臣通盤籌畫。如尚可行。卽分咨直東皖豫湖北各督撫。妥籌辦理。至解散脅從一節。本屬行軍要著。惟在該大臣督飭將弁於賊中自拔來歸者。予以矜全。毋妄殺戮。以釋其疑畏。自可迅圖蕩事。原摺著鈔給閱看。將此諭令知之。○吏部議准。廣東道御史劉慶奏。請將西北兩城正指揮及吏目。援照副指揮之例。改

為繁缺其東南兩城及中城正指揮吏目均與副指揮一律作為簡缺應如所奏辦理從之○戊寅諭內閣翰林院檢討董文煥奏吏治廢弛請飭內外臣工講求律例以資整頓一摺律例有關政治庶司百職平日均應加意講求精思熟習乃近來內外臣工於律例漫不經心以致劣幕奸胥得以把持蒙蔽吏治廢弛率由於此著各部堂官於學習人員奏留時考以本部則例條對詳明者方准奏

留如不能諳習或咨回吏部或再留學習三年由該堂官隨時酌定其外省試用人員亦著各該督撫於期滿時考以大清律例察其能否熟習分別繁簡補用其不曉律意文理荒謬者即著嚴加甄劾毋稍徇隱經此次嚴諭之後內外大臣務須通飭所屬各員平日講明律例於公事詳細剖決毋得假手胥吏幕友任意顛倒以除積弊而整紀綱將此通諭知之○又諭董文煥奏京師五城地面窮

民結羣白晝搶奪平民商賈均受其累並有假裝廝僕撞騙財物請飭妥為彈壓安置等語著五城御史順天府會議章程如查有無賴之徒肆行搶奪即著從嚴懲辦其老弱困苦者迫於飢寒情殊可憫著於棲流所養濟院等處酌加經費妥為撫恤用副朝廷除莠安良至意○諭軍機大臣等戶部奏遵議指撥山東等處欠解吉林餉銀並由盛京先行酌墊一摺山東等省節年欠解東三省俸餉

屢經該部奏咨嚴催僅據山西解過銀二萬兩其餘均未報解實屬任意延緩現在吉林防勦喫緊需餉甚殷若不迅籌撥解必至貽誤大局茲據該部議於積欠俸餉數內山東地丁項下先提銀七萬兩直隸旗租項下先提銀四萬兩長蘆鹽課項下先提銀四萬兩河南清查追補項下先提銀三萬兩山西耗羨項下先提銀二萬兩共提銀二十萬兩此皆各該省歷年積欠並非現時增撥之款自

應趕緊籌解。著劉長佑、閻敬銘、李鶴年、吳昌壽、王榕吉督飭藩運各司，按照所撥數目，限於一月內措齊解交盛京戶部轉解吉林將軍交納。如有藉詞延宕，逾限不解，一經戶部指名奏叅，定即從嚴懲處。其餘歷年欠解東三省各項銀兩，亦即設法籌款陸續起解，毋再延緩。惟應解各省距吉林較遠，誠恐緩不濟急，著文祥、福興、都興、阿額勒和布仍遵本月初六日諭旨，或由庫存俸餉銀內，或由上年部撥勦匪軍餉內，先行酌量墊撥銀十數萬兩，知照吉林將軍派員領取，俾資接濟。俟前項銀兩解到時，即行撥還歸款。至吉林每年俸餉，向以應徵地丁租稅等項列抵。雖因賊匪竄擾，豈得遽謂毫無徵收？著富明、阿德英認真查覈，於應徵各項妥籌經理，藉供支放。毋得任聽屬員隱匿欺蒙。如有前項情弊，即著嚴叅懲辦。又上年戶部奏撥吉林勦匪軍餉案內，指撥山東地丁銀五萬兩，迄今僅

據報解銀一萬五千兩，尚欠銀三萬五千兩。著閻敬銘迅速備齊，委員解往以應要需。不得再有遲誤。本日據富明、阿奏現帶官兵五百餘員名起程，應需製造軍火器械等項，請飭戶部籌撥現銀一萬兩等語。此項銀兩，即著文祥、福興、額勒和布於墊撥吉林款項內先行動撥銀一萬兩，派員解赴黑龍江將軍衙門，以備製造之用。仍於各省解到吉林餉銀內劃抵歸款。將此由五百里諭知文祥、福興、都興、阿額勒和布、富明、阿德英、劉長佑、閻敬銘、李鶴年、吳昌壽並傳諭王榕吉知之。○又諭富明、阿奏遵旨前赴吉林起程日期，及調員差委各摺片。富明、阿現已行抵黑龍江省，酌帶官兵西丹、鄂倫春五百餘員名，剋日赴吉。即著迅速前進，將各股餘匪認真搜勦，盡絕根株，肅清疆圉。此次派出牲丁應交貢紹著自出征日起暫行停納。俟凱撤後再令呈交，以紓丁力。三等侍衛吉凌那斯渾著准

其帶赴軍營。以資得力。已革副都統吉拉明阿。已革三等侍衛吉勒圖善。已革佐領特爾清阿。及發遣廢員紹恆。均著照富明阿所請。自備資斧。隨營效力。儻仍不知奮勉。卽著嚴叅治罪。將此由五百里諭令知之。○吉林將軍富明阿奏請調已革副管常興隨營差遣。允之。○命刑部尚書綿森吏部左侍郎毛昶熙。馳往易州查辦事件。○以玩視人命。東城副指揮白文超下部嚴議。○賞福建補行甲

子科鄉試年老諸生邱必鵬等十二人舉人副榜有差。○己卯諭軍機大臣等劉長佑奏捻逆疊撲河干。被兵擊退。並北路邊防仍須兼顧。麒慶奏奉省餘匪回竄清河門一帶滋擾。防剿情形各一摺。張總愚股匪盤踞鄆鉅。並由壽張縣南岸疊撲黃河。均經直隸防兵擊退。惟奉省紅黃藍三旗馬賊二千餘名。竄擾清河門等處。熱河官兵未能得手。賊已擾及朝陽縣東界燒鍋地等處。劉長佑現擬將

直字中軍兩營。仍留北路。並派英良會同黃仁遺帶領馬步兵勇數百名。馳赴關外。著卽覘賊所向。會同熱河防軍實力勦捕。一面飭令各關隘將士嚴行扼守。毋令賊蹤乘隙竄入。劉長佑俟抵大名。布置河防周妥後。察看情形。如果南路捻勢稍鬆。北路邊防喫緊。卽著折回省城。居中調度。相機策應。現據麒慶奏稱馬賊由清河邊門竄至熱河大板地方。協領德玉穆濟楞與賊接仗。因天黑未能獲

勝。退至孟古勒津駐紮。現在添派協領瑞興等帶兵數百名。馳往朝陽。著麒慶嚴檄在事員弁奮力迎擊。並飭蒙古防兵一體會勦。務將該匪就地殄除。不得任賊縱橫。漫無布置。賊匪本係敗殘之餘。一入熱河邊境。官兵卽不能制。其平素訓練之不得力。已可概見。協領德玉等有無畏避退縮情事。麒慶當切實查明辦理。不可姑容諱飾。致隳軍律。近來奉天馬賊俱在省城東南北三面肆擾。疊經官

軍擊敗殄除已十之八九西路一帶久無賊蹤此次紅黃藍三旗大股賊匪究由何路突竄清河邊門擾及朝陽著伯彥訥謨祜文祥等查明覆奏熱河地廣兵單恐賊勢又成燎原著伯彥訥謨祜迅卽分撥所部蒙古兵丁折回西面追至熱河會同該處兵勇勦洗文祥福興都興阿酌撥奉省官兵一面馳赴熱河勦賊一面扼守錦郡義州邊境嚴防回竄以期肅清邊界殄滅餘氛毋稍延緩將此由

六百里各諭令知之○又諭劉長佑奏擒逆疊次竄撲河干均經官軍擊退一摺此股擒逆自入東境後屢思竄渡黃河現經直隸防軍擊退郟城壽張已無賊蹤該逆現在竄向何處曾國藩閻敬銘務當督飭各軍探賊所向實力迎勦總以繞出賊前偪令南趨俾李昭慶等軍得以兩面兜勦庶不至著著落後任賊擾及完善劉長佑現已前赴大名卽著詳察各路情形何處應增礮船何處應添兵

勇妥籌布置務臻周密其賴牛等逆旣欲東趨勢將滋蔓劉長佑仍當懍遵前旨督率在防將士嚴密籌防遇賊卽擊毋得稍涉疏懈擒匪竄朱仙鎮後現在情形若何並著吳昌壽隨時馳奏仍將防勦事宜及調兵回援各節妥速籌辦毋失事機李鶴年已否抵任並著恪遵疊次諭旨妥籌防勦以副委任將此由六百里各諭令知之

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十二

甄別正佐各員請分別降補革職勒休一摺
江蘇候補道陳慶溥習氣輕浮難資表率知
府陳榮身體軟弱難膺方面均著以同知通
判分別降補候補知州查應驊舉動輕躁尚
欠歷練通判白堇習氣較重辦事麤疏知縣
葉祖恆志氣昏庸難膺民社惟該三員年力
尚強或堪造就均著以府經歷縣丞降補歸
部銓選試用同知田濤習氣太重趨避尤工
候補直隸州知州周閑貌似有才居心貪詐

試用知州葉清臣居心卑鄙辦事顛預試用知縣林國楨嗜好太重不知檢束升用知縣沈國珩性情浮躁不堪造就均著革職勒令回籍試用同知李嘉福舉動躁妄難期勝任補用知縣沈賡良才具平庸不知振作汪應源身弱多疾難耐煩勞均著以原品休致大挑知縣暢和會才具平常惟係舉人出身文理尚優著以教職改補華亭縣縣丞白誥鄉性耽安逸差使嬾惰蘇州府知事姚光裕重用書差聲名平常補用縣丞朱漣行止有虧試用從九品湯敦敘任性妄為均著革職主簿李慶瀾性耽安逸巡檢汪耀工於營求均著以原品休致○又諭穆圖善奏請將玩視營規濫刑肆虐之營員分別懲儆等語已革二等侍衛訥依楞阿前因帶隊不恤官兵藐視統將經都興阿奏參當降旨革職留營乃該員不知愧奮怙惡不悛輒與副都統銜卽補協領驍騎校博爾托善在營與兵丁聚賭

又因事將委筆帖式馬勒西布重杖幾至斃命誣兵為盜濫用酷刑致成廢疾實屬玩視軍律訥依楞阿業經革職著卽勒令回旗永不敘用博爾托善與訥依楞阿通同賭博又因失去銀兩妄責兵丁亦屬藐法任性著卽行革職留營效力以示薄懲○諭軍機大臣等穆圖善奏覆陳馬化澄投誠並甯郡回眾續繳軍械馬匹現在安插歸業各摺馬化澄復到營求撫穆圖善察其人尚誠實著准其

投誠責令前赴各路開導回民立功自贖如有頑梗不法仍當力加勦辦不得稍涉遷就致貽後患甯夏納家牆王家疇莊楊和堡等處回民一聞朝廷宣諭盡繳軍械馬匹職位等項聽候安插尚知大義著穆圖善督飭敦奇祥阿等周歷各莊查驗令各歸各業及時耕種不得藉端擾累其認修渠工飭令認真辦理以期經久將此由六百里諭令知之○山東巡撫閻敬銘奏軍務喫緊請將上年大

計再緩舉行從之○以詹事府少詹事銘安為詹事○予安徽潁上合門殉難訓導王福永祭葬世職加等建專祠眷屬人等旌卹附祀教諭黃坤元把總李步階祭葬世職加等○予安徽壽州等處陣亡殉難訓導孫法祖等紳民婦女六千四百五十五員名口分別旌卹並立祠建坊如例○辛巳

上奉

慈安皇太后

慈禧皇太后幸漱芳齋侍午膳○以甘肅甯夏防守滿城出力賞協領阿芳阿等花翎佐領瑪魯堪等藍翎餘加銜升敘有差○予甘肅鹽池梁被戕防禦吉豐額等祭葬世職○壬午

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

顯佑宮

東嶽廟

城隍廟○

上詣

大高殿

壽皇殿行禮○詣綏履殿

慈安皇太后前行禮平安室

慈禧皇太后前行禮○御乾清宮王以下文武

大臣蒙古王貝勒貝子等行慶賀禮眾官於

午門外行禮○奉

慈安皇太后

慈禧皇太后幸漱芳齋侍午膳○賜內廷王大

臣貝勒等食○癸未諭軍機大臣等本日據

楊岳斌馳奏省城兵變大概情形一摺覽奏

曷勝焦急甘肅省城因糧餉缺乏督標兵丁

竟於本月初三日五鼓擁眾至督署及軍需

局肆行搶劫將督署幕友及留省委員概行

殺害該督留省親兵百餘人均行被戕所存

炸礮洋槍火藥並標營庫械悉為搶盡連日

緊閉城門肆殺官民被傷甚多城上皆為叛

兵安置礮位並勾結回逆赴省盤踞北關黃

河對岸之廟灘此時賊氛猖獗占踞蘭州勢

必全省震動楊岳斌亟應督兵星夜兼程馳

回省垣速將蘭城克復以期力顧大局鎮定

人心此外各路兵勇何處可以檄調卽著酌量情形先行撥往助剿以厚兵力楊岳斌於省垣重地並不小心防範以致標兵謀變毫無見聞咎無可辭著先行交部議處儻再漫無布置不將省城速行克復自問當得何罪林之望及省城文武各官下落著楊岳斌迅卽查明具奏平涼固原軍務情形現在若何該督作何布置並著隨時具奏涇防各營軍心已定楊岳斌自當分撥諸軍前往該二城

相機勦撫毋令東路回匪聞風響應與省垣叛兵勾結致成燎原之勢仍一面設法疏通陝西糧運分濟甘省各營軍食毋稍大意慶陽查辦糧臺事務卽著該督專交趙長齡辦理所有慶陽留防事宜仍著楊岳斌分派將士嚴飭防守本日復據林之望奏稱副將羅宏裕辦理不善激變營兵一摺羅宏裕分撥各營糧米有無勇多兵少偏袒激變情事卽著楊岳斌確實查明秉公嚴叅懲辦不可稍

涉偏徇以平軍心林之望此摺卽係本月初三日所發所陳營兵僅稱因械鬪殺傷數人督署門尚未啟旋即解散與楊岳斌所奏情節迥不相符其所稱飭令各營照舊分守城門嚴防外賊窺城等語是否省城各門已為叛兵占踞該藩司有無為叛兵所脅飾詞具奏情事楊岳斌卽行查明覆奏儻該叛兵偏脅藩司飾詞奏事難免不偽用印文分向各路軍營並各郡縣逞其詭計該督務當檄飭

各該文武嚴密防察並著於回抵省城時設法將被脅滋事營兵先行招撫解散以孤賊勢務當隨機應變謀勇兼施不可稍執成見林之望原摺著鈔給閱看將此由六百里諭令知之○又諭傳諭甘肅布政使林之望林之望奏甘肅省城營兵因軍糧缺乏向副將羅宏裕求撥糧食被其斥逐各營兵復與該副將之勇分訴忿爭彼此械鬪各殺傷數人現經林之望安撫解散等語甘省糧餉短絀

自係實情。惟該營兵等不應結眾忿爭。遽思滋鬧。且恐所奏尚有不實不盡。楊岳斌現經出省。所有省城防守事宜。林之望豈能辭責。著卽將各營兵丁。妥為彈壓。查明為首滋事之犯。嚴行懲辦。並籌措糧餉。均勻放撥。以定軍心。一面嚴防城外賊匪。勾結窺伺。毋稍大意。羅宏裕支放軍餉。是否有辦理不公之處。並著查明實在情形。稟知楊岳斌嚴行叅辦。其餘一切應辦事宜。著俟楊岳斌回省後。妥

商籌辦。○又諭前因伊犁待援孔亟。曾經諭令明誼等調撥蒙古官兵六千名。前往援剿。茲據明誼等奏。本處向無米麪。附近又無處購買。歸化城雖係產糧之區。惟甯夏軍營及烏科二處口糧。俱在該處採買。此次調撥蒙兵。應需米麪。若再由歸化城置辦。實與彼處兵民生計有礙。請飭山西巡撫派員採買轉運等語。所奏亦係實在情形。著王榕吉卽在該省內產糧處所。轉飭該地方官。趕緊置辦。

白麪六十萬斤。市石穀米二千石。迅速運至綏遠城。交德勒克多爾濟差派官兵。分起設法。由驛押解赴烏。以應征兵口食之需。其所需價銀及裝盛口袋等項銀兩。卽由前撥山西等省丙寅年地丁銀四十萬兩內。分別扣留報部。下餘銀兩。並著一併解至綏遠城。運解烏城。分別轉撥。將此諭知德勒克多爾濟。並傳諭王榕吉知之。○甲申。諭軍機大臣等。曾國藩奏皖豫剿賊獲勝情形。並彙報山東

近日軍情各摺。劉銘傳軍躡賊於淮潁之間。該逆被擊敗後。一日夜疾馳至槐店。張樹珊在周家口迎剿獲勝。復於大朱樓地方乘夜截擊。頗有俘斬。潘鼎新一軍。攻克潘溪渡。南北寨大獲全勝。李昭慶一軍。由河南追賊行抵東境。攻奪蕭廳寨。與賊力戰。互有損傷。現在張逆萃於濮范境內。任賴等逆萃於鄆鉅境內。該大臣現將潘鼎新軍調回靳口。兼顧運河北路。令李昭慶各營。分屯長溝趙村。兼

顧運河南路堅守運河使該逆不得東渡以待援軍之至。劉銘傳等軍業已陸續到東。著俟各軍到齊四面分布先為不可勝以待敵之可勝。務須謀定後動計出萬全方為至善。此股逆眾合併一處兇狡異常曾國藩閻敬銘務當嚴飭各軍固守運河毋任一賊偷渡各軍到齊自可一戰而勝惟賊數尚多必圖分竄皖豫各境著喬松年李鶴年吳昌壽各飭防軍認真截擊節節殲除毋稍疏懈近來

各省積習近賊地方不為備禦賊至則張惶請救及援軍獲勝或反據為己功賊退出境旋報肅清累疏請保冒濫實多如湖北河南今春屢報勝仗風聞實無戰事黃陂之役非劉銘傳速到何能攻拔城池而官文等奏報鋪敘本省戰功殊多失實前據官文等奏請擇尤保獎已降旨允准著暫行存記俟此股賊眾剿除淨盡再將防軍酌保仍不准稍涉冒濫嗣後各該省督撫務當據實奏報不准

有一字欺飾於地方軍務隨事覈實信賞必罰庶足以挽積習而勵戎行鮑超一軍已抵何處著官文曾國藩嚴行檄催前據御史張盛藻奏湖北荊州地方有署同知劉姓擅設糖稅名目多為科條大張告示人情洶洶罷市數日請飭禁止等語著官文曾國藩查明劉姓何人是否因抽稅擾民據實參奏原摺著鈔給官文曾國藩閱看將此由六百里各諭令知之尋奏遵查宜沙兩處加抽糖釐係

因鄂省協餉太多前撫臣鄭敦謹委員試辦由牙釐總局覈議章程並非該員擅設商民亦無罷市情事報聞○又諭劉坤一奏擊散崇安齋匪現籌撥捕情形一摺福建崇安齋匪由建陽崇邑竄至江西上饒縣屬經都司高鍾奇掩擊斃賊數百名解散脅從二三千人復經參將王益隆與浙江提督黃少春夾擊擒斬三百餘名餘匪遁往鉛山向溫林關繞竄著左宗棠徐宗幹嚴飭各軍併力截擊

並著劉坤一督飭副將余朝貴協力攻剿。扼其回竄。務須一鼓殲擒。不使稍留餘孽。其逃散匪黨。潛匿江閩交界之封禁山及上饒鉛山者。為數尚多。劉坤一擬將席寶田所撥三千人。駐紮廣信。彈壓卽著飭令嚴密搜捕。務絕根株。並責成該地方官認真查拏。此外各府州縣。如有喫齋立會等事。尤須嚴為禁絕。以遏亂萌。其江西裁撤各軍。為水所阻。留滯吉安。兼有游勇涸跡。著責成席寶田妥為鎮

撫。毋使滋事。席寶田前有旨飭赴臬司本任。著俟齋匪辦竣。各軍調回後。再由劉坤一斟酌奏明辦理。鮑超一軍。曾否由江起程。現在捻髮等逆。蝟集山東。范濮鄆鉅之交。軍事萬分喫緊。著劉坤一行知該提督。星速拔營前進。毋稍遷延貽誤。將此由五百里各諭令知之。○又諭王榕吉奏晉省南路邊防喫緊。分籌守禦情形。請飭穆圖善將原調晉兵遣回各摺片。據稱陳大澐股匪。由新鄭鄭州竄至

鞏汜及偃師之間。距洛陽僅七十里。河陝一帶。並無重兵。陳澍現帶勇隊。由運城移紮河干。蔣臨照馳防東灘渡風門口。各要隘。冀甯道鈴祥與鄧裕生分防潞澤一帶。布置尚屬周密。此股賊匪。疊據曾國藩閻敬銘先後奏到。已竄至鄆城。以北與張總愚合股。廣集東境。惟逆氛剽疾靡常。晉防不可稍懈。著王榕吉豫飭在防各軍。多設偵探。嚴密布置。務臻穩固。毋稍疏虞。前因王榕吉奏晉省河防兵

單。請調回赴甘助剿之楚勇千名。曾諭都興阿酌量調撥。茲據該護撫奏稱。晉防喫緊。如前項楚勇。業經飭赴前敵。卽請將原調晉兵八百名遣回等語。現在甯夏回匪投誠。兵力諒敷分布。惟蘭州省城兵變。又虞各處響應。著穆圖善酌量情形。如兵力已敷。卽將此項晉兵八百名遣回本省。以資防剿。將此由四百里諭知穆圖善。並傳諭王榕吉知之。○署吉林將軍德英奏探擊山內竄匪獲勝得旨。

馬傻子等股匪既有至伊通報復之說不可不嚴為防範著督飭派出兵役嚴密探防並知照富爾孫等認真進剿先發制人毋任該匪出擾滋蔓難圖○予安徽潁州陣亡參將胡鳳喈千總劉得發祭葬世職加等○予安徽江西等省疊次陣亡遊擊胡榮清等一百四十七員祭葬世職○予山東蕭廳寨陣亡遊擊劉洪盛等二十七員祭葬世職加等○乙酉諭軍機大臣等總理各國事務衙門奏

據崇厚函稱奉省馬賊於三月初九日竄至牛莊遽行失守距營口九十里該處驚惶之至沒溝營地方為稅課攸關額設防兵單薄萬一有警所繫非輕兼之洋商聚集儻有疏虞必至藉口虧折請飭撥兵前往防護等語牛莊為海口要地此股賊匪從何處竄入詳細情形何以尚未據文祥等奏報著即查明具奏一面分撥兵勇移緩就急相機進剿以安商旅而裕稅課前調天津洋槍隊本為保

護營口之用嗣因奉省緊要經文祥等奏調赴興京防守著文祥等悉心酌度如興京無事即將春霖所帶洋槍隊五百名調赴營口仍另撥得力將弁迅速往援崇厚一面籌防南路髮捻一面將天津所練洋槍隊酌量分撥數百名配齊器械委員統帶前往聽候調遣前據文祥等奏奉省馬賊已屬無多不難次第擒剿乃本月二十日據麒麟慶奏奉省紅黃藍三旗馬賊二千餘名竄擾清河門等處

擾及朝陽東界昨據德英奏馬傻子股匪數千人有四月出山至伊通報復之說今牛莊又有匪徒竄入尚不知為數若干是賊匪此拏彼竄雖屢次被剿窮蹙而人數尚屬不少文祥等務當多設偵探通盤籌畫以藏全功都興阿現已到任該將軍久歷戎行應如何分投布置之處著與文祥福興隨時會商辦理本日復據劉長佑奏由清河門竄朝陽股匪現仍折回奉省並有向花營投誠之信此

股賊匪曾否接仗。何以遽肯投誠。所稱花營。是否花里雅春軍營。著文祥等確查奏聞。將此由六百里各諭令知之。○又諭劉長佑奏。張逆回撲河干。疊經防軍擊退。賴牛各逆復謀搶渡一摺。張逆由開州壽張張秋范縣等處。疊思搶渡。賴汶洸牛落紅各逆。竄入鄆境。與張逆句合。由濮州臨濮一帶。竄踞范縣之董家樓等處。官軍雖屢次獲勝。惟現在髮捻合股。難保不逞其狡謀。為併力渡河之舉。劉

長佑已赴大名。著卽嚴飭在防將士。晝夜梭巡。遇賊卽擊。以固河防。其南岸船隻。盡行提歸北岸。毋令該逆乘機搶船。得遂其北渡詭計。沿河防兵單薄。應如何添調勁旅。相機布置之處。著劉長佑酌度情形。妥為辦理。將此由五百里諭令知之。○湖南提督周寬世因病解職。以記名提督黃少春為湖南提督。○以湖南耒陽拏辦教匪出力。予千總袁正忠以守備用。並賞花翎。知縣曹貽榮等加銜升

敘有差。○丙戌諭軍機大臣等。御史朱學篤奏。捻逆竄擾山東。廣集張秋鎮一帶。窺伺黃運兩河。時思偷渡。東昌冠莘等縣。時有土匪蠢動。並聞有假冒官勇。詐稱自山西來為援。應情事。設相句結蔓延。極為可慮。現在劉長佑已赴大名。而景州與東昌交界處所。甚屬空虛。請飭崇厚統帶勁旅。仍駐景州。以固北路藩籬等語。所奏不為無見。惟天津洋槍隊半已調往奉天防剿。昨因牛莊失守。復諭令

崇厚挑選洋槍隊數百名。聽候調遣。天津存兵已屬無多。崇厚如須移防畿南。有無兵勇可調。帶兵應駐何處。著劉長佑崇厚斟酌機宜。妥為商定。奏明辦理。將此由五百里各諭令知之。尋崇厚奏。遵查景州距河防較遠。張秋一帶河防。尚覺空虛。已飭都司趙起管帶備撥洋槍隊。徑赴張秋。歸陳濟清統帶聽調。報聞。○以都察院左都御史董恂為兵部尚書。戶部左侍郎汪元方為都察院左都御史。

調工部右侍郎譚廷襄為戶部左侍郎管三庫事。刑部左侍郎王發桂為工部右侍郎管錢法堂事。轉刑部右侍郎鄭敦謹為左侍郎。未到任前，仍以都察院左副都御史潘祖蔭署理。以內閣學士桑春榮為刑部右侍郎。工部左侍郎黃倬兼署兵部右侍郎。○以大理寺卿胡家玉為都察院左副都御史。○命惠郡王奕詳帶領侍衛十員往奠故兵部尚書曹毓瑛茶酒賞銀二千兩治喪。予祭葬。諡恭愍。○予浙江各屬陣亡殉難縣丞蔡懋鏐等紳民婦女五百四十九員名口分別旌卹如例。

上以孟夏時享

太廟。自是日始齋戒三日。○丁亥。諭內閣左宗棠、徐宗幹奏甄別庸劣不職各員請分別降革示懲一摺。福建候補知縣沈茂蔭作偽營私巧言惑聽著以府經歷縣丞仍留福建降補。署漳浦縣佛曇橋縣丞候補布政司經歷

毛玉瑞縱容丁役藉案索擾署上杭縣典史汪堃嗜好甚重性情乖張候補府經歷張文達玩視軍糈支銷浮冒候補縣丞鄧仕驥結交市儈遇事招搖補用府經歷縣丞徐國華任性妄為聲名狼藉試用縣丞龔俊性情浮躁庸懦無能候補縣丞岳源捷心地糊塗辦事率混試用州吏目左逢源品行卑鄙同官不齒以上八員均著即行革職。○又諭福建已革參將蔡潤澤前經左宗棠等奏請暫緩發遣留營效力當經降旨允准茲據該督等奏稱同治三年九月間漳州被匪竄擾該革員在廈門親操練勇於金雞亭地方扼守要隘涉歷風濤不避艱險請以都司留於水師補用等語。蔡潤澤著准其以都司留於福建水師補用。○諭軍機大臣等左宗棠、徐宗幹奏收復崇安建陽兩城派軍會剿齋匪一摺。齋匪竄陷崇安建陽兩城夥黨甚眾經左宗棠等督飭黃少春等軍會合江省官兵乘其

初起迅速進剿。卽將崇建兩城克復。福建境內業已肅清。辦理尚屬妥速。惟此股齋匪。起自江西封禁山。藏匿已久。現在生擒賊匪。尚不知大頭目名姓。其蹤跡詭秘。已可概見。若不嚴行擒捕。盡絕根株。難保不因官軍凱撤。復出滋擾。著左宗棠徐宗幹督飭黃少春等。越境躡蹤追捕。劉坤一懍遵前旨。嚴飭副將余朝貴等。會同閩軍。務將山內齋匪伏匿之所。認真擒捕。毋留餘孽。其竄九龍山一股。業

經閩軍擊斃首匪陳仕城。其餘夥匪。並著左宗棠等督飭地方文武。實力擒剿。以期速行。歲事將此由五百里各諭令知之。○又諭。蔣益澧奏起程赴粵日期。並擬酌帶親兵前往一摺。廣東民俗强悍。降眾散處。伏莽徧地。槍擄各案。層見疊出。西江土客械鬪成風。蔓延日甚。該撫到省後。務當整頓營伍。講求吏治。並選擇賢能地方官。實心經理。中外通商各要口事宜。尤須與瑞麟和衷商酌。體察時事。

艱難以期顧全大局。提督高連陞所部多係降眾。將弁中亦鮮能事之人。於地方辦理土匪事宜。未能應手。該撫擬於酌帶親兵數百人外。再添帶部勇數營赴粵。藉資分布。著卽照所擬辦理。俟粵東通省肅清後。再行酌量裁撤。粵東餉源枯竭。蔣益澧以該省前曾協濟浙江軍餉。並籌發該撫一軍援浙餉銀三十餘萬兩。現擬暫由浙省籌銀一二十萬兩。移濟廣東。目前之急。著馬新貽卽行設法迅

籌接濟。不得稍分畛域。卓興方耀所部勇丁。業已陸續裁撤。所欠之餉。務須設法覈實清理。不得任其虛冒。將此由五百里各諭令知之。○又諭。莊浪城守尉慶志奏。兵丁口糧缺乏。賊匪鳩張。情形窘急。一摺。莊浪滿洲營兵口糧。前經諭令楊岳斌嚴飭平番縣。趕辦本色糧石。隨月供支。茲據慶志奏稱。平番縣知縣吳鼎元並不遵旨辦理。仍有勒捐折價情弊。復假濟兵為名。捐輸糧石銀兩。平邑叛產。

亦被該縣侵蝕。前署平番縣知縣東瞻泰亦
有拖欠口糧情事。刻下兵丁日不舉火。奄奄
待斃。一旦逆回偏城。恐致貽誤。請飭查辦各
等情。該營兵糧缺乏。以致飢寒交迫。死亡相
繼。情殊可憫。回匪現在平邑。距城不遠。尤應
籌撥兵丁口糧。以資捍禦。卽著楊岳斌速飭
平番縣趕緊籌辦本色口糧並料草等項。按
月供支。不准稍有蒂欠。知縣吳鼎元前署知
縣東瞻泰所欠口糧等項。如查有侵蝕肥己
等弊。卽著嚴行叅辦。毋稍徇隱。該城滿營兵
丁著慶志隨時妥為拊循。將此諭知楊岳斌。
並傳諭慶志知之。○以工部尚書瑞常兼署
刑部尚書。禮部右侍郎賀壽慈兼署吏部左
侍郎。○以正紅旗蒙古都統奕山署鑲紅旗
滿洲都統。○以勦匪出力。復福建已革副將
吳鴻源職。○以福建建陽縣城被賊竄陷。旋
卽收復。革知縣湯箴衛職。仍留任。予崇安殉
難知縣申其昌遊擊臧宗全祭葬世職。○予

河南陳留陣亡把總蔣芳周等祭葬世職。加
等。○戊子。

上以孟夏時享

太廟前期親詣行禮。○諭內閣前因醇郡王等
奏副都統穆騰額不重公務。藉病呈請開缺
等情。降旨令寶鑒會同醇郡王等查奏。茲據
奏稱查明穆騰額所稟各情。除修造水碓房
屋一事。現由火器營王大臣另行派員辦理
外。原稟所稱調派文慶等差使。恐有鑽營等

弊。查向係管營大臣公同酌派。又謂通曉滿
漢為一等。馬步技藝為一等。應候上司為一
等。三等皆可進步各情。係屬事後擬議。一味
空談。均無庸議。惟穆騰額指稱護軍參領雙
德與烏槍藍翎長伊拉達蒙阿兄妻馬氏有
姦一節。係該副都統遞稟後。因所敘雙德玷
污品行。恐無實據。屬令委參領瑞明代作呈
詞。令伊拉達蒙阿呈遞。以為證據。伊拉達蒙
阿因跟隨穆騰額當差。希圖提拔。是以應允

並非出於本意。雙德與馬氏實無姦私情事。乃該副都統以雙德玷污品行。臚列稟內。實屬有意污蔑。穆騰額著交部嚴加議處。伊拉達蒙阿因瑞明指使。卽遞呈代人作證。尤屬荒謬。著革去烏槍藍翎。長照擬杖徒發落。醇郡王等另摺奏。穆騰額承辦軍需等物。內有擅動浮冒等款。至二千八百餘兩之多。延不交出。屢催罔應。著該王大臣等嚴飭穆騰額。趕緊如數呈繳。如再任意遷延。卽著嚴行懲辦。

○又諭吳昌壽奏請將才不勝任及人地未宜之知縣。分別降撤另補一摺。河南臨漳縣知縣曹敬身體軟弱。難膺民社。著降為府經歷。縣丞仍留河南補用。澠池縣知縣張應燁審斷詞訟。未能悉協輿情。著撤任留省。遇有相當缺出。酌量補用。以肅吏治。○諭軍機大臣等。崇厚奏遵撥洋槍隊聽調。並探聞各路賊情一摺。牛莊竄賊無多。文祥等諒已撥兵前往。不難一鼓殄除。南路髮捻急圖渡運。

不可不防其竄突。著崇厚將所備撥洋槍隊等官兵。移防南路。應行駐紮何處。仍遵二十七日諭旨。與劉長佑妥商調派。以臻周密。賊目穆春榮。王振東。赴花里雅春軍營投誠。並招馬傻子投誠。繳械現由花樓子取道廣甯赴省。分別辦理。著文祥福興都興阿查明馬傻子是否真確投誠。人數既眾。必須於省外分別安置。察明真偽。妥為籌畫。受降如受敵。未可稍涉大意。致蹈恩合覆轍。牛莊賊股與

花樓子賊眾投誠情形。尚未據文祥等奏報。著卽將詳細情形奏聞。以慰馳廑。本日據福興等奏。協領穆錦等供詞。狡展一摺。穆錦等所供招撫情形。已屬乖謬。所稱動用盤費銀兩。又與集爾哈布等所報款項數目。均不相符。穆錦等承領餉需。借支捐項。及起獲賊贓。為數甚鉅。乃率稱接仗遺失。無憑稽覈。難保非藉端蒙混。任意狡展。已革水師營協領穆錦。暫革主事。喬有年均著交盛京刑部嚴訊。

確情。從重定擬。前護金州副都統集爾哈布。同知唐恩壽。一併撤任。聽候傳質。務期水落石出。以成信讞。將此由五百里各諭令知之。○以刑部尚書齊承彥兼署工部尚書。○以詹事府詹事朱蘭為內閣學士兼禮部侍郎銜大理寺少卿于淩辰為通政使司通政使。○命戶部右侍郎李鴻藻在軍機大臣上行。走都察院左副都御史胡家玉在軍機大臣上學習行走。○補鑄江蘇淮安府裏河徐州

府運河各同知關防。從漕運總督吳棠請也。

○
上以常雩祀

天於

圜丘。自是日始齋戒三日。

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十三

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十四

穆宗實錄卷一百七十四 臣等謹將本年內各件恭摺具奏 謹將本年內各件恭摺具奏

臣等謹將本年內各件恭摺具奏 謹將本年內各件恭摺具奏

臣等謹將本年內各件恭摺具奏 謹將本年內各件恭摺具奏

臣等謹將本年內各件恭摺具奏 謹將本年內各件恭摺具奏

臣等謹將本年內各件恭摺具奏 謹將本年內各件恭摺具奏

教修

同治五年丙寅夏四月己丑朔享

太廟遣肅親王華豐恭代行禮○

上詣綏履殿問

慈安皇太后安平安寧問

慈禧皇太后安至戊午皆如之○以安徽攻克

張寨瓦店各賊巢出力賞遊擊郭運昌等花

翎守備彭惠坤等藍翎餘加銜升敘開復有

差○庚寅諭內閣都察院奏圖觀呼圖克圖

遣抱告以呈請事件未蒙理藩院轉奏等詞

赴該衙門呈訴據稱呼圖克圖頭一輩住京

曾蒙

聖祖仁皇帝恩賞繡龍黃緞等件此次該圖觀
呼圖克圖係第五輩於同治二年來京所有

前蒙

恩賞物件是否准用並因西甯一帶回逆滋事
該圖觀呼圖克圖請即回西甯帶領漢番徒
眾保守廟宇或隨特派大臣調集番兵勦賊
自效疊次呈報理藩院等處俱經駁斥懇乞
轉奏各等語康熙年間

恩賞該呼圖克圖各件是否歷輩應用著理藩
院詳查例案奏明辦理該圖觀呼圖克圖現
在住京當差所請馳回西甯帶兵勦賊之處
著不准行○諭軍機大臣等文祥福興奏連
日分路勦賊情形並查明西路竄匪各摺片
北路馬傻子股匪經花里雅春等追擊窮蹙
率眾投誠該匪係著名巨逆豈容幸逃顯戮
文祥等現在檄令該副都統等將馬傻子等
匪首悉行正法辦理甚屬認真餘眾果係真

心投誠。必須詳察情形。分別遣留。業經文祥、福興會商。都興阿飭令色爾固善於路過該處時。設法辦理。卽著都興阿相機妥辦。南路之匪。乘閒竄陷牛莊。業經劉景芳等會同雙德兩路夾剿。賊向東北山內竄逸。當將牛莊收復。著卽檄飭各軍。盡力窮追。務將餘匪悉數殄除。毋留餘孽。其吉林圍場竄出匪眾二千餘名。分股竄擾新兵堡灣甸子。及單家五臺子等處。亦經文祥等飭令清凱等分路剿辦。卽著嚴督各軍。會同吉林官兵認真搜捕。一鼓殲除。毋令餘匪逃匿山內。又致死灰復然。前因麒慶奏賊由清河邊門竄至熱河大板地方。協領德玉等退至孟古勒津駐紮。當經諭令麒慶查明該協領等有無畏避退縮情事。奏明辦理。茲據文祥等奏稱。西竄餘匪不過數百名。德玉、穆濟楞統領馬步八百名。接仗失利。侈稟馬賊二千餘名。希圖掩其潰敗之愆。麒慶何得不審虛實。張惶入告。著仍

遵前旨。詳查德玉等失事情形。嚴行叅辦。並著嚴飭在防官兵。會同奉天派出各軍。奮力剿賊。以贖前愆。將此由五百里各諭令知之。○又諭長善奏山海關防剿官兵不敷差遣。請調員來關助剿一摺。本日據文祥等奏前竄朝陽股匪已向花里雅春軍營投誠。是關外情形較鬆。長善所請酌撥馬勇數百名。交劉榮合統帶赴關外防剿之處。著劉長佑酌量緩急。妥籌辦理。如直隸派兵赴關。其所需一切兵餉薪水等項。卽著由直隸省隨時籌給。以歸簡易。關外緊要處所。仍著長善督飭在防將士。嚴密防守。毋稍疏懈。正在寄諭間。據劉長佑奏東西兩路官軍堵剿情形。並請保防河出力人員各摺片。搶渡各匪。疊經官軍擊敗。當將舊范縣等處收復。張賴各逆先後復竄。鄆曹一帶。濮范壽張無匪。堵禦尚屬認真。卽著劉長佑嚴飭水陸各軍。實力嚴防。不得以賊蹤稍遠。致形疏懈。該督已抵大名。

卽親赴開濮等處將河防各軍分別布置務臻周密在防員弁兵勇紳團均能奮力堵賊未便沒其微勞卽著劉長佑會同李鶴年擇尤保奏毋許冒濫將此由四百里各諭令知之又諭閻敬銘奏捻逆疊撲運河分股南竄官軍擊勦大勝一摺張賴各逆經官軍痛擊悉向南趨運防自己稍鬆然賊騎飄忽難保不復思回竄所有運南運北一帶防軍仍著曾國藩閻敬銘飭令認真防守毋稍疏懈

劉銘傳一軍現已緊躡賊蹤向南跟勦賊匪迫於追師勢必分股狂奔單縣東南一帶可達豐沛西南一帶卽係豫境均須有攔頭截擊之師方可合力兜勦曾國藩吳棠務當督飭徐州等處防軍遇有賊蹤奮力堵勦毋任狂竄李鶴年現已抵任著卽嚴飭將希夷馬德昭等軍確探賊由何路回竄迎頭截勦毋得任令闖入腹地復致蔓延現在該逆趨向未定宿毫一帶亦應先籌布置著喬松年派

撥勁軍嚴密防勦毋稍大意閻敬銘另片奏到任已屆三年額懇入覲等語現在山東軍務正當喫緊該撫當實力籌辦無庸來見俟東豫肅清再行奏請本日復據李鶴年奏探聞賴牛等匪由定陶荷澤向東北竄逸又有回竄安徽之謠等語自尚未知該逆已於二十四五等日向單縣南竄賊蹤奔突靡常豫省歸虞一帶闖入堪虞著李鶴年卽飭宋慶安住馬步各軍視賊所向相機防勦不得株守一隅致誤事機其餘豫省各軍並著認真整頓妥籌布置務臻周密將此由六百里各諭令知之○又諭傳諭甘肅布政使林之望林之望奏再陳省標兵丁索糧激變詳細原委並地方危急情形請旨迅賜查辦及越分陳奏自請察議各摺片甘肅省標各營兵丁因平日楚勇餉厚差輕積懷不平又以飢餓索餉為署副將羅宏裕喝斥激成變端自係實在情形惟該兵丁等與楚勇械鬪竟將道

員吳炳崑等戕害實屬不法。著林之望迅速查明將為首滋事之犯嚴行懲辦。其餘被脅各營並著曉以大義。告以叛逆之人無不誅滅之理。洪逆倡亂竄踞金陵。馬榮叛踞雲南省城。現俱次第鏟削。全數誅夷。況甘省標兵本屬無多。指日楊岳斌統兵回省。儻不及早擒縛首逆。解散黨與。將來大兵一到。必至玉石俱焚。該兵丁等如能悔過自新。朝廷亦當寬其既往。不事窮究也。賊騎千餘直抵黃河北岸。距城止一二里。省城防守緊要。林之望當約束各兵嚴行守禦。不得稍有疏虞。參將馬福遊擊陳應春等是否足恃。中軍副將各缺林之望現派何人接署。片內未將該員等姓名敘明。殊屬含混。均著詳細覆陳。被戕各官並著一一查明具奏。此次省城兵變。督臣出省。林之望未能先事豫防。實難辭咎。著先行交部議處。近日省城防守情形。楊岳斌未到以前。仍著林之望隨時據實馳奏。尋奏中

軍副將趙秉鑑先期出省辦糧。兵變後卽催調回任。城守營參遊各缺。委陳應春易勝甲馬福馬繼祖德恩署理。已令將為首滋事兵丁按冊密拏懲治。被戕各官查係道員吳炳崑等共十四員名報聞。又諭據劉蓉馳奏甘肅省城兵變情形。酌籌緩急。權宜辦理。並將林之望此次馳奏摺件由驛遞呈一摺。與朝廷所辦情形多相符合。蘭州文武各員多為叛兵戕害。四門已設礮位閉守。林之望兩次所奏摺件顯係被脅捏飾。劉蓉以楊岳斌移師回省。恐各路回逆併起。以躡其後。前阻堅城。後迫強寇。糧道中梗。非制勝之策。請先將平固埽蕩。疏通糧路。然後鼓行而西。不宜以孤軍憤進等語。所奏亦不為無見。此事本由楚勇與標兵領餉厚薄不均。楚勇又從而陵蔑之。以致標兵積不能平。劣將張玉春等從中播弄。遂至陡生變亂。楊岳斌當分別首從。勦撫兼施。不得概行殺戮。致叛兵聞風畏

懼。益堅其抗拒之心。並須將偏袒不公之武員。查明叅劾。以平其心。此等叛兵倉卒起事。急則合而緩則分。總宜設法解散。以省兵力。省垣城池堅固。洋礮火藥。均為叛兵所擄。該督當自度兵力如何。儻能剋期克復。則兵貴神速。自應迅回省城辦理。如探明賊中守備已固。兵力未能遽克。或如劉蓉所籌。先將平固回匪勦平。疏通糧路。再行西進之處。均著楊岳斌酌度緩急情形辦理。林之望此次所

奏摺件。詞旨與前次所陳大略相同。其所稱督標各兵與楚勇不能同處省城。請令曹克忠帶所部赴省等語。是否叛兵有悔罪望撫之意。抑或欲誘曹軍入城。圖謀戕害。楊岳斌當察訪明確。相機調遣。不可坐失事機。亦不可冒昧從事。林之望摺一件。片二件。均著鈔給楊岳斌閱看。傳諭林之望旨一道。並著鈔給楊岳斌。劉蓉閱看。劉蓉另片奏。請於林之望摺報過境時。由該撫先行拆閱。以便豫悉

情形真偽。著暫照所請行。如楊岳斌業已抵省。劉蓉即可向楊岳斌詢問情形。不必再行拆閱林之望摺報。蘭州城內無糧。楊岳斌當分兵要路。杜賊勾結外援。斷其糧路。勢將不攻自潰。將此由六百里各諭令知之。○以奉天商羊堡勦賊獲勝。並開原守城出力。賞佐領烏凌阿等花翎。驍騎校瑚圖凌額等藍翎。餘加銜升敘有差。○以吉林朝陽坡等處勦匪出力。賞遊擊張國安巴圖魯名號。參領衡

山等花翎。護軍校定存等藍翎。餘加銜升敘有差。○以守禦不力。革奉天牛莊城守尉毓昌職。○辛卯常雩祀

天於

園丘。遣禮親王世鐸恭代行禮。○諭內閣給事中劉毓楠奏窮民失業。請飭妥為撫恤等語。各直省府廳州縣。向設有養濟院。棲流所等名目。俾無告窮民。不致流離失所。近來地方官未能實力奉行。以致窮黎困苦顛連。情殊

可憫。著各直省督撫嚴飭所屬。將養濟院棲流所留養局舊址。隨時修葺。遇有老弱失業窮民。給予口糧安置。該地方官務當督同公正紳董。妥為經理。不得假手吏胥。致滋弊竇。用示朝廷矜恤困窮至意。○又諭御史賈鐸奏五城團防保舉過濫。請嚴定限制一摺。所奏不為無見。京城設立五城團防局。原以緝奸究而安善良。惟在局官紳捕獲盜賊。止應援照外省州縣各官獲盜之例。酌給獎勵。乃

近來各城團防保舉。竟有獲盜二三名保舉至十數員之多者。有以微末職員疊膺保薦。遞予崇階者。且有候補候選人員。豫保升階。並請賞給頂帶優銜者。幸進取巧。相習成風。亟應嚴定限制。以杜奔競。嗣後各城團防出力之四五品實缺人員。無論獲盜若干名。止准保加升銜。其候補候選人員。止准保加選補班次。如班次已優。亦止准保給升銜。或交部議敘。概不准擅保道府。至團防紳董。除實

係舉貢出身者。仍准酌保州縣正印官外。其監生俊秀出身各員。無論獲盜若干名。止准保舉八九品丞倅及五六七品佐貳等官。以示區別。實缺人員。准其保舉升階。其候補候選各員。止准保加班次。如班次已無可加。止准保加升銜。概不准保舉選缺補缺。後以某官升用。每案無論獲盜多寡。所保首先獲盜之人。俱不准過二員。會同獲盜之人。俱不准過三員。除未經分部之候選司員。及政事較

簡之卿寺衙門屬員。准其留局辦事外。其各部實缺候補學習司員。均著飭令仍回本部當差。概不准留局差委。以致拋荒部務。嗣後五城御史。遇有團防保案。務當覈實保舉。毋得意存見好。致涉冒濫。○又諭馬新貽奏遴員請補知府州縣各缺一摺。據稱浙江嚴州府海甯州烏程慈谿山陰江山等縣。自經兵燹之後。地方情形之難易。迥非從前可比。非才識兼優。熟悉情形之員。不能勝任。而合例

應補者。又皆人地未宜。不得不破格請補等語。所奏亦係實在情形。自應俯如所請。以資治理。嚴州府知府著准其以劉汝璆補授。海甯州知州著准其以靳芝亭借補。烏程縣知縣著准其以曾國霖補授。慈谿縣知縣著准其以賀瑗補授。山陰縣知縣著准其以楊恩澍補授。江山縣知縣著准其以陶鴻勳補授。以上所補各缺。均係因地擇人。故破格照准。嗣後不得援以為例。○諭軍機大臣等有人

奏。副都統善慶帶兵駐紮河南省城南門外繁臺寺地方。縱兵殃民。此次賊匪北竄。過其營門。未敢開仗。輒將兵勇撤入城內。且有邀同藩署幕友酒食徵逐情事。請飭查辦等語。武職大員統兵勦賊。自應申明紀律。整飭戎行。若如所奏該副都統怯懦謬妄等情。帶兵安能得力。著李鶴年按照片內所參各節。認真密查。如果實有其事。卽著據實參辦。藩署幕友亦著查取姓名。逐出豫省。以昭炯戒。原

摺著鈔給閱看。將此諭令知之。○又諭曾國荃奏查明湖北營務大概情形。擬請添調良將。整齊兵勇。以收實效一片。鄂省與豫皖毗連。捻匪一日不平。則鄂防一日難弛。惟該處兵數雖多。而將領不得其人。有守禦之名。無整軍之實。安靜之時。多糜餉項。寇至之日。無計決勝。自應裁兵併餉。選擇良將。分營統領。以期壁壘一新。同心禦侮。所有曾國荃請調之記名布政使劉連捷。前福建汀漳龍道彭

毓橘。前河南歸德鎮總兵朱南桂。福建陸路提督郭松林。現在湖南原籍。卽著李瀚章飭令該四員卽日前赴湖北。聽候官文曾國荃調遣。不准稍有耽延。至朱南桂。劉連捷二員。前經楊岳斌奏調赴甘。曾經諭令李瀚章飭令前往。該員等因病暫緩起程。現在甘肅省城兵變。軍事方殷。如鄂省營務整頓有效。接統有人。卽著官文。曾國荃斟酌情形。令朱南桂。劉連捷仍遵前旨赴甘。毋稍遲誤。安肅道

蔣凝學回湘募勇已逾半載計已成軍何以久無消息並著李瀚章催令迅速啟行鄂省節餉練兵各事不外嚴覈勇數申明紀律官文曾國荃務當振刷精神認真經理新裁十三營尤當善為遣散毋令藉端滋事將此由五百里各諭令知之○壬辰安徽巡撫喬松年奏賊竄東境現調張得勝程文炳兩軍回顧皖防得旨該匪已竄擾單縣地方勢漸南趨皖防不可稍鬆喬松年當嚴飭各軍奮力

追勦毋令闖入皖境○癸巳前署吉林將軍德英奏補行穿孝百日服闋後卽赴阿勒楚喀副都統本任報聞○甲午諭內閣前據刑部會同都察院大理寺將盜墓案犯罪名從重定擬具奏業經降旨允行茲據御史林式恭奏請將發冢為從人犯分別酌定實緩章程一摺仍著刑部會同都察院大理寺悉心妥議具奏尋奏擬請嗣後發冢開棺見屍為從幫同下手者不論次數俱入情實在外賸

望一二次者入於緩決三次及三次以上者入於情實其發冢見棺鋸縫鑿孔為從幫同下手三次及三次以上者入於情實一二次者入於緩決從之○又諭劉蓉奏辦理墾荒事宜請酌定考課舉劾章程一摺陝西當兵燹之後沃土久荒民力重困地方官自應以招徠開墾為急務乃該署撫於上年設局刊發章程以來各州縣非有意含混冀便私圖卽假手吏胥虛應故事若非嚴行考覈何以

昭勸懲而收實效劉蓉所擬勒定限期趕緊辦理查明該地方被災之重輕荒產之多少墾種之成數分別勸懲及責成該管府州督率考課各章程尚屬周妥卽著照所擬辦理該署撫務當督飭所屬實力奉行嚴密考察秉公舉劾期於實惠及民歷久無弊另片奏籌辦營田事體繁重請調員襄辦等語四川候補知府唐炯著准其調赴陝西襄辦營田事務以資得力○諭軍機大臣等劉蓉奏甘

省逆回東竄。派兵會剿。並靖邊等處防軍。剿賊疊勝。各一摺。西路大股賊匪。馬隊數千。挈眷東竄。勢將由蓮花城故關隴州一帶入陝。楊岳斌已飭譚玉龍派隊剿捕。劉蓉復檄令蕭德揚等各率所部。就近堵截。添派邱時成等兩起馬隊。馳赴鳳隴。會同涇防各軍。相機截擊。卽著該督撫嚴飭在防將士。實力兜剿。悉數殲除。不得稍有鬆懈。任令竄越。靖邊等處防軍。截剿竄匪。疊獲勝仗。尚屬出力。惟該

匪糧食缺乏。時圖竄陝。現在各路股數。及木瓜城一帶。盤踞甚多。均距陝邊不遠。劉蓉務當飭令段登雲及鄆太愚等。嚴密堵剿。以固邊圉。毋稍疏虞。金積堡靈州一帶。陝回竄踞平固。楊岳斌前由慶陽折回。現在行抵何處。著卽督飭諸軍。將平固兩城。迅圖克復。毋任久踞。省垣近日情形如何。該督作何辦理之處。並著隨時馳奏。以慰廑注。將此由五百里各諭令知之。○吏部奏遵議甘肅省標兵變

總督楊岳斌布政使林之望疏於防範。均應先照不應重公罪例降二級留任。事關軍務。不准抵銷。從之。○以飭法營私。陝西軍營總兵官蕭祥勝革職究辦。○乙未諭軍機大臣等傳諭甘肅布政使林之望。林之望奏近省回匪環伺省垣。請飭催官軍進援。並軍糧缺乏。及省東官軍接仗情形。並代奏標兵訴詞各摺片。甘肅省城自兵勇互鬪後。北路回匪馬士彥等率眾逼近省垣。西南各路賊首馬

阿渾。謝二。崔三等亦四出紛乘。意圖窺伺。因城守嚴密。均以乞撫為詞。暫行撤退。林之望因內無糧草。外無援兵。權宜安輯。固屬萬不得已之舉。惟回性狡詐。每以投誠懈我軍心。林之望仍當督率在城文武。加意防範。不得稍涉疏虞。致墮詭計。張玉春等三營業經林之望調回省城。駐紮要隘。第為數過少。尚不足丕振軍聲。前已諭令楊岳斌。飛飭曹克忠等軍。回援省城。林之望接此旨後。卽可一面

稟商楊岳斌一面函催曹克忠等以期援兵速到保全根本重地林之望所陳省城飢困情形覽奏實深矜惻著照所請卽於陝省運秦糧內先劃撥一萬石設法運解赴省以濟危急楊岳斌不得堅執成見仍將運秦糧石存儲靜甯致令省城兵民飢困難支兵勇同為國家出力朝廷本無歧視羅宏裕何得捏造裁汰兵丁之言激成眾怨此等劣員貽誤邊隅大局實堪痛恨已諭令楊岳斌查明嚴行叅辦林之望仍遵前旨劉切曉諭眾兵各守營規毋懷疑懼果能殺賊立功自當寬其既往予以自新也○又諭林之望奏省城糧道久梗請撥陝運糧石並兵丁具稟申訴暨近省股匪環伺兵勇接仗情形各摺片已傳諭該藩司善為撫輯固守待援矣省城兵丁滋事變起倉卒此事本由楊岳斌厚勇薄兵所部將士又從而陵侮之以致兵心不服積憤日深一發莫遏現在該標兵具稟向林之

望申訴是尚有悔罪畏法之心楊岳斌當設法撫定查明激變之楚將及為首滋事之標兵持平辦理並曉諭脅從附和之眾毋懷疑懼以安其心尤須先將省外附近股匪勦平後再行察看情形相機查辦不可鹵莽輕發並不可輕聽所部楚勇憤激之言不察啟釁情由概行誅戮此次林之望所奏各摺片朝廷詳加披覽似屬實在情形未必皆係被脅捏飾之詞羅宏裕以朝廷欲裁撤兵丁之言捏造激變各實難辭楊岳斌務將羅宏裕激變情由查明叅辦不准稍涉徇徇省城以外附近地方跬步皆賊藉乞撫之名為斷絕糧路之計鶴齡現率通判鄭聲文等將河北回匪先行開導權宜安輯並調張玉春文象奎等三營回省以壯聲勢惟兵力仍形單薄該藩司請將雷正綰曹克忠所部調回省垣助勦著楊岳斌遵奉前旨迅速酌調曹克忠一軍赴援鞏昌軍務該督另派得力之員前往

督辦省城以外各股匪環伺該督亦當分派將弁疏通糧路以顧根本林之望所調之春奎等三營餉缺過久困憊幾不成軍省城糧路久梗兵民飢困難支至有割食人肉之事慘迫情形實堪憫惻著楊岳斌劉蓉迅將陝省運秦糧內劃撥一萬石繞道運赴省城以救然眉之急毋稍歧視致誤事機劉蓉於陝省糧石仍當廣籌採買派委妥員源源接濟不准推諉稽延林之望原摺二件片二件呈

一件並傳諭林之望諭旨一道均著鈔給楊岳斌閱看將此由六百里各諭令知之○以湖北漢口督修堡工出力賞道銜吳光裕等花翎知府鍾謙均等加銜升敘有差○追予山東濰縣陣亡文生陳貽芑賞卹加等附祀知府陳介眉專祠○丙申諭軍機大臣等吳崇泰捻股併竄亟籌防勦並據謀報逆匪繞竄情形各摺片張賴等逆併力南趨擾及豐蕭碭山等處距徐州府城僅五十里而任柱

復分股竄至舊邳黃河底其後隊均在邳睢所轄之姚家集大王集等處清淮邳宿各防俱形緊急著吳崇嚴飭駐紮成子河等處官軍聯絡聲勢認真防勦力固清江門戶並檄飭姚廣武等嚴扼運河上下毋令一騎偷渡仍隨時咨商劉秉璋將宿遷一帶堵守事宜妥籌兼顧碭山現已被困賊氛充斥張逆等並有取道豐縣窺伺蒙亳之說喬松年務須添撥勁旅迎頭截擊毋稍疏虞並著曾國藩

督飭劉銘傳周盛波等跟蹤追勦會合江北諸防軍兩路夾擊先將任逆一股殄除保全完善然後視賊所向相機調遣以期次第廓清吳崇另片奏江北地方鎮道是否仍暫行節制抑卽復舊制等語現在江北防務喫緊所有該處鎮道各官著仍歸吳崇暫行節制俟軍事大定再行奏明辦理將此由六百里各諭令知之○又諭楊岳斌奏曹克忠進勦南路逆回連獲勝仗平毀城壘並收復洮州

廳城一摺。曹克忠一軍。自移紮馬營以來。屢次獲捷。洮州繳械獻城。兵不血刃。布置善後。亦頗有條理。所辦甚為妥速。所有此次收撫洮州降回。及華家嶺牛營溝等處勦賊獲勝。並前次鴛鴦嶺等處勝仗。在事出力文武員弁兵勇。均准楊岳斌彙案擇尤保奏。毋許冒濫。昨諭楊岳斌將曹克忠軍調赴蘭州。援勦鞏昌軍務。另行派員接辦。卽著迅速調派。蘭州標兵。因飢生變。省外各回。耽耽窺伺。情形十分危殆。而楊岳斌本日來報。絕未提及實堪詫異。該督務當懷遵疊次寄諭。趕緊進兵。先勦省外各回。再行進省。設法撫定。持平辦理。不得稍存成見。以副委任。另片奏糧臺事宜。仍令林壽圖專摺奏報等語。林壽圖前辭專奏。業經降旨允准。以後糧臺事宜。仍由楊岳斌具奏。如該督已回蘭州。遇有糧臺急應入奏之事。卽就近由劉蓉奏報。以期事權歸一。將此由五百里各諭令知之。○以四川勸

辦甘肅軍餉出力。予已革布政使毛震壽開復道員。餘加銜升敘有差。○丁酉。諭軍機大臣等。官文奏整頓鄂軍。並明字四營。驟難抽調。赴甘一摺。張賴等逆。現竄曹單豐沛一帶。距鄂境雖遠。而賊蹤剽疾。總須先事籌畫。以備不虞。官文。曾國荃。現擬整頓各營。將楊朝林等軍。分別遣留。騰出餉源。由該撫另選良將。添募精壯。俾成勁旅。所籌尚是。卽著該督撫和衷商辦。將新募各營。認真訓練。務使戰守有資。毋得空言了事。楊岳斌前調之藍斯基四營。想卽係藍斯明所部。該督以鄂省兵單。擬請仍留防勦。惟甘省賊勢蔓延。又無得力將弁。事機倍形喫緊。朱南桂劉連捷等前經楊岳斌奏調。又為曾國荃調赴鄂省。甘省更無可恃之軍。仍著官文。曾國荃。於該數員內。酌量分撥赴甘。毋得稍分畛域。以顧大局。鮑超一軍。亟盼北來。何以尚在江西。著該督撫趕緊咨催赴豫。不准任意逗遛。並將該軍

餉需。妥為解濟。以利軍行。將此由五百里各諭令知之。○戊戌。安徽巡撫喬松年奏軍務未平。請展緩查閱營伍。從之。又奏。福建建甯鎮總兵官張得勝籍隸湖南。家有老母。請將本任養廉。就近在湖南藩庫支領。得旨。著該撫咨明李瀚章。准其就近支領。以示體恤。他員不得援以為例。○以故車臣汗貝子銜扎薩克頭等台吉敏珠爾多爾濟子車林多爾濟襲職。○准丁憂雲南提督唐友耕回籍守

制。以雲南鶴麗鎮總兵官馬如龍署提督。○以直隸天津捐輸軍餉。永廣學額六名。竈籍一名。○以江蘇捐輸軍餉。永廣太倉州學額五名。鎮洋縣二名。○以奉天克復雙城堡出力。賞副管烏林布等花翎。委防禦布庫鄂綽爾等藍翎。餘升敘開復有差。○以四川官軍勦辦貴州土匪獲勝。予副將劉鶴齡等升敘有差。陣亡遊擊。諱見壽。守備皮明玉。千總郭宗藩。把總鄧成道等。祭葬。世職加等。○己亥。

以京畿雨澤愆期。

上詣

大高殿祈禱行禮。○遣惇親王奕訢詣

時應宮。恭親王奕訢詣

昭顯廟。鍾郡王奕詒詣

宣仁廟。孚郡王奕譞詣

凝和廟。拈香。○諭內閣。貝勒載治之第二子。著命名溥偕。○諭軍機大臣等。富明阿奏。遵旨體察吉林軍務情形。酌擬辦理一摺。馬賊

姜洛道等。由勒克山西竄。李半瘋等。盤踞平甸子地方。欲往西北竄擾。亟應迅速勦捕。以淨餘氛。富明阿現擬飭烏里布。統帶黑龍江征兵。會同春壽所統吉林馬步隊。前往攻勦。調富爾孫來省。自行出省督師。所籌均尚周密。即著該將軍。妥速籌辦。務將各股賊匪。搜捕淨盡。以副委任。被擾地方。當飭常海等。認真清查。妥籌撫字。毋令一夫失所。阿勒楚喀副都統。即著以勝安署理。雙城堡總管。即著

以喜貴署理。責令將一切善後事宜。實力妥辦。富明阿遵議。從征殘廢兵丁。請將年逾六旬者。仍照定例月支半餉。未及六旬告退後。傷病痊愈者。俱照兵丁一體應差。仍食半餉。征兵並未傷廢者。不准告退冒餉。於國家矜恤將士。整飭戎行之意。均不相背。卽著照所請行。富凌阿既不得兵心。著暫停獎勵。仍飭令奮勉圖功。以觀後效。另片奏革員安榮現應起解赴戍。紳民保留懇切。奏明請旨等語。

安榮著准其暫停起解。仍留伯都訥城。協同新任同知辦理防堵撫綏事宜。如再不知奮勉。卽著迅速起解。不得再行瀆請。將此諭令知之。○又諭曾國藩奏擒匪自山東南竄。追剿疊勝。請將出力員弁獎勵。並擒勢回竄曹濮等處。分路布置。擬挑運河防守各摺片。張賴等逆全股。因黃運兩河防守嚴密。不能搶渡。折向南趨。劉銘傳督軍擊之於龍垵集。大獲勝仗。周盛波一軍。復由鉅野迎至荷澤。續

獲勝仗。該逆疊遭挫敗。已有分股散竄各路之勢。昨據吳棠奏稱。張賴等逆。擾及豐蕭碭山等處。任柱復分股竄至邳睢境內。碭山現已被困。張逆並有取道豐縣窺伺蒙亳之說。當經諭令曾國藩。吳棠。喬松年。分別防剿。茲據曾國藩奏稱。張牛等逆。由豐縣折回單縣。並聞有分竄雒河亳州之說。任柱一股。由永城碭蕭竄至睢甯。距宿遷不遠。與吳棠前奏情形大略相同。該大臣務當督飭劉秉璋所

部。與吳棠派出各軍。聯絡聲勢。杜賊東竄。力保完善。一面知會喬松年。督兵堵截。與回防歸德之周盛波一軍。互相援應。以杜紛竄。賊既有回竄曹濮之意。運河防軍。尤當嚴加整飭。著曾國藩。閻敬銘。妥籌布置。不可稍形鬆懈。東路之防。既以運河為阻截擒蹤之界。則修濬之工。不宜稍緩。著曾國藩會同閻敬銘等。趕將河身淺窄處所。大加挑濬。務令一律寬深。足以限制賊馬。並於河岸增隄置柵。俾

資扼守。將此由五百里各諭令知之。○以山東烏官屯等處追勦竄匪獲勝。提督周盛傳。總兵官周盛波得旨嘉獎。並賞白玉翎管各一支。白玉搬指各一箇。火鑲各一件。大荷包各一對。小荷包各二箇。佐領吉爾洪額等花翎。恩騎尉保成等升敘有差。○以直隸衡水捕獲匪徒。賞升用知州知縣高維翰花翎。餘加銜升敘有差。○蠲緩江蘇銅山。沛。二縣暨徐州衛被擾地方新舊額賦有差。○蠲緩江

西蓮花。金谿崇仁。宜黃。東鄉。南城。南豐。新城。廣昌。瀘溪。臨川。南昌。新建。進賢。清江。新淦。安福。都陽。餘干。建昌。德化。湖口。峽江。樂平。永新。彭澤。豐城。新喻。德安。二十九廳縣被擾被水被旱地方新舊額賦有差。○庚子。諭內閣。前因都察院奏。圖觀呼圖克圖呈請准用康熙年間恩賞前輩物件。當令理藩院詳查例案具奏。茲據奏稱康熙年間

恩賞該呼圖克圖前輩物件。詳查該衙門及喇嘛印務處。均無案據。卽道光年間該呼圖克圖前輩住京當差。亦無准用前輩

恩賞物件明文等語。圖觀呼圖克圖呈請各節。既無例案可稽。所請賞用康熙年間

恩賞前輩物件之處。著不准行。○又諭文祥等奏匪首伏誅。餘黨遣散一摺。奉天馬賊。自逆匪王起周榮被誅後。馬傻子一犯。尚敢率其黨與。屢抗官軍。擾害奉天吉林熱河三省。兇

惡眾著實為法所難容。該逆因被官軍擊敗。追勦窮蹙。赴花里雅春軍營乞降。文祥等以該逆罪大惡極。與被脅反正悔罪輸誠者迥異。因將該逆押赴軍前正法梟示。並將其死黨王振東齊海等一併正法。足以昭炯戒而快人心。其餘黨三百餘名。概予免罪。業經分別貲遣。此外先後投誠各眾。果能真心向化。痛改前非。朝廷必當寬其既往。咸與維新。以示法外施仁至意。○又諭文祥等奏請將人

地不宜之副都統降補等語。盛京副都統花里雅春前在廣甯守城。尚知奮勉。自簡放實缺以來。漸近浮動。辦事亦多率意。於人地不甚相宜。花里雅春著以協領降補。○又諭前因劉蓉奏。叅楊能格於各營糧餉分撥不均。營私侵蝕各情。諭令楊岳斌。趙長齡查奏。茲據奏稱糧臺收支有無浮冒。全以支發底簿及歷任報銷冊為憑。楊能格以前辦糧臺之熙麟文煜兩任報銷冊籍。均未移交。該臬司

本任糧臺收支各款。業已奏准自行報銷。所有底簿不肯交出。慶防弁勇兵餉。較之發給前敵及涇防各營。多至數倍。顯有捏詞偏袒。勻撥不公情事。其支發慶防親兵馬隊餉項。則照楚軍章程。八營弁勇。則照熙麟等舊章減扣發給。於魏添應新招馬隊。又照楚章支給實銀。辦理均屬兩歧。請旨先行交部嚴議等語。楊能格自接辦糧臺後。於支發糧餉。意為輕重。以致物議沸騰。實難辭咎。著先行交

部嚴加議處。其經手糧臺收支款項。著楊岳斌嚴飭趕緊造冊報部覈銷。以杜弊竇。而昭覈實。尋吏部議。楊能格應降四級調用。不准抵銷。從之。○諭軍機大臣等。又祥等奏。接奉寄諭。覆陳奉省賊情。繪圖呈覽一摺。牛莊收復後。室廬俱尚無恙。營口前經派兵駐紮。現在敗匪南竄。鳳凰城之東。復由安平河等處。逃逸出邊。至山內潛匿。而興京附近之新兵堡灣甸子等處。探有賊匪四五百名。經富和

等進剿。逆蹤遠避。該處峰巒縣互。易於數奸。著飭令劉景芳潘永春等分道接捕。毋任再行嘯聚滋事。至西路單家五臺子等處。被擊餘匪。或五六十人為一股。或三四十人為一股。此時畏懾聲威。不敢肆擾。誠恐大兵一撤。三五成羣。復圖勾煽。仍為地方之患。文祥假期已滿。福興管理神機營差務。亦屬緊要。該大臣等亟應來京供職。節次由京派出。及直隸天津所調之旗綠各營。除凱撤外。應酌留

奉省若干以備防勦之處著與都興阿會商調派卽著該將軍接辦奉省軍務並准其節制各軍以期事權歸一其餘該大臣等經手未盡事宜一併移交該將軍會同兼尹府尹等妥籌辦理圍場內竄匪必須勦捕其安分良民不得概行誅戮著都興阿認真籌辦為一勞永逸之計將此由五百里各諭令知之○又諭有人奏直隸武強縣知縣劉振中昏庸貪鄙於徵收地丁每兩勒加銀五六錢縱

令官親譚姓門丁劉二招搖納賄稅書高姓弟兄三人習教結匪沿村搶刦該縣並不拏禁又增設稅局加徵車船布帛各稅並藉修城垣苛派民間及小范鎮地方路刦之案延不詳辦請飭查辦等語劉振中前經被人叅奏曾寄諭劉長佑確查茲覽所奏各情與前叅大略相似如果屬實實為地方之累著劉長佑彙入前案一併確切查明據實叅奏毋稍延宕原片著鈔給閱看將此諭令知之尋

奏遵查劉振中被叅各款均無實據惟勸捐修城先令殷商墊辦並未稟請立案究有不合請交部議處從之○河南巡撫李鶴年奏請調直隸總兵官余承恩道員段廣瀛前河南知府朱光宇等赴營差委允之○調甯古塔副都統色爾固善為盛京副都統伯都訥副都統高福為甯古塔副都統以降調齊齊喀爾副都統定安為伯都訥副都統○護江蘇巡撫布政使劉卨膏丁憂以按察使郭柏

蔭為布政使並護巡撫翰林院侍講學士劉秉璋為江蘇按察使○辛丑諭軍機大臣等據林壽圖奏稱接管慶陽糧臺雷譚各營勇數增多需餉甚鉅現在蘭州兵變所需糧餉軍火俱由該糧臺轉運而各省協餉日減無可支放其准撥山西山東河南四川等省之款僅據山西撥解二萬兩請飭催迅籌解濟等語慶陽糧臺改設西安關係甘省全局若不亟籌接濟則各營停兵待餉譁潰堪虞著

崇實駱秉章圖敬銘李鶴年王榕吉按照前數督飭各該藩司迅籌撥解以應急需並著王榕吉迅飭河東道將劃撥蘭州之乙丑綱銀二十萬兩如數籌措遴派妥員解赴西安交納毋稍玩延楊岳斌林壽圖仍當於各該省協餉解到時權衡緩急均勻搭放毋得顧此失彼貽誤事機林壽圖另片奏荆子關分局前經楊岳斌派委嚴德芬經理現查該處已有湖北道員陳丕業駐紮請將嚴德芬撤回以節糜費等語著官文轉飭陳丕業嗣後於襄陽解到餉銀軍火等項卽由該員設法運交西安糧臺由林壽圖隨時察看情形運甘應用其該關局費運費並著官文飭知陳丕業自行支銷以專責成而清款目將此由五百里諭知官文崇實駱秉章楊岳斌圖敬銘李鶴年並傳諭王榕吉知之○又諭訥爾濟奏偵探東西兩路賊匪情形請飭成祿等出關進剿並請飭撥兵餉各摺木壘奇台古

城等處均已無賊訥爾濟派委佐領百喜等帶兵前往並招募民勇防守地方該防禦等往濟木薩攻奪逆匪糧草如得大兵出關回子郡王伯錫爾等均可協同攻剿成祿一軍現在何處著楊岳斌迅檄該提督帶兵出關與伯錫爾等聯絡聲勢不得再有畏葸遷延致干重咎鶴齡一軍前次疊經降旨令其會同成祿一軍出關剿賊嗣因蘭州兵變調鶴齡駐省防剿現在省城情形能否安靜如曹克忠軍到省能否替出鶴齡之軍仍令會合成祿出關並著楊岳斌妥籌調度巴里坤領餉委員張積功等在蘭州守候五年之久甘肅積欠巴里坤餉銀為數甚鉅著楊岳斌於欠解巴城俸餉內迅速籌撥十數萬兩陸續派員撥解並傳知張積功等由北路草地解至烏里雅蘇台由訥爾濟派員迎提接濟以重兵食而固邊陲將此由六百里各諭令知之○以江西金谿等處勦辦竄賊肅清全境

出力。予提督婁雲慶優敘。賞提督唐仁廉總兵官劉順隆吳雲集。一品封典。總兵官熊高望鄭元龍副將沈龍山喻名揚鄭德亮蕭淩雲李其昌張再勝劉得勝王有明譚有勝李德泰黃顯榮劉順慶羅運昌張九林金明亮淩興益張德勝甯世忠參將胡良作劉湘麟楊德珍蔡立成羅金聲周鳴和易進春張延壽廖得勝劉得貴陳福勝王應興陳俊李定明唐鴻和張宏陞戴宏勝孫興發楊龍彪遊擊羅有升謝榮勝宋占魁陳鏡堂都司劉秉樸陶士傑蕭光友守備葉勝友巴圖魯名號知府袁如璋都司礪文安等花翎。都司張葵等藍翎。餘加銜升敘開復有差。○壬寅。諭軍機大臣等楊岳斌奏覆陳省城兵變情形。並陳上年整頓營務。及現在籌辦緣由。隆德縣城猝被回陷。請調鮑超全軍赴甘各摺片。甘省營伍積弊。原應次第整理。惟須體察事勢緩急。相度辦理。不可偏執重勇輕兵成見。一

味操切從事。此時事變已成。槍礮火藥。俱為叛兵搶奪。城門又為所踞。該督現率所部。折向省垣進發。自宜先將脅從各兵。曉諭解散。使其黨與離心。方可次第查拏首犯。按律懲辦。若先揚言督兵勦洗。必至該叛兵閉關拒守。攻克需時。現在省外各路回匪。均已逼近省城。儻官軍碩兵堅城之下。內為叛兵所拒。外為回匪所乘。進退失據。恐大局益形窒礙。該督現已由涇州起程。並令曹克忠一軍先回省城。著卽飭令迅速前進。楊岳斌務須審度機宜。謀定後動。不可徒逞憤兵。輕於一擲。北山來賊。較前倍加。河狄大股圍撲省城。並分股繞至車道嶺等處。阻截官軍進援之路。著楊岳斌分飭將領。疏通道路。將省外回匪擊退。隆德縣城為回匪襲陷。楊岳斌當分兵迅圖克復。該縣文武下落。查明具奏。鮑超所部兵勇。現因捻匪滋擾。亟須前往鄂豫助剿。斷難調赴甘省。朱南桂等前經曾國荃調赴

鄂省當諭該督撫等酌量派員帶勇援甘。尚未據該督撫覆奏。因思甯夏此時已無軍務。卽著穆圖善分撥得力將士前往靈固一帶。勦辦騰出雷正綰譚玉龍等軍。由楊岳斌相機調遣。互相援應。以厚兵力。林之望前奏彭楚漢等所部十營屢次挫敗。該督所報彭楚漢等在車道嶺獲勝情形。是否確實。並著查明具奏。叛兵謀變既有三更後沿街呼人之事。羅宏裕何以未經立時集勇彈壓。該叛兵

蓄謀既非一日。林之望固未能豫籌解散。羅宏裕豈竟漫無見聞。並著楊岳斌確切查明。持平辦理。將此由六百里各諭令知之。○以右春坊右庶子鐵祺充日講起居注官。○以捐餉助械。賞還喀拉沁扎薩克公銜。塔布囊烏凌阿鎮國公爵。○以熱河拏獲巨匪出力。賞知縣李繼昭運同銜花翎。把總龍謙等藍翎。餘加銜升敘有差。○予甘肅水家坡等處陣亡副將張定元參將曾國福遊擊劉南瑞

祭葬世職加等。○旌表未婚守志候選郎中麟臻聘妻宗室氏。○癸卯諭內閣前因喬松年奏京控案件。除本身被押與年老篤疾及婦人准用抱告外。餘俱不准抱告等語。當經降旨交該衙門議奏。茲據都察院等衙門遵議奏駁。所見甚是。各省京控之案。其中黠猾之徒。捏飾重情。逞刁健訟者。固所不免。然亦有實因原審官任性偏斷。負屈含冤。不得已而來京呈控者。各直省督撫果能於京控交

審各案。秉公剖斷。其實被屈抑者。立予平反。昭雪。捏詞誣陷者。卽行按律治罪。將刁詐之風。不禁自絕。國家定制。凡有赴京呈訴之案。悉准受理。並無不准抱告之例。若遽示以限制。儻小民真有冤抑。偶因疾病等事。不獲遣抱申訴。民隱何由上達。地方官於承審各案。益將草率從事。不復悉心審斷。流弊滋多。喬松年所奏。著無庸議。○諭軍機大臣等。劉坤一奏籌濟霆軍月餉。並席寶田請假歸省。一

摺。鮑超勦捻月餉。既經劉坤一議定。截至本年三月底止。無分馬步。由江省仍發全餉。自四月初一日起。月撥七萬兩。專供步隊口糧。卽著源源解濟。毋令缺乏。前因勦捻緊急。諭令官文等咨催鮑超趕緊北來。現在捻蹤竄擾靡定。亟盼鮑超統軍北上。為大支遊擊之師。著劉坤一傳諭該提督懍遵前旨。剋日由豐城拔營。馳赴豫省。會合曾國藩派出各軍。遇賊卽擊。以期迅殄賊氛。毋再稽延。致負委任。

席寶田思親念切。自應俯如所請。著賞假六箇月回籍省親。俟假期一滿。卽著赴黔任事。屆時察看黔省煇情。由該臬司選募勇丁。以供驅策。李元度一軍餉項。仍著劉坤一酌度情形。妥籌解濟。卽作為協濟黔省之項。不得稍存歧視。致誤戎機。將此由五百里諭令知之。○又諭瑞麟等奏籌辦各屬土匪情形。請將倡亂之紬士斤革。並代李福泰謝恩。請賞該藩司假期補行穿孝各摺片。廣東翁源

縣等處土匪。經瑞麟等督飭員弁兵勇。疊次進剿。攻破礮樓。平毀各處匪巢。拏獲匪犯三百餘名。及著名各首犯解省正法。洵足申國法而快人心。其庇匪抗拒之武進士楊林芳。候選訓導黃遇周尤屬罪大惡極。均著卽行褫革。交瑞麟等訊取確供後。卽行正法。以昭炯戒。該省風俗獷悍。所在築立堅牆。廣開礮眼。私造兵器。專務以強陵弱。負險抗拒官兵。此次經瑞麟等派兵勦辦。該土匪仍敢開礮

拒捕。毫無顧忌。且有匪徒屯聚而紳士為之主持者。民風敝壞。至於斯極。亟應設法搜勦。盡絕根株。著瑞麟等嚴飭在事員弁兵勇。將東北兩江各處土匪。次第搜捕。不准一名漏網。各營傷亡哨弁勇丁。著查明分別請卹。出力員弁。著俟各路土匪辦竣。再行彙案請獎。開復布政使李福泰前因丁日昌條陳辦理潮州中外交涉事宜。諭令瑞麟將該藩司暫留粵省。酌量派往潮州。曉諭紳民。茲據瑞麟

等奏稱李福泰奉旨北上。懇請賞假。便道先回山東本籍。補行穿孝。自應俯如所請。惟潮州事關緊要。未便遽令回籍。李福泰著俟辦理潮州交涉事件完竣。再行賞假百日。回籍穿孝。將此由四百里諭令知之。○又諭崇實駱秉章奏請留雲南巡撫督軍暫紮遵義。會勦黔匪一摺。所稱勞崇光現已進省。滇事似宜緩圖。而黔寇亟應勦辦。兆琛督帶楚軍由貴東長驅大進。劉嶽昭卽督各營。埽蕩貴西賊匪。兩面夾擊。黔事既定。則聲威遠播。滇事亦易措手。請飭劉嶽昭仍紮遵綏。俟貴州軍務漸鬆。再赴雲南等語。固屬兵貴先聲。當務為急。惟勞崇光已入雲南省城。非劉嶽昭督軍繼進。不足以壯聲援。而資震懾。前經諭令劉嶽昭疏通道路。馳赴黔省。仍著該撫遵奉前旨。督飭各軍節節進勦。將黔西大定畢節一帶土匪殲除。卽帶果後各營相機赴任。毋稍遲延。劉嶽昭赴滇後。卽著崇實駱秉章另

派知兵大員統帶成耀星潘長青何行保等軍。約會楚軍勦辦黔匪。仍飭邊防各軍嚴備兜勦。如此辦法。黔事既有起色。滇事亦不至置為緩圖。似較周密。戡定滇黔。卽所以保衛川疆。想崇實駱秉章必能通籌全局。不至顧此失彼也。兆琛規畫貴東一切軍情。曾諭令自行奏報。以免遲滯。現在進兵機宜。尚未據該藩司馳奏。卽著統率各軍相機前進。迅將貴東肅清。分路進勦。期與川黔各軍會合夾擊。以收廓清之效。綏陽業經收復。惟收降人眾過多。必須妥籌安插。方免後患。仍著劉嶽昭慎重籌辦。毋稍大意。將此由六百里諭知崇實駱秉章劉嶽昭並傳諭兆琛知之。○以四川官軍援勦貴州踞匪。克復綏陽縣城。賞總兵官潘桂堂巴圖魯名號。提督李家福等升敘有差。革不守營規守備彭廷珍職。予陣亡參將彭萬俊等祭葬世職加等。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十四

卷一百七十四

四

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十五

同治五年

丙寅四月甲辰諭內閣安徽安廬

道陳濬江西鹽法道吳集禧陝西陝安道何
丙勳湖北鄖陽府知府陳壽圖貴州思南府
知府曹琅四川敘州府知府周德祚均著開
缺送部引見○浙江巡撫馬新貽奏杭城兩
次殉難之官紳士民婦女業經建立崇義祠
懇恩列入春秋祀典允之並頒扁額曰湖山
正氣○補鑄福建詔安縣漳潮分界巡檢印
信從巡撫徐宗幹請也○以浙江紳民力保
危城永廣浦江縣學額三名瑞安縣文四名

武二名。予故山西按察使黃經入祀名宦祠從護巡撫王榕吉請也。乙巳。

孝端文皇后忌辰遣官祭

昭陵。諭軍機大臣等。穆圖善奏甯靈次第安定探聞省城危困。靖遠失守一摺。靖遠縣城於三月十四日失守。尚未據楊岳斌奏報。著即將被陷情形及該城文武下落查明具奏。一面抽撥勁旅將隆德靖遠兩城迅圖克復。現在該將軍檄調曹克忠馳赴靖遠。勦除踞

匪。惟該提督一軍前有旨諭令馳援省城。自當先其所急。著穆圖善楊岳斌速飭該提督趕緊援省。毋令展轉貽誤。昨因蘭州軍情危急。諭令穆圖善分撥得力將士前往靈固一帶勦辦。騰出雷正綰譚玉龍等軍。由楊岳斌調遣。茲據該將軍奏侯甯靈事局大定。偵探何路喫緊。即行移師前進。會合殲勦。與前旨脗合。即著迅速調派。毋誤事機。竄陷靖遠之匪。是否係回逆馬生彥楊文智等。抑係河狄

回匪乘間竊發。孫義實投誠後。雷正綰派令孫義漳接統其眾。現在雷恆正法。該回眾膚集固原會甯韋州半箇城一帶。是否尚屬安靖。抑或竄赴靖遠。著穆圖善楊岳斌確切探明星速馳奏。將此由六百里各諭令知之。陝西布政使林壽圖奏請開缺專辦糧臺得旨。該藩司現辦甘省後路糧臺。當隨時妥籌接濟。若開藩司之缺。轉恐呼應不靈。況迎養在署。可盡人子之職。林壽圖受恩深重。惟當

勉圖報稱。毋許言辭。丙午。諭軍機大臣等。馬新貽奏浙省積欠雲貴兩省兵餉。擬請分別新舊按年帶解。及勸捐抵餉一摺。滇黔兩省軍事孔棘。待餉均殷。既據馬新貽籌定數目。即著按照所議源源措解。以應急需。至所稱雲貴距浙較遠。路多梗阻。委解頗難。黔省既有委員來浙勸捐。其月餉即發交該委員彙解。以歸簡易。即著張亮基飭令該委員查照辦理。其應解滇餉。或由該省派員來浙領

解。或解存鄰省藩庫。遇便搭解。著勞崇光斟酌情形。先期議定。知會馬新貽照辦。庶免遲誤。將此由五百里各諭令知之。○又諭李瀚章奏勦辦銅仁教匪大獲勝仗。現擬合力進剿。一摺。貴州銅仁教匪。經總兵周洪印督軍進剿。卽向沙壩場竄去。另股竄入松桃屬境。窺伺楚邊。經周洪印於亢金盤陀等處。豫設伏兵。誘賊深入。殲斃賊匪數千。該匪向思南印江奔竄。銅境肅清。而清台各匪。又復蠢動。

亟應分投勦洗。此時兆琛李元度等軍。計已分紮鎮遠銅仁。卽著李瀚章嚴飭周洪印整頓隊伍。由天柱進兵。與該兩軍聯絡聲勢。攻勦清江台拱苗匪。盡埽賊氛。肅清邊境。其逃竄思南印江三元圍地寨各匪。並著兆琛督率兵弁。設法擒捕。毋任漏網。李瀚章另片奏請賞還李元度原銜頂帶等語。著俟該革員立功後。再行奏請。將此由五百里諭知李瀚章。並傳諭兆琛知之。○浙江巡撫馬新貽奏

遵查浙江月協甘餉二萬兩。閩餉十四萬兩。現將協閩一款。奏明停止。移為海塘之用。惟甘肅軍務正緊。不能不兼籌並顧。擬自本年六月為始。添撥銀三萬兩。共五萬兩。按月解運下部知之。○舉行本年大計。直隸卓異官二十八員。浮躁官二員。罷輟官一員。才力不及官三員。年老官三員。湖北卓異官八員。罷輟官二員。年老官四員。湖南卓異官八員。不謹官二員。浮躁官六員。罷輟官一員。才力不

及官二員。年老官二員。山西卓異官十二員。浮躁官二員。才力不及官一員。年老官三員。四川卓異官十二員。不謹官八員。浮躁官四員。罷輟官一員。才力不及官一員。年老官二員。廣東卓異官九員。不謹官二員。浮躁官二員。罷輟官二員。才力不及官二員。有疾官一員。年老官六員。分別議敘處分如例。○子山東昌邑陣亡殉難副貢生王元棟等紳民婦女五千五百三十一名口。分別旌卹如例。

予陝西沔縣殉難幕友候選知縣姚文翰祭葬世職（丁未）

上復詣

大高殿祈雨行禮（遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕譞詣

凝和廟拈香（諭內閣著於本月二十五日

在保和殿考試翰詹徐桐翁同龢均著無庸

與考（諭軍機大臣等吳棠奏逆股先後東竄淮徐布置防勦情形一摺任柱股匪由東省闖入徐郡分屯邳州宿遷睢甯境內擄脅丁壯攻掠圩寨遊騎直抵桃源經吳棠調撥水陸兵勇分防布置並飭姚廣武督軍趨赴舊邳將撲圩悍賊擊退該逆全股由泗州竄去其張總愚賴汶沆各股由單縣南竄豐碭境內並由沛縣張家寨攻撲湖團經劉松山一軍擊退現仍屯踞豐碭之交此次擒股先

後悉銳東趨意在搶渡運河蔓延清淮腹地雖經吳棠添募兵勇分撥成子河及舊邳洋河集等處扼紮惟賊勢太眾深恐兵單地廣防不勝防該漕督務宜督飭所部將士力扼河防以固清淮門戶並著曾國藩趕緊催令劉銘傳等軍星夜前進跟蹤緊躡會同吳棠派出防軍奮力夾擊毋任該匪擾及完善地方總兵劉士奇所部七營現在東壩定埠等處分紮即著李鴻章迅速飭令拔營渡江馳赴清淮聽候吳棠調遣江南現在安謐此外如有可調之兵並著李鴻章趕緊調援江北以厚兵力任逆一股現已分擾泗州皖境盱眙靈宿一帶均須戒嚴喬松年當撥兵嚴扼東北選派得力將士越境迎勦不可稍分畛域歸德一帶與徐境毗連更虞滋蔓著李鶴年派撥重兵相機堵勦毋任賊蹤西竄致豫省腹地又被蹂躪現在擒匪均聚江皖之交曾國藩務當統籌全局調撥各路兵將四面

兜圍使該逆不出吾網羅之外。勦辦當易於措手也。將此由六百里諭令知之。○戊申。諭內閣。前因馬賊闖入吉林。伯都訥雙城堡。署將軍德英署副都統富爾孫未能先事豫防。將該署將軍等交部議處。復因阿勒楚喀拉林等處相繼失陷。又將該署將軍等交部嚴加議處。疊經兵部議奏。請將該革等照例革職。並請飭部照章議罪等語。德英富爾孫於所屬地方。任令賊蹤竄擾。本有應得之咎。惟

念伯都訥等處業經官軍收復。德英防守吉林省城。籌餉籌兵。尚無貽誤。富爾孫督兵勦賊。屢獲勝仗。不無微勞。足錄。德英富爾孫均著加恩改為革職留任。免其治罪。○諭軍機大臣等。富明阿奏勦賊獲勝。並擬出省督師一摺。李半瘋股匪竄過江東一帶。經富爾孫等會擊於關家大橋。斃賊甚夥。該逆由楚家溝分兩股竄逸。其竄西南一股。經官軍殲斃淨盡。其一股二百餘名。竄上黑瞎子岡。復經

擊斃一百餘名。餘匪撲過澗北。著富明阿卽飭營總烏里布跟蹤追勦。務將敗殘之匪迅速殲除。毋令死灰復熾。此時北路漸次肅清。西路賊氛未靖。富爾孫業已回任。富明阿擬卽出省督師。清理圍場。實為現在要著。惟該處毗連奉省。此勦彼竄。賊之慣技。非兩省合力夾擊。勢難淨絕根株。著文祥福興都興阿酌撥馬步勁兵。與吉省之軍定期入山會勦。將山內山外賊匪實力按捕。為一勞永逸之

計。文祥福興已將回京。都興阿接辦奉省軍務。責無旁貸。著將會勦事宜妥籌調度。毋得稍分畛域。致貽後患。將此由五百里各諭令知之。○吏部議覆熱河都統麒慶奏請變通熱河州縣調補舊例。擬請嗣後灤平豐甯二縣定為一調一補。輪應調缺。出由該都統會同直隸總督於現任理事撫民各同知通判及滿漢州縣一體揀調。輪應補缺。出卽以熱河揀發州縣按名酌補。其平泉建昌赤峰朝

陽四州縣缺出先於灤平豐甯二縣內揀調如俱不堪調再於現任撫民同知通判內曾經署理州縣及滿漢州縣內請調如再無可調之員則委揀發州縣試署一年果能勝任准請實授從之以吉林勦賊獲勝予已革副都統吉拉明阿以協領補用賞營總烏里布巴圖魯名號己酉諭軍機大臣等文祥等奏分別撤留兵勇並起程回京日期一摺文祥等督勦奉省馬賊數月以來殲除逆匪

幾盡西北兩路地方均已安謐惟東北尚有股匪三百餘名竄出鳳凰門外該大臣等現飭劉景芳等勦辦此外並無成股之匪第恐大兵一撤圍場內藏匿餘匪復經竄出勾結伏莽為患地方又將色爾固善等所統馬步兵勇三千四百餘員名留於奉省交都興阿調遣所籌均屬周妥都興阿身任將軍責無旁貸著將餘匪認真搜捕以期淨絕根株文祥等所留之雙德等均交都興阿差委俟搜

捕餘匪一律完竣再將文祥等所留兵弁分起撤令歸伍另片奏博崇武所帶二起馬隊營總委參領玉山委防禦如福由吉林拔隊回奉之時揚言調赴湖北勦賊該兵等思戀鄉土紛紛逃散玉山等乘勢搶去旗纛等件計逃散官弁十二員名兵丁一百三十八名旋在吉林呈遞匿名揭帖捏稱久不發餉各思回家請飭訪拏分別懲辦等語玉山等散布謠言惑亂軍心以致紛紛逃散實屬大干

軍律著富明阿嚴密訪拏將玉山如福二員押解奉省交都興阿訊明後卽行正法其餘潛逃之官弁十員兵丁一百三十八名催令迅速歸隊量予責罰以肅營規將此由五百里各諭令知之以太僕寺卿劉崐為內閣學士兼禮部侍郎銜太常寺卿鮑源深為大理寺卿詹事府少詹事王祖培為詹事予奉天陣亡殉難佐領陞祿等官弁婦女四百十八員名口分別旌卹如例庚戌諭內閣

理藩院奏烏凌阿蒙恩賞還公爵請旨遵行
一摺烏凌阿新授之公爵著作為恩封其德
木齊扎布所襲之貝勒著仍作為色楞所立
之爵○諭軍機大臣等新授湖南按察使李
廷樟昨日到京召見奏對之際兩耳稍覺重
聽察其精神尚好該員到任後於一切地方
公事能否不至貽誤著李瀚章隨時察看具
奏將此諭令知之尋奏遵查李廷樟莅任後
公事尚無貽誤仍當隨時察看報聞○又諭

傳諭護山西巡撫王榕吉有人奏風聞山西
絳縣知縣陳懷璋劣蹟多端聲名狼藉擅加
錢糧虛冒勇數同治四年九月間因加徵派
捐先後被人控告有案又諱城工為練費諱
加徵派捐為均畝攤錢且在衙署之外開設
傾銷銀鑪暗地令從九品銜王人麟經理其
事以典史王萬選為腹心並與武生史仰生
千總銜王丙午等出入勾通上奪下剝民心
久為解體等語絳縣界連垣曲密邇河防所

參陳懷璋貪劣各情如果屬實於防務大有
關礙著王榕吉按照所參各節嚴密查明據
實具奏原摺著鈔給閱看○引見刑部候補
郎中袁保慶得旨著以知府發往山東補用
○以禮部左侍郎察杭阿署戶部左侍郎管
三庫事○予山東莒州等處殉難舉人姜毓
杰等紳民婦女五百四十七名口分別旌卹
如例並予建祠○予河南各屬陣亡殉難官
弁兵勇一千六百四十九員名口分別旌卹

如例○辛亥諭內閣前因純堪奏參奕梁文
俊於

昌西陵管園人剋減牛羊豆草等情並不認真
查辦當經諭令綿森毛昶熙前往查辦茲據
奏稱逐款訊明並究出書吏人等有侵蝕情
弊按例定擬等語此案純堪於牛羊口分意
在實領實餼不應變價糜費而奕梁文俊意
在於一應津貼祭品援照舊章通盤籌畫以
期辦理兩無窒礙其意見不合之處尚屬因

公惟魏佩汶。魏沅利俱充當易州書吏。派管收支豆草。魏佩汶於各園折價豆石內侵用錢四百七十餘千。魏沅利於轉賣豆石內侵用京錢一百六十千。均著革去書吏。魏佩汶著杖一百。流二千里。魏沅利著杖一百。徒五年。俱交該州照例監追。限滿有無完繳。分別辦理。徐碇保魏錕。尹順蔡得隆。趙恆義。蔡容。充當各園書吏。於豆石變價內各有侵用錢文。惟係墊辦公項錢文。未經發給。覈計扣抵有餘。均著革役。免其治罪。廣益所控各情。訊係事出有因。惟不服本管官約束。用言頂撞。實屬不合。著革退差使。仍杖八十。奕梁家人愛隆。阿車夫李景汶。文俊家人賈順。收受魏佩汶茶貲銀錢。愛隆阿著革去護軍校。與賈順李景汶均著杖六十。徐喜代魏佩汶轉送茶貲。亦屬不合。著笞四十。與廣益等分別鞭責折責發落。文俊於年老疾病乘輜。並未奏請。輒役使官軍擡輜。實屬不合。著交部議處。

奕梁失察家人收受規禮。純堪於家人瑚圖哩接受規禮。並不當時查究。亦有不合。均著交宗人府分別議處。知州夏子齡承辦各園。訊無勒折侵蝕情事。惟任聽折價。以致書吏從中舞弊。均屬不合。著交部議處。綿森等另片奏各園備用牛羊隻數不同。辦理祭品。桌數不一。津貼數目。亦多寡不等。必須通盤籌畫。明定章程等語。著該大臣等妥議章程。奏明辦理。尋奕梁等奏遵議餽養牛羊裁減津貼章程。一牲牢豆草。每年擬按五成餽養。餘騰五成。以備採辦祭品。及辦公各費。一採買黑牛。例價不敷。宜酌增津貼。一各行戶供應乾鮮祭品。宜加津貼。照數實發。一辦公各款現經裁減。以後該管官不得妄增。一祭品按例交收。不必例外多備。一餘騰豆草折價充公。由易州徑交各禮部應用。不得假手胥吏。一買補倒斃牛羊。須加選擇。不許以疲瘠充數。一赴京更換乳牛。擬定期限。不得逾二十

日。以節費用從之。又諭李瀚章奏審明已革都司楊海泰等冒稱募勇圖借銀錢等情。分別定擬一摺。此案已革都司楊海泰因欲赴軍營投效。輒敢假冒總兵捏稱奉調招勇。商同黃仁貴借用易良臣等銀兩。給予白劄。許以保充營官。實屬膽大妄為。已革舉人羅載昌因易良臣等向楊海泰索取文劄。輒聳令辦給白劄。並為代擬劄。稟實屬藐法。楊海泰即楊敬莊羅載昌即羅恩燾均著照所擬

從重發往新疆充當苦差。黃仁貴聽從楊海泰向易良臣等借得銀錢。並敢冒戴紅頂花翎。亦屬膽玩。著照擬發近邊充軍。解配折責安置。餘均照所擬完結。諭軍機大臣等。吉林需餉緊要。亟應寬為籌備。以敷勦捕馬賊之用。所有戶部此次劃撥山東東海關本年京餉銀五萬兩。直隸天津關本年京餉銀五萬兩。即著劉長佑閻敬銘飭令各該監督如數備齊。迅速委員解往盛京戶部轉解吉林。

母稍延緩。山東短解上年所撥地丁銀三萬五千兩。並本年提撥各省積欠項下山東欠解銀七萬兩。直隸欠解銀四萬兩。長蘆欠解銀四萬兩。河南欠解銀三萬兩。著劉長佑閻敬銘李鶴年仍遵前旨。轉飭藩運各司勒限一箇月。措齊解交盛京戶部轉解吉林交納。不准再有帶欠。各省餉銀解到富明阿務當撙節動用。覈實支放。毋得稍有虛糜。未解到以前。仍著額勒和布於盛京戶部庫存項下

先行酌墊。至吉林乙丑年應徵各款。上年十二月以前。早應開徵。該將軍未到任以前。何以分毫未解。難保無以完作欠。希圖蠲免情弊。即著富明阿詳細查明。如係實欠。在民方准分別蠲緩。儻查有該廳等徵存未解情事。即著從嚴參辦。將此由五百里各諭令知之。又諭前據吳棠奏稱。擒匪竄擾淮徐。當經諭令李鴻章將總兵劉士奇駐紮東壩等處。各營馳赴清江援勦。茲據李鴻章奏。擒眾南

竄現籌會勦情形一摺與吳棠所奏大略相同清淮為裏下河各州縣屏蔽劉秉璋等軍現分紮宿遷及臺莊韓莊等處會同歐陽利見等水師力扼運河而清江防兵尚嫌單薄李鴻章現已調派劉士奇所部七營由東壩北渡即著飭令迅赴清江聽候吳棠調遣此外江南如有可調之兵著仍遵前旨迅籌調赴淮徐以厚兵力劉銘傳由曹縣進解豐縣城圍現已進紮虞城李鴻章當飭令劉秉璋

等軍由東南進剿與劉銘傳等會合夾擊以收聚殲之效並隨時與曾國藩吳棠妥籌調度相機布置以副委任本日據楊岳斌奏領餉委員曾廣照在江蘇辦買銅帽並洋火藥等派于召喜解送湖北轉解甘肅軍營由上海雇船裝運起程行抵棉花隄因火藥轟發將銅帽火藥焚燒淨盡業經降旨將曾廣照革職矣該革員領辦火藥等項需費甚鉅所稟火藥轟發各節有無別情船戶曾廣長不

戒於火曾據李鴻章奏報即著該署督提集曾廣照等嚴切訊究從重懲辦原片著鈔給閱看將此由五百里諭令知之○又諭李鶴年奏髮捻回竄睢考一帶官軍進擊獲勝並出省督剿日期一摺髮捻各逆由江南碭山一帶紛竄睢州考城等處經總兵宋慶等督軍進剿擒獲賊首張泉城等十餘名賊始敗退官軍復乘夜襲賊奪回踞莊五處斃賊三百餘名生擒擒首劉勤學等及長髮老賊五

十餘名勦辦尚屬得手出力員弁著准由李鶴年擇尤存記彙案請獎髮捻各股忽分忽合剽疾異常而張總愚尤為狡悍必應就地勦洗俾免蔓延李鶴年現已出省取道陳留杞縣親赴前敵督剿即著激勵將士乘勝進兵會合劉銘傳等軍前截後追務將積年逋寇迅速殲除以副委任將此由五百里諭令知之○又諭楊岳斌奏譚玉龍難勝統領之任請以曹克忠接統所部等語譚玉龍自當

統領後性情疲玩不洽眾情以致隴州四營相率譁潰焚毀帳房遺失器械似此驕縱債事豈堪再令統帶貽誤戎行曹克忠威望素著譚玉龍所部各軍著卽交曹克忠統帶以期得力譚玉龍才力平庸若再不知奮勉卽著楊岳斌據實叅辦毋稍瞻徇羅得勝余炳忠所部各營潰散甚多不能約束正忠營本係革弁劉正高管帶此次拔往隴州乃交與羅得勝代管而自居住西安難保非知情先避羅得勝劉正高均著交劉蓉就近嚴切訊究如有主使情弊卽著按照軍法從事毋稍輕縱將此由五百里各諭令知之○吉林將軍富明阿奏遵查巡檢董慈蔭勦賊奪獲大礮等件並非安放

陵寢之件該員率行稟報本應叅處惟擊賊獲勝功過相抵請免置議前署將軍德英未能確查實屬疏忽請旨遵行得旨董慈蔭著免其議處德英著傳旨申飭此項礮件卽著留

於吉林毋庸解赴奉省○以甘肅蘭州道英奎為按察使○以甘肅張家川等處疊克賊巢出力予總兵官仇有道以提督用賞都司屈國香等花翎把總王占春等藍翎餘加銜升敘有差○以甘肅蘭州勇丁潰散革副將羅得勝余炳忠職○以運解甘肅軍火船隻被焚革候選知縣曾廣照職○壬子諭內閣前因給事中劉毓楠奏叅副都統善慶在河南省城縱兵殃民遇賊並未開仗並邀同藩

署幕友酒食徵逐等情當經諭令李鶴年認真查辦茲據該撫將所叅各情查明覆奏副都統善慶當賊匪北竄之時赴省設防分兵截擊並未將兵勇撤入城內至所叅邀同藩署幕友酒食徵逐各節均無影響兵勇掠奪財物等事亦尚無控告案據惟於賊氛逼近時該副都統兩次接仗未能力挫兇鋒賊退後輒因病入城就醫以致營內牧放馬匹間或侵蹋民田均有應得之咎杭州副都統善

慶著摘去頂帶責令前赴歸德一帶實力防
勦。僅再不知愧奮。卽行從嚴叅辦。諭軍機
大臣等。劉蓉奏甘省大股回匪。併力回竄。請
飭督臣先清東路。並請飭穆圖善撥營駐紮
靈州等處。各摺片。河狄固原會甯諸逆。相率
蠢動。隆德靖遠。旣已先後失陷。莊浪華亭。並
形危急。現復擾及慶陽府屬之西峰鎮焦村
等處。將入陝疆。逆首孫義漳等。將前所收降
之馬德馨及總兵劉玉昌等數人。戕斃復偏。
脅靜甯蕭河城等堡。降回隨同起事。為今之
計。當專用力於東北。杜平固出竄之路。通慶
涇饋運之途。後顧無虞。方可節節前進。卽著
楊岳斌派撥兵勇。先將華亭甯州等處。力圖
保護。以次克復。隆德靖遠。肅除強寇。引軍而
西。向平固靜會。以規皋蘭林之望。呼援甚切。
曾諭令楊岳斌調派曹克忠督兵赴援。軍情
變幻無常。該督老於行陣。惟當通籌大局。穩
慎進取。方為不負委任。劉蓉現擬赴涇州一

行該督撫將進止機宜。妥為商酌。務出萬全。
陝西汧隴等處。偏近回氣。並著該督撫飭在
事將弁實力防勦。毋稍疏忽。穆圖善前奏馬
化澂投誠呈繳軍械馬匹各情。是否尚有隱
匿。該將軍派員查勘。必須覈實辦理。毋任再
有搆煽。穆圖善擬俟甯靈一律肅清。察看賊
勢何路喫重。移師遙征。著卽懍遵前旨。派撥
馬步各營駐紮靈州鹽茶交界之地。與楊岳
斌東路各軍遙為聲援。旣以絕陝回馬生彥
等勾結之路。亦以堅甘回馬化澂等歸順之
誠。據劉蓉奏甘回素多愚懦。此次搆難。實為
陝回所迫。陝回狡悍性成。屢撫屢叛。此時甘
回可撫。陝回尚不可撫。等語。並著穆圖善詳
察情形。分別辦理。毋得一味姑息。致貽後患。
將此由六百里各諭令知之。○又諭景紋奏
布魯克巴與披楞構釁。親歷隘口。相機籌辦。
一摺。布魯克巴前經殺傷披楞數千人。已成
不解之仇。現在披楞大股出巢。號稱數十萬。

三月中旬可齊抵隘口意在報復前仇布魯克巴雖一時獲勝究難與披楞相敵若令唐古特從中說合既恐布魯克巴逞其無厭之求如聽其自然於唐古特關繫甚大自應計出萬全以弭釁端該大臣現擬親歷隘口查辦一面藉校閱春操為名暗中挑備精壯聽候調遣布置尚屬妥協均著照所擬辦理景紋抵布魯克巴後務當不動聲色將各隘口密為防範仍相機籌辦俾兩造消釋舊怨斂

兵回巢永息爭端方為妥善將此由五百里諭令知之○以軍機章京隨營出力予郎中朱學勤以四品京堂候補賞內閣侍讀慶裕花翎○以奉天吉林勦匪出力賞遊擊張得祿巴圖魯名號知府志剛參領德溥等花翎員外郎張聯第等藍翎餘加銜升敘開復有差○癸丑大考翰林院詹事府各官於保和殿○盛京將軍都興阿奏請將新授伯都訥副都統定安暫留奉天充當全營翼長允之

○甲寅諭內閣張凱嵩奏勦平武緣逆匪殲擒首要各犯一摺廣西武緣縣悍民句匪倡亂節經道員易元泰等督軍進剿將上林所屬各村賊匪次第埽除並攻破潘村賊巢進軍武緣十二月二十八日官軍行抵韋朗村衝入賊柵適後路伏兵亦到腹背夾擊生擒韋見瓏等悍黨三百七十五名正月初八初十等日渡河進攻鄧廣賊巢歐見祥砍柵先進大隊繼之斃匪甚多立拔賊巢並將陸松

夏黃兩村攻破生擒賊首陸行凌等多名被脅各村同時反正其退踞林貢之匪經官軍於三月十四十六等日進剿攻奪礮臺三座直逼賊巢生擒賊首韋逆等並逆黨五百餘名林貢遂平倡亂首逆韋治鞍自雙橋逃出竄伏隆安縣屬亦經團總周瑞平帶團往捕立時格殺全股殲除地方一律肅清勦辦尚為得手所有逃散餘匪仍著張凱嵩飭令易元泰督同地方文武實力擒捕毋任一名漏

網此次勦匪出力之員弁紳勇著准其覈實保奏毋許冒濫節次傷亡弁勇著該撫查明咨部議卹○諭軍機大臣等張凱嵩奏官軍合圍山澤疊平賊壘現在環攻老巢並永福南丹等處堵勦情形及請催廣東湖南兩省協餉各摺片楚粵各軍合圍山澤攻堅奪隘節節圖功現又戡定十二村消平三十餘壘孫逆勢成孤立自應乘勝進勦攻克堅巢盡殲醜類著張凱嵩督飭劉培一等軍迅速進搗埽穴擒渠尤當開掘長濠嚴防竄逸以臻周密張凱嵩現擬裁勇裕餉而粵西地瘠民貧釐薄餉絀無從籌此鉅款若非鄰省力籌接濟必至因欠餉無著滋生事端著瑞麟郭嵩燾李瀚章於廣東湖南兩省原撥未解協餉項下各籌銀五萬兩剋日解粵俾張凱嵩藉此款項湊撥散勇安慰飢軍將來山澤蕨事勇已酌裁餉需自易籌畫廣東湖南兩省協餉儘此一批嗣後即可停止瑞麟等務當

竭力設措以濟鄰封毋得稍分畛域託詞推諉蔣益澧到任在即著卽會同瑞麟籌款協濟毋稍膜視永福修仁等處土匪滋擾雖經兵圍擊退而餘匪未清修仁匪首黃侍渴等亦負嵎未下張凱嵩當檄在事文武剋期殄滅毋任蔓延貴州荔波苗匪分股擾至南丹邊界著張凱嵩嚴飭慶遠府屬員弁厚集練勇扼要堵防相機迎擊毋令擾及邊界潯梧等處餘匪仍當飭令在事各員認真挖剔務絕根株將此由五百里各諭令知之○予廣西山澤陣亡遊擊吳龍開千總項紫來把總蔣良泰等祭葬世職○乙卯諭內閣恭親王奏第三子八八分輔國公載濬殤故請飭停止身後分例一摺著照所請所有載濬身後應得分例著概行停止○以侵吞卹賞銀兩察哈爾捕盜官巴勒根扎普佐領達克黨羅索勒均革職訊辦○予四川各屬陣亡殉難團長盧玉春等紳民婦女三千八百八名口

分別旌卹如例。丙辰諭軍機大臣等御史丁浩奏擒匪竄擾靡定河南山東兩省圍寨林立惟與地方官未能聯絡一氣賊至驚惶失措往往為賊所破圍寨堵禦擒匪則不足協助官兵則有餘誠能動以忠義歆以獎敘必皆歡呼踊躍敵愾同仇請飭河南等省分派幹員糾合團寨以助兵力等語團練原以輔兵力之不足各該地方官果能認真督辦賊未至則堅壁清野賊已至則出奇制勝與

官兵相輔而行互相援救俾該匪不能任意奔竄自不難次第殲除著曾國藩閻敬銘李鶴年將該御史所奏各節酌度機宜遴選明幹有為之員派往各府縣會同各該地方官糾合各處團寨與官兵聯絡聲勢協力兜剿以期早殄擒氛原摺均著鈔給閱看正在寄諭間據曾國藩奏擒逆兩股竄擾曹宿淮泗各軍分路剿辦一摺張牛等逆由單縣竄撲曹城經李昭慶等擊敗遂由曹南奔潰劉銘

傳等跟蹤追擊該逆旋竄銅沛擾及曹徐之交而賴汶洸等逆連日攻撲運河未得逞志遂竄泗州靈璧一帶盤踞曾國藩現以劉銘傳等軍剿辦北路而以周盛波為南路之師劉秉璋等軍作為遊兵布置周妥當可收夾擊之效劉銘傳之軍久役於外將士疲勞該大臣現飭該軍移赴濟甯駐紮藉資休息騰出潘鼎新一軍作更番遞戰之法即著該大臣飭令潘鼎新視賊所向帶隊追擊毋稍鬆

勁另片奏查勘運河情形等語運河逼近賊氛時思偷渡該大臣現已查閱形勢分段設防量加修濬實為目前要務著隨時咨商劉長佑吳棠認真辦理以期周密閻敬銘尤當督飭防兵加意扼守不得以賊蹤漸遠稍涉疏懈將此由五百里各諭令知之又諭勞崇光奏抵省日期辦理情形一摺勞崇光由平彝起程於二月十五日抵省馬如龍率各回弁橐鞬道左整隊郊迎漢回民人夾道歡

呼人心大定該督於馬如龍等進謁時示以體統待以真誠無不恭順悚惕罔敢桀驁月來城內回練土練搶刦之事及省外各處漢回互鬪之案皆已斂戢可見該處官民非不知遵奉朝廷止以數年來督撫視為畏途幾同化外此次該督輕騎前往駕馭得宜膽識俱優實能不負委任杜逆汶秀盤踞大理聞該督入省於各隘口糾黨抗拒卽著該督妥籌進剿謀定後動以期一鼓殲除該督於回

弁中分別推誠委任其居心叵測者密商馬如龍設法箝制並飭張文德全祖凱等將所部嚴明紀律秋毫無犯俾滇省兵練知所效法實為切中肯綮從此官弁軍民消去漢回之見兩釋猜疑自必人人思奮使貪使詐惟在該督斟酌而遣策之至滇省壞法亂紀事同初創應辦各件恭如亂絲補救之方自難急求速效又在該督從容整理次第舉行以期漸復舊制固不必操之過急也另片奏麗

江鶴慶劍川前經楊玉科攻克現復為大理逆回竭力環攻寡不敵眾仍復失陷該處深入敵境距省一千餘里勢難孤守著勞崇光嚴飭永北大姚等處扼要嚴防與大兵訂期合剿以為牽制賊勢之計其楊玉科下落並著查明具奏將此由五百里諭令知之○又諭麟興奏蒙兵不能湊集請由內地派撥勁旅並擬來京請訓請另簡員與俄國立界各摺片據稱各愛曼蒙兵疊經催調無如該盟長等總以近來西疆不靖差務倍增蒙古窮迫萬難籌調為詞卽勉強湊集亦為數無幾且臨陣操兵緩不濟急等語伊犁軍情危殆萬分待援甚急內地之兵固應迅卽出關而烏城距伊犁較近尤宜簡練各軍以資協助著麟興懍遵前旨將調到蒙兵逐加訓練卽由該大臣統帶前往伊犁毋再遲延干咎麟興奉命赴援正應趕緊起程以副委任乃轉欲來京請訓實屬不知緩急有意取巧麟興

所請來京陛見之處著不准行仍傳旨嚴行申飭前諭令楊岳斌於曹克忠軍到省後替出鶴齡之軍會合成祿出關援勦卽著楊岳斌嚴催成祿帶兵出關儻該提督再有畏蒞遷延卽行嚴參懲辦至鶴齡一軍能否替出並著妥籌調派俄國使臣會立烏里雅蘇台邊界事宜著俟該使臣有前來會勘信息再由麟興等迅速奏聞明誼等奏都司勝通患病可否回旗就醫等語現在巴里坤差委需

員著卽飭令勝通就近調理所請回旗就醫之處著毋庸議將此由五百里諭令知之○以福建臺灣揔捕逆匪出力賞副將湯得陞巴圖魯名號在籍員外郎黃景琦等花翎通判蕭澈等藍翎知府陳懋烈等加銜升敘有差○以雲南克復普洱等城出力賞遊擊李錦文等花翎同知楊存初等藍翎知府夏家疇等加銜升敘有差○以雲南普洱府城上年被賊竄陷革總兵官特克慎同知曾紹理

府經歷溫培義守備王起職仍留營○追予浙江杭州殉難道員暹福祭葬世職加等○追予浙江殉難知府瑞春母張佳氏暨妻妾子女旌卹如例○追予雲南思茅廳殉難同知徐自森千總張文炳等祭葬世職加等徐自森妻宋氏旌表如例○丁巳孝慎成皇后忌辰遣官祭慕陵○以雨澤未霑

上於

大高殿設壇祈禱親詣行禮○遣惇親王奕詝詣

時應宮鍾郡王奕詒詣昭顯廟孚郡王奕譞詣宣仁廟惠郡王奕詳詣凝和廟禮親王世鐸詣覺生寺睿親王德長詣黑龍潭鄭親王承志詣密雲縣白龍潭拈香○諭軍機大臣等楊岳斌奏抵

涇先後籌辦情形一摺。楊岳斌行抵涇州。因莊浪被圍。隆德失守。炭山股匪已竄甯州東路。事急未便抽身西去。著卽懍遵前旨。速飭曹克忠帶隊回援。將近省回。氣次第埽蕩。再進蘭垣。楊岳斌現在督率諸軍。勦清東路。而省城糧食萬分缺乏。該督務當嚴飭張瑞珍等趕辦糧石。分運曹克忠軍營。兼顧省城。毋稍貽誤。曹克忠業已啟行。該督應否另赴鞏昌督辦軍務兼籌糧運之處。並著酌度機宜。

妥籌辦理。劉蓉前奏甘回可撫。陝回不可撫。此次陝目孫義漳等由固來涇。遞稟乞降。求歸原籍。業經楊岳斌批准。如該回等委係真心求撫。自應網開一面。但人數尚多。既不便復令回陝。別滋事端。而浮住甘境。亦非長久之計。劉蓉計已到涇。卽著該督撫悉心籌畫。妥商安置。該回之策。毋令失所。毋貽後患。方為不負委任。將此由五百里各諭令知之。又諭瑞麟等奏粵海關歷年欠解廣儲司公

用銀兩無款帶解。開單呈覽一摺。內務府用款支絀。經戶部等衙門議令直省各關口欠數在百萬以外者。或解五萬。或解八萬。自同治五年起。每年帶解。今粵海關欠解廣儲司公用之款。至二百三十餘萬兩之多。實屬積壓太鉅。該督撫監督請暫緩帶解。俟一二年後。察看關稅徵收稍有起色。再行籌補帶解。清款。惟內務府用款支絀。亦屬實在情形。著瑞麟等仍遵前旨。設法帶解。以充公用。其後

價帶繳一項。亦卽酌量解繳。毋稍遲誤。至數目不符之處。著戶部按照單開查覈更正。瑞麟另摺奏酌派大員先赴潮州。曉諭紳民等語。現在吉瑞馳往潮郡。擇傳潮紳到省開導。各紳士幡然領悟。著責令認真勸導。丁日昌現已起程赴粵。著俟到粵後。妥商辦法。該署督所奏仍遵前旨。航海赴潮。無須駐紮嘉應之處。並著體察情形。隨時妥協辦理。將此由五百里諭知瑞麟。郭嵩燾。蔣益澧。並傳諭師

曾知之。戊午諭內閣吏部奏原任都察院左副都御史張芾之子張師勛應否賞還廕生聲明請旨一摺。據稱舉人張師勛由伊父張芾侍郎任內得有二品廕生嗣因張芾革職照例革廕。張芾起用後旋於同治元年五月在籍殉難。奉旨照侍郎例從優賜卹。與承廕品秩相當。惟係照侍郎例賜卹。究與生前開復者有間。應否還廕之處。請旨遵行等語。張芾前在陝西原籍勸諭回匪。在倉頭鎮地

方被害甚慘。業經降旨照侍郎例賜卹。該故員歿於王事。忠烈可風。伊子張師勛原得二品廕生。著加恩准其賞還。用示篤念忠蓋至意。○諭軍機大臣等。富明阿奏官軍續獲勝仗。生擒賊目。並分兵堵擊。入山搜剿一摺。吉林官軍跟蹤追賊於三道夾信子葦子溝槐樹溝等處。疊獲勝仗。斃賊多名。並能搜擒匪首李半瘋等。尚屬奮勉出力。富明阿現擬督帶官兵入山搜捕。務當詳慎妥辦。將賊匪巢

穴掃除淨盡。仍咨會都興阿合兵會剿。以期一勞永逸。全境肅清。將此由五百里諭令知之。○又諭劉蓉奏逆回大股分竄陝疆。現籌剿辦。並陳折閱林之望章奏所述情形。擬籌辦法各摺片。林之望奏擊退省外賊匪。固守待援。請飭曹克忠等軍。剿辦省賊。楊岳斌所部楚軍。併圖涇原。並陝回投誠各摺片。本日已傳諭林之望妥籌防守矣。陝省逆回盤踞甘省日久。現復勾結各路大股。撲犯陝境。隴

州汧陽兩城。均經防兵擊退。現由小路竄至鳳翔境內。邊馬已至岐山。該逆自三月以來徘徊於華亭崇信靈臺莊浪之間。窺伺陝疆。已非一日。非厚集兵力。不足以遏狂氛。劉蓉現飭各路防兵。分投堵截。並調潼關駐紮各營。馳往鳳郡。一面咨令楊岳斌派撥馬步諸軍。截前躡後。即著楊岳斌。劉蓉合力會剿。盡殲醜類。毋令擾及陝疆。林之望摺內所陳擊退偏城。逆回各情。據劉蓉奏稱。陝中並無所

聞西安距蘭州較遠該藩司所奏情形是否確實著楊岳斌就近探明具奏該督所部楚勇為蘭州兵回所共忌而於百姓則素無積怨林之望所請將楚軍各營全數調往涇原而以省城左右防勦責成曹克忠等辦理顯係被叛兵所脅飾詞入奏並非該藩司本意惟陝回近已悉萃隴東據劉蓉奏以曹克忠分軍移護省城而撥楚軍併力東勦以通糧道尚協此時權宜等語即著楊岳斌統籌全

局酌度情形妥為調派省城糧米告罄勢頗岌岌並著楊岳斌飛飭曹克忠購辦麥麵雜糧隨時接濟毋稍遲誤馬士彥由陝入甘屢撫屢叛此次復向林之望投誠該藩司給予頂帶等件以紓省垣之急惟請歸併甯夏一帶與馬化澂一律辦理難保不與該處回匪勾結復生枝節著穆圖善楊岳斌妥商另擇甘省回居舊地暫為安插以示羈縻林之望原摺二件片一件均著鈔給楊岳斌閱看劉

蓉另摺奏陝省火藥局被焚一摺本日已諭令湖北河南山西各督撫迅速如數撥解矣火藥被轟至十餘萬斤之多該管司人員漫無防範非尋常疏忽可比著劉蓉迅即查明嚴叅懲辦將此由六百里各諭令知之○又諭傳諭甘肅布政使林之望林之望奏擊退偏城逆回固守待援並陝回傾心投誠懇恩准予安撫各摺片甘肅省城糧食久缺狄河回匪數萬環偏省垣焚搶滋擾經鶴齡等督

軍奮擊張玉春文象奎等軍分路兜勦疊獲勝仗賊眾敗退勦辦甚屬出力即著林之望激勵兵勇扼要嚴防遇賊即擊毋得稍有疏虞省城糧米罄盡飢困情形實深廛繫前已疊諭楊岳斌等迅速設法解濟並令其檄調曹克忠一軍赴省救援現聞曹克忠已購辦麥麵雜糧隨時解送蘭垣而林之望摺內則稱僅接曹克忠三次函復而於運糧一節並未聲明究竟有無接濟現在如何籌辦並著

林之望隨時具奏陝回馬士彥等既據林之望奏稱傾心投誠並將所捐糧石陸續運省是其悔過自新尚屬出於至誠自應寬其既往另予安置本日已諭令穆圖善楊岳斌擇地安插林之望當靜候該將軍等籌商妥協劉飭遵行馬士彥等現經林之望飭赴東北一帶助剿如能將省城糧食源源解運尤足徵向化之誠林之望當激勵馬士彥等勉圖報效力贖前愆至偏城回匪詭言投誠其居

心殊不可測林之望惟當就現有兵力認真堵剿不得稍涉大意致墮詭計楊岳斌現在涇州辦理甘省東路軍務所部楚勇自應調赴東路以厚兵力已諭該督迅速調派其曹克忠一軍距蘭較近業經疊次諭令進援林之望俟該提督到省即可將防剿事宜與之妥籌辦理密片一件著留中○又諭林之望奏川軍餉銀久缺請飭速解等語鶴齡所帶川兵三營由平番調防蘭州省城因糧餉缺

乏餓斃甚多川省應撥之餉何以一年之久未經解到該軍現在蘭州剿賊頗能得力亟應源源接濟以固軍心著崇實駱秉章卽將鶴齡一軍餉銀迅速撥解不得稍存膜視現在由川入甘之路時虞梗塞並著咨會楊岳斌劉蓉添派兵勇協同解餉委員探明道路護送前進仍一面知照林之望於川餉抵甘時派兵迎提務須設法解到毋得畏難坐視致誤要需將此由五百里各諭令知之○調

甯夏副都統杜嘎爾為正藍旗蒙古副都統未到任前以副都統銜候補五品京堂榮祿署理○以吉林三道溝等處剿匪獲勝賞佐領全福花翎領催程珙六品藍翎餘加銜開復有差○予陝西黃里鋪陣亡通判周宏謨祭葬世職加等○予河南各屬陣亡殉難紳民兵勇婦女二千三百四十八名口分別旌卹如例○旌表守正捐軀直隸任邱縣民檀立堂妻趙氏河南孟縣民林青沅妻陳氏○

撥湖北河南山西火藥各三萬斤解赴陝西
省城備用

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十五

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十六

監修地輿記疏曰：清乾隆皇帝大皇帝天恩，命編修地輿記。臣等伏思地輿記之設，乃地方官增補輿圖，奏武職大員奏賞，應大加修補。臣等伏思地輿記之設，乃地方官增補輿圖，奏武職大員奏賞，應大加修補。臣等伏思地輿記之設，乃地方官增補輿圖，奏武職大員奏賞，應大加修補。

款修

同治五年丙寅五月己未朔。

上詣綏履殿問

慈安皇太后安平安室問

慈禧皇太后安。至丁亥皆如之。○諭軍機大臣等。成祿奏官軍移紮甘郡。前軍進逼肅州。並連日獲勝情形各摺。甘涼一帶賊壘林立。經成祿派撥已革知縣竇型等帶隊陸續由涼州前進。先解永昌城圍。進紮距肅州六十里之黃泥鋪。已革總兵慶瑞等進紮雙井子。互為聲援。將疊次撲營之賊先後擊敗。追殺甚

多。該提督亦擬督隊由甘郡馳赴肅州前敵。著成祿乘此聲威。激勵諸軍。迅將肅州城垣攻克。毋稍遷延。伊犁被圍日久。危急萬分。該提督於攻克肅城後。卽當星夜督軍出關。馳援新疆各城。以解倒懸。不得稍存觀望。道員黎獻前已有旨令楊岳斌察看。現據成祿奏稱該員被肅甘兩屬紳耆控告。有受賄緩師。縱勇殃民等事。情節較重。著楊岳斌確切查明。據實嚴參。不得稍事徇隱。所有黎獻前轄之南北兩營。均著專歸成祿調遣。卽由該提督派員管帶。其黎獻所領之馬步六營。卽著交署肅州鎮總兵黃祖淦代領。申明紀律。嚴加鈐束。該提督前次奏請以降調鎮迪道文麟督辦行營糧臺。文麟現已簡放哈密辦事大臣。著楊岳斌趕緊另派妥員前往經理該軍營糧臺事務。並飭甘涼兩屬地方官。將該軍營日食麪斤草料就地設法供支。源源協濟。不得稍存玩視。將此由六百里各諭令知

之。○科爾沁博多勒噶台親王伯彥訥謨祜奏邊外肅清。遣撤馬隊。留兵彈壓。得旨。所有邊外地方。清查弭盜各事宜。著俟布置妥協後。卽行回京。濟克登旺古爾等著。卽各回游牧。以示體恤。○河南巡撫李鶴年奏張牛股匪竄赴豐碭。現馳抵歸德防剿。得旨。張牛股匪雖竄豐碭。難保不回竄豫疆。著李鶴年督飭各軍認真防剿。毋令乘間紛突。○以廣西克復潯州府城。暨勦辦艇匪出力。賞運同俞文輝都司樊貴標等花翎都司梁國定等藍翎。餘加銜升敘。開復有差。○復甘肅肅州陣亡已革副將王夢麟原官。予祭葬。世職把總秦飛龍祭葬。世職加等。○予安徽黟縣殉難文童朱福泰等紳民婦女四千六百五十九名口分別旌卹如例。○予江蘇江甯合門殉難監生姚徵甲等暨婦女十名口分別旌卹。並立祠建坊如例。○庚申。予河南故漕運總督袁甲三入祀鄉賢祠。從巡撫吳壽昌請也。

○旌表割臂療親浙江知縣言良鈐妻左氏

○辛酉

孝誠仁皇后忌辰遣官祭

景陵○追予山東陣亡都司姜順附祀故欽差

大臣僧格林沁淄川縣專祠○壬戌諭內閣

都察院奏福建職員林奠國以侵吞餉項偏

訊蒙詳各情遣抱告赴該衙門呈訴據稱該

職員胞姪署福建提督林文察於同治三年

閒奉調赴漳勦逆在瑞香亭地方與賊接仗

遊擊許忠標等或未戰卽潰或聞警先逃遊

擊賴正修等均按兵不救以致林文察援絕

捐軀該職員隨將印信並餉銀九千五百兩

交賴正修收存乃賴正修止將印信齎解其

餉銀盡行侵吞經藩臬兩司提訊賴正修等

捏造偽劉轉誣該職員帶勇先逃兩司偏聽

不究竟將該職員蒙詳請叅等語案關營弁

不救主將吞餉捏供兩司偏訊蒙詳虛實均

應澈底根究著左宗棠徐宗幹親提人證卷

宗秉公嚴訊確情按律懲辦毋枉毋縱尋英
桂等奏遵訊各該員並無按兵不救各情惟
林文察大營陷時許忠標紮營較近雖赴援
受傷究屬庸懦賴正修接收林文察存營餉
銀於支發各軍覈准報銷外虛報銀三百餘
兩實屬侵欺均應按律科罪至捏造偽劉等
情係林奠國懷疑誣控尚非有意誣告應無
庸議下部議從之○又諭都察院奏直隸候
選知縣王叔詰遣抱告以要案不結賄賂公

行等詞赴該衙門呈訴此案於咸豐九年據
監生王聯廷之妻王谷氏以命案不明誣枉
無辜並伊姪王叔詰忤逆不法等詞呈控奉
旨交審此次王叔詰復以王聯廷毒斃伊繼母
王閻氏賄串改供等情呈控事越七年之久
兩造各執一詞且牽涉問官虛實亟應澈底
根究著劉長佑督同臬司親提人證卷宗秉
公嚴訊確情按律定擬具奏○諭軍機大臣
等張亮基奏逆匪龔踞興義府城並新城回

匪句結貞豐賊匪襲城永甯州屬漢夷仇殺各情形暨請留劉嶽昭暫緩赴滇各摺片新城回匪金萬照等句結貞豐賊匪襲踞興義府城將疊著戰功之馬忠慘加殘害張亮基於各屬稟報不符之處詳加剖析既知金萬照等之甘心從逆何以仍示羈縻且於張定中之稟報不實狼狽為奸者反令其暫署遊擊代辦總兵實屬意存遷就著即迅速查明興義失守實在情形另委妥員往署遊擊等

缺責令會同現署知府陳聘儒調齊勇練務將興義府城趕緊收復並將貞豐等處次第戡定不得再事顛預致賊勢益形滋蔓署知府李保衡是否殉難抑被拘囚著張亮基查明具奏永甯州屬新寨烈山村漢民殺害教民一案主教胡縛理稱係署知州尹樹棠無端帶練戕害而張亮基咨訪則係從教夷民平日焚殺滋擾漢民激於公忿糾眾報復殺斃烏拉巖夷民三人尹樹棠前往彈壓始各

解散與胡縛理所稱情節迥殊張亮基務當督飭委員秉公查明速行了結毋得遷延日久另生枝節前據劉嶽昭奏請回川籌商軍事當經諭令俟遵綏軍務事定即行馳赴新任無庸折回川省張亮基惟當與劉嶽昭會商熟計務將綏陽一帶剋日肅清則黔省軍聲日振即可力圖自強正不得專恃援兵自甘頹靡將此由六百里諭令知之○又諭張亮基奏餉項萬分支絀請飭川省分撥重慶

瀘州兩處釐金解黔並請飭催李元度迅速進兵各等語貴州地瘠民貧餉無所出軍興以來各省協餉久停益形拮据前經諭令欠解黔餉各督撫將歷年積欠各餉分年陸續解還迄今半年之久僅據湖南省解到協餉捐餉銀七萬餘兩杯水車薪無濟實用該省民窮財盡餉潰堪虞四川重慶府瀘州兩處距黔較近抽收鹽斤及百貨釐金尚屬豐望若酌量分撥就近解黔於軍餉不無小補即

著崇實駱秉章將該府州所收釐金按月劃分一半由黔省隨時委員赴該府州領解以濟急需毋得意存畛域稍涉推諉李元度一軍前據李瀚章奏稱與兆琛所部分路進紮鎮遠銅仁茲據張亮基奏稱都勻苗匪教匪現在攻撲荔波縣城勢甚猖獗該署撫已派副將盧希恆等軍往勦兵力尚單該處為由粵赴黔要路餉道攸關且恐該匪與潘何逆黨勾結上竄卽著李瀚章酌調周洪印所部相機前進其兆琛李元度等所需餉項並著寬為籌備以收飽騰之效將此由五百里各諭令知之○又諭總理各國事務衙門奏俄國使臣請赴黑龍江內地通商現辦情形並請飭吉林等處籌辦邊防各摺片據稱俄國住京使臣堅持成見必欲往黑龍江內地通商經該衙門與之約定百里以內照章貿易百里以外持照遊歷不得以遊歷執照為通商之用各節業經該衙門行文特普欽查照

商辦該國住京使臣一味矯強並稱先已行文東悉畢爾總督照辦請飭黑龍江查明辦理等語俄使堅韌性成語多狡賴內地通商各節尚未經總理各國事務衙門與之商允卽欲行文該國照辦且並不聲敘所允何事豫為日後藉口地步難免將來無硬行闖入邊界情事著特普欽迅卽密飭黑龍江所屬守卡官弁如俄國邊界大臣前來黑龍江與該將軍議及俄商假道行走給照驗照等事必須查照總理各國事務衙門咨文果相符合方與商辦不可徒聽該國人一面之詞遽行允辦以杜狡詐至由俄國阿巴該推卡倫至阿木爾省經過愛琿墨爾根城內地沿途有無兵卡可資防範及俄人欲在黑龍江吉林等處內地通商有無十分妨礙各該地勢是否扼要有無險隘可守民情強弱如何能否相安無事均著富明阿特普欽詳細查明迅速覆奏以便該衙門酌度情形與俄使

會商。俾辦理較有把握。不至內外兩歧。章京志剛現在奉天軍營。前經總理各國事務衙門函商文祥就近酌量劄飭。該章京前赴黑龍江察看情形。文祥現已起程回京。卽著都興阿轉飭該章京趕緊前往。毋稍遲誤。至奉天濱海地方原有牛莊通商口岸。黑龍江吉林等省與俄國壤地相連。邊防最關緊要。防範稍疏。難免不別滋事端。亟應整頓武備。以杜敵人覬覦之漸。著都興阿富明阿特普欽

各就本省情形。豫籌儲餉足兵之計。覈實辦理。先為自強之策。不可徒託空言。有名無實。現在馬賊餘黨未盡。該將軍等正可藉勦匪之名。將所屬營伍力行整頓。勤加訓練。以期有備無患。吏治民情亦須認真經理。俾令日有起色。其邊界地方與外國交涉事件。該管將軍等尤須遴派明白曉事之員前往區畫。不至緩急輕重措置失宜。方為妥善。總理各國事務衙門摺一件。片一件。均著鈔給該將

軍等閱看。將此由五百里各密諭知之。尋富明阿奏吉林雖有要隘卡倫官兵無多。僅資防守。若俄夷再由陸路通商。萬一別生事端。實難籌顧。特普欽奏黑龍江地無險阻。若唯俄人通商。則邊省情形盡為窺伺。且與內地人民亦難相安無事。下所司知之。○又諭總理各國事務衙門奏。比利時國換約屆期。請派員互換一摺。比利時國前立條約。聲明一年期內。在滬互換。現據該國公使金德呈遞

照會。內稱請派員前往上海會辦等語。該公使現往東洋。約計三箇月後可以到滬。應於本年九月以前互換。著派郭柏蔭將上年與比利時國所立條約妥為互換。其條約各本俟崇厚派員齎送至江蘇時。卽著郭柏蔭祇領。屆期前往上海辦理。並著軍機處將此次寄諭摘錄一併發往。如該使索看憑據。卽可給與閱看。俟換約事畢。此旨仍繳還軍機處備查。總理各國事務衙門摺一件。該國公使

照會一件。均著鈔給閱看。將此由五百里諭知李鴻章並傳諭郭柏蔭知之。○予貴州畢節陣亡外委劉天奎等祭葬世職加等。○予山東滕縣陣亡殉難紳團婦女四千一百名口分別旌卹如例。○癸亥。予安徽靈璧等處陣亡參將盧智庸等祭葬世職加等。○甲子。諭軍機大臣等。李鶴年奏官軍勦賊獲勝一摺。任賴等逆回竄夏邑胡家橋等處。經馬德昭等軍追躡將賊擊敗。由歸德一帶奔竄。官軍追及。先後殺斃賊黨千餘名。餘賊南遁。勢趨亳州。李鶴年現已飭令宋慶等軍跟蹤追擊。卽著嚴飭宋慶等視賊所向。越境攻勦。毋得稍分畛域。賊蹤逼近亳境。防勦不可稍鬆。著喬松年嚴檄程文炳認真堵勦。毋令該匪乘閒奔突。張得勝太和之軍。及沙渦兩河礮船並著該撫相機調遣。就近援勦。藉壯軍威。曾國藩卽飭周盛波南路之師探蹤前進。並飭劉秉璋等軍往來遊擊。以收聚殲之效。豫

軍此次追賊雖頗有斬獲。究未能大挫兇鋒。姑念其忍飢力戰。已明降諭旨將出力之參將蔣東才等照給獎敘。嗣後遇有小勝。李鶴年仍當將出力人員存記彙保。毋許隨摺保列多人。以示限制。將此由五百里各諭令知之。○以河南歸德勦賊獲勝。賞參將劉廷花翎。勇目馬融和藍翎。參將蔣東才等加銜升敘有差。○乙丑。諭內閣。此次考試翰詹各員。經閱卷大臣等校閱進呈。擬定等第。一等五員。二等三十七員。三等五十二員。四等三員。不列等一員。其考列一等之洗馬孫毓汶著以侍講學士升用。侍講學士夏同善著以詹事升用。少詹事杜聯著以內閣學士升用。編修平步青著以侍讀升用。許其光著以侍講升用。考列二等之編修劉澐年英啟均著以侍講升用。侍讀周壽昌著以庶子升用。編修黃體芳著以洗馬升用。張鵬翼李文田均著以中允升用。徐申錫著以贊善升用。侍讀學

士景其濬著以少詹事升用以上各員現在無缺可補者均著先換頂帶在任候缺編修黃鉦張丙炎侍講學士胡瑞瀾編修張家驤侍讀呂錦文編修朱迥然均著記名遇缺提奏並各賞大卷江紬袍料一匹小卷江紬袍褂料各一件編修夏子錫范熙溥陳翼侍講鄂芳編修解煜陳彝李端棻陳亮疇均各賞大卷江紬袍料一匹考列三等之右庶子鐵祺左庶子常恩均著以侍講降補侍讀學士

惠林著以侍讀降補左中允奎潤著降為編修左贊善李祉著降為檢討檢討王慶祺編修陸懋宗郭懷仁檢討張觀準均著罰俸半年少詹事蘇勒布著以庶子降補仍罰俸半年編修賈瑚王道源陳振瀛均著罰俸半年編修王昕龍湛霖溫忠翰游百川檢討吳鎮編修馬相如均著罰俸一年檢討孫鳳翔編修范德馨陸爾熙均著罰俸二年吳鴻恩著罰俸三年考列四等之編修邊寶泉著罰俸

三年左贊善佈彥著改為主事仍罰俸一年編修蔣維垣著改為內閣中書仍罰俸一年不列等之編修王淏著即行革職其考試繙譯列入一等之侍講松淮著以侍讀學士升用考列二等之侍講學士訥仁著以少詹事升用侍讀文奎著記名遇缺提奏並賞大卷江紬袍料一匹小卷江紬袍褂料各一件考列三等之洗馬廣壽著罰俸二年右贊善慶麟著降為編修餘俱著照舊供職該員等其

各力求實學慎守官方用副教育人材至意○諭軍機大臣等都興阿奏通籌奉省勦捕機宜並將南路竄匪勦除淨盡一摺李洛萬餘黨均隱伏清河溝該將軍察其形蹤不甘遣散亟應嚴密按捕著即督飭色爾固善等並續派之托倫布等各率所部協同按勦毋留遺孽富明阿現在邊外火路站與色爾固善面議會勦機宜其應如何添撥勁旅會同聚殲之處著都興阿咨商富明阿妥籌布置

八家子新兵堡等處為東路要隘均須派兵駐紮扼賊紛竄之路都興阿現於五月初二日前赴興京察看各處情形即著將杜嘎爾所帶察哈爾黑龍江馬隊擇要駐紮妥為調度李洸明劉洛耗等逆首業經正法餘黨殲勦殆盡南路現雖無賊而零星殘匪難保不暗中伏匿復圖嘯聚仍著檄飭劉景芳等認真搜勦務絕根株將此由五百里諭令知之○

上以夏至祭

地於

方澤自是日始齋戒三日○丙寅諭內閣左宗棠奏安徽補用副將馬復震因祖父先後殉難立志復仇隨同該督征戰多年好學知書志趣卓然於閩省肅清案内著有微勞懇請酌改文職等語向來有無似此成案著該部查明具奏○諭軍機大臣等吳棠奏大股捻逆撲犯清淮官軍分路扼勦並履勘調度情

形一摺張賴各逆因東皖豫各省官軍林立意圖竄擾清淮併力以逞經吳棠督飭各軍一敗之於成子河再敗之於運河劉秉璋等復於洋河一帶痛勦數次先後斃賊數百名賊於五月初二日仍向泗州一帶遁去勦辦尚屬出力在事水陸員弁暨各屬練董著准由吳棠擇尤存記彙案保獎毋許冒濫惟此股賊匪奔突靡常難保不思回竄清淮兵力無多雖未能越境追勦而防範不可稍鬆仍

著吳棠嚴督在防將士及紳董人等力扼水陸要隘堅守圩寨以遏賊衝毋令乘隙抵瑕擾及完善其徐州等處防務仍飭李鴻裔董鳳高等嚴密防勦毋稍疏虞將此由五百里諭令知之○又諭左宗棠徐宗幹奏官軍越境勦辦齋匪殲除淨盡一摺閩省崇安縣齋匪聚眾戕官經提督黃少春兜勦殺戮閩境肅清復督軍越境追至江西之上饒鉛山等縣地界連次接仗獲勝斬戮甚多並派隊窮

按山穴餘黨幾無漏網捕獲匪首陳奴奴即陳順洸等多名首逆安壽仔亦經崇安紳士擒獲送官一併正法。齋匪黨與盤踞封禁山內傳習邪教地方文武總未能實力按捕每至聚眾滋事現雖將崇安戕官股匪殲除而餘黨潛伏山內傳習邪教藏匿尚多。劉坤一現已派席寶田一軍前赴河口駐紮左宗棠亦派張樹炎駐軍崇安以備會剿著即乘此聲威飭令帶兵各員會合兩省兵力分赴封

禁山內實力窮按務將積年潛匿匪徒悉數捕戮以期一勞永逸不得以山徑險阻畏難中止草率了事致貽後患並著劉坤一選派賢能地方官編查保甲隨時曉諭該處百姓毋為邪說所惑以靖盜源將此由五百里各諭令知之○荊州左翼副都統薩薩布因病解職以荊州印務參領蘇章阿為左翼副都統○福建水師提督吳全美因病解職以漳州鎮總兵官李成謀為水師提督記名總兵

官孫開華為福建漳州鎮總兵官○以江西勦辦金陵餘匪出力賞副將樂顯鎰華吉祥參將蘇元章王明亮鄧祖興遊擊張國仁巴圖魯名號同知江忠著遊擊張元榮等花翎知縣席豐等藍翎副將王仁安等加銜升敘有差○以福建官軍殄滅齋匪予提督黃少春優敘餘加銜有差免署知府同知周星詒處分○予江西各屬陣亡殉難在籍知縣伍崇熙等紳民婦女一千二百六十五員名口

分別旌卹如例○丁卯諭內閣福建海壇鎮總兵黃進平臺灣鎮總兵曾玉明閩粵南澳鎮總兵顏青雲福建臺灣道丁曰健臺灣府知府陳懋烈均著開缺來京交該部帶領引見○諭軍機大臣等戶部奏山西河南湖北四川陝西應解成祿軍營月餉各數千兩前經奉旨令各該督撫酌定數目籌解四川應解甘肅新疆等處月餉除鶴齡軍餉外每月再籌銀三萬兩解到時由楊岳斌分撥至成

祿出關後餉銀擬再由山東地丁項下按月撥解五千兩各等語。該提督現在進攻肅州需餉甚急。若令停兵待餉。勢必譁潰堪虞。卽著官文崇實駱秉章李鶴年曾國荃劉蓉趙長齡王榕吉將應解該營月餉數千兩趕緊籌定數目。一面奏聞。一面派員按月解赴成祿軍營交納。並著崇實駱秉章仍遵前旨。將每月解甘之三萬兩迅速按期撥解。楊岳斌於川餉解到時。務當酌量緩急。與成祿分撥應用。毋令缺乏。該提督出關後軍餉尤關緊要。著閻敬銘於山東地丁項下按月撥銀五千兩解交成祿軍營以濟要需。將此由五百里諭知官文崇實駱秉章楊岳斌閻敬銘趙長齡李鶴年曾國荃劉蓉成祿並傳諭王榕吉知之。○戊辰夏至祭

地於

方澤。遣醇郡王奕譞恭代行禮。○諭內閣。軍機處等奏驗收剝運船米。請飭直隸迅解船隻

一摺。直隸沿河各州縣從前失修缺額船二百九十餘隻。限令本年正月間一律照數賠補。乃逾限已久。各州縣仍未交齊。此外尚有應解抵補船七百六十餘隻。交者更屬寥寥。當此運務喫緊之時。豈容各該州縣任意延宕。著劉長佑嚴飭沿河各州縣將應交船隻勒限一律交齊。解赴天津應用。儻敢再有貽誤。卽行從嚴叅辦。○諭軍機大臣等。穆圖善奏收復靈州。並省城變亂通籌西北大局情形。各一摺。靈州回弁馬朝清捐交銀米繳械投誠。經穆圖善派令佐領豐紳等前往收復州城。委知縣尹泗等代理。知州參將等缺並查明該回民金積堡並無私藏器械。現在漢民歸業甚眾。均各安堵如常。辦理尚妥。卽著穆圖善楊岳斌督飭該處地方文武將撫恤難民清查地畝一切善後事宜妥速籌辦。以期各安生業。所陳省城標兵因餉譁變各情與楊岳斌前奏大略相同。其河狄各回撲犯

省城亦經林之望奏及疊經有旨諭令楊岳斌催督曹克忠帶兵進援並據奏稱曹克忠業已啟行該督親赴鞏昌辦糧接濟卽著催令該提督徑赴蘭州撫定羣情次第將省外回氛實力掃蕩綏靖巖疆穆圖善所稱陝甘回眾宜分別招撫楊岳斌前赴涇州時陝回於途中遞稟投誠該督不肯批准該回眾逾數萬到處剽掠以致鹽固等處逆氛徧地等語朝廷於回眾本無歧視如果真心悔罪自

當予以自新惟陝回竄甘者陝省既不能相容甘省自當妥籌安插著楊岳斌劉蓉恪遵前旨悉心籌辦以期節餉休兵毋得偏執平涼各縣回民均由馬朝清代遞稟呈乞撫穆圖善擬委曹熙帶馬朝清馳赴各路相機妥辦並著該將軍總督等和衷商辦毋致勒撫兩歧將此由六百里各諭令知之○又諭穆圖善奏請催各省協餉等語穆圖善軍營及接管都興阿各營所需月餉各省欠解甚鉅

深虞譁潰所有穆圖善軍營山西陝西每月各應解之二萬兩四川應解之一萬兩陝西月解西蒙克西克營之三千兩山西月解新募楚勇等營六千兩著該督撫等務須設法源源接濟按月撥解其都興阿各營每月應由山西藩庫解銀一萬五千兩河東道解銀二萬三千兩湖北解銀二萬兩兩淮解銀二萬兩山東解銀一萬兩並著各該督撫按月籌解穆圖善軍營不得稍有延誤各該省從

前歷欠穆圖善營及都興阿各營月餉仍各先籌撥五萬兩迅速委解以濟要需至四川每月應解之鹽貨釐金項下銀一萬兩嗣後著由川徑解甯夏軍營交納無庸解陝西藩庫其從前已解陝西之項並准由穆圖善提解來營應用將此由五百里諭知官文穆圖善崇實駱秉章李鴻章曾國荃閻敬銘趙長齡劉蓉並傳諭王榕吉知之○以記名總兵官鞠耀乾為福建海壇鎮總兵官楊政謨為

閩粵南澳鎮總兵官○以查辦黑地升科出力。予順天知州毛慶麟等加銜開復有差○己巳。

上復詣

大高殿祈雨壇行禮○遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕誨詣

凝和廟禮親王世鐸詣

覺生寺睿親王德長詣

黑龍潭賽因諾顏親王達爾瑪詣密雲縣

白龍潭拈香○諭內閣現在記名水師總兵

人員將次用竣著兩江閩浙兩廣總督於水

師副將內遴選堪勝水師總兵者各保奏數

員迅速送部引見候旨記名以備簡用不得

以無員可保一奏塞責其水師參將遊擊都

司守備各員如有材藝出眾打仗屢著勞績

者並著覈實開單具奏○又諭徐宗幹奏武

職大員子弟鄉試獲中訪有情弊請斥革究辦一摺福建臺灣鎮總兵曾玉明之子曾雲登曾雲書於上年福建甲子科鄉試中式舉人經該撫及提調監試司道各員訪查曾雲登等素不能文恐有情弊傳提來省訊究乃該鎮託詞業已內渡延不到案顯有徇庇情事前任臺灣鎮總兵曾玉明著暫行革職勒令將伊子曾雲登曾雲書交出解省究問曾雲登曾雲書均著革去舉人交左宗棠拘拏

到案嚴訊確情按律定擬具奏曾玉明有無主使作弊別情及徐宗幹等失察處分著俟定案時聲明請旨尋奏遵訊曾雲登曾雲書因弟兄號舍相聯商默舊文獲中尚無槍替懷挾等弊應照士子越號換寫文字例減一等科罪曾玉明有心徇庇業經革職應無庸議監臨提調等均無失察之咎請免議處下部議從之○庚午盛京將軍都興阿奏軍務需員請將內外各城所出協領防守尉等缺

暫行變通挑補。俟軍務告竣。仍照舊章辦理。允之。○辛未遣官祭

關帝廟。○諭軍機大臣等。楊岳斌奏。崔逆分竄陝疆。分軍會擊。並陳現在局勢一摺。逆匪崔三竄擾鳳岐。經陝軍擊退。旋復回竄甘境。現又有回逆馬隊。由華亭所屬馬峽口小道橫突而過。勢復東趨。該逆食匱計窮。時思竄擾陝疆。以圖狂逞。汧隴一帶。前經劉蓉派令蕭德揚等分投防守。蔣凝學所部楚軍。前由

邠長徑趨涇州。計已到防。著楊岳斌。劉蓉。卽飭各軍聯絡聲勢。探明賊蹤。合力兜擊。毋令闖入陝疆。復形滋蔓。並著楊岳斌。責令譚玉龍迅速進兵。將隆德縣城力圖攻拔。節節掃蕩。疏通糧路。孫義漳馬澂甲等。既有反正之意。自當暫示羈縻。俾免與各股逆匪勾結。楊岳斌仍當妥籌防範。毋稍大意。平涼地方。雖有沈大興數營扼紮。恐兵力尚單。現在靈州回弁馬化澄。已經投誠。東北一路漸次綏定。

著穆圖善仍遵前旨。酌撥兵勇。分紮鹽固等處。與平涼官軍互相策應。以免賊匪再圖窺伺。曹克忠一軍。現在曾否進省。楊岳斌現赴鞏昌籌運軍糧。務當源源解濟。俾免匱乏。省城一帶。羣回環伺。應如何分兵防勦之處。並著妥籌布置。毋稍疏虞。將此由六百里各諭令知之。○予甘肅西峰鎮陣亡守備楊正興祭葬。世職加等。○壬申。以故輔國公奕櫟子載燦襲爵。○予安徽廬州殉難參將裕昌祭

葬。世職。○癸酉。諭內閣。前因御史劉慶泰奏。淮南棧商何銑包課壟斷。虧項未繳。加引減釐。致每年軍餉少收十餘萬兩等情。當經諭令李鴻章認真查辦。茲據該署督將所奏各情查明覆奏。此案商人何銑承運江甘高寶四岸食鹽。輒於同治元年以後。溢運倍於引額。行走徑出高寶內河。避卡帶私。經曾國藩劄司查明。勒令罰捐銀二十萬兩。其每引扣錢一百七文。加另派數十文。以作棧用一節。

亦卽於罰捐項內完案其泰屬浮收牌價三萬餘串並經該署督提充金陵善後經費至所稱何銑勒令外販豫付鹽價那作本身販鹽之用及瓜州開設鹽店泰州小香岫公廟修造苛派小商各情均無確據惟該商人久辦鹽務計善彌縫玩法營私在所不免何銑著卽革去同知職銜仍責令將前罰未完之銀十二萬八千兩勒限如數完繳解交內務府備用一俟罰款繳清由李鴻章派員解回

原籍交地方官嚴加管束不准復行充商其原參商人嚴少棠卽嚴思誠等訊無通同作弊情事著無庸議○諭軍機大臣等富明阿奏查勘西路情形並將山口竄出賊股截勦獲勝仍催兵進山勦辦一摺富明阿於四月十五日由省督師馳赴西路八驛沿邊一帶查看賊情催兵前進賊匪由赫爾蘇蛟河等處竄出經富明阿派令春壽等會同阿里雅遜等奮勇進勦追入奉省之買賣街地方共

斃賊三百餘名勦辦尚為出力該將軍現在輝法河北紮營相機調度仍著督催大軍進山按捕務期淨絕根株毋留遺孽都興阿前已督兵起程查看各處情形卽著與富明阿會商進山勦賊之方合力夾擊俾免此等彼竄吉林餉項不敷前經諭令戶部指撥各省協餉未到以前由盛京庫存俸餉銀內或由上年部撥勦匪軍餉內先行酌撥十數萬兩知照吉林將軍派員領取著都興阿懍遵前

旨源源撥給以資接濟俟各省銀兩解到時卽行撥還歸款另片奏派協領三隆查拏逃弁玉山等一月有餘未傳一名到案其平日因循廢弛把持公事已可概見該將軍已將三隆所轄各處差使裁撤勒限嚴拏如逾限無獲卽著從嚴參辦以儆玩泄將此由五百里各諭令知之○命候選道員胡允林發往雲南交總督勞崇光巡撫劉嶽昭差委○以吉林勦匪獲勝予總管阿里雅遜以副都統

簡放。賞副都統春壽巴圖魯名號。委前鋒校巴彥班珠爾五品銜花翎。餘加銜開復有差。

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十六

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十七

教修

同治五年丙寅五月甲戌諭內閣御史朱鎮

奏廣東濱海州縣每於海潮退後水涸成灘名曰沙地紳衿據為私產請飭清查丈量以裕國賦而免侵漁等語著兩廣總督廣東巡撫嚴飭濱海各州縣將此項沙地認真丈量悉數造冊計畝升科毋任該紳等壟斷弊混其州縣各員果能辦理妥善並准仿照近畿辦理黑地章程奏請獎敘 諭軍機大臣等圖庫爾奏營盤被陷塔城失守潰兵應紮何處請給棍噶扎勒參關防廣鳳奎昌奏塔城

失陷呼畢勒罕等帶兵移至烏梁海等處派員開導攔阻各摺片覽奏曷勝憤懣塔城被困日久該逆突於二月初七日糾同哈薩克撲陷官軍營盤旋於二十六日攻破城池圖庫爾有帶兵之責乃於賊匪攻撲塔城並不趕緊救援以致城池失陷實屬咎無可辭著先行交部嚴加議處圖庫爾既聞塔城失守之信卽應商同棍噶扎勒參督率官兵力圖克復乃竟帶領厄魯特等移至科屬烏梁海

土爾扈特地方竟置塔城於不顧尤為荒謬棍噶扎勒參從前勦賊頗能得力業經有旨賞給呼圖克圖名號此次因病移營遂至失利尚屬可原著圖庫爾卽行商同該呼圖克圖統率厄魯特蒙古官兵迅回舊地挑選精銳規復塔城力圖自贖儻再遷延不進定將圖庫爾從重治罪決不姑寬武隆額前給棍噶扎勒參關防著准該呼圖克圖執掌以資統帶圖庫爾等移營西進需用糧食軍火等

項著廣鳳奎昌迅籌撥給俾利遄行塔城被困年餘明誼麟興車林敦多布廣鳳奎昌坐視鄰境之危並不設法援應以致終於淪陷亦屬有負委任著傳旨嚴行申飭現在塔城既失難保該匪不伺隙東趨烏科兩城防守亦關緊要著明誼廣鳳等豫籌布置嚴密防維毋稍疏懈塔爾巴哈台參贊大臣已簡放德興阿未到任以前令李雲麟署理李雲麟係棄瑕錄用之員尤當激發天良勉圖報稱

著卽率同圖庫爾等迅速前進規克塔城布爾和德德克吉訥均在科境並著幫同李雲麟等前赴塔城辦理勦匪事宜不得遷延觀望致干重咎將此由六百里各諭令知之○又諭前因西路軍務緊急疊經諭令成祿整隊出關迅速應援茲據廣鳳奎昌圖庫爾等先後奏到塔爾巴哈台城被回匪攻陷厄魯特人眾逃至科城並風聞伊犁大城有失守之信關外情形日益糜爛成祿奉命西征為

日已久乃因肅州未復節逗遛楊岳斌身任兼圻勦辦回匪是其專責並不選派勁旅協同成祿規復肅州以致關外各城援絕被陷楊岳斌成祿均著傳旨嚴行申飭楊岳斌計已行抵鞏昌著卽飭曹克忠馳赴蘭州妥籌布置並選派得力兵勇前赴肅州一帶勦洗催令成祿迅速出關將各路回匪次第掃蕩儻再玩延必將成祿重治其罪懍之本日有人奏楊岳斌人甚樸忠辦事認真惟風聞

甘省兵變為楊岳斌發餉不均偏袒楚勇所致等語該督身膺重寄所部營兵自當加意拊循推誠布公方可收同心禦侮之效斷不可稍存歧視致眾兵解體貽誤事機將此由六百里各諭令知之又諭前因新疆軍務緊要曾經諭令王榕吉籌辦軍火米麵由綏遠城運至烏里雅蘇台交明誼等撥給應用旋據王榕吉奏稱先後撥解馬槍一千桿烏槍五百桿並刀箭鉛丸火藥等件分起解綏

又動碾清水河廳倉穀四千石就近由綏轉運赴烏茲據圖庫爾廣鳳奎昌等先後奏稱塔爾巴哈台城被回匪攻陷圖庫爾收集潰散並厄魯特蒙古七千餘人退至科布多境內該城存項無多不敷分給兵勇及蒙古人眾日有餓斃待哺罄罄亟須迅籌接濟著趙長齡卽將各省解到新疆餉銀並晉省應協之餉迅速派員解赴綏遠城咨照該城將軍剋日設法轉運烏城由明誼等撥解科布多

發給圖庫爾等以拯飢困其軍火米麵並著再行添籌若干陸續趕解不得稍分畛域致誤要需所有購辦軍火米麵等費卽由晉省協餉項下劃扣作正開銷新疆各城大半淪陷須由科布多轉運糧餉以便圖庫爾等力圖恢復趙長齡務當顧全大局隨時解濟毋稍膜視將此由五百里諭令知之江西巡撫劉坤一奏派員查辦齋匪得旨辦理保甲查拏齋匪惟在督飭各員認真督辦毋得數

行了事並飭令段起將封禁山確查挖勘以絕根株其何明亮等募勇到時並著勤加操練以資得力 調正黃旗漢軍都統福興為察哈爾都統察哈爾都統阿克敦布為正黃旗漢軍都統以鑲紅旗蒙古都統景壽署鑲紅旗漢軍都統 賞六品頂帶德興阿副都統銜為塔爾巴哈台參贊大臣未到任前以庫爾喀喇烏蘇領隊大臣李雲麟署理 賞太僕寺卿奎昌副都統銜署科布多參贊大

臣以哈密幫辦大臣明瑤署科布多幫辦大臣 補行同治四年大計東河不謹官一員。浮躁官一員處分如例 予塔爾巴哈台陣亡參贊大臣武隆額祭葬世職如都統例謚威毅 追予江蘇江甯殉難將軍祥厚等建立忠義專祠 乙亥諭軍機大臣等兆琛奏規畫貴東軍情馳赴玉屏勦辦一摺湖南晃州至貴州鎮遠二百里間苗寨林立該藩司現擬馳赴玉屏分屯鎮遠先勦清江各寨然

後進攻台拱之賊所籌尚妥著即趕緊進兵實力勦辦俟清台克捷該藩司即會同周洪印天柱之師由鎮遠一帶鼓行而西勦撫兼施自不難迎刃而解並著飭令李元度迅即由銅仁進勦思南石阡教匪節節掃蕩期與劉嶽昭西路各軍聲息相通併力攻勦毋得逗遛觀望坐失事機荔波一帶踞匪甫於上年冬間擊退何以縣城猝被竄陷該逆復以大股圍攻獨山州城此路若再隔絕則楚省

運餉赴黔無從繞道黔省必更形危困著張亮基速派得力之師剋期援救並將荔波一城力圖收復以期疏通要路不得以餉絀兵單藉詞支飾劉嶽昭仍當恪遵前旨將黔西大定畢節各處土匪迅速掃除即行赴滇任事以重職守將此由五百里諭知劉嶽昭張亮基並傳諭兆琛知之 又諭總理各國事務衙門奏接據榮全咨稱伊犁大城於正月二十二日失守合城官員殉難現等恢復等

語伊犁大城困守已久終以援兵不至為賊攻破明誼等坐視鄰封之危不思設法援救實堪痛恨現在榮全文稱俄國來文俄官不日帶兵數千名同往收復並有俄兵數十名結隊陸續前來之語該國於伊城危急之時未允借兵忽於伊城失陷之後慨許助剿其居心已可概見若非中國力圖自強迅速派兵前往會剿不足杜其覬覦之心本日已令庫克吉泰督辦新疆北路軍務並令神機營

王大臣直隸總督挑選旗綠各營精兵數千前赴科布多聽候庫克吉泰調遣惟道路遼遠庫克吉泰由廣東副都統升任西安將軍一時尚難行抵新疆明誼麟興車林敦多布廣鳳奎昌明瑤務當就現有兵力將烏科兩城防守事宜妥籌布置麟興並遵前旨將調到蒙古官兵趕緊訓練剋日統帶前赴李雲麟等軍營妥籌規復伊塔各城現在事勢已急所調蒙兵亦不拘定六千之數致滋遲誤

伊犁將軍已令榮全署理榮全未回以前即著李雲麟暫行代辦將伊城潰散兵勇設法拊循招集重振軍威塔爾巴哈台城即責成李雲麟圖庫爾等督同呼圖克圖棍噶扎勒參統率厄魯特等蒙兵迅即前進力圖攻拔一俟塔城收復即行合兵進規伊犁為次第埽蕩之舉廣鳳奎昌明瑤仍遵昨日諭旨將圖庫爾等糧食軍餉籌畫撥給毋稍歧視至各省指撥伊城餉銀已諭令戶部咨催各該

督撫迅解烏里雅蘇台由明誼等酌量緩急均勻撥用毋庸再行借由俄站轉解致有他虞新疆全局糜爛非南北兩路合力進剿不足大挫兇鋒著楊岳斌懍遵昨日諭旨迅派得力兵勇前赴肅州一帶剿匪以便成祿迅速出關將各路回匪以次埽除儻成祿仍事稽延必當重治其罪鶴齡一軍本為出關之用曹克忠抵省後即可騰出此軍西行助剿著楊岳斌相機調派毋稍玩延將此由六百

里各諭令知之 又諭昨據廣鳳等奏塔爾巴哈台失陷本日復據總理各國事務衙門奏接據榮全咨稱伊犁大城失守等語新疆回匪變亂以來幾及兩載各城困守待援前調成祿等軍出關勦賊又因甘省肅州一帶回氛未靖節節掃蕩未能剋期前進且即出關以後尚須將哈密一帶賊匪勦除方能西進亦屬緩不濟急因思烏科兩城為北路屏蔽現在伊塔兩城既經失陷若不迅調勁旅

前往勦辦難保該逆不駁駁東犯大局益難收拾庫克吉泰前經簡放西安將軍現在行抵何處即派該將軍督辦新疆北路軍務取道草地由烏科兩城進發神機營兵及直隸綠營官兵素經訓練勦賊必能得力即著神機營王大臣劉長佑商同將旗綠各營共湊調兵二三千名派員管帶由北路草地前赴科布多聽候庫克吉泰調遣所需軍火器械等件著該王大臣及該督妥籌應付以便適

行甘肅甯靈現已安定情形稍鬆著穆圖善先其所急挑選精兵一二千名遴派得力將領即由甯夏北路取道出口馳赴科布多會齊一併歸庫克吉泰調遣不得稍有延誤穆圖善辦理招撫事宜何時可以竣事能否酌留兵勇彈壓甯靈等處降回而自率精兵與庫克吉泰會勦並著該將軍通盤籌畫奏明辦理將此由六百里各諭令知之 又諭伊城業經失陷自應迅圖規復以冀挽回西陲

大局關內之兵相距遠雖經疊催成祿等剋期出關恐其到尚需時本日復諭令烏里雅蘇台選撥蒙兵由該城大員統帶前往俄國既肯借兵合力進取更可易於集事榮全到俄已久情形諒必熟悉所籌內外交涉事宜頗中肯綮伊犁將軍即著榮全署理以重事權著與俄國帶兵官斟酌機宜慎籌辦理儻俄兵即日啟行著即趕緊會合前進迅克伊城如俄兵一時未齊榮全亦可先回伊犁

邊境接辦本任事務將潰兵散勇迅速招集以期復整軍威再圖埽蕩其中進止機宜務須審機度勢以策萬全現存喀帕兒庫內及斜米等處餉銀既經榮全派員會同俄官看守自必妥協此項餉銀轉輸非易如有急需之處准由榮全酌量提用毋得稍事虛糜將此由六百里諭令知之 又諭俄官當伊城未失之先於中國借兵一事枝梧日久延不肯發一聞伊城失守之信即允帶兵數千同

往恢復其助勦之真偽殊難深信伊城與俄國地界毗連現既為賊所踞易起俄人侵占之心難保不以借兵為名從中取利現已有旨令榮全署理伊犁將軍榮全自當審度機宜妥為駕馭既須示以至誠尤須加意豫防俾免別生枝節本日所寄該署將軍諭旨因其現居俄境未便將此意示悉致為俄國所知即明誼等亦未便以此意宣諸公牘咨會榮全本日所寄榮全諭旨印封一件係由烏

里雅蘇台轉遞即著明誼揀派能事委員二人藉齋遞諭旨為名將接到印封齋送俄境交付榮全拆看並將潛防俄人之意由委員面向榮全密行口傳令其外示羈縻內籌防範不可稍涉大意至榮全隻身寄居俄境如果俄人別生覬覦非空言所能禁止著明誼密飭派往委員傳知該署將軍相度機宜先行馳赴伊犁邊境收集潰兵遣勇整練成軍一面約會俄兵進勦李雲麟亦即統率所

部迅拔塔城會同麟興督催蒙兵前赴伊城與榮全合力規復伊犁中國兵力既厚則俄人覬覦之心自消將來克城之後俄人亦不得專為彼功尚可就我範圍易於收拾李雲麟代辦伊犁將軍事務尤當迅速圖功力顧全局不得遷延觀望坐誤事機總理各國事務衙門摺一件並另寄榮全諭旨一道均著鈔給明誼李雲麟閱看將此由六百里各密諭知之 以正紅旗漢軍副都統裕瑞為正

白旗蒙古都統調正白旗滿洲副都統穆隆阿為西安右翼副都統以安徽捐輸軍餉永廣潛山縣學額七名六安舒城英山三州縣各四名霍山縣三名予山東東平等處陣亡殉難紳民婦女五百八十九名口分別旌卹如例丙子轉理藩院右侍郎英元為左侍郎以內閣學士魁齡為理藩院右侍郎以鑲白旗漢軍副都統廣科為正白旗護軍統領調鑲紅旗漢軍副都統穆輅為正

白旗滿洲副都統以乾清門侍衛岳林為鑲紅旗漢軍副都統塔爾巴哈台參贊大臣德興阿為正紅旗漢軍副都統添鑄伊犁盤蛇驛東西界官各圖記從將軍明緒請也○追予江蘇江甯駐防旗營殉難佐領廣慶等官紳婦女一萬四千二百十八員名口分別旌卹加等予山東疊次陣亡把總朱啟勝等二十六員祭葬世職丁丑諭內閣京師自春及夏雨澤稀少節經設壇祈禱雖得雨

數次尚未深透因思刑部及順天府現在收審人犯或因日久未經定案因圖羈禁以致疾病顛連情殊可憫著該衙門督飭承審各員將已結未結各案逐一清查其有情節可矜甚至含冤莫伸務當悉心推求即予平反至問徒以下輕罪人犯及干連傳案待質者立予清理分別省釋毋任稽遲積壓拖累無辜此外尋常案件並著速行審結毋稍遲延以期感召

天和甘膏渥沛該衙門即遵諭行兵部等部奏遵議泰甯鎮總兵官文俊違例乘輜役使官兵應降三級調用不准抵銷易州知州夏子齡承辦各圈豆草任聽折價以致書吏舞弊應降一級調用准其抵銷從之以委散秩大臣寶全署鑲紅旗蒙古副都統鑲藍旗滿洲護軍參領璟德署正紅旗漢軍副都統緩徵山西解絳汾陽臨汾四州縣上年歉收地方民借倉穀戊寅以內閣學士衍秀

為泰甯鎮總兵官兼總管內務府大臣○追予浙江杭州陣亡殉難道員彭斯舉等官紳婦女五百三員名口分別旌卹如例○己卯○以內閣學士伍忠阿署鑲紅旗蒙古副都統○以廣東督糧道郭祥瑞為按察使○以廣東連平守城出力賞同知顏培豫等花翎衛千總銜江啟蓉等藍翎餘加銜升敘有差○予廣東東江陣亡把總楊德貴等祭葬世職加等○豁免廣東嘉應鎮平平遠陽春信宜

五州縣被擾地方節年未完錢糧 庚辰諭內閣御史汪朝榮奏被兵新復地方亟宜招徠墾荒一摺東南數省半遭兵燹農民類多失業各地方官於收復後勒限催科而於勸民墾荒事宜往往虛應故事殊非重農足食之道亟宜認真勸諭加意招徠惟各直省情形不同辦理自難一致著各該督撫因地制宜妥議章程廣為招墾按荒熟之成數定屬員之舉劾務使實力奉行以拯民困而盡地

利 盛京將軍都興阿奏查看沿邊地勢相機擒捕得旨李洛萬餘孽現在逃竄著飭認真擒捕毋稍疏懈園場會勘事宜著與富明阿妥商辦理即照所議趕緊製造鍋帳安設轉運糧局務當斟酌情形派兵進山擒捕分別良莠妥為曉諭安撫 辛巳

孝恭仁皇后忌辰遣官祭

景陵○諭內閣京察記名人員將次簡放完竣著內閣部院各衙門於京察一等未經記名

各員內遴選才具優長者出具切實考語保送由吏部帶領引見○諭軍機大臣等曾國荃奏續招新軍到鄂趕緊訓練赴防請裁後路西路各營以節餉需一摺提督郭松林道員彭毓楠所募湘勇七營現已到鄂其餘各營六月均可到齊曾國荃擬趕緊訓練即檄進紮隨州唐縣鎮仍著官文曾國荃和衷商推妥協辦理協領喜昌等所帶各營既難得力自應裁汰以節餉需惟各營人數眾多概

行遣撤或恐別生事端且其中亦未必盡屬羸弱若選其精壯分別去留東以新規去其舊習未始不可收轉移之效並著官文曾國荃妥籌商辦務使兵歸實用餉不虛糜其既遣之勇斷不可令其復來應募其滿綠各營並著一體操演未可專恃招募致成冗軍從前湘勇由各路潰回者甚多此次新招之軍亦不可令其應募官文曾國荃務飭各營嚴密稽察毋任濫充滋弊將此由五百里各諭

令知之 又諭劉蓉奏回逆大股復竄隴州另以騎賊繞竄鳳翔請飭穆圖善等派兵會勦請將出力之鎮西軍彙案保獎各摺片逆回馬生彥孫義漳等糾集靖遠靜甯等處巨股眾約三四萬人陸續竄至隴州經劉蓉派令蕭德揚黃鼎等迎擊屢獲勝仗該逆馬隊分股由麟遊繞至鳳翔勢頗蔓延隴州各軍被賊隔斷駁駁有內竄腹地之勢劉蓉現飭劉厚基率親兵五營折赴鳳翔並令蕭慶高

率湘果三營趕赴寶雞著卽催令該二軍趕緊前進迎頭截勦隴州賊眾兵單該撫務當督飭蕭德揚等奮力堵勦毋稍大意此次賊眾傾巢犯陝計圖大逞較之各聚一隅似易殄滅惟陝省止此兵力若任其內竄又將不可收拾著穆圖善先撥金順帶領得力馬隊由定邊取道邠長馳赴鳳翔隨卽分撥步隊繼進竄甘逆回現俱棄城挈眷回竄陝境甘省情形稍鬆著楊岳斌先撥駐秦州之王得

勝一軍由蓮花城趨赴隴州仍抽調各路得力勁旅親督會勦務須趁各逆首燭聚之時合力兜勦以收聚殲之效劉蓉另片奏甘回董幅詳等竄踞安化屬之棗子礪等處同知鄔太愚等越境會勦屢次獲捷鎮西軍疊次冒險遠征勞績尤著所有尤為出力員弁著劉蓉彙案覈實保獎毋許冒濫將此由六百里各諭令知之 又諭圖庫爾等奏前往科布多調兵一摺塔爾巴哈台失陷亟應派兵

進勦現在呼圖克圖棍噶扎勒參阿隆阿前赴科布多請兵援勦以圖恢復該呼圖克圖志切同仇殊堪嘉尚卽著廣鳳奎昌明瑤趕緊調撥兵弁交李雲麟督同棍噶扎勒參等剋日進勦毋稍遲延所需糧食軍火等項著廣鳳等懷遵疊次諭旨迅籌撥給塔城被難逃出之七千餘眾廣鳳等務當妥為安置毋令失所滋事圖庫爾本有應得之咎若不亟圖補救奮勉立功其罪更不可逭卽著統兵前逃毋許徒託空言李雲麟代辦伊犁將軍事務又任參贊尤當督率圖庫爾等迅速進兵將塔城相機恢復毋為不負責任前諭明誼等調撥蒙兵交麟興統帶規復伊塔各城現在是否調撥殊深廛念明誼車林敦多布務當迅籌挑選不許任意遲延麟興於蒙兵訓練成軍後剋日統率赴李雲麟軍營會商辦理阿隆阿布爾和德均著隨同李雲麟圖庫爾進勦不准遲延觀望致誤事機將此由

六百里各諭令知之 予湖北疊次陣亡都司何天壽等二十三員祭葬世職 予甘肅隴州陣亡參將蕭玉田參領恩祥祭葬世職加等 撥四川山西湖北司庫銀各五萬兩解赴陝西省城以備軍需 壬午

上復詣

大高殿祈雨壇行禮 遣惇親王奕諒恭祀

天神壇鍾郡王奕詒恭祀

地祇壇孚郡王奕譔恭祀

太歲壇豫親王義道詣

時應宮鄭親王承志詣

昭顯廟順承郡王慶恩詣

宣仁廟貝勒載治詣

凝和廟禮親王世鐸詣

覺生寺睿親王德長詣

黑龍潭賽因諾顏親王達爾瑪詣密雲縣

白龍潭拈香 諭內閣本年京師自春及夏

雨澤愆期節經設壇祈禱並諭令刑部順天

府清理庶獄數日以來陰雲密布仍未得霽
聞澤意者民生之疾苦有所壅滯而未能上
達歟抑庶政之有闕失歟深宮循省實深悚
惕在廷有言責諸臣職司獻納凡有裨於國
計民生者其各據誠悃直言無隱以備採擇
毋撫拾陳言毋毛舉細故用副朝廷勤求治
理感召和甘至意又諭給事中白恩佑奏
禁卒陵虐囚犯請飭嚴查重辦等語禁卒陵
虐罪囚例禁綦嚴乃近來刑部禁卒人等仍

敢需索獄囚甚至私設編牀百端陵虐每遇
夏暑炎蒸往往因而致斃殘忍情形殊干例
禁卽著刑部堂官督飭提牢司獄等官隨時
稽察禁止如查有陵虐需索等弊卽將該禁
卒等嚴行懲辦儻提牢司獄等員知而不舉
著一併照例叅處○予熱河清河門陣亡防
禦富壽祭葬世職加等○癸未諭軍機大臣
等戶部奏遵查新疆伊犁餉銀請旨飭催並
籌撥庫克吉泰軍餉一摺新疆軍務緊要經

戶部先後奏撥新疆經費軍餉二百十一萬
兩專撥伊犁軍餉五十六萬兩疊經降旨嚴
催各該督撫仍未能源源接濟統計已解者
五十九萬六千兩未解者一百五十一萬四
千兩現在伊犁塔爾巴哈台等城均因餉需
不繼相率淪陷已令李雲麟國庫爾等收集
潰散重整軍旅力圖恢復並特派西安將軍
庫克吉泰帶領旗綠各營相機進剿需餉甚
鉅儻各該省仍前玩誤必至新疆全局淪胥

莫能收拾著劉長佑崇實駱秉章閻敬銘趙
長齡李鶴年各將未解新疆伊犁餉銀迅卽
籌款撥解除山西餉銀自行解交綏遠城轉
解烏里雅蘇台外其直隸山東河南應解銀
兩卽著解交山西由山西巡撫遞解烏城聽
候撥用至四川應解銀兩並著按月解交陝
甘總督酌量分撥均不准藉詞推延自干咎
戾庫克吉泰督辦新疆北路軍務餉需尤應
急為籌備著照戶部所議酌撥山西地丁銀

六萬兩河南地丁銀二萬兩山東地丁銀二萬兩以濟要需卽著趙長齡閻敬銘李鶴年如數籌撥遞解烏城聽候庫克吉泰提用毋稍延宕將此由五百里各諭令知之又諭李鶴年奏擒匪回竄豫疆被勒遁向曹考追截情形一摺張牛股匪由蕭陽竄至虞城邊境經宋慶等軍疊擊獲勝該逆潛向西北奔竄有趨曹考之勢意在避兵就食李鶴年現已檄令開陳許汝各地方官督率兵勇紳團

堅壁清野著卽飭令實力奉行務使賊蹤所至無糧可據以期日就解散黃河一帶礮船尤須勤加巡防以杜賊匪偷渡仍飭宋慶等軍跟蹤緊追毋任該逆喘息至曹考一帶與直隸山東地界毗連大名及濮范張秋等處黃河防務關繫緊要劉長佑閻敬銘當嚴督在防將士加意堵禦不可稍形鬆懈余承恩已帶所部赴豫劉長佑所籌填紮一軍共有若干著卽迅飭到防至賊蹤飄忽靡常往往

此勒彼竄非合數省兵力四面兜剿不足制其奔突著曾國藩劉長佑閻敬銘李鶴年各飭所部將士聯絡聲勢前截後追務令賊蹤所向到處有兵堵剿不可稍分畛域致誤事機正在寄諭聞據曾國藩馳奏彙陳各軍追剿情形並直東防軍分段設守各摺片張牛股匪由曹縣竄入徐淮復經回竄徐郡疊經劉東璋劉銘傳劉松山等軍接仗獲勝任賴等股由泗宿折竄永夏經周盛波並豫軍疊

次擊敗現在張牛股一竄至虞城以西任賴一股由桃宿竄入懷遠南渡渦河盤踞下蔡等處曾國藩現飭潘鼎新會同周盛波兩軍而一路劉松山會同張詩日等兩軍為一路專剿張牛股一竄劉東璋會同楊鼎勳為一路專剿任賴一股著卽分飭各該營將領視賊所向分路窮追務期殄滅淨盡並著喬松年督率皖軍會合劉東璋等將任賴股匪就地殲除毋任他竄鮑超一軍現在行抵何處並

著曾國藩酌度情形催令由信陽一帶迅赴豫境迎頭截擊以杜分竄所奏劉銘傳一軍改調徐州李昭慶各營分防韓莊濟甯暫資休息並潘鼎新楊鼎勳兩軍概作遊兵等情均著照所籌辦理直東兩省防兵互相攬雜心志不齊曾國藩現經議定自范縣豆腐店以上並東明長垣等處統歸劉長佑派兵設防自豆腐店以下並張秋東阿等處統歸閻敬銘派兵設防著卽迅飭直東防兵各歸汛地以專責成曾國藩現擬前赴宿遷等處查閱南路隄牆並著會同吳棠督飭地方文武加工修築以期保全完善將此由六百里各諭令知之以湖北天門京山兩縣隄工完竣復已革知府徐暢達職並賞還花翎餘加銜升敘有差以陵辱職官革河南副將蔣希夷職仍留營豁免浙江嘉善縣丈缺田畝攤徵銀米甲申兼管順天府府尹萬青黎等奏道查寶坻縣軍功王得仁並無與刑

書李四等狼狽為奸情事惟因挾嫌屢與堂兄王得祿互控殊屬不合應將八品功牌斥革繳銷大興縣采育司防守尉項三奎係由流犯蒙補官職應卽斥革民人高老搶奪財物有案應按律擬徒從之補鑄江甯布政使司理問日盈庫大使布倉大使各印信從護江蘇巡撫劉鄒膏請也乙酉諭內閣羅惇衍奏請飭各直省督撫保舉循吏以惠閭閻一摺直省道府州縣歷經各督撫遵旨將循聲卓著之員隨時保奏特予擢用者頗不乏人第恐惻怛無華之吏尚未能盡登薦剡著各直省督撫府尹於所屬府州縣內留心查訪如有盡心民事政績可紀為紳民所愛戴者卽臚列事實具奏候旨調取引見以備簡用該督撫等務當秉公保奏不得徒採虛聲或瞻徇情面僅所保各員內將來或犯有貪劣各跡惟原保之督撫府尹是問又諭羅惇衍奏請飭士民速葬親柩等語子孫久

淹親柩不葬本干例禁近來習俗相沿或因拘泥風水或因貧窶乏貲遂將親柩停留久不安葬問心其何以安著各該省督撫飭令所屬各州縣廣為勸諭務使士民咸知逮葬之義不得藉故淹留致干罪戾至軍務被擾地方屍骸暴露尤堪憫惻前曾諭令各省隨時掩埋仍著實力奉行並飭令各地方官與該處紳民將叢冢義莊酌量興辦醇郡王奏請督軍出口辦理防勦事宜得旨覽奏具

見惻忱可嘉之至惟東豫捻患尚未肅清北路防務未可稍懈若照該郡王所請迅發京兵八千名京畿重地未免空虛所有神機營現練馬步各兵著暫緩調撥其直隸吉林黑龍江等處如有可調之兵著神機營王大臣等議具奏候旨調派至西路各蒙古王公等應如何各令設防固守並派兵助勦之處均由該王大臣等妥籌辦理以直隸山海關練兵勤奮予佐領和明阿等升敘有差○丙

戍諭軍機大臣等楊岳斌奏營官倡亂率眾東潰請分別嚴辦並王仁和等軍接仗李助發敗挫情形覽奏曷勝焦急提督譚玉龍收領餉銀二萬九千兩僅發給各營一萬一千兩其餘銀數概行剋扣入己以致眾論沸騰又復縱令勇丁擄殺良民經楊岳斌派令王得勝接統其眾譚玉龍輒以奸詭之言聳動眾聽倡議向西安潰走總兵陳義挺身倡亂參將焦萬海等同聲附和譚玉龍遂乘夜率

領各營一併潰走雷正綰所部人數無多涇防各軍兵力未厚勢難阻遏此時恐已竄入陝境隴州鳳翔一帶本有回匪竄擾防勦當更喫重劉蓉務當督率兵勇嚴密堵截毋任紛竄各處蔓延為患陝省防兵本形單薄此時亟須添兵助勦前經諭令穆圖善調派金順馬隊並撥得力步隊馳赴鳳翔一帶應援著該將軍懍遵前旨迅即分撥馳往並於撥發金順等馬步各軍外添撥數營馳援陝省

以厚兵力不得推諉延誤慶陽張在山所部尚有十餘營能否酌撥數營赴陝著楊岳斌劉蓉酌量情形調撥涇防各營將士仍著劉蓉就近調度應如何阻截追勦與陝軍夾擊援應之處均由該撫相機辦理譚玉龍於所屬營官各給銀百兩將弁雖為所惑而勇丁則因其剋扣餉銀積憤甚深未必盡甘心反叛劉蓉當分遣明幹委員馳赴各潰勇營中剴切曉諭令其繳械解散各歸原籍一面將

附逆死黨分別勦辦至譚玉龍等業已煽眾潰變且有至西安另圖大事之語豈肯聽劉蓉傳訊余炳忠焦萬海係慫令譚玉龍謀反之人亦豈能僅以發遣了事記名提督譚玉龍總兵陳義參將焦萬海均著即行革職並已革參將余炳忠均著劉蓉設法擒獲就地正法秦州為糧運要路楊岳斌務須飭令在防將士嚴密防守不可再有疏虞致斷省垣生路現在蘭州情形究竟如何該督並未奏

及東路情形又復決裂如此實屬漫無布置若再不力圖補救挽回全局自問當得何罪總兵王仁和一軍護糧赴省於鎮羌等處疊次接仗雖弁兵頗有傷亡而糧石尚無疏失著楊岳斌飭令該總兵會同涼州鎮派援各營合力堵擊暢通糧道不得稍有疏虞李助發督勦張家堡一帶賊營業經獲勝乃於收隊之後突被另股賊匪橫衝該營官等不察號令臨陣慌亂以致李助發受傷兵勇傷亡

不少實堪痛恨所有營官李春海陳正榮即著楊岳斌嚴行叅辦以肅軍令都司雲從龍著即行革職暫准留營效力以贖前愆曹克忠現由馬營前赴蘭省即著楊岳斌嚴飭該提督迅將省城收復曹克忠到省後鶴齡一軍即可飭令西行會合成祿所部呈速出關毋任延緩將此由六百里各密諭知之○又諭吳棠奏清淮增兵防勦請飭山東省按月撥餉接濟等語張賴各股擒匪奔竄靡定江

北防務喫緊該處先後添募兵勇六千餘名
覈計每月需銀二萬餘兩清淮既無款可籌
江蘇省亦未能按月接濟若不寬籌餉項深
恐以飢疲之軍當竄突之寇稍有疏虞不特
震驚淮海更難保不搶渡運河擾及山東完
善卽著閻敬銘督飭藩司丁寶楨每月籌撥
銀二萬兩自本年五月起按月分批委員解
至清淮軍營交吳棠覈實支放以濟軍食閻
敬銘務當照數源源撥解毋得遲延推諉將

此由五百里各諭令知之予陝西張家堡
陣亡守備陳正洋外委蕭得堯等祭葬世職
加等丁亥諭內閣張亮基奏革員潛逃赴
京改名蒙捐請飭查拏解往貴州審辦等語
已革貴州候補府經歷縣丞蔣肇銓前在署
水城廳照磨並代理通判任內任性虐民無
惡不作經該撫調令赴省訊究竟敢招聚亡
命在水城一帶逗遛肆擾抗不進省復潛行
赴京改名蒙捐希圖漏網現據張亮基將該

革員被控劣蹟各款開單呈覽該革員貪酷
殘忍迥出情理之外著順天府五城一體嚴
拏務獲卽行遞解貴州交該撫歸案審訊從
重治罪以肅法紀諭軍機大臣等富明阿
奏擦勒山內股匪獲勝及詳查圍場流民情
形一摺吉林馬賊餘黨回竄山內經烏里布
等帶兵擦勒擒斬數百名餘賊逃向香鑪柵
子三道花園等處深山潛匿勢雖窮蹙惟匪
類尚多難保不復圖勾結伺隙出竄著富明

阿督飭烏里布等確探賊蹤認真擒捕以清
餘孽至山內挖金流民人數不少從前地方
官既不加察任其居住該流民等藉以謀食
日久亦尚相安據奏擬先除賊匪緩為設法
禁止糧米入山勢窮自必渙散等語流民數
千一經絕其生計豈肯束手待斃勢必流而
為匪富明阿務當察度情形妥籌安置之法
毋貽後患將此諭令知之又諭張亮基奏
川軍勦辦遵義號匪情形請留劉嶽昭專辦

黔中軍事並收復荔波縣城飭李元度等赴黔催解湖南欠餉暫留趙德昌在黔各摺片荔波為省城往來通衢必須派撥得力兵勇駐守張亮基務當妥籌布置不可稍涉大意黔省餉絀兵單防勦不敷分布並著兆琛恪遵前旨會同周洪印天柱之師由鎮遠等處迅速進兵仍嚴飭李元度一軍由銅仁進取期與黔省各營聲息相通併力會勦應需餉銀卽著李瀚章於欠解黔餉內源源撥解劉

嶽昭於克復綏陽後曾經諭令該撫由黔西一帶節節掃蕩疏通道路直抵滇省該撫何以不候諭旨執行回至川省殊屬麤率不曉事體現既帶兵回川若再令回黔不免徒勞往返劉嶽昭當懷遵疊次諭旨迅卽統率所部赴滇任事毋得在川逗遛致負委任黔省軍務張亮基責無旁貸卽著妥籌辦理不准稍涉推諉趙德昌前經張亮基奏請飭令赴川聽候崇實駱秉章差委並令趙德光暫署

貴州提督當照所請降旨施行茲據張亮基奏稱趙德光因帶兵勦賊未能兼辦提督事務並以紳士楊先茶等向該撫懇留趙德昌遂請將該總兵留辦平遠軍務實屬毫無主見自相矛盾張亮基著傳旨嚴行申飭趙德昌前此帶兵時久經署理提督何以趙德光卽不能兼顧所有貴州提督印務仍著飭令趙德光接署毋得任意違誤並著崇實駱秉章迅飭周達武趕緊赴黔接篆以重職守趙

德昌已據崇實等奏請無庸赴川著卽暫准張亮基所請留於平遠等處勦辦苗教各匪如再不知奮勉卽著張亮基據實奏參毋稍瞻徇將此由六百里諭知崇實駱秉章李瀚章劉嶽昭張亮基並傳諭兆琛知之 又諭張亮基奏拏獲齋送逆書之教匪訊明分別覈辦一摺據稱思南府屬塘頭地方拏獲賊匪侯守發鄧光見二名訊係教匪劉漢忠令其至川黔交界訪明伊父匪首劉祖祖面授

並稱湖北隨州及湖南近河各府從教人多。四川灌縣有周添雲接應其餘與逆書情節相同查劉祖祖即劉儀順四川涪州人先因傳教事敗逃入黔省白號賊巢糾合號匪疊次撲城經官軍痛擊潰逃聞在四川灌縣潛蹤又聞為甕安縣玉華山號匪接去至劉漢忠蹤跡據供向在湖北沙市販運桐油棉花時住沙市中街張姓店內各等語劉儀順稔惡有年為教匪中著名巨魁茲復令其子劉

漢忠託足江湖借貿易為名到處勾結黨與意圖倡亂直犯楚蜀實屬狡黠異常若不認真擒捕及早殲除必至釀成巨患著張亮基嚴飭各屬探明劉逆蹤跡嚴密兜勦並著官文崇實駱秉章曾國荃李瀚章各飭所屬將匪首劉儀順及其子劉漢忠並接應賊匪之周添雲等一體嚴密查拏不准一名漏網此事聞繫甚重儻該地方官有意彌縫敷衍了事不能認真查辦即著各該督撫據實嚴參

治以應得之罪如能破獲巨案消患未形亦著覈實保奏量予恩施從前川楚教匪滋事及粵匪倡亂皆因地方有司顛預粉飾釀成事端涓涓不塞將成江河各該督等務當引為前鑒也逆書一件供詞一件著鈔給官文等閱看將此由五百里各諭令知之以貴州克復大定等城出力賞副將李忠恕遊擊葉有貴巴圖魯名號同知龐金聲都司岑順洪等花翎知縣錢應桂等藍翎餘加銜升敘

有差以貴州克復綏陽縣城出力賞知府倪應復都司廖熙麟等花翎知州劉應陞等藍翎餘加銜升敘有差以克復貴州永甯州城並安順郎岱等處勦匪出力賞知府畢大錫巴圖魯名號候選郎中張秉銓守備柴思松等花翎把總戴榮宗藍翎餘加銜升敘有差予陣亡遊擊齊開勝等祭葬世職加等革防勦不力巡檢陳鵬飛千總曹世雄等職以克復貴州荔波縣城賞都司周大林等

花翎餘加銜升敘有差予陣亡署知縣候補
知府彭培垣祭葬世職加等建專祠知州吳
江參將范定邦訓導趙旭典史壽其仁等祭
葬世職加等一併附祀 予貴州黔西等處
陣亡知州羅澄鑑劉曾頤祭葬世職加等

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十七

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十八

教修

同治五年丙寅六月戊子朔

上詣綏履殿問

慈安皇太后安平安室問

慈禧皇太后安至丙辰皆如之○諭軍機大臣
等瑞雲奏涼州莊浪滿營糧餉不繼請借撥
銀兩並補造槍械請撥兵糧各摺片涼州莊
浪兩營數年兵餉久未支領月餉亦復不繼
兵丁相繼餓斃又值賊氛逼近萬難支持瑞
雲現於本營公庫存項內暫動銀二千兩杯
水車薪豈能濟事著趙長齡於山西協餉內

由歸綏道庫借撥銀五六萬兩以濟急需如歸綏道庫無款可借卽由山西藩庫照數撥給一俟瑞雲領餉委員到晉卽交該員迅速領解回營毋得稍分畛域瑞雲所稱照折章覈實支放及借款俟甘肅藩庫充裕分年抵充官兵俸餉扣留藩庫之處均著照所請行至兩營槍礮缺失甚多各官兵願於借撥俸餉內捐製一半派員赴晉採辦鐵斤殊恐緩不濟急著趙長齡先行撥給擡槍鳥槍刀矛

若干件以資操防該官兵月餉關繫緊要河西賊氛尚熾設有緊急豈能枵腹荷戈著楊岳斌嚴飭鎮番縣將歷次指撥兵糧解運涼州滿營四千石並於莊浪附近州縣積欠兵糧內勒限解運莊浪滿營二千石妥為存儲以備不虞毋許私那偷漏將此由四百里各諭令知之○以江蘇通州捐輸軍餉永廣學額五名○以廣西捐輸團練永廣鄉試中額二名懷集縣學額六名全州五名藤容平南

三縣各四名賓灌陽北流宜山思恩貴天保七州縣各三名鬱林河池東蘭興業融五州縣各二名橫歸順平樂恭城博白柳城天河桂平八州縣各一名○已丑諭內閣御史書文奏各省特交案件請飭嚴定章程迅速訊斷一摺各直省於奉旨交審之案自應遵照定章速行審訊近來積習相沿竟有拖至數年十數年案懸不辦者小民負屈含冤不能及早申雪卽兩造待質人證亦因此淹滯大

受拖累何以清訟獄而恤民生嗣後各直省督撫將軍都統府尹遇有京控發交案件務須迅卽親提悉心研鞫不得任聽承審各員捏稱人證未齊展轉延閣致滋弊端經此次通諭之後儻仍蹈從前積習任意遲逾不能依限訊結必將該督撫等從重懲處將此通諭知之○諭軍機大臣等前因回匪肆擾新疆各城勢甚猖獗當經調派神機營及直隸省官兵前往進剿旋以捻患未除京畿防務

緊要。降旨將神機營馬步各兵暫緩調撥。並諭令神機營另行籌調。茲據遵旨籌議具奏。即著富明阿調吉林馬隊五百名。交副都統全福管帶。特普欽調黑龍江馬隊五百名。派副都統安住管帶。廉至調察哈爾兵五百名。交參領達爾濟管帶。劉長佑調直隸兵一千名。棟員管帶。均取道張家口。前往科布多相機進剿。以上兵二千五百名。均交督辦新疆北路軍務庫克吉泰統帶。並派德興阿幫辦軍務。庫克吉泰未到以前。著德興阿迅速馳往科布多。先行統帶前項官兵。用資鈴束。所請飭調錫林郭勒烏蘭察布伊克昭等盟。及喀爾喀諸部落蒙古兵一千名。著德勒克多爾濟廉至。迅速簡調。此外尚有何部落之兵。可以調派。並如何嚴密布置。妥為分防之處。並著車林敦多布會同德勒克多爾濟悉心籌畫。奏明辦理。所調各兵。一併歸庫克吉泰等節制調遣。直隸兵如尚可添調。並著劉長

佑於一千名之外。再行酌量添調。張家口外一帶。為北路屏蔽。亦關緊要。著察哈爾都統副都統。除此次調撥兵五百名外。另簡精兵若干。認真教練操演。並察看扼要處所。趕緊設防。以期有備無患。將此由六百里各諭令知之。○又諭崇實賂秉章奏援甘川兵月餉。已經撥解一摺。鶴齡一軍月餉。節經崇實等由川陸續遣員解往。而甘省徧地回氣。餉道梗阻。所解餉項。難期運贍飢軍。且難保無賊匪及游勇截搶情事。著楊岳斌迅委委員節次迎提。俾川省餉銀早日到甘。撥解鶴齡軍營應用。免致遲誤。再川省運甘軍米。亦經崇實等派員解至畧陽。因甘省無人接運。復汧流而上。運至白水江一帶。惟該處運夫甚少。每日起岸無多。米艘停泊水次。日久恐致微變。並著楊岳斌剴飭藩司酌量情形。遴派幹員趕緊運甘。分運各營。以資軍食。嗣後川省應解甘餉。崇實等仍當源源接解。以濟要需。

將此由五百里各諭令知之○庚寅以甘澍
優霑

上詣

大高殿行禮報謝○遣惇親王奕誼詣

天神壇鍾郡王奕詒詣

地祇壇孚郡王奕譞詣

太歲壇恭親王奕訢詣

時應宮豫親王義道詣

昭顯廟鄭親王承志詣

宣仁廟順承郡王慶恩詣

凝和廟禮親王世鐸詣

覺生寺睿親王德長詣

黑龍潭貝勒溥莊詣密雲縣

白龍潭拈香○諭內閣御史夏獻馨奏各省

書役舞弊地方官有明知受其蒙蔽反代為

掩飾迴護者並有恃為腹心爪牙者該書役

人等或舞文鬻法或私拷示威或夤庇奸匪

或科斂民錢弊端百出請嚴剔衙蠹以除民

害等語著各直省督撫府尹嚴飭所屬認真

稽察如查有前項各弊即著將該書役從重

懲辦儻該州縣等官縱容徇庇即著該督撫

府尹等查明從嚴叅處所有各州縣書役衙

役除額增貳寫及幫役外不准任意增添並

將挂名替身書役名目一併嚴查禁革以清

弊端而肅吏治○諭軍機大臣等伯彥訥謨

祐等奏察看地方情形會商應辦事件酌擬

八條開單呈覽一摺所擬編查保甲嚴禁賭

博裁撤團會收繳軍械及修築堡寨定期會

哨添設員弁設立學校各節果能實力奉行

可以清盜源而安邊圉即著都興阿額勒和

布恩錫將奉天應辦善後各事宜按照所擬

條目事事認真籌辦總期杜漸防微力求整

頓不得有名無實吉林地方即著富明阿於

按捕事竣一體仿照辦理務令邊隅靜謐永

息亂萌以副委任其兩省會哨事宜並著都

興阿富明阿等會商妥辦毋得視為具文都

興阿奏邊內賊匪肅清。暫行回省。一摺。出邊要路新兵堡等處。已有劉景芳等軍分紮堵緝。都興阿自可回省辦事。惟三道花園柳灌巷地方。既據富明阿咨稱。尚有賊股待時蠢動等語。雖姜洛道業經拏獲正法。難保餘匪不思竄匿。仍著都興阿勤加偵探。會商富明阿實力擒捕。盡絕根株。毋留餘孽。將此由五百里各諭令知之。○又諭。左宗棠奏現擬試造輪船。並陳勦擒利用車戰各摺片。中國自

強之道。全在振奮精神。破除耳目近習。講求利用。實際該督現擬於閩省擇地設廠。購買機器。募雇洋匠。試造火輪船隻。實係當今應辦急務。所需經費。卽著在閩海關稅內酌量提用。至海關結款雖完。而庫儲支絀。仍須將此項扣款。按年解赴部庫。閩省不得輒行留用。如有不敷。准由該督提取本省釐稅應用。左宗棠務當揀派妥員認真講求。必盡悉洋人製造駕駛之法。方不至虛糜帑項。所陳各

條。均著照議辦理。至所陳勦擒宜用車戰等語。擒蹤剽疾。異常飄忽。靡定。日前鮑超曾有擬用獨輪車放礮之奏。能否合用。制勝尚未據該提督續陳行軍之道。全在因地制宜。將來仍須諭令曾國藩斟酌辦理。所論調派習戰營官。令赴豫秦一帶。挑選土著散丁。練成隊伍。赴甘聽用之處。事屬可行。卽著該督遴選得力營員。奏明調派。將此由五百里諭令知之。○以直隸勦辦邊外馬賊出力。予主事

全志等升敘。開復有差。○以浙江攻克南田盜壘。並水師巡洋出力。賞知府劉璈巴圖魯名號。遊擊梁得義同知郭定勳等花翎。把總張朝光等藍翎。餘加銜升敘。開復有差。予陣亡遊擊吳德華等十一員祭葬。世職加等。○追予奉天昌圖廳陣亡同知海威建立專祠。辛卯。福州將軍英桂奏。遵查駐防滿洲額馬一百二十四匹。分給旗兵。拴餵均屬臆壯。並無缺額。下部知之。○壬辰。以神靈顯應。加江

蘇宿遷縣

金龍四大王封號曰贊翊。○諭內閣前因雨澤愆期。諭令在廷有言責諸臣。於民生之疾苦。庶政之闕失。直言無隱。茲據御史佛爾國春奏稱。庶政闕失。過在百官。請飭內外臣工。恪盡職守等語。用入行政之權。操之自上。而彌縫匡救。亦賴臣工。現在庫款未充。賊氛未靖。朝廷勤求治理。惟日孜孜。爾內外大小臣工。其各矢慎矢勤。恪共厥職。毋蹈泄沓積習。

以裨庶政而迓祥和。○以正白旗滿洲副都統穆隆阿署西安將軍。未到任前。以左翼副都統圖明額暫署。○予福建詔安殉難紳民婦女一千餘名口分別旌卹如例。○癸巳。以光祿寺卿童華為太常寺卿。候補三品京堂徐繼畬為太僕寺卿。○甲午。諭軍機大臣等。總理各國事務衙門奏請飭催遣員田興恕赴戍等語。已革提督田興恕。前經崇實等委員於上年十月間押解自涪州起程。取道川

北解至陝西交替。轉解甘肅。迄今已逾半載。該革員行抵何處。何以未據續報。現據法國繙譯官赴總理各國事務衙門言及訪聞。田興恕仍在川省逗遛。與官員來往如常等語。果如所稱。是該地方官有意任其逗遛。視疊次嚴催諭旨。竟如弁髦。情殊可惡。著崇實。賂秉章查明。田興恕若尚在川省。卽由該將軍等速派幹員押解出境。若已出川。卽由楊岳斌。劉蓉查明行抵何處。派員轉解甘肅邊境。守候西路稍通。押令赴戍安置。該將軍等接奉此音。著卽迅速查明。一面勒限起解。一面據實馳奏。不得再事遷延。自干咎戾。將此由五百里各諭令知之。尋崇實等奏。田興恕現已解出川境。劉蓉奏。陝甘大路梗塞。田興恕由川到陝。當取道秦州。押赴戍所。報聞。○湖南巡撫李瀚章奏。仍飭總兵周洪印會合兆琛。李元度兩軍。速圖進攻。先清貴東。以紓黔省之患。得旨。仍著該撫檄飭兆琛等。剋期進

取廓清貴東。毋得徒託空言。遷延觀望。荔波已有粵軍往援。周洪印所部。自可毋庸抽調。河南巡撫李鶴年奏。豫省本年查閱營伍。請俟軍務告竣。再行舉辦。從之。○蠲緩陝西咸甯。長安。高陵。咸陽。臨潼。涇陽。三原。渭南。醴泉。興平。鄠。華。蒲城。華陰。藍。厚。藍田。鳳翔。寶雞。大荔。邠。三水。長武。南鄭。褒城。沔城。固畧。陽。西鄉。甯羌。留壩。永壽。武功。三十二廳州縣。被擾被旱地方。額賦有差。○乙未。諭內閣。萬青藜。

卞寶第奏。甄別知縣縣丞。請分別改補革職。一摺。順天府大興縣知縣賀瀛。辦事遲緩。聽斷未能明晰。以致積案較多。難勝繁要之缺。著以簡缺知縣改補。候補縣丞章壽祚。查無下落。著卽行革職。○諭軍機大臣等。穆圖善。金順。奏甯夏滿營兵餉缺乏。請飭山西按季撥解一摺。前因甯夏兵餉緊要。經常陞奏。准由山西河東道協甘餉內。按年劃撥銀十萬兩。由該營委員按季領取。茲據奏稱。自上年。

奉撥至今已及半載。僅據撥解銀三萬兩。該處糧價昂貴。兵丁度日維艱。專賴此款源源撥解。藉資接濟。現經戶部奏明。將河東道協濟甯夏滿營兵餉。改由山西藩庫劃撥。卽著趙長齡將此項餉銀。按季撥解二萬五千兩。務須先期籌撥。由該營委員提解。不得仍前延緩致誤。要需將此由五百里諭令知之。○予甘肅靈州陣亡防禦連陞等祭葬世職。○丙申。

上詣

奉先殿

壽皇殿行禮。○諭軍機大臣等。李鶴年奏匪蹤折竄西南。移營許州。督勦一摺。張總愚股匪。因被官軍追躡。由甯陵等處。南竄陳州周家口。牛落紅一股。亦由亳州竄往。與張逆合股。均向上蔡一帶奔竄。賊蹤麇集。一隅正可厚集兵力。一鼓殲除。曾國藩所派之潘鼎新。劉松山。張詩日等軍。已抵陳州。卽著飭令該員。

等併力進剿。毋令互相觀望。致該匪肆行奔突。擾及鄂境。李鶴年現已移營許州。著就近督飭馬德昭宋慶等軍跟蹤追躡。與潘鼎新等軍併力兜剿。不得以尾斬數賊。敷衍塞責。河洛空虛。亟宜豫籌堵截。南陽郡縣。作何布置。並著李鶴年相機調派。毋稍大意。鮑超一軍前據曾國荃奏報。由麻城取道商城以達光固。現在賊匪已由上蔡一帶奔竄。鮑超由光固進兵。正可確探賊蹤。迎頭截擊。著官本

曾國荃嚴飭該提督迅赴戎機。毋得任意遷延。自干咎戾。前據御史佛爾國春奏記名提督何紹彩前在皖省軍營。勦辦髮捻。頗能得力。該員現回湖南本籍。請飭赴軍營等語。著官文行知李瀚章查明該員現在何處。飭令前赴曾國藩軍營聽候差遣。又據左宗棠奏勦捻之法。利用車戰等語。日前鮑超曾有擬用獨輪車放礮之奏。與左宗棠所見畧同。軍事因地制宜。左宗棠所奏能否合用。制勝著

曾國藩揆度情形酌量辦理。原片著鈔給曾國藩閱看。將此由六百里各諭令知之。○予山東各屬殉難貢生郭紹德等紳民婦女八十五名口分別旌卹如例。○丁酉。諭軍機大臣等。劉長佑奏遵調官兵赴科布多。並瀝陳辦理情形一摺。據稱直隸綠營官兵前經調赴甘省花馬池。近因南路防務未撤。大名各鎮未能徵調。惟提標及宣化鎮官兵尚可調撥。第皆係步隊。萬餘里草地。並無車馬供應。

整隊前進。抵防之後。恐成疲敝。之師各等語。所奏亦係實在情形。惟科布多為北路屏蔽。現在陝省軍務未竣。而山西防務亦尚未稍鬆。別無可調之兵。可以進援。劉長佑擬調提標及宣化鎮標官兵前往。卽著飭令挑選精壯兵丁。剋日馳赴張家口。聽候庫克吉泰調遣。毋得稍存推諉。前調赴甘省花馬池之兵。既有逃亡。卽應募補。豈可任其曠缺。並著劉長佑迅速飭令募補足額。認真訓練。以資防

勦而固畿疆將此由五百里諭令知之○又諭穆圖善奏遵籌現在軍情並鹽固回眾求撫一摺甘肅省城兵變以來迄今已逾數月曹克忠一軍駐紮鞏昌馬營監尚未前進楊岳斌於馬峽口被回逆崔三攻撲折回華亭是省城竟無一支援兵危急曷堪設想該督遷延城外不敢進師不知是何意見現在譚玉龍一軍變而東潰是所謂先清東路之說已成畫餅若再不將省城根本重地力圖保全儻有疏虞致為逆回占踞該督豈得諉過於人以為事不干已耶前屢據林之望奏報河狄回匪攻撲省城勢甚危急是穆圖善所稱叛兵勾結河狄回匪之說恐亦係意料之詞該處急盼曹克忠等軍赴援若竟置之不理又復絕乏糧食飢變之卒不至勾結回匪踞城不止著楊岳斌迅即催令曹克忠督兵前進將省外逆回掃蕩入城將叛兵妥為撫定曉以禍福毋令疑懼擒斬首惡數人以圖

補救該督亦即整隊繼進為曹克忠後路聲援毋得跋前疐後偏執成見貽誤地方致干罪戾甯靈現在安謐而穆圖善所部尚稱完整屢經有旨諭令該將軍撥兵前赴鹽固勦辦楊岳斌此次又咨令由中衛進兵會攻河狄以顧省城該將軍輒藉口餉需反欲於夏禾收後始令周大翔曹熙等赴鹽固辦撫又屢次奏報均云俟探明何路喫重再由何路進勦試問甘省軍情此時尚有何路不喫重耶該將軍身膺督辦豈得株守一隅日以空言敷衍穆圖善此奏未免沾染軍營觀望遷延習氣殊屬非是現在鹽固回眾既擬投誠著該將軍一面派員辦理一面分兵由中衛進勦與楊岳斌曹克忠之軍互為聲援將省外逆回早日廓清毋再延誤干咎譚玉龍東竄後疊諭穆圖善派金順馬步數營馳援鳳翔曾否調撥著該將軍迅即馳奏省城情形及現辦情形若何久未據楊岳斌奏報並著

該督迅速奏聞。以慰廛繫。本日復據訥爾濟等奏。巴里坤等城待援孔亟。成祿屢經催令出關。曾否拔隊起行。著該督咨催該提督迅赴戎機。毋得畏葸不前。致干嚴譴。將此由六百里各諭令知之。○又諭訥爾濟等奏。巴里坤東路賊匪撲城。疊經官兵擊退。哈密回子勾結南路纏頭來攻巴城。請飭撥科城存銀各摺片。哈密賊匪竄至三鄉湖。攻撲巴城。經官兵擊退。該逆盤踞高家湖。擄掠東路村莊。直撲滿城。又經訥爾濟等督兵苦戰。逆匪敗遁。由奎蘇地方東竄。該逆雖經官軍擊退。難保不復肆詭謀。訥爾濟何瑄。仍當就現有兵力。妥為布置。不可稍涉大意。此次勒匪出力之官兵民勇。准訥爾濟等擇尤保奏。哈密回子蘇布爾格。勾結南路一帶纏頭。約馬賊四五千人來攻巴城。郡王伯錫爾投遞公文。內稱日盼大兵出關。訥爾濟將該郡王原文咨送軍機處。此時尚未接到。仍著訥爾濟等將

該處賊情隨時偵探。一面咨照該郡王將南路纏頭設法防範。妥為彈壓。巴城糧餉十分缺乏。訥爾濟咨商廣鳳等將科城備撥銀一萬兩。採辦口糧。以濟兵食。廣鳳執意不肯。坐視鄰封飢困。殊屬不知緩急。著廣鳳奎昌。明瑤將備撥古城軍營銀一萬兩。趕緊發交訥爾濟等委員會同科布多委員採買糧石。運解巴城。毋得稍誤。將此由六百里諭知廣鳳奎昌。明瑤。訥爾濟並傳諭何瑄知之。○安徽巡撫喬松年奏賊蹤被勒西竄。現籌防剿得旨。昨據李鶴年奏稱張牛各逆現已全股由西華竄赴上蔡一帶。逆蹤飄忽。或由光固窺伺皖境。亦未可定。喬松年當督飭各軍扼要堵截。並嚴飭史念祖等出境追剿。毋許觀望遲誤。○戊戌諭內閣。前據駱秉章奏四川雷波廳屬土司楊石金。在橫江汎等處勒賊出力。業經降旨賞換花翎。茲據崇實奏該土司所轄地面甚廣。約束番眾甚關緊要。僅有土

千總虛銜恐不足以資彈壓懇請賞還原職等語楊石金著准其賞還千萬貫正長官司原職並頒發印信號紙以示鼓勵○以勤學立品予四川舉人陳代芝等加銜有差○己亥諭軍機大臣等前據楊岳斌奏譚玉龍等率眾東潰當經密諭楊岳斌劉荅等調撥各軍追勒阻截並令劉荅將倡亂各統將擒獲正法茲據劉荅奏隴州保安各軍擊敗回匪並譚玉龍深自引咎現辦招撫潰勇情形覽奏均悉回逆大股東竄隴州經蕭德揚等軍分路攻擊疊獲大勝斬戮甚多踴毀賊巢數十處逆勢大蹙正可乘機勦洗該逆現退踞隴州西北故關一帶卽著楊岳斌迅飭王得勝統率所部由馬鹿鎮馳往隴州杜截逆匪回竄之路與陝軍會合夾擊以收聚殲之效保安一帶回匪蓄意東竄駢太愚段登雲等均能用計設伏屢次截擊獲勝著劉荅飭令該統將等隨時扼要嚴防不可稍形疏懈尤

須截其竄往隴州之路毋任與馬生彥等股匪勾結蔓延至東竄潰散勇丁已據雷正綰將陳義閭定邦七營收留其餘五六營行至涇州駐紮尚未滋事若操之太蹙恐不免激成事端然一味姑容則相率效尤日後益難聽約束此次各營譁潰實由譚玉龍等蓄謀煽惑眾心所致自當設法將為首倡議之人拏獲懲辦其餘被脅勇丁姑免深究譚玉龍曾有前赴西安共圖大事之語此時又欲赴陝西勦賊立功自贖恐非出於至誠劉荅仍當遵照前旨斟酌辦理不可墮其術中致貽後患陳義係首先倡議潰散之人所部勇丁既經雷正綰招收陳義應如何設法懲辦之處著楊岳斌就近咨會雷正綰相機妥辦總兵陳德隆八營由邠乾赴隴助勦並著劉荅妥為調遣迅掃回氛將此由六百里各諭令知之○庚子諭內閣富明阿奏隨營倉官出力懇請獎勵並請將黑龍江文員升途變通

辦理等語黑龍江年滿倉官候補京缺主事倭和布著照所請先換主事頂帶並賞戴藍翎至所請遇有黑龍江理刑銀庫主事無論所出何缺暫停選放京員卽將倭和布無論本班儘先前補並嗣後遇理刑銀庫主事缺出黑龍江省如有滿漢文精通候補京缺之員亦照此辦理之處均著照所議行○諭軍機大臣等李鶴年奏官軍追賊上蔡縣東南大獲勝仗一摺張牛股匪疾趨上蔡而其邊騎分擾臨鄆西遂等處屢經官軍擊敗宋慶將張逆追至邵鎮迤南地方擒斬甚多馬德昭追勒牛逆一股亦頗有新獲餘匪向汝陽一帶竄去著李鶴年卽飭馬德昭宋慶等乘此聲威力圖勒洗毋任紛竄所有此次出力員弁擇尤存記准其彙案請獎賊匪屢次敗挫而勢未稍衰必須將其著名頭目設法擒斬方可以次殄滅現在著名巨魁不過張賴任牛等逆前據喬松年奏周盛波一軍大破

牛逆於義門集牛落紅僅以身免當時若設計兜擒何至死灰復燃周盛波等遊擊之軍曾否入豫著曾國藩飛飭該提督等會合豫軍乘勝痛勦盡殲醜類鮑超一軍計應由楚赴豫官文曾國荃惟當懷遵疊次諭旨就近催令該提督確探賊蹤迅速迎擊毋令遷延遲誤曾國荃派赴應山之軍能否令其入豫為鮑超後路聲援並續募勇下已否操練成軍均著酌度情形妥為調度將此由六百里各諭令知之○以奉天伊通等處勦賊出力賞佐領依克唐阿巴圖魯名號委營總明福等花翎委參領永成等藍翎餘加銜升敘開復釋罪有差○賞浙江補行咸豐辛酉暨同治壬戌兩科鄉試年老諸生周熾盛等十四人舉人副榜有差○辛酉諭內閣向來各省提鎮等官凡經簡放實缺者皆應陳請來京陛見近因軍興以來各省實缺提鎮或在軍營帶隊效力前驅或因本省辦防堵勦喫緊

故於該員奏請陞見時。每令其無庸來京。原以重軍事而專責成。期於早殄逆氛。不至因入都往返之煩。致勦賊或延時日。然近來由軍營保舉。洊升提鎮各員。往往有簡放實缺多年。而從未經陞見。甚且習以為常。竟有不復陳請入覲者。提鎮係專閫大員。為通省各營表率。其操防之能否。方畧之短長。朝廷尚未周知。何以備干城而明黜陟。嗣後軍務稍鬆。及無軍務各省。所有實缺提督總兵大員。均著奏請來京陞見。候旨遵行。至各路軍營打仗出力。由兵勇保至記名提鎮者。如現未。在營帶隊及業經凱撤回籍各員。並著各路原保統兵大臣督撫出具切實考語。分起送部引見。其副將以下等官。由該部照例辦理。以副朝廷慎重營伍至意。○又諭崇實駱秉章奏遵查才不勝任之總兵請旨降補等語。四川重慶鎮總兵曾克勝。於營伍未能練習。所辦各事。均未妥協。不勝專閫之任。著以參

將遊擊降補。以觀後效。○諭軍機大臣等。成祿奏官兵合圍肅州。並疊獲勝仗。及請飭楊岳斌迅解馬匹礮位。黎獻一軍。交黃祖淦管帶。各摺片。肅州匪眾。經官兵於二月間擊敗。後該逆退走入城。復經慶瑞等三面圍逼。疊次獲勝。四月初六等日。逆眾率黨撲犯。又經官軍擊敗。該逆閉關不敢復出。成祿派守備吳定山赴關外安敦玉一帶招勇。以防竄逸。辦理尚屬妥協。賊勢既已窮蹙。自可剋期攻拔。著成祿迅飭慶瑞等將肅州城力圖克復。以期節節掃蕩。鼓行出關。以副委任。黎獻一軍所存無幾。而橫悍擾民。不可不急加鈐束。前有旨令歸黃祖淦管帶。以資攻勦。卽著楊岳斌速飭遵行。涼屬賊氛甚熾。署總兵楊占鼇因兵單餉絀。未能展布。而道途梗阻。餉源匱竭。肅州一帶。前有強敵。後無接應。殊深慮繫。並著楊岳斌懍遵前旨。趕緊回省。以固根本。而資兼顧。成祿需用馬匹礮位。最關緊要。

著楊岳斌挑選精壯馬三百匹。大小礮位二十尊。解赴肅州軍營以資應用。將此由六百里各諭令知之。又諭成祿奏請將部撥大麟軍餉解營。並請飭蒙古王貝勒添設軍臺轉遞大報等片。大麟一軍前在濟木薩等處勒賊。經部議請由科布多現存餉銀內先撥十五萬兩以資接濟。現在大麟隨同成祿出關。此項餉銀自應歸併成祿軍營支放。即著廣鳳奎呂明瑤照數撥解。毋稍遲誤。其由山西奉撥伊犁軍餉二十萬兩內。劃解大麟軍餉之四萬兩。業經山西巡撫先籌一萬兩。由綏遠城遞解。著德勒克多爾濟於此項餉銀到後轉解科城。由成祿派員迎提以濟要需。目前甘涼一帶道路梗塞。文報每致失落。軍情緊要自應如該提督所請。改由草地行走。已諭令理藩院檄飭蒙古王貝勒等遵照辦理。並著德勒克多爾濟星速行知該蒙古王等於阿拉善界內直抵舊土爾扈特界中間。

添設蒙古軍營按站轉遞軍報所需臺費。即由該將軍酌量撥給。俾免賠累。將此由五百里各諭令知之。又諭成祿奏營數漸添。餉需愈鉅。請飭各省迅籌撥給等語。現在肅州合圍待餉尤亟。著官太崇實駱秉章曾國荃劉蓉趙長齡李鶴年仍遵前旨。按月籌款派員解由草地交成祿軍營應用。免致耽延。又片奏槍礮火藥等件。各省尚未解到。赴豫募勇各員亦未到營等語。所有火器營發去之火箭炸礮及成祿咨撥河南省槍礮等件。山西省撥解之火藥鉛丸。即著趙長齡李鶴年飭令趕緊起解。徑由草地運赴該營。其前赴豫省募勇之遊擊丁文學守備王瑞等。如已招募啟行。即著趙長齡李鶴年劉蓉轉飭該員等迅由草地行走。毋許逗遛。如丁文學等尚在豫省。並著李鶴年嚴催該員等迅行招募。不得任意遷延。將此由五百里各諭令知之。又諭崇實等奏會籌進兵機宜一摺。劉

嶽昭簡授雲南巡撫後時遵義軍務方殷。廼不候諭旨率行回川。前已有旨飭令徑由川省馳赴滇南。此旨尚未接到。該撫又由川省馳赴貴州封疆大吏舉動未可輕率。即使川黔連界有交涉事件。該撫不妨與崇實駱秉章函商辦理。何必親身赴川。徒勞往返。該撫現已馳赴遵義。即著遵照四月十五日所奉諭旨。將黔西大定畢節一帶土匪剋日殲除。疏通途。迅赴新任。以重職守。毋再輕率從事。致干咎戾。嗣後滇黔軍情。即由劉嶽昭專摺奏報。仍隨時與崇實駱秉章籌商妥辦。以期周密。將此由六百里各諭令知之。○軍機大臣會同兵部等部覈議欽差大臣官文等會奏長江水師事宜。○新設長江提督。應駐太平府。以資控制。無庸議駐蕪湖。○建提督行署於岳州。與太平衙署各以半年分駐。以便周歷巡查。○長江提督有交涉外國事件。定為文武兼用之缺。仍歸江楚兩總督節制。

遇有緊要事件。准其單銜具奏。○提督之下設岳州漢陽湖口瓜洲四總兵。並隸以狼山鎮總兵共六標二十四營。○江面正流上起洞庭湖經鄱陽湖下至狼山鎮均歸長江提督統轄。餘仍舊制。○副將參將遊擊為營官。擬沿江分汛建立衙署。○都司以下為哨官。即住哨船辦公。不准建衙。○每營皆以都司二員管駕長龍船為左右領哨。分派守備管駕三板船為副領哨。○各營皆設督陣大三板一號長龍二號副將營三板四十號參將營遊擊營各遞減十號。○領哨都司另給無兵三板一號以期打仗便捷。○自提督以下均酌設稟書書識辦理文案。○兵丁優給口糧按季在江甯武昌兩鹽道庫支領。○凡副將營設都守千把外委四十三缺。參將營三十三缺。遊擊營二十三缺。○提督准給坐船四號總兵三號副參遊各二號都司以下至外委各一號一千把外委員缺由提督遴員

題補都守員缺。由提督主稿。會同總督辦理。副參遊均作為題缺。至總兵缺出。則以該提督並江楚兩總督所保堪勝人員。候旨簡放。一。酌留江楚釐卡數處。由各鹽道經收。為長江水師俸餉船廠之費。一。於安慶武昌長沙三省城設局製造子藥。一。於漢陽吳城草襄夾三處。各設船廠。排定各營哨輪年修理。一。雨篷旗幟等項。酌籌經費。按年交哨官承領修換。一。廉俸兵米。均照陸營支給。一。申明登

岸吸洋煙賭博三禁。違者分別叅辦。一。水師責成。以驅逐游匪嚴防劫盜為重。遇有失事。卽行開叅。一。歸隸長江人員。有原保官階較大。未經補實者。准以小缺借補。一。戰船不准擅離汎地。私借者照例議處。一。長龍長四丈有奇。安礮六位。三板長二丈九尺。安礮四位。一。狼山江面較寬。風濤不測。應另造大船輪船以資巡緝。一。禁止商民私設礮船。卽於戰船內奏派巡緝私鹽。其未經奏派者。概不准

干預鹽務。一。建立衙署軍裝局。卽於酌留釐卡內動款支用。一。京口狼山湖口漢陽岳州五處水師標營。悉歸長江提督節制。其向無水師名目者。仍照舊章辦理。一。水師技藝。首重駕船。次演礮。哨官則兼閱槍箭。每年春季。提督在上江會同兩湖總督簡閱一次。秋季。在下江會同兩江總督簡閱一次。覈其優劣。分別保獎。叅辦。以上三十條。均應如所奏辦理。未盡事宜。仍令該督等妥議具奏。從之。○

兵部奏遵議塔爾巴哈台城失守。領隊大臣圖庫爾救援不力。照例革職。得旨。圖庫爾著卽革職。仍留領隊大臣之任。責令戴罪圖功。以觀後效。○以候補總兵官李得太為四川重慶鎮總兵官。○予甘肅肅州陣亡把總王斌祭葬世職加等。○予安徽各屬陣亡殉難監生王肇基等紳民婦女一百十五名。口分別旌卹如例。○壬寅。

上奉

慈安皇太后

慈禧皇太后幸漱芳齋侍午膳○諭軍機大臣等富明阿奏按勒山內餘匪並收繳私藏軍器各摺片吉林山場餘匪經烏里布等帶兵在輝法河一帶按勒先後斃匪一百餘名燒毀賊寨二十餘處西南一帶漸次肅清惟南北山內地方遼闊難保無奸匪潛藏富明阿仍當飭令高福烏里布等分投按捕務絕根株以期一勞永逸至山內墾地浮民及挖金

流民人數甚多若遽絕其生計恐致流而為匪富明阿既擬先收器械勒限遣散卽當另籌安插之所俾得各安生業固不可畏難苟安致貽後患亦不可冒昧從事激成事端總宜統籌全局謀定後動期於悉臻妥善另片奏擬收繳民間私藏軍器等件所見亦是著照所議辦理惟不得任令差役藉端滋擾累及閭閻奉界香鑪梘子等處現在有無賊匪伏匿並著都興阿嚴飭官軍會合吉林之兵

實力按緝毋任竄逸將此各諭令知之○駐藏大臣景紋奏委員先赴隘口勸諭披楞與布魯克巴罷兵息爭均知悔悟得旨披楞布魯克巴既有息爭之意景紋自當於行抵隘口後相機妥辦以靖邊徼○以吉林雙城堡等處剿賊出力賞驍騎校慶良五品銜花翎旌表割臂療親原任湖南知縣易學超妻王氏

大清穆宗繼天開運受中居正保大定功聖智誠孝信敏恭寬毅皇帝實錄卷之一百七十八

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十九

欽定大清會典事例

五十五卷

五十五卷

五十五卷

五十五卷

五十五卷

同治五年丙寅六月癸卯諭內閣御史陳夢

蘭奏請整頓河南吏治一摺據稱河南省頻
年疊遭兵燹州縣各官固不乏潔己愛民之
員而少年捐納及軍功保舉不諳吏治遇事
欺蒙者亦復不少以致夤緣奔競奢靡浮華
相沿成習於民生疾苦置若罔聞請飭河南
巡撫秉公舉劾等語著李鶴年留心詳察遇
有講求吏治勤恤民瘼者即密加保薦如有
不職州縣積習甚深不以愛民為務者據實
嚴叅立予懲處以肅吏治而衛民生並著各

直省督撫於所屬地方官員隨時訪察認真
舉劾總期破除情面力挽頹風用副朝廷整
飭官常勤求民隱至意○予江西各屬陣亡
殉難生員鄧凌漢等紳民婦女二千三百六
十七名口分別旌卹如例○甲辰諭內閣麒
慶奏請將阻撓墾荒之圍場旗員提訊一摺
熱河圍場邊荒閒地遇有旗民呈請認墾該
總管自應派員會勘如果無礙圍場即准令
該旗民等承墾乃民人周仲等呈請認墾烏

拉岱川等處荒地經麒慶派員前往圍場會
同該處旗員查勘該旗員等一味遲延並不
同往總管克蒙額等輒以有礙圍場含混呈
覆防禦特克慎則稱欲令於押荒外另捐銀
兩情節自相矛盾迨麒慶傳詢該旗員等又
堅不肯至難保無隱匿官荒希圖私墾情事
圍場翼長貴山防禦特克慎富明阿驍騎校
富順著一併解任交麒慶提訊如有前項情
弊即行分別懲辦總管克蒙額於麒慶委員

往勘時既不催令該該員等迅速會勘及麒慶劉調該該員等又復代為枝梧亦屬有意循庇著交部議處○諭軍機大臣等瑞麟蔣益澧奏廣東靈山縣西鄉勒撫平定現會西軍協攻山澤一摺廣西匪首孫義大以山澤為老巢分擾及廣東靈山之西鄉勢甚滋蔓自上年以來經知府戴肇辰知縣王振榮馮詢等百計進攻地方紳富毀家濟餉卒將二百餘里村莊一時反正歸圍首要各匪次第

殲擒尚屬奮勉急公所有在事出力官紳准由瑞麟蔣益澧擇尤保奏毋許冒濫其業經反正之各村莊著瑞麟等飭令該地方官妥為鈐束毋令反覆滋事現在山澤老巢經張凱嵩督軍合圍勢已窮蹙即著該撫嚴飭楚粵各軍實力進攻殲渠埽穴並著瑞麟蔣益澧即飭靈山官軍乘勝會合西軍越境協攻期於必克以清邊圉將此由五百里各諭令知之○乙巳諭軍機大臣等曾國藩奏稟報

近日軍情並檄調各軍防勦事宜請飭李鶴年暫駐汴梁先辦朱仙鎮以北防務各摺片○周盛波等軍勦賊獲勝疊經喬松年李鶴年奏報情形大略相同任賴等逆由鳳臺懷遠竄擾太和等處各軍追勦現有渡沙河淮河併趨南路之意曾國藩以捻逆回竄若不擇地設防恐此勒彼竄終不能大加懲創因採上年劉銘傳扼守沙河之議自周家口以下至槐店止扼守沙河自周家口以上至朱仙

鎮止扼守賈魯河由曾國藩派兵設防自朱仙鎮以北四十里至汴梁省城又北三十里至黃河南岸無河可扼挖濠守之由李鶴年派兵設防自槐店以下至正陽關仍守沙河由喬松年派兵設防自正陽關以下即係淮河由曾國藩派水師與皖軍會防各分汛地層層布置漸偏漸緊逐捻於西南山多田多之處官軍較易為力所陳不為無見曾國藩已檄劉銘傳自徐州赴沙河與潘鼎新等

熟商辦法卽著責令該提督等認真防守。不得空言塞責。並著喬松年、李鶴年調派得力之軍各防汛地。以專責成。李鶴年卽行折回。汴梁駐紮調齊各兵。先辦朱仙鎮以北防務。自此次分段設防以後。如捻蹤仍由沙河淮河回竄。卽惟該督撫等是問。賊騎雖多。不得出南汝光固黃州六安等處。有鮑超、劉秉璋、楊鼎勳、王永勝、劉松山、張詩日等數支遊擊之師。足敷雕勦。曾國藩現已拔營東下。閱看

桃源宿遷一帶隄牆。由運入淮汴流而上。徑赴周口。卽著調度各軍一面赴防。一面迎勦。毋任推諉。觀望以期迅速。奏功鮑超一軍。疊經諭令官文、曾國荃催令該提督相機進勦。現在曾國藩既建設防限。賊之議賊不得出此數百里勢必竭力死戰。鮑超現在行抵何處。本日據曾國藩奏該提督派員出口買馬二千匹。請照例免稅。鮑超若俟馬隊練成。方議進勦。必致貽誤事機。著官文、曾國藩嚴飭

該提督奮勉圖功。毋得藉口馬隊未齊。遷延時日。自取咎戾。前諭曾國荃將現紮應山之師。為鮑超後路聲援。著卽酌量妥調。其新募訓練之勇。已否成軍。並著趕緊催辦。駐紮要隘地方。以防匪蹤竄入鄂省腹地。毋稍疏忽。將此由六百里各諭令知之。又諭都興阿奏遵飭派往新疆各員起程。並保舉得力營員辦理歸綏防務。一摺。全福、達爾濟二員均在奉天。卽著都興阿飭令管帶官兵迅速前

進。毋稍延緩。至歸綏為西北邊界緊要之區。該處歸化城、包頭、薩拉齊、托克托城等處。五方雜處。防範未可稍疏。駐紮花馬池之協領富勒琿。前經都興阿調赴奉天。尚未到營。茲據都興阿奏稱。該協領久歷軍營。辦事認真。兼通滿蒙漢文義。請以該協領幫同德勒克多爾濟辦理歸綏防務等語。所見甚是。著穆圖善卽飭富勒琿前赴歸綏。歸德勒克多爾濟差委。毋庸前往。奉天德勒克多爾濟卽將

該處防守事宜妥為布置飭令該協領盡心襄辦以資得力將此由五百里各諭令知之○杭州將軍崑壽因病解職以密雲副都統連成為杭州將軍○廣東學政劉熙載因病解職命內閣學士杜聯提督廣東學政○以驗收海運漕糧完竣予工部尚書單懋謙倉場侍郎鍾岱優敘餘加銜升敘有差○丙午諭內閣前因左宗棠奏請將安徽補用副將馬復震酌改文職當經諭令吏部查案具奏

茲據該部奏查明成案請旨遵行等語武職人員以帶隊銜鋒為重若改歸文職轉恐用違所長咸豐九年間守備彭忠信等請改文職欽奉

硃諭著不准行並

諭以後保舉單內再有似此者即駁令另獎欽此

聖訓煌煌尤宜遵守所有副將馬復震請改文職之處著毋庸議嗣後各路統兵大臣及各

督撫等不得率行奏請○又諭前據戶部議覆左宗棠奏粵海關收稅銀數與該關奏報懸殊請飭該督撫查明辦理一摺當經諭令瑞麟等查議具奏茲據瑞麟蔣益澧奏稱粵海關收稅事宜從前曾改隸將軍督撫等官經理自乾隆十五年以後始專設監督著為成例未易輕議更張至該關額徵總數從前貨物歸併一口不及九十萬兩近來五口通商每年徵稅總及百萬兩但能嚴查偷漏隱

匿等弊稅務自可日有起色體察目前事勢似不必改由督撫辦理等語所奏自係實在情形粵海關稅務較繁該監督特膺簡任宜如何激發天良力圖報效乃家丁蒙蔽書吏侵吞積蔽相沿較他處為尤甚若不極力整頓涓滴歸公稅課安有起色著該監督嚴行鈐束力禁侵漁查明各口收數覈實清釐不得稍有隱漏並著該省督撫隨時明查暗訪如仍有書吏家丁通同舞弊該監督以多報

少情事卽著據實嚴叅從重懲辦此外各關監督及兼管關稅之督撫均須認真稽覈釐剔弊竇毋得仍蹈從前積習稍涉含混○丁未諭軍機大臣等前因回匪肆擾新疆各城勢甚猖獗諭令德勒克多爾濟等揀調錫林郭勒等盟及喀爾喀諸部落蒙古兵一千名歸庫克吉泰等調遣並令車林敦多布會同德勒克多爾濟籌辦茲據德勒克多爾濟奏遵調蒙兵及籌防西北兩路情形一摺伊克

昭烏蘭察布兩盟蒙兵除調赴花馬池等處防堵外現駐本旗遊牧者已屬寥寥且均未經戰陣該將軍現飭帶兵之貝子扎那格爾第等二人在於所帶蒙兵內挑選精壯各一百五十名派曾經戰陣之圖薩拉克齊等管帶仍駐防所聽候調遣卽著照所擬辦理並著先期知會廉至將軍臺行走道路豫行籌辦其未入軍臺以前沿途應需糧餉仍著咨照趙長齡轉飭歸綏道供應此外錫林郭勒

及喀爾喀諸部落蒙古官兵有無可調並著廉至文盛阿爾塔什達明誼車林敦多布迅速揀派務須挑選精壯不可以老弱充數殺虎口西北兩路德勒克多爾濟現已豫籌磴口等處蒙兵移往防堵所籌尚屬周妥烏科兩城應如何嚴密布置分防之處並著明誼麟興車林敦多布廣鳳奎昌明瑤一體妥籌仍一面與德勒克多爾濟文盛阿爾塔什達等察度會商相機分布毋稍疏忽將此由六

百里各諭令知之調伯都訥副都統定安為密雲副都統以黑龍江右翼協領烏里布為伯都訥副都統以江蘇捐輸軍餉永廣金匱縣學額六名無錫縣五名婁縣一名○以湖北雲夢縣捐輸團練永廣學額一名○戊申補鑄杭州駐防左右兩司鑲黃旗滿洲協領正白旗正紅旗佐領福建臺灣北路協副將建寧長泰等縣知縣各關防印信圖記條記從署將軍明興總督左宗棠巡撫徐宗

幹請也。己酉諭軍機大臣等。廉至奏遵調察哈爾及錫林郭勒蒙兵並籌備臺站事宜。一摺。該署都統現已挑備察哈爾馬隊五百名。交達爾濟管帶並挑錫林郭勒蒙兵二百五十名聽調。其烏蘭察布伊克昭兩盟前已據德勒克多爾濟奏報挑選精壯三百名聽候調遣。此外尚有未經奏到之喀爾喀諸部落著麟興、車林敦多布、文盛、阿爾塔什達迅速揀調若干名。咨會廉至等所調蒙兵。剋期

啟行會齊進發。至此次調往新疆之吉林黑龍江直隸察哈爾兵共二千五百名均由張家口前往科布多師行大漠臺站供億。本屬萬難。惟新疆軍事甚殷。豈容畏難諉卸。廉至所擬六條尚知豫為籌畫。即著照所請行。至烏科二城所屬臺站應如何迅籌接遞並豫備軍糧俾軍無乏食之處並著麟興、車林敦多布、廣鳳奎、昌明、瑤趕緊舉辦。一面奏聞。一面咨會廉至以免征兵抵境臨事周章不得

藉稱無法可籌一奏塞責。廉至所擬六條並著該署都統咨知麟興、廣鳳等酌量辦理。至察哈爾防兵分布扼要之處並著廉至責成管帶之員逐日操演認真整頓毋託空言。將此由五百里各諭令知之。○以貝勒奕劻為鑲黃旗漢軍都統。○烏里雅蘇台將軍明誼因病解職調綏遠城將軍德勒克多爾濟為烏里雅蘇台將軍未到任前仍以參贊大臣麟興署理。○調察哈爾都統福興為綏遠城

將軍以察哈爾副都統廉至署都統調盛京副都統色爾固善為察哈爾副都統正藍旗蒙古副都統杜嘎爾為盛京副都統。○庚戌遣官祭火神廟。○諭內閣御史張觀鈞奏請飭各衙門堂官認真辦理京察等語三載考績為激揚大典各衙門保薦人員一經得缺即有地方之責近來各省或軍務未平或瘡痍未起尤須得人而理惟知人不易非平日留心考

察區別豈能悉當嘉慶年間曾奉

諭旨京察之事尚書侍郎應各備一冊密識賢否公議之日再行同覽眾所獎許者拔之眾所屏棄者黜之以公心辦公事勿存絲毫私意欽此

聖訓煌煌允宜永遠遵守今冬又屆辦理京察之期著各衙門堂官欽遵

成憲將該司員等人品才具悉心體察隨時存記以備臨時公同酌定期於鑒別精當以收

得人之效並著各衙門堂官常川進署與該司員等講求公事藉以規其人之賢否秉公保薦用副朝廷拔擢真才至意論軍機大臣等劉蓉奏官軍勦賊獲勝踴平老巢追逐出陝並譚玉龍一軍勦回情形催調穆圖善等營各軍分路布置各摺片穆圖善奏派兵赴陝會勦並撥兵赴援新疆一摺逆回盤踞隴州之故關一帶併力抗拒經陝省官軍攻克故關分途追殺甚多其續由華亭竄至上

關一帶另股回匪亦經劉厚基會同譚玉龍擊敗將上下關賊巢攻毀竄陝回匪悉數追逐出境所有出力員弁著劉蓉擇尤保奏陣亡將士查明請卹此次逆匪既受大創劉蓉自當乘勝飭令蕭慶高等軍將盤踞華亭尖骨山餘匪殄除卽由清水一帶節節進剿以清甘省東路靜甯回匪萬餘東竄張家川逆匪復勾結固原黨與數萬圖竄陝境固原華亭等處續有股匪分竄鐵馬河等處隴州兵

力未厚備多力分穆圖善現派總兵李曙堂等管帶楚勇一千五百名馳赴陝省吳旂鎮並派西蒙克西克馬隊赴陝助勦卽著飭令星速起程毋稍遲緩至甘省回竄陝境各匪半係當日脅從竄甘之眾劉蓉自當分別良莠勦撫兼施不得概行截殺致令黨與日固防勦益形棘手著楊岳斌劉蓉遵照前旨另籌安插之法以期日久相安穆圖善亦當相機進駐鹽固一帶疏通甘省東路與隴州各

軍互為聲援張在山一軍即著楊岳斌飭令撥出三營移紮鄜州之河上原聯絡陝軍互相援應譚玉龍率勇東潰疊經諭令劉蓉查辦何以尚未覆奏此次該革員復率勇剿匪究竟該革員有無謀變所部各營是否尚思潰散著劉蓉迅速查明斟酌情形辦理移圖善擬將在營之直隸官兵一千名飭回直隸交劉長佑派赴口外歸庫克吉泰帶赴新疆即著照所擬辦理將此由六百里各諭令知

之○又諭劉蓉奏甘省軍務實因餉源枯竭軍無鬪志現在逆回飢窘竄陝如能就陝邊勦滅一股即可為甘省滅除一股惟添募馬勇厚集兵力而餉需無出莫遂遠圖請飭浙江月協餉銀六萬兩廣東月協餉銀四萬兩即從六月為始按月委解湖北藩庫轉解赴陝酌量分撥陝甘各營等語前據馬新貽奏浙江月協甘餉銀二萬兩目前閩餉停止本欲移為海塘之需惟甘肅軍務緊要不能不

兼籌並顧請自本年六月為始添撥銀三萬兩共銀五萬兩按月解鄂轉解等語此次劉蓉所奏添兵增餉與甘省通力合作勦辦回逆實係目前至急之務馬新貽能否於月協五萬兩之外每月添撥若干兩務當不分畛域極力籌撥其已經奏定餉數仍當源源運解不得稍有遲延廣東軍務已竣劉蓉請撥之月餉四萬兩著瑞麟蔣益澧設法籌措自本年六月起按月如數派員解赴湖北轉解

陝西毋許藉詞推諉劉蓉於各該省解到協餉當督飭林壽圖酌量緩急分撥陝甘各營以贍飢軍一俟陝邊軍務稍定仍將此項協餉撥歸甘省俾收飽騰之效將此由五百里各諭令知之○實授榮祿正藍旗蒙古副都統○予甘肅上閘陣亡副將方得元參將余炳忠遊擊殷得高都司邵至咸等祭葬世職○旌表割臂療親浙江山陰縣俊秀裴宗萼妻陳氏○辛亥諭內閣劉長佑奏請將海運

出力人員分別獎勵開單呈覽一摺同治四年江蘇海運事竣天津通州在事各員自不無微勞足錄惟查閱單內所保各員較之同治二三年所保人數多至數倍未免冒濫著該督再行確切查明分別刪減覈實奏請獎勵○諭軍機大臣等富明阿奏摺獲山內首匪圍場漸就肅清並驅逐它金流民各摺片吉林圍場山內經富明阿督兵摺剿疊次擒斬多名現復將總逆首徐亮腥生擒正法

並各處摺斬餘匪百餘名山內漸次肅清該將軍現已將摺山勇丁裁減官兵撤還歸伍並酌留數營官兵分紮圍邊各山口聯絡防堵所籌尚妥仍著隨時查察不可稍形疏懈奉省圍場界內仍恐有吉林勒散餘匪竄入都興阿當嚴飭防邊官軍隨時入山摺捕毋得日久生懈至偷窺金沙流民為數太多富明阿現雖飭令繳送軍器勒限三箇月搬移出山仍恐聚而不散又復潛徙奉省圍場山

內著都興阿富明阿遵奉前旨會商妥籌安插之法迅速具奏務令各安生業免至流而為匪致他日滋生事端將此由五百里各諭令知之○以廣西凌雲陽萬等處攻破賊巢予副將黃仲慶以總兵官簡放○予廣西山澤陣亡副將李正植祭葬世職加等○壬子以神靈顯應加浙江上虞縣潮神封號曰護國○諭軍機大臣等戶部奏請嚴催各省趕解京餉一摺上年戶部奏撥

本年京餉銀六百萬兩限五月以前解到一半年終解齊現在初限已過各該省尚未一律照解此後放款更繁斷不可再有遲誤著各該將軍督撫監督等即將前項應解銀兩統於年內埽數解齊毋得延宕干咎另片奏本年墊解奉天軍餉遵旨於各省指撥歸款等語著照所請再添撥浙江地丁銀十二萬兩江西地丁銀十萬兩兩淮鹽課銀六萬兩河南驛站存積銀六萬兩四川廠電鹽釐銀

十萬兩正餘鹽釐銀十萬兩按糧津貼銀五萬兩福建鹽課銀六萬兩九江關常洋兩稅銀二十五萬兩閩海關洋稅銀十萬兩以上共添撥銀一百萬兩著各該將軍督撫等按照該部指撥數目務於年內如數解到毋得飾詞延欠致誤要需將此由五百里諭知福州將軍直隸兩江江蘇四川福建浙江江西山東山西河南湖北湖南廣東各督撫並傳諭粵海淮安關各監督知之補鑄江甯駐

防左右兩司八旗協領各關防圖記從將軍富明阿請也○癸丑以故輔國公溥吉堂弟溥威降襲不入八分輔國公爵○予浙江金華等處陣亡都司祥保守備吳鳳祥祭葬世職眷屬人等旌卹如例○予浙江各屬殉難在籍知縣宋肇昌等紳民婦女四百三十二員名口分別旌卹並立祠建坊如例○甲寅漕運總督吳棠奏河湖水漲工險現飭道廳分別宣洩搶護得旨著卽督飭工員設法搶

護仍須察看汛漲情形酌啟壩座以資宣洩而衛隄工○

上以孟秋時享

太廟自是日始齋戒三日○乙卯諭軍機大臣等楊岳斌奏回省日期並現籌情形一摺曹克忠督率所部十餘營於五月初四日馳赴蘭州該標兵安靜如常並無閉城抗拒情事其為因事啟釁並非有心謀逆已可概見楊岳斌現由安定回抵省城將亂兵查拏懲辦

止應將為首倡亂及著名積惡之犯擒獲正法其被脅附從諸人自應概免株累俾眾心各釋疑懼不可逞憤妄行肆戮致已定人心復行搖動省城被戕各官准由該督查明彙案請卹在城彈壓撫綏各員並出城擊賊之弁勇並准分別酌保毋許冒濫譚玉龍率勇東潰前據該督奏請飭劉蓉將譚玉龍擒獲追繳侵扣餉銀卽行正法昨據劉蓉奏稱該革員率勇在隴州與回匪接仗獲勝余炳忠

力戰陣亡與該督所奏事屬兩歧究竟譚玉龍有無謀變情形抑或因身獲重咎為立功贖罪之舉並著楊岳斌確實查明迅速覆奏不准稍有迴護河狄回匪時出滋擾阻隔糧道若不亟加痛剿官軍困於分防必至坐受牽掣楊岳斌現咨雷正綰督飭各營專顧平慶等處騰出張在山十三營赴省會合各軍進剿狄道次及河州亦是先其所急之策即著督飭張在山等迅速進兵疏通糧道以蘇

兵民之困並將河狄踞匪次第掃蕩淨盡毋再遷延致負委任曹克忠平日帶兵勇往所向有功於甘省諸將中最為出色茲因疾請假就醫儻不允其所請不足以示體恤著賞假兩箇月並發去人藥四兩交該提督祇領即在蘭州城內安心調理毋庸遠道就醫以省跋涉伊所部各營著照楊岳斌所請令王得勝等分統提督印務即著鄧全忠暫行護理將此由六百里諭令知之○以通州驗收

漕糧完竣予戶部左侍郎阜保等議敘餘加銜升敘有差○丙辰

上以孟秋時享

太廟前期親詣行禮○補鑄江南金山營遊擊

浙江仁和縣縣丞主簿錢塘縣主簿富陽縣

縣丞餘杭縣縣丞海甯州吏目各關防條記

從署總督李鴻章巡撫馬新貽請也○以廣

東連平新會兩州縣守城出力永廣學額各

二名○朝鮮國使臣柳厚祚等三人於午門

外瞻覲

大清穆宗繼天開運受中居正保大定功聖智
誠孝信敏恭寬毅皇帝實錄卷之一百七十九

目錄

三

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十

敬修

同治五年丙寅秋七月丁巳朔享

太廟遣鍾郡王奕詒恭代行禮○

上詣綏履殿問

慈安皇太后安平安室問

慈禧皇太后安至丙戌皆如之○奉

慈安皇太后

慈禧皇太后幸漱芳齋侍午膳○以神靈顯應

頒直隸長垣縣

大王廟扁額曰恬波助順○予四川各屬陣

亡殉難巡檢李錫春等紳民婦女二千五百

八員名口分別旌卹如例○戊午諭內閣馬新貽奏續查失事各員弁分別定擬開單呈覽一摺咸豐十一年間浙江省城失守各屬相繼淪陷失事各員弁本應照例治罪惟據該撫聲稱該員弁或困守孤城糧盡被陷或無城可守旋即集團克復或先期出城事後續著勞績情節不同自應分別辦理所有單開之署樂清縣知縣孫家丞署紹興左營守備汪紹琦均著革職免其治罪留營效力護

紹興協右營都司千總蔣式璋著免其置議署處州鎮標中營守備把總黃鵬飛署處州鎮標右營守備馬兆榮均著革職留營效力撫標左營千總陳定國著革職毋庸留營○諭軍機大臣等彭祖賢奏請停止清丈蘇松等屬田畝即將現徵經費亟修水利一摺據稱東南平定之後各州縣籌辦善後於田捐之外加派清丈費覈計費銀約有百餘萬兩如能恪守舊章於例不准大之田一概停止

即可移出此項餘費開濬河道蘇松太各屬海口淤淺已久若先將劉河疏通復將吳淞江等處次第擇要疏治其利甚溥等語所奏係為民生利弊起見著李鴻章郭柏蔭按照摺內所陳督飭蘇松太道認真詳查實力興辦毋得託諸空言另片奏江蘇候補道員孫士達修理華亭等縣海塘師心自用以刻為能有拆卸舊料作為新工以致塘坍水漲田禾淹沒請飭查辦等語著李鴻章等確切查

明果有侵蝕情弊即行嚴參懲辦所請令郭柏蔭親臨查勘驗收之處並著該護撫酌度情形辦理原摺片各一件均著各鈔給閱看將此諭知李鴻章並傳諭郭柏蔭知之尋奏蘇松等處田畝必須清丈始無飛灑隱縮等弊所派經費係津貼辦公各款均難停止至蘇松太屬水利吳淞江前已開濬劉河白茆河即當次第舉辦孫士達承修海塘並無以舊作新浮冒侵蝕情弊請免置議報聞○又

諭曾國荃奏布置西北防務情形一摺。捻匪全股由汝陽等處西趨。意圖窺伺鄂邊。襄樊隨棗一帶與信陽南陽等府州處處毗連。官文曾國荃現已通飭水陸各營實力防堵。並派郭松林等軍先赴德安。再進隨州。扼要駐守。布置尚屬周妥。該撫擬俟捻蹤竄至鄂境。卽馳赴德安督辦軍務。具徵勇於任事。甚屬可嘉。惟此時捻氛業已逼近鄂疆。曾國荃若先期前赴德安。豫籌防剿。於布置調度機宜

尤為便捷。著卽酌度辦理。曾國藩亦宜嚴飭周盛波等軍與鄂軍互相援應。會合夾擊。毋任該匪肆行蔓延。鮑超一軍自粵東撤回後。節節逗遛。數月以來尚未與賊接仗。任意遷延。坐耗餉項。殊屬不成事體。仍著官文曾國藩傳諭該提督迅赴豫境。會同各軍合力勦辦。毋得玩視軍務。自干重咎。前據御史朱鎮奏請飭劉連捷幫辦楊岳斌軍務等語。楊岳斌所部多係水師。劉連捷於陸路機宜頗稱

熟悉。該員此時應已病愈。著曾國荃於該員到鄂時卽飭令赴甘歸楊岳斌調遣。將此由六百里各諭令知之。○又諭崇實駱秉章奏遵覆黔省防剿事宜。請仍留周達武在川帶兵一摺。另片奏署遵義令馮澍貪婪。請飭撤省查辦等語。前據崇實等奏劉嶽昭於發摺後卽馳赴遵義行營。此次所發摺報相距二十日。而劉嶽昭尚未定期赴黔。殊屬任意遷延。不知緩急輕重。劉嶽昭身受厚恩。務當懍

遵疊次諭旨。迅將黔西大定畢節一帶土匪殲除淨盡。速赴新任。以重職守。毋再遲誤。干咎。崇實駱秉章恐黔西等處匪徒被勦竄突川疆。擬留周達武暫行在川帶兵。係為保衛邊圉起見。現在劉嶽昭仍回遵義辦賊。足資統攝。周達武著准其暫留川省。一俟邊防稍鬆。卽行前赴貴州。提督本任毋得藉端奏留。遵義各寨甫經就撫。必得地方官妥為綏輯。方能漸次安定。若如崇實駱秉章所稱。署知

縣馮澍賦性貪婪。惟事撙括。近復藉招練為名。橫加苛派。是該處之民。既死於賊。復死於官。儻復激成事端。又將重煩兵力。著張亮基。即將馮澍撤省。嚴行查辦。另委賢員接署。以蘇民困。將此由五百里各諭令知之。○追予浙江杭州殉難知縣湯金策祭葬世職。○己未。諭內閣。左宗棠徐宗幹奏臺灣軍功人員。保獎過優。請旨撤銷一摺。福建候補縣丞余辰。隨同署總兵曾元福在臺灣軍營辦理文

案。業經該署總兵等會保。請免補縣丞。以知縣留於福建。卽補復經層遞保獎。翎支升階。至知府遇缺卽補。並加道銜。經吏部行文覈駁。該員不候本省督撫查辦。輒自行遣丁赴部。具呈請將原保各案覈准。吏部復經據呈。准行悉照原保辦理。現經左宗棠等查明該員遞保各案。多係冒濫。所有余辰原保免補同知直隸州知州知府道銜。並請戴花翎之處。均著撤銷。仍著以知縣歸部選用。毋庸留

於福建候補署臺灣鎮總兵副將曾元福保舉人員。未能覈實。著交部議處。至吏部於余辰遞保各案。既經行文查駁。何以輒憑余辰遣抱呈詞。率行議准。其中顯有情弊。著吏部堂官確切查明。據實具奏。毋稍迴護。○諭軍機大臣等。據穆圖善奏。稱山西省每月應解大營月餉五萬餘兩。多有帶欠。甯夏善後銀十萬兩。分釐未解。委員提到銀二萬兩。該藩司批解時。又將善後及大營軍餉。楚勇口糧。

一併混入。不敷分撥。請飭該省分別籌解。各等語。甯夏餉糈奇窘。軍民替待。甯夏應解月餉。並善後銀兩。自應分別如數撥解。以濟急需。著趙長齡督飭藩司王榕吉。將甯夏大營餉銀。按月源源奏解。並將善後銀十萬兩。懷遵前次諭旨。限一箇月解交。或先批解銀五萬兩。毋許遲延。含混。將此由四百里諭令知之。○予福建各屬陣亡殉難紳民婦女一千一百七十名口。分別旌卹如例。○庚申。

諭內閣李雲麟奏請將昏懦誤事及避賊出境之大員懲辦一摺。科布多參贊大臣廣鳳平日不能振作。當塔爾巴哈台被圍。待餉急切。廣鳳並不將該城餉銀派員趕緊解送。迨武隆額派兵迎提。始行發給。卒致餉銀未到。塔爾巴哈台已失。巴里坤至科布多購買羊隻。廣鳳復不肯墊給羊價。有心截留餉銀。其因病奏請開缺。實屬意圖規避。種種昏懦。殊堪痛恨。塔爾巴哈台領隊大臣圖庫爾前於

塔城失陷時。念係賊眾兵單。從寬將該員革職留任。茲據李雲麟奏稱該員棄城出境。避賊遠颺。直至科布多境內。豈可稍事姑容。廣鳳圖庫爾均著革職。拏問。交刑部治罪。尋刑部奏審明各節。按律定擬。得旨。已革科布多參贊大臣廣鳳著發往黑龍江效力贖罪。已革塔爾巴哈台領隊大臣圖庫爾著發往吉林效力贖罪。○以冊封朝鮮國王妃派理藩院右侍郎魁齡為正使。委散秩大臣希元為

副使往封。○以巴里坤城擊賊獲勝。賞佐領達散布等花翎。騎校貴壽等藍翎。餘升敘開復有差。○予古城陣亡署領隊大臣色普詩新佐領惠斌。協領功訥布。驍騎校德連布。守備高吉官。祭葬世職。○辛酉。諭軍機大臣等。李雲麟奏請另簡能員辦理伊犁將軍事務。並統籌西路全局。及擬先規取烏嚕木齊。暨塔城失守情形。各一摺。所奏於西路情形。尚為明晰。伊犁將軍印務。前派榮全署理。該

參贊在俄國臺站。未經具奏行抵何處。因令李雲麟代辦。藉以聯絡聲勢。規復各城。現據李雲麟奏擬統兵由奇古一帶。趨烏嚕木齊。相機進剿。布置亦頗有條理。自毋庸以力難任重為辭。稍涉推諉。軍情變幻無常。西陲又遠在萬里之外。而奏報寥寥。朝廷豈能深悉所降諭旨。與現辦情形。或有未能盡合之處。至內地軍務未靖。兵餉俱形支絀。人材尤不敷簡派。李雲麟豈不知之。並非有人壅蔽。準

回兩部偏近強鄰。未便遽議棄地。烏魯木齊為諸路要衝。屯田最多。該署參贊擬馳赴烏里雅蘇台。與麟興等會商調蒙兵進剿。所見尚是。此時李雲麟計已行抵烏城。即著與麟興車林敦多布壽商。將賽因諾顏扎薩克圖汗兩愛曼之兵調齊。由麟興統帶前進。科布多所調蒙兵。由德克吉訥布爾和德統帶前進。李雲麟即馳赴塔境。將厄魯特人眾挑選精銳。交棍噶扎勒參等統帶。隨同進剿。均於古城取齊。現已時屆秋令。該署參贊既知進兵以七八月為宜。自無待諭旨敦迫。即著速由古城進兵。規復烏城。藉可節節進剿。棍噶扎勒參既與土爾扈特親王有隙。即著飭令統帶厄魯特部眾。隨同該署參贊由古城進兵。毋令仍留塔境。至土爾扈特親王革爵之事。既未平允。豈可置之不論。著李雲麟查明具奏。候旨辦理。以維外藩之心。李雲麟另片奏科布多所調之兵。擬分兩營交阿隆阿棍

噶扎勒參分帶。並擬減為一千二百名。其所調賽因諾顏等蒙兵。分為三營。與布爾和德等分帶。尚屬妥協。著照所請行。並著奎昌明瑞於換防綠營兵內。酌挑二三十名。及換防滿員內。酌派二三人。隨同李雲麟辦理營務。其科城所存捐輸馬一千匹。即著奎昌等撥給厄魯特蒙兵。以資乘騎。李雲麟另片奏請將解存科城之伊犁餉銀四萬兩。就近提用等語。此項餉銀。前經廣鳳等奏請提充科城官兵欠餉。批令撙節提用。所存銀兩。著奎昌等全數撥交李雲麟支用。並前諭留備塔爾巴哈台軍需費銀二萬兩。現在塔城既難進剿。並著奎昌等一併發給李雲麟軍營。以免停兵待餉。刑部主事錫綸既據奏稱熟悉西路情形。即著該旗都統傳知該員。即由草地前進。趕赴古城。交李雲麟差委。護軍參領福恩都司德祿均著准其調赴軍營。福恩卡倫員缺著奎昌等派員署理。李雲麟所請另行

揀派之處並著該衙門查明辦理。李雲麟膺此重任務當臨事而懼不可稍涉誇張。遇有應奏事件不妨據實直陳以副朝廷殷殷求治之意。再據棍噶扎勒參奏北路軍情並請調喇嘛幫同進剿及自陳足疾舉發各摺該呼圖克圖志切報效深堪嘉尚前因降旨獎勵頒給關防無庸另行派人執掌其擬請於烏里雅蘇台揀帶喇嘛幫同進剿如於軍事無礙卽著李雲麟傳諭令其於呼圖克圖呼

畢勒罕內挑選喇嘛二三名以資得力。棍噶扎勒參另片奏於科布多所屬地方派喇嘛一人設立經館奉經著照所請行至該呼圖克圖奏稱無兵可帶現在李雲麟擬令酌帶厄魯特兵丁隨同進剿是棍噶扎勒參並非無兵可以統帶該呼圖克圖受朝廷厚恩著李雲麟剴切傳諭令其奮勉圖報毋得以無人聽信等辭希圖諉卸。李雲麟現在代辦伊犁將軍印務各城皆其統轄所有此次麟興

等統帶烏科兩城及厄魯特兵丁均著歸李雲麟調遣該署參贊久經行陣較之麟興等自能諳練麟興務當和衷商酌不得稍有掣肘。李雲麟亦不得稍存趨避惟當力任其難用副期望將此由六百里各諭令知之。○以散秩大臣吉和為正白旗蒙古副都統。○齊齊哈爾副都統寶善因病解職擢吉林佐領春壽為齊齊哈爾副都統。○實授奎昌科布多參贊大臣以烏什幫辦大臣伊昌阿為塔爾巴哈台領隊大臣調哈密幫辦大臣明瑤為科布多幫辦大臣科布多幫辦大臣奎章為哈密幫辦大臣。○旌表守正捐軀河南魯山縣民婦宋党氏。○壬戌諭軍機大臣等總理各國事務衙門奏陝西教堂一案請飭迅速辦結並密陳辦理情形各摺片陝西省城給還教堂一事疊經總理各國事務衙門咨行查辦自應趕緊辦結以符條約卽使原基勢難給還另議抵給亦須地方相當令其情

願方可通融辦理。乃劉蓉於張姓住房是否係教堂基址。輒稱並無確據。而於從前教堂入官招變基址。究在何處。又不能指出。徒以空言抵制。何能折服其心。至欲以高陵回寺換給。該處遠在省外。必非該主教所願。是明知其不可。而故與為難。轉令執持愈堅。終成不了之局。其城固教堂基址。既允給還。亦應卽為了結。總之此係按照條約。必應辦理之事。且已時歷五載。若再一味延宕。儻別生枝節。轉致貽誤大局。著劉蓉於接奉此旨後。查照歷次奏咨各案。迅速督屬妥為辨結。不准再事遷延。至片內所陳各節。亦係實在情形。該署撫惟當妥慎籌辦。以弭釁端。而維大局。總理各國事務衙門原摺片。著鈔給閱看。將此由五百里諭令知之。○又諭何璟奏官軍會合回眾。克復哈密城池。並請免伯錫爾罪名各摺片。哈密久為賊踞。經何璟派兵前往。會同伯錫爾所派回兵。將逆回擊敗。克復城池。

池斃賊甚多。所辦甚妥。著訥爾濟傳諭伯錫爾。協同凌祥等各飭所部。合力挖剿。務將逃散餘匪殄盡。毋令餘燼復燃。尤須分別良莠。不可濫殺無辜。並著何璟飭令凌祥等嚴防該匪回竄。毋稍疏懈。現在該城南經收復。亟須地方大員前往鎮撫。文麟係哈密辦事大臣。責無旁貸。著卽由肅州軍營。星夜馳赴該城。會同伯錫爾將善後事宜。妥為籌辦。奎章昨已改補哈密幫辦大臣。自應趕赴新任。以重職守。並著劉蓉查明奎章行抵何處。催令迅速前進。毋任逗遛。伯錫爾本有應得之咎。既經會合官軍。勦賊克城。著加恩免其治罪。伯錫爾當倍加感激。撫綏回眾。力捍賊蹤。若再不知愧奮。國法具在。寬典不可屢邀也。成祿督兵圍逼肅州。賊勢已蹙。著乘勢迅圖攻拔。統率鶴齡等軍。星夜出關。由哈密一帶節節西進。現在關外自己里坤以東。漸次安定。李雲麟計已行抵烏里雅蘇台。卽著遵奉昨

日諭旨調派各軍赴古城取齊與巴里坤哈密聯為一氣。庶進攻烏魯木齊可無後顧之虞。巴里坤餉需奇絀。何瑄請飭陝甘總督籌撥銀數十萬兩。固屬甘省應解之餉。惟關內餉銀亦未充足。著楊岳斌趕緊先撥數萬兩。交巴里坤委員張積功解赴何瑄軍營。以濟眉急。其餘欠解各款。仍當隨時接濟。敦煌安西等州縣。素為產糧之區。並著楊岳斌嚴檄各該地方官。撥運倉糧數千石赴巴里坤。以資兵食。山西應解新疆餉銀。前已諭令趙長齡由綏遠城解往烏里雅蘇台。著卽懷遵前旨辦理。其直隸四川山東河南應解新疆餉銀。仍著趙長齡飛催各該省解赴山西。由趙長齡遞至綏遠城轉解烏里雅蘇台。此項餉銀到後。並著李雲麟商同麟興勻撥各路軍營。並分濟巴里坤應用。將此由六百里諭知李雲麟楊岳斌劉蓉趙長齡。訥爾濟成祿文麟奎章。並傳諭何瑄知之。○以收復哈密城。

池賞遊擊凌祥千總趙英傑巴圖魯名號。把總孫淵椿以守備用。並賞花翎。餘升敘有差。○癸亥諭軍機大臣等。李鶴年奏官軍追剿捻匪獲勝。並派兵分剿情形一摺。張牛等股匪在上蔡境內。疊經官軍擊敗。仍屯踞百尺集一帶。復經宋慶等督兵夜襲賊營。奪回所踞民莊三處。追過洪河。殲斃甚多。此股逆匪屢經敗挫。其勢已蹙。著李鶴年卽飭馬德昭宋慶等迅速進兵。乘機痛剿。務將此股殄盡。至任賴等股匪。由太康扶溝折向睢州杞縣。延及陳留通許。汴省東南數百里。一片賊氛。李鶴年現派余承恩所部三營赴省東剿辦。並派吉林黑龍江馬隊及親兵各數百名。分赴睢杞會剿。惟豫軍兵力較單。不敷分布。曾國藩所部駐紮於周口一帶者甚多。著卽迅派潘鼎新劉松山張詩日等督率各營會合豫省各軍。併力兜剿。毋任賊蹤蔓延。該大臣查看桃宿等處運河防務計已嚴事。自當迅

赴周口就近調度以期呼應較靈並著嚴檄鮑超一軍趕緊馳往豫省探蹤迎剿毋任逗遛貽誤將此由六百里各諭令知之○盛京將軍都興阿奏遵旨力求整頓欲靖邊外須先清腹地現在通籌辦理得旨著卽酌量緩急相機妥辦其吉林遣散洶金流民並著迅派委員分投查明豫籌安插之法毋令滋事○以拏獲鄰境馬賊賞山東同知銜知縣周士瀚花翎○甲子諭軍機大臣等富明阿奏

挑派頭起官兵起程一摺吉林調赴張家口官兵業經富明阿派委雙壽管帶頭起於六月二十二日起程該官兵所乘馬匹係由黑龍江捐辦長途行走難免疲乏著都興阿慶春於該官兵抵境時查驗所乘馬匹如有疲乏卽在牧場馬羣內更換補給以利軍行其後起官兵仍著富明阿催令迅速起程毋再延緩將此由四百里各諭令知之○又諭蔣益澧奏統籌粵東全局一摺所陳整飭吏治

整頓釐稅清釐交代教練水師酌增兵餉籌辦土客清理欠餉裁汰兵勇八條詳加披覽具見該撫實心任事力圖整頓卽著瑞麟蔣益澧悉心籌商認真辦理蔣益澧與瑞麟同辦一事當和衷共濟行之以漸持之以恆不可有名無實尤不可始勤終怠務使吏治軍務民風日有起色方為不負委任另片奏籌辦洋務情形所陳亦頗中窾要該督撫等惟當虛心實力慎發徐圖前據左宗棠奏擬於

閩省擇地設廠購買機器募雇洋匠試造火輪船隻當諭令該督照議辦理茲據蔣益澧奏擬於沿海省分建設鐵廠製造輪船或在福建設廠或在廣東設廠等語著瑞麟蔣益澧咨商左宗棠會籌妥辦將此由五百里各諭令知之○補鑄江蘇江甯府江防同知理事同知管糧同知南捕巡捕通判北捕查鹽通判批驗茶引大使儒學經歷檢校江甯縣儒學龍江關宣課大使六合縣稅課大使上

元縣縣丞儒學江淮巡檢廣通鎮巡檢廣西
龍州同知金城寨巡檢各關防印信條記從
護巡撫劉邵膏巡撫張凱嵩請也○以克復
哈密城池賞二品頂帶伯克夏斯林頭品頂
帶纏頭阿什定四品頂帶花翎素拉滿托骨
提等五品頂帶藍翎餘升敘有差○乙丑

孝靜成皇后忌辰遣官祭

慕東陵○欽奉

慈安皇太后

慈禧皇太后懿旨戶部右侍郎李鴻藻之母姚
氏秉性淑慎教子成名今以疾終深可軫惻
朝廷優禮大臣推恩賢母著賜祭一壇賞銀
二千兩經理喪事由廣儲司給發以示眷懷
李鴻藻事母至孝哀痛必切朝廷以孝治天
下原應聽其照例終制以遂孝思第該侍郎
膺

文宗顯皇帝特簡授皇帝讀盡心啟沃迄今六
年夙夜罔懈皇帝春秋鼎盛緝熙典學功修

正篤李鴻藻諄諄納誨皇帝樂從誠不可或
離左右且軍務未平兼資翊贊溯查雍正乾
隆年間大臣如孫嘉淦朱軾嵇曾筠蔣炳于
敏中等皆奉

特旨任守制或開缺辦事入直內廷近今如
曾國藩胡林翼閻敬銘亦皆奪情起用李鴻
藻著開戶部右侍郎缺守孝百日後卽赴弘
德殿授讀仍在軍機處行走凡遇朝會不必
與列此係遵照

列朝成憲權宜辦理日前召見醇郡王倭仁徐
桐翁同龢再三垂詢均已深喻此意朝廷不
得已之苦衷中外臣工應能共諒李鴻藻當
思輔導皇帝弼成聖德移孝作忠莫大於是
其勉抑私情以副

先皇帝簡任之恩朝廷倚畀之重毋以守禮固
辭○諭軍機大臣等曾國藩奏任賴等股匪
回竄東路調兵分剿喬松年奏賊蹤分竄情
形各一摺任賴兩逆由扶溝太康回竄已至

杞縣之沙窩。睢州之芋香鋪。勢將直趨曹境。賴逆又攻破睢州之馬頭寨。該逆現為沙河大水所阻。不敢西行。折而東竄。防河之策。尚難遽行。曾國藩現令劉銘傳等移赴睢州。曹考一路專辦沙河東北之賊。鮑超等軍仍辦沙河西南之賊。即著分飭諸軍相機進剿。毋任遷延貽誤。致成不了之局。淮南北諸郡大水實深。塵繫撫恤災黎。萬不可緩。入秋以後水勢漸消。河隄既須另修。不妨以工代賑。著

曾國藩與吳棠李鴻章妥籌辦理。毋令被災地方窮民失所。任賴一股如竄近徐宿。著吳棠派兵協力剿洗。其張牛股匪。前據李鶴年奏經豫軍追過洪河。已近鄂邊。曾國荃前有駐紮德安之奏。著即統兵出省。擇要扼紮。督率鮑超等及曾國藩所派之劉秉璋等軍。李鶴年所派之馬德昭等軍。合力兜剿。如有臨敵畏葸。不肯奮勇上前者。即由曾國荃從嚴叅辦。務須趁賊勢日蹙之時。一鼓殄除。湖北

省城及近邊一帶防務。著官文悉心籌畫。督飭辦理。毋稍疏懈。曾國藩與曾國荃共辦一事。將來無論賊勢分合。地方遠近。總須聯絡一氣。若能殄滅一股。兵力較易展布。賊蹤已近。曹考間敬銘身任地方。責無旁貸。著即出省督率防兵認真堵剿。儻再令賊蹤蹂躪。定惟該撫是問。河防既暫不能辦。喬松年惟當飭令英翰等整飭諸軍。視賊所向。會合夾擊。不得株守一隅。僅為自完之計。黃河水勢盛

漲。目前可稱天險。惟轉瞬秋深水涸。難保該匪不潛圖竄渡。並著曾國藩間敬銘李鶴年督飭防兵巡船。加意守禦。毋任偷越。將此由六百里各諭令知之。○署兩江總督李鴻章奏請將新授福建海壇鎮總兵官鞠耀乾暫留江甯副將署任。允之。○命湖北按察使唐際盛來京。以浙江鹽運使李榕為湖北按察使。○以江蘇通州甯匪滋事。革運判鄭士彥同知武祖德職。予陣亡守備宋遠祥把總況

啟興等祭葬世職加等○予湖南安仁等處陣亡殉難貢生曾興墉等紳民婦女一百十四名口分別旌卹如例○丙寅

孝懿仁皇后忌辰遣官祭

景陵○調兵部左侍郎畢道遠為戶部右侍郎管錢法堂事以都察院左副都御史胡家玉為兵部左侍郎○丁卯

上奉

慈安皇太后

慈禧皇太后幸漱芳齋侍午膳○諭軍機大臣等李鶴年奏擒股分竄勦辦獲勝鮑超奏置造軍器豫籌布置情形各一摺張牛等逆屢被豫軍勦敗復經劉松山等軍追至雙廟及西平等處疊次獲勝賊已西竄舞陽李鶴年務當飭令宋慶馬德昭等軍跟蹤追擊並著曾國藩檄令劉松山等督率所部窮賊所向盡力躡勦毋任喘息任賴等逆在睢杞等處肆擾經潘鼎新率兵會合豫軍勦辦獲勝劉

銘傳亦率所部馳往豫境該匪突竄祥符蘭儀一帶勢將由汴梁西遁李鶴年當一面嚴防省城一面檄令豫軍奮勇追勦並著曾國藩飭令潘鼎新等軍合力勦辦黃河一帶李鶴年仍當督飭礮船嚴防賊匪搶渡鮑超現駐麻城據稱因帳房車輛未齊暫行駐候並述曾國荃函商之語欲分軍布置於光固信陽周口等處及任齊豫追軍驅賊入鄂截賊歸路就山谷水濱為扼險殄賊之舉第該匪避兵而行是其慣技既知鄂省駐有重兵豈肯自入陷阱官文曾國藩務當權衡緩急辦理嚴飭鮑超覘賊所向迎頭截擊陝洛浙川等處武備空虛難保該匪不乘虛奔突李鶴年尤當豫飭該地方官督飭團練扼險拒守並著官文曾國荃飭令鄂軍越境迎勦兼顧南陽浙川要隘以為豫師聲援曾國荃仍遵奉前旨即行出省駐紮德安就近調度鮑超原摺著鈔給曾國藩李鶴年閱看將此由六

百里各諭令知之○戊辰

慈安皇太后聖壽節遣官祭

太廟後殿

奉先殿

上率王以下文武大臣詣

慈寧門行慶賀禮眾官於午門外行禮○詣綏

履殿

慈安皇太后前侍早膳○奉

慈安皇太后

慈禧皇太后幸寧壽宮侍午膳○賜王以下文

武大臣蒙古王貝子額駙等食○己巳

上奉

慈安皇太后

慈禧皇太后幸漱芳齋侍午膳○庚午諭內閣

吳棠奏湖河盛漲揚河東岸民牘倒卸帶塌

正隄過水一摺本年江北各屬因陰雨連旬

湖河並漲經在事人員啟放車南兩壩旁洩

水勢而正河溜勢如常此築彼漫致將高郵

汛清水潭迤南二牘南牆於六月二十九日

辰刻漫掣倒卸帶塌正隄過水雖因來源旺

極積長不消所致該管河汛各員究屬疏於

防範署淮揚道劉咸著摘去頂帶揚州軍捕

同知兼管河務范志熙著革職留任永高汛

千總袁定標協防徐順均著革職留汛效力

以示懲儆吳棠有督率之責未能先事籌畫

咎亦難辭著交部議處該處被水災黎蕩析

離居情殊可憫吳棠現已捐廉動款派員馳

赴口門上下妥為撫恤卽著李鴻章郭柏蔭

遴委委員分往高郵興化東臺等處勘災賑

濟務令實惠均霑毋使一夫失所○以湖南

官軍攻克貴州思南賊巢賞還已革按察使

李元度原銜頂帶予總兵官王永章等升敘

有差○辛未中元節

上詣

奉先殿

壽皇殿行禮○遣官祭

永陵	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵	昌西陵	慕陵	慕東陵	定陵○遣官祭	端慧皇太子園寢○	上奉	慈安皇太后
----	----	----	-----	----	-----	----	----	-----	----	----	-----	----	-----	--------	----------	----	-------

慈禧皇太后幸漱芳齋侍午膳

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十一

同治五年丙寅七月壬申欽奉

慈安皇太后

慈禧皇太后懿旨前因戶部右侍郎李鴻藻之母病終推恩賜祭賞銀以示榮寵並令李鴻藻於守孝百日後仍赴弘德殿授讀在軍機處行走原係酌遵

成憲從權辦理茲據吏部奏稱轉據李鴻藻呈稱該侍郎母氏苦節多年撫育教誨之恩纖毫未報一旦慘遭大故偷生視息負疚已深樞要之地網紀攸關輔導聖學尤貴志行完

粹之人若自蹈愆尤則進講獻納之際何以
置辭懇請終制各等語情詞懇切具見惻愍
惟念李鴻藻膺

文宗顯皇帝特簡授皇帝讀於今六年當此緝
熙典學正就將日進之時該侍郎盡心輔導
弼成聖德則所以慰天下臣民之望者莫大
於是前因軍務未平各督撫等奪情起用者
指不勝屈況機務殷繁尤資贊畫前降諭旨
甚明李鴻藻惟當恪遵前旨仍於百日守孝

後照常趨直用副

先皇帝簡擢之恩第思該侍郎哀痛未忘不得
不稍示區別前有旨令遇朝會不必與列尚
不足以示體恤李鴻藻著遵照雍正年間
世宗憲皇帝諭旨二十七月內不穿朝服不與
朝會筵宴遇有祭祀典禮咸集之處均無庸
與列該侍郎當深感朝廷曲體之情勉抑哀
思移孝作忠毋得再行陳請以副委任○癸
酉

文宗顯皇帝忌辰遣官祭

定陵

上詣

奉先殿

壽皇殿行禮○諭內閣八旗都統奏遵議八旗陣歿官兵請仍照舊章附入昭忠祠各旗無庸重建祠宇等語所議尚為允協著禮部恪遵嘉慶七年

諭旨及議定章程辦理其例應附祀官兵毋得

稍有遺漏所有御史佛爾國春奏請由各旗設牌以祀之處著毋庸議○又諭前據李鴻章等奏查明蘇松等屬裁除浮收實數禁止大小戶名目當經降旨令該督等勒石遵行茲復據李鴻章等將減定徵漕餘耗折價各數查明具奏開單呈覽計蘇州府屬一廳九縣減定賦額應徵米五十五萬九百餘石共減去浮收米十九萬二千八百餘石減去浮收錢七十五萬三千五百餘串松江府屬一

廳七縣減定賦額應徵米三十一萬九百餘石共減去浮收米十萬八千八百餘石減去浮收錢五十萬五千七百餘串常州府屬八縣減定賦額應徵米三十二萬三百餘石共減去浮收米七萬三千石零減去浮收錢二十一萬五千二百餘串太倉州並所屬三縣減定賦額應徵米十一萬五百餘石太倉鎮洋二州縣共減去折價浮收錢九萬四千串零嘉定寶山二縣共減去折價浮收錢十萬

七千六百餘串以上蘇松常太四府州屬共減去浮收米三十七萬四千六百餘石減去浮收錢一百六十七萬六千二百餘串又蘇松常鎮太四府一州所屬各廳縣共額徵銀二百十五萬兩零折收錢文除鎮江府屬未定外蘇松常太四府州屬共減去浮收錢四十萬餘串該署督等即將減去浮收實數欽遵勒石永遠奉行至鎮江府屬四縣減定賦額應徵米十九萬三千二百餘石共減去浮

收數目若干著該署督等於啟徵時另行酌
覈奏明辦理○吏部議准浙江巡撫馬新貽
奏請將台州府同知改駐家子管理海門巡
防海口事宜移原駐海門之臨海縣縣丞於
花橋黃巖縣同城縣丞於烏巖甯海縣同城
縣丞於亭傍責令分司緝捕以專責成應如
所奏辦理從之○予江蘇各屬陣亡殉難候
選州判朱金聲等紳民婦女二千七百二十
三員名口分別旌卹如例○予安徽旌德殉

難故侍郎呂賢基眷屬九名口分別旌卹如
例○甲戌諭內閣戶部奏請飭嚴拏偷竊內
倉橐冊賊犯一摺戶部內倉廩座後檐與大
清門東長安門內毗連前因該倉廩有竊案
疊經降旨飭令前鋒統領等督飭弁兵認真
稽查看守茲據該部奏稱內倉殘橐庫仍屢
有偷竊橐冊情形查驗路徑仍由大清門及
長安門越廩出入該弁兵等毫無覺察殊屬
可惡新糧入廩尤關緊要恐更有肆行偷竊

情事著前鋒統領護軍統領步軍統領各衙
門將偷竊橐冊之犯嚴拏務獲並嚴飭大清
門東西長安門直班官弁及地面弁兵等加
意巡邏看守如該倉再有被竊等情卽由戶
部據實奏參將直班弁兵等交刑部嚴行審
辦○又諭麒慶奏請飭解還熱河道庫借撥
銀兩一摺咸豐三四年間因直隸軍需緊要
兩次借撥熱河道庫銀八萬兩迄今尚未撥
還現在熱河道庫萬分支絀需款孔亟著劉

長佑速飭藩司將前兩次借撥銀八萬兩卽
行籌款如數解還熱河道庫以資接濟不得
藉詞延宕○諭軍機大臣等御史朱學篤奏
用兵貴在神速不可為一隅牽掣現在西北
甘回接連新疆陝西為回匪窺伺滇黔未平
用兵省分正多尤可慮者外國要求無厭撿
氛若不迅掃兵力更難肆應請飭曾國藩擇
要進兵相機速勦等語撿匪滋擾日久蔓延
愈廣迄未大受懲創若不力籌進勦糜餉勞

師軍務將何日歲事曾國藩自宿遷南下由湖入淮沂流赴周家口道途不免迂折著卽趕緊趨程星速馳赴陳郡親臨各營就近調度以期呼應較靈並著督飭湘淮各營視賊所向盡力窮擊不得專事防守任賊縱橫至內地賊氛一日不淨則洋人之窺伺將日甚一日該大臣公忠體國為朝廷柱石尤當統籌全局迅將擒匪竭力勦除以副委任朱學篤原摺著鈔給曾國藩閱看昨據副都統安

住奏稱豫省軍營積弊在於馬步諸將領彼此不相救應進止參差兵心不能合一尤慮賊匪偷渡黃河滋擾河北三府等語所奏不為無見著李鶴年督飭前敵將士申嚴號令務須於進戰時彼此互相援應以期聲勢聯絡黃河防務尤關緊要所有水陸防軍李鶴年務當嚴密布置並著飭令在事文武將各處渡口實力稽查毋任奸細潛行偷渡安住原摺著摘鈔給李鶴年閱看將此由六百里

各諭令知之又諭傳諭貴州布政使兆琛兆琛奏督軍進扼邛水等處擊賊獲勝並分路進剿情形一摺清江台拱兩城久為苗匪竊踞並分股出犯思晃等州邊界經兆琛督軍進扼玉屏並派陳昌運帶兵進紮鎮遠府衛兩城沿途頗有斬獲兆琛現已由玉屏進紮清溪並分軍扼紮各路要隘著卽飭令各軍將鴨溪等處屯踞苗匪乘勝掃蕩由邛水進克清江等城毋任久踞投誠之青龍腦等

寨苗民著卽妥為安撫並責令殺賊自效周洪印一軍由天柱縣進攻江口地業已獲勝殲渠著兆琛卽檄令該總兵將江口地賊巢迅速攻拔肅清後路李元度攻克大小二地賊巢情形前已據李瀚章馳奏該撫前奏內有副將李金榜一軍進紮悶松各營勇丁同時患病竟有全棚不能舉火者是否水土不服抑係苗匪水中置毒所致著兆琛卽飭令該營官設法醫治妥為拊循玉屏等縣殉難

士民婦女並著該藩司查明彙案奏請旌卹。○以候補內閣學士恩承詹事府詹事銘安為內閣學士兼禮部侍郎銜。○以翰林院侍讀學士胡瑞瀾為光祿寺卿。○乙亥諭內閣。御史寶麟等奏各衙門送刷卷冊遲延請嚴定期限等語。各部院大小衙門錢糧文卷。向例於八月內送河南道覈對。近來各衙門送刷卷冊。未能依期造送。往往遲至九月十月送刷。而各倉及大興宛平兩縣。竟至十一月

十二月始行移送。實屬有意遷延。著各該衙門將應刷卷冊。於八月初旬移送河南道。以憑磨對查刷。倘逾期仍蹈故轍。延不造送。卽著該御史等查明參處。○補鑄雲南普洱鎮總兵官中軍遊擊。右營遊擊。迪南兵備道。普洱府知府儒學思茅廳同知巡檢甯洱縣知縣各關防印信。從總督勞崇光請也。○以浙江温州按捕海盜並攻毀北鹿盜壘出力。予總兵官劉連陞等優敘。賞同知馮英彰遊擊

李揚威等花翎守備吳永興等藍翎餘升敘開復有差。○予浙江歸安殉難知縣閔朝貴祭葬世職加等子三官賞卹如例。○予浙江各屬陣亡殉難府經歷楊湘江等官紳婦女一百五十六員名口。分別旌卹如例。○丙子。湖南巡撫李瀚章奏遵旨訪查劉儀順劉漢忠周添雲各匪首蹤跡。擬俟規取荊竹園後。卽飭李元度妥速前進。逐一拏辦。報聞。○丁丑。諭內閣宗人府奏擬送致祭王銜辦理未

能畫一酌擬章程。請旨遵行一摺。著照所擬嗣後凡遇

壇

廟各祀擬送王等銜名。除實在有疾之人不應開送外。其年逾六十者。著毋庸擬送。○諭軍機大臣等。都興阿奏查辦大孤山匪徒。並撥換營口洋槍隊伍一摺。匪徒王作幅率眾直撲大孤山。聲言與會。首徐中禮報復。經汛員督同徐中禮帶勇迎擊。將該匪打敗。向西南

竄去。都興阿已派毓昌等馳往查辦。著卽查明啟釁報復之端。認真清理。並該匪等現竄何處。趕緊添兵挖捕。淨絕根株。至徐中禮是否卽係從前投誠出力之徐五。能否安分守法。並著都興阿隨時察看。毋稍大意。駐防營口之五行隊已調回奉省。費蔭魁所帶洋槍隊五百名。著卽飭令暫留營口駐紮。春霖所帶之洋槍隊與費蔭魁所部均屬防守天津海口緊要之軍。冬底必須調回津郡。所有營口應行教練本省之洋槍隊。著都興阿趕緊督飭辦理。至防護

永陵將來是否需兵。抑或於他處酌量移撥。以便春霖與費蔭魁二軍冬底一併調回之處。並著該將軍悉心籌畫辦理。總之尚書文祥前留奉省之天津及吉林黑龍江等軍。均是客兵。未可久役於外。都興阿惟當豫為整頓。本省兵勇認真教練。以期悉成勁旅。力圖自強。方為不負委任。將此由五百里諭令知之。

○又諭勞崇光奏勦辦鎮雄賊匪連獲勝仗。屢克賊巢一摺。貴州賊匪李開甲等。於上年竄破鎮雄。勢甚滋蔓。經勞崇光飭令岑毓英督兵進剿。連克賊巢。聲威甚壯。李開甲被剿窮蹙。赴威甯州軍營乞降。該州請示岑毓英。嚴斥不准。漆老新一股亦經岑毓英由角奎親往督剿。攻破賊營。彝良所屬一律肅清。該處赴牛街之路已經暢行。勦辦頗屬得手。李開甲心懷狡詐。前經林鴻年招撫。後仍肆獍狘。此次因窮蹙乞降。豈可墮其詭計。岑毓英嚴行斥絕。甚屬有見。現在賊巢已破。其膽已寒。著勞崇光卽飭該署藩司乘此聲威。將礦山礦子山次第攻克。進取鎮雄州城。以固滇省藩籬。並著飭令知府夏廷楫將所需米糧等件源源解運。以資接濟。刻下秋氣已深。各屬銀糧諒已陸續徵解。其各省指撥之餉計應先後解到。卽著該督整頓士馬。督飭馬如龍迅速出兵。規復迤西。毋任杜逆久踞。其

逗遛川省各員。並著該督勒限催令赴滇。不准藉端趨避。將此由五百里諭令知之。○以雲南昭通勦洗賊巢出力。賞守備馬文龍等花翎千總浦開甲等藍翎。餘升敘有差。○予浙江黃巖陣亡鹽大使鄭煜等祭葬世職加等。○戊寅欽奉

慈安皇太后

慈禧皇太后懿旨。昨據大學士倭仁等奏懇恩。准予大臣終制。以維禮教。本日復據吏部奏。

李鴻藻瀝陳下忱。懇請仍准終制。據呈代陳。各一摺。前因皇帝典學。功修正篤。李鴻藻不可或離左右。曾經召見醇郡王倭仁徐桐翁同龢詢問再三。彼時醇郡王即請降旨慰留。倭仁等亦無異議。次日復令軍機大臣與倭仁等商議。亦以聖學為重。不持異同。茲覽倭仁等摺內所稱。李鴻藻事親盡禮。現在奉旨奪情。欲固辭則跡近辜恩。欲抑情則內多負疚。請仍准其終制等語。倭仁等既以奪情為

非禮。何妨於前次召見時據實陳奏。乃爾時並無異議。迨兩次降旨慰留後始有此奏。殊不可解。本日復召見倭仁徐桐翁同龢面加詢問。據稱聖學關繫甚重。臣等亦願李鴻藻照常入直。惟親見該侍郎哀痛迫切。勢處萬難。是以代為陳請。並無他意。聖功緊要。請仍令李鴻藻遵奉前旨等語。是倭仁等亦知此次奪情之舉係屬不得已。從權辦理。想中外大小臣工亦必能共諒此意。李鴻藻當思聖

學日新。四方多故。盡忠即所以盡孝。前降諭旨業已詳盡。其恪遵前旨。毋得拘泥常情。再行籲懇。○諭軍機大臣等。楊岳斌奏籌辦南路軍務。請飭移圖善。移師西向。覆陳彭楚漢等軍並無諱敗。為勝情形。各摺片。回匪被陝軍擊退。折竄入甘。秦安清水等處賊騎縱橫。漸逼秦州。該督現調蔣凝學統帶安字營勇赴省。俟此軍到時。即擬出省勦辦。秦州附近一帶回匪。惟省垣兵變。甫經稍定。且附近各

處賊匪尚未殄除正須大吏駐紮藉資鎮攝該督甫還蘭州卽思出省能否無憂內顧務須統籌全局妥協辦理不得顧此失彼又蹈從前覆轍秦州一帶現旣檄令王得勝等相機堵剿並調張在山傅先宗等前往助剿著卽嚴飭各軍極力勦辦毋令完善之地致有疏虞平番迤至涼州俱為逆回出沒亟應分兵勦除賊匪疏通省垣糧路現在甯靈一帶業已安定無須多兵駐紮著穆圖善酌度情

形督率所部由中衛鼓行而西直赴平番節進剿毋稍延誤該將軍仍酌留兵勇鎮守甯靈等處以備不虞其平固一路防勦事宜卽著楊岳斌飭令雷正綰妥為辦理楊岳斌所稱彭楚漢等軍在車道嶺等處擊賊獲勝並無諱敗捏報情事仍著督飭彭楚漢等認真勦賊奮勉立功楊岳斌另片奏截留林之望摺報拆閱自請議處並將林之望摺補行呈遞該藩司由驛馳遞摺報楊岳斌輒於中

途截留擅行拆閱且遲至數旬之久始行補遞實屬不曉事體楊岳斌著交部議處將此由六百里各諭令知之尋議楊岳斌應照不應重私罪降三級調用例上加等降五級調用毋庸查級紀議抵得旨著加恩改為革職留任降為三品頂帶以示薄懲又諭據林之望奏稱督臣楊岳斌辦事認真持身勤儉惟於封疆大體未甚諳練輒至為人所誤雷正綰等軍轉戰多年熟悉地利賊情該督由

陝入甘因劉蓉先入之言以雷正綰為不可用周顯承等窺伺其意遂從而傾陷之致令一敗塗地又仿劉蓉遠兵親勇之法以省兵為不可用省標及外鎮將備陸續罷退以隨營楚人代之諸事更張怨望之徒遂謂該督引用私人本省升途斷絕各營憤恨省標特首發其難省城源源倉存糧一萬數千石蘭州道英奎設局專供客軍並紛紛捐罰將城內搜括無遺因將源源倉之糧全供楚軍縱

令地方官那移借發標兵額糧致官民蓄積一空。秦王川撤防不守糧無來源英奎復請派員弁赴鄉凡民間窖藏悉行查封給以賤價該員並巧於趨避自請赴陝購糧迄無顆粒運甘本省委提晉餉七萬兩行至東路復被督臣全數截留以致省城糧盡兵潰並據楊岳斌奏參糧臺支放由該藩司主持何以毫無稽覈率爾數陳並稱林之望所參英奎各情均係得自傳聞全無影響及查明彭楚

漢等軍在車道嶺獲勝屬實各等語楊岳斌與林之望所奏均有偏袒之處持論未得其平著穆圖善將甘省營兵每月糧額多寡楚軍勇糧多寡及欠餉日月久暫詳細查明並將林之望所參英奎周顯承各情確切查明秉公據實覆奏毋稍偏徇彭楚漢等軍在車道嶺獲勝情形是否諱敗為勝著一併查明具奏林之望摺一件楊岳斌片二件均著鈔給閱看將此由五百里諭令知之○以甘肅

鞏昌府城解圍暨平毀賊巢出力予總兵官鄧全忠彭忠國以提督簡放賞副將包榮道何發相印大文王芳朝嚴文廣胡世彥參將陳富有袁景魁楊珍穩李保安胡金林易文舉李占春傅連陞魏紹珍田大勝許圻和滿萬亭陳化興巴圖魯名號同知祁克遊擊彭得勝等花翎守備徐世全等藍翎餘升敘有差○己卯諭軍機大臣等張亮基奏請飭湖南派員辦理黔餉並催席寶田赴任各等語

湖南紳士在本省勸捐黔餉呼應未能靈便必須該撫派員辦理方可收有成效前辦黔捐之湖南道員陸傳應現經該撫檄赴揚州查催湘鹽勢難兼顧捐務著李瀚章即於湖南司道中另派得力之員經理並會同本省藩司查照李瀚章所辦江粵等六省勸捐黔餉新章設局辦理分成接濟黔省原派紳士應否仍令會辦之處統由李瀚章酌辦其舊設之新黔捐局並著李瀚章裁撤以歸畫一

已捐各款。卽飭經手紳士截數交清。由李瀚章解赴黔省。貴州臬司席寶田前經回籍省親。現已將屆假滿。黔省軍務緊要。著李瀚章卽飭令該臬司於假滿後。迅帶所部各勇。馳赴新任。毋稍延緩。張亮基另片奏仁懷縣官紳辦理團練。克復縣城。並將城外各寨餘匪勦平。請保出力等語。著准其擇尤保奏。毋許冒濫。將此由五百里各諭令知之。署貴州巡撫張亮基奏。請以前浙江按察使李元度署理道員。得旨。該員現在帶兵勦賊。於地方公事。恐難兼顧。毋庸署理。貴東道缺。以貴州安平擊退竄匪。予知縣江煦和等升敘。賞團總田金用等五品頂帶藍翎。以貴州鎮甯州城被賊竄陷。革署知州屠述鶴。千總馬懋森職。並建問。予殉難訓導王景春祭葬。世職加等。庚辰諭軍機大臣等。御史書文奏。請嚴飭地方官查緝匪徒。以靖京畿。並請禁止賭局。煙館。走會。各摺片。正朝門外排子衙

衙前已有搶銀傷人一案。茲復據該御史奏稱。景山河灘。朝陽門外東壩。左安門內外。及內城狹隘巷口各地方。均有白晝持刀動械。嚇劫。偏索等案。而明火各案。又復層見疊出。輦穀重地。人煙稠密。地方官自應實心稽查。何至使此等匪徒肆行無忌。著步軍統領順天府都察院五城御史。督飭所屬及司坊各官。隨時嚴拏。加意查緝。務使宵小歛跡。以清地面。至步軍統領京營官兵。尤有緝捕之責。據奏現今堆撥闌虛無人。官廳員弁。瓜分糧餉。臨期募兵。遲緝等語。尚復成何事體。著步軍統領實力整頓。嚴飭該員弁等趕緊募補足額。認真巡緝。如查有替名雇勇。吞餉冒差等弊。卽著從重懲辦。毋得瞻徇干咎。至所稱各寺院開廟日期。有演扮雜劇。名曰走會。看會者。動至塞途。各街巷賭局。煙館。日多一日。成羣結夥。徹夜不休。各衙門人員。並有扮劇游蕩。及游煙館賭局。吸食鴉片等情。並著步

軍統領順天府都察院五城御史嚴行禁止。不准虛應故事。原摺片均著鈔給閱看。將此各諭令知之。○又諭李雲麟奏。滙陳北路軍情及請飭麟興等添調西兩盟征兵。定限調齊進剿。各一摺。前因新疆需兵孔亟。諭令麟興等迅速調兵六千名前往。迄今日久。僅止派出扎薩克圖汗賽因諾顏兩盟兵一千八百名。復因查漢烏蘇卡倫有警。酌留一千名。派出兵丁僅八百名。為數實形單薄。斷乎不

能得力。現在庫克吉泰尚未出邊。所有車林敦多布派出之兵丁三百名。卽著隨同李雲麟進剿。並著麟興車林敦多布於扎薩克圖汗賽因諾顏兩盟壯丁內。再各挑五百名。以厚兵力。所需口食鹽菜等項。俱由官為給發。該兵丁既無苦累。不准藉詞推諉。著麟興等剋切曉諭。該兩盟兵丁於諭旨到後。剋期進發。毋得稍涉遲緩。李雲麟卽統率已派出之兩盟兵丁。先行馳赴古城相機進剿。儻續調

之壯丁一千名。如有遲誤情形。並著據實奏。所有烏城捐辦戰馬二千匹。卽著李雲麟會商麟興照數給發。以資騎乘。麟興現署烏里雅蘇台將軍。責任綦重。自未便隨同李雲麟進剿。車林敦多布於蒙古言語性情素能諳悉。著改派車林敦多布督率蒙兵前進。自更得力。烏城參贊員缺。亦甚緊要。車林敦多布啟行後。勢難兼顧。錦丕勒多爾濟向來辦事尚屬公允。現聞病已痊愈。卽著署理烏里

雅蘇台參贊大臣。所有李雲麟續調之兩盟壯丁。卽責成錦丕勒多爾濟趕緊徵調取齊。毋許耽延遲誤。李雲麟奏此項官兵備長馬長駝起營前進。著照所請行。另片奏稱請借用科布多存餉等語。科城所存餉銀前已諭令奎昌等全數撥給。該署參贊接奉前旨。卽可提用。將此由六百里各諭令知之。○又諭李雲麟奏請飭歸綏城墊給銀兩購辦弓布。並陝省寄存軍裝。請飭轉運等語。帳棚戰弓。

為軍行所必需。李雲麟現派員赴歸化城購買弓布。自應趕緊製辦。著德勒克多爾濟轉飭歸綏道。無論何款。墊銀一萬兩。交該委員購買。僅本年所撥新疆餉銀解到。即於此款內動用。仍著趙長齡於應解塔爾巴哈台餉銀內。劃撥歸款。其李雲麟寄存陝省之火藥二萬斤。火繩一萬五千盤。檣槍二百桿。小槍五百桿。大小鉛子一萬斤。現因待用孔殷。如陝省業已動用。即著劉蓉於陝省軍需局內。

照數撥往。派員解赴山西省城。毋許稍有耽延。並著德勒克多爾濟。趙長齡。於此項軍裝解到。各按所轄地方。派員接替。轉解李雲麟軍營。以資攻剿。將此由五百里各諭令知之。○又諭訥爾濟等。秦鞏獲句結。送回之台吉。請旨正法。請撥軍餉。以顧急需。並請添撥蒙兵。赴吐魯番會剿各摺片。巴里坤餉需告竭。經訥爾濟等暫借商鋪銀兩應用。嗣經烏里雅蘇台先後解到銀二萬二千兩。藉償借款。

尚屬不敷。而於滿漢兵糧。仍無裨益。現在待餉甚迫。亟應速籌撥解。惟李雲麟現在烏科兩城料理進兵。餉需亦關緊要。著麟興等遇有協撥新疆餉銀解抵烏城。無論何款。先行借撥。巴里坤城銀數萬兩。以資接濟。仍俟甘肅將應解巴城俸餉批解到烏。即行歸款。並著一面知照訥爾濟等。派員迎提。俾免延誤。哈密克復。餘匪逃竄吐魯番。哈密郡王伯錫爾。擬由明安郡王派撥蒙兵。會同巴里坤滿

漢官兵。及纏頭數千名。前赴吐魯番助剿。正可乘此聲威。節節進攻。著麟興等飭令明安郡王。迅挑蒙兵五六百名。前赴哈密。會同進剿。並著訥爾濟傳諭伯錫爾。奮勉立功。務期士飽馬騰。迅殲醜類。哈密台吉帕塔諾什等。膽敢句結。逆回攻陷哈密。侵犯巴城。實堪痛恨。著訥爾濟等將該犯。即行正法。以昭炯戒。將此由六百里諭知麟興。車林敦多布。錦丕勒。多爾濟。訥爾濟。並傳諭何瑄知之。○辛巳。

仁宗睿皇帝忌辰遣官祭

昌陵

上詣

壽皇殿行禮○諭軍機大臣等。廉至奏。征兵已將到口。撥款無著。豫為籌借一摺。調赴科布多進剿官軍。由張家口啟行。所需臺站經費。前經戶部指撥張家口贏餘銀一萬五千兩。殺虎口正稅銀一萬五千兩。熱河礦課銀一萬兩。解交察哈爾備用。如有不敷。由直隸及

察哈爾先行籌墊。茲據廉至奏稱。喀爾喀等四部落及烏蘭察布等兩盟。並錫林郭勒盟兵。均已啟行。將次到口。而戶部指撥之項。撥發無期等語。除熱河礦課銀一萬兩。業經麒慶奏報。已於本月十一日起解。其張家口殺虎口應撥銀兩。仍恐催提到日。緩不濟急。有誤師行。著劉長佑酌量於藩庫口北道庫。及多倫諾爾廳稅銀項下。先行撥動銀四五萬兩。解交廉至。以應急需。仍由戶部指撥歸款。

至山西豐鎮甯遠二廳。歷年欠解察哈爾牧地租銀。至三萬五千餘兩。現在察哈爾墊給征兵經費。籌款維艱。著趙長齡或由藩庫。或由歸綏道稅項下。借撥銀二萬兩。迅即解赴察哈爾。交廉至收存備用。此項銀兩。即由豐鎮甯遠二廳欠解察哈爾租銀項下。陸續扣還。不准稍存膜視。致有貽誤。將此由五百里各諭令知之。○以翰林院侍講學士鄂芳充日講起居注官。○壬午。諭內閣。長善奏請清

查旗籍。並變通銷檔章程等語。山海關旗營。往往有逃回違犯。仍在該旗營房暗地出入。涸跡潛伏。若不嚴行查拏。實為地方邊防之害。著長善嚴飭該管協領等。隨時訪查。如有由配逃回。及作奸犯科人犯。無論銷除旗檔。並在營房民居潛住者。一經查出。即行拏解。按律懲辦。並著隨案聲明。將該管官處分。概予寬免。儻不肯認真查拏。知情故縱。或別經發覺。即將該管各官嚴參懲處。該旗之鄰佑

親族人等一併嚴行治罪至銷除旗檔安置旗人家屬各節道光年間定例纂嚴近來銷檔之案並不認真覈辦以至有名無實日久弊生著刑部按照長善所陳變通章程妥議具奏諭軍機大臣等都興阿奏匪首糾眾竄入大孤山調兵勦辦一摺匪首王作幅勾結黨與三四百名攻入大孤山與會首徐中禮爭圍械鬪將徐中禮夥眾擊敗盤踞山內形同叛逆該處山川險要亟須撥兵勦除都

興阿現派劉景芳馳赴鳳凰城遏賊東竄商令色爾固善等分帶馬步各兵由省城取道岫巖直擣大孤山進剿並有戰船在海面抄截等語著卽飭令帶兵各員實力勦辦務當乘該匪初起之時趕緊殄滅不可觀望因循致令蔓延戰船是否足恃都興阿等當嚴飭水師協領認真截剿毋得稍有疏懈致戰船被賊擄搶轉滋後患都興阿等另摺奏擬派兵捕打冬圍藉肅山場等語捕打冬圍必須

抽撥各城兵丁前往現在大孤山匪眾未平各城官兵未便遠出致令地方空虛山場伏莽尚未肅清都興阿前奏擬俟製齊鍋帳等項於秋令入山清理著卽嚴飭在事帶兵各員實力搜勦務須盡絕根株該將軍所請捕打冬圍著俟明歲察看情形再行舉辦將此由五百里諭令知之○又諭官文等奏擒蹤逼近鄂境曾國荃擇期出省並官文奏請飭撫臣幫辦軍務各一摺擒逆大股分道竄至

新野鄧州湖北之隨棗光穀均形喫重官文等現在責成郭松林等分路扼守布置尚為周密曾國荃定期前赴德安調度該撫久在行間自能相機策應卽著督率各軍奮力擊剿如應山東北無賊窺伺卽調熊登武等軍策應西路毋令蔓延襄陽為南北要衝關繫甚重現雖漢水盛漲但不可不嚴為防守曾國荃擬察看賊勢如偏重西路卽移紮襄陽並著該撫隨時酌量進止鮑超雖因製造戰

車稽遲。究屬近於耽延。著官文等傳諭該提督。卽由隨棗繞出光穀。迎頭截擊。毋許再有延緩。曾國藩前奏飭令劉秉璋等軍。勦辦沙河西南之賊。逆蹤現偏鄂境。自當會合夾擊。並著官文。曾國藩。曾國荃。隨時知會聯為一氣。認真攻勦。以期迅殲醜類。毋任該將領等觀望不前。其任賴東竄之逆。卽著曾國藩飭令潘鼎新等。實力勦辦。毋令紛竄。李鶴年身任豫撫。責無旁貸。著卽嚴飭各軍。跟蹤追勦。

庶得及早殄滅。以副委任。將此由六百里各諭令知之。○命湖北巡撫曾國荃幫辦欽差大臣官文軍務。○予河南各屬陣亡殉難紳民婦女一千五百七十六名口分別旌卹如例。○癸未吉林將軍富明阿奏查辦禁山內挖金浮民得旨。所奏老金場人數較多。難以驅逐。著恪遵疊次諭旨。妥籌安置之法。毋得以移出界外各安生業空言致貽後患。○甲申諭軍機大臣等。李鶴年奏張牛兩逆分股

西竄。已至新野鄧州。任賴股匪由新鄭禹密竄至襄城。以南現飭豫軍分投追勦。一摺。張牛兩逆經馬德昭宋慶等軍乘勝疾追。頗有斬獲。該撫因北面喫緊。調回馬德昭一軍。現止宋慶一軍追截。兵力殊形單薄。該匪現由鄧州往西南奔竄。著官文曾國荃督飭各將領分路扼守。一面派兵出境與豫軍合力兜勦。盡殲醜類。免致入境滋擾。更為妥善。曾國荃已紮德安。務當審機度勢。妥籌調度。任賴

一股由許禹竄至襄城。陝汝一路門戶洞開。毫無準備。馬德昭一軍勢難兼顧。著曾國藩迅飭周盛傳潘鼎新等督飭諸軍實力進勦。毋任該匪西竄。致勦辦又形棘手。李鶴年另片奏朱仙鎮至黃河南岸地係飛沙旋挖旋圯。現以六營兵勇先行試辦。不能以全力從事。自係實在情形。著卽照所陳辦理。如兵力不敷。或添募勇丁藉資防勦。前敵之兵未可再行抽調。將此由六百里各諭令知之。○以

四川官軍越境勦辦滇匪出力。予總兵官李有恆優敘。知縣李嶽恆等以同知直隸州知州用。並賞花翎。餘升敘有差。陣亡外委汪永昇祭葬世職加等。○以貴州攻克席家山等處賊巢。賞參將毛際惠巴圖魯名號。餘加銜升敘有差。予陣亡參將王春福守備陳仕林。把總雷裕泰等祭葬世職加等。○予貴州婁寨陣亡千總譚應隆祭葬世職如都司例。建專祠。○乙酉。諭內閣。巡視北城御史景雲。給

事中王憲成奏。坊官承緝重案。限滿無獲。請予革職一摺。北城吏目莊椿齡承緝新順鋪夥張二被刦砍傷身死一案。一月限滿。賊賊無獲。實屬緝捕不力。著卽行革職。以示懲儆。王憲成另摺奏。聲明則例。請將外七門關廂以內刦盜殺人之案。照內九門刦案。一月賊賊無獲。卽行題參等語。著照所請行。○又諭。麒麟慶奏。查辦失守之知縣。援案定擬一摺。熱河朝陽縣街前被馬賊闖入。知縣慶康未能

設法守禦。經麒麟慶奏參撤任。茲據訊明該員於攻復縣街後。撥捕餘匪多名。並籌辦善後事宜。不遺餘力。該處紳民亦深愛戴。請將該員革職。暫行留任等語。慶康著照所請。革職暫行留任。麒麟另片奏。慶康前在平泉建昌一帶。緝獲匪犯多名。請寬免該員革職留任處分等語。著不准行。○諭軍機大臣等。張之萬奏。上南河廳猝出險工。分投搶辦。請飭豫省籌撥銀兩一摺。本年河流異常盛漲。上南廳緊抱南岸。溜勢側注。正當其衝。以致胡家屯等六堡隄埝壅塌。情形極為危險。現經張之萬相機搶護。而六堡之長。一時同生巨險。鑲新補舊。需款甚繁。當此工程萬緊之時。若用項不敷。恐難一律穩固。著李鶴年迅飭藩司。將奉撥未解銀兩。源源撥發。毋許延宕。以固要工。張之萬仍當嚴督在工員弁。設法搶護。化險為平。不得稍有疏懈。將此由四百里各諭令知之。○又諭。麟興等奏。籌辦進勦官

兵應需烏拉駝馬等項。並扼要添防。及訓練各軍。文盛等奏撥兵候調。歷陳俄國變亂情形。各一摺。前調內地征兵二千五百名。應需駝馬等項。麟興等擬令扎薩克圖汗賽因諾顏兩部落。湊備馬一千七百匹。駝八百五十隻。嚮導兵三百四十名。派赴西南兩路。三十四臺站。以備支應。均著照麟興等所議辦理。如該兩部落任意推延。卽著指名嚴參。其官兵應行分起行走。並稟糧前進之處。並著麟

興等咨會庫至照辦。俾免貽誤。官兵備戰馬匹。若由張家口沿途牧放。送到科城。不惟有需時日。且恐遺失倒乏。著奎昌明璠在於該城附近。趕緊採買。臚壯馬數千匹。俾該官兵到防應用。較為徑便。所需馬價銀兩。卽於解到科城餉銀內動用。歸軍需項下報銷。烏里雅蘇台所屬三十四臺站。應備庫羊等款。並西兩部落訓練蒙兵餉需。已諭令戶部速為籌撥矣。麟興等調撥扎薩克圖汗等部落兵

數。與李雲麟前奏小有參差。其應如何相機調撥。及防守德德庫鄂博等處之處。著李雲麟會商麟興等。妥籌調度。其東兩部落應調各兵。著文盛。阿爾塔什達。卽照麟興前調之數。趕緊挑選。並配齊軍火。駝馬。鍋帳等項。迅速派赴烏城。聽候調遣。文盛等奏據章京慶徵稟稱。俄國廓米薩爾丕飄斯。面稱伊國逸出罪人九百名。在城南邊界肆擾。又有帕勒雅克三千人反亂。伊國已派人防守各口等

情。與本日麟興等奏俄國邊界滋事情形。大略相同。惟廓米薩爾領事官等來文。及俄國卡倫人等所言伊處反亂情形不同。俄人狡詐性成。恐其別有詭謀。著麟興。車林敦多布。文盛。阿爾塔什達。各飭派出官兵。認真防範。不可稍涉疏懈。車林敦多布奏籌辦地方情形。願自備資斧。赴烏屬西南遊牧緊要地方。巡查訓練等語。車林敦多布前已有旨令其督率蒙兵。隨同李雲麟勦賊。仍當懍遵前旨。

隨同李雲麟馳赴古城進勦毋得以巡查遊牧等詞藉端推諉另片奏喀爾喀四愛曼應派蒙古兵各一百四十三名已飭各照數點派卽著帶赴李雲麟軍營聽候調遣以後遇有地方公事緊要軍情仍應會銜具奏期於和衷共濟李雲麟惟當懍遵七月二十四日寄諭督率各軍迅赴古城妥籌勦辦以副委任將此由六百里各諭令知之○
上以祭

社稷壇自是日始齋戒三日○

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十一

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十二

臣等謹將本年各省奏請開辦軍餉事宜恭摺具奏

臣等謹將本年各省奏請開辦軍餉事宜恭摺具奏

臣等謹將本年各省奏請開辦軍餉事宜恭摺具奏

臣等謹將本年各省奏請開辦軍餉事宜恭摺具奏

臣等謹將本年各省奏請開辦軍餉事宜恭摺具奏

奏

同治五年丙寅八月丁亥朔

上詣綏履殿問

慈安皇太后安平安室問

慈禧皇太后安至丙辰皆如之○祭

先師孔子遣大學士周祖培行禮○諭軍機

大臣等工部奏請飭催各省積欠硝斤等語

工部火藥局硝斤短絀不敷配造各旗營所

存火藥不敷演放而各省積欠之硝為數甚

鉅直隸欠解正額硝二十八萬斤短額硝九

萬餘斤河南欠解正額硝二十八萬斤短額

硝九千餘斤山東欠解正額硝四十二萬斤

大興宛平尚欠搭解硝九千餘斤亟應趕緊

辦解以濟急需著各該督撫府尹等按照該

部所開欠解數目嚴催辦運之員埽數解部

儻再延玩定將該員等從重懲辦將此各諭

令知之○署陝西巡撫劉蓉奏防勦喫緊請

將陝省兩屆大計一併展緩舉行從之○甯

夏將軍穆善善奏籌計現在軍情先帶馬隊

馳赴中衛布置進剿得旨鹽固安撫事宜仍

當妥籌辦理不可稍涉大意該將軍現擬馳

赴中衛察看進兵即著催調各營統帶前進

與楊岳斌之兵聯絡聲勢埽蕩逆氛以副委

任○以山西綏遠等城辦防出力賞協領文

山花翎防禦常喜藍翎餘加銜升敘有差○

予甘肅古水營陣亡佐領扒子祭葬世職加

等○蠲緩江西南昌新建進賢新淦安福永

新東鄉餘于建昌安義德化德安瑞昌湖口

彭澤豐城清江新喻鄱陽蓮花二十廳縣暨

九江府同知所屬被水被旱地方新舊額賦有差○戊子祭

大社

大稷遣定郡王溥煦恭代行禮○

上奉

慈安皇太后

慈禧皇太后幸漱芳齋侍午膳○署陝西巡撫劉蓉因病解職調安徽巡撫喬松年為陝西巡撫以安徽布政使英翰為巡撫調廣東布

政使張兆棟為安徽布政使以廣東按察使李福泰為布政使○哈密幫辦大臣奎章因病解職賞已革葉爾羌參贊大臣景廉頭等侍衛為哈密幫辦大臣○以候補總兵官姜國仲為直隸大名鎮總兵官○以甘肅克復甯夏等城出力賞提督黃金山劉定邦總兵官胡世英程興烈馬洪勝一品封典協領海祿巴爾疆阿博棟阿額爾慶額委參領富恆佐領楊德興林驍騎校赫爾精額鄂輟爾副

將石玉元羅承勳萬金榮參將李復玉關得勝鍾立春岳佐福遊擊余明正華閏發陽鳳仙李考祥周占魁董金春劉崇慶程泰旺都司汪永金黃仕彪張志春孫占魁張壽安唐玉春陳全勝石定邦李宏林劉宏發李大勝雷萬福李雲飛守備李福友巴圖魯名號台吉沙克吉扎布等花翎守備周炳恩等藍翎餘加銜升敘開復有差○以直隸大名堵剿捻匪出力賞道員段廣瀛三品封典總兵官

陳濟清巴圖魯名號副將文瑞知州李秉衡等花翎知縣余載恩等藍翎餘加銜升敘開復有差予陣亡守備劉得福千總劉得喜祭葬世職加等○予河南商邱陣亡縣丞劉昌祚陳桐齡祭葬世職加等○蜀緩廣東高明恩平茂名靈山新興西甯化羅定八州縣被擾地方額賦有差○己丑諭內閣閻敬銘奏濮州城圩被水現籌賑濟一摺山東濮州地方自黃河漫口後州城久被水浸居民於南

岸築圩遷避。本年陰雨兼旬。黃流盛漲。致新舊城圯。均被淹沒。該處被水災黎。蕩析離居。情殊可憫。閩敬銘現已籌款撫恤。著卽督飭該州知州妥為散放。務使實惠均霑。毋令一夫失所。其城北金隄歲修之費。並著寬為籌備。趕緊興修。以工代賑。○命孚郡王帶領侍衛十員。往奠故壽禧和碩公主茶酒。○以翰林院侍講徐桐。翁同龢。充日講起居注官。侍講學士馬恩溥。孫毓汶。司經局洗馬黃體芳。

署日講起居注官。○庚寅諭內閣。戶部奏申明定章。請飭遵辦一摺。向來各省徵存各庫。暨報銷餘賸。交代實存。並一切覈減還借扣完應繳等款。自道光三年嚴定章程。均應按季列冊報部覈銷。立法極為周備。乃各該省歷任藩司奉行日久。視為具文。並不依限報部。以致積案愈多。概歸懸宕。卽如江安等省。未經報銷各款。自道光四年起。至同治三年八月積壓將及千萬兩之多。虧帑長奸。莫此

為甚。若不申明舊例。嚴定處分。何以挽積習而清弊竇。除同治三年八月以前舊款。前已加恩豁免外。著兩江總督漕運總督江蘇安徽各巡撫嚴飭各該藩司。迅將豁免以後各款。登記銀兩。查明有無報撥之項。卽行造冊咨部。以憑覈辦。嗣後此款銀兩。如已解司。卽列入季冊。按半年定限。入撥查銷。未解司者。嚴飭催提入撥。不准久存屬庫。致滋流弊。如各該藩司等仍敢任意延玩。遺漏造冊。卽著

該部查明嚴行叅處。○諭軍機大臣等。御史汪朝榮奏直東交界梟匪充斥。請嚴飭緝拏一摺。據稱直隸山東等省梟匪千百成羣。搶鹽拒捕之案層見疊出。被擾各商紛紛上控。有案請飭直隸山東各督撫暨駐津通商大臣嚴拏等語。梟匪連年搶劫鹽灘。拒傷官役。實為直東等省之患。必須實力查拏。盡法懲治。方足以鋤積匪而裕賑課。著劉長佑。閻敬銘。崇厚。督同該運司等嚴飭該州縣。按照該

御史所指著名匪犯勒限緝拏訊明正法。如逾限無獲。卽行從嚴叅處。至所陳移營彈壓及該管地方文武等稟報遲延處分查辦通賊村莊各節。並著該督撫通商大臣等妥議具奏。原摺均著鈔給閱看。將此各諭令知之。○又諭趙長齡奏擒逆竄擾豫省西路空虛恐闌入晉境。請飭李鶴年派兵扼截等語。擒逆分股竄向襄城鄧州等處。漸近西趨。豫省各軍俱在東南追勦。恐該逆乘虛西竄。晉省雖有黃河之險。而山西為完善之區。尤為該逆所垂涎。防堵宜倍加嚴密。趙長齡現飭副將閻文忠一軍扼紮河干。恐尚未能堵截。著李鶴年探賊所向。如該逆有西竄之勢。卽飭令各軍繞前攔截。毋令闖入晉境。臬司陳湜現赴河東一帶籌辦防務。並著該撫知照。趙長齡飭令該臬司嚴密布置。毋稍鬆懈。復據大學士倭仁奏。擒匪屯聚朱仙鎮杞縣鄭州。俱有賊匪出沒。河北防務緊要。請飭李鶴年

派員巡察等語。擒逆既在杞鄭等處。則河北之防豈可稍懈。乃如倭仁所奏。該州縣僅雇民船數隻。有人查驗。則以此充數。無則仍舊撤去。實屬廢弛已極。著李鶴年派委妥員實力巡察。如有仍前玩泄者。卽著嚴行叅辦。倭仁片著鈔給閱看。將此諭令知之。○又諭德勒克多爾濟等奏。請借山西藩庫銀兩添備運費等語。烏城征兵需用米石。現由歸化城所屬之清水廳倉穀內碾運四千石前往接濟。需用駝價較多。該城前因土默特臺站護解新疆軍餉。曾借提山西藩庫銀二千兩備用。現僅餘銀一千三百餘兩。不敷供支。其新疆所需軍火餉項米麵。正值源源解濟之時。應用運腳亦須豫籌添備。著趙長齡於山西藩庫內暫行提撥銀五千兩。趕緊派員解交德勒克多爾濟等應用。此項銀兩卽著該將軍歸併前借存銀內動用。於年終報部覈銷。仍俟土默特旗庫減成項下集有成數。卽行

移解山西藩庫。歸還原款。將此各諭令知之。
○以內閣學士奕慶署理藩院右侍郎。以
鑲黃旗蒙古副都統玉亮暫署鑲黃旗漢軍
副都統。以江西石城縣捐輸團練永廣學
額九名。以湖北天門縣捐輸團練永廣學
額五名。以廣西潯州生擒逆首姚新淦。予
知縣徐延旭以知府用。並賞花翎縣丞文孔
詒藍翎。餘加銜升敘有差。○予甘肅紅城被
戕雲騎尉李逢春祭葬世職。○予江蘇長洲
等處殉難附生陳儒珍等紳民婦女一百五
十一名口分別旌卹。並立祠建坊如例。○辛
卯諭內閣。前據李雲麟奏調刑部郎中錫綸
隨營差委。當經降旨允准。茲據都察院據伊
母伊爾根覺羅氏呈稱。年老援案留養。代奏
等語。錫綸著准其留京當差侍養。○欽差大
臣曾國藩奏潘鼎新一軍迎勦獲勝。任賴逆
股竄至賈魯河。以西現仍辦理河防。得旨。現
在捻蹤西趨。防河之議可成。卽著該大臣督

飭地方官紳實力修濬。以杜紛竄。並著飭令
鮑超等軍往來遊擊。迅殲醜類。以慰廛念。
○以訓練火器營馬隊出力。賞二等侍衛熙拉
布副都統銜。○予因公淹沒江蘇知縣譚鼐
祭葬卹廕加等。○壬辰遣官祭黑龍潭
昭靈沛澤龍王之神。玉泉山
惠濟慈佑靈瀨龍王之神。昆明湖
安佑普濟沛澤廣生龍王之神。密雲縣白龍
潭。

昭靈廣濟普澤龍王之神。○遣官祭圓明園
惠濟祠
河神廟。○諭軍機大臣等。瑞麟、蔣益澧奏籌
辦西江土客械鬪。添調兵勇。先勦後撫。一摺。
廣東土客互鬪。仇釁已深。此次客匪竟敢明
目張膽。築壘抗拒官兵。實屬目無法紀。瑞麟、
蔣益澧現已飭令副將徐文秀等帶兵直抵
恩平。擇要進勦。卽著該督撫督飭諸軍分由
大田、埗底、大槐等處探蹤前進。並添派勁旅。

由黃坪取道那龍以次助攻。仍先斷賊接濟。期於有勝無挫。梅啟照礮隊練成。著卽飭令督帶前往那吉等處助攻。以資得力。蔣益澧察看賊勢。如果狡悍難制。卽行出省調度。用收一勞永逸之效。該匪等被勦勢窮。果能真心悔禍。自當恩威並用。設法安撫。其著名匪首。必須一一殄除。收其軍械。毀其營壘。方可相安無事。土民中如有肆意欺陵。不安本分者。並須隨時拏辦。以儆兇頑。總之分良莠。不分土客一語。已得要領。該督撫當仰體朝廷一視同仁之意。毋得聽信土民一面之詞。致客籍被脅良民。盡遭慘戮。是為至要。將此由五百里各諭令知之。○以四川克復松潘廳城出力。予副將鄧日勝黃宗耀。以總兵官用。賞參將胡義和等花翎。把總譚明高等藍翎。餘加銜升敘開復有差。○以河南鄧州截勦捻匪獲勝。予守備鄧林楓以遊擊用。陣亡都司鄧開成祭葬世職加等。○予山東各屬陣

亡殉難候選州判劉登翰等紳民婦女一千四百二十九員名口分別旌卹如例。○緩徵山東壽張荷澤單曹鉅野定陶冠鄆城武城九縣。暨臨清衛被擾被旱被風被雹地方。新舊額賦有差。○癸巳遣官祭

文昌帝君廟。○諭內閣。給事中廣誠奏訪聞近畿蠲免錢糧。地方官照常徵收。並有額外加徵情事。請旨飭查一摺。上年九月間。

文宗顯皇帝奉安禮成恭奉

神牌回京。經過之大興通州三河薊州遵化州地方。應徵同治四年錢糧。當經降旨全行蠲免。該地方官自應遵旨刊刻謄黃曉諭。俾閭閻均霑實惠。若如該給事中所奏。三河縣地方。不分應免應徵。一律徵收。並於正額之外。每兩加銀二三錢不等。此係特旨蠲免之款。該地方官竟敢奉行不力。致朝廷恩澤不能下逮。且於額外加徵。尤為藐法。更恐似此蒙混舞弊者。不止三河縣一處。卽著直隸總督

順天府府尹確實查明從嚴叅辦○諭軍機大臣等都興阿奏匪徒聞風竄逸現飭按捕一摺王作幅股匪自竄入大孤山後猶敢率眾出山經徐中禮擊敗現竄西上坡龍王廟一帶盤踞並有欲竄邊外大東溝之信該處係沿海潮溝向為奸匪潛蹤之所都興阿以徐中禮熟悉路徑即令其前導大兵徑往擒剿所辦甚是即著飭令色爾固善等督帶各兵分投勦辦先將王作幅崔永亮匪黨及盤踞龍王廟之于正潞一股盡數撲滅隨將該處無賴游民並私立稅卡妥為查究分別驅逐禁止毋貽後患至南海一帶近有借團練名目製造軍器械闖搶劫擾害良民情事此等棍徒若不早除必致釀成大患色爾固善等馳抵該處後即將團練器械悉令交官撤去團長名目不准私設團子以期消患未萌該將軍仍當隨時體察認真整頓務使沿海一帶土匪永絕根株方為妥善徐中禮即係

投誠之徐五有無侵吞團練經費及謀利不法實蹟並著都興阿確切查明妥協辦理將此由五百里諭令知之○又諭前據文祥等奏營員玉山等惑亂軍心以致紛紛逃散當諭令富明阿將玉山如福二員拏解奉省交都興阿訊明正法茲據都興阿奏稱遵將解到之如福等訊明分別懲辦其未獲之玉山一員及弁兵等請飭吉林將軍拏辦等語著富明阿速將玉山拏獲即在該省就近分別懲辦其餘潛逃弁兵並著該將軍酌量情節輕重分別辦理原摺著鈔給閱看將此諭令知之○甲午遣官祭昭忠祠○諭軍機大臣等李瀚章奏彙報援黔勝仗並添勇籌防情形請飭川省會勦一摺李元度一軍攻克大小地並附近賊寨多處距荊竹園教匪老巢甚近其苗匪一股亦經兆琛周洪印兩軍由思州天柱等處節節進剿沿途疊獲勝仗直抵鎮遠邛水現在黎平股匪糾約各苗欲由

古州進撲王寨天柱該處與湖南之靖州會同毗連李瀚章現擬月撥楚餉三千兩檄交兆琛就地練勇堵禦並由兆琛撥營協守著卽飭令兆琛實力辦理毋令苗匪竄入楚疆李元度一軍不敷分布現擬添募水陸新勇並添設三板戰船扼守江路惟江外教匪上抵遵義綏陽桐梓正安下抵湄潭龍泉思南安化婺川賊巢甚多與荆竹園股匪處處皆可援應該處與川省毗連必須川東合力會勦方可斷絕內江援應著崇實駱秉章卽飭令防邊之師由秀山酉陽一帶建瓴而下將外江各匪實力掃蕩與李元度聲勢聯絡以期迅殄逆氛毋稍延誤將此由五百里各諭令知之○蠲免貴州都勻鎮遠思南黎平興義貴陽六府麻哈都勻清平荔波黃平施秉永從開泰貞豐普安安南興義平越餘慶甕安湄潭開貴定修文龍泉貴筑獨山鎮遠婺川二十四州縣暨古州左右清江左右八寨

台拱黃施丹江凱里九衛普安同知清江下江歸化通判冊亨州同錦屏鄉縣丞所屬被擾地方額賦有差○乙未

太宗文皇帝忌辰遣官祭

昭陵○諭內閣給事中徵麟奏蠹書違旨徵收錢糧一摺據稱上年九月間

文宗顯皇帝

孝德顯皇后奉安禮成恭奉

神牌回京經過之大興等州縣應徵同治四年

錢糧奉旨蠲免乃通州衙門戶書李鈞楊升

黃釗王榮王剏于一等以謄黃為故事仍串

唆該州知州將御路兩旁地畝概行徵收等

語似此舞弊殃民實屬藐玩已極著直隸總

督順天府府尹卽行確切查明如果實有違

旨徵收情事卽著將該官吏等從嚴懲辦此

外州縣有無前項情弊著一併查明辦理毋

稍徇隱○又諭御史王師曾奏請停止捐免

罰科等語所奏不為無見鄉會試磨勘覆試

定例恭嚴。近日章程。准以銀兩捐免磨勘覆試。幾同虛設。殊於政體有礙。嗣後文武鄉會試磨勘覆試。罰令停科。停殿試者。概不准援案捐免。以肅功令。○諭軍機大臣等。給事中劉毓楠奏。本年六月間。杞縣高陽寨被賊陷。後省城戒嚴。城內並無兵勇。盡驅民夫守城。糧價頓昂。窮黎尤苦。城外居民。任賊殺掠。逃難男婦。號哭不絕。請飭李鶴年籌辦省防等語。開封省城最關緊要。現當賊蹤飄忽。自應

先事防範。俾緩急可恃。劉毓楠所奏。是否實情。其所陳濬城濠等事。現在是否辦理。著李鶴年按照該給事中所奏察看情形。斟酌妥辦。以期有備無患。原片著鈔給閱看。將此諭令知之。○以大理寺卿鮑源深為都察院左副都御史。○以甘肅平羅中衛兩縣守城出力。賞都司白天保等花翎。知州王贊襄等藍翎。餘升敘開復有差。○丙申。

上詣

奉先殿

壽皇殿行禮。○諭內閣。麒麟慶等奏會勘避暑山莊文津閣要工。將估需工料銀兩數目開單呈覽一摺。此項銀兩著戶部按照單開數目籌撥交麒麟慶等於明歲春融後照估興修。○旌表刲股療親安徽歙縣附監生徐嘉幹女有金。○旌表刲臂療親江西知縣周汝筠妻沈氏。山東庫大使宋玉珪妻吳氏。○旌表守正捐軀江蘇邳州民婦沈趙氏。○丁酉。

太祖高皇帝忌辰遣官祭

福陵。○以克復哈密城出力。賞遊擊文楨等花翎。把總王祺等藍翎。餘升敘免罪有差。○予奉天各屬陣亡殉難驍騎校富隆阿等紳民婦女五百一十四員名口分別旌卹如例。○追予奉天興京廳陣亡通判劉景醇。防尉殷德春建立專祠。○戊戌遣官祭

關帝廟。○追予四川隆昌陣亡知縣肅慶建立專祠。○己亥諭軍機大臣等。有人奏督臣

調度乖方請飭查辦一摺。陝甘總督楊岳斌前因在江南督帶水師。疊克堅城。特畀以兼圻重任。原冀其調度合宜。肅清回務。乃如所奏。偏厚楚勇。捏報勝仗。致有童謠流傳。並任用參將周顯承。知府張瑞珍。而以諛言參劾。署甯州知州張掄元。秦安縣知縣劉元績。是非倒置。豈能勝此重任。楊岳斌前因藩司林之望揭參。業經降旨交穆圖善查明。據實覆奏。茲復有人列款糾參。並著該將軍按照摺內所陳。逐款查明。秉公具奏。毋得稍有徇徇。又有人奏。劉元績在甘肅十餘年。所莅各任俱有政蹟。何以楊岳斌正月間奏內。有肆行貪酷。紳民呈控劣蹟甚多之語。著穆圖善一併詳細確查具奏。以昭覈實。原摺片及楊岳斌前參劉元績摺。均著鈔給閱看。將此諭令知之。○又諭。麟興等奏遵調蒙兵西進。並將八卡俄人逐出。請飭山西撥解經費各摺。李雲麟統兵西進。前經麟興等於賽因諾顏。

扎薩克圖汗。兩愛曼遊牧蒙兵。調撥八百名。限日赴烏。交李雲麟調遣。會同科塔兩城蒙兵。一併前進。著麟興即飭令該盟長等。趕緊辦理。並著車林敦多布。遵奉前旨。隨同李雲麟。統帶蒙兵。馳赴古城進剿。毋得藉詞推諉。錦丕勒多爾濟。前已有旨。令其署理烏里雅蘇台參贊大臣。即著麟興催令速赴新任。俄人逸入卡倫。經官兵逐退出境。賽因諾顏等各盟長。以邊防有警。欲將前調之蒙兵八百名。防守遊牧。惟現在李雲麟前赴古城。為期甚迫。所調蒙兵。礙難驟行撤回。麟興當嚴飭賽因諾顏等各盟長。催兵前進。毋許遲誤。並飭令該盟長。另添蒙兵防守。毋令俄人續入卡倫。李雲麟所調之額外蒙壯丁一千名。即著麟興責成。錦丕勒多爾濟。趕緊催調取齊。以厚兵力。烏科二城。歲需餉銀。為數較多。麟興請將欠發乙丑年臺站卡倫兵丁鹽菜銀八千兩。於解到新疆餉銀。動用補放。著准。

其提出應用。將此由六百里各諭令知之。○江西巡撫劉坤一奏封禁山並無齋匪藏匿得旨封禁山內。既據段起查明俱係耕種棚民並無匪類。著照該撫所奏。俟閏兵之便進山查勘。如果可以弛禁。卽行會同閩浙總督奏明辦理。贛甯民氣强悍。仍當督飭地方官認真彈壓。毋稍鬆勁。○補鑄江南太湖營副將貴州黔西州知州黔西營遊擊各關防印信。從署總督李鴻章巡撫張亮基請也。○追

予湖北武昌陣亡知縣王恩綬於江蘇無錫縣原籍建立專祠。予燹暨家丁等一併附祀。○予江蘇各屬殉難主簿葛家達等紳民婦女二十一名口分別旌卹。並立祠建坊如例。○命山西巡撫趙長齡撥銀八萬五千兩解赴烏里雅蘇台科布多二城備本年經費。○庚子諭軍機大臣等。官文曾國荃奏訪察近日賊情。請籌防西路一摺。張牛等股竄至鄧州一帶。有向浙川內鄉之意。而荆子關潼關

等處。為入陝通衢。賊若被擊西竄。殊慮處處空虛。該督撫已令鮑超隨時覘賊所在。以定進擊之方。或徑達浙川。或繞過內鄉。擱頭遮截。如折而東趨。卽令郭松林等從桐柏唐縣橫截而出。並令劉維楨等向新野一路進發。遙為霆軍聲援。調度甚合機宜。曾國荃業已馳抵德安。鮑超一軍亦已齊抵棗陽。卽著就近傳諭該提督視賊所向。迎頭勦擊。毋令賊騎入陝。荆子關等處有險可扼。著劉蓉調派

兵勇妥為防範。喬松年尚無起程信息。該署撫一日在陝。當盡一日心力。不得存五日京兆之見。僅任賊入秦。定惟劉蓉是問。宋慶一軍前次勦賊甚為出力。並著李鶴年嚴飭宋慶激勵部勇。會合霆軍前截後追。以收聚殲之效。省防河防並須認真籌辦。毋稍疏懈。曾國藩已由臨淮赴周口。何日到營。殊深廕繫。任賴等股盤踞葉縣舞陽。擾及西平。著曾國藩督飭周盛傳等軍勦辦。此股賊匪仍兼顧

陝省門戶。該大臣並當與官文、曾國荃隨時
函商統籌全局。以期廓清餘孽。速覓全功。將
此由六百里各諭令知之。○又諭李雲麟奏
遵旨進規烏魯木齊。請旨豫定節制。請飭後
路征兵徑赴奇古。並催兵出關。兼籌甘肅撥
兵情形各摺片。李雲麟所籌將三路之兵合
攻烏魯木齊。在古城安設糧臺。按兵給餉。並
烏科塔三城現調蒙兵四千名。定期前進。各
節均著照所請行。成祿一軍前諭令楊岳斌
另行派兵圍攻肅州。以便騰出該提督出關。
乃閱時甚久。該督並未派兵更替。嗣據成祿
奏報賊勢甚感。圍勒正當喫緊。是以仍令成
祿一軍迅速攻拔肅州。俾出關後不至有所
阻滯。茲據李雲麟奏甘肅省城令楊岳斌撥
兵駐守。飭鶴齡一軍與黃祖淦共圍肅州。惟
黃祖淦所部不過千餘人。而成祿續招之南
北兩營二千餘人。俱係本地練勇。出關未必
得力。若將此項練勇歸併黃祖淦與鶴齡共

圍肅州。則成祿一軍可以更替出關等語。所
籌亦尚周妥。楊岳斌回省布置。計已大定。著
卽速飭鶴齡督兵西進。會同黃祖淦接辦肅
州攻勦事宜。毋再任意抗違。自干罪戾。成祿
於鶴齡等抵肅州後。卽趕緊起程。鼓行而西。
馳赴奇古一帶。會同李雲麟等軍相機勦辦。
不准藉詞延宕。李雲麟現在督兵進勦。卽著
恪遵疊次諭旨。調派各軍奮勉立功。以副委
任。奇古民勇進攻逆回。先勝後敗。散糧雖為
賊踞。而該處民勇志切同仇。自屬可用。李雲
麟務當迅速前進。招集練勇。鼓舞而振作之。
因糧於賊。當可協助官軍共殲醜類也。將此
由六百里各諭令知之。○又諭奎昌等奏派
員採買麥石。請飭山西巡撫轉飭各該地方
官趕買一摺。奎昌等現由新疆餉內提出銀
二千兩。派委筆帖式托莫爾歡等分為兩起。
由科起程赴歸化一帶採辦。惟歸化地方收
成歉薄。恐採買無多。有誤軍食。著趙長齡飭

令該省各地方官於產糧處所趕緊購買小麥五千石派員解至歸化交歸綏道衙門聽候科城派員領取知照塔城領收所有購糧經費即著該撫於應解新疆餉銀內劃撥動用期於迅速採買無誤要需李雲麟另片奏行軍需用弓槍請飭晉省速行撥解等語李雲麟現在調集蒙兵剋日進剿所需戰弓檣槍自係緊要據稱山西解到軍火內有箭無弓有馬槍無檣槍此時若由陝調取誠恐緩不濟急著趙長齡迅速買辦戰弓一千張並由省局酌撥檣槍二百桿派員徑解綏遠城轉解李雲麟軍營交納毋稍遲緩將此由五百里各諭令知之○賞庫爾喀喇烏蘇領隊大臣三等侍衛李雲麟頭等侍衛幫同西安將軍庫克吉泰辦理新疆軍務○以鑲黃旗蒙古副都統果勒敏署右翼前鋒統領○以正黃旗滿洲副都統察杭阿署鑲黃旗漢軍副都統正紅旗蒙古副都統奕貴署鑲紅旗

漢軍副都統○辛丑秋分夕

月於西郊遣禮親王世鐸行禮○諭軍機大臣等劉嶽昭奏籌剿仁懷號匪布置情形一摺劉嶽昭現在折回黔邊因黔西大定畢節一帶賊股尚多擬先將仁懷之大小地寺等處號匪撲滅再入黔西庶免後顧之慮該撫已飭各營拔隊進攻大地寺等處而自帶數營橫出仁懷會合夾擊所籌尚妥著即督飭所部迅將此股號匪盡數殲除即由大定一帶節節掃蕩直抵滇省用副委任另片奏克復地方請飭黔撫委員妥辦善後等語黔中羣盜如毛劉嶽昭由黔進兵沿途勦平城寨斷不能留兵代守儻地方官不得其人則兵去賊來勞而無益即劉嶽昭入滇之軍復為牽掣著張亮基隨時體察所屬賢否遇有軍務地方賊平之後即慎選賢能牧令將該處善後各事宜妥籌辦理以靖地方毋得專恃客兵置分所應辦之事於不顧也將此由五百

里各諭令知之。○直隸總督劉長佑奏實缺將弁率多在外防勦。請將上屆及本年軍政一併展緩舉行。從之。○旌表守正捐軀熱河建昌縣民女聶潔兒。

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十二

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十三

穆宗皇帝繼天開運受中居正保大定功聖智誠孝信敏恭寬毅皇帝實錄卷之一百八十三

教修

同治五年丙寅八月壬寅月食。○蠲緩湖北

黃陂黃岡二縣暨黃州衛被擾地方新舊額賦漕米有差。○癸卯。

上奉

慈安皇太后

慈禧皇太后幸漱芳齋侍午膳。○諭內閣楊岳斌奏查明標兵變亂始末並現在辦理情形一摺。本年三月間甘肅省城弁兵王占鼐等因糧餉不繼起意聚眾索糧藉口於裁兵亂伍之說誘眾搶殺並欲勾通回匪入城初三

日子刻。後營兵丁下城求糧。前左中各營紛然響應。副將羅宏裕等聞變。亟往攔截。該弁兵卽入城沿街趕殺。追至該副將衙門。守備席光斗督隊直入。刀矛並舉。遊擊李玉安。副將羅宏裕。參將王金階。俱受重傷。幕友委員。盡遭戕害。乘勢擁至督署及軍需局。將幕友委員親兵等一律殺斃。並分掠督協各署。軍需釐金各局。守備汪榮另立野馬隊。剽掠皋蘭金縣居民。實屬目無法紀。亟應分別嚴辦。

該督現將首先謀亂之王占鼐帶隊搶殺之席光斗。汪榮等一百二十三人分別正法。以昭炯戒。在逃之馬魁。馬文等。仍著該督飭屬嚴密查拏。務獲懲辦。毋任漏網。○諭軍機大臣等。前因御史汪朝榮奏直東交界梟匪充斥。請嚴飭緝拏。當經降旨交崇厚等認真辦理。茲據崇厚奏稱。天津河間各屬。時有梟匪私搶鹽灘。非有兵勇常川遊巡。難期盡絕根株。記名總兵劉景芳。前經劉長佑派赴天津

等處巡緝。頗資得力。請飭調回直等語。梟匪恃眾橫行。最為地方之害。若不認真按捕。日久必釀成巨患。現在奉省餘匪無多。兵力尚厚。著都興阿察看現在情形。如兵勇足敷。按剿。卽飭劉景芳迅帶所部馬勇。仍回直隸。聽候劉長佑等調派。所有著名梟匪。仍著崇厚會同劉長佑。督飭運司鎮道等勒限緝拏。毋任宕延。再察哈爾地方緊要。著都興阿飭令色爾固善迅卽來京。前赴新任。不許稍有逗

遛。將此由四百里各諭令知之。○又諭。楊岳斌奏各路軍營疊獲勝仗。涼郡解嚴。請飭四川添解軍餉。並出省勦賊各摺片。南字明字兩營在大營川清水驛趙家岔鹽溝各處獲勝。提督王仁和署總兵楊占鼐。副都統瑞雲等軍亦疊次獲勝。涼州解嚴。張在山慶防一軍。將土匪蘇存鴻等股擊敗。勦辦均屬出力。在事員弁兵勇。著楊岳斌擇尤酌保。毋許冒濫。省垣變亂甫定。正須大吏駐紮藉資鎮攝。

前據楊岳斌奏擬出省剿賊當經諭令該督妥籌全局妥協辦理此時該督業已出省馳赴南路剿賊雖經派令羅進賢等督帶各營留紮省關內外而根本重地關繫非輕該督仍當迅飭蔣毅學一軍趕緊進省嚴密布置毋得顧此失彼再蹈從前覆轍秦州一帶回匪卽著該督迅速埽除不可稍涉延緩鶴齡所部川軍因糧餉不繼飢斃陣亡餘存無多不成隊伍著卽飭令鶴齡將所存川兵全數

遣撤歸川以示體恤惟肅州圍剿正當喫緊必須甘省另撥一軍會同黃祖淦剿辦方可替出成祿督軍出關著楊岳斌懍遵前旨迅卽選派得力數營前赴肅州會剿所有川省應解鶴軍餉銀著崇實駱秉章按月籌撥一萬兩解交成祿軍營由成祿就近添募勇丁出關剿賊則兵力較厚勦辦自易得手該將軍總督等均受朝廷厚恩務當遵旨迅速籌辦毋得稍有推諉貽誤事機成祿接奉此旨

趕緊料理起程馳赴奇古一帶會同李雲麟等軍勦辦回匪不准藉詞延宕陝甘總督已令左宗棠調補閩省距甘遙遠左宗棠到任尚需時日楊岳斌仍當振刷精神將地方吏治軍務認真經理不得存五日京兆之見儻任意廢弛貽誤地方必重治該督之罪懷之將此由六百里各諭令知之○又諭本日據楊岳斌奏才力不及病勢日增懇請開缺業經明降諭旨令左宗棠調補陝甘總督其閩

浙總督令吳棠補授所遺漕運總督令張之萬調補並令蘇廷魁署理河東河道總督矣陝甘為邊陲重鎮現當回氛甚熾楊岳斌於人地不甚相宜辦理未能有效眷顧西陲實深廑繫左宗棠威望素著熟嫻韬略於軍務地方俱能措置裕如因特授為陝甘總督以期迅埽回氛綏靖邊圉該督於接奉諭旨後卽將閩浙印務交與英桂兼署迅卽馳赴新任悉心經理以慰繫懷閩浙現雖平靖而營

務吏治廢弛已久吳棠到任後務當認真整頓毋稍鬆懈現在洪澤湖等處盛漲疏洩甚關緊要而捻逆紛竄河防亦宜嚴密張之萬蘇廷魁膺此重任均宜加意整理不可稍有延誤將此由五百里各諭令知之○實授廣州將軍瑞麟兩廣總督○陝甘總督楊岳斌因病解職調閩浙總督左宗棠為陝甘總督以漕運總督吳棠為閩浙總督未到任前以福州將軍英桂兼署調河東河道總督張之

萬為漕運總督以河南布政使蘇廷魁署河東河道總督○以順天府府尹卞寶第為河南布政使陝西按察使胡肇智為順天府府尹○以廣東羅定等處勦匪出力賞副將潘其泰巴圖魯名號同知林貴文都司馮國安等花翎守備黃文煥等藍翎餘加銜升敘有差○以甘肅省城疏防兵變革副將羅宏裕參將王金階遊擊李王安千總史瀚把總左域等職仍留營○予甘肅達家莊陣亡千總

楊楚達祭葬世職加等○予廣東廣甯陣亡把總雷濟廷祭葬世職○甲辰諭內閣順天府府尹卞寶第昨經簡放河南布政使茲據奏稱自揣才具不勝外任請收回成命等語現在河南地方軍務未平吏治民生均屬緊要卞寶第經朝廷簡擢自應力圖報效著懍遵前旨迅赴新任毋許固辭○又諭曾國藩奏官軍在西華上蔡等處勦賊四獲勝仗一摺張牛兩逆分股竄擾西華上蔡等屬六月

十七日總兵劉松山張詩日等拔隊至西華進勒追殺十餘里擒斬礮斃約逾千名十九日官軍將歸村老營移紮永平寨該逆偵知伏賊千餘騎於萬金寨旁意圖截取輜重總兵李祥和等合軍夾擊斬獲多名旁竄各村莊者亦經擒殺殆盡二十日張詩日等分路進攻雙廟老巢逆賊以大股迎敵各營槍礮齊發斃賊無算賊馬千餘分抄左右兩軍後路復經各營擊退乘勢猛進逆屍枕藉兩路

之賊追抵洪河。偪水淹斃者數里不絕。綜計擒斬轟斃者近三千名。淹斃無數。該逆被創後折回西趨。復經官軍追及於郾城之召陵。斃賊又二千有奇。此次湘軍擊賊七日之內。連獲大勝。賊之精銳損傷三分之一。實足快人心而申天討。著曾國藩督飭各軍乘勝追勦盡殲醜類。毋留餘孽。各營出力員弁著由曾國藩彙案奏獎。以昭激勸。○又諭李鴻章等奏江蘇府廳州縣積年懸缺。遵旨遴員酌

量請補一摺。江蘇省兵燹之餘。吏治需才孔亟。現在地方各缺停補多年。自應如該署督所請。變通成例。擇人圖治。以資整理。所有單開之徐州府知府等缺。著准其以部雲鵠等補授。其前吏部議駁之吳縣知縣等缺。著准其以唐翰題等補授。嗣後不得援以為例。○諭軍機大臣等。都興阿奏官兵攻克大東溝踞賊。及查明降賊徐中禮不法各情。先行正法一摺。匪犯徐中禮投誠後。並未悔罪自新。

仍占踞孤山。藉圖訛索。聞大兵將至。蓄意潛逃。經色爾固善等將該犯拏獲正法。並將其心腹匪首修樹林等一併擒斬。所辦甚是。其王作幅一股。經總兵劉景芳帶兵往勦。疊次獲勝。勦洗殆盡。王作幅是否傷斃。仍著確切查明。毋任免脫。現在鳳岫二郡商民已均安業。惟孤山地濱海口。大東溝素為奸藪。亟須乘此軍威。將餘匪勦除淨盡。以絕根株。即著都興阿迅速調派官兵。分投搜捕。並嚴飭協

領穆國良催派戰船。赴各島嶼訪拏餘匪。認真躡緝。不准一名漏網。其孤山地方。應如何撥兵駐守。以資彈壓。並著都興阿妥籌辦理。另片奏統帶五行隊之副將潘永春於八月初二日夜間被戕身死。其中顯有情節。著該將軍確切查明具奏。毋稍諱飾。將此由五百里諭令知之。○又諭曾國藩奏官軍在西華等處迎勦張逆獲勝。近日軍情調度。並因病請假各摺片。張牛等逆。經劉松山等軍急追。

折竄寶豐葉縣等處。該逆既有回竄東北再窺山東之意。東省曹單等處。應如何抽撥勁旅扼賊竄路之處。著曾國藩妥為布置。前據官文。曾國荃奏張牛等股竄至鄧州。恐被擊西竄。當令鮑超率軍由西路繞截。該大臣現今鮑超由汝甯北出迎。勒力扼東竄。此時東路各軍。兵力尚敷。勒辦而西路甚屬空虛。若不嚴為之備。萬一西竄入秦。匪勢蔓延。又成不了之局。鮑超一軍。自應遵照前旨。由內鄉

一帶攔截。偪賊東趨。以收聚殲之效。著曾國藩與官文。曾國荃悉心籌畫。相機調撥。該大臣以感受暑溼患病未痊。殊深廑繫。著賞假一箇月。在營安心調理。各路緊要軍情。仍著隨時調度。不可稍有疏懈。將此由五百里諭令知之。○又諭。成祿奏請將指撥文麟餉銀飭令運解。並請飭催各省協餉等語。前次指撥文麟軍餉銀十五萬兩。除由成祿委員赴烏迎提過銀一萬兩外。應存銀兩。著德勒克

多爾濟將前項撥款陸續分批運解。成祿軍營其已解交烏里雅蘇台者。並著知照該城轉為撥運。俾資軍用。至河南山西陝甘等省。每月應解成祿軍營協餉。及前調該營軍械軍火。即著楊岳斌劉蓉李鶴年趙長齡迅速籌撥。均歸山西巡撫。由綏遠城將軍設法從草地轉解。成祿行營。毋再遲延。干咎。肅州業已合圍。官軍直偪城濠。賊勢已蹙。成祿當激勵諸軍。迅圖克復。趕緊料理出關。以副委任。

成祿另片奏請將打仗受傷之已革總兵慶瑞免其發遣等語。慶瑞著加恩免其發遣。將此由五百里各諭令知之。○又諭。據總理各國事務衙門代奏。署伊犁將軍榮全摺單等件。榮全自伊犁大城失守後。羈留俄境。欲於圖爾根河迤東紮營。聚集索倫等兵。乃索倫營總管德勤有心從逆。推病不出。事不果行。嗣因哈薩克搶奪日甚。榮全帶同官兵保護糧石。至庫庫烏蘇俄境居住。旋借道至喀帕

兒並發索倫等賒欠銀兩派員採買米石現由喀帕兒往科布多投烏里雅蘇台大營該署將軍於上年八月間奉委催調俄兵所過斜米庫庫烏蘇等處經過夷臺二十九座所用車價及賞賚各項銀兩均著准其作正開銷前存俄國餉銀已飭解餉官趕緊由科布多解往烏里雅蘇台著麟興奎昌等派員迎提於解到後將此項銀兩交李雲麟分撥各營應用以資飽騰李雲麟前奏擬將科城兵一千二百名歸榮全統帶會合進剿榮全現到烏里雅蘇台自可與李雲麟會晤即著妥商進剿用副委任至參將富貴等奉委護餉並未領過路費所有借用軍餉銀兩應如何抵銷之處著麟興等酌量辦理富貴等仍著留營差委領隊錫拉那辦糧遇賊多方保護旋因積勞身故著榮全查明請卹所用餉銀帳目著責令克新泰等趕緊報銷俄人在圖爾根河以西紮營目下有何動靜索倫領隊

從逆之事是否確實著李雲麟密探據實具奏榮全已派署伊犁將軍嗣後遇有地方公事及緊要軍情著自行具奏毋庸再由總理各國事務衙門代奏將此由六百里各諭令知之○以故土默特扎薩克貝勒布彥巴達爾呼子貢桑珠爾默特襲爵○以正紅旗滿洲護軍參領興林為鑲黃旗蒙古副都統火器營翼長成惠署鑲紅旗漢軍副都統○以察哈爾副都統色爾固善為都統調鑲黃旗蒙古副都統玉亮為察哈爾副都統○賞三品頂帶革職留任錦州副都統慶春二品頂帶署廣州將軍以奉天鳳凰城守尉奕榕為錦州副都統○調甘肅按察使英奎為陝西按察使以前任浙江按察使劉典署甘肅按察使○予奉天大東溝陣亡守備張信祭葬世職加等○乙巳諭內閣御史王朝榮奏月食示儆請飭在廷諸臣實力修省一摺現在捻匪回氛尚未平定江南之淮揚廬鳳湖北

之江漢蘄黃等處均罹水災允宜倍深儆惕朝廷宵旰勤求不敢稍自暇逸內外臣工其各力圖振作同心協贊用副恐懼修省之意○諭軍機大臣等李鶴年奏湘豫官軍會剿張牛逆股疊勝一摺張牛兩逆被豫軍擊敗後復經曾國藩派出之劉松山等軍會合堵剿殲斃賊匪甚眾該逆喪膽狂奔由南召魯山竄入汝州復經馬德昭擊敗遂向郟縣禹州鑽山而遁該逆屢經敗挫其膽已寒正可

乘此機會痛加剿洗著曾國藩李鶴年分飭湘豫兩軍協力進剿迅將此股賊匪盡數殲除毋任再行奔竄另片奏賊目桂錫楨懇請投誠等語桂錫楨一犯前因僧格林沁曹南之敗竟甘心從逆本難稍從寬貸惟現當解散賊黨之時若不暫准投誠恐賊中疑懼其黨愈固桂錫楨著准由李鶴年招撫暫事羈縻如不能奮勉立功或仍心懷叵測即將該犯立行正法毋稍姑息將此由五百里各諭

令知之○又諭前有旨令直隸等省將應解新疆餉銀解赴山西遞至綏遠城轉解烏里雅蘇台分撥應用茲據趙長齡奏晉省遵撥餉銀業由該撫飭解綏遠城交納請飭直隸等省將應解銀兩徑解歸綏道轉解以免周折等語著官文崇實賂秉章劉長佑閻敬銘李鶴年曾國荃即將直隸四川山東河南湖北應解新疆伊犁餉銀由各該省派員徑解山西歸綏道衙門交納轉解應用毋庸繞由

山西省城以期迅速而免延誤將此由五百里各諭令知之○以內閣學士劉焜署順天府府尹○以江蘇南匯縣捐輸軍餉永廣學額十名○以江西捐輸軍餉永廣吉安臨江兩府學額各二名永豐縣十名新淦縣一名○以河南襄城勦擒獲勝生擒賊首魏章賞委參領全福花翎予千總余振清以都司用○以山西辦理防剿製造軍火出力予佐領忠榮等升敘有差○予河南新野陣亡千總

沈金把總鄧士炳祭葬世職加等。○予浙江山陰等處殉難在籍知縣周治潤等紳民婦女四十三員名口分別旌卹如例。並予建祠。○丙午命大學士周祖培刑部尚書綿森都察院左都御史全慶理藩院左侍郎英元前往

定陵附近一帶相度地勢。○命戶部左侍郎阜保前往察哈爾照料征兵一切事宜。○河南按察使王正誼因病解職。以開歸陳許道德

蔭為按察使。○追予浙江杭州陣亡總兵官王振聲祭葬世職加等。○丁未諭軍機大臣等御史朱鎮奏京師引鹽缺乏請嚴禁奸商把持囤積一摺。據稱京師廣渠門外舊有京鹽總局。今改為一人私產。任意勒索。並於欄杆市另設內廠勒買引鹽。轉賣圖利。如眾商不從。即將鹽包扣留。以致商人裹足。鹽價增昂等語。引鹽為民食攸關。豈容市井奸民把持圖利。著劉長佑確切查明。嚴行懲辦。長蘆

運司克明是否猝患疾。不能理事。並著查明具奏。原摺著鈔給閱看。將此諭令知之。○又諭御史盧士杰奏請飭統兵大臣迅督各路兵勇合力剿賊一摺。據稱南方水道紛歧。稻田交錯。利在以扼為剿。北方平原曠野。千里無阻。利在跟蹤追擊。不令喘息。以剿為扼。宜合楚豫皖三省兵勇為合剿之計。不宜但籌分扼之策等語。所奏不為無見。著官文曾國荃李鶴年酌度現在軍情。會籌妥辦。曾國藩總統師干。尤應統籌全局。督率湘淮各軍。視賊所向。前截後追。不可僅以扼守沙河為畫疆自守之計。鮑超一軍。並著曾國藩飭令迅速由鄂入豫。相機兜剿。毋任延緩。盧士杰原摺著各鈔給閱看。將此由五百里各諭令知之。○又諭御史慶福奏敬陳管見一摺。該御史前在烏里雅蘇台當差。目睹情形。所陳添設官兵修理軍器收養難民清理庶獄緝拏盜賊開墾荒田各條。尚能獨抒所見。惟所

稱添設蒙古兵丁三千名招商開墾荒地以裕食用兩節必須酌度情形方能經理得宜著德勒克多爾濟麟興錦丕勒多爾濟按照該御史所陳悉心籌酌妥議具奏其修理軍器各節乃該將軍等應辦之事並著德勒克多爾濟等會商妥辦毋許粉飾原摺著鈔給閱看將此各諭令知之○又諭據御史慶福奏稱現在派兵進剿西路所難在粟請飭直隸山西豫購米麥聚集於張家口綏遠城二

處由買賣路徑運至哈密巴里坤屯聚嗣後隨大兵源源而進庶無乏食之患餉銀一項仍由烏里雅蘇台科布多轉運為便採買羊隻等項亦復就近至軍營有應調烏里雅蘇台軍器火藥等項並科布多羊隻麥麵准其先調後奏各等語所奏購運粟米一節著劉長佑趙長齡斟酌情形妥籌辦理至由張家口綏遠城運糧至哈密巴里坤應如何設法轉運之處著福興卓保會商妥辦據實覆奏

將此由五百里各諭令知之○補鑄塔爾巴哈台領隊大臣圖記從參贊大臣武隆額請也○戊申吉林將軍富明阿奏請將新授齊齊哈爾副都統春壽暫留軍營充當統領允之○乙酉

世宗憲皇帝忌辰遣官祭

泰陵○

上詣

壽皇殿行禮○諭軍機大臣等李雲麟奏統籌

西北路進兵機宜一摺據稱口內現調征兵由軍臺進至科城聽調有不便者四似速實遜似省實費似靜實擾且恐軍臺支應大兵則一切餉銀軍火文報全行阻隔更可憂者回逆若知大兵進剿分黨數千由奇古迪東商賈大路徑竄歸化城十一月可到綏遠則三路官兵餉道皆斷坐潰堪虞方今之計莫如卽令口內征兵由大西路起營前進則今冬必能抵古謹將應行事宜開單呈覽請飭

軍機大臣會同戶兵兩部。並咨行該統兵大臣速議施行等語。大西路為商賈買賣行走之捷徑。由巴里坤迤北之三塘湖直趨古城。途徑直捷。兼有水草。冬令較暖。可利師行。如此一轉移間。既可迅速會剿。又可杜該逆開道東竄之謀。所奏不為無見。若待會議施行。恐致耽延時日。著劉長佑。阜保慶愛。速行傳知直隸察哈爾各帶兵官。卽照李雲麟所請。由大西路一帶行走。該兵丁行抵歸化沿途

西進。著福興。德勒克多爾濟。趙長齡。穆圖善。楊岳斌等。各飭所屬。妥為照料。並催趨前進。徑赴古城。毋任逗遛。李雲麟單開請動款採買駝隻米石等項。著福興等。妥速辦理。毋誤軍行。庫克吉泰行抵何處。卽著來京。陛見。德興。阿速。赴古城。與李雲麟會籌進剿。李雲麟摺單著鈔給庫克吉泰等閱看。車林敦多布患病。已有旨准其開缺調理。其捐輸馬匹。著卽賞收。發交李雲麟軍營聽候調撥。應得獎

敘著理藩院覈議具奏。現調之兵。由李雲麟另行派員管帶。錦丕勒多爾濟現授烏里雅蘇台參贊大臣。著麟興催令迅速赴任。以重職守。李雲麟奏採買戰馬二千匹。准於新疆餉銀內動款採買。解赴古城。備此次所調兵丁乘騎。訥爾濟。伯錫爾奏查看哈密情形。請催成祿分兵出關赴哈。並安西等處各派兵一千名。由伯錫爾墊銀迎調。各摺片。哈密漢城拆毀。訥爾濟等現帶兵暫駐回城。一切口糧鹽菜。均由伯錫爾墊辦。急公可嘉。所有應辦善後各事宜。著訥爾濟。伯錫爾悉心籌辦。死事各官弁。仍著詳細查明請卹。伯錫爾墊銀五千兩。派員迎提。安西敦煌玉門所派之兵。著於到哈後。妥為調遣。成祿屢經有旨催令出關。此時肅州如尚未攻拔。著楊岳斌。懔遵前旨。速派數營前赴肅州。會同黃祖淦攻剿。成祿仍趕緊料理。帶兵出關。由哈密馳赴古城。毋稍延誤。內地征兵。現不由烏科二城

行走。係為體恤蒙古臺站起見。所有蒙古應調之兵。仍著麟興、錦丕勒、多爾濟奎昌、明瑤等迅速催集。其俄國解回餉銀及陸續解到新疆餉銀。並著該大臣等源源報解。李雲麟軍營用收飽騰之效。將此由六百里諭知庫克吉泰、李雲麟、德興阿、穆圖善、德勒克多爾濟、福興、阜保、劉長佑、楊岳斌、趙長齡、麟興、車林敦多布、錦丕勒、多爾濟奎昌、明瑤、訥爾濟、伯錫爾、成祿。並傳諭慶愛知之。○以吉林協

領勝安為三姓副都統。○烏里雅蘇台蒙古參贊大臣車林敦多布因病解職。實授錦丕勒、多爾濟烏里雅蘇台蒙古參贊大臣。○命御史慶福開缺。以知府用。發往察哈爾。交戶部左侍郎阜保差委。○庚戌遣官祭賢良祠。○諭內閣。前因明緒奏伊犁領隊大臣穆克登額全家殉難。當經降旨交部從優議卹。茲據鑲白旗滿洲奏據穆克登額之子護軍校文麟呈稱。因在京供職。並未隨任等語。文麟

著交該旗帶領引見。○諭軍機大臣等。李鶴年奏捻逆合股攻撲省南濠牆。乘夜東竄。自請議處一摺。任賴張牛四逆由中牟尉氏一帶合股東趨。竄近汴省河岸。經礮船兵勇開礮轟退。該逆遂併歸南路。於蘆花岡等處填濠越牆而進。遂由陳留一帶竄向東北。賊勢剽疾異常。開州東明長垣等處河防最關緊要。清豐南樂一帶漏網兇徒。恐有由賊中逃回者。煽惑勾結。不可不慮。著劉長佑飭令在

事文武嚴密防範。並添調精銳兵勇。或即令臬司張樹聲前往大名一帶就近調度。以資得力。不可稍涉大意。運河東面濠牆閭閻。銘當已補修齊備。即著該撫嚴督所部各軍實力防守。並著曾國藩檄飭李昭慶督率所部聯絡東省將士互相援應。遏賊北竄。此時相淮豫各軍均落賊後。東省守備空虛。尤為可慮。曾國藩務當酌度機宜。飛催相淮諸軍星夜折回東北。緊躡賊蹤。盡力兜擊。並著李鶴

年檄飭宋慶之師視賊所向會合追勦毋稍鬆勁賊蹤飄忽靡定皖北淮徐等處均宜豫籌布置著喬松年英翰調派皖軍分布皖北邊境以備迎擊淮徐一帶水陸防務及運河防守事宜吳棠當迅籌布置並著張之萬速赴新任接辦以專責成吳棠喬松年均應實力經畫不得存五日京兆之見致滋貽誤此次賊匪竄越汴南濠牆雖由兵力單弱所致究屬疏於防範李鶴年著交部議處正在寄諭聞據閻敬銘馳奏擒匪竄至蘭考逼近東境現籌布置一摺擒眾倏忽東竄荷澤曹縣等邑已見賊蹤閻敬銘擬撥出王成謙一軍赴鉅野一路迎探攔擊並令王正起另帶振字五營赴鄆鉅策應即著飭令相機勦辦運河牆工已竣有險可扼並著分飭各軍嚴防汛地毋任竄越惟東省兵力尚單仍恐不敷分勦曾國藩尤當迅飭各軍星馳援勦並飭李昭慶將長溝以南汛地一體嚴防張秋濮

范一帶黃河防務更宜嚴密並著劉長佑閻敬銘隨時聯絡援應不可稍分畛域致誤事機將此由六百里各諭令知之尋吏部議李鶴年應照防範不嚴例降一級留任事關軍務無庸查級紀議抵從之○又諭前據郭嵩素奏南海生員鄒伯奇木訥簡古專精數學海甯生員李善蘭淹通算術尤精西法宜並置之同文館以資討論各等語現在總理各國事務衙門同文館正在需才之際該生員等既通西法自可有裨實用著瑞麟蔣益澧馬新貽迅將鄒伯奇李善蘭咨送來京前赴總理各國事務衙門聽候該管王大臣試驗再行奏請給予官職以資差委將此各諭令知之○辛亥諭內閣鑲紅旗漢軍都統奕劻等奏世管佐領郎宗盛出缺無嗣應否以曾經犯案革去領催之恆溥揀選擬正承襲抑或於長房內按次揀選擬正等語恆溥既經犯案所有郎宗盛所出佐領一缺著於長房

內按次揀選擬正。○諭軍機大臣等。官文。曾國荃。奏拏獲冒充職官習教匪徒。錄供呈覽。請通飭嚴密查拏等語。匪徒楊汶政等。膽敢傳習白蓮邪教謀逆。並分往各省糾黨進京。希圖起事。楊汶政復在湖北冒充欽差職官。經署當陽縣知縣阮恩光將楊汶政及其跟隨丁僕一併拏獲。該犯供詞內習教黨與甚多。並有住居京城。及分往各省。糾約夥黨多人。姓名里居。及來往京城住址。均歷歷如繪。此事情節重大。非尋常案件可比。不可不切實根究。著都察院五城步軍統領衙門順天府密派明幹委員。按照供單內所開各犯姓名住址。認真訪拏。務須全數弋獲。不准一名漏網。該文武員弁等。有能迅破重案。拏獲要犯者。准該管衙門擇尤保獎。尤當嚴密查辦。不准稍有洩漏。儻不知慎密。任意傳播。致該匪徒等聞風遠颺。惟各該管衙門是問。白全為案內最要首犯。著劉長佑崇厚嚴拏務獲。

毋任脫逃。其分往湖南等省之王升等各要犯。著各省督撫迅督各地方官嚴密查拏。務期必獲。毋得視為具文。並准將拏獲要犯之地方官一體保獎。原片並供單各一件。均著各鈔給閱看。將此由五百里各密諭知之。○以刑部左侍郎靈桂兼署戶部左侍郎。管三庫事。○以國子監祭酒瑞聯為詹事府詹事。○以正黃旗蒙古副都統英元署鑲紅旗滿洲副都統。○以江西定南廳捐輸團練永康學額七名。○壬子。諭軍機大臣等。奎昌。明瑞奏現辦操防情形。請撥餉銀。及籌擬科屬臺站。採買駝馬各一摺。科城防守事宜。甚關緊要。奎昌等現由明阿特等旗內。調派滿兵二百名。會同綠營官兵一體操演。著即飭令派出員弁。申明紀律。認真訓練。不得有名無實。據稱科城地處極邊。諸物昂貴。此項操防官兵。必須籌給口分。免致困苦。著趙長齡於應撥新疆餉銀內。酌撥銀數萬兩。解交奎昌等

收存以供支放。毋許推諉。奎昌等於此項餉銀。務須撙節動用。覈實造報。不可稍有糜費。至口內現調征兵。前已准李雲麟所請。改道大西路一帶前進。不由烏科行走。科屬已無須安設臺站。自無庸多備駝馬。奎昌擬動用庫存伊犁餉銀四萬兩。購買幫臺馬九百匹。駝四百五十隻。如已購就。著咨明李雲麟。軍營聽候撥用。其催兵解餉各事宜。仍遵照本月二十三日諭旨辦理。將此由五百里各諭

令知之。○以熱河緝盜出力。賞千總滕盛休等藍翎。餘升敘開復有差。○癸丑。陝甘總督楊岳斌奏。官軍進剿張家川逆股。獲勝得旨。張家川大股回逆。雖經擊退。難保不分竄平涼一帶。仍著督飭王得勝等。乘勢追剿。毋令蔓延。○甲寅。諭軍機大臣等。前據胡家玉奏。直隸練兵。請改由京營挑選。交總理各國事務王大臣管理。當經交神機營王大臣會同兵部妥議具奏。茲據奏稱。添練京兵。應由總

理各國事務王大臣擇地訓練。所需餉乾。請飭戶部詳為籌畫。各等語。除直隸改設六軍。仍照戶兵兩部原奏辦理外。訓練京兵。原以固根本而防外侮。若分設兩營。則事權不一。轉無以專責成。自應仍歸神機營酌量添增。於京營內挑選訓練。毋庸歸總理各國事務王大臣分管。雖戶部餉項。現未存儲鉅款。而此次所議添兵。又為目前急務。未可以餉項未充。稍事延緩。著戶部詳為籌畫。如款項一

時未能如數。即將每月約籌兵餉若干。先行知照神機營王大臣酌覈辦理。一俟庫款稍裕。再照所奏兵數隨時補足。以備不虞。所需軍火等項。遇有缺乏之時。並著總理各國事務衙門協同籌辦。以期餉足兵精。緩急有恃。將此各諭令知之。○又諭。戶部奏。請將各省應解固本兵餉。改解部庫一摺。直隸固本餉項。前經諭令廣東按月解銀一萬兩。四川福建江蘇江西湖廣河南山東山西九省。按月

各解銀五千兩。徑解直隸藩庫以供支放。乃各該省奉文以後。均未能按年清款。或全未報解。現在總理各國事務衙門奏請變通練兵章程。所擬六軍馬步口分。並文武員弁薪水等費。每月已需銀五萬二千餘兩。續添應支之款。多寡尚未豫定。均應於原定餉內供支。若各該省仍復報解參差。或短欠剋扣。必至臨時貽誤。關係非輕。著照戶部所請。所有各該省應解固本餉項。仍照原定數目。改解

部庫交納。自奉文日起。或一月一解。或兩三月一解。總須按期趕到。不准稍有拖延。如該督撫等任意遲逾。三月不解。卽由戶部指名嚴參。照貽誤京餉例議處。從前欠解之款。並著免其補解。以示體恤。其直隸藩庫已收銀兩。著直隸總督轉解部庫。由部支放。並將已支各款。覈實造報。此次練兵應需軍火雜支等項。及一切經始章程。該督卽妥籌具奏。至此項各省餉銀到部。經委員交兌清楚。著由

管庫大臣當堂發給批回。無庸領取回省限照。亦無庸另備料道衙門驗批。以省周折。將此由五百里各諭令知之。○又諭。前據總理各國事務衙門奏請變通直隸練兵籌餉章程。並購備馬匹。舉行屯田各摺片。當經交該部議奏。旋據戶兵兩部會議具奏。練兵章程十七條。及廣東等省固本餉銀解部轉撥以供支應。詳加披覽。所籌尚為周密。現當賊氛未靖。外侮可虞。自應擇要扼紮。以資拱衛。卽

著照所議於遵化等處各駐一軍。每軍步隊二千八馬隊五百人。共合一萬五千人。於提督各標內挑選。分派將領認真訓練。統歸該督節制。所需馬匹。卽於直隸額設騎操馬內撥補。如有不敷。著劉長佑設法購買。卽仿照神機營餉馬章程辦理。所請發給將領關防。酌給官弁薪水。增給兵丁口糧。均著照所請行。經此次嚴定章程。今在必行。劉長佑前請挑練兵丁二萬五千名。精勇五千名。迄今數

年之久毫無成效。若再任意延緩。尚復成何事體。著該督於半年內。務將辦理情形。詳悉奏報。毋得視為具文。敷衍塞責。所練各營。朝廷當隨時簡派大員前往校閱。儻有訓練不精。軍實不齊之弊。必當從重懲處。劉長佑受朝廷厚恩。值此時事多艱。諒不敢仍沿積習。致負委任。其舉辦屯田一節。並著該督酌量辦理。總理各國事務衙門摺片三件。戶兵兩部會議摺單各一件。均著鈔給閱看。將此諭令知之。尋奏直隸督提兩標及天津宣化等各鎮前後挑練。共有一萬餘名。尚須酌練數千。方能足額。至勇丁一項。需餉浩繁。不免隨時添減。現計南路防軍水陸各勇。共存六千餘名。覈之原議募數。有贏無絀。其餘經始應辦事宜。當再妥籌具奏。報聞。○又諭楊岳斌奏曹克忠現赴陝西。請催還甘省一摺。覽奏殊堪駭異。曹克忠係現任甘肅提督。職守攸關。且正當軍務喫緊之際。何得擅行棄置。徑

赴鄰省。前因該提督患病。曾經降旨賞假兩箇月。今其在蘭州城內安心調理。毋庸遠道就醫。並賞給人蔭四兩。以示體恤。乃該提督不候諭旨。遽已赴陝。來去自由。實屬不曉事體。曹克忠著交部議處。並著劉蓉嚴催該提督星夜折回甘省。儻再不知輕重。任意遷延。致所部將士相率效尤。擅離汛地。該提督自問當得何罪。蘭州為省垣重地。變亂甫定。文武大員相繼出省。空虛可慮。楊岳斌務當飭令王得勝等分統曹克忠所部各營。恪守紀律。不得任意妄行。並飭令暫護提督鄧全忠經理營務。毋任散漫無紀。一面嚴催蔣凝學統率所部趕緊赴省彈壓撫綏。穆圖善督率兵勇由甯夏起程。前赴中衛一帶。卽著相機勦辦。省垣近日情形若何。餉路是否通暢。並著該將軍就近妥籌兼顧。將此由六百里各諭令知之。尋兵部議曹克忠應照擅離汛守革職私罪例革職。無庸查級。紀議抵得旨著

加恩改為革職留任。仍著迅速赴甘肅省垣。毋得任意逗遛。再干咎戾。○乙卯。諭軍機大臣等。曾國藩奏。捻股東竄。派軍追剿。請寬疏防處分。令李鴻章等出省會剿。並劉長佑奏。請調余承恩一軍回直各摺片。曾國藩所奏。捻首張牛任賴四逆。合股東竄。河防無成。與李鶴年前奏大致相同。曾國藩現已飭令劉銘傳等分赴山東追剿。著即嚴檄各軍。視賊趨重處所。盡力追剿。間敬銘尤當督軍嚴扼運河。毋任賊騎東渡。黃河為畿輔屏蔽。防務尤關緊要。著劉長佑間敬銘嚴督水師礮船。梭織巡防。並飭陸軍實力堵遏。張秋濮范一帶。尤宜不分畛域。互相援應。余承恩於畿南情形較為熟悉。即著李鶴年將余承恩一軍調回直隸。以固河防。賊股分合靡常。趨向無定。江皖邊境。亦須力籌堵截。並著吳棠。喬松年。吳翰。恪遵前旨。督軍扼守要路。以備迎擊。曾國藩現駐周家口。距濟甯徐州較遠。難於

兼顧。著李鴻章迅即攜帶關防出省。馳赴徐州駐紮。就近調度。淮湘各軍防務。保衛淮徐。以東各路。並與間敬銘商辦山東軍務。互相策應。李鴻章未出省以前。准徐防務。仍著吳棠辦理。並著張之萬遵奉前旨。迅赴漕督新任。儻賊折向豫西。曾國荃亦當督率鄂軍。越境馳赴南陽。會同豫師合剿。並隨時與李鶴年商辦軍務。聯絡聲勢。總期合數省之力。迅掃狂氛。不可稍分彼此。曾國藩總領師干。尤

宜統籌全局。毋得專談地方督撫。致軍事散漫無紀。鮑超一軍。並著官文。曾國荃飭令趕緊赴豫。由曾國藩相機調遣。毋再遷延干咎。李鶴年疏防濠牆。前據該撫自行奏請議處。業已降旨交部議處矣。劉銘傳潘鼎新到防。雖遲。據奏分守濠牆。尚無貽誤。著從寬免議。汴省應修濠牆。仍著李鶴年實力興辦。防賊回竄。毋稍弛懈。至剿辦機宜。固須博采眾議。而軍情變幻無常。更當隨時酌度。內斷於心。

朝廷總以辦理有無成效為憑。該大臣督撫等。惟當同心竭力。埽除餘孽。速竟全功。毋得各懷疑忌。致負委任。將此由六百里各諭令知之。○欽差大臣曾國藩奏。請調浙江處州鎮總兵官馬德順赴河南軍營管帶馬隊。允之。○補鑄伊犁將軍塔爾巴哈台參贊大臣各印信。從代辦將軍署參贊大臣李雲麟請也。○以江蘇水陸各軍分援安徽浙江福建等省出力。賞提督唐殿魁等正一品封典。總

兵官鄭海鼇。韓照。楊潘鼎立。衛汝貴。吳從發。龍志順。李昌和。符國華。張有勝。副將郭文武。張朝山。鄭春和。洪福勝。張慎德。明紹才。李錦章。康熙貴。余在榜。梅大有。李王元。劉思河。張耀燕。李洪順。易英和。黃永源。謝權衡。成保元。參將姚清戎。董明禮。錢光盛。李占彪。汪隆元。陳百勝。潘克龍。任世和。蔣振元。知州潘鼎琛。巴圖魯名號。參將吳育仁。同知李經棠等。花翎。通判葉基演等。藍翎。餘加銜升敘有差。○

予貴州鎮遠等處陣亡參將廖得勝都司胡顯揚。守備何道喜等。祭葬世職加等。○追予江蘇上元殉難知縣劉同縵建立專祠。○丙辰。諭內閣左宗棠徐宗幹奏。請將藉辦土匪縱容丁書需索兵費之代理知縣革職拏問一摺。福建代理詔安縣知縣張鴻書。因赴縣屬查拏匪犯。輒敢向各鄉需索兵費。並帶同門丁李安在各處查案得贓。實屬貪墨不職。前代理詔安縣知縣福建候補縣丞張鴻書。

著先行革職拏問。交該督撫飭司提審。並勒令將門丁李安交案審辦。以儆貪墨而肅官方。○諭軍機大臣等。成祿奏肅城未克。亟籌募勇撥兵。請飭趕辦皮衣。派兵前赴哈密。文麟丁憂。請旨辦理各摺。片。成祿官軍圍攻肅州。由東門等處分路進剿。疊有新擒。因避擊張起龍等陣亡。功敗垂成。以致堅城未克。成祿屢經有旨催令出關。此時肅州尚未攻拔。著楊岳斌懍遵前旨。速撥數營。前赴肅州會

同黃祖淦設法圍攻。迅圖規復。成祿仍趕緊部署一切。帶兵出關。毋稍延誤。黎獻所部馬步六營。前已有旨交黃祖淦代領。著楊岳斌、成祿傳知黃祖淦。即將黎獻所領六營妥為管帶。以資厚集。黎獻能否勝任。尚未據楊岳斌查奏。茲據成祿奏黎獻自去冬潰走後。現派熊占魁駐紮總寨。距肅州三十餘里。不肯前進。並騷擾鄉民。十室九空等語。著楊岳斌一併詳查奏。曹克忠假期將滿。著該督恪

遵前旨。責令該提督折回甘省。成祿所請曹克忠西行助勦之處。著該督酌量情形。相機調撥。成祿以伯錫爾請兵會攻吐魯番城。當派精銳一營。並安西兵勇一千五百名。令明春統帶前往。惟哈密新克。必須重臣鎮撫。文麟本日已有旨改為署理哈密辦事大臣。仍著文麟趕緊出關。前赴新任。會同伯錫爾將一切事宜妥為辦理。文麟所管糧臺事務。著成祿就近另派委員接管。塞外地方苦寒。成

祿帶兵出關。擬於涼甘安肅各屬。趕辦無面長皮襖統一萬件。所需價值。准其作正開銷等語。著楊岳斌即照成祿所請。飭屬妥速辦理。將此由六百里各諭令知之。○又諭成祿奏山西歸綏。由草地運解軍餉。遲延請飭迅速轉運。並請撥各省火藥各一片。據奏晉省於新疆兵餉內。籌借成祿軍營餉一萬兩。除撥給王瑞等赴豫募勇銀三千兩。實解銀七千兩。已於本年正月二十九日。由晉起解。赴

歸綏道衙門交納轉解。至今尚無音耗。殊屬遲滯。著福興、趙長齡查明係在何處耽延。催趲前進。至各路應解成祿營餉。均係由山西出口。轉由草地運解。若皆似此遲緩。必至有誤師行。並著福興、趙長齡嚴飭歸綏道及蒙古臺站地方。遇有該營軍餉。務須隨到隨解。不准稍有延閣。成祿所請於涼標庫存火藥內調取一萬斤。甘標酌取二萬斤。著楊岳斌轉飭所屬照數撥解。其所請飭河南陝西各

撥火藥三萬斤。山西撥火藥四萬斤。著李鶴年。劉蓉。趙長齡。如數撥解。均由草地運赴。以資應用。又據成祿奏。派員赴豫募勇。請飭豫撫。遵照辦理等語。卽著李鶴年。督飭成祿所派委員王瑞。丁文學。在歸杞襄郟一帶。招募數營。迅速赴甘。並由河南協餉內。撥銀數千兩。為製造軍械帳房之用。仍酌撥槍礮火藥。以期得力。此項募勇經過各地方。應支口食。並著李鶴年。各行各該省督撫。飭屬照例供支。毋令缺乏。將此由五百里各諭令知之。○改丁憂哈密辦事大臣文麟為署任。○復甘肅肅州傷亡已革總兵官慶瑞原官。予祭葬。世職加等。陣亡遊擊張起龍祭葬。世職如副將例。

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十三

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十四

欽定大清會典事例

禮部

正統

聖祖

加一級

教修

同治五年丙寅九月丁巳朔

上詣綏履殿問

慈安皇太后安平安室問

慈禧皇太后安至乙酉皆如之奉

慈安皇太后

慈禧皇太后幸漱芳齋侍午膳諭內閣朕奉

兩宮

皇太后懿旨現在天氣漸寒八旗兵丁生計維艱殊深軫念所有該八旗兵丁等著加恩賞給一月錢糧即由戶部按照現行放款事例

籌給以示體恤又諭前據左宗棠徐宗幹奏請將福甯府知府丁嘉璋調補福州府知府經吏部覈與例案不符議駁茲據左宗棠等奏丁嘉璋才識通達幹練勤能於閩省情形最為熟悉請仍以丁嘉璋調補等語該督撫自係為入地相需起見福建福州府知府員缺著准其以丁嘉璋調補仍送部引見○諭軍機大臣等訥爾濟伯錫爾奏伯錫爾捐輸巴里坤滿漢兵糧請飭陝甘總督籌撥軍

餉糧石一摺本年六月巴里坤官兵督同回兵進剿克復哈密該郡王籌備犒賞銀物牛羊米石等項並散放逐日鹽菜口糧所費甚鉅又安設東北二路軍臺九處遞送文報在該郡王出於至誠力圖報效甚屬急公可嘉惟念大兵出關進剿所需口糧甚多若不豫為籌畫誠恐臨事周章著楊岳斌無論何款先行籌撥軍餉銀十萬兩並令敦煌等縣迅速撥運倉儲糧食十數萬石以顧征兵要需

其哈密駐紮兵勇口糧仍著伯錫爾暫行墊辦。俟餉項解到酌量歸款以示體恤。訥爾濟另片奏。哈密賊蹤遠颺。纏頭各安本業。該大員擬即起程回任。著照所請。迅即回任。所有哈密一切善後事宜。著伯錫爾於文麟到任後商同辦理。至所稱哈密協副將及都司通判關防。巡檢印信。前於回城纏頭處尋出。已交付凌祥等接收開用。等語。關防印信既落賊手。豈可仍行開用。漫無稽考。著即咨照禮部另行頒給。如恐一時不能頒到。不妨先刻木質關防印記。以昭慎重。將此由五百里各諭令知之。○盛京將軍都興阿奏。遵旨酌撥官兵。常川駐紮海口。操練洋槍。得旨著即督飭員弁認真訓練。務令紀律嚴明。緩急可恃。神機營隊官著准其咨調來營教練。以資得力。○調任陝西巡撫喬松年奏。請陛見得旨。著即前赴新任。毋庸來京請訓。陝省地方緊要。該撫接任後。務將軍務吏治實心實力。遇

事整頓力挽因循。推諉積習。以副委任。○命戶部左侍郎譚廷襄會同三口通商大臣崇厚辦理義大利亞國通商條約事務。○以捐助軍餉。免盛京刑部侍郎志和革職留任處分。賞還二品頂帶。○以福建巡洋出力。予千總劉廷華等升敘開復有差。○追予福建臺灣殉難道員孔昭慈建立專祠。諡剛介。○戊午諭內閣。蔣益澧奏。查明太平關稅務積弊。請裁撤書吏家丁。派員幫辦。並將巡撫等衙門陋規全數革除一摺。所辦甚屬認真。各省關稅絲毫均關國帑。若果管理之員潔清自矢。認真經理。何至動形短絀。茲據蔣益澧所奏。廣東太平關額徵銀兩。歷年虧短。遞有加增。而各衙門陋規及家丁書吏侵漁甚多。積習相沿。殊堪痛恨。即著照該撫所請。所有經徵太平關之家丁書吏。永遠裁革。由該撫派委廉能之員幫同南韶連道管理。其巡撫衙門月費等項。並文武各衙門規費。南韶連鎮

總兵薪水均著一併裁撤歸公試辦一年再由該撫察看情形酌定章程奏明辦理經此次整頓之後儻有巧立名目暗中侵蝕等弊並著該撫嚴行叅辦此外各省關務均著該管督撫監督等實心清釐務令積弊悉除稅課日有起色毋得復蹈故轍任意虧短致干重咎○蠲免福建龍巖崇安長汀順昌建陽永安德化清流邵武大田安溪甯化將樂十三州縣暨邵軍同知漢口州同仁壽麻沙縣

丞所屬被擾地方額賦有差○已未諭軍機大臣等前因楊岳斌奏曹克忠遽赴陝西請催還甘肅一摺當經諭令劉蓉嚴催該提督星夜回甘並將該提督交部議處矣茲據曹克忠奏懇陳患病並歷年軍務情形一摺曹克忠帶兵勦賊戰功卓著籌墊軍餉激勵軍士尤能以公事為重現在甘省軍務未竣正賴得力大員督兵勦辦豈可遽赴鄰疆置甘省軍事於不顧且該提督僅係暫時給假並

未開缺又豈可擅離職守著卽恪遵前旨折回甘省俾所部將領有所稟承奮勉立功以副委任其各營勇丁著楊岳斌責成王得勝等妥為約束申明紀律不得滋生事端至餉銀糧米為軍營最要之需何得久任缺乏陝甘唇齒相依所有曹克忠舊部餉需軍火著劉蓉趕緊籌款撥解源源接濟並著楊岳斌迅籌米糧運解各營均勻散撥不得藉詞推諉致誤事機將此由六百里諭知楊岳斌劉

蓉並傳諭曹克忠知之○庚申遣官祭

都城隍之神○諭軍機大臣等瑞常等奏造辦處庫款支絀請飭催粵海關應交要款並蘇州辦公銀兩迅速解京一摺本年粵海關監督應交造辦處停修米艇銀三萬兩日久未解現在該處承辦差務需款孔殷著師曾卽將前項銀兩於本年冬間埽數解京不准稍有延宕至所稱蘇州織造每年應交辦差存贍管關養廉罰料漏稅平餘併平等款銀

五萬餘兩內曾經奏由該關稅務項下提出銀三萬兩遇閏加增專備傳辦差務應用餘贍銀兩隨運解交現在關稅暫行停止各款無著而所傳各項均係要需京內無從採辦自應量為變通著慶林迅將該處前傳活計及此次所傳各項衣料應需款項與李鴻章郭柏蔭設法籌畫備齊解京並著李鴻章郭柏蔭於該省司庫項下比照關稅數目按年籌撥銀三萬兩遇閏加增專備該處傳辦活計動用餘贍銀兩隨即解京以清款項毋稍玩延原摺著鈔給閱看將此諭知李鴻章並傳諭郭柏蔭慶林師曾知之又諭曾國荃奏行抵隨州知捻逆東竄即日由襄樊回省料理餉項布置東路防勦事宜一摺此股賊眾剽悍異常若探知有西趨之信再行布置恐已不及著該撫仍遵上月二十九日諭旨馳赴南陽會同李鶴年妥籌防勦事務或先赴襄樊一帶駐紮如賊匪有西趨之信即日

馳抵豫疆合力勦辦嚴防回竄總之此股賊眾非數省大吏同心協力不能歲功該撫務當隨時與曾國藩妥商進止機宜以副委任曾國荃一軍餉項著官文妥為經畫源源接濟毋任缺乏將此由五百里各諭令知之○命刑部尚書綿森戶部左侍郎譚廷襄馳赴河南查辦事件○賞扎薩克圖汗郡王車林敦多布子頭等台吉多爾濟帕拉瑪輔國公○以記名總兵官蕭德揚為陝西漢中鎮總兵官○以陝西官軍克復甘肅階州出力賞總兵官彭盛世賴禮學傳定升一品封典曾正學彭佑益盧勝照曾連陞陳攀仙副將趙名魁蕭呈祥唐本朋何敘海趙雲鳳參將張映衡巴圖魯名號都司曹有章等花翎知縣俞大錦等藍翎餘加銜升敘有差○予故陝西漢中鎮總兵官蕭慶高祭葬卹廕加等諡武毅○予四川各屬陣亡殉難在籍戶部主事傅世綸等紳民婦女六千四百四十五員

名口分別旌卹如例。○追予嘉慶年間四川通江殉難民人何多澤等男婦十名口旌卹加等。○辛酉諭內閣曾國荃奏甄別才不勝任及庸劣不職各員請分別降補革職一摺。湖北候補知府姜鵬才識迂拘於署德安府任內聲名平常桂茂嗜好太深於署宜昌府任內諸事廢弛均著以通判降補署荊州同知劉浚偏執任性不恆與情著以州判降補以上三員均著留省察看遇有相當簡缺酌

量補用武黃同知王誥言語輕浮性情狡猾著即行革職補用同知直隸州知州松滋縣知縣鍾溶好執己見聽斷不公著以州判歸部選用署鄖縣知縣周瑞任性妄為顛預公事署應城縣知縣雙慶性情乖張不明治理署宜城縣知縣程啟安不諳吏治遇事營求署天門縣知縣沈亨任意取巧假託紳士晉省獻媚署長樂縣知縣劉富錙銖必較恃才傲物候補知縣艾錕鑽營取巧均著以巡檢

留省降補署鄖西縣知縣黃應瑞居心貪鄙意在苛斂候補知縣廖鴻啓行為詭譎專務營求李聯芳性耽逸樂難期振作張錫謀嗜好太重不諳吏治利川縣典史殷槐居心狡詐貽害同類均著即行革職以示懲儆。○諭軍機大臣等閱敬銘奏髮捻束竄連日擊退一摺。捻眾合股東竄直撲鉅野經知府王成謙遊擊王正起等督兵迎剿各斃賊數百名該逆竄偏運河攻撲濠牆自二十七日至三

十日往來撲渡百計圖逞官軍槍礮如雨晝夜嚴防水師亦飛檣河中上下轟擊該逆無計可施均由鄆鉅西南遁竄此次東軍小捷二次大捷一次扼守河岸五晝夜之久克保無虞均屬異常出力著准閩敬銘擇尤案案請獎該逆狡悍無比雖被擊敗竄並未大挫兇鋒誠恐以偽遁懈我軍心再圖猛撲閩敬銘仍當督飭地方印委各員並在事員弁實力嚴防不得以賊已退卻稍涉大意該撫現

令王成謙由鉅野截賊歸路。潘鼎新一軍已抵濟甯。劉銘傳、劉秉璋、劉松山、張樹珊等軍均陸續抵東。正可乘此聲威合力兜剿。著曾國藩飛飭各軍奮力勦洗。務須一鼓殲除。毋任再有竄突。上年張逆在雒河集老巢。以各軍不能齊心。致令兔脫。貽害至今。此次又有合圍之勢。各軍如能奮勇擒渠。朝廷不難破格獎賞。如或縱寇殃民。卽由曾國藩等嚴參治罪。毋稍姑息。賊向西南。必由蘭考入豫。李

鶴年務當督飭各軍防其回竄。並與相淮各軍聯絡聲勢。用收夾擊之效。張之萬已否前赴新任。賊如竄徧淮徐。窺伺皖境。吳棠、張之萬、喬松年、英翰當各飭防軍出境會剿。不得強分畛域。坐觀成敗。致干重咎。李鴻章仍遵前旨。帶印出省駐紮徐州。會同閻敬銘等商辦軍務。潘鼎新等皆係淮軍。該署督卽酌帶親軍一二營趕緊赴徐布置。不必瞻前顧後。致有耽延。本日據劉長佑奏力疾銷假。照常

視事。並請來京陛見。一摺。劉長佑上年業經來京陛見。此次著毋庸前來。賊蹤現竄東境。黃運河防務喫緊。著卽督飭張樹聲等將大名等處加意籌防。以期益臻周密。將此由六百里各諭令知之。○予山東鉅野陣亡遊擊貴日華祭葬。世職如副將例。守備盧必榮等祭葬。世職加等。○予塔爾巴哈台殉難參贊大臣錫霖子知州安達。廕生安通暨眷屬僕婢等三十六員名口分別旌卹如例。○壬戌

諭內閣。榮安固倫公主額駙瑞煜著更名符珍。○又諭。一等雄勇公符珍已指為榮安固倫公主額駙。其品級章服照例用外。恭親王長女榮壽公主額駙一品廕生志端著先行賞給頭品頂帶。該部毋庸照例奏請。並著賞戴雙眼花翎。惇親王第五女額駙一等公堃林第七女額駙一等男恩銘均著賞戴花翎。親王銜醇郡王長女額駙多羅貝勒那爾蘇著賞戴雙眼花翎。以恭修

王牒命宗人府宗令惇親王左宗正義道為
玉牒館總裁官大學士賈楨協辦大學士瑞常
禮部尚書倭什琿布萬青藜為副總裁官大
學士倭仁為督催官○癸亥諭內閣李鴻章
吳棠奏勘估清水潭迤下漫工請飭調大員
督辦一摺本年揚河東岸迤下隄工漫溢經
李鴻章吳棠會同勘估籌款堵築亟須廉幹
之員總理一切現在兩淮鹽運使丁日昌假
期將滿即著就近督工務期實用實銷餉不
虛糜藉資得力○又諭趙長齡奏請嚴懲州
縣虧空等語近來山西各州縣因虧空後查
抄既不認真監追債住民房以致在任時任
意奢侈那用公項盈千累萬罔知顧忌亟應
申明成例以示懲儆此等惡習恐不獨山西
一省為然即著照趙長齡所請嗣後遇有交
代虧空逾限未交者一面由司密詳請奏一
面即由該督撫密行查封毋任隱匿寄頓其
例應監追各員並著各該督撫派員看視進

監不得仍沿舊習庶各該州縣知所儆惕共
勉操持以重庫款而飭吏治將此通諭知之
○諭軍機大臣等前因李雲麟奏請將寄存
陝省火藥軍器等項轉由山西解往軍營當
經諭令劉蓉由陝西撥解山西省城並著德
勒克多爾濟趙長齡各按所轄地方派員接
替轉解李雲麟軍營茲據趙長齡奏現在甯
靈就撫道路疏通請仍由陝西就近徑解歸
化城轉解等語著劉蓉即將前項火藥等件
派員取道陝西北路就近徑解歸化城由福
興派員接替轉解李雲麟軍營以免延誤將
此由五百里各諭令知之○閩浙總督左宗
棠等奏捕治興化泉州汀州各處土匪拏獲
多名就地正法得旨所辦甚屬認真仍著督
飭各該地方官按緝餘匪撫綏善良俾閭閻
漸臻安謐○福建布政使王德榜乞假養親
以按察使鄧廷枏為布政使延建邵道康國
器為按察使○補鑄福建甯化縣縣丞條記

從巡撫徐宗幹請也。甲子諭內閣前據官文等奏湖北改設道士汛營守備一缺請以秦殿魁調補當經降旨允准。茲據兵部奏稱秦殿魁前在保康縣汛守備任內有盜案停升限緝一案。按照定例應令撤回本任。惟保康縣汛守備業經奏准改撥道士汛營。若令撤回該員無任可歸。請旨辦理等語。秦殿魁係改駐營汛調補之員與實缺請調者不同。著准其調補道士汛營守備仍將停升限緝之案帶於調任。又諭前因穆圖善奏請將候補參將王泰來免議已革副將教天印都司劉精益守備姚正甲均開復原官當經降旨交部議奏。茲據兵部奏稱王泰來一員功過尚足相抵著即照該部所議免其議處。至劉精益姚正甲均係永不敘用人員該將軍所請將該二員開復之處與定章不符已革都司劉精益守備姚正甲均著毋庸開復原官其教天印一員於革職後赴甘投效並

未據該將軍奏請亦與奏定章程不符所請將該革員開復原官之處著毋庸議各省永不敘用人員前經諭令各路統兵大臣不准濫行保舉原以杜鑽營而肅吏治穆圖善違例濫保殊屬不合著交部議處尋議穆圖善應照保題永不敘用人員革職私罪例革職得旨著加恩改為降一級留任。諭軍機大臣等李雲麟奏西北大局縱弛請力改前轍新疆撥解餉銀擬明定章程請保得力人員辦理古城糧臺並調員差遣留差滿郎中暫辦分局事務各摺西北大局日壞李雲麟請力改前轍去名務實挈其綱領因推陳致弊之由冀得挽回之本所奏不無可採刻下兵力未厚自不能分必須俟三路兵力會剿克復烏魯木齊之後簡軍儲糧相機次第雕勦方能自當隨時酌量辦理餉項一節已照李雲麟另摺派大員經理應如何督催轉運之處

仍著咨商辦法以期無誤北路防軍實未可恃著李雲麟與麟興錦玉勒多爾濟商酌妥辦認真整頓至寄諭之繁朝廷亦有萬不得已之苦衷似此言之諄諄尚且聽之藐藐若再不隨時訓飭其廢弛更不知若何新疆遠隔萬里軍情旦夕異宜豈能偏執己見其有因諸臣所奏隨時指示者正朝廷不肯違制之處如果辦事大臣皆能實心實力何不可便宜從事李雲麟每次陳奏摺件議論繁多

該員既知為政不在多言即當力求實效毋徒以舌辯見長也新疆撥解餉銀自應立定章程方能無誤軍食李雲麟摺內所稱徵派不宜太紛繁解款不宜存虛名經理必須有專責運解必須有定章用款不須勤奏報著戶部就所陳各節酌度具奏咨行各將軍督撫遵照辦理所請飭戶部堂官派精明幹練之司員請賞大街發給關防令駐紮歸化城專管新疆餉項事務尚恐力小任重難期得

力現在察哈爾征兵將次過竣著派阜保馳赴歸化城專管催趲督運新疆餉項如各省允解之款久不解到即由阜保查叅仍會同德勒克多爾濟福興趙長齡商酌妥辦李雲麟請將內地各省應解之款均令其徑至歸化城欽派專員處交納不必復至晉省停留是為東路總局新疆各軍各城應用之款無論何處均由古城酌量分撥他處不必與聞是為西路總局其烏科兩城各立分局專司

轉運另摺請以候選直隸州知州阿克敦布管理古城糧局留兵部郎中奇克慎管理烏城分局均著照所請行並著德勒克多爾濟福興督同阿克敦布由曾在北疆戍守出差及候補筆帖式教習三項人員內酌挑二十員名交李雲麟差遣委用並著該將軍等催令阿克敦布迅速起程毋令逾十日之限李雲麟另片奏請以將來功績抵廣鳳應得之罪等語廣鳳應得罪名該部當查照定章辦

理朝廷自有權衡。李雲麟如果將來得有勞績，豈能查覈註銷？事君之道，任勞尤當任怨。何得嘵嘵請所奏礙難准行？將此由六百里各諭令知之。予江西各屬陣亡殉難總兵官鄧榮達等官紳士民婦女一千七百八十一員名口分別旌卹如例。乙丑諭軍機大臣等：候補翰林院侍讀惠林奏據雇工家人李順聲稱在伊友韓濬家遇山東德州人王浩告知德州城南有名趙熙沅者係屬邪教，曾見其家有玉印、木印、龍袍、旗幟多件。入教名冊厚積數寸，黨類散布直隸等處。每年三月九月均來趙家聚會，不久即欲起事等語。著步軍統領衙門密派曉事明幹員役數人，帶同韓濬王浩前赴天津，由崇厚酌量添派兵弁同往德州，不動聲色訪查屬實。即會同該地方官迅速掩捕，並著閭閻敬銘督飭德州文武員弁認真密速查辦，不得走漏風聲。致令遠颺，別滋事端。劉長佑亦當飭屬一體

嚴緝黨與，以期淨絕根株。各處所派員役務須飭令細心訪查確實，不得張惶滋擾。妄拏無辜，原摺著鈔給閱看。將此各密諭知之。○丙寅諭軍機大臣等：卓保奏吉林官兵請借餉銀並動支歸綏道屬存儲米石請飭催安住等起程各摺片。吉林調征西路官兵抵口以後駐候日久，曾在察哈爾都統衙門借銀一千一百五十兩。現請照黑龍江官兵每名支銀七兩之數補救虧欠，著加恩准其援照黑龍江借支成案辦理，以示體卹。即著卓保咨行王亮查明吉林官兵實數除領過銀一千一百五十兩外，應行補發若干，即於各處解到察哈爾餉銀內照數發給。至征兵經行內地，向有地方官供應車輛，由歸綏前赴古城已有歸化城豫備駝隻，所有安住隊內倒斃馬匹自毋庸在宣化補領。俟此隊官兵行抵歸化城時，即由德勒克多爾濟福興給付駝隻乘騎前進，並著卓保催令安住全福趕

緊帶兵起程西行限於冬月內齊抵古城。儻再藉詞逗遛。卽著卓保嚴參懲處。前據李雲麟奏稱歸綏道所屬地方有豫備蒙古兵應用小米四千石。可將此項分給口內各路征兵。每名一石。裝載西行。現在口內官兵分起前進。不日卽到殺虎口。著德勒克多爾濟、福興、趙長齡趕緊將所需餉乾及駝隻與米石各項備齊。以便臨時發給。無誤軍行。其需用款項。卽著趙長齡將晉省欠解部撥北路軍餉銀五萬兩。儘數解往歸綏。以濟急需。至各處解到察哈爾餉銀三萬一千餘兩。除支應吉林察哈爾等處征兵口分借款外。所餘銀兩卽著玉亮專款存儲。不得擅行挪用。儻北路軍營時有急需。卽行奏明。由臺站解往應用。將此由五百里各諭令知之。以正藍旗蒙古參領德明署密雲副都統。鑲藍旗蒙古參領察隆額暫署正白旗漢軍副都統。以江蘇捐輸軍餉永廣鎮江府學額四名。丹陽

縣十名。以湖南祁陽縣捐輸軍餉永廣學額一名。以河運海運驗收米石完竣。予郎中瑞斌道員許道身等議敘。丁卯遣官祭歷代帝王廟。諭內閣。行秀奏。說明偷竊祭燭案內人犯並應議堂司各官分別定擬一摺。此案已革候補筆帖式吉旺係當差人員。輒敢乘間竊取齋送祭祀蠟燭賣錢。實屬膽玩。著照該總兵所擬罪名加等杖流。銷除旗檔。卽行發遣。其餘案內之職員張洛幅等應得罪名。均著依議辦理。

昌陵禮部郎中桂薰將香燭等物交差役王城兒齋送。未能小心。以致被竊。所派看管王城兒之差役。又不知先事豫防。致令王城兒自盡。俱屬疏忽。

妃園寢禮部主事博厚赴祭監禮到班遲誤。均著交部議處。承祭總管吉昌因致祭逾時。不敢遲延。內務府司員因香燭不齊。未敢啟門。尚無不合。均著免其置議。奕梁純堪。於致

祭之日未經到班咎有應得惟究因承辦事
務衙門司員未將禮部呈付文件呈堂遲誤
有因其自請察議之處均著加恩寬免前任
泰甯鎮總兵文俊是日亦未到班惟業已先
期降調著免其置議餘均照所議辦理嗣後
守護

陵寢大員並總兵等於一應承祭事件均當謹
慎小心恪恭將事毋得仍前玩忽致干咎戾
諭軍機大臣等都興阿奏請調天津礮船

撈勒島賊並官軍續獲首夥各犯及請催山
東等處月餉各摺片色爾固善等撈勒孤山
餘匪尚屬認真惟長山各島必須乘船撈捕
而奉天營船重笨駛駕不能合宜該將軍業
已咨商崇厚酌調輕利小號兵船十餘隻赴
奉撈勒即著於船到後督率妥辦以期淨盡
但當分別良莠毋任水師滋擾山東應解奉
省月餉二月以後共欠解四萬兩其六月以
後餉銀並未起解殊屬延緩奉省待餉孔殷

卽著閔敬銘督同藩司將新舊月餉悉數委
解以濟要需山海關續收新關稅項並著成
林隨時撥解毋稍稽延至都興阿奏請調慶
春署理盛京副都統慶春已有旨署理廣州
將軍員缺緊要應令來京請訓後卽赴新任
所有盛京副都統一缺著暫令定安署理俟
杜嘎爾假滿回任再令馳赴密雲新任錦州
副都統前有旨令奕榕補授矣將此由四百
里諭知都興阿閔敬銘並傳諭成林知之○

予廣東崖州陣亡都司梁國定祭葬世職加
等○戊辰以太常寺卿童華為大理寺卿○
己巳諭軍機大臣等候補內閣侍讀學士鍾
佩賢奏海塘閘繫東南大局請派員督修以
策萬全一摺據稱此項工程非用數年人力
數百萬帑金不足以臻鞏固若為苟且補苴
之計歲費仍不下數十萬而工之能否無虞
仍不敢必所陳四害三可慮等情均尚不為
無見著吳棠於赴閩浙新任時便道先往海

塘詳細查勘與馬新貽妥速籌商現辦土備塘是否足資捍禦如必須興築石塘應如何籌撥款項約期竣事該學士所請於停解閩省月餉十四萬之外再提釐金八成專辦塘工之處均著統籌全局酌度奏明辦理蘇松太當海塘下游與浙省休戚相關如須通籌協濟卽著咨商該省督撫一體會籌興辦將此各諭令知之○又諭閻敬銘奏髮捻逆股西遁經各軍沿途兜截疊獲勝仗現已全股竄出東境一摺賊股撲運河濠牆被擊西遁復經劉銘傳潘鼎新等軍截勦在蔡家陵馬家莊等處疊次獲勝頗有新擒該逆知南路俱有重兵遂繞從荷澤西北狂奔又經劉銘傳等追及遂於初五六等日全股竄出東境向西南考城一帶竄逸著曾國藩督飭劉銘傳潘鼎新劉秉璋楊鼎勳張樹珊等軍奮力追逐毋令該逆再行竄撲他處蔣希夷保英二軍現已由曹縣折回考城著李鶴年督率

馬德昭宋慶等軍與蔣希夷等軍會合夾擊惟豫軍完嫺單薄恐難得手曾國藩務須嚴飭劉銘傳等無分畛域認真合剿以免疏失鮑超一軍現自己抵豫境著卽飭令該提督迎頭痛勦毋以馬隊未集為辭遷延干咎曾國荃著仍遵前旨趕赴南陽一帶駐紮防賊上竄之路該逆現尚盤踞考城蹤跡無定河防仍形喫緊劉長佑閻敬銘仍當督飭在事各員晝夜防範萬不可稍涉鬆懈張之萬已交卸起程前赴周口與曾國藩商辦防勦事務卽著迅赴清淮任事與吳棠悉心商酌以期益臻周密吳棠應俟李鴻章到徐後布置穩固再行起程赴閩浙新任將此由六百里各諭令知之○又諭崇實駱秉章奏會剿黔匪無兵可撥請令劉嶽昭先平黔寇嚴樹森奏行抵重慶請撥兵統帶入黔並陳黔省事宜賊情大概繪圖呈覽請飭席寶田由上游會剿各摺片川黔毗連境地二千餘里上自

敘永下至酉秀時虞竄突若再分兵出疆專謀荆竹園一路則邊隘處處空虛防兵愈形單薄自係實情劉嶽昭現尚未出黔境著卽暫緩赴滇先將黔西大定之賊節節掃蕩嚴扼遵義一帶與湖南援黔之師上下夾擊使賊首尾不能相顧以冀先清黔境但不得曠日持久師老無功致赴滇更無時日並著李瀚章兆琛督飭李元度等軍迅將黔省下游實力勦洗該逆兼顧不遑必更易於得手其

酉秀一帶邊隘卽由崇實等嚴飭川東沿邊防軍扼要截擊以防該逆伺隙奔軼援及完善嚴樹森由重慶入黔道梗所請撥兵三四千由該臬司統帶赴黔川省亦無可再撥著嚴樹森卽行馳赴劉嶽昭軍營會同該撫將遵義大定之賊妥籌勦洗疏通省路該臬司卽可設法入省妥為查辦以副委任嚴樹森所陳黔事以選大將審地勢扼要津除巨逆籌協撥衛銅源六大端為目前要務實為勳

中肯綮現在黔省上游既責之劉嶽昭下游貴東軍務並責之李瀚章兆琛自可毋庸另派大員督辦卽著該撫藩等將嚴樹森所陳六條及另摺查明黔省賊情盡心籌畫總期平一股再辦一股以冀次第廓清毋為賊所牽掣嚴樹森現赴劉嶽昭軍營正可將所陳黔事辦法及上游賊勢與該撫妥商辦理席寶田前經賞假省親現計假期已滿嚴樹森請令統帶舊部由水路取道荆宜施利以達重慶赴遵義進取以期上下游合力夾擊所籌亦妥該臬司所部業已遣散著李瀚章迅撥數營交其統帶迅赴遵義毋稍延緩所需餉項不敷銀二萬兩並著崇實駱秉章李瀚章妥籌協撥其軍火器械並由崇實駱秉章就近解濟毋任缺乏將此由六百里諭知崇實駱秉章李瀚章劉嶽昭並傳諭兆琛嚴樹森知之○陝甘總督楊岳斌奏各軍會勦陝西竄匪連獲大捷得旨該逆現竄平涼隆德

一帶著楊岳斌嚴檄各軍分投截勦迅殲醜類毋令回犯陝疆○補行同治四年大計奉天才力不及官一員處分如例○以甘肅克復階州等城出力擢遊擊張玉春等以副將用賞同知王佐守備龍沛澤等花翎知縣盧錫紳等藍翎餘加銜升敘有差○庚午諭內閣予告大學士祁寓藻學粹品端忠清亮直由翰林入直南書房洊擢正卿贊畫樞務簡任綸扉總理部務疊受

先朝知遇之隆克慎克勤無忝厥職咸豐四年間以樞務積勞因病開缺朕御極之初蒙兩宮

皇太后簡用者臣重加倚畀以大學士銜補授禮部尚書命在弘德殿授讀朝夕納誨啟沃深資旋復因疾予告在家食俸老成碩望中外咸知方冀頤養安和遐齡久享遽聞溘逝悼惜良深著賞給陀羅經被派鍾郡王帶領侍衛十員卽日前往奠醊加恩晉贈太保照

大學士例賜卹入祀賢良祠任內一切處分悉予開復應得卹典該衙門察例具奏靈柩回籍時並著沿途地方官妥為照料伊子翰林院編修祁世長著俟服闋後以翰林院侍讀候補伊孫祁友慎著賞給舉人准其一體會試用示朝廷篤念耆臣至意尋予祭葬謚文端○又諭巡視中城御史恆誠等奏例賞貧民棉衣錢文查照舊章及上年成案辦理一摺現在第近冬令天氣漸寒老弱無衣情

實可憫著照所請仍准於內務府生息項下照例發交實銀三千六百兩如長蘆銀兩尚未解到卽於廣儲司存項內先行墊發分交五城趕緊散放另片奏五城棲流所經費請全給實銀等語著戶部仍照舊章發給實銀二千六百兩卽自本年為始於立冬以前發給支領以示體恤○又諭前因李鴻章吳棠奏報本年夏間江北湖河盛漲清水潭二牯決口疊經降旨諭令李鴻章等派員查勘賑

恤茲據李鴻章奏稱高郵興化寶應泰州鹽城山陽阜甯各屬者被淹沒計今歲冬賑並來春接濟約需銀十餘萬兩其堵築漫口隄工約需銀二十餘萬兩請將藩庫現存銀兩撥充工賑不敷之款再行籌捐辦理各等語該省高郵等屬被水成災小民流離失所情殊可憫所有應辦賑恤隄工等項著加恩照李鴻章所請准將江甯藩庫現存銀十三萬餘兩儘數撥充以濟要需其各屬賑撫事宜

卽著李鴻章郭柏蔭遴派委員分往勘辦務須實惠及民毋任一夫失所該處隄工並著趕緊興辦務臻穩固此外不敷銀兩准由該署督等委員設法勸捐辦理捐輸銀數卽著照籌餉新例遞減二成報捐並准其移獎子弟○諭軍機大臣等訥爾濟奏阜康縣城失守古城奇台一帶民勇潰散請飭催蒙兵進剿一摺阜康縣地方前經佐領百喜率同民勇駐紮與賊接仗疊次獲勝半載無事茲忽

於六月二十九日被烏魯木齊大股賊匪攻撲營盤以致潰敗阜康縣城又復失守陣亡馬兵民勇著訥爾濟查明請卹縣丞陶珣本係應行正法之員輒敢擅署奇台縣知縣復因濟木薩民勇潰散帶印潛逃實屬罪無可逭著訥爾濟卽行查拏就地正法以昭炯戒佐領百喜擅委陶珣署理奇台縣印務此次接仗又不能得力著卽革職並革去軍功花翎仍留營效力以觀後效現在民勇新挫古

城奇台一帶均屬空虛深恐該逆乘勢東趨亟應籌兵進剿李雲麟所調蒙兵計可陸續到齊著卽整旅西進由奇古一帶節節掃蕩遏絕寇氛先保東路完善之區然後相機進取以戰為守力冀挽回全局巴里坤城守緊要訥爾濟仍當督率兵民嚴密設防毋稍疏失將此由六百里各諭令知之○又諭福興奏遵查西路進兵程途需用鍋帳等件請飭籌辦並將程途開單呈覽一摺此次西征之

師經行大漠錫帳駝馬在所必需前諭福興等迅速籌辦茲據奏稱烏蘭察布伊克昭盟蒙兵應需錫帳等項已由該將軍籌備其錫林郭勒察哈爾蒙兵需用駝馬等項請由察哈爾都統籌辦自為分擘易舉起見惟現在征兵不日可到殺虎口恐察哈爾趕辦不及著阜保福興玉亮斟酌情形儘該蒙兵已抵殺虎口仍由福興迅速籌辦如尚未出直境卽由玉亮趕緊辦理以利師行其吉林黑龍

江及直隸官兵所需錫帳鐵鉢鐵水桶等件為數較多直隸官兵應用之件卽著劉長佑於各營存儲內迅速放給吉林黑龍江官兵所需各件並著趙長齡於山西各營內妥為籌撥毋稍延誤福興採買駝隻需款甚鉅前已有旨令趙長齡將欠解北路軍餉五萬兩迅解綏遠城應用卽著福興於解到後酌量動用如尚不敷著趙長齡剋期籌撥其直隸官兵應用駝隻價銀並著趙長齡籌墊再

由直隸歸款以濟要需將此由五百里各諭令知之○又諭景紋奏查辦披布構兵一案完結地方肅清請飭四川撥銀各摺片披楞與布魯克巴連兵構釁震及後藏邊陲經景紋親赴定日帕克里等處令噶布倫白瑪結布責成松追呼畢勒罕等赴薩海營盤多方開導令其先行撤兵並令布魯克巴交出礮位轉付薩海仍捐辦犒兵牛羊租田價銀俾兩造釋怨息兵現在地方照常安靜辦理尚

屬妥協惟披楞性多陰險難保日後不復起爭端所有善後及一切防堵事宜景紋仍當隨時認真經理並嚴飭該商上暗修武備以備不虞不可稍涉大意至藏中用兵日久前次出師瞻對給發兵丁錢糧軍火並撫恤陣亡番官頭目家屬各款共用銀三十餘萬兩均由商上墊辦現經達賴喇嘛認捐十五萬兩所餘虧項尚多著崇實駱秉章卽由川省籌撥銀數萬兩派員解赴景紋處交納以資

彌補事關極邊要需毋稍推諉將此由五百里各諭令知之○予烏嚕木齊陣亡驍騎校都訥恩委前鋒校喜成祭葬世職○追予江蘇金山衛陣亡總兵官黃金友副將軍聯陞遊擊崑祿建立三忠祠並飭地方官春秋致祭○辛未

上奉

慈安皇太后

慈禧皇太后幸漱芳齋侍午膳○諭軍機大臣

等御史范煦溥奏閩省崇安齋匪滋事官軍擊斃者率皆異地匪徒其土匪熟悉崎嶇路徑鼠竄奔逃致稽顯戮浦城縣亦有會匪結黨成羣請飭嚴禁等語崇安匪徒除正法數十名外尚有餘匪不下數百人橫行鄉曲儻不盡絕根株恐致死灰復燃浦城會匪亦應及早拏辦以絕亂萌著英桂徐宗幹將崇安漏網餘匪及浦城會匪嚴緝懲治以淨根株並通諭各屬嚴禁匪徒毋任勾結外匪復致

滋蔓原片著鈔給閱看將此各諭令知之○又諭勞崇光奏官軍進剿鎮雄逆匪攻破賊巢生擒首匪並永善縣屬教匪滋事旋即撲滅各一摺此次署藩司岑毓英督率官軍進攻鎮雄逆匪連破礮礮山等處老巢現在圍攻礮子山旦夕可下首逆譚聯發等亦被擒獲辦理甚為奮勉殊堪嘉尚惟李開甲為著名首犯所稱死於亂軍之中未可憑信儻任其脫逃別經勾結為患不可勝言著勞崇光

嚴飭岑毓英迅即設法捕拏不准稍涉含混並將礮子山老巢即日攻克毋稍延緩永善縣屬教匪膽敢聚眾滋事恃險抗拒該處文武即行帶兵撲滅地方肅清功過尚足相抵應得處分著加恩寬免惟匪首喻洗明喻洗舉下落必須確切查明儻聽其竄逸則該地方文武各員仍難辭咎著勞崇光飭令嚴查如未殲斃務當弋獲以靖閭閻滇省被擾十餘年民生塗炭甚切繫懷現在規取杜逆機

勢若何其餘已未肅清之處並回教名目及首逆姓名賊眾多寡盤踞巢穴均著勞崇光詳細訪查繪圖貼說呈覽以便隨時指示機宜用冀剋期廓清拯民水火將此由五百里諭令知之尋劉嶽昭奏謹將滇省情形繪圖貼說呈覽至迤西各屬踞匪查逆首杜義等踞楚雄府屬杜文秀等踞大理府屬姚得勝等踞麗江府屬楊得明等踞永昌府屬馬得中等踞順甯府屬約計各黨與尚有四萬餘

人報聞○補鑄浙江黃巖鎮中軍遊擊杭州城守中軍都司錢塘水師都司各關防從巡撫馬新貽請也○以勸辦軍糧予甘肅道員豫師等加銜升敘有差○以甘肅鞏昌府城被匪襲陷旋即克復總督楊岳斌下部議處革遊擊江成萬職仍留營予總兵官傅先宗以提督簡放賞總兵官張志心副將雷長庚左世亨丁全德巴圖魯名號遊擊陳得勝花翎縣丞左東忠藍翎餘升敘有差殉難署知

縣孟鍾瀛訓導武濂祭葬世職加等○以雲南克復曲靖等城出力賞知州舒藻都司錢之福等花翎千總楊福章等藍翎餘加銜升敘有差○以雲南嵩明新興易門各州縣城被賊竄陷革署知州楊豫泰龍遇春署知縣魏輔仁等職予陣亡署知州通判潘允懷代理知縣府經歷賈炳南署吏目未入流馬兆奎祭葬世職○追予雲南被賊總督潘鐸建立專祠知府黃培林知縣翟怡曾訓導華燦

千總鄭秉忠等一併附祀○旌表割臂療親安徽知州穆其琛妻向氏

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十四

上卷

七

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十五

此係穆宗皇帝實錄卷之一百八十五之末

理宗皇帝實錄卷之一百八十五之末

正統皇帝實錄卷之一百八十五之末

宣宗皇帝實錄卷之一百八十五之末

光宗皇帝實錄卷之一百八十五之末

穆宗皇帝實錄卷之一百八十五之末

同治五年丙寅九月壬申諭軍機大臣等李

鶴年奏髮捻回擾豫疆由周口旋省布置一

摺賊匪由山東鄆鉅一帶回竄豫境陳留通

許之間俱有匪蹤該撫聞警由周口星夜回

省派馬德昭一軍迎頭截擊小有斬擒該逆

向南奔竄賊蹤剽疾異常此拏彼竄是其慣

技亟應設法兜圍杜該逆紛擾之路著李鶴

年懍遵前旨檄飭馬德昭宋慶等軍與蔣希

夷等軍會合夾擊迅殄逆氛惟豫軍尚嫌單

薄必須與湘淮諸軍聯絡聲援會籌進剿方

可為一鼓聚殲之計。著該撫咨商曾國藩相機布置。務將該逆就地殲除。毋令再肆蔓延。將此由五百里諭令知之。○又諭張凱嵩奏官軍擣破山澤老巢。餘逆困踞孫逆住屋。現在圍攻一摺。孫逆盤踞山澤。經張凱嵩親督各軍分路力剿。七月十八日以後。連克村壘。踞平賊營多座。八月十五日夜間。遂克山澤老巢。生擒孫逆之父及其弟姪並逆目等四百五十餘人。解營正法。辦理極為得手。餘匪約計千人。退踞孫逆住屋。猶為困獸之鬬。自不必專事仰攻。致傷精銳。仍著該撫設計擒渠。毋令死灰復燃。致有竄突。此股逆首殲除其餘零星小股。已成破竹之勢。並著分兵勦辦。將南太一帶次第廓清。以副委任。將此由五百里諭令知之。○又諭前據張凱嵩奏楚勇欠餉過多。請飭廣東湖南各將原撥未解協餉籌解五萬兩。當經諭令各該省照數協撥。茲據張凱嵩奏稱廣東已解到銀二萬五

千兩。湖南解到銀三千四百餘兩。並火藥五萬斤。共作為一萬兩。其餘尚未報解。旋准部咨以廣西原定月餉。湖南二萬。廣東三萬。係劉長佑帶兵時軍餉。廣西近年並無軍務。令該撫將收過該二省餉數報部。並飛咨湖南廣東。將此項銀兩裁停。現值山澤歲事。欠餉無著。請仍飭廣東湖南補解等語。戶部所奏停止之款。係劉長佑原定湖南廣東分解之五萬兩。並非該撫請撥湖南廣東分解之十萬兩。該撫分晰未清。致有此奏。誠恐廣東湖南二省亦復緣此輟轉。必誤要需。仍著瑞麟。蔣益澧。李瀚章。遵照前旨。各將此次協撥之餉五萬兩。除已解過外。所有欠解之數。迅速補齊。委解。並著張凱嵩催提。以為裁軍補餉之用。將此由五百里各諭令知之。○欽差察哈爾照料征兵戶部左侍郎阜保奏請照吉林黑龍江成案。發給直隸征兵添製皮衣銀兩。允之。○成都將軍崇實等奏攻勦越嵩夷

匪疊獲勝仗。得旨越雋夷匪。先勦後撫。允合機宜。務期一勞永逸。綏靖邊圉。○以江蘇捐辦兵米。予運判沈炳等加銜升敘有差。○予四川越雋陣亡外委范洪恩祭葬世職加等。○旌表夫亡殉節直隸知州李採繼妻徐氏。○癸酉。諭軍機大臣等。瑞麟將益澧奏籌辦西江土客械鬪。添兵扼堵一摺。瑞麟等前飭徐文秀帶兵赴那吉。辦理客匪勦撫事宜。旋據客匪鄭士謙、黃煥、漳韓端沅等先後到營求撫。該將等令其繳械造冊。聽候安插。兩次繳來洋槍長矛。均屬零星抵塞。肇羅道王澍由恩平到營。將黃煥、漳韓等扣留。仍傳諭大小客眾頭目。速繳軍械。捆送土匪。探聞那吉等處匪類紛紛退聚沙岡、青灣等處。意圖外竄。該督撫已飭鄭紹忠扼堵。並飭王澍往大田布置。令梅啟照等帶新練礮隊兵勇一同馳往恩平策應。所籌均妥。著卽督飭梅啟照會同徐文秀等察看匪情。相機辦理。如該匪眾

膽敢抗拒。抑或潛圖負隅。自不能不乘勢揔勦。設使真心悔罪。繳械輸誠。該督撫仍當體朝廷好生之心。妥為籌畫安置。男婦數萬人亦斷無盡殺之理。惟當將著名巨魁訪獲正法。使各匪知所畏懼。卽土民中有兇悍素著者。亦宜酌量辦理。以後方可永遠相安。不致再有彼此欺凌之事。諒該督撫必能持平妥辦也。另片奏據法國教士文鐸德赴營聲稱客匪中有奉教者一千五百餘人。請分別安置。該督撫令其查明確數造冊。不准攜帶尺寸軍械。分作數次帶赴軍營。按名點驗。押送恩平新會兩縣暫住。不必帶領到省。辦理亦甚妥協。卽著籌貲分起安插。毋令聚於一處。致貽後患。將此由六百里各諭令知之。○旌表割臂療親原任四川知府金齊賢阿妻圖克坦氏。浙江教諭吳善城妻潘氏。○甲戌。署烏里雅蘇台將軍麟興等奏遵旨揀派喇嘛幫同進勦。現據兩部盟長等呈稱該呼圖克

圖等惟知誦經不諳軍事。委無得力之人。可以揀派。報聞。○乙亥。諭軍機大臣等。御史佛爾國春奏。惡棍冒充軍功。擾害鄉里。請嚴查究辦一摺。據稱順天府薊州地方。有惡棍劉柳。無惡不作。曾在山西平定州。冒稱官軍。詐索銀兩。搶奪馬匹。迨平定州行查。劉柳遂捏報病故。改名劉安。仍復養匪。勾賊在別山鎮一帶搶掠等語。著萬青藜劉崐派委妥員。會同該州詳細訪查。嚴拏懲辦。原摺著鈔給閱

看。將此諭令知之。○又諭富明阿奏。軍兵待哺孔殷。請飭部催解各省欠餉一摺。直隸等省欠解吉林軍餉。為數尚鉅。此次雖由盛京部庫領銀一萬兩。不敷分放。而吉林庫款空虛。無可籌畫。現在該省按捕伏莽。彈壓流民。均須留兵防範。儻因餉糈不繼。士卒飢餒堪虞。著戶部嚴催各省迅將欠解吉林餉銀。趕緊撥解。毋任遲延。並著額勒和布將吉林所欠墊發銀兩。暫緩扣留。各省欠解軍餉到時。

即行發給吉林委員關領。若各省解款未到。即由盛京部庫暫行籌借銀二三萬兩。先濟急需。富明阿即可委員迎提。以資散放。將此各諭令知之。○又諭曾國藩奏。官軍在新野南陽剿賊。並追擊捻蹤。疊勝。現辦情形。各摺。劉松山。張詩日兩軍。前因宋慶一軍被圍。馳往南陽援救。攻破尹家寨等處。踞匪與宋慶所部在上仙岡合剿。悉力鏖戰。疊次獲勝。殺斃悍賊甚多。所有出力各員。著曾國藩彙入

上蔡案內保獎。劉銘傳。潘鼎新兩軍。追賊至山東汶上境內。將梁山之賊。三面攻剿。並在鄆城荷澤曹縣東明等處。疊次獲勝。盡力窮追。至豫省睢杞一帶。賊勢已挫。著曾國藩檄飭劉銘傳等趕緊追剿。務乘該逆疲乏之餘。窮其所向。不令喘息。並檄劉松山一軍。由扶溝以北。向前迎剿。一面催令鮑超由南陽至南召魯山前進。截賊西趨洛陽之路。李鶴年亦當檄飭豫省諸軍。前截後追。與湘淮各軍

聯絡聲勢並著官文。曾國荃分布鄂軍嚴防邊界。仍另籌遊擊之師出境迎擊。與豫省各軍會合。兜剿不可稍分畛域。曾國荃卽行出省。擇要駐紮相機調度。毋稍延緩。沙賈兩河之防。仍著曾國藩李鶴年嚴密布置。毋任賊蹤再行東竄。另片奏病尚未痊。請續行給假等語。曾國藩著再行賞假一箇月。在營調理。將此由六百里各諭令知之。○又諭據何瑄奏阜康官兵潰散。巴里坤喫緊。亟盼大兵出關等語。阜康為巴城屏蔽。失守後賊復竄至濟木薩。巴里坤存兵無多。情形緊迫。自係實情。前因訥爾濟奏聞。已諭令李雲麟迅速進兵。惟恐緩不濟急。而成祿一軍疊諭剋期出關。並令楊岳斌酌派數營會同黃祖淦進攻肅州。騰出成祿之軍。卽日西征。諄諄訓諭。不啻三令五申。至今尚無出關消息。殊屬任意延玩。著楊岳斌成祿懍遵前旨。迅圖出關。毋得藉詞耽延。並著何瑄於大兵未到之先。悉

心布置。毋令巴城稍有疏失。以副朝廷起擢之恩。將此由六百里諭知楊岳斌成祿並傳諭何瑄知之。○以克復哈密城暨團練城防出力。賞伯克夏時林棉布都拉巴圖魯名號。依底斯漢等花翎。從九品銜黃琚等藍翎。餘加銜升敘有差。○予故察哈爾都統西凌阿祭葬。諡勇毅。○予河南上仙岡陣亡都司鄒明立祭葬世職。○追予廣東隨征江南陣亡知府梁廷璽等祭葬世職。南海等處殉難勇丁婦女一千五百二名。口分別旌卹如例。○句到奉天。福建。陝西。廣東。廣西。貴州。新疆。情實罪犯二十七人。均予勾。○賞普濟堂功德林煮賑粟米五百石。○賞通州王恕圖煮賑粟米三百石。○丙子浙江巡撫馬新貽奏辦理墾荒事宜。已有頭緒。並清理庶獄。以重農事。得旨所奏墾荒事宜。尚屬詳盡。該撫惟當督飭各該地方宜實心實力。次第興辦。不得視為具文。苟且塞責。○閩浙總督左宗棠奏

請於杭州府城建立忠義祠。彙祀陣亡病故楚湘各軍。允之。並飭地方官春秋致祭。○蠲免浙江錢塘仁和兩縣義冢地畝額賦八十七畝有奇。○丁丑。諭軍機大臣等。楊岳斌奏布置東南兩路。現擬回省籌辦軍食。兼通西路糧運。並請催曹克忠回甘。成祿出關各摺。片。回匪分竄慶固一帶。楊岳斌正在督軍勦辦。乃因駐省各營糧食缺乏。於九月初九日。自帶親兵取道通渭晉省。趕緊籌備軍食。卽著該督於回省後。妥為鎮撫。籌畫軍糧。以定人心。毋任因飢譁潰。致釀事端。該督現飭雷正綰張在山等馬步各軍防勦竄陝之路。又派彭楚漢等軍進紮隆德屬境。以杜西奔。令王德勝等往靜甯一路堵勦北路逆匪旁竄。兼顧南路門戶。並擬將省防各軍酌量抽調。帶赴西路平番。節節進勦。疏通糧運。卽著嚴飭各軍認真防勦。不得任賊竄突。致干重咎。省垣為根本重地。必須布置妥協。方可無內

顧之憂。楊岳斌此次回省。必須熟思審處。以期計出萬全。毋蹈前轍。逆眾現擾及固原慶陽兩屬。誠恐復竄陝疆。著劉蓉督飭防軍出境勦洗。務期會合甘省兵勇盡力追勦。毋任再有回竄。曹克忠已屢有旨催令折回甘省。現在已否啟行。著劉蓉卽行咨催回任。以重職守。成祿屢經諭令出關。何以尚未啟行。肅州有黃祖淦一軍。足可敷勦。著成祿卽率所部出關會勦。鶴齡一軍。前已有旨遣撤。所有

川省應解鶴齡軍餉。楊岳斌添成一萬兩。按月改解成祿軍營。該提督既增營餉。自可於關內添募數營。用期厚集。藉資得力。該提督務當約束兵丁。迅卽出關勦賊。不得需索居民。儻任意逗遛。致有擾累等情。必當治以應得之罪。懍之。將此由六百里各諭令知之。○以都察院左都御史全慶署刑部尚書。理藩院尚書存誠署管奉宸苑事。吏部左侍郎毛昶熙兼署戶部左侍郎管三庫事。○以鑲黃

旗漢軍都統春佑兼署鑲紅旗滿洲都統○
賞故內閣學士許彭壽子主事之俊舉人○
以甘肅鞏昌等處防守出力賞參將緱連魁
巴圖魯名號千總陳禧守備銜花翎訓導李
暢等藍翎餘加銜升敘有差○予甘肅張家
川陣亡參將陳復勝等祭葬世職加等○撥
河南司庫銀五萬兩解赴上南廳以備工需
從署河東河道總督蘇廷魁請也○戊寅以
神靈佑順頒河南省城

風神廟扁額曰揚威顯佑

河神廟扁額曰神功翊運○諭內閣勞崇光
張亮基奏雲南補用道楊江前經張亮基等
委赴湖南勸捐毫無侵漁欺蒙情弊數年來
竭力招徠於黔餉大有裨益並捐貲募練護
送餉銀赴黔疊著勤勞該員前經徐之銘挾
嫌奏參革職其原參意存規避藉捐漁利等
情均係捏詞文致自相矛盾請將該員開復
原官並將撤銷升銜一併賞還等語楊江著

准其開復原官免繳捐復銀兩照例以道員
不論雙單月儘先選用並仍賞加布政使銜
○諭軍機大臣等前因李雲麟奏新疆餉項
指撥紛繁請酌定章程分局轉解當經降旨
交戶部酌度具奏茲據該部奏稱歷年專撥
新疆餉銀山西山東河南欠解各四十餘萬
兩直隸亦未解清請於各該省按月撥解所
籌尚為妥協即著閻敬銘趙長齡每月各解
銀三萬五千兩李鶴年每月解銀二萬二千

五百兩劉長佑每月解銀二千五百兩均自
本年九月為始派員解赴歸化城由福興派
員轉解烏里雅蘇台分局交納並著直隸山
東山西河南各督撫先將九十兩月餉銀剋
期起解以備轉運其餘月餉仍按月撥解儘
屆期不到即著阜保會同福興照遲誤京餉
例嚴參阜保未到以前即著福興認真催提
毋得稍存諉卸成祿一軍尚未出關待餉孔
亟四川欠解該提督軍餉尚多此次既停解

新疆月餉該省自可寬裕。所有成祿軍餉。卽著崇實駱秉章趕緊籌解數萬兩。俾得迅速出關。湖北陝西應解成祿月餉。並著官文。曾國荃。劉蓉設法湊解。該提督軍營以濟要需。經此次明定章程。各該省既眾擎易舉。自可按期撥解。李雲麟現在進兵。餉俱有著。亦可收飽騰之效。卽著隨時提催。督率各將領節節進剿。以圖規復烏魯木齊。用副委任。將此由六百里各諭令知之。○又諭李鶴年奏髮

捻各逆掘挖河隄。經豫軍擊退一摺。逆匪被剿窮蹙。竟於附近汴省一帶掘挖河隄岸。希圖竄越河北。並將榮澤壩挖開二十餘丈。水勢洶洶。幾於氾濫。經豫省水陸官軍擊退。該逆蓄謀甚狡。現雖折向南趨。仍恐乘虛反噬。河防關繫南北大局甚重。李鶴年務當督飭豫軍嚴密分布。不可稍涉大意。此次水陸官軍力戰數晝夜之久。保護長隄。尚屬奮勇。著准其酌保數員。以示鼓勵。其南竄股匪。並著曾

國藩飭令湘淮諸軍會合豫師跟蹤追擊。毋任喘息一面。嚴催鮑超之師迎頭探剿。迅掃狂氛。豫境黃河由廣武山以東至朱仙鎮。綿長二百餘里。均須鱗次設防。豫省兵力未厚。應如何辦理之處。著曾國藩李鶴年統籌全局。速行酌辦。務臻妥協。開濮東垣及張秋一帶為畿南保障。黃河隄岸。劉長佑聞敬銘尤須加意嚴防。應如何添撥水陸各營。鱗次分布。以臻周密。著該督撫悉心妥籌。毋稍貽誤。

榮澤壩隄岸。雖經豫軍倉卒搶護。而工未能堅。著蘇廷魁趕緊修築堅固。並將黑岡被掘河隄一併補修。毋稍延誤。將此由六百里各諭令知之。○又諭前據成祿奏派員赴豫募勇。請飭豫撫遵照辦理。當經降旨諭令李鶴年督飭成祿所派委員。招募數營赴甘。茲據李鶴年奏稱。河南歸杞襄郟民雖強勁。素重農業。不願荷戈。其樂於應募者。無非舊日散勇。一經招集。必至恃眾騷擾。况平固道路未

通。應由草地行走。儻阻滯中途。非因飢潰散。卽擾害地方。請飭停止招募各等語。所奏自係實在情形。卽著成祿飭令委員丁文學等迅速回營。毋庸赴豫招募。如必須添兵。卽著成祿於近甘地方另行募勇。以資得力。將此由五百里諭令知之。○又諭張亮基奏稱仁懷縣踞匪。業經署知縣汪麗金率團鏟平。賊壘多座。僅餘木城一帶未靖。緒拱箐苗匪岑毓英已由滇屬鎮雄州進攻。大定府境現已肅清。黔西苗教各匪業經練眾擊潰。並由該地方文武控勦連破賊壘五處。請飭劉嶽昭改道安順等處進勦等語。大定黔西等處賊勢旣衰。本省兵練足敷勦辦。自可毋庸借助鄰援。其安順賊氛延蔓。卽飭廳之各股狎苗號匪及盤踞興義府城之回匪。勢均猖獗。黔省餉絀兵單。難於兼顧。著劉嶽昭卽率勁旅由遵義馳赴安順興義郎岱一帶。將各匪節節勦洗。並將興義府城克復。肅清黔省。用竟

全功。劉嶽昭現在遵義。所有仁懷縣屬木城一帶餘匪。卽著該撫於起程時先行勦除。再行馳赴安順等處。其黔西州餘匪。卽著張亮基飭令該地方文武實力控勦。務須殄除淨盡。毋留餘孽。緒拱箐苗匪仍著勞崇光督飭岑毓英越境攻勦。不可稍分畛域。西秀邊境卽著崇實駱秉章嚴密防堵。將此由六百里各諭令知之。○以候補侍郎徐樹銘署禮部左侍郎。○察哈爾都統色爾固善乞假葬親。以正白旗蒙古都統裕瑞署察哈爾都統。○予河南三塔寺陣亡守備于得水等祭葬世職加等。○予貴州石丁口陣亡署遊擊富謙祭葬世職。予善祥善寶賞卹如例。○旌表未婚守志故筆帖式福全聘妻伊爾根覺羅氏。○己卯署河東河道總督蘇廷魁奏報秋汛安瀾。命詣河神廟祀謝。○句到四川。湖廣情實罪犯停決四川斬犯五人。絞犯一人。湖廣斬犯二人。

餘七十五人予勾。○緩徵山西臨汾縣咸豐十年未完額賦。○庚辰三口通商大臣兵部左侍郎崇厚奏遵旨拏獲教匪趙熙沅等十一名解交步軍統領衙門審辦。下所司知之。○辛巳諭軍機大臣等戶部奏遵旨嚴催各省欠解吉林餉銀一摺吉林軍餉經戶部先後奏撥山東等省地丁等項銀兩以應急需除長蘆鹽課銀四萬兩山西耗羨銀二萬兩東海關劃撥京餉銀五萬兩天津關劃撥京餉銀五萬兩業已埽數全解外山東地丁項下已解銀一萬五千兩又報起解銀一萬五千兩尚欠銀九萬兩直隸旗租項下已解銀二萬兩尚欠銀二萬兩河南清查追補項下已解銀一萬兩尚欠銀二萬兩現在吉林撥捕餘匪軍士待餉孔殷著劉長佑閻敬銘李鶴年迅飭藩司限文到十日內如數趕緊措齊委員解交盛京戶部轉解吉林交納儻仍逾限不解卽由該部指名嚴叅毋得視為具

文致干重咎此外直隸山東河南陝西等省尚有歷年欠解東三省餉銀一百三十九萬餘兩並著劉長佑閻敬銘李鶴年喬松年劉蓉遵照該部歷次奏案迅卽設法籌措或一萬兩或五千兩陸續起解俾資接濟本日據穆圖善奏營餉支絀請飭催解等語山西陝西應解穆圖善軍營月餉著趙長齡喬松年劉蓉卽行如數批解毋稍延緩又據穆圖善奏吉林省累年未曾咨送一缺請飭令嗣後將所出官缺照黑龍江揀選章程如出有二缺以一缺由本省揀選一缺咨送軍營拔補等語著富明阿遇有缺出照例咨送以昭平允將此由五百里各諭令知之○又諭前據嚴樹森奏黔省上游非籌兵二三萬不能濟事月需軍餉請由各省勻派等語當交戶部議奏茲據該部奏稱各省應解黔省月餉每月應得十一萬八千兩現在湖南一省進剿黔省下游獨力支持月餉甚鉅原定協黔之

款其勢自難兼顧。卽著李瀚章將現派援黔兵數若干。每月需餉若干。詳細報部。由該部覈明後。再將原協黔餉酌量裁撤。以免牽混。其原定四川月協四萬八千餘兩。湖北月協二萬兩。廣東月協一萬兩。卽著崇實駱秉章。官文。曾國荃。瑞麟。蔣益澧。迅速按月報解。至浙江。山東。廣東。江西。福建。陝西。湖北。湖南。四川。河南等省。舊欠協黔兵餉軍餉鉛本。為數甚多。上年張亮基奏請飭令各省照所欠總數。按年撥解半成。曾經諭知各該省照辦。仍著各該督撫。懍遵前旨。按年分起撥解。不得延宕貽誤。總計以上各省協餉。並張亮基派赴湖南等省勸捐等款。每月已有十餘萬兩之多。以之專辦黔省上游。自可收飽騰之效。張亮基身任封圻。責無旁貸。得此鉅款。益當激勵將士。振刷精神。將上游各匪迅速蕩除。與湘軍聲勢遙為策應。毋許再藉口兵單餉絀。倚重客兵。並著該署撫卽將現在用兵若

千。餉需數目。屯紮何處。一併詳悉具奏。將此由五百里各諭令知之。○又諭閻敬銘奏。捻股由豫突竄東境。攻撲運河。經防軍擊退。現仍盤踞河西。並因病請假各摺。片。任柱。賴汝洸等。逆由中牟一帶東竄。每晝夜行二百數十里。本月十九日。回竄曹縣。二十一日夜。糾合大股。進撲袁口。經官軍擊退。現在賊股仍踞河西。著閻敬銘。卽飭在防各軍。乘該逆喘息未定。痛加勦洗。埽蕩狂氛。賊謀狡詐。往往注彼竄此。亟肆罷我。迨官軍悉數調往追逐。而該逆卽伺我不備。乘虛折回。近日賊情。大率類此。此時賊蹤雖又東竄。豫省布置。仍未可稍形疏懈。應如何調撥勁旅。會同東省官軍通力合作。迅圖聚殲之處。著曾國藩。李鶴年。相機調度。直隸東明長垣一帶河防。又形喫緊。著劉長佑。督飭張樹聲。統率所部。嚴密布置。遇賊卽擊。毋令偷渡。東省兵力甚單。如該逆合股竄入。勢恐不敷抵禦。李鴻章移紮

徐州距曹縣較近著卽酌撥兵勇迅赴山東協同進剿以資厚集閻敬銘患病未痊著賞假一箇月在營調理惟賊蹤現又東竄防剿正形喫緊該撫仍當力疾從公妥籌兼顧以副委任將此由六百里各諭令知之○又諭穆圖善奏馳赴中衛進剿並陝回馬生彥等投誠一摺穆圖善行抵中衛地方回目馬瑞懇卽馬生彥及楊汰治等遞稟乞撫該回等未受懲創遽爾乞降恐別有詭謀不可墮其

術中如果真心悔罪卽當收繳馬匹軍械方能擇地分別安插穆圖善現擬由中衛趕緊馳回甯夏設法辦運口糧催調馬步仍由中衛進攻靖遠踞匪督師西下與楊岳斌聯絡聲勢並就近赴省均著照所請妥為籌辦以副委任甯靈地方自應留兵駐守以備不虞該將軍擬請令金順署理甯夏將軍並留兵交其統帶令豐紳署理甯夏副都統兼管後路營務向來將軍副都統大員必須請旨派

署該將軍率行委署實屬不諳體制惟念事關軍務地方姑如所請甯夏將軍印務著金順暫行護理甯夏副都統印務著豐紳暫行護理仍飭該員等悉力籌防毋稍大意甘肅前派援陝之程興烈一軍著准其調回甘回前竄陝疆雖被擊退難保不再圖滋擾喬松年現已起程赴陝劉蓉於陝西情形較熟呼應亦靈仍著暫督諸軍嚴防邊隘如能出境會剿更可得力喬松年到後仍須妥為商辦

未可置身事外致賊匪乘隙竄回又形棘手穆圖善另片奏請留景廉襄辦文案等語景廉已授哈密幫辦大臣哈密新克需人駐守著卽飭令景廉前赴新任軍營文案另行派員辦理其駐紮花馬池之直晉官兵卽派營總富勒琿接帶督令嚴密防守不得稍涉疏忽將此由六百里各諭令知之○以山東袁口擊退捻匪予遊擊張青雲以參將升用並加副將銜○壬午旌表割臂療親直隸知縣

陳元祿女婉○癸未。

孝慈高皇后忌辰遣官祭

福陵○諭軍機大臣等左宗棠奏籌議變通閩浙兵制一摺閩省綠營兵制額冗餉薄素不訓練臨事不能收一戰之功並不能為一日之守據左宗棠所陳積弊情形實屬洞中窺要該督現擬將無用之兵汰除四成即以裁兵之餉加給存營之兵併營抽練所籌甚為切當著即照所請辦理並著督飭水陸各營

認真訓練務當切實講求不可有名無實左宗棠起程在即所有未盡事宜並著英桂吳棠徐宗幹悉心籌畫俾臻妥善總期兵歸實用餉不虛糜毋蹈仍前積習浙省兵丁議復常制止須少募新兵精練汰存舊兵即著左宗棠英桂吳棠與馬新貽黃少春將一切事宜妥為籌議責成楊昌濬專主其事實力辦理水師船礮尤宜講求堅利閩省購造粵東拖罾船隻亦當力求堅固不可以敝窳充數

左宗棠前奏閩省設廠製造輪船尤為水營要務即著吳棠接辦不可日久廢弛將此由五百里各諭令知之○吉林將軍富明阿奏改期攜篆起程及復派官弁往查老金場安插私墾遊民寔金流民得旨寔金流民究應如何安插必須熟籌辦法該將軍歷次陳奏但云勒限遣散而於安插之地並未籌及實屬顛預仍著悉心籌畫或即准令在金場附近開墾或另擇空閒地方耕種度日俾得各安生業仍設法彈壓稽查以為一勞永逸之計儻或冒昧從事致將來別滋事端必惟該將軍是問○以廣西攻克山澤匪巢賞總兵官李士恩一品封典道員易元泰副將王國權參將莫雲成都司馬正龍巴圖魯名號都司權可立同知陳經祥等花翎縣丞陳鳴柏藍翎餘加銜升敘有差予陣亡都司楊其昌千總何元祥把總龐月榮外委嚴道時等祭葬世職加等○追予故署漕運總督王夢齡

於江蘇徐州府建立專祠○旌表守正捐軀
江蘇泰州民婦陳景氏○

上以孟冬時享

太廟自是日始齋戒三日○甲申旌表守正捐

軀山西靈邱縣民婦薛汪氏○乙酉

孝敬憲皇后忌辰遣官祭

泰陵○

上以孟冬時享

太廟前期親詣行禮○予浙江各屬陣亡殉難

鹽大使周力均等官紳士民婦女一百五十

一員名口分別旌卹如例○蠲免浙江新昌

嵎江山常山開化遂安麗水縉雲青田松陽

遂昌雲和景甯餘姚上虞宣平十六縣同治

二年未完額賦

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十五

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十六

聖德太子造了萬部大傳入到國司所轉達王院學士轉發奉書知方云云我武王公金主素懷大日孁尊英武神皇

[illegible]

正和銀兩洲都經理王師久係下事海內大德輔國公程功加一級通帶加六級等十七次在案至義和團亂後
每月月店銀兩大伴翰林院書院

學士於蒙養全書中作中國大體程方略總論云蒙古人學士宗師而馬賊大盜小盜皆古官拜戶部主事國無事務加九級軍功加五級職事

力六張紙十九日大
轉分本利和
感念
清道
下樓部
向基理戶部
書寫
通帶
如規
就錄
以
徐同義

較修

同治五年丙寅冬十月丙戌朔享

太廟遣克勤郡王晉祺恭代行禮（遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵遣官祭

端慧皇太子園寢

上詣綏履殿問

慈安皇太后安平安安室問

慈禧皇太后安至乙卯皆如之奉

慈安皇太后

慈禧皇太后幸漱芳齋侍午膳
頤同治六年

時憲書 丁亥欽奉

慈安皇太后

慈禧皇太后懿旨前因侍郎李鴻藻丁憂後兩

次懇請終制當經降旨慰留並准其二十七

箇月內不穿朝服不與朝會筵宴以示體恤

嗣復派恭親王等赴該侍郎寓次傳旨令於
百日後照常入直毋得再行固辭旋據李鴻
藻奏稱百日將滿愁急萬分心疾恐致增劇
請曲予矜全等語情詞懇切深用惻然昨據
御史張觀鈞奏稱賢臣不宜久離請旨敦促
並歷陳該侍郎宜出任事各條頗為詳盡李
鴻藻受恩至重與國家有休戚相關之誼當
此聖學日新軍務方亟該侍郎豈能忍然於
懷著即於百日後仍遵前旨照常入直弘德

殿軍機處以副委任俟將來扶柩回籍時仍
當寬予假期俾得從容料理則忠孝兩全可
無遺憾該侍郎務當仰體朝廷曲成之意毋
得再行籲請○諭軍機大臣等劉蓉奏請飭
晉蜀協甘餉銀按月解陝一摺甘肅賊氛徧
地正值勦辦喫緊之時各營軍食全藉陝省
購糧運甘而陝庫情形又屬異常支絀四川
應解該省月餉二萬兩自本年正月起至五
月止僅解到八萬兩著崇實駱秉章將未解

月餉卽行籌撥補解其自五月以後仍著崇
實駱秉章按月籌解二萬兩源源接濟川省
庫藏雖未充裕較諸陝省情形自不相同該
署督等務當設法籌款撥解以濟眉急不得
強分畛域膜視鄰封至山西應解陝省採買
月餉銀二萬兩自本年正月至今僅解銀六
萬兩亦屬遲緩著趙長齡速將前欠餉銀按
數補足並著嗣後按月將應解之款迅籌撥
解毋得任意延宕致誤要需將此由五百里

各諭令知之○以詹事府少詹事杜聯為內
閣學士兼禮部侍郎銜○以陝西定邊等處
防守出力賞總兵官洪輝堂巴圖魯名號守
備路大廷等花翎千總孫佩珩等藍翎餘升
敘有差○戊子諭軍機大臣等閻敬銘奏髮
捻攻撲河牆經防軍擊退現籌防勦情形趙
長齡奏豫捻西竄晉防喫緊請飭河南派兵
截勦各一摺髮捻麇集河西猛撲袁口旋由
南路劉老口折而東南突攻開河圩牆經防

軍轟擊遂由安山戴廟等處以擾長溝官軍迎勦疊有斬擒賊股現遁嘉祥之羊山一帶逆蹤或南或北飄忽靡定其搶渡奪路專在黑夜蓄謀尤為詭譎亟應嚴密布置力堵該逆紛擾之路潘鼎新劉銘傳等軍業已次第入東著閻敬銘檄飭東省官軍與調到援軍聯絡聲勢晝夜嚴防遇賊即擊迅掃逆氛閻敬銘奏據獲賊供稱該逆因在豫無從覓食拌死東竄如此路防守甚密即將改竄韓莊

臺莊及清淮一帶圖撲運東等語著吳棠與李鴻章悉心會商妥籌戰守與東豫各軍合力會勦張之萬計已抵淮即著趕緊任事將清淮防務妥為接辦趙長齡奏張總愚賴汶洸各率大股復由曹單竄豫併力西趨已至永甯縣之河底鎮其邊馬擾及新安縣之磁礪陝州之硤石驛等處等語前據李鶴年奏賊由中牟撲犯河干掘挖隄岸並將滎澤壩挖開二十餘丈當經官軍擊退等情陝州之

匪是否即係此股著曾國藩李鶴年探明賊蹤相機擊勦逆氛既經西竄晉防極為喫緊亟應力圖捍禦即著照趙長齡所籌督同臬司陳湜添調兵勇嚴為備禦節節設防毋令偷渡豫省西路空虛若該逆於陝州等處盤踞日久將來黃河結凍成橋晉省防不勝防更恐該逆分犯靈寶閿鄉逼近潼關全陝亦為震動著曾國藩李鶴年抽撥勁旅迅赴陝州一帶統前截擊力杜該逆西竄之謀鮑超

一軍現在魯山應否即令該提督移紮陝州一帶專顧西路之處著曾國藩李鶴年相機調度曾國藩節制數省責無旁貸務當統籌防勦力顧全局以副委任將此由六百里各諭令知之又諭李雲麟奏烏城蒙兵起營日期並派員統帶前進請飭後路統兵大員迅速會勦並由蒙古各部落酌捐駝馬牛羊開單呈覽一摺賽因諾顏等處兵丁現已起營烏城兵一千八百名擬派達什拉布坦統

帶李雲麟欲於九月底趕至察罕通古布置請飭德興阿趕緊由歸化城督率馬步各軍取道大西路馳赴古城會勦並催成祿即日出關著德興阿成祿懍遵疊次諭旨星速前進以成三路會兵之局不得再事遲延坐失事機李雲麟亦即統率各軍認真整頓相機進勦以副委任迪境秋糧盡為賊據李雲麟請由蒙古各部落酌捐駝馬牛羊錦丕勒多爾濟因該部落征兵一千八百名數月口糧

無著自請督同西兩盟王公扎薩克等竭力捐輸備辦其急公之忱深堪嘉尚即著該參贊會同麟興總理四盟捐輸事宜俟德勒克多爾濟到任後再由該將軍督同辦理科布多各旗蒙兵亦可照此辦理著奎昌明瑞仿照烏城勸捐之法一體遵辦不得稍涉推諉東兩盟現在並未派出征兵且旗分較多戶口較眾若與西兩盟捐輸數目相等不足以昭平允著文盛阿爾塔什達查照西兩盟報

捐數目加倍派辦其所捐牛羊即解赴李雲麟軍營專備吉林黑龍江察哈爾伊克昭官兵食用塔城兵食無資著俟李雲麟進兵後遣員赴土爾扈特親王處令其督率各旗接濟以贖前愆蒙古以連年窮困之餘尚能力助軍餉與尋常例捐不同李雲麟請照尋常捐輸酌量加優之處著戶部理藩院妥速議奏其捐輸事宜即照單開章程辦理另片奏據慶愛咨報吉林征兵均已到口請催前進

著福興迅將駝隻等件備齊催令該營總等剋期由大西路前進務於十一月內趕至古城以資教練其餘各項征兵亦即飭令隨後續進又奏請催阿克敦布赴營留巴霞等差委二片阿克敦布一員著福興催令起程不准藉詞推諉巴霞巴彥圖崗瑚三員均獲咎甚重李雲麟請留營差委姑如所請責令立功贖罪儻始終不能奮勉仍遵前旨即行正法毋稍寬貸又片奏寄存伊犁餉銀十九萬

兩以斜米之十一萬兩提回以喀帕爾之八萬兩歸榮全動用除前經解回九千兩外迄今兩月渺無音信總由科屬之昌吉斯台卡倫並不代遞公文請飭總理各國事務衙門照會俄使由庫倫轉遞至斜米管事官處方無貽誤等語著該衙門照所請迅速妥辦毋任再有延誤將此由六百里各諭令知之尋戶部理藩院議各省捐輸章程以湖北米捐為最優此次內地官民在蒙古報捐京外官

者擬按照給獎至蒙古王公貝勒貝子捐至五百兩各台吉捐至三百兩者請覈給各項翎支如不及五百兩三百兩亦准給予加級紀錄從之○又諭李雲麟奏需餉急切請飭催各省協撥等語現在派赴西路征兵漸次雲集必須餉項充足方足以資進剿所有河南山東山西三省前由丙寅年地丁項內劃撥新疆餉銀四十萬兩即著李鶴年閻敬銘趙長齡各按部撥數目迅速籌撥派員剋期

管解以濟急需毋得稍涉延宕李雲麟另片奏請飭山西派員赴營差委等語著趙長齡於晉省候補人員內揀派知縣三四員佐雜五六員藉委解餉銀軍火之便星速前赴李雲麟軍營到營後即著作為甘肅候補人員遇有缺出酌量委署將此由五百里各諭令知之○己丑諭內閣景霖奏請撥款補栽樹株一摺據稱

定陵砂山儀樹行外御營地盤基址空曠一處

五孔橋迤東空曠一處

定陵御路兩旁空曠二處亟須栽種小松樹五千株以資蔭護請飭直隸撥款採辦等語著劉長佑即飭藩司迅撥銀一千二百五十兩交景霖應用毋稍玩延仍著景霖遴派妥弁及時移栽加意經理以期與儀行樹株一律蕃茂用壯觀瞻○庚寅以江西捐修城工永廣九江府學額二名湖口縣三名○以四川續捐津貼銀兩永廣簡眉邛瀘崇慶德陽銅

梁榮達三臺蓬溪樂山宜賓富順十四州縣學額各一名○以山東濟甯重修圩工完竣予在籍內閣學士孫如僅等議敘加銜有差○以直隸甯晉擒獲山東匪首趙大茹予知州馬映奎等升敘有差○辛卯諭軍機大臣等御史汪朝榮奏畿輔兵額多虛請嚴飭覈實一摺各省營伍虛額習為固然而畿輔重地自應首先整頓方可為緩急之恃當此添練新兵之際尤宜認真經理若如該御史所

奏每逢閱操之時現雇市井無賴存營十不及五尚復成何事體著劉長佑督飭該管提鎮嚴覈虛額積弊隨時抽查務期足額以重操防將此諭令知之○予江蘇清淮殉難國子監助教張恩澍母胡氏暨眷屬人等分別旌卹張恩澍痛母殞命妻王氏殉節並予旌表均立祠建坊如例○予江西各屬陣亡殉難候選運判黃頤壽等紳民婦女九百七十八員名口分別旌卹如例 壬辰以正黃旗

漢軍都統阿克敦布署正白旗蒙古都統○以福建克復漳州等城暨防守轉運出力賞總兵官簡桂林張福齊一品封典總兵官龔隆貴副將李春華楊春和張介和唐畢賢何映文巴圖魯名號都司林英茂等花翎守備石元泰等藍翎餘升敘開復有差○癸巳諭軍機大臣等趙長齡奏擒賊陝州撲河搶渡經水陸各軍擊退一摺張總愚等各率大股乘虛西竄由陝州硤石驛竄至八里店等處

距茅津不過二三十里九月二十六七日○在太陽渡對岸麇集河干勢將搶渡經臬司陳湜等督率水陸各軍施放連環槍礮隔岸轟擊斃賊多名水師礮船亦相繼趕到協同堵擊賊始由閭鄉盤陀一帶漸向西路遁去勢將犯陝潼關商雒等處無重兵扼守著喬松年劉蓉速撥勁旅迎頭攔截毋任闖入腹地喬松年計可到陝地方情形恐未熟悉劉蓉仍當會商防剿或出省扼要駐紮不得遽

行抽身引退。儻新舊交替之際，稍有疏虞。仍惟劉蓉是問。內鄉、浙川等處防兵甚稀。著李鶴年飛催大兵，繞前過勦。前諭曾國藩調鮑超防陝州一路，未知該提督曾否與賊相遇。如尚在魯山、南召，正可移師南陽，以防浙川一帶。著卽相機調派，以期力挫兇鋒。該逆竄豫，無從覓食。恐仍垂涎山西完善之地，稍為鬆勁。卽恐回竄，墮其狡謀。趙長齡務當督率陳湜等晝夜隄防，不可稍涉大意。如晉省邊

防喫緊，恐非陳湜一人所能兼顧。卽著趙長齡隨時確探，出省督辦。上年冬閒，防河、山東、山西，均雇覓小船，敲冰最為得力。該二省沿河雖有礮船，尚恐不敷調遣。仍應照上年辦法，多雇民船，輪織敲冰，以防逆匪偷渡。著閻敬銘、趙長齡妥為籌辦。閻敬銘前奏賊眾在曹屬一帶南趨，究係何股現竄何處，著將近日軍情賊情確查具奏，並隨時與曾國藩、李鴻章等咨商辦法，以臻周密。將此由六百里

各諭令知之。○以催趙漕運出力，賞河東遊擊銜守備鮑福元二品封典，予道員敬和等加銜升敘有差。○以福建歷年辦團籌餉暨勦匪出力，賞同知游鳳臺等花翎都司楊廷輝等藍翎餘升敘開復有差。予被戕在籍主事林其年把總冷光勝等祭葬世職加等監生吳安邦暨戚屬人等分別旌卹如例。○甲午。

上奉

慈安皇太后

慈禧皇太后幸漱芳齋侍午膳。予福建連城等處陣亡遊擊郭立本等三百三十二員祭葬世職。○乙未。

慈禧皇太后聖壽節遣官祭

太廟後殿

奉先殿。○

上率王以下文武大臣詣

慈寧門行慶賀禮。眾官於午門外行禮。○詣平

安室

慈禧皇太后前侍早膳○奉

慈安皇太后

慈禧皇太后幸漱芳齋侍午膳諭內閣閻敬

銘奏肥城縣匪徒滋事督兵勦滅一摺山東

肥城縣屬黃崖山匪首張積中竟敢勾結匪

徒糾黨謀逆經閻敬銘親督兵勇馳往勦辦

分路攻入山口將該逆各寨立時平毀殲除

匪黨一千六七百名墜巖落溝者無算匪首

張積中及其子張紹陵均舉火自焚辦理迅

速甚屬可嘉閻敬銘著加恩賞還二品頂帶

其尤為出力之知府王成謙著免補知府以

道員儘先補用並賞加按察使銜其餘出力

員弁准其擇尤保奏毋許冒濫片片奏請將

知府吳載勳革職治罪其張紹陵世職可否

另襲等語吳載勳與逆首張積中戚屬向與

同居黃崖山內雖無通匪實據惟事前既不

舉發又於委員前往查拏之時以張積中業

已他往誑言相告實屬有意庇護僅予發往

軍臺不足蔽辜吳載勳著即革職永不敘用

並發往黑龍江充當苦差張積功之繼子張

紹陵隨從本生父張積中為逆與別項劣蹟

迥異其所襲雲騎尉世職著不准其另支承

襲○諭軍機大臣等閻敬銘奏肥城縣屬黃

崖山匪徒滋事督兵圍勦殲滅一摺覽奏甚

為欣慰匪首張積中以職官踞寨叛逆勾結

黨與甚眾該地方文武員弁平日漫無覺察

實難辭咎此次該撫督兵勦辦尚屬迅速第

恐餘黨伏匿仍思勾結滋蔓斷不可含混了

事致令餘燼復燃閻敬銘回東平後即著責

成藩司丁寶楨認真按捕毋留餘孽此外有

無潛伏未發之匪徒並著該撫嚴飭各屬隨

時留心查辦以靖閭閻儻有諱飾不報者即

著隨時嚴參毋許稍有徇隱將此由四百里

諭令知之○以山東肥城勦滅匪徒賞參將

姚紹修遊擊王正起守備曹正榜千總萬年

清邑圖魯名號都司楊殿邦等花翎千總鄭良弼等藍翎餘加銜升敘有差。丙申諭軍機大臣等英桂徐宗幹奏閩省紳民懇留督臣暫緩西行一摺據該紳民等呈稱聞左宗棠調補甘肅之命惶然如失所恃並以創造輪船一事機不可失如使總督暫駐閩中豫將赴甘之師先行部署俟外國工匠畢集創造一有端緒卽移節西征既省待兵待餉之期又無顧此失彼之慮等語所陳不為無見

朝廷亦知輪船事屬創始有治法必有治人方臻周妥無如關隴數千里之地賊眾兵疲民生日蹙若不亟籌得力大員統師前往誠恐蔓延腹地為患益深是以令左宗棠移節西陲為地擇人實非得已今據沈葆楨等所呈各節亦屬切要之圖英桂現尚未接印著左宗棠暫緩交卸督篆剋日催督工匠上緊製造妥定章程與英桂沈葆楨會商辦理並將西征兵將豫為部署該省協餉原皆有著

之款惟增兵仍須增餉該督如有所見不妨據實敷陳以備採擇前已有旨授劉典甘肅臬司為其與該督相習可收指臂之助著該督卽行檄催劉典先行赴任並將兵將酌撥數營交劉典管帶令其迅速入甘該督俟吳崇到任後再行交卸來京輪船辦有端倪卽交英桂吳崇沈葆楨認真經理沈葆楨現既在籍於此等緊要事件未可視同膜外卽著幫同該省督撫等悉心區畫以期周密將此

由五百里各諭令知之。○河南巡撫李鶴年奏賊蹤分竄提督鮑超等軍分投緊躡得旨該逆避實擣虛鮑超此番開道出奇當可制勝該撫卽咨行鮑超妥速進剿並豫計該逆必由之路伏兵待之可期得手仍隨時與曾國藩會商辦理確探各路軍情賊情迅速具奏。○丁酉諭內閣吳崇奏保丁憂按察使銜前江蘇淮揚道吳世熊才識練達吏事精勤實為司道中出色之員請飭送部引見等語

吳世熊著俟服闋後由馬新貽給咨送部引見候旨簡用○署兩江總督李鴻章奏行抵徐州布置防勦得旨昨據李鶴年奏該逆東股分竄金鄉西股由陝州折竄靈寶已諭令鮑超將西路之匪跟蹤追擊其東路賊股該督仍當督飭將弁妥籌防勦與曾國藩隨時會商相機調度以期迅掃逆氛○添鑄呼圖克圖印信頒給西藏喇嘛羅布藏清饒汪曲從駐藏大臣景紋請也○以江蘇江北試辦

河運出力予知州陳方瀛等加銜升敘有差○賞福建省補行甲子科鄉試年老諸生倪松年等七人副榜○戊戌諭軍機大臣等前因閩省設廠製造輪船事關緊要特經諭令吳棠接辦復經諭令左宗棠將輪船事務辦有端倪交英桂吳棠沈葆楨等經理茲據左宗棠奏請派重臣總理船政接管局務一摺該督以輪船事在必行不以去閩在邇遽行閤置實屬沈毅有為能見其大著遵奉前旨

將設局造船事宜辦有眉目再行交卸起程沈葆楨辦事素來認真人亦公正廉明現雖守制家居惟事關船政大局必須經理得人該前撫務當遵奉前旨出而任事不可稍行諉卸所有船政事務即著該前撫總司其事並准其專摺奏事先刻木質關防印用以昭信守一俟局務辦成再行奏請部頒關防一切應辦事宜並需用經費均著英桂吳棠徐宗幹妥為經理仍隨時與沈葆楨會商不可

稍有延誤道員胡光墉即著交沈葆楨差遣左宗棠另奏請令劉典幫辦甘肅軍務本日已明降諭旨照所請行前因劉典係丁憂人員是以降旨令該員署理甘肅按察使現在該員是否服闋並著左宗棠查明具奏將此由六百里各諭令知之○又諭前因甘肅軍務緊要特授左宗棠為陝甘總督並諭令將西征兵將豫為部署檄催甘肅臬司劉典先行赴任酌撥數營交劉典管帶令其迅速入

甘茲據左宗棠奏稱該督與劉典共事最久相知最深請飭迅速赴任以資贊助等語著李瀚章傳知劉典卽行銷假起程赴任一面聽候左宗棠調撥兵將統帶入甘該員受朝廷厚恩當思竭力圖報不得藉詞遷延致負期望將此由六百里諭令知之○又諭左宗棠奏浙江卽補知府張樹莢籍隸陝西潼關廳先已赴秦聽候調遣翰林院庶吉士謝維藩原籍湖南寄籍陝西請飭該員等赴營等

語左宗棠向來用兵所部率多南人於北方地勢人情不甚諳習既據稱該員等均有幹略自應飭令赴營聽候差遣以收指臂之效著喬松年劉蓉卽飭謝維藩俟左宗棠由陝赴甘時迅赴該督軍營張樹莢到陝後亦卽飭令前往毋稍延誤將此由五百里各諭令知之○湖北巡撫曾國荃奏出省擇要駐紮得旨賊蹤分合靡定南陽一帶空虚該撫務當確探賊情相機進紮並檄飭郭松林一軍

越境會勦仍隨時與曾國藩咨商調度毋得顧此失彼致滋延蔓○命署甘肅按察使劉典幫辦陝甘總督左宗棠軍務○己亥諭內閣宗人府奏奉恩鎮國公奕繕之過繼子載岐應否作為應封宗室入於本年小考該衙門例無明文亦無辦過成案請旨遵行等語宗人府考封舊例其受封不受封向以嫡出及側室或妾婢所生為斷名分秩然至為詳慎惟過繼子應否考封向無例案其或考或

否及如何區別之處著宗人府妥議章程具奏後再降諭旨尋議載岐若照王公親子一體應封恐無區別擬請於及歲時照例戴用三品頂帶不准考封嗣後王以下之過繼子均照此辦理從之○又諭宗人府刑部奏請將延不到案之伯爵松岫先行解任松岫奏因病續假各一摺松岫著毋庸賞假卽行解任歸案訊辦○又諭前因張凱嵩奏查明賢能各員請將李均等分別給獎曾經降旨允

准嗣經吏部查案議駁茲據該撫奏稱道員李均籌餉贍軍任勞任怨同知徐延旭等民情愛戴無愧循良請仍照前旨給獎等語督撫明保人員原應照例送部引見候旨錄用惟張凱嵩係為鼓舞人材整飭吏治起見且所保亦不若軍營勞績之優自應准其所請用昭激勸補用道李均著仍以道員遇缺儘先提奏候補同知徐延旭著仍俟補同知後以知府用先換頂帶知州楊廷璵知縣柳增

秀均著仍以同知直隸州知州補用以示鼓勵○諭軍機大臣等劉蓉奏捻回兩路擾陝防勦各情請飭曾國藩撥兵赴援暫留程興烈軍駐陝各摺片覽奏曷勝焦急捻匪由靈寶閿鄉西趨折由蒿峪小路分股竄入華陰朝邑等處雖南一路又有賊馬滋擾陝省東北東南兩路均有賊蹤逆首張總愚又有欲由魯山竄擾漢中之說甘省回匪大股已踞涇州北原分股竄至甯州所屬地方宜君白

水三水各色均有逆回潰勇紛擾邊境陝省東西兩面同時喫緊該省兵力本單彭體道之師又在華陰被挫若不厚集兵力痛加勦洗恐賊勢益成燎原劉蓉現抽調卹時成等各隊暫赴省東著卽激勵諸軍奮勇堵剿力遏兇鋒商雒一帶仍籌防軍妥為遏截省垣防務緊要務須嚴密布置不可稍涉大意鮑超一軍卽著曾國藩迅速催令入關助剿並趕緊添派湘楚各軍赴援陝境陝州洛陽一

帶李鶴年當分撥豫軍堵截以防賊蹤回竄襄鄖一帶官文曾國荃亦宜迅撥兵勇扼要駐守以防賊由商雒回竄鄂疆之路並著相機出境越勦不可畫疆自守同州朝邑一帶與晉省僅隔一水黃河隄岸綿長防務尤關緊要趙長齡當抽撥兵勇交陳湜安籌堵禦毋稍鬆懈儻任令賊匪東渡黃河惟趙長齡陳湜是問漢中一帶毗連川境著崇實駱秉章迅卽挑派得力兵將嚴防邊境毋令闖入

至曾國藩總統師千身膺間寄各路將士均歸調度從未籌及陝洛防務辦理一載有餘賊勢益形蔓延現在關中又復被擾大局糜爛至此不知該督何顏以對朝廷若再不速籌援師赴陝將此股捻匪設法殄滅淨盡則始終貽誤咎將誰歸陝省西路回匪現俱麇聚甘境楊岳斌當飛檄省東各軍實力勦辦與陝省防軍兩面夾擊以期迅滅回氛儻任聽涇州踞逆竄入陝境毫無布置恐不能當

此重咎也程興烈一軍著穆圖善飭令仍駐吳旂鎮防堵廊延毋庸調回甘省並著穆圖善抽撥甯靈防兵先顧陝省喬松年現在行抵何處著卽趕緊馳赴新任妥籌防勦劉蓉俟喬松年到任後仍當與之會辦軍務不得遽行回籍置身事外劉蓉另摺奏查明譚玉龍等所部勇丁譁潰情形請將該革員等罪名寬免等語譚玉龍欠撥勇丁餉銀既無剋扣肥己情事且能深自引咎屢著戰功尚知

愧奮著撤去統領暫免治罪仍責令戴罪隨營自效焦萬海一員既經屢次打仗出力業已革職著從寬免其置議陳義一員仍著楊岳斌會商雷正綰查明覈辦將此由六百里各諭令知之○又諭前因陝西司庫支絀防勦各軍欠餉日久諭令湖北山西四川三省各撥銀五萬兩以濟急需茲據劉蓉奏稱各該省均無起解信息現值東捻西回同時竄徧陝境該省各營軍士月餉久懸司庫存項僅止數千情形甚為急迫若不迅籌接濟大局何堪設想著官文曾國荃崇實駱秉章趙長齡各將前撥餉銀五萬兩迅速如數撥解陝省餉項如此奇絀各該督撫近在鄰封豈忍坐視著於接奉此旨後卽行籌撥剋日起解不准再有延誤將此由五百里各諭令知之○又諭張凱嵩奏移軍進勦鎮安太平土匪一摺鎮太地接邊壤土匪偏地歷年未能勦辦現在山澤肅清自應移得勝之師前往

進剿該撫所籌歸併二十營以十六營取道
隆安直趨鎮安為專剿之師以四營取道新
甯進紮太平為犄角之勢布置尚為妥協即
著飭令道員覃遠璉接統全軍迅速進剿務
期按捕淨盡不准含糊了事儻有真心投誠
者酌量收撫以解散其黨與則辦理更易得
手所有軍糧器械萬不可稍有缺乏並著張
凱嵩妥為籌辦隨時接濟該逆被剿窮蹙必
至紛竄即著該撫嚴飭易元泰等分投堵扼

毋稍鬆懈將此由四百里諭令知之○添鑄
奉天盤蛇驛總管關防從將軍恩合請也○

庚子

上奉

慈安皇太后

慈禧皇太后幸漱芳齋侍午膳○諭內閣前因
總理各國事務衙門奏請裁撤山海關監督
改設道員專以旗員補放地方如何管轄請
飭盛京將軍奉天府尹三口通商大臣妥

議當經降旨依議嗣據該將軍等體察情形
覆奏復降旨令該部速議茲據吏部等衙門
奏稱請將沿海之金州廳岫巖城復州海城
蓋平縣地方官員及所屬佐雜悉歸新設道
員管轄並於奉天省候補雜職內揀派二員
交該道差委即於營口直班其餘各府州縣
遇有中外交涉稅務事件由該道檄飭遵辦
金州廳等處錢穀刑名事件統歸督催稽查
其命盜等案解勘仍照舊例辦理蓋州城守

尉牛莊防守尉二員毋庸歸該道節制如有
需兵稽查勦捕之處准其移行該城守尉調
撥該口所收常洋各稅應令該道每月詳報
三口通商大臣由該大臣分咨查覈奏報其
徵收稅項仍遵舊定關期辦理毋庸按照經
徵代徵在任月日覈計以杜牽混山海關所
轄水旱馬頭共三十餘處仍令照則徵收無
論直隸奉天等處口岸均由該道覈實稽徵
除金州廳等處地方歸該道管轄外並將監

督原管之海口一併歸其管理海城蓋平二縣仍照舊輪往營口住班。儻遇中外交涉關緊緊要事件准該道專摺奏聞其尋常地方稅務等事仍分詳將軍府尹三口通商大臣覈辦其鑄發關防廉俸薪水建蓋衙署等事所籌均屬周妥。即著照所請行所有新設之分巡奉天錦州山海關等處兵備道員缺著江西廣饒九南道俊達調補俊達未到任以前著前監督成林署理惟改設之初諸事創

始該將軍府尹三口通商大臣等當督同該道將一切事宜規畫盡善。餘著照所議辦理。○又諭都察院奏江西職員蕭紹棠等遣抱以援案請旌等詞赴該衙門呈遞一摺據稱前署崇仁縣訓導蕭鶴齡之子文童蕭明瑞於同治二年春閒病故伊妻劉氏吞金殉節所有該職員等呈請旌表並自行捐貲建坊之處著該部議奏嗣後各省赴該衙門呈請旌卹如有似此情節及割臂療疾等情即著

該衙門行知禮部照例分別准駁案案具題。○又諭給事中徵麟奏請將候選道員桂昌發往陝西差委一摺桂昌著發往甘肅交左宗棠差遣委用科道為朝廷耳目之官職司彈劾其各省發往差委人員或經該省奏請揀發或由該督撫指名奏調豈煩科道越俎代謀且指省差委尤屬非是此風一開恐鑽營請託者紛紛干進尚復成何事體嗣後有言責各官務當秉公糾劾不得濫行保薦干

譽市恩以肅官常而正言路

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十六

十一

十一

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十七

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

此卷係穆宗皇帝實錄卷之一百八十七之續編其內容係穆宗皇帝在位期間之大事記及臣僚奏摺等件

同治五年丙寅十月辛丑欽奉

慈安皇太后

慈禧皇太后懿旨本日據李鴻藻奏現屆百日
已滿自揣病軀實難入直懇恩矜全一摺侍
郎李鴻藻自丁母憂屢經降旨慰留令其照
常入直弘德殿軍機處以副委任茲復據奏
稱數月以來哀迫憂煎精神恍惚時發心跳
氣壅之證非安心調養恐成怔忡藥餌難以
奏效等語覽其所奏止以病軀難於入直尚
非拘執終制陳說李鴻藻著加恩賞假調理

方今皇帝春秋正富。典學方殷。軍務未竣。四方多事。該侍郎受國厚恩。具有天良。自當於病痊時照常入直。竭力圖報。諒不始終固執也。○諭軍機大臣等。富明阿等奏遵旨安插。它金流民。並私墾浮民情願。認領輸租。辦理善後章程。出省巡哨。各摺片。金場流民。經富明阿等飭令。那斯洪阿等前往開導。該頭目業已來省。先行繳械。俟河冰凍結。依限全數移出。改業歸農。卽著富明阿等督飭委員。會同該總目韓現琮等。屆限剴切開導。移出金場。妥為安插。富明阿等以此項金夫無業可歸。擬將歲沙河毗連色勒河以下。穆奇河漂河。樺皮甸子等處沿邊未開荒地。酌給該金夫等認領。免交押荒地價。令其明春自行開墾。至第三年每熟地一晌。仍交大小租市錢六百六十文。均著照所籌辦理。其查出樺皮甸子半拉窩集地方。墾成熟地八百餘晌。該民人情願認領交租。卽著照富明阿等所請。

准給佃戶認領。不追押荒。每熟地一晌。連本年共收三年地租市錢一吊九百八十文。以示體恤。富明阿等於金場流民。務當加意鎮撫。妥籌永久之法。不得有名無實。致滋事端。仍詳細繪具圖說呈覽。吉林善後各事宜。卽著該將軍等妥為籌畫。次第興辦。兩省會哨一節。都興阿以本省向有舊章。其如何變通。擬俟議妥再辦。惟時值嚴冬。邊境內外難保無匪徒蠢動。且長春廳一帶。蒙民交雜。向為聚盜淵藪。若待議妥章程再行會哨。殊形遲緩。富明阿現已前赴靠山屯一帶。盛京應如何會同巡哨。及清理邊界。鎮撫流民。以籌經久之處。卽著都興阿趕緊辦理。毋失事機。將此各諭令知之。○又諭趙長齡奏擒匪闖入陝省。統赴渭河。擄船紮筏。圖竄晉疆。疊經官軍擊退。請飭鮑超赴潼關。會陝軍勦洗。各摺片。該逆於渭河上游。擄船紮筏。搭造浮橋。均經臬司陳湜。督同陳怡昇等。帶防兵礮船奮

力擊退斃賊多名尚屬得力該撫已調太原鎮蔣臨照等各帶弁兵分段扼守並撥精勇數百名選派營官帶赴渭河北岸協同該處民團扼要防守該臬司卽在風陵渡一帶就近督率所籌均妥惟恐晉省兵勇無多渡口林立防不勝防著趙長齡於各鎮標兵內添調一二千名交陳湜訓練或令陳湜添募勇丁一二營藉壯聲勢如南岸防軍足數分布仍可酌量分撥渡過渭河北岸以資協助該

撫卽傳諭陳湜認真籌辦務出萬全所有此次防河出力各員弁著趙長齡先行存記俟此股逆匪辦有端倪再行彙案擇保鮑超一軍前令由陝州追勦昨據該提督奏已移師南陽以圖迎勦當經諭令該提督趕緊入關若由內鄉浙川以趨荆子關不數日卽可入陝一與賊遇可以痛加勦洗著曾國藩卽飭該提督酌度地勢賊情何路最為捷徑卽由何路前進總期痛挫兇鋒力保完善毋任遲

回觀望致干重咎豫省之宋慶等軍留為防守隘口之用劉秉璋等軍卽可酌量分撥赴陝與鮑超互為聲援並著曾國藩李鶴年相機調度不為遙制援軍未到以前喬松年劉蓉當就現有兵力移緩就急設法堵勦毋任鴟張並防其與甘回勾結省城防務妥為布置毋稍疏失將此由六百里諭知曾國藩趙長齡李鶴年喬松年劉蓉並傳諭鮑超知之

又諭昨已有旨將廣饒九南道俊達調補

新設之奉天錦州山海兵備道員缺著劉坤一催令俊達迅速赴任其廣饒九南道本日業經簡放景福著該撫先行遴派妥員接署以便俊達起程將來景福到任後於地方吏治洋務辦理一切能否勝任並著劉坤一隨時察看奏聞將此諭令知之○命都察院左都御史汪元方在軍機大臣上行走○壬寅諭內閣張亮基奏道員明識大體為守兼優請開缺引見等語貴州貴西道葆亨著開缺

送部引見○諭軍機大臣等都興阿奏擒斬首逆並籌邊外防勦情形一摺奉天孤山逆首王作幅經副都統奕榕生擒正法辦理甚屬認真所有未盡餘匪卽著都興阿飭令搜捕淨盡毋任漏網該將軍所籌邊外防勦之方頗為持重惟時屆冬令草木彫落若不乘時辦理則開春更難措手况富明阿已赴靠山也該將軍擬出省會商卽著相機興辦不可坐失事機其與吉林派兵會哨之處亦卽舉行所稱於梅河卡倫地方作為總卡由省撥兵二百名馳赴該處駐紮仍抽調坐卡官四員兵一百四十名分起梭巡尚屬妥協著卽照所議辦理另片奏請留奕榕暫緩入覲等語奕榕在奉有年辦事最為幹練現在該將軍出邊東行錦州不可無大員鎮攝奕榕卽著先行赴任俟奉天無事再行奏請陞見以專責成將此由五百里諭令知之○又諭長善奏查閱營伍情形並馬賊逃散潛匿仍

出肆掠一摺山海關等處既經長善親歷各處逐加校閱卽著嚴飭該管官將馬步各隊勤加操練不得有名無實如查有衰憊怠玩等情並著隨時懲辦以肅營伍至奉天馬賊被勦逃散回籍者仍復時出肆掠豐玉薊永各屬所在多有亟應查拏淨盡以絕亂萌著劉長佑嚴飭通永所屬各州縣文武員弁密為查辦毋得稍事含混致令潛藏滋事又為地方之患將此各諭令知之○又諭張亮基奏安南縣漢回互訐查辦情形貞豐回匪攻陷興義縣城旋經克復並克復安平鎮甯等城各摺片安南縣知縣張銓與署都司馬金奎因所屬勇丁口角啟釁輒敢縱令圍首邱文豎等將馬金奎家背眷屬肆行劫擄以致馬金奎乘閒糾集回眾入城仇殺張銓又復棄城逃遁為回眾所戕現經將縣城克復據馬金奎聲稱僅止復仇並無叛逆情事著張亮基妥為查辦固不可操之太急亦不可失

之寬縱總須持平辦理俾兩造心服尤須先行曉諭解散黨與以期漸臻安謐至貞豐回眾攻陷興義縣城現雖克復惟此股回匪必須實力勦除不可任其盤踞貞豐蔓延旬結所有克復縣城出力員弁兵勇著查明酌保興義府縣兩缺著准其以錢燠兼署鎮甯安平定南各城揆捕餘匪撫綏難民增設守備諸事宜該署撫當妥籌經理將此由六百里諭令知之○命烏里雅蘇台參贊大臣賽因

諾顏貝勒錦丕勒多爾濟在御前行走扎薩克圖汗貝勒圖布欽扎木楚在乾清門行走○命兵部尚書董恂正黃旗漢軍都統阿克敦布戶部左侍郎譚廷襄兵部右侍郎伊精阿在紫禁城騎馬○以奉天勦辦各路股匪出力賞頭等侍衛沙克都林扎布巴圖魯名號城守尉清凱等花翎都司陳啟棟等藍翎餘加銜升敘開復有差○以貴州辦理教案出力予同知蔡興槐等升敘有差○以貴州

興義縣城被賊竄陷旋即克復革同知陳聘儒職仍留營○以貴州鎮甯安平暨定南汛各城被匪竄陷旋即克復賞副將彭萬盛巴圖魯名號運同盧廷燮都司湯志純等花翎同知屠翰等藍翎復已革道員鄧爾巽職賞還勇號花翎餘升敘有差革知縣江煦和遊擊熊起鵬職仍留營予陣亡都司楊洪光守備祥應槐千總祝友松等祭葬世職加等○予貴州安南被戕署都司陶萬順祭葬世職

加等○癸卯諭軍機大臣等刑部奏請飭嚴拏要犯一摺據稱據逆犯陳大卽陳金玉又名陳瀾亭供稱該犯曾隨宋景詩與官兵打仗逃至京南禮賢鎮于姓家種地本年五月有曾同該犯在賊營之楊三給伊送信稱說原籍冠縣成村居住之韓玉得起意謀反令伊至鄭州鎮舉事因人少未敢舉動並供楊三韓玉得均籍隸冠縣楊三在本縣魚兒莊居住現在直隸雄縣籠窩稻窩一帶地方韓

王得現在冠縣成村居住各等語案關謀叛重情亟應嚴拏究辦卽著步軍統領衙門劉長佑閣敬銘各按所供住址迅速派委員弁兵役嚴密查拏解交刑部訊辦毋任漏網原摺著鈔給閱看將此各諭令知之○又諭劉長佑奏請將花馬池駐紮直隸官兵全數撤回等語畿輔地方緊要現擬練兵設防各標所存之兵一經挑撥則大小營汛頗形空虛甘省花馬池尚有直隸官兵二千名駐紮現

在甯靈一帶回眾就撫地方較為安靜無須多兵彈壓著穆圖善妥籌兼顧將此項兵丁二千名斟酌撤留情形於直隸兵額無缺亦於甘省防守不至貽誤方為周妥原片著鈔給閱看將此由五百里諭令知之○又諭官恆奏撥米抵津同知不為籌運請旨飭運一摺此項保定等處駐防俸餉米石於東省漕糧內撥給早已抵津何以同知恩廉不肯領兌赴省分給且有河道淤涸若從陸路轉運

須用制錢三千餘串之語未免意存刁難保屬兵丁苦累自以關領本色較有實惠米已抵津據官恆奏稱缺米兵丁不願折價自係實在情形而藩司批准折銀散放意見互相歧異著劉長佑據實查明酌量妥辦以資兵食毋稍遷就原摺著鈔給閱看將此諭令知之尋奏津兌兵米河涸難行若改陸運車腳等費實需制錢三千餘串該同知無款賠墊委非故意刁難至改放折色始因旗丁急偏

異常變通辦理茲各兵丁情願自籌陸運應准照辦報聞○以湖北黃岡縣捐輸團練永廣學額四名○乙巳諭內閣山東布政使丁寶楨前因髮捻竄擾所轄境內未能助剿降為四品頂帶比年以來逆匪屢圖東竄巡撫閻敬銘出省督勦該藩司布置省城防守等事宜均屬妥協尚知奮免丁寶楨著加恩賞還二品頂帶○又諭前據張凱嵩奏官軍擄平山澤賊巢據獲賊供首逆孫荏廣亦經焚

死當經諭令張凱嵩嚴查該逆實在下落毋任漏網茲據張凱嵩奏稱審度賊情勢必藏匿復飭道員譚遠璉等分投兜捕九月二十三等日孫荏廣於旺龍村等處節節潛逃知府劉培一帶兵逼該逆仍敢率黨抗拒官軍搶上山坡刺傷該逆撲地捨解回城經張凱嵩研鞫各情該逆直認不諱當將該逆及其子亞奉逆黨王恆照等分別凌遲處死並傳首被害地方以昭炯戒等語孫逆倡亂

多年前於逆巢焚毀時假裝逸出該撫分飭各軍多番搜捕將稽誅巨寇明正典刑尚足以快人心而舒眾憤該撫以前奏未實自請議處著加恩寬免其鎮安太平等處土匪仍著張凱嵩督飭在事文武實力勦洗以清餘孽○諭軍機大臣等曾國藩奏補陳官軍前在鄆城等處追勦勝仗彙報近日軍情因病籲請開缺請暫行註銷封爵李鴻章奏勦辦捻股連日疊獲勝仗情形各摺片劉銘傳潘

鼎新兩軍九月間在鄆城等處盡力追賊屢獲勝仗所有在事出力人員著歸入前案彙保東西兩路軍情業經劉蓉李鴻章等奏報與曾國藩所陳大略相同曾國藩令劉銘傳潘鼎新張樹珊馳勦東路股匪鮑超劉秉璋楊鼎勦劉松山專辦西路股匪本日據李鴻章奏劉銘傳等於豐縣追勦將任賴二逆截斷任向北竄賴向東南劉銘傳復追賊至豐北之渠家寨賊遂併入沛縣湖團李鴻章現

檄劉銘傳等約期會勦即著督飭諸軍合力勦滅此股以收夾擊之功西路賊股已至同朝華陰節經降旨令鮑超入關未知該提督現已行抵何處曾國藩以該逆股到陝無從覓食數月後又將回竄不知陝之朝邑韓城等處尚多完善地方且回匪盤踞涇州時思回竄陝境兵力單薄若無大支勁旅援應恐捻回聯成一片關隴數千里之地益遭蹂躪為患滋深著即嚴催該提督遵照連日所奉

諭旨取道入關探賊所向。痛加勦洗。勿再遷延。干咎。劉秉璋等軍。能否入陝。與鮑超一軍互為聲援。並著酌度調遣。內鄉鎮平等處。著李鶴年派兵嚴防。回竄鄭西二竹一帶。著官文曾國荃督飭派出各軍。妥為防勦。曾國荃應否至襄陽一帶駐紮。以圖迎勦。並著酌量具奏。山西河防。前已諭令趙長齡督飭陳湜增兵防守。即著傳諭該臬司督率在防兵勇員弁晝夜嚴防。如應調兵添勇。即當趕緊辦理。毋惜小費。而誤大局。曾國藩以病未能痊。請開各缺。在營效力。另簡欽差大臣。並請暫行註銷封爵。覽奏。深用馳念。該大臣勲望夙著。積勞致疾。自係實情。著再賞假一箇月。在營安心調理。欽差大臣關防著李鴻章暫行署理。曾國藩俟調理就痊。即行來京。陛見。以慰廕繫朝廷賞功之典。具有權衡。該大臣據古人自貶之義。請暫行註銷封爵。著無庸議。李鴻章接署欽差大臣。湘淮各軍均歸節制。

必須迅將東股辦竣。方可騰出兵力。專意西路。即著通籌全局。妥為辦理。應否移紮豫境適中之地。並著酌量奏聞。吳棠諒未起程。著專辦徐淮一帶防務。並派兵協勦竄入湖團股匪。俟此股賊眾殄滅淨盡。再行馳赴新任。張之萬何時到淮。著將漕河各務認真經理。並督飭裏下河各州縣嚴防竄匪入境。毋稍疏失。湖團地方逼近東省。閻敬銘當派兵協勦。毋令闖入東境。仍隨時籌辦河防。不得稍有懈怠。將此由六百里各諭令知之。○又諭穆圖善奏。馳抵中衛。相機進勦。裁兵節餉。並請調西蒙克西克等軍各摺片。馬生彥楊汶智遞稟投誠。恐其別有詭謀。著懍遵前旨。酌度情形。如果真心悔罪。當先收繳馬匹軍械。方可擇地分別安插。毋為該逆所紿。昨據劉蓉奏。擒匪由靈寶閿鄉折由嵩峪小路竄入華陰朝邑等處。雖南一路又有賊馬滋擾。甘省回匪大股已踞涇州北原。分股竄至甯州。

屬境宜君白水三水各邑均有逆回潰勇紛擾陝省東西兩路同時喫緊劉蓉勢難兼顧且該省兵力甚單亦屬不敷分布穆圖善現在中衛自應先其所急回顧陝省西路即著該將軍暫緩前赴蘭州仍與劉蓉悉心會商先將陝甘毗連竄匪迅圖殄滅如陝省兵力空虛該將軍所部有無就近可以抽撥援應之處並著相機調度西蒙克西克程興烈等軍均經劉蓉調赴各路防剿此時萬難抽動

穆圖善請調該二軍赴甘之處暫無庸議靖遠一帶賊氛廣集穆圖善此時又暫難赴省所有鎮遠蘭垣及靖遠一帶勦匪機宜均著楊岳斌統籌兼顧不可稍涉疏懈甘軍現須協助陝省精銳右營及晉省官兵能否裁撤之處著穆圖善趙長齡喬松年劉蓉會商辦理陝省東西兩路軍情並近日如何布置著喬松年劉蓉隨時奏報以聞甯夏滿營兵丁困苦異常穆圖善現裁精銳左營騰出餉需

為挹彼注茲之計嗣後趙長齡即將遣撤勇營餉銀抵撥甯夏滿營兵餉仍籌款補足每年應解十萬兩之數毋令缺乏將此由六百里各諭令知之○以御前侍衛穆騰阿署鑲黃旗蒙古副都統○以熱河平原建昌等處勦匪出力予知縣李繼昭等升敘有差○追予江南水陸各營節次陣亡副將周盛武等一百十二員祭葬世職○丙午諭軍機大臣等馬新貽奏開辦海甯繞城石塘繪圖呈覽

一摺海塘為東南農田要務而海甯塘工貼近城垣尤關緊要既據馬新貽督飭道員陳璠等親加履勘自應趕緊興辦所有海甯魚鱗石工二百六十餘丈即照該撫所請揀用舊石如有不敷設法採辦其建復坦水需用石塊椿木等件務擇堅料以期經久雖採辦維艱亦不可意存畏難致涉草率所需經費銀二十四萬兩准其照數動用該撫即嚴飭陳璠等認真興辦不得稍有偷減儻該道等

不能得力並著嚴行叅辦如或工料不能堅固修成後未能經久必將承修各員著落賠補並從重治罪毋稍玩忽將此由五百里諭令知之○以湖南布政使石贊清為太常寺卿○丁未諭軍機大臣等成祿奏官軍攻勦肅州情形請撥糧石催解協餉軍火各摺片肅州一城圍攻日久未能克復屢次進勦斬獲亦屬寥寥總兵楊廣德又復力戰陣亡前據該提督奏稱設法攻勦旦夕克復此次又奏稱賊勢窮蹙均係徒託空言若再任意延誤惟該提督是問其由肅城逸出股匪並未截勦淨盡現由番地散逸難保不復糾番黨回擾大營後路成祿當慎加防範毋稍疏虞前據李鶴年奏稱豫省勇丁應募赴甘未能得力當經諭令成祿飭令丁文學赴甘就地另募勇丁赴營該提督所請催令丁文學在豫募勇之處著毋庸議王佐臣現隨都興阿在奉天撥勦餘匪未能赴甘所請調往之佐

領奎光本日已有旨令該旗都統並兵部飭令該員由驛前往成祿軍營知州凌振家即著李鶴年飭令前赴肅州聽候成祿調遣無庸在豫省等處募勇肅州在營兵勇天寒衣單殊形困苦著楊岳斌飭令甘涼肅所屬將分辦之皮衣趕緊辦齊該營需糧甚殷並著楊岳斌於甘涼安肅就近州縣本年額徵糧石內分撥十餘萬石交前敵糧臺存儲並著楊岳斌添派精銳數營迅赴肅州以便成祿交替西行成祿未起程以前仍當將肅州軍務認真督辦剋期克復若因循畏蕙不能攻克肅州又不能奮勇出關任意逗遛該提督自問當得何罪肅州軍火採辦甚難每有停戰待用之虞著河南山東山西陝西湖北各督撫將每月協濟成祿軍營火藥鉛丸各數千斤議定數目速行奏聞即按月解交山西藩庫交成祿委員迎提至山東山西河南三省餉銀前經戶部議定已專撥李雲麟軍營

應用成祿月餉卽著官文曾國荃劉蓉遵奉前諭設法湊解源源接濟毋稍缺乏四川欠解該提督軍餉甚多且已停解新疆月餉卽著崇實駱秉章趕緊籌解成祿軍營餉銀數萬兩不得藉詞延宕以上各處餉銀均著解交山西藩庫由成祿委員提解署阜康令裕厚既無畏逃情事平日民情愛戴著准其留於肅州軍營帶團勦賊戴罪自效將此由五百里各諭令知之○又諭福興奏籌辦西征

官兵駝隻已齊並陳大西路難於行走德興阿奏訪查大西路難行及請飭察哈爾支放達爾濟月餉各摺片前因李雲麟陳奏取道大西路進兵較為省便是以允其所請茲據該將軍等查明自為慎重軍行起見卽著福興德興阿查明實在情形或由臺站或由間道行走一面奏明一面速催進發務期迅捷毋許摸稜兩可藉詞延緩福興辦理西征駝隻較之例價撙節甚多頗為認真所議疲瘵

不堪留用仍令該商繳價領回亦尚周密卽著福興咨明李雲麟查照辦理直隸官兵應需鍋帳等項並著飭令歸綏道趕緊製辦仍著劉長佑撥銀歸款以清輶轡至參領達爾濟所帶馬隊現在駐紮察哈爾聽候調遣所需月餉著玉亮照數支給以資飽騰毋稍延緩將此由五百里各諭令知之○調貴州布政使兆琛為湖南布政使以廣西按察使嚴樹森為貴州布政使廣西桂平梧鬱道佛爾

國春為按察使○以直隸天津海防練兵出力擢參將春霖以總兵官用賞知府周家勳二品封典守備岳樹標等藍翎餘加銜升敘開復有差○以山東水陸各營防河勦匪出力賞總兵官趙三元一品封典道員王成謙參將楊殿邦李炳武都司楊長林巴圖魯名號道員潘駿文守備李兆龍等花翎鹽大使盧朝弼等藍翎餘加銜升敘開復有差○以勇隊潰敗革甘肅參將楊德正職仍留營○

予甘肅肅州陣亡總兵官楊廣德祭葬世職加等○予河南寶豐等處陣亡殉難監生張濟川等紳民婦女八百七十七名口分別旌卹如例並予建祠○戊申予奉天各屬陣亡殉難候選從九品鄔廷秀等紳民婦女四百七十一員名口分別旌卹如例○乙酉諭內閣左宗棠徐宗幹奏軍需攤捐銀兩懇恩免捐一摺福建省捐攤各案疊經該提督等奏請裁革均已降旨允行原以養民生而恤廉

吏茲據左宗棠等奏稱該省官吏應攤勦辦臺匪張丙軍需等款自道光年間起分年覈扣至同治五年止計共未補銀一百二十八萬四千兩零各州縣負此巨逋或以後數十任代前人賠償或以虧累太重而營求調劑或以那掩勒交而被參致屈虧累太多勵廉無術援案懇予免捐以清積累自係實在情形所有前項兩案軍需攤捐銀兩著加恩免捐以示體恤嗣後該省州縣各官既無攤捐

之累辦公應稍從容其各倍懷官方馴致廉潔該督撫等仍嚴飭所屬實力整頓不得另立名目使各官吏有所藉口以副朝廷興廉恤吏之意○諭軍機大臣等左宗棠奏籌辦臺灣吏事兵事請責成該鎮道等經理一摺臺灣一郡遠隔大洋番民雜處易啟弊端現當生齒日繁洋舶來往尤宜加意整頓以奠巖疆該督以去閩在卽一切規畫未暇致詳請飭該鎮道等妥辦具見實心所陳臺灣積

弊兵制則班戍之期已廢有冊無兵戰船無一存者而修費不減吏事則官索陋規以取盈民好械鬪以爭勝錮習相沿殊堪痛恨該督擬復班兵舊章三年更戍復設道標以重事權申明鎮兵歸道察看之例以互相維制移修船之費以製船巡洋募練水兵裁革陋規別籌津貼以資辦公各條均屬因時制宜之策總兵劉明燈道員吳大廷既據該督遴選派辦必須實力籌辦以挽頹風不得以該

督遠行玩忽於繼並著吳棠徐宗幹隨時督飭該鎮道等認真釐剔所有一切情形或詳由該督撫奏聞或徑由該鎮道會銜陳奏均著斟酌事之緩急緩急辦理生番既以不得內附為憾自宜相機駕馭羈縻弗絕其社會儲積等事亦應綢繆未雨及早興辦吳棠未到任之先英桂徐宗幹責無旁貸必當善成該督之志也左宗棠另摺奏釐定閩省各屬進出款項請將各廳縣應徵地丁糧米等款

數目出示勒石以杜浮取提款籌補流攤以祛官累酌提稅餘以充公費所籌於吏治民生均屬有益即著照所請行其餘一切未盡事宜該督未起程以前仍當隨事規畫以臻周密將此由五百里諭知英桂左宗棠吳棠徐宗幹並傳諭劉明燈吳大廷知之○又諭李鶴年奏請將不能約束兵丁之記名副都統先行革職查辦一摺管帶吉林黑龍江馬隊官兵之記名副都統薩尼布經李鶴年派

令帶隊駐紮鄭州查出該官兵在防甚不安靜該記名副都統飾詞力辯情節支離復經查得該官兵等實有騷擾居民情事行軍以紀律為先而統領責任綦重似此漫無約束且支飾強辯更難保無縱容徇庇情事薩尼布著先行革職交李鶴年提省查辦將該員如何不能鈐束兵丁之處確切訊明據實嚴參不得稍有迴護至所帶官兵即著併歸杭州副都統善慶統帶以資鈐束將此諭令知

之尋奏遵查該副都統尚無縱容徇庇情事惟身為統領未能加意鈐束咎無可辭業經革職應無庸議報聞○調福建福甯鎮總兵官劉明燈為臺灣鎮總兵官擢湖南撫標中軍參將羅大春為福建福甯鎮總兵官○庚戌諭內閣蔣益澧奏請將不職各員懲處一摺廣東候補同知署徐聞縣知縣黎學箕貪污狼藉無惡不作候補同知黃奮庸行同市儈才具平庸李灝性情狡猾輿論平常錢墀

貪劣謬妄操守不謹署虎門同知候補同知湯炳璣貌似有才心實叵測候補直隸州知州邱玉珊嗜好頗重聲名最劣候補知縣陳義操守平常挾妓飲酒程汝震荒謬絕倫任性妄為候補知縣王瑞嗜好甚深委靡不振均著一併革職候補同知甘澤溥舉止輕浮不堪造就署樂昌縣知縣馮棧居心巧詐不洽輿情候補知縣陳熾昌聲名平常才具麤疏薛士明行止卑鄙氣質麤疏程汝霖懶惰

昏庸辦事顛預署鎮平縣知縣候補知縣王繩濬性情浮躁難期操守均著以府經歷縣丞降補歸部銓選不准逗遛廣東嘉應州知州薩保年力就衰庸懦無能著卽勒令休致以整吏治而肅官方○諭軍機大臣等瑞麟蔣益澧奏江西土客械鬪客民悔罪投誠給賞遣散並擬移兵進剿五阮等處各摺片廣東肇屬土客結釁十餘年未能辦理妥協經瑞麟等扣留頭目黃煥章等該客眾蒼黃逃

散並解到匪頭陳長青等五名繳出器械逃赴五阮等處其餘男婦二萬餘名經瑞麟等給予川資飭赴高廉雷韶及廣西等處安插自因土客結仇已深不能分別遣散俾免相尋啟釁惟高廉雷韶民風强悍而廣西土匪尚未淨盡尤恐勾結為患當此安插之始更宜為日久相安之計著瑞麟蔣益澧張凱嵩隨時妥商籌辦毋得稍涉大意此次各營兵勇冒暑興師疫病甚多徐文秀等現亦患病未痊其勤勞軍旅甚可廛念著瑞麟等妥為拊循俾得休息再行進剿五阮曹冲以資得力另片奏客目黃煥章韓端元賞給功牌暫留省城俟數月後再行釋回等語黃煥章等雖係客目並非謀叛可比若材堪驅策或卽留營差遣將來得力給以千把總微秩既可使客民感服亦屬易於鈐束著瑞麟等酌量辦理瑞麟等另摺奏粵東拐賣人口出洋之奸徒請於審明後卽行正法等語所見甚

是此等奸徒以誘拐人口出洋為漁利之計其情罪實為可惡著即照該督等所擬於審明後為首斬決為從絞決由該督撫提勘後即行正法以挽頽風仍著將決過人犯三箇月彙奏一次以憑查覈其有情願出口者即照條約辦理無庸禁阻瑞麟等又奏遵查道員屠繼烈等據實具陳等語除周士俊鄭夢玉二員交軍機處存記候旨錄用外其宋錫庚等二員並著該督撫隨時察看如果出色

再行奏聞道員屠繼烈著即送部引見將此由五百里各諭令知之○補鑄雲南安甯晉甯嵩明等州知州祿豐縣知縣新興州易門縣等儒學各印信條記從總督勞崇光請也○以昏庸貪鄙革廣東道員馮鎔朱啟文職永不敘用○以江蘇清淮防勦擒匪出力賞總兵官羅時富一品封典在籍郎中丁壽悌遊擊王樹標等花翎縣丞周延齡等藍翎餘加銜開復升敘有差○以河南水陸官軍擊

退竄匪出力予總兵官宋慶以提督簡放賞副將李保林巴圖魯名號遊擊郝永剛等花翎餘加銜升敘有差○以廣東辦理土客各匪完竣賞總兵官李運榮從一品封典副將鄭紹忠沈玉遂巴圖魯名號道員梅啟照花翎副將徐文秀等加銜升敘有差○以貴州攻克下德明苗寨並殲除大股援賊賞知州李光燦花翎予陣亡遊擊羅朝翰守備何永泰千總陳玉彩府經歷張永綏等祭葬世職

加等○辛亥舉行同治四年軍政湖廣薦舉官四員罷輟官一員有疾官一員分別議敘處分如例○予浙江仁和等處殉難監生高慎先等紳民婦女一百六十三名口分別旌卹如例○追予直隸臨洺關殉難同知周憲曾於死事地方暨原籍建立專祠眷屬幕友一併附祀○句到江蘇山東情實罪犯停決江蘇斬犯一人山東斬犯三人絞犯一人餘三十八人予卹○壬子諭軍機大臣等前因

閩省設廠製造輪船諭令沈葆楨幫同該省督撫等悉心區畫嗣據左宗棠奏請派重臣總理船政復諭令沈葆楨總司其事與英桂吳棠徐宗幹會商辦理茲據左宗棠奏該撫兩次呈稱以丁憂人員不應與聞政事如奉旨飭辦亦必俟明年六月服闋後始敢任事其未釋服以前遇有咨奏事件請由督撫臣代為咨奏等語製造輪船一節關係中外事更重於金革豈得以引避為辭沈葆楨辦事

認真著仍遵前旨總司其事一切應辦事宜均著英桂左宗棠吳棠徐宗幹與沈葆楨隨時會商辦理署藩司周開錫即著與道員胡光墉一併交沈葆楨差遣惟既據該前撫呈稱現未服闋未敢公然任事即著俯順所請未釋服以前遇有應行陳奏事件由沈葆楨知會該督撫代為具奏一俟服闋仍著會同該省督撫聯銜奏事以重事權其購買機器等項共需銀十三萬三千八百餘兩著照左

宗棠所籌先行動款應付以便興辦將此由五百里各諭令知之○予吉林阿勒楚喀伯都訥等處陣亡殉難委協領明通等官民婦女八百六十員名口分別旌卹如例○蠲免吉林伯都訥雙城堡阿勒楚喀拉林五常堡長春廳各屬被擾地方新舊額賦有差○蠲緩直隸開東明長垣三州縣被水地方新舊額賦有差○緩徵直隸寶坻大城良鄉安肅安阜城景青靜海滄南皮鹽山永年邯鄲肥鄉雞澤磁元城大名深衡水蠡三十二州縣被水被旱被雹地方新舊額賦暨海防河淤地租倉穀有差○癸丑以神靈顯應加浙江會稽縣漢孝女曹娥封號曰靈感○諭內閣御史佛爾圖奏秦各省典鋪取贖限期未能劃一請飭部會議章程通行一摺所陳殊屬鄙瑣國家設立言官原冀拾遺補缺如於民生國計確有關繫自必立予嘉納近來科道等官往往撫拾細故率意數陳然未有如該

御史所奏之謬者。典鋪原以便民。各省情形不一。相沿已久。自有成規。如有不肖州縣。任意左袒。該省大吏。不難訪聞。參處且此等事件。何值令戶刑二部會議通行。所奏著無庸議。原摺擲還。○諭軍機大臣等。崇厚奏直隸分設六軍。應辦礮位等項。由津設局製造。請飭督臣籌款撥用一摺。直隸練兵需用火器。前經總理各國事務衙門奏准在津設局。於關稅項下作正開銷。茲據崇厚奏稱。選匠購

料。仿照外洋成式製造。統計礮位礮車一切。共需銀六萬九千餘兩。天津關奉撥京協各款。為數浩繁。萬難籌措。請飭直隸督臣。由長蘆運司在於鹽課項下籌撥應用等語。自係實情。卽著崇厚督同天津道專設局。廠遣派委員認真趕辦。所需經費。卽由劉長佑於鹽課項下隨時籌撥。責成天津道覈實報銷。務期工堅料實。不准草率浮冒。原摺著鈔給劉長佑閱看。又據奕梁等奏。直隸應補解廣恩

庫租銀二年之久。僅解銀八百餘兩。請旨飭催等語。此項租息銀兩。欠解甚鉅。疊經督催。仍復玩延。現屆冬令。該庫應發各款。無項可籌。著劉長佑督飭藩司。無論何款。迅撥銀四五千兩。限於十一月內解交廣恩庫。以應要需。毋再延宕。原摺著鈔給閱看。將此各諭令知之。○署兩江總督李鴻章奏。賊漸窮蹙。現由南路兜扼。俾收夾擊之勢。得旨。逆蹤現竄金鄉羊山一帶。著飭劉銘傳等軍馳入東境。

跟蹤兜剿。毋任狂竄。○補鑄安徽徽州府同知甯國縣知縣廬州府儒學繁昌縣儒學蔭港巡檢合肥縣青陽鎮巡檢六安營參將安慶廣德池州等營都司甯國營廬州衛守備各印信關防條記。從巡撫喬松年請也。○旌表守正捐軀河南上蔡縣民婦張劉氏。○旬到直隸山西情實罪犯停決。直隸絞犯二人。山西斬犯二人。絞犯一人。餘三十人。予勾。○豁免安徽壽鳳陽懷遠鳳臺毫蒙城盱眙滁

全椒來安旌德太平懷甯桐城潛山太湖宿松望江休甯祁門銅陵當塗無湖繁昌無為合肥舒城廬江巢定遠六安和含山宿五河婺源靈璧阜陽太和泗歙黟貴池建德東流潁上霍邱英山霍山天長績溪宣城南陵涇青陽石埭五十六州縣被水地方新舊額賦○甲寅熱河都統麒慶奏留防馬隊全數撤回歸伍得旨朝陽赤峰一帶難保無餘匪潛匿仍著麒慶嚴飭各該地方官勤加偵探不

可日久生懈○賞奈曼達爾漢郡王薩哈拉三眼花翎在御前行走○以福建按察崇安餘匪事竣賞知府張樹莢都司周鏡清等花翎餘升敘有差○乙卯諭軍機大臣等步軍統領衙門奏稱據派拏趙熙元案犯之司員面稟該員等行抵景州德州訪聞該處村莊多有練習邪教之事直隸山東毗連之各州縣地方村鎮入教者不一而足教名各異德州西南一帶尤甚請飭直隸山東督撫派員

查拏各等語莠民練習邪教煽惑鄉愚當此逆氛未靖之時難保不恃其黨眾乘機竊發趙熙元案內要犯雖經步軍統領衙門續獲多名仍恐漏網匪數尚多即著劉長佑閻敬銘迅各遴派妥員會同各該屬州縣不動聲色悉心訪查如有練習邪教之匪即行嚴拏懲辦消患未萌固不可揆捕過急驚擾良民以致釀成事端亦不可事機不密致任遠揚原片著鈔給閱看將此各諭令知之○又諭

崇厚奏遵旨馳赴營口籌辦事宜一摺山海關改設道員事屬創始必須籌畫萬全期於經久無弊崇厚馳抵營口後即著將該處情形詳細察看所有新定章程務期酌覈至當不厭精詳其一切未盡事宜並著會商都興阿妥籌辦理以期周密將此各諭令知之○又諭穆隆阿等奏擒逆竄入陝境防勦喫重並布置省防請調金順馬隊赴陝各摺片前據劉蓉具奏檢回各情諭令曾國藩迅催鮑

超入關助勦曾國藩亦奏稱責成鮑超等軍專勦西路之賊陝省回捻交訌不遑兼顧若無大軍助勦則任賊久踞為患不可勝言著曾國藩李鴻章迅催鮑超等軍剋期入關相機勦辦陝省回民固宜防範值此外匪竄入之時但當示以誠信不可使之疑懼著劉蓉會同穆隆阿圖明額不動聲色暗為防閑毋令變生肘腋此中機宜諒劉蓉自能斟酌辦理無煩諄諄指示喬松年現在行抵何處陝

省情形如此喫緊該撫當兼程前進豈可徘徊觀望希圖諉卸著即迅速赴任會同劉蓉妥為經理陝省情形喬松年自不如劉蓉之熟悉喬松年到後劉蓉仍當實心經理隨時奏報喬松年不得稍形掣肘甯夏防務雖鬆而程興烈西蒙克西克兩軍已令交劉蓉調遣並令穆圖善酌撥防兵先顧陝省所有金順馬隊難再抽調穆隆阿等所奏著無庸議將此由六百里各諭令知之○又諭前因福

興德興阿奏西征兵丁難由大西路行走當經諭令福興等查明實在情形或由臺站或由間道行走毋許摸稜兩可茲據裕瑞玉亮奏稱征兵難由臺站行走情形一摺蒙古軍臺四十四站地處荒落水火俱不易求口外扎薩克旗距軍臺路程自數十里至數百里不等前因征兵改道大西路已將各旗蒙古備辦臺站駝馬撤回若征兵再由歸綏折回向臺站行走則傳齊各扎薩克旗幫辦駝馬

勢須三月之久緩不濟急且往返耽延徒糜餉需冬令冰寒地沍卽長馬長駝亦慮半途倒乏阻滯難進著福興德興阿遵奉前旨趕緊詢問可行間道妥籌章程一面奏聞一面飭令兵丁速行起程西進不得藉詞推延致誤戎機裕瑞等原摺著鈔給福興等閱看將此由六百里各諭令知之○旌表守正捐軀熱河朝陽縣民張再耀女俊頭四川璧山縣民黃光星妻況氏名山縣民女楊氏合江縣

民女蒲芸秀

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十七

大清穆宗繼天開運受中居正保大定功聖智
誠孝信敏恭寬毅皇帝實錄卷之一百八十八

同治五年丙寅十一月丙辰朔

上詣綏履殿問

慈安皇太后安平安室問

慈禧皇太后安至乙酉皆如之○奉

慈安皇太后

慈禧皇太后幸漱芳齋侍午膳○諭內閣左宗

棠奏閩省武營捐班太多請分別辦理並請
停止報捐武職等語所奏甚是武營流品溷
雜勢豪策名右職藉為護符劣弁巧獵升階
專為牟利自應嚴加區別以肅軍政所有福

建省捐納武職各員弁卽著該督撫一律送部引見其未經引見人員並不准改標委署惟此等情弊不獨福建一省為然嗣後各直省報捐武職均著永遠停止諭軍機大臣等戶部奏遵議山西協解甯夏餉銀一摺山西省應解穆圖善軍營餉銀五萬五百兩該省撥款繁多奏請改為解米事非得已亦兵所必須惟甯夏軍營兵勇眾多且有應辦善後各事需款甚亟若山西全行解米用款誠

恐不敷著照戶部所議所有山西省應解甯夏餉銀每月五萬五百兩內除京廉營內每月九千兩仍照舊解銀外其餘四萬一千餘兩卽按三成銀兩七成倉米報解趙長齡當遵照此次部議辦理毋稍推諉至所解倉米該撫當督飭各屬認真碾運不得以朽敗稅糠搪塞了事穆圖善亦當將各營兵勇隨時開導毋許有意刁難各省撥餉甚多籌款匪易甯夏軍務現已漸平該營兵勇或可酌量

裁撤以節餉需著該將軍酌度情形覈實籌辦將此由五百里各諭令知之又諭李鴻章奏勦賊大略情形並劉銘傳等軍節次勝仗請調察哈爾等馬匹各摺片本日已明降諭旨令曾國藩回兩江總督本任授李鴻章為欽差大臣專辦勦匪事宜該大臣膺此重任自當益加奮勉以竟全功曾國藩回任後可暫緩來京陛見卽在江甯安心調理俟賊勢稍平再行奏請該督在省坐鎮前敵軍餉

及中外交涉事宜自不難從容辦理李鴻章必不至有掣肘之慮李鴻章辦理通商欽差大臣關防著交曾國藩署理劉銘傳等軍已於金鄉等處各獲勝捷賊雖逸去其膽已寒著李鴻章督飭諸軍認真追勦毋任旁竄賊竄鄆城距河甚近難保不乘閒北竄著劉長佑閻敬銘嚴飭在事文武各員弁認真防守毋令一賊偷渡閻敬銘並須派隊攔截與劉銘傳等追師互為聯絡聲勢以資得力李鴻

章俟此股賊匪勦盡再行酌量移營進紮吳崇諒已痊愈著賞假二十日回籍省墓卽赴新任吳崇所部兵勇均著歸李鴻章節制調遣以一事權東賊恐由鄆城曹州仍竄豫境蘭考一帶李鶴年飭軍迎截河南省城防務著李鶴年督同藩司卞寶第等妥辦如該撫須出省督師省城防務卽交卞寶第督同在省司道認真經理不得有名無實西竄之賊仍在華陰一帶盤踞逼近省門據劉蓉穆隆

阿等疊次陳奏請兵援勦是以令鮑超一軍入關該提督不知已抵何處劉蓉雖係知兵所轄各營亦復不少而此大股悍賊一意西行回捻交乘兵分力薄實屬支持不易鮑超已否入關抑或另派援軍入秦助勦卽令鮑超待於楚豫境上防賊回竄著李鴻章酌度情形仍與曾國藩隨時籌商妥辦務期萬全無失未可謂陝省有備遂可置之膜外也喬松年諒已到陝卽著與劉蓉妥籌防勦之策

劉蓉須俟此股賊眾擊退陝防無恐方准卸肩李鴻章請調察哈爾等馬匹已諭知理藩院察哈爾都統等照數調撥矣將此由六百里各諭令知之○又諭嚴樹森奏統籌全局請分東西中三路進兵一摺前有旨諭令劉嶽昭先將黔西大定之賊節節掃蕩嚴扼遵義一帶席寶田由水路取道荆宜施利以達重慶赴遵義進取嚴樹森赴劉嶽昭軍營會籌勦辦茲據嚴樹森奏請仍以東西中三路

進兵為穩以下游貴東各路為東路責成李瀚章兆琛辦理以大定為西路責成劉嶽昭辦理以遵義為中路責成席寶田辦理等語嚴樹森所籌現在情形計時雖稍遲緩而策畫較為穩妥著李瀚章督同藩司兆琛將東路之匪節節進攻並將勦辦情形隨時知會遵義軍營俾資聯絡聲援著劉嶽昭由溫水進兵專勦黔西大定所屬之匪俟肅清大定後移師勦辦豬拱箐賊寨並督同岑毓英相

機會勦以收兩面夾攻之效毋庸分兵遵義致形單弱著李瀚章催令席寶田趕緊招集舊部或十營或十二營統帶迅速前進取道常德辰州酉陽秀山直趨黔省正安綏陽以達遵義毋庸繞由重慶行走席寶田一軍需餉甚迫著劉坤一懍遵前旨按月協解該營餉銀四萬兩毋令缺乏席寶田營不敷餉銀二萬兩著崇實駱秉章李瀚章遵旨迅籌協撥其軍火器械崇實駱秉章仍當就近籌畫

源源接濟嚴樹森尚須赴省查辦事件著卽趲程前進設法晉省毋庸等候席寶田同赴遵義以歸徑捷嚴樹森原摺著鈔給李瀚章劉嶽昭兆琛閱看將此由六百里諭知崇實駱秉章李瀚章劉嶽昭劉坤一並傳諭兆琛嚴樹森知之○命欽差大臣兩江總督曾國藩回任授江蘇巡撫李鴻章欽差大臣專辦勦匪事宜○命福建布政使鄧廷枬來京以延建邵道周開錫署布政使○以記名總兵

官吳光亮為閩粵南澳鎮總兵官○以不知檢束暨酗酒任性革福建總兵官楊政謨知州丁華先職○以貪劣不職革浙江遊擊吳長安職並逮問○予山東金鄉等處陣亡總兵官方有道等祭葬世職加等 調察哈爾商都牧羣馬一千匹蒙古馬五百匹解赴欽差大臣李鴻章軍營備用○撥江蘇大小礮位六十尊洋火藥一萬斤洋槍四百桿解赴貴州布政使嚴樹森行營備用 丁巳諭軍

機大臣等福興奏撥到銀兩不敷採辦請將解赴察哈爾餉銀撥回應用一摺山西欠解北路軍餉銀五萬兩前諭令解赴綏遠城為採辦駝隻之用趙長齡已先解赴察哈爾銀一萬兩其解至歸綏者僅四萬兩除借支動用外僅存二萬餘兩實屬不敷現在西征官兵既無須由臺站行走著裕瑞玉亮卽將前項山西解到銀一萬兩解回歸化以資應用並著趙長齡督飭藩司迅速再籌撥銀四五

萬兩委員兼程解綏交福興妥速辦理以期無誤軍行將此由五百里各諭令知之○安徽巡撫英翰奏東境賊勢紛擾現籌防勦得旨著卽督飭郭寶昌等嚴防蒙宿一帶與徐州亳州等軍互相聯絡該撫將地方公事稍為清理卽親赴前敵察看並多設偵探防賊回竄老巢不可稍涉疏忽以吉林黑龍江官軍勦辦奉天賊匪出力賞侍衛那斯琿巴圖魯名號佐領春毓等花翎筆帖式松壽等

藍翎餘升敘有差○予故前任吏部尚書許乃普祭葬諡文恪○予安徽太平等處陣亡訓導崔煊等祭葬世職加等文童蔡汝筠賞卹如例○予貴州席家山陣亡叅將王順武等祭葬世職加等○釋遣戍已革輔國將軍奕繡已革副管常興回旗仍留吉林將軍富明阿軍營差委○緩徵山西薩拉齊廳被水村莊新舊額賦暨民借倉穀○戊午諭軍機大臣等閻敬銘奏勦髮捻股匪籌防黃運

兩河情形並因病懇請開缺一摺任賴等股逆匪在曹濟等屬地方往返竄擾屢經劉銘傳潘鼎新各軍追擊疊勝該逆蓄意渡河現經閻敬銘將運黃兩岸嚴密設防並於黃河林立礮臺布置頗為嚴密該撫以軍務積勞病勢增劇懇請開缺本日已明降諭旨賞假三箇月並令丁寶楨暫署山東巡撫矣丁寶楨接奉此旨卽著馳赴東平接辦防務督飭在營將士振刷精神毋稍疏懈閻敬銘俟

丁寶楨到營後卽回省城安心調理假滿後仍出任事毋庸開缺以副委任將此由五百里諭知閻敬銘並傳諭丁寶楨知之○山東巡撫閻敬銘因病乞假以布政使丁寶楨暫署巡撫○以山東黃崖山勦匪出力賞副將宋延德巴圖魯名號守備張鳳岐等花翎訓導樊鑑庚等藍翎餘加銜升敘有差○以貴州攻克上德明等處賊巢出力賞知府羅建章巴圖魯名號知縣田應讓以同知直隸州

知州用並賞花翎餘加銜升敘有差予陣亡都司劉立清等祭葬世職加等○予河南陝州傷亡外委薛位烈祭葬世職加等○句到朝審情實罪犯停決斬犯二人餘十人予勾○已未河南巡撫李鶴年奏東西兩路竄匪均距豫疆不遠現分兵布置合力兜剿得旨西路股匪既退向華潼一帶距豫晉甚近卽嚴飭保英聯絡晉軍合力防堵東路股匪卽飭宋慶等探蹤迎剿以杜回竄毋稍鬆勁○

予安徽休甯陣亡殉難都司銜李松等紳民婦女九員名口分別旌卹如例○予貴州施秉合家殉難文童賀緒新暨眷屬等分別旌卹如例○庚申諭內閣劉長佑奏迴避知府揀調員缺請旨辦理等語直隸永平府知府延福迴避布政使鍾秀直隸無兼轄省分不能查缺對調著吏部籤掣一省卽在該省實缺知府內揀員與延福對調○諭軍機大臣等劉蓉奏彙報東西兩路防剿情形請改撥

劉秉璋等軍入關催穆圖善赴涇請撥隊分紮渭水北岸甘肅糧臺事務請暫由林壽圖陳奏各摺片陝省東西兩路防軍均各獲勝捷西路回逆漸已竄向甘境著楊岳斌劉蓉卽飭卹延各屬集團扼要駐守與程興烈等軍協力防堵並令劉效忠等嚴扼邠長一帶與湘果三營聯絡聲勢以截該逆竄陝之路漢中鎮總兵蕭德揚恃勇輕進致有損傷著撤銷提督並摘去翎頂以示薄懲捻逆仍在

華州一帶卽著督飭劉厚基等相機進剿至鮑超一軍既未入關卽著曾國藩李鴻章檄飭劉松山一軍由商州前進劉秉璋楊鼎勳兩軍由潼關前進如能扼之於潼關南原潼峪嵩峪澗谷之間當可痛殲醜類卽著催令該提督等分道迅進萬勿遲延觀望鮑超一軍卽令分扼閿鄉盧氏及浙川之荊子關一帶務須痛加勦洗毋再與賊相左致誤戎機前諭穆圖善暫緩赴蘭垣急顧陝省西路卽

著率領馬步各軍迅由鹽茶趨平固進紮涇州。督飭雷正綰等軍截勦東竄逆匪以防回捻。句結合併之謀。並督令張在山等軍竭力保護慶陽完善之地。以便劉蓉專意勦捻。喬松年諒已到陝。著與劉蓉隨時籌商。並將省防妥辦。以副委任。陳湜辦理河防甚屬奮勉。可嘉。劉蓉請令該臬司派撥步隊四營分紮渭水北岸。並令將礮船上下梭駛。敲擊河冰。著趙長齡卽傳知該臬司妥為照辦。務期兵團協力。水陸相依。不可稍涉疏懈。豫境邊防。李鶴年務當督飭各軍認真堵截。毋任再行狂竄。甘肅糧臺事務既係林壽圖一手經理。凡關涉糧臺事件卽由林壽圖陳奏。並責成將經手支發各件造冊報銷。以歸畫一。楊岳斌片奏請將三壽調補鎮迪道等語。本日已明降諭旨。將三壽調補鎮迪道。所遺之甯夏道一缺已簡放書齡矣。書齡到任需時。三壽既屬得力。卽著暫留甯夏道任俟書齡到甘。

再行交卸可也。將此由六百里各諭令知之。○又諭劉蓉奏請嚴催各省欠解協甘餉銀。分別開單呈覽一摺。楊岳斌所部各軍餉項前諭由湖北湖南江西江蘇江海關浙江甯各省按月撥解。乃自上年閏五月至今。各省欠解竟至一百六十餘萬之多。又慶陽糧臺由四川河南山東山西各協銀三十萬兩。本年以來解者寥寥。河東鹽課項下歲撥之數丙寅綱全未解到。甘省糧缺餉匱勢成坐困。即使各省源源接濟已覺分潤無多。若再不克如期大局何堪設想。著官文曾國藩崇實駱秉章李瀚章趙長齡閻敬銘馬新貽曾國荃劉坤一郭柏蔭按照單開各將欠解數目卽速籌撥派員迅解。以濟飢軍。毋得再分畛域致誤大局。並著左宗棠委員分投迎提以期迅捷。原單二件著分別鈔給閱看。劉蓉另片奏陝西漢南軍餉自同治二年七月起至三年十月止河南應解十六萬兩僅解銀

六千兩。山東尚短銀五萬兩。著間敬銘李鶴年速將此項欠餉儘數籌解。喬松年取道河南。並著與李鶴年竭力籌畫。先行湊撥四五萬兩。以濟急需。又據楊岳斌奏。派委臬司英奎在漢中設局採辦米糧。請飭四川劃撥餉銀。並令湖北督臣飭令藩司兼司陝甘後路糧臺各摺片。川省採米入甘。轉運維艱。著崇實駱秉章除川省每月應解成祿軍營餉銀一萬兩外。即將該省按月協甘餉銀二萬兩。

派員徑解漢中。交英奎採辦。以省糜費。並著官文即將湖北設立之陝甘後路糧臺。附入湖北軍需總司。仍令藩司何璟兼司其事。俾專責成。將此由五百里諭知官文曾國藩崇實駱秉章左宗棠李瀚章趙長齡間敬銘馬新貽李鶴年曾國荃劉坤一喬松年並傳諭郭柏蔭知之。○以陝西截勦鳳隴等處回匪出力。賞副都統西蒙克西克提督邱時成。總兵官張榮華一品封典。總兵官江得意蕭集

金陳有貴蕭貴松陳德隆文星明副將李照其參將張心揚洪殿元巴圖魯名號副將劉占克知州湯敏等花翎知縣王詰等藍翎餘加銜升敘開復有差。予陣亡副將秦福益等祭葬世職。○予甘肅西甯陣亡知府鍾瑛祭葬世職。○辛酉以神靈佑助。頒貴州綏陽縣關帝廟扁額曰福佑涪江。○諭內閣禮部奏公主薨降事宜。請旨遵行一摺。恭親王之長女榮壽公主。前經指志瑞為額駙。所有薨降

一切典禮應照和碩公主成案辦理。本日據恭親王面奏。再三懇辭。若不俯允所請。轉無以愜其謙抑之忱。所有榮壽公主服色業經賞用金黃色。其餘一切體制仍著照和碩公主定例服用。應給金冊。著改用銀質鍍金。其儀衛等項。即著毋庸豫備。○諭軍機大臣等。李鴻章奏官軍追勦東境捻逆屢獲勝仗。賊已西遁。入豫一摺。劉銘傳等軍由金鄉鄆城曹州等處追賊。幾於無日不戰。先後敗賊二

十次斬馘甚多使該逆一日未息一寨未破實屬異常出力著李鴻章查明歸入彙案保獎該逆率其餘黨狂竄歸德圖擾光固李鴻章已派令張樹珊李昭慶周盛波等軍分道西進著卽督飭諸將躡蹤追勦會合豫軍先將此股殄盡豫省歸德光固一帶何人駐守李鶴年卽飛飭各軍就近截勦毋任再有狂竄偵探為行軍第一要著往往賊至附近一帶而豫省大吏或未之前聞則探報不實可知李鶴年務當振刷精神相機出省駐紮認真堵勦催督諸軍合力勦賊多設偵探豫為準備毋稍大意逆匪如趨光固則竄皖竄鄂均屬甚近曾國荃英翰務當激勵防軍力圖迎勦以免闖入完善地方此股竄賊勢窮食盡無難合力殄除如各該省派出防勦之軍意存觀望不能盡力追勦致賊蹤再有蔓延著各該大臣督撫申明紀律將玩寇之帶兵官弁卽以軍法從事不得稍有姑息如該大

臣等調度無方致窮蹙之賊死灰復燃卽與縱寇殃民無異國典具在亦不能為該大臣等寬也懷之張之萬奏現挑成子河設險嚴防一摺成子河為清淮門戶自當趕緊興挑務須一律寬深方足以資保衛該漕督當與曾國藩李鴻章隨時會籌辦理東賊入豫李鴻章自應移營進紮以資控制清淮防務著張之萬認真經理以副委任將此由六百里各諭令知之○又諭劉嶽昭奏攻克號匪老巢仁懷漸就肅清並進勦黔西賊匪獲勝一摺仁懷號匪屯踞馬滾坡等處經官軍先後進攻將賊壘一律蹋平黔西來蘇場之匪復經官軍擒斬殆盡仁懷漸就廓清雖經劉嶽昭派撥吳安康等兩營駐守彈壓仍著激勵將士將敗竄餘匪悉數搜捕務絕根株惟該縣甫經收復亟須賢有司妥為拊循招集流亡俾得及時歸業卽著張亮基速派賢員前往接署將善後事宜妥為經理黔西賊勢已

感劉嶽昭務當嚴飭鄒復勝統率所部進攻平壩並令謝景春移營進攻萊竹山聯絡聲援節節掃蕩為肅清黔西東路之計張亮基即督飭本省官軍會同劉嶽昭各營通力合作協同勦洗迅殄逆氛毋得專恃客兵致誤戎機將此由六百里各諭令知之○雲南巡撫劉嶽昭奏請調道員梁碩釗知府吳仰賢赴貴州軍營差委允之○以鑲藍旗漢軍都統伯彥訥謨祐署正黃旗領侍衛內大臣鑲藍旗蒙古都統明慶署正黃旗滿洲都統○准前任江南河道總督潘錫恩在山東省重赴鹿鳴宴並賞加太子少保○以江南試辦江北漕糧河運出力予山東同知周鵬等加銜升敘有差○以貴州仁懷攻克號匪老巢予副將鄒復勝等加銜升敘有差投誠賊目吳奇忠劉奇義均以千總補用賞藍翎陣亡千總唐楨祥等祭葬世職加等 檢河南江西湖南湖北徵存漕項銀各二萬兩河南折

漕公費銀二萬兩解赴漕運總督張之萬軍營備用○壬戌以

琳皇貴太妃薨逝輟朝五日○旌表守正捐軀山西嵐縣民婦邱馬氏○癸亥諭內閣本日據英翰奏鳳陽府知府胡慶源因病出缺請旨簡放並另片臚陳候補知府胡玉坦等三員請酌量簡用一員各等語所奏殊屬非是鳳陽府為請旨要缺應由朝廷特簡安徽省如有出色人員該撫不妨隨時保薦聽候錄用何得於見缺之後遽行保奏此中流弊不可不防前於同治元年十一月間曾因官文嚴樹森指缺請簡降旨通諭各該省督撫自應遵照辦理乃近來各督撫遇有請簡之缺仍復將該省人員附片密保朝廷期在得人間有允准第恐此端一開夤緣奔競之風或由此起於吏治大有關繫嗣後著各督撫仍遵前旨如有才堪任使之員隨時保奏候旨錄用不得指明某缺懇請簡放以符定制

而杜弊端將此通諭知之○諭軍機大臣等富明阿奏巴彥蘇蘇地方被賊盤踞派兵勦辦一摺巴彥蘇蘇地方於十月二十四日突有賊匪竄踞並將該處巡檢綁縛情形殊為兇惡富明阿已咨德英等派兵過江並飭穆克登額春壽先後帶兵前往助勦著即嚴飭各軍剋期殄滅毋任南竄並著特普欽速派官兵會同夾擊一鼓殲除以靖閭閻此股賊匪究有若干從何處竄出其地方文武各員

何以毫無覺察特普欽身任將軍即著查明確情據實參奏以儆玩泄而遏亂萌正在寄諭間復據特普欽馳奏呼蘭廳界騷被匪擾派兵進勦一摺此股匪徒於同知松英額赴鄉之際即竄入呼蘭地方將監犯開放其平日之疏忽可知該將軍何以漫無覺察現在既派德勝等分投進勦即著嚴飭該協領等會同吉林官兵剋期殲除毋令蔓延此外地方有無潛匿土匪並著富明阿特普欽隨時

留心不得稍存隱匿將此由五百里各諭令知之○又諭曾國藩奏東西兩路軍情分調各軍援勦懇請開缺各摺片西路捻股竄入秦疆盤踞多日陝省兵力本單蕭德揚等勦辦失利該匪若東竄晉省西連回逆則蔓延益廣防勦更形棘手賊情變幻靡常探報情形亦未必遽能確實值此軍情緊急之時自當迅派援軍入關助勦現據曾國藩奏稱劉松山一軍已令在汝州截擊東股捻匪並至

陝州與晉軍夾河設防楊鼎勳一軍現在陳州所屬追賊是該二軍能否迅速入秦尚未可定鮑超一軍既由曾國藩檄令入陝即著飭令該提督星夜兼程前進總以迅速就近援秦為主不可稍涉遲疑繞折坐失事機劉東璋一軍當可由陝州就近先入潼關著曾國藩李鴻章迅飭飛赴總之陝省緊要諸軍無論何部務令就近者迅往援勦如鮑超能即入陝務令嚴申軍律毋得任聽所部將士

擾累所過地方東路捻股竄至陳郡經劉松山等軍追截獲勝著卽督飭各軍盡力截擊毋令他竄晉省兵力未厚現值河凍漸合防務萬分喫緊曾國藩所飭劉松山一軍馳赴汝洛與陳湜所部分防黃南北兩岸尚合機宜著卽飛飭前往惟諸軍分赴陝州及關中諸處均係糧米極少之區採買維艱著李鶴年迅飭豫西各屬地方官速行籌備糧米以供軍食並著趙長齡籌運糧米由渭河船運入秦務須源源接濟不可稍涉推諉致誤軍食應需採買餉銀卽著曾國藩李鴻章迅撥豫晉二省歸款喬松年劉蓉亦當迅儲糧米接濟毋任缺乏前有旨令李鴻章為欽差大臣曾國藩回兩江總督本任籌辦餉需著曾國藩卽遵前旨將軍務交與李鴻章接辦該督卽回兩江總督本任辦理餉需軍火源源籌解俾李鴻章得離江境統兵進剿則籌餉與勦匪之功均為國家倚重正不必以開

缺赴營始足為朝廷宣力也李鴻章俟曾國藩回任後辦餉有人卽著相度情形馳赴前敵軍營就近調度曾國藩公忠體國與李鴻章同辦一事所有該營軍火餉需自能不分畛域妥籌接濟無俟朝廷諄諭也將此由六百里各諭令知之○撥神機營洋槍一百桿洋火藥一千瓶給吉林將軍富明阿軍營備用○甲子遣官祭

先醫之神○諭內閣御史蔣彬蔚奏內城黃夜疊刦並傷事主請旨飭拏一摺據稱御史恩崇住宅在西單牌樓灰廠地方於本月初五日夜間有賊二十餘人明火持械突入宅院刦去首飾衣物多件並將恩崇打傷是夜小東嶽廟地方百姓家內亦被盜刦去金銀衣物甚多並據恩崇聲稱本月初三日西單牌樓口袋胡同宅城隍廟街阿宅亦均有被盜刀傷事主等語內城重地應如何嚴密稽查詰奸禁盜乃步軍統領衙門於所屬地

方平時漫無覺察任賊縱橫致數日之內劫案疊見尚復成何事體且該御史被劫時曾遣人報知官廳而官廳內寂然無人不知該地面官弁平日所司何事步軍統領衙門捕務是其專責疲玩因循竟至於此實屬可惡已極此案卽著步軍統領等速行嚴飭所屬將逸犯趕緊勒限嚴緝務獲從重懲辦儻限滿無獲卽行從嚴叅辦並著順天府五城御史一體嚴拏以靖盜風而清地面○乙丑以

琳皇貴太妃薨逝命大內以下宗室以上暨王公文武官員於本月十二日素服一日○諭內閣閣敬銘奏籌辦黃崖善後各事宜並詳陳逆首張積中罪狀請旨嚴禁邪說一摺匪首張積中以職官踞寨叛逆前經閣敬銘督兵勦辦全數就殲茲覽該撫查明張積中舉事之日業於武定一帶勾結鹽梟數百名入山黃河水次亦有匪船為送軍械之事並遣匪黨赴河西勾結捻股令撲運河其附近

被擾之各村莊均紛紛懇求進兵速勦迨官兵破寨之時該逆滿寨俱裹紅巾拌命死鬪無一生降所居偽屋層轅列陞上結黃幔帳鋪設俱僭用黃色實屬逆跡顯然該逆偽托詩書傾動流俗以致衣冠族類咸為盡力招集亡命跨郡連鄉狂悖情形實駭觀聽現雖首惡就誅難保無餘黨在逃復謀煽惑著閣敬銘通飭各屬一體查拏以絕根株其與張積中平素交游及書札往還尚非實在從逆

者概免追究以安反側該省士民當曉然於邪說誑行之惑人決無生理滌瑕蕩穢各保身家萬不可覆轍相尋自取誅戮如有執迷不悟暗習邪教之輩卽著閣敬銘隨時密速查拏按律嚴懲毋使滋蔓各屬州縣有隱匿不報養癰貽患者並著該撫卽行查明叅處以靖地方而遏亂源○諭軍機大臣等閣敬銘奏捻股追出東境現籌布置情形並回省交卸一摺東股捻逆經劉銘傳等軍追勦疊

獲勝捷該逆現由曹縣一帶回竄豫省睢州。閻敬銘以天寒水涸。河防益宜加密。現飭王心安一軍修築沈口隄牆。復飭濟甯州就近添設礮臺。添調千人防守黃河北岸。並令傅振邦所部千七百人扼守沈口張秋一帶。所籌尚屬周妥。著卽督飭各軍認真堵禦。晝夜梭巡。不得因賊蹤已遠。稍形疏懈。閻敬銘現擬回省。著丁寶楨懍遵前旨。星速馳赴東平。接辦防務。督飭在營將士嚴密布置。以副委任。將此由五百里諭知閻敬銘。並傳諭丁寶楨知之。○又諭李雲麟奏中途兵變。現在籌辦情形。統籌軍食。請飭各將軍大臣等照章籌辦。綏遠城將軍趕辦臺站。山西速解軍火。各摺片覽奏。甚為憤懣。李雲麟前奏欲於九月底趕至察罕通古布置。請飭德興阿趕緊由歸化城督軍取道大西路馳赴古城。並催成祿卽日出關。以成三路會兵之局。當經諭令認真整頓。相機前進。茲據奏稱九月二十

七日行抵呼圖古蘭臺地方。扎薩克圖汗營兵搶掠臺兵牛駝。該管扎蘭究問兵眾不服。聚眾將犯法之兵刦去。次日二更有百餘騎闖入行營營中大亂。一切皆被搶去。李雲麟率親隨三騎折回烏城。扎薩克圖汗之兵紛紛散回部落。賽因諾顏兵亦多有被感逃走者。李雲麟現由烏赴科。令棍噶扎勒參將科城之兵設法羈縻前進。仍一面將奇古潰勇收集精銳。立為三營。趕緊調紮察罕通古。徐

圖進剿等語。朝廷前以西路警信頻聞。求援甚亟。而甘肅內地未靖。大兵未克卽日出關。又未便置關外於不顧。是以飭李雲麟相機進剿。克保東路完善之區。該大臣亦自任恢復烏魯木齊。以為進兵地步。並因其籌畫井井有條。是以不為遙制。今蒙兵中途潰變。既難盡繩以法。亦難再行招集。該大臣雖屬毫無布置。大負委任。現在情形亦止可如所奏辦理。惟前進必須度量機宜。而固守尤當認

真策畫烏科塔三城為該參贊等立足之區。將來進兵必由於此。難保逆匪不乘隙窺伺。著與麟興錦丕勒多爾濟奎昌明瑤悉心守禦。不可稍有疏懈。所需羊隻卽著照李雲麟所籌辦理。其科城議捐之三萬隻。東兩盟議捐之八萬隻。著奎昌等認真經理。並著理藩院速行行知。蒙古各該旗王公辦理。於今冬明春趕緊報解。如有不能解齊者。可將數目先行聲明。緩至明歲秋成交納。留備冬季兵食。夏季數月無庸報解。以示體恤。晉省代塔城買辦之小麥五千石。著趙長齡於本年內由歸綏附近地方無分米麥。如數買齊。所需價銀卽由該省冬季應解月餉內坐扣。此項糧石買齊後均解至綏遠城存儲。數目既多。斷非軍臺所能轉運。俟口內征兵到古時。除酌留各營應用駝隻外。既以羨餘駝隻派員全數由大西路趕回歸化城。將存儲麥石運赴古城。作為各軍搭放之用。並著阜保卽兼

程赴綏籌辦。以專責成。阿克敦布一員何以尚未起程。著福興卽飭該員迅速前進。毋許託故推延。蒙古三臺應如何安設官兵添籌經費。並著福興妥為籌辦。以利師行。烏科等城無論為戰為守。均需火藥接濟。著趙長齡將該省現存軍火酌定數目。迅解綏遠城。由綏遠城趕派妥員押護。交李雲麟軍營。以應急需。庫克吉泰現已由京啟行。卽著帶領直隸吉林黑龍江官兵星速前進。前據福興等奏征兵難由大西路行走。裕瑞等奏征兵難由臺站行走。已將備辦駝馬撤回。當經諭令福興德興阿探詢可行閒道。妥籌章程。一面奏聞。一面飭兵丁速行西進。著懍遵前旨。妥辦。庫克吉泰卽探明道路。會同福興等商酌辦理。將此由六百里各諭令知之。○以山東沂州揆捕幅匪出力。予知府長賡等加銜有差。○以政聲卓著。暨歷著戰功。予故安徽知州郭世亨。知縣俞澍。交國史館立傳。○追予

浙江杭州殉難在籍道員俞焜謚文節。○緩徵兩淮丁溪草堰劉莊伍佑新興廟灣富安安豐梁垛東臺何垛板浦中正臨興十四場被水地方折價錢糧

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十八

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十九

奏

同治五年丙寅十一月丙寅諭軍機大臣等

前據都興阿奏請領東三省丁卯年官兵俸餉一摺。當經諭令戶部速議具奏。茲據戶部奏稱奉省丁卯年俸餉除抵用外並照奏案將雜款每銀一兩折放實銀八錢實需銀四十五萬四千四百兩。復將該省各項稅課錢銀等項詳細查覈共抵銀五十三萬七千餘兩。除撥抵俸餉銀四十五萬四千餘兩外餘騰銀八萬二千六百餘兩。即留抵該省緝捕經費之用。吉林省按八折計算實需銀七萬

五千三百餘兩。應於荒地租錢項下抵銀十萬兩。餘賸之數。並應徵土稅錢一萬吊。存儲另候提撥。其打牲烏拉計需銀四萬四千七百餘兩。毋庸折扣。黑龍江除提撥荒地租錢合銀一萬兩外。實應撥銀二十五萬一千六百兩。其應領制錢一千七百串。仍由盛京戶部金銀庫撥給。以上打牲烏拉黑龍江共應撥銀二十九萬九千三百餘兩。擬令直隸長蘆並山東河南等省迅速撥解各等語。所籌

尚為周妥。即著劉長佑於長蘆丁卯年鹽課內撥銀十四萬九千三百四十六兩零。閭敬銘丁寶楨於山東地丁項下欠解咸豐十一年京餉內撥銀五萬兩。李鶴年於河南地丁項下欠解同治四年京餉內撥銀五萬兩。劉長佑於丁卯年旗租內撥銀五萬兩。迅即遵員徑解盛京戶部交納。毋許遲誤。俟解到後。即由都興阿富明阿特普欽各按部議折放章程。覈實報銷。餘賸銀兩留充下年俸餉。抵

撥各項。即照該部所議辦理。原摺著鈔給都興阿閱看。另片奏各省欠解東三省甲寅等年俸餉除報解外尚欠銀一百五十五萬八千九百九十餘兩之多。請飭速解等語。奉天等省現在辦理防勦需餉孔殷。即著劉長佑閭敬銘丁寶楨李鶴年喬松年劉蓉嚴飭藩運各司趕緊將積欠銀兩陸續委解。以濟要需。儻仍前延宕。即著該部查明奏。原片著鈔給劉長佑等閱看。將此由五百里諭知都

興阿富明阿特普欽劉長佑閭敬銘李鶴年喬松年劉蓉並傳諭丁寶楨知之。○又諭英翰奏賊渡沙河南竄布置潁西防務一摺。捻逆由單縣竄過柘城鹿邑勢甚飄忽。英翰帶兵馳抵太和亳州守將程文炳出隊往勦。該匪已向陳州一帶奔竄。總兵李顯安等追至沈邱縣迤西匪眾已過項城。現在逆蹤竄入豫境。勢將南趨鄂疆。李鶴年務當督飭豫軍盡力攔截。不可徒事尾追。致令賊由汝信西

竄南陽。曾國荃已經出省。東赴黃州。著卽探蹤北趨黃陂麻城一帶。杜賊由光固竄鄂之路。並著官文、曾國荃分布各軍。於襄樊應山隨棗一帶嚴密堵遏。槐店周口俱有火光。曾國藩現住周口。當必有兵迎擊。其被擾輕重及接仗情形若何。著卽隨時具奏。賊去東省已遠。劉銘傳等軍自應多為派撥。盡力追入豫境。與周盛波等軍會合。豫師夾勦。務須窮賊所向。不可稍形懈弛。著曾國藩、李鴻章妥為調遣。仍著英翰嚴扼潁六一帶。防賊回竄皖境。以固疆圉。將此由六百里各諭令知之。○以廣東布政使李福泰為福建巡撫。未到任前。以署布政使道員周開錫護理。以河南按察使吳昌壽為廣東布政使。○予故福建巡撫徐宗幹祭葬。諡清惠。入祀名宦祠。並入國史循良傳。○丁卯諭軍機大臣等。劉長佑奏請飭花馬池防兵回直。並陳擊退捻匪情形各摺片。捻匪由曹郡北撲河干。擾及東明。

縣沿河村莊。經余承恩帶隊迎擊。擒獲執旗賊目餘眾。逃向東南。復為劉銘傳等軍痛勦。於曹定之交。向南竄逸。勢極窮蹙。畿南河防最關緊要。現值天寒冰沍之時。到處皆可涉淺。搶渡。劉長佑仍當嚴飭防河諸軍加意堵扼。並密築隄牆礮臺。以資防守。賊騎飄忽靡常。不可稍形鬆懈。前因劉長佑奏請撤回花馬池駐紮直隸官兵。當經諭令穆圖善斟酌撤留情形辦理。茲據劉長佑奏直隸營兵不敷防堵及團操之用。請催花馬池防兵全數撤回等語。畿輔重地。練兵緊要。且須分撥南路防堵。捻蹤現既不敷應用。著穆圖善卽將花馬池防兵迅速全數撤回直隸。毋稍推諉。甘肅甯靈一帶現已安靜。花馬池一帶應否另籌營兵駐守。並著該將軍體察情形酌度辦理。將此由五百里各諭令知之。○又諭前因成祿奏請飭曹克忠西行助勦。當經諭令楊岳斌酌量調撥。茲據該督奏稱曹克忠自

調赴鞏昌以來。涇慶各軍統歸節制。若調令西行。則所部甚眾。統攝實難其人。亦係實在情形。卽著照楊岳斌所請。迅催曹克忠赴甘。勦賊暫緩西行。成祿攻勦肅州。為時已久。究竟何日可以克復。著卽實力進攻。迅圖恢復。現在楊岳斌既無接替之軍。可派肅州城圍事宜。卽責成成祿辦理。俟收復後。再行出關。但不准因有此旨。藉端遷延。楊岳斌總督甘省肅州軍務。亦當據實奏報。不可扶同徇隱也。將此由五百里各諭令知之。○又諭崇實駱秉章奏。官軍越勦黔匪。攻拔賊巢一摺。貴州桐梓縣匪首何沅易嘯聚油蘿口地方。屢次出擾黔川邊境。經崇實等派令成耀星等帶兵進勦。破其巢穴。生擒逆首何沅易等。餘賊殲滅無遺。所辦尚屬認真。所有此次出力員弁。著准其查明酌量保奏。候旨施恩。正安州黔匪現又竄近川界。卽著飭令成耀星馳抵南川。後實力防勦。以靖寇氛。將此由五百

里各諭令知之。○改山東福山縣知縣為要缺。在外揀員升調。從巡撫閻敬銘請也。○予甘肅省城被戕翰林院侍講鍾啟峒等祭葬。世職加等。○予貴州桐梓陣亡遊擊朱雲亮等祭葬。世職加等。○戊辰。聖祖仁皇帝忌辰。遣官祭景陵。○諭內閣。御史穆緝香阿奏。督兵大員日久無功。請量加譴責一摺。前據曾國藩奏。因病陳請開缺。並請註銷侯爵。疊經諭令賞假調理。嗣又據該督奏稱。精力太衰。不能當此大任。請俟病痊來京陛見。一以謝累歲高厚之恩。一以請辦擒不善之罪。並請另簡大員接辦。該督仍留軍營幫同照料。既無置身局外之想。亦免病軀戀棧之譏等語。情詞懇切。出於至誠。卽經勉從所請。令該督仍回本任。並授李鴻章為欽差大臣。專辦勦匪事宜。是該督引咎自責。早已力陳於前。朝廷念其前功。特命回任。專辦前敵餉糈。於保全之中。仍

寓責成之意。况年餘以來。曾國藩所派將領。馳驅東豫楚皖等省。不遺餘力。殲賊亦頗不少。雖未能遽藏全功。亦豈貽誤軍情者可比。該御史所奏。著毋庸議。○諭軍機大臣等。富明阿奏。派兵勦辦賊匪。回省調度。並接仗獲勝各摺片。巴彥蘇蘇賊匪。經官軍由朱克特奇河一帶進剿。斃匪多名。該逆向東奔竄。即著富明阿嚴檄桂廉等實力進攻。與呼蘭官兵聯絡聲援。認真搜捕。務絕根株。並檄飭喀拉雙城堡留防官兵。在沿江一帶嚴密搜剿。毋令該逆南竄遠颺。特著欽當督飭將弁協同搜緝。不可稍涉疏虞。富明阿現已回省。即著將東北軍務相機調度。妥為辦理。將此由四百里各諭令知之。○又諭。訥爾濟奏。請飭撥銀兩以濟兵食一摺。巴里坤滿漢兩城官兵。需餉浩繁。雖經訥爾濟派員由烏城提回銀兩。為數無多。實屬不敷應用。該大臣現擬於俄國解回銀項內。酌撥銀數萬兩。委員赴

科布多迎提。自係為兵食緊急起見。俄國存銀十餘萬兩。前據榮全奏稱。俄國一時未能起解。並據李雲麟奏。請飭總理各國事務衙門轉催解科。如此項業由俄國解回科庫。即著李雲麟奎昌明瑤酌量撥出銀數萬兩。交巴里坤委員雙興等迅速領解。以應眉急。儻到科尚屬無期。而巴城需餉甚急。李雲麟等務當於各省所解餉項及科庫現存銀兩內。先行籌撥銀若干。解交訥爾濟應用。仍俟俄國存餉解到時。再行酌量辦理。不得以現無款項可籌。致巴城防勦事宜。益形棘手也。將此由五百里各諭令知之。○以河南河北道李宗燾為按察使。○上以冬至祀天於圜丘。自是日始齋戒三日。○己巳。諭軍機大臣等。曾國荃奏。覆陳現辦情形一摺。賊匪有窺犯鄂疆就食過冬之意。該撫現駐中路之武

勝關目下東股任賴等逆。已由沈邱過項城。勢將南趨鄂疆。距該撫駐紮之地不遠。著卽督軍迎勦。並飭郭松林彭毓橘等認真防守。伺隙兜截。鄂境門戶。固宜力顧。然亦不可過分畛域。任賊旁趨。致滋延蔓。其毗連秦豫各隘口。官文曾國荃務當懷遵。本月十一日諭旨嚴密堵遏。如賊勢趨重何路。卽令附近各防之兵會合夾擊。併力殲除。以副委任。將此由五百里各諭令知之。○予江西各屬陣亡

殉難監生徐璋等紳民婦女一千三百二十六名口分別旌卹如例。○予陝西各屬陣亡殉難紳民徐正誼等暨婦女三萬五百四十二名口分別旌卹如例。○庚午諭內閣山東萊陽縣知縣王朝翼前經僧格林沁保奏。當經降旨諭令署理兗州府知府。茲據閻敬銘奏稱。該員自到署任以來。公事尚無錯誤。惟資淺望輕。難為統率。請飭撤回本任等語。王朝翼著卽撤回萊陽縣知縣本任。兗州府知

府員缺著王繼庭補授。○又諭閻敬銘奏特參知縣各員一摺。山東肥城縣知縣鄧馨在任數年。於黃崖山匪徒滋事。毫無覺察。形同聾瞶。調署鉅野縣知縣齊東縣知縣劉紹詹。催令赴任。遠聞賊警。遽行告病回省。巧滑規避。均著卽行革職。撤任卽墨縣知縣崔逢春。遇事遲延。不求真實。撤任霑化縣知縣陶光勳。精神疲弱。才具平常。撤任郟城縣知縣周士溥。人尚明白。惟緝匪未能得力。均著開缺

留省另補。○諭軍機大臣等。前因福興奏稱軍需不敷。當經諭令裕瑞將山西解赴察哈爾餉銀撥回歸綏應用。茲據裕瑞玉亮奏稱。前項餉銀業已委員解赴歸化城交還。並請將豐鎮等廳欠解察哈爾租銀撥解一摺。山西豐鎮甯遠二廳。歷年拖欠察哈爾辦公牧地租銀。至三萬五千餘兩之多。屢催罔應。殊屬疲玩。著趙長齡卽將該二廳積欠銀兩。並本年分已徵應解銀兩。卽行照數撥解俾資

辦公母得仍前拖欠。將此諭令知之。○辛未冬至祀

天於

園丘。遣豫親王義道恭代行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵。○遣官祭

端慧皇太子園寢。○停次日朝賀。○諭軍機大臣等。都興阿奏。勘察沿邊內外各路。擒獲匪犯。布置防勦情形。特著欽奉。勦賊獲勝。並截止吉林官兵各一摺。都興阿出省察勘沿邊地方。派委員弁兵丁。將八面城盤踞馬賊郝明全等六名。拏獲正法。並將拒捕賊匪殺斃一名。其綫兒山小背河等處盜匪。亦經緝捕委員拏獲。分別正法解審。惟各路盜匪零星藏匿。現在雖有官兵分駐。將來官兵一撤。難保不復行嘯聚。四出滋擾。都興阿身任將軍。責無旁貸。務當嚴行搜緝。殄滅淨盡。儻未能實力搜捕。致令該匪復行勾結。聚成大股。惟該將軍是問。恐不能當此重咎也。額勒和布恩錫。均有地方之責。亦應嚴督各地方官。勤加搜捕。不得置身事外。至昌圖廳所屬地面遼闊。該廳員稽察難周。本有鞭長莫及之勢。應如何增設營汛。並添設文武員弁兵丁。

分駐村鎮以期經久無弊之處。著都興阿、額勒和布、恩錫體察情形會商妥籌。詳細具奏。巴彥蘇蘇及阿勒楚喀等馬賊蠢動。尤須防其勾結。奉省匪徒竄擾。都興阿現派托倫布等軍分路駐紮。扼要守禦。著即督飭該副都統等實力巡探。嚴密防堵。尤須先將本境潛匿匪徒及綫兒山等處素慣窩藏賊黨之處。捕獲淨盡。以絕根株。孤山餘匪亦著都興阿等隨時緝拏。毋稍疏懈。至巴彥蘇蘇賊匪現已逃竄。經特普欽派兵追擊。在乾木林子獲勝窮追。疊次殺賊多名。該匪遁竄山林。其黃泥河駱駝砦子等處並小黑山另股竄奔巴彥蘇蘇之賊。據特普欽奏即係在黃泥河搶刦佃民之賊。並非另有一股。已經黑龍江官兵勦辦。即著特普欽督飭帶兵各員速行就地殲除。不可縱令他竄。致滋蔓延。竄匿山林之賊尤應全數殄盡。不准遷就了事。現在黑龍江本省兵力足敷勦捕。富明阿當斟酌情

形如無須吉林助剿。即著將前派官兵暫行停止。仍行嚴防本境。以杜匪蹤竄入。將此由四百里諭知都興阿、富明阿、特普欽、額勒和布、恩錫崇厚並傳諭成林知之。○又諭福興、德興阿奏查明西征兵丁請由陝甘進發。並挑選直隸官兵以備進剿各摺片。大西路及軍臺大路既難行走。自不得不由陝甘進發。惟從前赴甘兵勇每多中途潰散。此次西征各兵取道甘肅出關路途尤遠。更當格外慎重。著庫克吉泰、德興阿務於各項官兵內認真選擇。貴精不貴多。則沿途易於鈐束。而餉需不至短絀。可免譁潰之虞。其餘不得力兵丁徒糜餉項。即行遣撤歸營。以昭覈實。庫克吉泰等行過肅州如郡城尚未克復。即會同成祿進攻。於收復後會合出關。以免後顧之慮。該將軍等出關後或駐紮哈密或駐紮巴里坤。即著酌度情形辦理。如李雲麟有赴古城之信。即分投前進。至古城會合。俾得進攻。

烏嚕木齊以圖恢復。此項官兵如能道出甘肅所需車輛等項。著楊岳斌飭屬妥辦。以利師行李雲麟現回科布多收集潰兵。徐圖進剿。卽著懍遵前旨。認真整頓。先顧科城。以為立足之區。所帶兵丁。務期實在可用。不得輕於嘗試。致損軍威。將此由五百里各諭令知之。○予山東兗州等處陣亡殉難紳團婦女一千三百二十七名口分別旌卹如例。○撥山海關扣存洋稅銀五萬兩解赴奉天。以備

軍需。○蠲緩山東壽張。范東阿。濟甯。鄒平。長山。齊河。齊東。禹城。長清。平原。肥城。東平。平陰。惠民。青城。陽信。利津。曲阜。鄒滕。嶧。汶上。陽穀。曹單觀城。朝城。聊城。茌平。冠。金鄉。嘉祥。魚臺。歷城。滋陽。甯陽。新城。濟陽。泗水。館陶。蘭山。沂水。平度。濰。郯城。臨清。章邱。樂陵。濱。蒲臺。堂邑。博平。清平。莘。高唐。夏津。武城。邱。海豐。費。日照。益都。博興。臨淄。樂安。昌樂。掖。昌邑。泰安。七十里縣。暨德州。東昌。臨清。濟甯。四衛。東平。所屯

莊永阜。永利。三場被水。被旱。被雹。被風。被蟲。被擾。地方新舊額賦。並雜課有差。○壬申上詣吉安所。

琳皇貴太妃金棺前酌奠。○諭內閣翰林院檢討董文渙奏。被脅從逆人犯。情有可矜。請分別減免一摺。著名首惡逆犯。自當嚴密查拏。盡法懲治。其餘脅從各犯。或為飢寒所驅。或為威勢所逼。並非甘心從逆。情本可矜。仍當法外施仁。以重民命。嗣後步軍統領衙門

順天府五城查拏人犯。遇有被脅從賊悔罪復業。別無不法情事者。概不得有意株連。並著刑部於現在已交各案犯。分別減免。如訊明實係無辜。卽行釋放。以省拖累。而安善良。○又諭董文渙奏。請將獲盜人員。於定案後再行給獎等語。據稱步軍統領衙門拏獲近畿盜犯。往往於奏交刑部時。卽行保舉多員。惟交部之犯。尚未審明虛實。而保舉之員。早已遷轉官階。殊非覈實之道。所奏不為無見。

嗣後著步軍統領衙門仍照舊例。凡拏獲此等案犯於刑部定案後再行聲明請旨。不得先行保奏。○諭軍機大臣等。董文煥奏逆匪垂涎山西臬司陳湜防河練勇止三千餘人。控馭南河一面。戰守較易。若兼顧西河。兵力單不敷調用。現在冰凌封河。賊若乘冰撲犯。深有鞭長莫及之虞。請飭山西巡撫督同該臬司統籌全局。於河外地方擇要分置兩軍。各練精兵五百人。列塹固守。與各防口相為犄角。再分一軍五百人為遊兵。往來巡河策應。統歸該臬司節制。各等語。前因山西河防緊要。兵勇單薄。曾經諭令趙長齡設法募勇增營。調兵訓練。未知該撫已否遵辦。曾國藩前奏有派劉松山馳赴汝洛與陳湜所部分防黃河之議。此軍曾否到防。究有若干。能否足數分布。董文煥所奏不無可採。著趙長齡認真經畫。迅速覆奏。並傳諭陳湜悉心經理。不得始勤終怠。稍有疏失。原片著鈔給閱。

看。將此由五百里諭令知之。○署兩江總督李鴻章等奏高郵清水潭迤南漫工亟須及時堵築。得旨著即督飭丁日昌等妥為籌辦。以固河防而衛民生。不可稍涉延宕。○蠲緩江蘇江都儀徵碭山睢甯四縣被擾地方本年額賦有差。○癸酉諭軍機大臣等。前據劉蓉奏捻股竄至華渭一帶。該署撫已調集各軍進剿。並令唐炯等總理營務糧臺。軍情變幻究竟此賊是否為久踞之計。抑已另行出竄。未據劉蓉續行奏報。殊深焦盼。劉蓉派出各軍勢分相埒。不得大員統率。斷難得力。該署撫自應趕緊出省相機調度。以一事權而收實效。喬松年調補陝撫計期應已到省。即使中途有阻亦應迅速奏聞。乃日久未見奏報。不知於何處遷延。即著會合鮑超等軍剋期赴陝。以副委任。前據御史林彭年奏請飭陝西講求併集村堡之法。責令陝安棚民聚處堡寨。毋得仍前零星散處。為堅壁清野之

謀禁民間不得於附城修蓋房屋。各處倉糧因公借用。多有碾賣飽入私囊者。宜清查勒令買補。叛產絕業。前經劉蓉奏辦。請責成接任實力舉辦。漢中亦多絕業。聞該處地方官售賣徵稅。恐不能涓滴歸公。請飭該撫一併認真清理等語。著喬松年、劉蓉按照所陳妥為籌辦。不得有名無實。原摺著鈔給喬松年。劉蓉閱看。正在寄諭間。據趙長齡奏。捻逆尚踞陝西。遵旨添調兵勇分守冰橋。並請勻撥

明年京餉一摺。臬司陳湜由潼關入渭布置。該撫現已添調省兵。及各州縣練勇。交陳湜管帶。自更得力。即著督飭該臬司妥籌辦法。力顧全局。所請將來年應撥晉省京餉。極力從減。另在東南各省勻撥之處。已著戶部斟酌辦理。另片奏。任賴股匪。又有西趨之勢。恐由孟津渡河翻山越嶺。襲竄山西。請飭河南嚴防彰衛懷三府。著李鶴年即飭保英等認真截剿。並令彰衛懷等處認真防守。毋使一

賊渡河。陝省華陰踞匪。聞向西南遁走。究向何路奔突。鮑超駐紮楚豫之交。自可就近邀擊。著李鶴年等即飛催鮑超偵探賊蹤。奮力勦洗。毋再與賊相左。致誤戎機。豫省兵力不少。馬德昭、宋慶等近紮何處。何以未聞與賊接仗。著李鶴年酌度情形。出省防剿。未可專恃客兵。坐耗餉項。致干重咎。趙長齡請將甯條梁駐紮之精銳右營勇丁五百名撤回晉省。由穆圖善另撥一營前往墊紮之處。即著

穆圖善察度情形。斟酌妥辦。將此由六百里各諭令知之。○署兩江總督江蘇巡撫李鴻章奏。謝授欽差大臣恩。得旨著將勦匪事宜妥為布置。以副委任。該撫應否馳赴豫境居中調度之處。著與曾國藩悉心籌商。相機辦理。○甲戌諭軍機大臣等。左宗棠奏請撥西征的餉以措危局一摺。據稱陝甘兵事難在糧餉不繼。轉運維艱。籌辦行糧等項。現已略有籌畫。然竊計西征大局。非增練馬隊車營。

別無勝算。其上口買馬。招募土著。製造輪車。安置礮械火器。挑練羸馬等項。需費不貲。西北地多斥鹵。有水草可牧之地。半遭蹂躪。勢不得不擇地興屯。而籌給口食籽種農器牲畜等費。需款尤鉅。兩省制兵欠餉。並甘省兵勇百餘營。宜分別留撤。一切經費。均不能不豫為籌策。頻年部撥甘餉。解到無幾。若不豫籌的餉。恐西事益形決裂。除閩省每月協濟甘餉四萬兩。無庸另籌外。從前曾國藩奏停

西征軍餉時。江蘇每月協甘銀三萬兩。派浙江每月協甘銀二萬兩。馬新貽更請每月增解銀三萬兩。共銀五萬兩。嗣浙江又議解曾國藩馬隊協餉每月一萬兩。此項浙江協濟江南之餉。應即劃抵江蘇月協甘餉銀一萬兩。方為允協。廣東於前已定撥甘餉一萬兩。外再籌解銀二萬兩。又廣東浙江本議輪船經費每月各一萬兩。應並劃解陝甘後路糧臺。請飭照准撥解等語。左宗棠督軍入甘。所

籌銀兩。均屬萬不可緩之需。即著瑞麟英桂。吳崇馬新貽蔣益澧周開錫將福建協餉銀四萬兩。浙江協餉銀七萬兩。廣東協餉銀四萬兩。按月源源解濟。以應急需。其江海關每月應濟甘餉。並著曾國藩李鴻章郭柏蔭嚴飭該監督按月接濟。按季具奏。經此次撥定之後。各該督撫等務當認真按期撥解。不得稍存膜視。致干重咎。其江西等省應濟甘餉。即著左宗棠於道出江西湖北河南時。與該

督撫商酌籌辦。江蘇湖南四川山東應協甘餉。即由左宗棠咨商各該督撫妥為籌撥。將此由五百里諭知曾國藩李鴻章左宗棠瑞麟英桂吳崇馬新貽蔣益澧並傳諭郭柏蔭周開錫知之。○又諭鮑超奏進赴秦境豫籌糧運事宜一摺。陝省華陰等處。久為捻匪滋擾。鮑超一軍。現由內鄉浙川一帶。馳援關中。山路崎嶇。難於裹糧而行。秦川米穀昂貴。臨時採買維艱。非由各地方官就地先備米穀。

及馬匹所需豆料等項。不足以利師行。著李鶴年迅飭豫省地方官。將應需糧米等項。寬為豫備。此軍糧米轉運事宜。本係鄂豫兩省共相籌辦。且荆子關本有鄂省設立糧臺。轉運甘省餉需。如該軍經過浙川內鄉山路中。有須設局轉運之處。即著官文。曾國荃與李鶴年會商籌辦。以便就近分運。鮑超軍食。總期辦理迅速。不可互相推諉。致誤師行。並著喬松年。劉蓉於該軍經過秦省地方。豫行籌

備糧餉等項。就地發給。毋任缺乏。所有運腳等項。即由秦省籌發。其沿途師行經過及駐紮處所。應如何設局節節轉運。及豫行屯糧給發之處。並著喬松年。劉蓉按照鮑超江粵設局轉運之法。斟酌陝省情形。妥速籌辦。並著曾國藩李鴻章檄令鮑超即行起程入秦。窮賊所向。盡力追剿。毋再延誤。原摺著各鈔給閱看。將此由六百里諭知官文。曾國藩李鴻章曾國荃李鶴年。喬松年。劉蓉並傳諭鮑

超知之。○以福建同安等處勦辦土匪出力。賞副將熊世鼐等花翎。守備羅雲嵩等藍翎。餘加銜升敘開復有差。予陣亡守備羅國政祭葬世職。

大清穆宗繼天開運受中居正保大定功聖智誠孝信敏恭寬毅皇帝實錄卷之一百八十九

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十

欽此

同治五年丙寅十一月丙子以安徽淮軍捐

輸積餉永廣鄉試中額一名○以直隸棗強

縣捐輸軍餉永廣學額二名○以江蘇捐輸

軍餉永廣常熟縣學額十名昭文縣八名東

臺縣六名○以江西瑞昌縣捐輸軍餉永廣

學額八名○以浙江永康縣文生應參申捐

建

文廟永廣學額一名○丁丑諭內閣現在恭

纂

皇考文宗顯皇帝實錄業已告成恭進時應派

貝子公以下宗室官員分司齋捧親王郡王貝勒等左右護視以昭虔恪著宗人府會同禮部查照咸豐年間禮節敬謹具奏 又諭現在

皇考文宗顯皇帝實錄

聖訓告成前期一日總裁等官恭捧全書送至保和殿陳設後直日護軍統領會同總管內務府大臣謹闔殿門多派官員於殿門外周歷照看尚不足以昭慎重是日著御前侍衛

乾清門侍衛大門侍衛不直班各員內派出二十員於殿外前後輪流坐更小心照看不准在彼然點煙火以專責成 又諭前因曾國荃奏參督臣官文貪庸驕蹇各節內有饒送升任侍郎胡家玉等程儀銀兩一款當命尚書綿森侍郎譚廷襄前往查辦並令胡家玉明白回奏旋據胡家玉先後覆陳於差竣路過湖北省城時因信陽州一帶路梗改由水路前進官文等公送程儀二千兩胡家玉

張晉祺卽壁回未收。次日復來聲稱此次改由水路一千數百里並無水驛所有雇緯夫發水腳之費州縣不管且護送之礮船亦須日給犒賞所費甚多。胡家玉等恐水路無驛站中途需用浩繁始行收受等語。本日據綿森譚廷襄奏馳抵湖北查明總督被參先將大概情形覆陳一摺。據稱該尚書等到後飭提人證劄調軍需各冊覈對將原參內上年餽送程儀銀兩一款是否由糧臺提取據官

文咨覆錢漕鹽釐關稅捐輸均歸糧臺實用實支並無浮濫。惟漢陽竹木捐一款有給與議敘內獎者移解糧臺充餉其零星不請議敘外獎者歸入糧臺軍需善後動支曾經奏明有案。凡善後事宜因公動用例不報銷之項由此動支。上年胡家玉張晉祺差竣入都道經湖北該督因向章係由省籌撥公款按站給發不由地方官支應造報當與前撫臣鄭敦謹等面商由外銷款內提銀應付計入

境以至出境二十餘站並在省公所一切共用銀二千餘兩。又因道途多梗仍於外銷款內備銀二千兩為胡家玉等沿途添雇車馬犒賞之用。胡家玉等辭不肯受。後經告知並非私相餽送始行接收。統計先後提銀四千餘兩。委非糧臺正款等情。經綿森等覈對竹木捐收支清摺內提銀二千三百兩。又制錢二千餘串以銀錢合計原參四千兩之數約略相符。與胡家玉明白回奏所稱二千兩之

數亦尚脗合等語。上年胡家玉等差竣過鄂官文等查照向章由省提銀支應以免州縣賠累。瀕行又因水程阻滯沿途需添雇車馬犒賞費用孔多。另籌銀二千兩致送胡家玉張晉祺始而力辭繼因水程費重恐致沿途周折權留備用覈其情節雖與私相餽送者有間究屬不知遠嫌胡家玉張晉祺均著交部議處。湖廣總督官文著先行撤任聽候查辦。湖廣總督著譚廷襄暫行署理欽差大臣

關防著交譚廷襄封存其餘官文被參各節仍著紹森證廷襄傳集人證飭提卷宗秉公詳悉查辦○諭軍機大臣等紹森譚廷襄奏馳抵湖北查辦總督被參各款大概情形一摺原參官文劣蹟各款該尚書等既訊有端倪事非無因即應切實根究惟官文以總督重臣地方文武皆其屬吏誠恐各懷疑畏不敢吐實則此案必多不實不盡之處本日將官文先行撤任令譚廷襄暫行署理湖廣總

督卽著紹森譚廷襄將原參各款及所稱什木捐有由外獎並因公動用例不報銷之處是否覈實著逐一確切查明據實直陳以成信讞不准化有為無稍涉瞻徇將此由五百里各諭令知之○又諭御史王書瑞奏浙省淩港淤塞亟宜開濬一摺據稱浙江水利在浙東則有海塘在浙西則海塘而外又有淩港湖州府屬烏程縣境有三十九淩長興縣境有三十四淩康熙雍正乾隆年間疊經疏

濬自逆匪竄擾後泥沙堆積淩口淤阻墾種多致淹沒請設法開濬等語著馬新貽卽行派員履勘工程緩急設法籌款次第趕緊興修不得意存畏難稍涉遷就另片奏江蘇蘇松諸郡與杭嘉湖異派同歸湖州處上流之最要蘇松等郡處下游之最要下游疏通而上流阻塞則害在湖州上流疏通而下游淤滯則害在蘇松並惠及杭嘉湖請飭江蘇一併查明開濬等語並著曾國藩李鴻章郭柏

蔭派員履勘明確與馬新貽會籌妥辦通力合作該數郡為東南財賦之區務須實心經理期於國計民生皆有裨益原摺片均鈔給閱看將此諭知曾國藩李鴻章馬新貽並傳諭郭柏蔭知之○又諭何璟奏餉需短絀請飭山西指撥銀兩並南北兩路軍情一摺據稱甘肅安西等處奉撥巴城糧石因倉儲匱乏數月未見起運官兵督督待哺迫於飢寒請飭山西將各省協撥新疆軍餉內先專款

指撥巴里坤餉銀十萬兩等語著趙長齡按照何瑄所請於各省協撥新疆軍餉內先行酌量指撥作為巴里坤專款迅即解交歸綏道衙門由訥爾濟何瑄派員迎提此項餉銀未到之先准於調回俄國存儲軍餉內暫時酌撥應用餉到即行歸款以免輾轉南路賊匪既有潛入哈密報復之信著訥爾濟等會同伯錫爾加意防堵就近迅催文麟赴任俟成祿等軍出關後再行會合進剿毋稍大意

至李雲麟現已折回科城所部蒙兵未能剋期前進訥爾濟等務當嚴飭張和等偵探賊蹤豫為防範並將存城官兵整頓訓練杜賊窺伺不可稍涉疏懈將此由五百里諭知趙長齡訥爾濟並傳諭何瑄知之 戊寅以京畿雪澤未霑

上詣

大高殿祈禱行禮 遣惇親王奕訢詣時應宮恭親王奕訢詣

昭顯廟惠郡王奕詳詣宣仁廟鎮國公奕詢詣

凝和廟拈香 諭內閣御史汪朝榮奏已滿書吏請飭驅禁一摺各衙門已滿書吏例應勒令回籍無如日久視為具文如該御史所稱革吏退吏輒在京師盤踞與外省院司書吏潛通消息舞弊把持種種情形實難保其必無亟應嚴行申禁著各部院堂官嚴飭司員將無卯書吏分別裁汰如有滿退斤革吏

役仍敢進署干預公事即行拏交刑部治罪仍將每月滿退斤革吏役姓名住址年貌移送該管地方衙門備查並著五城御史嚴飭司坊官隨時查察驅逐以清積弊 又諭御史汪朝榮奏前任四川打箭鑪同知宣維禮因冒銷軍餉經駱秉章奏叅摘去頂帶勒限追繳崇實並不俟該員將經手之款報銷輒為奏請開復廣東候補同知錢璠先經瑞麟因該員解餉出力出具考語送部引見照例

給予升階旋經蔣益澧以該員貪劣謬妄操守不謹奏參革職均屬辦理兩歧請飭各該督撫將舉劾歧異之故分晰具奏等語著崇實駱秉章瑞麟蔣益澧秉公查明覆奏尋崇實等奏宣維禮軍餉報銷查明實係辦理裏塘夷務支用因覈實推銷奏請開復摘頂處分舉劾並無歧異瑞麟等奏錢垣前因解餉無誤照例請獎嗣在潮州通判任內聲名狼藉自未便以一節之勞遂從寬貸前後辦理

並非兩歧報聞 諭軍機大臣等曾國藩奏酌籌西路軍務辦理霆軍糧臺請暫留營自效並陳東路軍情各摺片喬松年奏接印任事並陳軍情賊勢及現辦情形各摺片鮑超一軍前已疊諭飭令速行赴秦並諭令湖北河南陝西各督撫豫籌轉運糧米接濟現經曾國藩派委前任江蘇知府薛書常赴山西領銀二萬兩與陳湜商辦就地購糧接濟霆軍並由曾國藩籌款另發一月餉銀不扣勇

丁月餉一月之外續辦糧米由曾國藩加價一半在勇丁月餉中酌扣一半所籌均屬周妥即著照所議辦理薛書常籍隸靈寶縣即著李鶴年飭令迅赴晉省並著趙長齡趕緊提銀二萬兩交薛書常收領與陳湜購辦糧米速籌接濟鮑超軍食李鶴年仍於霆軍經過處所飭令各地方官備辦屯糧及轉運事宜以備缺乏喬松年於秦省豫辦糧運源源接濟毋令該軍停兵待食現在西股捻匪已

偏西安省城待援孔亟著曾國藩李鴻章嚴檄鮑超星夜兼程赴援秦疆鮑超西行餉米均已不患缺乏該提督自當奮勉立功將捻股力行埽滅不得藉詞遷延此次援秦專為勦捻而設並非令其勦辦回匪該提督當鼓勵兵將視捻所向儘力勦洗毋稍疏懈東路捻匪已由汝甯折竄光山著曾國藩李鴻章飭令周盛波等軍緊躡窮追毋任喘息至曾國藩請以散員仍在軍營自效之處具徵奮

勉圖功不避艱難之意惟兩江總督責任綦重湘淮諸軍餉項尤須曾國藩籌辦接濟與前敵督軍同為朝廷所倚賴該督忠勤素著且係朝廷特簡正不必以避勞就逸為嫌致多顧慮著遵奉前旨仍回江督本任以便李鴻章酌量移營前進並免後顧之憂喬松年現已到任值此軍情緊急之際務當妥籌防勦與劉蓉和衷共濟軍營事務劉蓉當遵旨出省相機督勦不得稍涉推諉喬松年身任

地方責無旁貸所有調度機宜並軍火糧餉均須實力籌辦軍營以紀律為先喬松年當與劉蓉善為整頓固不可操之太蹙亦不可一味寬縱致令將士任意遷延無所顧忌將此由六百里諭知曾國藩李鴻章李鶴年趙長齡喬松年劉蓉並傳諭鮑超知之又諭河南候補道葉坤厚是否堪勝道員之任李鶴年在豫多年諒必知之甚悉著即查明據實具奏毋許稍有徇隱河北地方關繫緊要

新放道員綸恩著李鶴年於該員到任後留心察看其才具操守是否可信據實覆奏亦不得稍涉遷就以重地方將此諭令知之尋奏遵查葉坤厚聲名平常不勝道員之任綸恩才具操守均尚可信報聞又諭劉嶽昭奏滙陳現在賊勢軍情並攻克平壩地山等處各一摺前因貴州大定賊匪鵠張疊經諭令劉嶽昭由黔西一路節節進勦嗣據嚴樹森奏請分三路進兵復諭該撫由溫水進紮

專勦黔西大定之匪茲據劉嶽昭奏稱該撫已由溫水拔營前進黔西悍賊甚多黔兵不敷勦辦貴陽文報不通勢成孤立以現在賊勢軍情而論如治病者先治咽喉自應先辦黔西如黔西肅清即保清鎮以達貴陽兼顧大定為節節埽除之計與前次疊降諭旨相符即著由黔西一路實力進勦毋庸分兵遵義致形單弱其平壩地山等處賊壘業經官軍竭力攻克斃匪多名並將萊竹山援賊擊

敗勦辦尚屬出力卽著督飭蕭浚蘭鄒復勝等先將萊竹山賊壘攻克再行分兵勦洗毋稍鬆勁省城四郊多壘著張亮基派兵堵勦實力籌防將此由五百里各諭令知之○神機營會同兵部等部奏直隸總督劉長佑議覆練兵章程所擬增添二軍及分練章程與戶兵二部原議章程微有不同係於已議及者量為變通未議及者擬為添設自屬體察實在情形擬請照所奏飭令妥速舉辦其餘

未盡事宜仍令隨時奏咨辦理從之○乙卯諭內閣楊岳斌奏甘省差遣需員請飭部揀發知府三員知縣十二員佐雜二十員俾資差委等語著吏部照例辦理其所請變通借給盤費之處著照所擬辦理○諭軍機大臣等左宗棠奏詳議船政章程並藝局章程各開單呈覽及曉諭日意格等各摺片此次創立船政實為自強之計若為浮言搖惑則事何由成自當堅定辦理方能有效左宗棠所

見遠大大臣謀國理當如此其所議優待局員酌定程限甚為周妥均著照所請行若五年限滿洋員教有成效卽著照所議加賞以示獎勵其日意格德克碑勤勞既著忠順可嘉尤當優加賞資並著英桂等存記俟五年後中國工匠如能按圖監造自行駕駛卽著奏聞候旨破格於原定賞銀之外再給優賞屆時甘肅必早底定朝廷不難令左宗棠赴閩共觀厥成該督等可傳諭日意格德克碑

俾其專心教習毋稍疑惑其餘所議各條亦屬妥協並著照所議辦理左宗棠雖赴甘省而船局乃係該督創立一切仍當預聞沈葆楨總理船政其未服闋以前遇有船局事宜由英桂等陳奏服闋以後由沈葆楨會同該督撫陳奏均著仍列左宗棠之名以期終始其事另片奏船局經費不敷銀兩請於續撥銀兩內動用等語著照所請所有前項不敷銀七萬兩卽於續撥閩海關每月五萬兩內

支用著英桂如數籌撥毋許遲誤道員胡光
墉既據左宗棠厯試可以相信卽著交沈葆
楨差遣其補用道葉文瀾同知黃維煊著准
其留閩並候補經歷徐文淵均交沈葆楨差
遣軍功員錦泉熟悉洋務堪作船主自應破
格錄用卽著以都司留於福建水師儘先卽
補並賞加遊擊銜此後如能奮勉立功並著
沈葆楨等再請優獎用資鼓舞其餘如有可
用之才卽由沈葆楨酌委務當虛心訪求以

期集事劉典業經服闋本日已明降諭旨實
授甘肅按察使該員舊部三千名卽著催令
前進左宗棠業經起程船局事務沈葆楨自
當專心經理英桂吳棠周開錫亦當和衷商
酌於日意格等加意籠絡毋稍膜視本日據
楊岳斌奏甘肅藩司林之望各劣款一摺林
之望前在鞏秦階道任內經駱秉章保奏擢
任藩司該司曾經叅劾楊岳斌辦理失當各
情楊岳斌諒亦聞知是否該前督挾嫌叅劾

抑或林之望實有此事著左宗棠於到任後
留心訪查按照摺內所叅各節據實覆奏毋
稍遷就原摺著鈔給左宗棠閱看將此由五
百里諭知英桂左宗棠吳棠沈葆楨並傳諭
周開錫知之○又諭楊岳斌奏請催新任督
臣左宗棠及提臣曹克忠迅速來甘一摺昨
據左宗棠奏報該督現已由閩起程不日卽
可赴甘該省軍務緊要楊岳斌現未交卸總
督印務責無旁貸惟當振刷精神力疾從公

不得以病勢日增為詞稍存諉卸該前督受
恩深重諒能妥籌布置以紓朝廷西顧之憂
曹克忠回陝以後諸軍無人總統楊岳斌往
來調度有顧此失彼之慮前已疊諭該提督
迅速回甘卽著楊岳斌檄調該提督迅卽馳
回甘省總統各軍以資臂助不准遷延貽誤
致干重咎楊岳斌另片奏遵旨察看黎獻等
員並查明黎獻被叅各款請交部議處各等
語甘肅平慶涇道黎獻前被紳民控告受賄

擾民各節所收錢文實係充餉並未私受入己尚無不合惟還攻肅州部勇滋擾該員失於覺察咎實難辭著交部議處黎獻於地方情形尚稱熟悉著准其暫署安肅道印務黎獻及知府佑昌總兵魏添應能否始終勤慎仍著楊岳斌隨時留心察看將此由五百里諭令知之○又諭據趙德光奏黔省軍務需餉急迫請飭戶部暨四川等省迅速籌撥以顧大局一摺黔省自苗教倡亂以來軍餉久形支絀近日下游諸軍尚有鄰封月協餉需惟省城兵力既單餉尤匱乏該署提督所奏自是實在情形著崇實賂秉章李瀚章妥為籌畫無論何項迅速籌撥銀十萬兩於年前趕到以濟要需仍著戶部定擬飭令四川湖南兩省按月協解餉五萬兩源源接濟毋稍延誤張亮基於本省軍餉尤屬責無旁貸著督同司道將本省錢糧釐金等項極力整頓以補協餉之不足俾軍心激勵庶可支危局

而振軍威趙德光另片奏請嚴飭川楚督撫將請撥月協五萬兩照數分撥以資添練勁旅等語黔省多練一兵卽少一賊所稱募足勁練數萬以一半攻上游諸賊以一半攻下游諸賊著張亮基隨時與趙德光會商為節節埽蕩之計不得虛糜餉項以致有名無實將此由五百里諭知崇實賂秉章李瀚章張亮基並傳諭趙德光知之○以詹事府詹事瑞聯為內閣學士兼禮部侍郎銜實授劉典甘肅按察使○以福建克復崇安縣城並越境勦匪出力賞總兵官周志懷巴圖魯名號都司董官傑等花翎餘加銜升敘有差○庚辰諭軍機大臣等曾國荃奏賴任股匪回竄豫疆鄂省東路戒嚴近日籌辦防勦情形一摺任賴各匪由西遂信羅竄信陽趙光固該撫已飭彭毓橘移營黃安檄郭松林等屯紮隨州備東路繼進之師並以偏賊南來為聚而殲旃之計所籌尚妥著卽督飭諸軍誘

賊深入薄於險以待之仍商調湘淮各軍步步緊逼不得稍涉大意前已有旨將官文撤退任令譚廷襄暫署督篆各軍餉項及應行整頓事宜該撫當與譚廷襄隨時和衷商榷未可一意孤行有辜委任將此由五百里各諭令知之 吏部等部議覆山東巡撫閻敬銘奏請將濟甯州州同臺莊丁廟牐千總移紮魚臺縣湖團地方並撥馬守兵五十一名以資彈壓應如所請辦理從之 以直隸臨榆

縣捐輸軍餉永廣學額二名 以江西捐輸軍餉永廣贛州府學額三名贛縣七名○以浙江捐輸軍餉永廣鄉試中額四名杭州府學額十名湖州府八名甯波府四名會稽蕭山二縣各五名鄞山陰二縣各四名鎮海縣三名嘉興秀水平湖長興餘姚上虞嵊江山永嘉九縣各二名海甯富陽嘉善海鹽石門桐鄉定海諸暨臨海蘭谿東陽義烏永康浦江西安常山開化淳安桐廬遂安樂清龍泉

二十二廳州縣各一名 以河南內鄉縣捐修城工永廣學額三名 以廣東捐輸軍餉永廣南雄州學額十名永安海陽二縣各七名歸善高要二縣各五名翁源連平河源陽江電白文昌始興長樂八州縣各四名英德龍川博羅長甯茂名化靈山七州縣各三名增城三水和平潮陽澄海新興陽春吳川合浦瓊山平遠十一縣各二名順德新會清遠新安從化龍門曲江海豐大埔揭陽普甯豐

順鶴山廣甯恩平信宜石城會同崖羅定東安西甯鎮平二十三州縣各一名 補行同治四年大計江西卓異官十員不謹官二員浮躁官一員罷輟官一員年老官一員福建卓異官九員不謹官三員浮躁官一員才力不及官三員有疾官一員年老官二員分別議敘處分如例 辛巳諭軍機大臣等蔣益澧奏粵東徵收色米州縣折價太多擬先於廣州所屬覈實裁減一摺據稱廣東色米一

款以正耗統計。不過銀二兩上下。卽數支銷。乃廣州府屬徵收色米。每石徵銀多者八兩有奇。少亦七兩零。惟新安一縣。徵銀五兩八錢。略為輕減。然較之支銷之數。亦浮收甚重。蔣益澧現飭藩司等。先將廣州所屬各縣徵收色米通盤籌畫。每石酌減銀若干兩。實徵銀若干兩。速定章程。會詳具奏等語。所辦甚是。卽著瑞麟將益澧督飭藩司等。先將廣州府屬一十四縣徵收色米價錢覈實減裁。俟

酌議章程具奏。再行明降諭旨。其餘各屬如有前項情弊。並著查明次第辦理。該督撫當悉心籌畫。總期萬全無弊。俾成可大可久之規。以副委任。將此各諭令知之。○以直隸永定河防汛出力。賞道員徐繼鏞一品封典。餘加銜議敘有差。○壬午。諭軍機大臣等。英翰奏捻股窮蹙入山。現籌布置一摺。任賴等股經周盛波宋慶等軍在羅山擊敗。復經英翰派兵在固始等處攔截追剿。該逆已向黃麻

宋埠南竄。有欲就食六安之說。英翰現已令方長華等軍分紮英霍等處扼要駐守。著卽督飭諸將嚴密堵截。毋任回竄。皖境曾國荃現駐武勝關。務須設謀誘賊入險。四面圍剿。不可任其紛擾。鄂境四出蔓延。後路糧餉並著譚廷襄妥為籌畫。賊如竄入英霍山中。則徑路崎嶇。馬力無所馳騁。官軍有險可扼。易於施力。曾國藩李鴻章自當檄飭湘淮各軍並約齊鄂豫皖省將士合力堵剿。就地殄滅。不可失此機會。賊既竄過淮南。則淮河北岸亦應仿照黃運兩河辦法。一律設法嚴守。毋令任意搶渡。來往自如。著李鴻章英翰李鶴年妥速籌商辦理。豫省邊界地方並著李鶴年分軍布置。以防回竄。將此由六百里各諭令知之。○癸未。諭軍機大臣等。穆圖善奏。滬陳軍營情形。兵丁難於撥撤。請暫留直隸防兵。撥河東道庫餉銀。並留景廉在營。喬松年劉蓉奏。剿辦回捻情形。請撥大支勁旅赴陝。

並曹克忠續假及請飭湖廣等省撥餉各摺片中衛地方逼近賊氛四面受敵穆圖善當督飭所部趕緊勦辦不可遷延觀望貽誤戎機阿拉善旗邊界頭道湖地方有賊匪滋擾經穆圖善率兵往勦該匪聞風遠颺此股匪徒均由邊內竄出自應就邊內匪巢設法按捕以清其源仍著飭令阿拉善等處蒙古防兵與該將軍派出洋槍隊官兵分路防守馬生彥楊汝智等回目如能繳出馬匹軍器真

心悔罪卽著該將軍體察情形擇地安插不可中其詭謀程興烈西蒙克西克兩營著遵奉前旨留於陝省程興烈營軍餉卽著喬松年劉蓉就近籌撥精銳右營及駐花馬池晉兵餉銀並著趙長齡仍前籌撥直隸官兵駐防甯夏等處既據穆圖善聲稱難以遽撤著暫留該處俟軍務稍鬆卽行量撤歸伍並著劉長佑將此軍餉需設法籌撥甯夏滿營餉項缺乏難於歸還撥款著趙長齡卽飭河東

道將甯夏餉銀三萬兩速為撥解補足部議每年二十萬兩之數其河東道未奉部議以前撥過甯夏滿營銀三萬兩卽由山西藩庫就近抵扣原片二件著分鈔給劉長佑趙長齡閱看哈密地方緊要著穆圖善迅飭景廉赴任不得藉詞留營庫克吉泰德興阿當速由歸化城前進現在調集之兵著庫克吉泰等督帶由歸化城包頭磴口一帶取道前抵甯夏中衛等處沿甘省邊界西至肅州會同

成祿一軍出關如甯夏中衛一帶需兵助勦卽著穆圖善商同會辦庫克吉泰德興阿當卽日起程毋許託故逗遛致干重咎張總愚股匪經陝軍在華陰等處分路勦擊該逆竄聚蒲橋逼近省垣復折向藍田意圖竄入南山喬松年劉蓉現已調集陝兵併力合勦著卽激勵將士奮力勦洗賊果竄入南山卽當扼險堵禦分路追擊不得縱令再入腹地捻在陝省盤踞已久難保不與回匪勾結西路

回匪雖經官軍在邠涇廊甯等處進剿獲勝仍須嚴加堵截毋任與捻股合併陝軍力本單薄捻股人數衆多情形萬分危急著曾國藩李鴻章嚴飭鮑超一軍就近兼程入陝確探捻蹤力剿並著將該軍餉需迅速籌撥以利進行該提督當立意前進奮勉圖功以副委任如中途遷延且前且卻藉故逗遛則貽誤大局咎有專歸懍之慎之鮑超一軍兵力頗厚足敷剿辦毋庸另調淮軍皖軍致稽時

日喬松年劉蓉當就現有兵力提催鮑超全軍妥籌防剿曹克忠病未痊愈著賞假兩箇月在西安調理以示體卹假滿卽仍赴甘省其鄂省襄陽一帶著譚廷襄曾國荃速撥兵勇嚴密堵剿以防陝省捻匪由南山東竄本日復據李鶴年馳奏捻匪東西兩路情形宋慶一軍奮勇追剿甚為出力此時任賴等股已向黃麻南竄著李鶴年飭令宋慶盡力窮追與鄂軍會合就地殲除不得稍分畛域曾

國荃既擬誘賊入險四路圍殲著卽合力剿洗曾國藩李鴻章仍遵前旨檄飭湘淮諸軍兼程分路追躡並申嚴號令齊力會剿務期不分畛域將此股殄除淨盡不得任聽諸將進退自如縱令捻蹤旁竄蔓延坐失機會豫省主客各兵曾國藩李鴻章當與李鶴年會籌調度無分彼此共濟時艱陝洛防堵事務均著妥籌調度毋稍疏懈李鶴年著仍在省城駐紮將此由六百里諭知曾國藩李鴻章

穆圖善庫克吉泰德興阿劉長佑譚廷襄曾國荃喬松年劉蓉李鶴年趙長齡並傳諭鮑超知之○增設奉天營口海防同知一缺從三口通商大臣崇厚請也○甲申諭內閣前據御史舒明奏叅輔國公載泰行止不端當經諭令宗人府會同刑部審訊茲據審明定擬具奏此案載泰溥楣各買妓女為妾因口角忿爭經桂池松岫說合同在妓女家飲酒以公伯大員結交匪人買倡挾妓行止卑污

均屬咎有應得輔國公載泰鎮國公溥楫桂池三等伯松岫均著革去爵職以示懲儆○又諭巡視西城御史恩崇等奏拏獲潛入禁城園庭行竊賊犯請飭部嚴訊一招據稱該城副指揮汪椿於十一月二十六日在海淀老虎洞地方會同營汛團防拏獲賊犯倭大等多名訊據該犯等供稱疊次冒充官役潛進神武門從西河沿出琉璃門由咸安宮馬道上城轉至午門西南角配亭下偷竊銅瓦並潛往圓明園由北牆越進偷竊碎銅各等語禁城園庭重地極宜嚴肅該犯等竟敢潛進偷竊不法已極倭大即倭和陳五即魏五李九即春和並窩留之關繼善銷贓之范黑子供出之營兵德玉及在關繼善鋪內借住之王拴勞均著交刑部嚴行審訊按律懲辦在逃之關大閻五著步軍統領衙門順天府五城一體嚴拏務獲歸案訊辦此外有無另犯不法之案賊夥恐不僅此數人並著刑部

嚴切根究各處直班官弁人等何以均漫無覺察實屬玩泄著該管衙門查明嚴加懲辦○諭軍機大臣等德興阿奏請飭撥山西協餉並請飭歸綏道先行撥解銀兩各摺片據稱西征馬步各隊於十一月二十七日分起間日進發並德興阿所部官兵及親軍馬隊等酌給口糧擬於山西月撥新疆軍餉銀三萬五千兩內每月撥解銀二萬五千兩等語西征兵丁糧餉缺乏亟應速籌接濟著趙長

齡督飭藩司自本年十二月起將山西月撥新疆軍餉銀三萬五千兩內每月撥銀二萬五千兩解赴歸化城轉解烏里雅蘇台分局務按月解赴歸化城轉解烏里雅蘇台分局務須源源接濟毋令缺乏德興阿奏需餉甚迫前發駝價銀兩尚能如數取回惟恐緩不濟急請將張家口解到銀一萬兩晉省解到茶布銀一萬兩先行撥給應用等語著德興阿知會福興飭令歸綏道即將前項銀二萬兩

先行撥解德興阿軍營以濟兵食一俟該商呈繳駝價卽行歸款俾免輟輟德興阿當遵昨日諭旨檄飭官兵由歸化城包頭磴口一帶取道前抵甯夏中衛等處沿甘肅邊界行走由肅州出關毋誤師行將此由五百里各諭令知之○以江蘇捐輸軍餉永廣鄉試中額一名以浙江提督鮑超捐輸軍餉永廣四川奉節縣學額八名乙酉諭內閣前據吳昌壽奏河南商水縣扶蘇寺寨殺害官兵知縣聯魁邀同參將蔣希夷圍攻其寨按殺兇犯請將聯魁撤任蔣希夷摘去頂帶當以吳昌壽辦理錯誤不允所請諭令將始末詳細情形查奏茲據李鶴年查明具奏此案黑龍江委參領依勒吞等奉委前往湖北行至河南商水縣扶蘇寺寨地方寨民疑係賊匪及將公文持驗該寨匪民王二刺等稱係假冒裹入寨中劫去馬匹行李妄行殺害該縣聯魁聞信責令寨首王崇德交出兇犯王二

刺等抗不到案邀同蔣希夷帶兵前往彈壓開導竟敢開放槍礮擊斃兵勇經蔣希夷進寨將王二刺等拏獲正法辦理並無不合吳昌壽於此等要案當時並不詳細查辦轉謂蔣希夷等辦事冒昧請予處分實屬草率降調河南巡撫廣東布政使吳昌壽著交部議處委參領依勒吞防禦經通阿及兵丁等奉文請餉中途慘遭戕害殊堪憫惻均著交部議卹寨首王崇德訊無同謀殺害抗官等情並赴營自首將要犯全行指拏尚知畏法惟充當寨長於王二刺等霸管寨務不早稟究以致釀成巨案亦有不合生員王崇德著卽行斥革以示薄懲補鑄山東金鄉縣知縣印信從巡撫閻敬銘請也○調緩河南陳留杞通許尉氏洧川鄆陵中牟蘭儀鄭榮澤汜水禹商邱甯陵永城鹿邑虞城夏邑睢柘城考城唐鎮平內鄉新野舞陽葉汝陽確山正陽新蔡西平遂平信陽羅山淮甯西華商水

項城沈邱太康扶溝許臨潁襄城郾城光
山固始息五十州縣被水被雹被地方新
舊額賦有差並賑杞永城夏邑商邱虞城息
榮澤七縣災民

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十一

臣等謹將各省緩急情形
酌量撥發自應遵照奏定銀數源源報解以
資接濟等因欽此
臣等查各省緩急情形
酌量撥發自應遵照奏定銀數源源報解以
資接濟等因欽此

同治五年丙寅十二月丙戌朔

上詣綏復殿問

慈安皇太后平安室問

慈禧皇太后安至乙卯皆如之○諭軍機大臣
等戶部奏豫撥來年京餉據稱歷屆京餉均
係年前豫撥現屆應撥同治六年京餉擬在
各省地丁鹽課關稅等項銀內撥銀七百萬
兩請飭各該省於來年分批起解等語京餉
關繫最為緊要現經該部就各省緩急情形
斟酌動撥自應遵照奏定銀數源源報解以

濟要需著各該將軍通商大臣督撫鹽政監督等務於來年開印後分批起解限五月前解到一半十二月初開全數解清不准截留改撥藉詞延誤僅屆限不到卽著照奏定章程指名嚴叅至本年未解京餉前經該部節次奏咨飛催現屆年終仍未能如數解清著各該督撫等迅速籌款報解毋再遲延干咎原單均著鈔給閱看將此由五百里諭知福州將軍三口通商大臣直隸兩江四川江蘇

福建浙江安徽江西山東山西河南湖北湖南廣東各督撫並傳諭粵海關監督知之○又諭戶部奏豫撥來年內務府經費一摺各省關應解內務府經費銀兩經戶部議定擬撥兩淮鹽課銀四萬兩兩浙鹽課銀四萬兩廣東鹽課銀四萬兩江漢關洋稅銀四萬兩江海關洋稅銀四萬兩閩海關常稅銀五萬兩浙海關常稅銀五萬兩共三十萬兩請飭勒限完解等語卽著福州將軍兩江湖廣廣

東浙江各督撫監督各按該部撥定數目務於明春開印後陸續徑解內務府收納並將起程日期報部勒限六月以前解到一半十二月初開全數解清毋稍延緩該部另片奏杭州織造應解漫價已議定俟北新關開徵再行報解至浙江茶課兩浙浙海各漫價舊欠內務府銀兩均已准免所有現年漫價該撫請自五年起每年兩浙解五千兩浙海解二千五百兩藩庫現年茶課請自省城克復起查明儘數報解前已奉旨允准惟查九江臨清等關漫價向係動支耗銀耗銀不敷方准動撥正稅應令先動耗銀不得先動常稅至兩浙漫價因改行票運無款可動應准其暫動雜稅俟商課復舊再照向章辦理其藩庫茶課應令先將上年十月以前茶課迅速解交上年十一月至本年十月茶課並令按銷引覈計造報各等語卽著浙江巡撫按照該部所議章程妥籌辦理將此由五百里各

諭令知之。○又諭官文奏髮捻突竄黃陂偏近武漢現籌布置情形各摺片。髮捻各逆假冒官兵突竄麻城及黃岡之新洲倉子埠等處肆擾距省城僅數十里。近省一帶無兵可調勢甚危急。官文現飭譚仁芳移紮溝口。姜玉順繞前迎截。左光培礮船赴漢川新溝。力保江面。著譚廷襄、曾國荃卽飭該將等認真防勦。並由曾國荃營添撥兵勇嚴防漢鎮及黃州等處。曾國藩、李鴻章卽飭周盛波等儘力窮追。李鶴年飭宋慶一軍跟蹤追赴鄂境。賊既竄至水田較多之處。馬力難於馳騁。正可調集各路主客各軍四面兜勦聚而殲旃。務當嚴申號令。督飭諸將併力齊心。認真勦辦。儻有觀望遷延貽誤事機者。卽著嚴叅治罪。曾國荃前擬誘賊入險。本係正辦。惟該撫駐紮武勝關。距賊甚近。賊蹤竄擾後路震動省垣。該撫毫無布置。且近省各軍俱已調發赴營。致令後路空虛。實為調度無方。儻掉以

輕心不能速籌防範。就地殄除。致令竄出本境。坐失機會。恐不能當此重咎也。懷之黃州毗連安慶。並著英翰分布兵勇嚴密堵遏。毋任髮捻東竄。將此由六百里各諭令知之。○又諭福興奏西路防務緊要。請留吉林馬隊及籌備吉林官兵月餉。訥爾濟奏哈密喫緊。請飭催李雲麟等軍並飭烏綏兩城撥解火藥各摺片。回匪由中衛竄至包頭。該處商民輻湊。防兵疲乏。又無將領統率。實非所宜。著

福興卽各調總兵馬陞移紮包頭以資鎮率。其未到以前卽令全福管帶吉林馬隊五百名前往扼紮。該官兵所需月餉准於該商繳還駝價內支放。著福興移咨德興阿、趙長齡等分別辦理。此項西征官兵將來由包頭磴口取道甘省出關馬陞到防後庫克吉泰等卽統率西行。毋許遷延。吐魯番回匪圖撲哈密賊勢猖獗。成祿前已疊諭出關。著卽懷遵前旨迅速起程。儻藉詞延宕以致哈密有失。

恐成祿不能當此重咎也。李雲麟現在整頓官兵以圖再出。哈密有警。能否援救。並著酌量辦理。郡王伯錫爾素稱忠勇。著訥爾濟傳諭該郡王。令其於成祿未到之前。竭力防勦。並著會同何瑄認真經理。毋稍鬆懈。文麟景廉俱係辦事大臣。豈可徘徊中道。著庫克吉泰成祿咨催。隨同出關。不准再有遲誤。巴里坤防務喫緊。火藥短少。亦係實情。著德勒克多爾濟麟興於烏里雅蘇台酌撥火藥一二萬斤。如烏城短缺。卽著福興於綏遠城所屬各城內酌撥。迅速解至巴城。以濟要需。將此由六百里諭知庫克吉泰。福興德勒克多爾濟麟興德興阿。李雲麟訥爾濟成祿並傳諭何瑄知之。○又諭林壽圖奏甘餉急迫。鄂臺正值更替。恐誤要需。一摺。據稱接劉蓉行知。據左宗棠咨開。湖北江西江蘇江南海關月協甘餉各先提一月。分咨各督撫解交湖北省城。後路糧臺王加敏點收抵作該督到任後

一月協餉。其現在應解楊岳斌協餉。仍由各省按月籌濟。並據何璟咨稱。該藩司收過協餉僅存銀三萬八千餘兩。匯至三原。十二月方能交清。此外毫無存積。現由左宗棠委湖南補用道王加敏總司臺務。該道未到。已移交漢黃德道接辦。各等情。陝省自捻匪入境以來。營壘日增。楊岳斌借用陝省地丁銀兩。亟須提還。以濟本省之用。其楊岳斌年內所需。非催解八九十萬兩。不能救急。現值轉運糧臺交卸之際。來源斷絕。扣還轉解。無項可籌。若不飭令該藩司等分別籌解。必至貽誤要需。各等語。湖北後路糧臺雖經左宗棠劄委王加敏接辦。何以王加敏未到。該藩司遽行移交辦理。殊屬草率。且該督僅提一月備用協餉。此外仍應設法撥解。以濟現在陝省糧臺之用。儻藉端延誤。致令飢軍譁潰。則西北大局決裂。必至不可收拾。卽著譚廷襄會同岑督飭藩司將各省欠解甘餉銀一百六

十餘萬兩內迅速催提銀八十萬兩趕解陝省糧臺交林壽圖收接轉解此外尚有欠解數十萬兩即先提一月餉銀交漢黃德道等以備左宗棠提用左宗棠未到任以前各省解甘餉銀應否仍由何璟收解抑或會同王加敏等籌辦之處著譚廷襄等斟酌情形妥速辦理將此由五百里諭知譚廷襄曾國荃並傳諭林壽圖知之○丁亥遣惇親王奕誼詣

大高殿祈雪恭代行禮並詣

時應宮恭親王奕訢詣

昭顯廟惠郡王奕詳詣

宣仁廟鎮國公奕詢詣

凝和廟拈香○諭內閣前因給事中尋鑒燁

奏參山西絳縣知縣陳懷璋劣蹟多端聲名

狼藉各情當經降旨交護理巡撫王榕吉嚴

切查明據實具奏茲據趙長齡於到任後逐

款查明陳懷璋於同治元年辦理團練勸諭

捐輸並無扣留軍需情事其辦團章程共分六團按期操演至今尚有一百三十名並無虛冒充數絳縣城垣年久未修陳懷璋先自倡捐並攤徵籌辦所餘銀兩修理書院添設生童膏火因捐戶尚未交齊未經請獎並無擅加錢糧及有意延緩不行請獎等事惟縣屬試用訓導靳執鎮倚恃職官求免捐輸挾嫌上控該訓導畏審潛逃來京其餘陳懷璋並無被控之案絳縣錢糧向係五家銀鑪包

攬索費過多縣民不服陳懷璋因改令花戶自封投櫃另募銀匠傾鎔亦非私開銀鑪陳懷璋聽斷最勤不使原被人證守候受累實無起滅自由之事原參所稱以典史王萬選為心腹等情或事出有因或查無其事均著無庸置議試用訓導靳執鎮始則挾嫌妄控繼則畏審潛逃殊屬刁詐著趙長齡飭屬嚴拏毋令遠颺並令步軍統領衙門順天府五城一體嚴緝歸案審訊以警刁頑惟絳縣知

縣陳懷璋在任有年。據該縣紳士等因其被
叅赴省呈訴。並據該管絳州及河東道查明
亦稱樸實清勤。民情愛戴。是陳懷璋平日居
官實能興利除弊。無忝厥職。何以尋鑒煒不
加詳察。遽行叅劾。實屬輕率。科道為朝廷耳
目之官。原准風聞言事。但當訪查明確。方可
入告。豈得輕聽人言。橫加誣毀。儻朝廷輕信
其言。致令廉明之官。轉受冤抑。何由使吏安
其職。民服其上乎。是非之介。卽綱紀所關。嗣

後該科道於叅劾事件。務當慎重訪查。不得
稍涉輕忽。懷之慎之。將此通諭科道知之。○
又諭特普欽奏原任西安將軍多隆阿之子
雙全因母病丁單。請解退侍衛差使。留於原
籍當差等語。雙全著准其解退侍衛差使。留
於黑龍江原籍歸旗當差。○又諭馬新貽奏
海運商船賠累。請酌加水腳。並請飭產船地
方雇船協濟一摺。近年海運漕糧。均係借資
商船。該商等承運官糧。往返動逾半年。費用

加增。每多賠累。自應優加體恤。以廣招徠。著
准照馬新貽所請。此次海運封雇各商船。於
例給水腳之外。每石酌增銀一錢五分。以資
津貼。浙江本屆新漕。米數較增。尤須多備船
隻。俾敷裝運。著直隸總督山東巡撫。卽飭產
船各地方官。儘數挑選堅實東衛等船。趕緊
駛赴上海協運。俾免貽誤。○又諭馬新貽奏
查明各屬未結交代。請仿照山東新章。分別
新案舊案。勒限清釐一摺。浙省各屬交代案
件。積壓過多。若不嚴定期限。分別結算。必至
愈積愈多。於庫藏吏治。大有關礙。卽著照該
撫所請。仿照山東新章。將未結交代。分別新
舊辦理。除查明無故應交不交。應接不接。各
員由該撫另行叅辦外。其未結各案。凡在同
治五年七月以內卸任者。卽作為舊案。概提
省局集算。其一縣而有數任交代者。亦統歸
七月以內在任之員結算。如有抗延不算。及算
有虧欠。延不繳結。並延不造冊結報者。卽著

隨時查明嚴行叅辦並著該撫自奉旨之日
起勒限三箇月飭令各該員等一律認真結
算不准稍涉延宕其從前各案逾限處分著
卽加恩寬免至同治五年八月以後交代各
案著作為新案專責成該管道府督算交收
依限造報經此次嚴定章程之後該州縣等
儻敢仍前延玩逾限不結卽著從嚴叅辦○
諭軍機大臣等都察院奏奉天職員解掄元
遣抱以貝勒縱逆殃民等詞赴該衙門呈訴
據解掄元呈稱前在奉天辦團拏賊白凌阿
之甥彌勒僧格係著名要犯業已設計擒拏
經貝勒散巴勒諾爾贊要去嗣後彌勒僧格
被高力束公旗拏獲供稱在土默特旗係齊
達拉串用東錢二百吊蒙該貝勒開釋有三
座塔稅署案卷可提解掄元欲赴奉省呈訴
該貝勒遣人在塔子營寓所暗伏火藥將解
掄元轟傷又令彌勒僧格白凌阿于瀾起等
將伊姪解廣運害命練勇唐復陞等同時殺

害于瀾起被練勇擒獲經該貝勒派兵拏去
又娶白凌阿之女為妻請飭該貝勒將彌勒
僧格白凌阿等交出各等語此案情節甚重
何以事隔數年至今甫行呈控且彌勒僧格
續經拏獲後又未聲敘係何人縱匿惟彌勒
僧格白凌阿係在逃要犯既據呈稱該貝勒
疊次袒庇賊匪先後共斃練勇多名又娶逆
女為妻如果屬實不法已極著都興阿額勒
和布恩錫提集全案人證卷宗悉心嚴究以
成信讞其在熱河前後案據並該都統歷次
所奉嚴緝白凌阿彌勒僧格等項諭旨均著
麒麟全數鈔錄咨送盛京以憑查覈案內干
涉人犯要證俟都興阿等催提時並著麒麟
趕緊解往不准託故遲延原呈著鈔給閱看
將此各諭令知之○又諭官文奏賊蹤西竄
布置情形一摺髮捻股匪由黃陂西竄孝感
雲夢應城經官文派陸承祖等礮船分紮安
陸襄陽等處聯絡防堵曾國荃所派彭毓橘

一軍前赴應山已落賊後著卽飭令趕緊折回繞前迎截並著分派各軍與姜玉順之師合力夾擊劉銘傳甫抵麻城著曾國藩李鴻章飭令趕緊窮追並飭周盛波等分路追剿毋再遲滯賊匪志在西竄恐與陝省捻股合併襄河防守最關緊要譚廷襄曾國荃當飭諸軍水陸嚴防其襄樊隨棗並德安安陸等處均應扼要嚴守總須就地殲除不可縱令竄出鄂境賊馬僅三四千匹餘眾均係徒步

且無火藥勢已窮蹙正可乘機速籌殄滅曾國藩李鴻章當申明號令嚴檄湘淮諸軍與鄂豫將士合力同心迅埽狂氛毋存主客之見稍形膜視曾國荃幫辦鄂省軍務責無旁貸尤當豫籌截剿不得任賊縱橫狂竄豫省信陽南陽一帶著李鶴年豫籌防堵毋令回竄曾國藩李鴻章亦當兼防豫省南路不得專顧鄂境致豫省兵力空虛將此由六百里各諭令知之○禮部以明年元旦慶賀禮節

請得旨是照例行禮奉

慈安皇太后

慈禧皇太后懿旨停止筵宴其在外公主福晉命婦進內行禮之處並著停止○己丑諭內閣前據御史佛爾國春奏街市任意挑剔官錢請飭局妥辦並請密拏私鑄各摺片當派文祥存誠查拏具奏茲據奏稱拏獲鋪夥車志泰等本日已降旨交刑部嚴行審訊矣惟街市挑剔錢文大礙貧民生計除飭步軍統領衙門順天府五城一體嚴拏私鑄從重懲辦外現在行使之錢不准任意挑剔俾得照常使用文祥等片內所奏各節著管理錢法堂事務大臣查明據實覆奏○諭軍機大臣等官文曾國荃奏官軍扼截股匪沿途疊勝情形一摺任賴等逆由豫省商城竄入麻城兼擾黃安黃陂等處經姜玉順各軍分途截擊該逆竄撲雲夢於上月二十三日突攻德安府城維時郭松林率軍東來親督各營連

番迎擊陣斃悍賊多名賊眾大潰據獲賊供稱該逆欲乘虛襲踞城垣為度歲之計著譚廷襄曾國荃嚴飭郭松林譚仁芳等軍趕緊窮追毋任喘息該逆現經挫敗必圖上竄京山天門一帶甚屬空虛曾國荃已檄飭總兵劉維楨等軍由棗陽襄陽分路攔截卽著該總兵等嚴為堵禦覘賊所向併力殲除曾國藩李鴻章亦當分飭劉銘傳周盛波等會合鄂軍分投兜擊不可縱出鄂境復肆蔓延德安為武漢上游地當衝要曾國荃應否移營駐紮調度各軍著妥為酌量其溝口等處仍著譚廷襄曾國荃嚴檄派出各員嚴密防守以固省垣所有鄂省追勦諸軍如有觀望不前任賊狂竄者著該署督等遵奉疊次諭旨查明參辦毋稍徇隱襄樊等境毗連豫疆難保該逆不乘虛回竄李鶴年務當豫籌防禦毋得專待客援致豫境又形糜爛劉東璋等現在屯紮何處並著曾國藩李鴻章飭令扼

守鄂豫交界地方迎頭截擊以壯聲援將此由六百里各諭令知之○又諭李瀚章奏援黔屢勝擊敗出竄苗匪一摺兆琛李元度等軍攻勦苗匪屢獲勝捷兆琛等已進逼頗洞規取寨頭李元度亦卽進攻荆竹園各營軍中疫氣已清正當激勵士卒奮勇前進痛加勦洗該逆因被勦窮感竟敢竄擾楚邊逆謀甚狡業經擊敗回巢楚邊現已無賊惟寨頭逆首既有糾黨分股出擾之信李瀚章仍當嚴飭防軍遇賊卽擊俾兆琛等前敵各軍不至為所牽掣以便併力勦洗迅速蕆事張亮基亦當飭令黔省將弁協同攻勦毋得專恃客兵李瀚章另摺奏等獲嘉禾縣會匪現在按捕餘孽等語匪首李春龍敢於糾眾嘯聚圖謀不軌攻撲嘉禾縣城實屬罪大惡極該縣沙起賢先期得信立將該匪等擊敗生擒李春龍等正法地方照常安靜辦理尚為妥速惟該匪李春龍等供與盧明生等結拜紅

黃白三會平日在外扮作乞丐邀人入會已至五百餘人由廣東星子街會合大股起事是其餘黨尚多亟須盡絕根株方免後患仍著李瀚章嚴飭在事各員認真按捕盡法懲辦毋令漏網瑞麟將益潭亦應嚴飭地方文武將該匪黨與一體按拏以靖地方將此由五百里諭知瑞麟將益潭李瀚章張亮基並傳諭兆琛知之○命都察院左都御史全慶馳赴直隸遵化州查辦事件○予貴州各屬陣亡殉難知縣吳守珍等暨紳民婦女一千四百六十一員名口分別旌卹如例○庚寅諭內閣御史舒明奏上年九月間

文宗顯皇帝奉安禮成恭奉

神牌回京經過之大興等州縣蠲免同治四年錢糧乃該地方官全行徵收並有額外加徵情事前經給事中廣誠徵麟先後奏參並據通州生員王湘九等在都察院呈控該總督府尹等延不查明覆奏等語卽著直隸總督

順天府府尹將前後參控各情迅速查明據實具奏不准稍有徇隱○諭軍機大臣等劉長佑奏黃河日漸北趨請飭河督履勘商同三省會辦一摺本年黃水來源極旺近年新修金隄概被衝刷情形十分危急直境被水之處既寬且重甚於往年開州所屬地方險工五段自開滑交界之杜家樓起至開濮交界之陳家莊止隄工均須培高加厚卽著劉長佑督飭該地方官趕緊辦理並將險工隄口一律修辦以資捍禦應需款項並應調豫省河工員弁均著劉長佑酌辦直隸境內黃河經由處所僅止開東長三處其豫省上游及滑濬等處並東省濮范觀館等縣均宜接修長隄以免罅漏著蘇廷魁卽行馳往各該處周歷履勘並著會同劉長佑李鶴年閻敬銘丁寶楨統籌合力興修何處可由民辦何處須實立專官修守均著察度情形妥議具奏其自汶黃交匯以下至武定入海一帶應

如何修防之處。並著蘇廷魁巡歷察看。會同閻敬銘、丁寶楨一體妥籌辦理。劉長佑所請將直隸境內隄工並歸河督管轄。作為河直東三省河督之處。著俟三省會議具奏後再行降旨。原摺著鈔給蘇廷魁等閱看。另片奏直隸水災連年民窮已極。請將前撥以工代賑銀兩就款開除。免再扣抵。今冬及明春應須接濟之處。仍由該管道府體察赴司領銀撫恤等語。著照所議辦理。本日復據丁寶楨

奏東綱災歉鹽斤短絀。請借撥長蘆綱鹽應運等語。著劉長佑轉飭該場於東商赴津批買時勿令商人擡價屠奇。並將鹽船免其納稅。查明何場堪以借撥。及由何路轉運迅速。議定章程。咨明丁寶楨辦理。將此諭知劉長佑、蘇廷魁、李鶴年、閻敬銘並傳諭丁寶楨知之。○又諭庫克吉泰奏西征官兵遵旨改道並請酌帶隨員。德興阿奏請以察哈爾蒙兵更替全福所部馬隊。及由內地赴甘各摺片。

庫克吉泰等所部官兵月餉已由戶部指撥。該將軍擬與阜保等籌商兼顧李雲麟軍餉頗能力顧大局。即著會商辦理。其應派員經理營務事宜並著該將軍會同德興阿妥商具奏。所請隨帶之城守尉奎英等既由庫克吉泰帶往。但其中不盡足恃。該將軍務當留意不可為所欺蒙。致誤戎機。包頭鎮回匪竄擾之事既不盡確。福興前奏留紮該處之全福所部吉林馬隊五百名著即隨同德興阿

等西行。所有達爾濟管帶察哈爾兵四百名並伊克昭烏蘭察布蒙兵三百名即留於包頭防守以壯聲勢。現在包頭一路礙難行走。即著改由內地赴甘。德興阿務當實力稽察不准稍有滋擾。儻或有擾累情事惟德興阿是問。所有該官兵經過之山西陝西甘肅各省於應付一切即著照例支應。毋許稽遲。如有於例外需索滋擾者並著楊岳斌、喬松年、劉蓉、趙長齡據實嚴參以利師行而肅軍律。

將此由五百里各諭令知之○又諭訥爾濟奏哈密復失巴里坤危急請飭催援兵並請飭福興等籌糧接濟何瑄奏哈密失守情形各摺片覽奏曷勝憤懣此次吐魯番回匪攻犯哈境官兵接仗失利以致哈城復陷巴里坤雖在北路而相距不遠情形自必危迫成祿一軍屢催出關至今未報起程而哈城又失該提督遷延之罪萬不能辭著卽趕緊克復肅城迅速出關保護巴城以贖前愆儻如

前玩忽不遵必當併治其罪李雲麟有幫辦之責現在西路情形如此該參贊亦當思良策援救不得膜視庫克吉泰德興阿所帶官兵本日已准其由山西行走卽著剋期出關前赴巴城會同訥爾濟等認真防守訥爾濟何瑄務當同心協守不得專待援兵致誤事機巴城口糧匱乏無路可採亦係實情卽著福興李雲麟籌備糧石剋期運赴巴里坤以蘇涸轍李雲麟奏西征官兵請改由商路行

走一摺現在庫克吉泰等所統征兵已准令由甘肅出關該將軍等亦已遵旨起程未便朝令暮改致涉紛更所奏無庸置議將此由六百里諭知庫克吉泰德興阿李雲麟福興訥爾濟成祿並傳諭何瑄知之○以山東昌邑縣捐輸軍餉永廣學額六名○以臨陣脫逃哈密副將凌祥都司趙英傑革職治罪○予廣東鎮平等處陣亡守備王朝先等一百十員祭葬世職○辛卯

孝惠章皇后忌辰遣官祭

孝東陵○諭內閣吏部奏遵議侍郎胡家玉等處分一摺兵部左侍郎胡家玉工科給事中張晉祺均著照吏部所議革職留任四年無過方准開復胡家玉並著無庸在軍機大臣上學習行走○又諭本日據管理錢法堂事務崇綸畢道遠毓祿王發桂奏遵查戶工兩局鼓鑄情形各一摺所稱近因滇省銅廠停開專用收買銅斤鼓鑄錢文質未純淨錢形

閒有參差。工局現年所鑄錢數較少。各等語。錢法關係民用。各該管堂官及監督自應認真籌辦。以期一律流通。豈可不加意講求。致啟挑剔之漸。辦理不善。咎實難辭。所有戶工兩部兼管錢法堂事務大臣。及寶源寶泉兩局監督。著先行交部分別議處。嗣後該堂官等務當遵循成法。認真督辦。期於裕國便民。永無流弊。儻再任意因循。致滋弊竇。定當從重懲處。摺內所稱應行酌定章程。仍著妥議具奏。尋奏遵議章程七條。一廣籌銅斤。以裕鼓鑄。一錢文分兩。酌量以三錢五分為率。一發廠銅斤。宜覈實計算。並停止配搭鉛斤。一局廠各員。宜嚴加責成。一四廠宜添設勇丁。幫同巡邏。一四廠圍牆及鑪磨各房。宜加修葺。一嚴拏私銷私鑄。以期官錢暢行。從之。○又諭崇厚奏請飭盛京採訪節孝等語。陪京民風敦厚。為四方觀感。所資所屬。各州縣旗民人等。以節孝著稱者。諒不乏人。若如該侍

郎所奏。監生房佩宛純。何振鐸妻舒氏。均未查明旌表。恐此外淹沒不彰者。正復不少。即著盛京禮部侍郎。奉天府尹。府丞。督飭旗民地方官。將該省孝子節婦。有事實可據者。隨時詳加採訪。奏請旌表。以維風化。毋稍冒濫。其例應具題咨部之案。即著照例辦理。不得率行奏請。○又諭劉蓉奏道員積勞病故。遺愛在民。臚列政績。懇請表章。一摺。吏治之興。以盡心民事為斷。已故陝西鳳郿鹽法道黃輔辰。歷官中外二十餘年。其在本籍創辦團練。繕治城防。勸儲倉穀。諸事均能通達政體。便利小民。及在陝西鹽法道任內。興辦屯田。復采輯書籍。為營田輯要。以利民食。正經界定限制。緩錢糧。定租額。種種籌畫。卒能以所言見諸施行。期年之中。查出叛絕各產三十餘萬畝。招民認墾。接濟軍食。陝民全活者甚眾。並督辦省防保甲。曉諭漢回。編立十家牌。稽查奸宄。復整頓省城義學。以課勤惰。該

故員任勞任怨。矢慎矢勤。及病亟。猶復續擬營田章程。詳請立案。其忠君愛民之忱。亟宜嘉獎。以勸將來。已故鳳邠鹽法道黃輔辰著准其入祀陝西名宦祠。並將該故員政績宣付史館。以為循良者勸。○諭軍機大臣等。前因直隸添練新軍。曾經劉長佑奏稱。易州一軍擬派前大名道祝瑄為總統。茲據侍郎毛昶熙奏稱。該道員之材。止可以供驅策。若令獨當一面。恐致債事等語。該侍郎與祝瑄共

事有年。知之自悉。易州一軍著劉長佑另揀妥員派充總統。以期於事有濟。祝瑄現在曾國藩軍營。能否不致誤事。並著曾國藩隨時考察量材差遣。毛昶熙原摺均著鈔給閱看。將此諭令知之。○又諭李鴻章奏接受關防籌商調度情形一摺。李鴻章於接受關防後。派劉銘傳、劉秉璋等軍由固始商城與周盛波、張樹珊所部分道入鄂。著卽飭令該提督等實力追勦。與鄂軍夾擊。毋稍延緩。周盛波

因行糧缺乏。停兵待餉。著李鴻章卽迅撥餉銀解往該營。嚴催前進。毋任藉詞稽延。賊蹤已竄德安。該大臣現飭李昭慶統率王永勝等軍馳赴汝甯。信陽擇要屯紮。布置均尚周密。如賊由德安北竄汝信。卽著飭令李昭慶迎頭截擊。譚廷襄、曾國荃亦當飭令鄂軍出境追擊。若賊久踞鄂境。卽著李鴻章飭令李昭慶入鄂助勦。以杜賊匪北竄之路。南陽一帶尚形空虛。卽著李鶴年檄飭宋慶等軍豫

為扼堵。其襄陽一帶著譚廷襄、曾國荃分派鄂軍力籌堵截。毋令竄入陝境與西路張總愚等股匪合併。是為至要。霍六等處既有皖軍分布防守。任賴等逆如由德安回竄黃州。卽當合皖鄂湘淮各軍設法兜裹。以圖聚殲。賊騎飄忽。靡定軍情。亦旦夕異宜。李鴻章等當隨時酌度情形調度。總期督令湘淮諸軍並約會皖豫鄂各師不分畛域。合力齊心。同殲醜類。毋誤戎機。曾國藩著仍遵前旨。卽回

江督本任以便李鴻章交卸地方事務專理軍政且可相機出境就近調度該督勳望素著辦理軍餉亦係重任不必身在軍營始足表篤恭之忱也將此由六百里各諭令知之○又諭前因左宗棠奏請來京陛見當經批令來見原冀面授機宜詢問方略而現在甘省東路平慶一帶陝回肆擾西路河狄為甘省大股回匪所聚楊岳斌既一籌莫展穆圖善亦不能派兵援救加以哈密失陷巴里坤

危急關內外情形同時鼎沸眷言西顧竟無人能為朝廷分憂者左宗棠嫻於韜略素所深知著卽馳赴甘肅督辦軍務暫時毋庸來京俟甘省軍務事竣再行奏請將此由六百里諭令知之○又諭穆圖善奏滙陳軍營情形並籌陝省軍務一摺回目馬生彥等遞稟投誠欲移黃河南岸該將軍現已移知楊岳斌籌地安插惟該回目並未呈繳馬匹軍械是否真心悔罪該將軍仍當確切查明不可

為其所給楊岳斌亦當隨時留心體察與穆圖善商酌辦理不得意存偏執致誤事機中衛等處既有賊氛穆圖善自應力籌勦辦不得藉詞逗遛擁兵觀望鮑超一軍專辦勦擒事務並非令其久駐陝境辦理回匪如擒匪竄出陝境該提督卽當追勦出陝穆圖善勦辦中衛一帶土匪事竣後如遇陝省軍務喫緊之時仍當分兵兼顧包頭歸化城一帶為該軍後路餉道德興阿已派察哈爾馬隊並

蒙古兵共七百名赴包頭防守替出全福馬隊赴甘進勦著福興卽督飭此起官兵實力防堵如無賊蹤卽飭此軍赴甘以助攻勦趙長齡卽飭總兵馬陞遵奉前旨迅赴包鎮毋稍遲緩將此由五百里各諭令知之○又諭穆圖善奏接據趙長齡咨照固本兵餉改解部庫所有山西代解直隸應協花馬池餉銀五千兩應卽停止由直隸自行籌解各等情直隸應解該營之餉積欠甚多官兵苦累不

堪若再停止此項餉銀必至飢寒日甚恐有他虞請將山西應解固本餉銀仍解花馬池軍營直隸應解軍餉撥解部庫等語所奏係為該處邊防萬緊起見所有山西應解固本銀五千兩卽著趙長齡仍照舊章按月撥解花馬池軍營作為直隸協解軍餉直隸尚應補解花馬池軍營餉項五千五百兩劉長佑仍當迅籌撥解藉應急需惟固本京餉所關尤為緊要直隸籌練新軍不容短欠並著劉

長佑妥籌兼顧赴京領餉之時豫將山西抵撥之五千兩由直隸備齊撥發戶部卽行扣抵以資軍食而重部款將此由五百里各諭令知之○賞賽因諾顏扎薩克貝勒錦丕勒多爾濟三眼花翎○以廣東嘉應等處勦辦竄匪出力賞總兵官王有明一品封典蕭芳雲李長靖柳煥增副將黃國瑞黃國安陳超宗羅玉成龍太勝張宏泰李其祥陳敬德金昌言張鵬飛文九和周茂盛夏開鵬李思孝

羅運泰柳金山劉子成參將李大貴湯順熊兆瑞彭士貴楊明德羅起儀蕭全元劉福興陳友元劉明勝遊擊臧德方得勝唐宗堯楊朝榮謝代元鍾開發張發祥都司張三元胡達等顏占彪巴圖魯名號參將鍾孝貴等花翎遊擊劉定璫等藍翎餘加銜升敘開復有差○以福建官軍克復廣東鎮平等城出力賞副將蕭大有何世載巴圖魯名號參將唐尉廷等花翎守備潘喜等藍翎餘加銜升敘開復有差○追予安徽廬江陣亡候選訓導潘璞建立專祠○予湖北各屬陣亡殉難千總周明昭等紳民婦女一千六百四十八名口分別旌卹如例○旌表守正捐軀河南上蔡縣民女郝煥妮○壬辰以四川勦平馬邊等處逆匪地方肅清賞總兵官劉華燦唐友勝童法三一品封典同知銜知縣張秉堃花翎通判楊秉琛等藍翎餘升敘有差○以虧短公項革四川從九品郭恩榮職並逮問○

予四川各屬陣亡殉難紳民婦女三千五十
八名口分別旌卹如例○蠲緩浙江仁和錢
塘海甯富陽餘杭嘉興秀水嘉善海鹽平湖
石門桐鄉烏程歸安長興德清諸暨金華蘭
谿東陽義烏永康武義浦江湯溪西安龍游
開化建德淳安遂安壽昌桐廬分水山陰會
稽蕭山甯海天台仙居江山常山麗水縉雲
青田松陽遂昌雲和宣平新昌五十州縣暨
杭嚴嘉湖衢州三衛被水被旱被風被霜未

墾地畝新舊額賦並雜課有差○癸巳恭纂

文宗顯皇帝實錄

聖訓告成監修總裁大學士賈楨等奉表恭進
上詣保和殿行禮御太和殿作樂宣表監修總
裁等行禮畢王貝勒貝子公及文武各官等
奏言欽惟

文宗顯皇帝德符堯舜

化媲義軒

沛澤延鴻

垂謨詒燕

皇上寅承

寶命勤切繹思仰執中建極之

前徽紹錫福綏猷之邇治茲者恭進

文宗顯皇帝實錄

聖訓

上儀懋舉天地為昭於萬斯年勿替敬典臣等

欣逢

景運祇迓

蕃祺曷勝慶忭歡悅之至

上傳制曰朕惟

皇考文宗顯皇帝豐功炳煥

邇治光華

錫福誠民

澤覃寰宇朕欽承

眷命祇仰

詒謨特命大學士等恭輯

實錄

聖訓敬思續緒彌切紹聞茲者纂修告成

上儀懋舉俾朕克循

成憲繼序無忘以永承丕丕基亦俾我子孫臣

庶咸率由惟謹實億萬世無疆之祚朕心欣

悅與卿等同之王以下文武各官行慶賀禮

派出奉書之貝子公及宗人府官由保和殿

恭奉

實錄

聖訓至乾清宮安設

上詣香案前行禮○詣綏履殿

慈安皇太后前行禮平安室

慈禧皇太后前行禮○諭內閣欽惟我

皇考文宗顯皇帝體元出治紹

統凝庥

臨御十有一年日理萬幾不敢自暇自逸

敬

天

法

祖

勤政

愛民

剛健日新

智勇天錫

祀

壇

廟則倍形雖肅

謁

橋山則畢致敬誠

賢賢而葑菲無遺

親親而葛藟遠庇

闡性理以端正學

崇節儉以厚民生

詩誡因循大廷共懷

諭褒直諫言路宏開肆赦

恩多有必矜之蒼赤蠲租

澤溥無不接之青黃屬以小醜跳梁四郊多壘

皇威震怒

命將出師三捷之奏頻聞早清北路

十全之謨屢運更念南陲既欽

神武之布昭

功垂金石尤仰

聖文之巍煥

道炳日星如絲如綉如綸極數十百卷而莫罄

立言立功立德閱千萬億世而常新朕以幼

冲仰承

懋載誕膺

寶命稟

訓

慈闈伏見

大烈

耿光承

先啟後爰於嗣位之初命大學士等督率官員

敬謹纂修

實錄紀事編年悉歸簡質共成書三百六十卷

又續經恭輯

聖訓一百十卷

盛德大業凌古鑠今茲者全書告成百僚共慶

典謨炳蔚億禩為昭金匱尊藏紹聞彌切館臣

等五載以來悉心編勘妥速竣功允宜優加

甄敘以彰鉅典而獎勤勞監修總裁官正副

總裁官暨提調纂校收掌繕譯等員於執事

人員作何議敘之處該部查照舊例斟酌妥

議具奏其筵宴賞賚亦著該部查例具奏○

又諭本日

皇考文宗顯皇帝聖訓

實錄告成朕於辰刻吉時御殿受書祇肅禮成

百僚畢賀維時卿雲紉縵瑞靄繽紛吉事有

祥彌增欣慶仰維

皇考文宗顯皇帝建極綏猷

斟元御宇十有一年之

詒謀盛業具載典謨朕志切紹聞常存敬畏上

稟兩宮

慈訓兢業自持均幸仰邀

眷佑故當此全書告成之日欽承

鴻貺明示庶嘉實我國家億萬年景福所基嘉與在廷大小臣工同殷歡忭允宜普錫恩施用昭鉅典除降旨將監修總裁以下各員並在館執事人等分別加恩外所有本日進書執事之親王郡王均著加恩紀錄四次恭親王並加賞御用貂冠一頂御用金龍褂一件執事之貝勒以下宗室文武官員及執事之

大臣官員均著加恩紀錄二次其宣讀表文致辭制答各員均著加恩紀錄二次其餘文武大小各員均著概行施恩紀錄一次此外八旗兵丁並著加恩照現放章程各賞給一月錢糧以示慶成錫福闡澤覃敷至意○又論本日

皇考文宗顯皇帝聖訓

實錄告成朕祇肅受書實深欣慶除現已降旨將在館各員及執事人等一併施恩交部查

照舊例優敘錫賞外溯思開館以來所有監修總纂總裁副總裁等皆能盡心編輯各矢勤勞允宜特加優獎監修總裁大學士賈楨在館五年始終其事著加恩賞戴花翎伊子山西潞安府知府賈致恩著以道員用仍在任候升總裁大學士周祖培續辦彙本妥慎精詳伊子監生周文令著賞給舉人准其一體會試舉人周文僉著賞給員外郎分部學習行走總裁戶部尚書寶璣禮部尚書倭什琿布副總裁吏部尚書文祥兵部右侍郎伊精阿禮部左侍郎察杭阿均係始終其事寶璣著賞加二級伊姪筆帖式景增著賞給舉人准其一體會試倭什琿布著賞加太子少保銜文祥著賞加二級伊子二品廕生熙治著以六部員外郎用俟及歲時分部學習行走伊精阿之孫筆帖式文錦著以六部主事用俟及歲時分部學習行走察杭阿之姪戶部主事裕溥著以本部員外郎用副總裁兵

部尚書董恂在館二年著賞加三級工部尚書單懋謙在館四年著賞加三級紀錄二次左都御史汪元方在館二年著賞加二級刑部左侍郎靈桂在館三年著賞加三級離館之副總裁前任吏部左侍郎孫葆元在館二年著賞加二級前任山西巡撫沈桂芬著賞加一級禮部左侍郎龐鍾璐著賞給紀錄二次監修總裁原任大學士桂良翁心存均著加恩賜祭一壇桂良之子鹽運使銜坐補四

川永甯道延祐著賞加二品銜翁心存之子翰林院侍講翁同龢著賞加四品銜總裁原任大學士學士麟魁原任兵部尚書愛仁原任禮部尚書李棠階原本副總裁原任工部尚書李菡均著加恩賜祭一壇李菡之孫內閣中書李桂攀著賞加六品銜以示朕推恩懋賞嘉獎勤勞至意○諭軍機大臣等張凱嵩奏鎮南竄匪闖入泗城分兵勦辦及安插廣東客民酌籌妥辦各等語鎮安土匪因山

澤蕩平欲由泗城竄赴黔疆凌雲縣知縣劉琢帶兵扼堵而該匪已由間道闖入縣治覽該撫所奏此股土匪零星竄逸僅止千人又稱該知縣調集兵練輪流往攻斃賊甚眾是強弩之末已不難就地殲除何以遽由間道突撲縣治該知縣竟毫無禦備若此殊恐不實不盡凌雲縣知縣劉琢著先行革職暫准留營效力贖罪仍著張凱嵩將實在情形查明據實具奏不准為屬員規避罪名其代理

泗城府知府陳燮埏是否遇害及武員專汛各職名一併查明具奏並著趕緊飭令覃遠璉抽調勁軍馳赴泗城與鎮安一軍約會殲勦剋期收復不得縱令入黔以出境為了事東省客民二千八百餘名遞交蒼梧縣轉解何以東省並未移咨該撫客民人數眾多必須零星貲遣擇其實有親友可投謀生有賴之處酌予編插方易鈴束若竟令大隊西行將來別滋事端該督撫又豈能卸責著瑞麟

蔣益澧會同張凱嵩妥籌辦法毋徒以鄰為壑將此由五百里各諭令知之尋張凱嵩奏遵查劉琢委係先期在外堵禦且該縣本無城池情尚可原知府陳燮埏與遊擊張麟瑞守備李敦忠於竄匪闖入府城後旋即隨同克復應均請革職暫行留任下部議從之○廣西巡撫張凱嵩奏撥除伏莽地方一律肅清得旨該撫仍當嚴飭所屬隨時搜捕毋令餘孽復萌又煩兵力其善後各事宜尤當認真經理不得有名無實○科爾沁卓哩克圖

親王濟克登旺庫爾等五人烏珠穆沁車臣親王彭蘇克那木濟勒喀喇沁都楞郡王色伯克多爾濟等五人敖漢郡王布彥德勒格呼固魯克齊等二人阿巴哈納爾貝子桑齋薩喇特多布色林頭等台吉阿拉瑪斯巴咱爾等二人扎賚特郡王阿勒坦鄂綽爾阿巴噶郡王瓦津達拉等二人浩齊特郡王濟克登噶維張蘇尼特郡王托第布木等二人土

默特貝勒散巴勒諾爾贊茂明安貝勒格楚克扎魯特鎮國公達瓦甯保郭爾羅斯鎮國公噶爾瑪什第察哈爾輔國公桑魯布多爾濟喀爾喀扎薩克頭等台吉拉布坦多爾濟藍翎侍衛達爾瑪扎布於內右門外瞻覲○甲午諭內閣左宗棠奏遵保堪勝水師總兵並堪膺保薦各員一摺署福建海壇鎮總兵候補參將黃聯開儘先副將李廷芳吳奇勳均著記名以水師總兵用並著送部引見候補都司楊廷輝升用都司陳世榮升用守備曾文章均著一併送部引見○又諭左宗棠奏遵查道員不能勝任請分休致致降補等語浙江甯紹台道史致謬辦理諸務尚無貽誤惟年力就衰兼有嗜好著以原品休致杭嘉湖道陳瑞戰功頗著惟因事離營之際眾論譁然不厭眾望著以同知降補○又諭左宗棠奏甄別文武各員一摺福建候補知府程榮春素性殘刻聲名平常候補知府施照

庸闇性成難資表率革職留緝永春直隸州知州周式濂徇庇家丁性情兇猾題補雲霄同知湯廣勛心地糊塗緝捕廢弛軍功保留福建通判徐紹蘭閩縣知縣秦煦俱有嗜好以上六員均著卽行革職撫標中軍參將丁翼虛浮性成不堪造就泉州城守營參將閔長齡性耽安逸營務懈弛捐納試用遊擊施鴻猷庸鄙不職聲名甚劣陸路中軍參將禧祿居心巧詐不能約束兵丁捐輸參將黃虎

勝昏庸不職差操急玩興化協左營都司德啟貪詐妄為兼有嗜好捐輸守備黃益然遇事玩弛嗜好甚重以上七員均著卽行革職棟發副將常山在署興化協副將任內為劣弁蒙蔽不能振作有為惟質地尚好近頗勤謹著以都司降補○諭軍機大臣等曾國藩奏再陳下咽請開兩江總督等缺並近日軍情各摺片前因曾國藩患病未痊軍營事繁特令回兩江總督本任以資調攝並因其請

以散員自效復疊次諭令迅速回任俾李鴻章得以相機進剿曾國藩為國家心膂之臣誠信相孚已久當此捻逆未平後路糧餉軍火無人籌辦豈能無誤事機曾國藩當仰體朝廷之意為國分憂豈可稍涉疑慮固執己見著卽懍遵前旨剋期回任俾李鴻章得專意勦賊迅奏膚公該督回任以後遇有湘淮軍事李鴻章仍當虛心咨商以期聯絡一氣毋許再有固請用慰廑念張總愚股匪有循

南山竄興安之信鮑超因等候軍餉尚在南陽著曾國藩李鴻章催令迅速進剿不准再有遷延致誤戎機正在寄諭間復據官文鮑超馳奏東西軍情任賴等逆竄至雲夢等處相繼失守曾國荃駐紮德安統帶兵勇不少調度無方致該逆如入無人之境不知所司何事著傳旨嚴行申飭現在賊勢將趨棗襄仍回豫境著譚廷襄曾國荃嚴飭郭松林等軍認真堵剿毋許任其肆擾曾國荃身臨前

敵責有專司。尤不得稍涉推諉。致干重咎。鮑超已由新野赴鄂。該提督數月以來從未接仗。此次統軍赴鄂。距賊甚近。若與湘淮諸軍前後夾擊。即可就地殲除。斷不准徒託空言。復任他竄。該逆飄忽靡常。豫境亦宜豫為防範。並著李鶴年派兵迎勦。毋令稍停喘息。豫省兵力本單。卽著曾國藩、李鴻章派兵兼顧。免致蔓延陝西。張總愚股匪自竄擾藍田等處以來。現在情形。是否窺伺興安一帶。殊深

廕念。鮑超業已先行赴鄂。其陝西軍務著喬松年、劉蓉督軍追勦。毋得專待客兵。該省前因官兵挫敗。久未接仗。鮑超所稱屢有小捷之信。未免藉詞掩飾。稽留著該提督於鄂豫之交。迅殄醜類。仍卽折赴陝中會勦。不得稍有趨避。致損軍威。將此由六百里諭知曾國藩、李鴻章、譚廷襄、曾國荃、喬松年、劉蓉、李鶴年。並傳諭鮑超知之。○又諭前因阜保奏稱新疆征兵改由陝甘進發。前撥月餉無庸由

歸化設局轉解。當經降旨交戶部速議具奏。茲據該部議覆新疆征兵餉項應解至陝省。遞解李雲麟軍營。應由歸化轉解。並請飭庫克吉泰等將存營兵數報部。歸化轉運事宜。卽由福興就近經理。所籌尚屬周妥。庫克吉泰統帶直隸等處征兵。德興阿統帶察哈爾等處征兵。現既改道由陝甘進發。並有旨令庫克吉泰等將所帶征兵裁汰老弱。挑選精銳帶往。所需月餉無多。卽著趙長齡自本年

十二月起。在原定新疆內餉內按月劃分二萬五千兩。徑解陝西藩庫。由陝西委員遞解甘肅。探明庫克吉泰、德興阿軍營投交。此項征兵出口後。仍由陝甘二省查明餉道轉運。卽著楊岳斌、喬松年妥為辦理。此項新疆月餉尚餘銀七萬兩。卽作為李雲麟軍營月餉。著趙長齡、閻敬銘、丁寶楨、李鶴年、劉長佑各按原定數目。按月徑解歸化城轉運。所有歸化轉運事宜。著福興就近經理。阜保著卽回

京庫克吉泰德興阿李雲麟現在存營兵數並每月需餉若干均著迅速查明分別報部以憑覈辦將此由五百里諭知庫克吉泰德興阿李雲麟福興劉長佑楊岳斌李鶴年閣敬銘趙長齡喬松年阜保並傳諭丁寶楨知之○以湖北克復黃陂縣城出力賞總兵官劉士貴副將張士元劉勝瑞一品封典張士元並賞巴圖魯名號副將唐友遠等花翎守備王喜等藍翎餘加銜升敘有差○乙未諭

內閣此次恭纂

皇考文宗顯皇帝實錄

聖訓該總裁等盡心編輯允宜嘉獎勤勞前特降旨將監修總裁官正副總裁官作何議敘交該部查例議奏茲據賈楨等以業經渥荷恩施籲請停免議敘情詞懇至自應俯如所請賈楨周祖培寶鋆倭什琿布文祥董恂單懋謙汪元方伊精阿靈桂察杭阿議敘之處俱著准其停免交部其業經加恩之離館監

修總裁正副總裁等亦著毋庸再給議敘以歸畫一○又諭兵部奏記名提鎮無標營可歸各員請發往各省各營差委一摺所見甚是各省武職積功保至提督總兵其中不乏才能出色之員近因記名人員較多一時未能補缺其有在各省各營差委者尚可藉資練習至無標營可歸各員赴部引見後守候日久投閒置散必至技藝荒疏殊為可惜著兵部查明業經引見之提督總兵內無標營

可歸各員開單呈覽候旨發往各省標營差委其尚未到部各員並著俟將來帶領引見時聲明請旨○又諭前因富明阿富爾孫奏稱該將軍倡捐錢文修築吉林土圍並聲明不敢邀恩當經降旨將富明阿等交部議敘茲據該將軍等奏稱請援案移獎子弟所奏殊屬非是該將軍等均係地方大員捐貲修築圍牆亦屬分所應為何得存自利之見為子弟乞恩且該將軍前已聲明不敢邀恩迨

經加恩議敘之後。輒復奏請移獎。尤屬不合。富明阿、富爾孫均著交部議處。尋兵部議富明阿、富爾孫均降三級調用。無庸查級。議抵得旨。均著加恩改為革職留任。○又諭福興奏遵照部議請將辦防出力之員另覈請獎一摺。二品頂帶協領文山該將軍請以副都統簡放之處未免過優。著改為賞加副都統銜。防禦常喜著以佐領儘先升補。○又諭瑞麟、蔣益澧奏遣散客民沿途安靜一摺。並請

准客民編籍考試及開復廩生黃翼泰衣頂各等語。廣東肇慶等處土客各民構釁械鬪仇殺多年。經瑞麟、蔣益澧派兵彈壓。勦撫兼施。將客民給貲遣散。分赴高廉雷瓊及廣西之賀容貴等縣。平南戎墟等處安插。該客民沿途行走俱屬安靜。辦理頗為妥協。著瑞麟、蔣益澧、張凱嵩督飭委員並各地方官妥為經理。務令土客相安。毋任別滋事端。如該委員及地方官有辦理得宜者。准該督撫酌量

奏請獎敘。毋許冒濫。儻有玩忽推諉各弊。卽著隨時叅辦。所有新遷客民准其附入各該州縣另編客籍一體考試。每童生二十人准其取進一名。以示鼓勵。並著各該省學政督飭學官廣為宣導。正學俾啟顓蒙。悉臻良善。客目已革廩生黃翼泰既經悔罪。著准其釋放。給還衣頂。此後土客各民儻有自分畛域互啟爭端者。著各督撫飭令地方官秉公辦理。但分曲直。不分土客。毋許稍存偏袒。以期

日久相安。○又諭蔣益澧奏勒限趕辦奏銷請嚴定遲逾處分一摺。各省地丁錢糧為國家惟正之供。州縣之有無虧那。全憑奏銷為考覈。廣東辦理奏銷例。定於次年五月由藩司將收支數目彙造總冊分款詳請題咨。乃該省自辦理軍務以來。連年展緩。迨展緩期屆仍未能依限具題。竟至同治元年分奏銷延至本年五月始行造竣。若如此逐年遞推。尚復成何事體。該撫奏請提前趕辦。嚴定遲

逾處分具見辦事認真可嘉之至即著照該撫所議除二年分奏銷已由該撫於十一月具題外其同治三年分奏銷勒限於六年五月以前辦竣四年分奏銷勒限於六年十一月辦竣五年分奏銷勒限於七年五月辦竣六年分奏銷勒限於七年十一月辦竣儼以後藩司及糧道衙門再敢任意遲延即著該撫據實叅處如州縣造報遲逾及武營銷算冊籍延不造送即由藩司分別詳叅若該撫

督催不力致逾定限即一併交部從嚴議處近來各省州縣徵存錢糧造冊任意延閣以致那新掩舊弊端百出並著各直省督撫嚴飭藩司破除情面勒限清釐所有錢糧奏銷各冊均須依限造報儻任意稽遲即著該部照例叅處以重國帑而杜弊端○諭軍機大臣等瑞麟蔣益澧奏派兵進攻曹冲客匪繪圖呈覽一摺曹冲匪徒踞險聚眾攻破城寨而地方逼近省垣尤為肘腋之患瑞麟等飭

徐文秀等分東西兩路進剿並派梅啟照等帶兵進駐北路復令任星元等統帶水師節節設防布置尚為周密即著瑞麟等嚴飭該將領等痛加勦洗以除積患儼該匪經官兵懲創悔罪投誠並著該督撫斟酌辦理其五阮土匪瑞麟等已飭鄭紹忠分投扼堵著俟曹冲事竣即行移軍進剿毋稍延緩將此由五百里各諭令知之○引見已革護軍統領常星阿得旨著發往庫克吉泰軍營效力○

以正黃旗蒙古都統載容署正白旗漢軍都統○以孝行卓著擢廣東從九品孫所以知縣用○予浙江各屬陣亡殉難布政司經歷唐銑等紳民婦女二百八十一員名口分別旌卹如例○展緩吉林三姓歉收地方民欠銀穀

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十一

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十二

穆宗實錄卷之一百九十二 同治五年丙寅十二月丙申 孝和睿皇后忌辰遣官祭 昌西陵○丁酉 孝德顯皇后忌辰遣官祭 定陵○諭內閣崇厚奏議覆奉省改設道員應 請加銜一摺奉天新設奉錦山海道員缺著 准其照福建臺灣道例賞加按察使銜以符 體制其添設海防同知亦係海疆要缺俸滿 時送部引見應如何給予升階之處著奉天 府府尹妥議具奏○諭軍機大臣等李鶴年

校修

同治五年丙寅十二月丙申

孝和睿皇后忌辰遣官祭

昌西陵○丁酉

孝德顯皇后忌辰遣官祭

定陵○諭內閣崇厚奏議覆奉省改設道員應
請加銜一摺奉天新設奉錦山海道員缺著
准其照福建臺灣道例賞加按察使銜以符
體制其添設海防同知亦係海疆要缺俸滿
時送部引見應如何給予升階之處著奉天
府府尹妥議具奏○諭軍機大臣等李鶴年

奏任賴逆股竄至湖北天門。遵飭宋慶一軍越境追勦。一摺逆蹤已入天門。其西南有江漢之阻。現在鮑超一軍業已入鄂。著譚廷襄曾國荃督飭鮑超郭松林張樹珊劉銘傳等各路之兵三面兜圍。務須就地殲除。不准再有竄逸。誠恐該逆慣於避兵。乘虛回竄。李鶴年務當督飭宋慶一軍兼顧後路。毋任回竄。致辦理又形棘手。曾國藩李鴻章即飛檄鮑超等援鄂之軍實力會勦。盡殲醜類。不得稍有退縮。李鶴年俟張曜到豫。與之通盤籌商。酌量出境居中駐紮。以資得力。西竄之張總愚股匪著該撫隨時確探。嚴密設防。毋稍鬆勁。將此由六百里各諭令知之。○又諭傳諭貴州布政使嚴樹森嚴樹森奏沿途訪查張亮基大概情形。並將黔捐局文開單呈覽。一摺貴州遵義等處道路雖多梗阻。惟張亮基被參各節既據該藩司訪有端倪。自應趕緊進省嚴查。以期水落石出。著嚴樹森仍遵前

旨設法進行。體程進省。將張亮基被參各款確切查明。據實具奏。有人奏開復道員鄧爾巽為黔中著名劣員。初任綏陽時假勸捐為名。肆行挾括。調任遵義。虐斂愈張。每聞賊警並未帶練出城。賊去縱練殃民。殺掠百姓。及前赴威甯等處所部到處騷擾。視賊尤酷。逃至大定。激變團眾。情罪難容。數張亮基徇情率請開復。欺罔莫此為甚。請將鄧爾巽開復保案撤銷。永不敘用。等語。鄧爾巽貪酷狼

籍。至於此極。亟應嚴行查辦。以儆官邪。著嚴樹森一併查明。迅速具奏。原摺著鈔給閱看。○命理藩院右侍郎魁齡通政使司通政使于凌辰太常寺少卿王維珍鴻臚寺少卿文碩前往西山查探水源。○廣東水師提督溫賢因病解職。以陽江鎮總兵官任生沅為水師提督。順德協副將衛佐邦為陽江鎮總兵官。○緩徵安徽懷甯桐城潛山大湖宿松望江貴池銅陵建德東流當塗蕪湖繁昌無為

合肥舒城廬江巢靈璧定遠阜陽潁上太和霍邱泗水長三十六州縣被水板地方本年額賦有差○喀喇沁輔國公德里克呢瑪烏珠穆沁輔國公車林多爾濟蘇尼特扎薩克都楞郡王那木濟勒旺楚克阿巴噶卓哩克圖郡王剛噶爾倫布等二人於養心門內瞻覲○戊戌諭內閣吏部奏查出請封各員與例不符請旨辦理並酌議章程一摺向來覃恩應請封典各員例應開明出身履歷取

具冊結呈請吏部辦理乃近來各衙門請封之員經該部查出竟有與例不符應行駁斥者朝廷曠典豈容含混濫邀惟念歷時已久若令將詰敕概行呈繳轉滋紛擾所有從前業經請封各員著免其查銷除現在查出檢舉之堂司各官加恩免其議處外其從前出結之同鄉京官及吏部承辦各員未能詳慎均著查取職名分別議處嗣後應請封典各員務須按照定章辦理不得稍有蒙混○諭

軍機大臣等譚廷襄曾國荃奏官軍追賊獲勝現在勦辦情形一摺此次捻逆闖入鄂境疊陷城池雖各軍俱有勝仗尚為奮勉而曾國荃督兵近在德安漫無調度致令該逆任意蹂躪甚負期望著即會同譚廷襄嚴飭各軍設計痛勦務當就地殲除毋令竄入豫境並著曾國藩李鴻章飭令周盛波等分道進勦會合夾擊其襄河北岸著曾國荃派兵會同唐協和嚴密堵禦總之該逆在鄂地勢既非平曠馬力不能施展若各軍四面夾擊齊心併力必可痛挫其鋒以後勢如破竹易於勦辦儻僅侈報小勝而任聽該逆四竄於大局何益曾國荃久在軍營豈不深知諒不煩諄諄指示也鮑超一軍諒已抵鄂距賊不遠當可接仗並著曾國藩李鴻章催令迅速進勦毋再遷延致誤疊飭援陝事機第鄂境力勦之後該逆乘間竄豫亦在意中著李鶴年懍遵前旨派軍防勦不可稍涉大意譚廷襄

等另片奏失守地方之知縣文湛等事。出倉卒。情有可原。並隨同官軍收復城池。請革職留任等語。該員等失守地方。厥咎甚重。若僅予以革留。未免失之寬縱。雲夢縣知縣文湛。應城縣知縣沈兆元。署天門縣知縣楊宗時。均著改為革職留營效力。以示懲儆。將此由六百里各諭令知之。○又諭穆圖善奏甘省軍務喫緊。未能移師赴陝一摺。回目馬生彥。楊汶智等。具稟投誠。疊經諭令穆圖善審察。

真偽。飭令呈繳軍械馬匹。為所紿。現在該回目等。雖遷移糜子灘三角城地方。聽候安插。而馬匹軍械。均尚未繳。穆圖善務當審察情形。與楊岳斌妥商籌辦。不得草率因循。致墮該回目詭謀。鎮番一帶。既有飢回勾結土匪。出邊擄掠。該將軍自應派兵馳赴鎮番。認真按捕。以清其源。惟當分別良莠。慎毋妄戮。良回再致騷動。陝省已有西蒙克西克程興烈。兩軍赴援。即著喬松年劉蓉飭令分路防

勦。並與涇州等處防軍聯絡聲勢。杜賊東竄。穆圖善著暫緩馳赴涇州。該將軍所統各營兵數。已不為少。惟當力籌甘省北路防勦。毋得擁兵觀望。藉詞坐鎮。虛糜餉項。擒匪是否尚在藍田一帶滋擾。喬松年劉蓉半月以來。未經奏報。現在軍情賊勢如何。著喬松年等隨時具奏。以慰廑繫。將此由五百里各諭令知之。○引見安徽鳳潁六泗道李文森。得旨著開缺。以道員發往雲南。交勞崇光差遣。委

用。○己亥。以雪澤未霑。

上於

大高殿設壇祈禱。親詣行禮。○遣惇親王奕誼

詣

時應宮恭親王奕訢詣

昭顯廟。貝勒載治詣

宣仁廟。貝勒奕劻詣

凝和廟。拈香。○以神靈顯應。頒甘肅省城

城隍廟扁額曰靈昭隴右。○諭軍機大臣等

楊岳斌奏請將譚玉龍等懲辦等語。譚玉龍擅自赴陝，咎有應得。惟尚奮勉，行間前已降旨撤去統領，暫免治罪。此時諒楊岳斌亦可接奉轉行矣。其營官陳義亦當暫免懲辦，以泯猜疑。已革參將李春海經李助發調赴南路，輒敢拔隊東走，記名提督傅先宗遇賊回竄，逗遛不前，以致挫敗。復又擅自截留糧石，實屬玩法。李春海著即飭令雷正綰派員拏解赴省懲辦。傅先宗著撤銷記名提督，即行革職留營效力，以示懲儆。本日復據楊岳斌奏收復平涼，請將雷正綰等優獎，已明降諭旨。將雷正綰賞還黃馬褂，並賞還勇號。著即傳知該提督令其奮勉立功，再膺懋賞。將此由五百里諭令知之。○又諭楊岳斌奏甘

省需餉急切，請飭催各省協款，並請催四川按月協餉各摺片。各省協甘餉銀解赴蘭州司庫者日少。晉省河東道庫部撥協餉亦未解到。該省米價昂貴，司庫異常支絀。各營兵

勇待餉甚急，情形萬分危迫。著崇實駱秉章李鶴年問敬銘趙長齡丁寶楨將應解甘省協餉迅速派員解往源源撥濟，以免譁潰之虞。並著趙長齡將河東道庫舊欠及部撥新款協甘餉銀如數撥解，毋稍遲延。其四川應解甘省月餉除成祿一軍應按月撥解一萬兩外，仍著崇實駱秉章每月協濟銀二萬兩。按月派員解往漢中，改交楊炳銓查收備用。並著楊岳斌飭令楊炳銓於川陝近甘地方

查明可通舟楫處所，設立倉廩，以便轉運。將此由五百里諭知崇實駱秉章楊岳斌李鶴年問敬銘趙長齡並傳諭丁寶楨知之。○又諭榮全奏山嶺被雪封閉，解餉艱難，並請頒給參贊印信及懇撥吉林等處官兵以資統帶各一摺。榮全運解喀帕兒軍餉行抵烏克克卡倫，被雪封閉，改道轉運，其寒苦艱難覽奏，曷勝廕念。榮全辦理此事，不辭勞瘁，深可嘉尚。現距科布多不遠，著於到科後會同李

雲麟妥為籌商。或榮全駐紮科布多。或令李雲麟前往烏里雅蘇台。協同各該將軍大臣等。將烏科兩城分投防守。俟蒙兵訓練已有成效。再行進剿。以期一鼓而前。不致再蹈覆轍。其出力之哈薩克等。自應給予頂翎。以資鼓舞。此後即由榮全自行酌辦。不可稍涉拘泥。領隊錫拉那眷屬。俱在伊犁殉難。甚可憫惻。此外官員兵勇等被難者不少。皆國家捐軀效命之人。俟伊犁收復後。均當查明。破格

施恩。建立專祠。以示光寵。伊犁參贊大臣關防。已交該部鑄造頒給。其未到以前著榮全刊刻木質關防。暫資鈐用。吉林等處官兵已由庫克吉泰等統帶。由甘肅出關。此外別無可撥之兵。著庫克吉泰德興阿迅即出關。前赴巴里坤駐紮。毋稍遲緩。成祿疊諭出關。至今未報起程。並著剋期前進。毋再遷延。干咎。將此由六百里各諭令知之。○黑龍江將軍特普欽奏呼蘭官兵入山緝獲敗匪。得旨。仍

著飭屬嚴密梭拏。逸匪以靖地方。不准稍有鬆懈。○以甘肅平涼府城被賊竄陷。旋即克復。賞還提督雷正綰黃馬褂。勇號。復已革提督周顯承。職。予知府李超羣。以道員用。革在逃遊擊劉玉昌。職。拏獲正法。千總文天麟。革職審辦。○以甘肅省城防剿出力。賞副將張玉春。文象奎。都司潘金安。巴圖魯名號。道員華祝三等花翎。把總文永春等。藍翎。餘加銜升敘。開復有差。予陣亡都司劉全順。守備王

進廷。祭葬。世職加等。○蠲緩江蘇山陽阜甯桃源鹽城高郵泰東臺興化寶應沐陽清河安東江都甘泉儀徵銅山豐沛蕭陽山邵。宿遷。睢甯海。贛榆通泰興海門。二十八廳州縣暨淮安大河揚州鎮江徐州五衛被水地方。新舊漕糧。並漕折銀。有差。○蘇尼特扎薩克都楞郡王那木濟勒旺楚克阿巴。當卓哩克圖郡王剛噶爾倫布等二人。喀爾喀扎薩克頭等台吉車林多爾濟。於神武門外瞻觀。○

庚子諭內閣理藩院奏已故額駙索曼郡王德木楚克扎布之侍妾等呈控新襲郡王薩哈拉倚仗王勢安心陷害請飭研訊一摺著派肅親王華豐寶鑒會同刑部秉公審訊定擬具奏○諭軍機大臣等傳諭湖南布政使兆琛兆琛奏進攻頗洞獲勝苗逆攻撲銅仁府屬均經擊退並孟溪等處連獲大捷各摺片官軍進攻頗洞疊有斬擒踴平賊壘五座賊卡兩重苗逆分股竄撲銅仁府八弓汛等

處均經官軍擊退著兆琛督飭各軍乘勝進攻分投勦洗將頗洞賊巢迅速攻拔其八弓等處竄匪並著節節掃蕩就地殲除毋令四出竄擾益肆蔓延貴字銳字等營旣在孟溪等處連獲捷音亟應力籌進剿以收破竹之效即著兆琛會商李元度等進攻荆竹園迅殄逆氛務絕根株○以貝子載鈞子溥芸襲已革奉恩鎮國公溥楣爵故宗室奕協子載昂襲已革奉恩輔國公載泰爵命賽因諾

顏郡王銜扎薩克貝勒錦丕勒多爾濟以郡王銜世襲罔替○以浙江海運漕糧出力予知府郭式昌等升敘有差○以江西捐輸軍餉永廣南安府學額五名崇義縣八名○予貴州銅仁陣亡總兵官洪有元遊擊夏陞高祭葬世職加等都司武得保等祭葬世職○予貴州玉屏殉難知府任式坊祭葬世職○宗駿賞卹如例○追予江蘇丹陽殉難知縣方濬泰建立專祠○翁牛特鎮國公永龍喀

爾喀扎薩克輔國公奈當蘇隆等二人察哈爾三等台吉布爾呢巴達爾等四人茂明安扎薩克頭等台吉綽克巴達爾呼喀喇沁額駙吉蘭泰等二人於養心門內瞻覲○辛丑諭軍機大臣等譚廷襄奏體察現在軍情分別督催防剿並請飭鮑超等籌辦陝匪各摺片賊匪在鍾祥之白口一帶郭松林等疊次獲勝前已據曾國荃奏報現在白口屯聚之賊由高家集一帶向西北竄至蒿湖及隨州

地界。曾國荃前奏派總兵劉維珍一軍扼險於東陽南山一帶。賊如由隨東竄去。自可前截。後追著譚廷襄曾國荃懍遵前旨。迅飭諸軍奮力合剿。毋任再回豫疆。又成不了之局。鮑超一軍現已拔隊入鄂。即著該提督視賊所向。認真剿辦。先將此股殲除。則陝賊勢孤。不難撲滅。毋再遷延瞻顧。與賊相左。徒勞跋涉也。各路餉需著譚廷襄悉心經理。以期無誤軍食。其有疲乏不整。萬難得力之營。著與

曾國荃會商裁汰。以節糜費。陝西賊股聞已襲陷臨潼。擾至壩橋等處。又附近西安省城之引駕迴牛犢杜曲等鎮。及孝義鎮安等處。俱有賊營。是此股賊眾已竄南山。希圖直達漢濱。該處棚民簽匪。本屬不少。設令勾結引導。西偏川疆東擾楚境。皆意中事。而商雒之長嶺關竹林關漫川關等處。緊與鄖西接壤。其勢尤易波及。陝省兵勇營數不少。疊次諭令劉蓉出省督剿。該前撫置若罔聞。高卧省

城。養賊自重。以致軍無統率。任賊紛竄。不知是何居心。近半月以來。奏報杳然。殊深焦灼。劉蓉如不能出省。即著喬松年親赴前敵。調度各軍。設法痛剿。省城防務。交藩司林壽圖會同署西安將軍穆隆阿妥為辦理。務臻周密。其襄鄖等處界連陝境之地。著譚廷襄曾國荃派兵嚴防。毋任竄突。將此由六百里諭知。譚廷襄曾國荃喬松年劉蓉並傳諭鮑超知之。○又諭前諭左宗棠即行馳赴甘肅。督

辦軍務。毋庸來京。該督由江西湖北行走。計已將次入鄂。現在陝西賊匪已竄南山。疊經諭令劉蓉出省調度。該前撫高卧省城。毫無布置。諸軍互相雄長。督率無人。以致二華藍田渭南臨潼等處。俱被擾竄。半月以來。未見奏報。不知情形究竟若何。殊深西顧之憂。左宗棠帶兵由湖北入秦。著即確切偵探。覘賊所向。迎頭扼堵。杜賊竄鄂之路。如賊尚在秦。即著該督迅赴陝西。督飭諸軍先剿南山一

帶之賊俟此股辦有眉目再赴甘肅督勦回逆劉典一軍曾否啟行並著催令赴營以資得力將此由六百里諭令知之○以故一等男成祥子那丹珠襲爵世管佐領喜林襲己革三等男喜智爵○以河南睢州等處勦匪出力予提督馬德昭等優敘賞都司郭春報巴圖魯名號知府師長怡守備楊鴻禮等花翎千總李葆球等藍翎餘加銜升敘開復有差○予山東堂邑陣亡練總王兆鳳祭葬世

職如都司例附祀直隸滄州城守尉德成知州沈如潮專祠練丁藍復有等賞卹如例○蠲緩直隸隆平客天津三州縣積澇地畝本年額賦暨民借倉穀有差○蠲緩江蘇長洲元和吳江震澤常熟昭文崑山新陽太湖華亭婁金山青浦無錫金匱江陰丹徒太倉鎮洋嘉定奉賢寶山靖江二十四州縣暨蘇州太倉鎮海金山鎮江五衛被水被旱未墾田畝新舊額賦並雜課有差喀爾喀扎薩

克頭等台吉齊默特多爾濟等二人於養心門內瞻覲○壬寅諭內閣劉坤一奏鉛山刁民聚眾滋事業經辦結一摺江西鉛山縣湖坊司所轄之茅排地方游民黃幅仔等因巡檢范培平日訊斷不公監生王添發隨事干預偏袒均為眾怨所歸起意聚眾報復經該府縣稟請將范培撤參另委從九品鄭承先前往代理乃該犯等膽敢糾同首夥六十餘人於九月十八夜間齊赴湖坊將范培家丁

並王添發之子殺斃鄭承先帶兵彈壓亦被戕害並將寓所焚毀次日退往西山圖添黨與搶劫河口鎮該府縣派兵兜勦復敢恃眾迎敵拒傷兵圍實屬藐法橫行形同叛逆旋經官軍將首犯黃幅仔等三十餘名拏獲正法其餘脅從分別釋放辦理尚為迅速仍著劉坤一嚴飭該府縣將茅排地方認真編查保甲毋使宵小匿跡以靖亂源此外各屬有無匪徒潛匿並著隨時嚴密查緝防患未萌

不得稍涉大意。○諭軍機大臣等英翰奏。賊股勢漸西趨。添調皖軍分防豫境一摺。擒匪入鄂以後。由黃麻等處竄擾。德安蹤跡飄忽。勢將折回豫境。英翰現派郭寶昌等軍移紮商城固息等處。越境防堵。以備迎勦。實能不分畛域。辦事認真。深堪嘉尚。豫境地廣兵單。不敷分布。該撫能調撥皖軍分紮豫境東南。俾該省防務益臻周密。皖省西北亦可藉固藩籬。布置頗為妥協。著卽督飭郭寶昌等實力堵截。並與豫省主客各軍聯絡聲勢。以壯軍威。將此由五百里諭令知之。○以詹事府少詹事訥仁為詹事。○以山海關緝盜出力。賞防禦錫林等花翎。○以徇情縱賊革江西巡檢范培職。永不敘用。予被戕代理巡檢鄭承先祭葬世職。○予奉天各屬陣亡殉難監生陳廣益等紳民婦女四百三十名口分別旌卹如例。○癸卯諭內閣萬青黎劉崐奏。遵查近畿蠲免錢糧各州縣被叅被控情形一

摺此案前經給事中廣誠徵麟御史舒明先後奏叅。並據生員王湘九等具控。疊經降旨交萬青黎等查明具奏。現據該兼尹等奏稱。確查各該州縣委無已蠲重徵情形。並訊明寄莊係地主蒙混稅契。請飭查辦。並聲明戶部則例所載奉免經過錢糧。係按御道兩旁丈算。山岸河坎窄狹處。所以二里為限。曠野平原處。所以三里為限。民地下忙糧銀全免。旗租蠲免十分之三。各等語。是御道所經。從無合境全蠲之事。其糧銀全行蠲免字樣。係別於旗租徵七蠲三言之近來各州縣奸民。往往誤會藉端具控。若不查明懲辦。何以杜爭訟而儆刁風。卽著萬青黎等提集全案人證卷宗。確切訊明。照例懲辦。並著分飭各州縣查明京旗租地。如有糧地夾雜漏報者。趕緊補免。並將寄莊地畝一律更糧換契。以清界限。如查有已蠲重徵州縣。仍著據實叅辦。毋稍徇隱。○諭軍機大臣等。麒慶奏請飭東

三盟盟長協拏盜犯等語。盜首白凌阿、彌勒僧格係疊經降旨通緝要犯。該匪等展轉逃匿。日久稽誅現經。麒慶查訪白凌阿業已削髮詐為喇嘛。彌勒僧格等身係蒙古均不能久匿民間。難保不煽惑蒙古人眾代為隱庇。著理藩院迅即行文哲里木、卓索圖、昭烏達各盟長督率各扎薩克協同熱河都統委員一體嚴拏不得稍分畛域。自干咎戾。並著各該盟長剴切曉諭居住蒙古人等毋任庇匪。

藏奸以期必獲。麒慶原片著鈔給理藩院閱看。將此諭令知之。○補鑄福建詔安縣知縣印信。從巡撫徐宗幹請也。○以廣東紳民力保危城。永廣新興、廣甯二縣學額各二名。○甲辰諭軍機大臣等。景霖奏守護官兵請免歸軍合練一摺。據稱馬蘭鎮外屬五營遵前二營專事操防。並無守護之責。其曹牆二路黃花山六關汛弁兵均為守護風水而設。前准劉長佑照會抽練兵丁不可不通盤豫籌。

加意拱衛等語。風水重地。守衛極關緊要。該總兵所奏自係實情。著劉長佑通盤籌畫。應否將曹牆黃六關汛等兵概免歸軍合練。其遵前二營兵額尚不足抽練之數。應於何處添撥。即行妥籌具奏。務於籌防守護兩有裨益。原摺著鈔給劉長佑閱看。將此各諭令知之。○又諭譚廷襄曾國荃奏官軍連日鏖戰獲勝。並霆軍淮軍豫軍次第入鄂。現在布置合圍一摺。賊由白口出竄。譚仁芳等軍無日

不戰。各獲小勝。初六日之戰。郭松林先勝後挫。受傷甚重。覽奏曷勝廑繫。賊之大股趨鍾祥一路。刻下鄂省追軍緊躡其尾。曾國荃已派總兵劉維楨從吳家店攔頭截擊。唐協和繼之。復飭姜玉順由雲夢進紮應城以防回竄。著即督飭諸將前截後追。仍規取遠勢。務殲賊於唐白河襄河之間。儻再任賊紛竄。漫無布置。恐該撫不能當此重咎也。周盛波等軍均已陸續入鄂。著曾國藩、李鴻章、李鶴年

分飭諸軍遇賊卽擊。不准稍分畛域。如查有臨敵退避。致賊蹤復行蔓延。卽著於軍前正法。以昭炯戒。將此由六百里各諭令知之。○又諭劉典奏因病不能卽日起程。並募勇尚需時日。請賞假五箇月等語。甘肅情形待援孔亟。前因陝西賊勢鴟張。督率無人。令左宗棠由鄂入秦。先行督勦陝西賊股。惟左宗棠兵數不多。必須劉典趕緊料理到營。兵力始能稍厚。若遷延數月。則軍情賊勢變幻靡常。

局勢何堪設想。劉典著賞假兩箇月。一面趕緊調理。一面募勇訓練。剋期啟行。並著左宗棠李瀚章催令該臬司迅速籌辦。不得稍事逗遛。左宗棠懍遵本月十六日寄諭。帶兵迅卽入秦。杜賊竄鄂。督同該撫等肅清陝境。將此由六百里諭知左宗棠李瀚章並傳諭劉典知之。○兵部議覆閩浙總督左宗棠奏請將福建水師後營遊擊移紮馬港廳鑑五店地方。並撥千總把總各一員。外委額外各二

員。戰守兵二百四十名。以資控制。應如所奏辦理從之。○予湖北白口等處陣亡總兵官張鳳鳴。副將鍾光斗。遊擊楊爵發。都司謝寶城。千總任連升等。祭葬世職加等。○蠲緩湖北沔陽監利武昌嘉魚漢陽漢川黃陂孝感廣濟黃梅鍾祥京山潛江天門雲夢江陵公安石首松滋枝江荊門江夏黃岡蘄水二十四州縣被水被旱地方。新舊額賦暨雜課有差。○乙巳諭內閣馬新貽奏甄別庸劣不職

各員。請旨分別降革休致。以肅吏治。一摺。據稱浙江桐廬縣知縣宋大璋性情迂緩。辦事遲鈍。揀發知縣何福恩才具中平。頗有嗜好。均屬難膺民社。該二員係舉人出身。請改教職等語。宋大璋著以教職歸部銓選。何福恩既頗有嗜好。著卽休致。富陽縣知縣蕭元模心地模糊。不諳治理。著以縣丞歸部銓選。知縣蕭定軒質陋材庸。難期振作。麗水縣典史沈丙榮行為卑鄙。從九品莫巖性情浮躁。府

經歷武芳山居心詐偽。縣丞吳芝田心地麤率。從九品牛桂茶操守不潔。未入流林溥淇。性耽安逸。巡檢唐虞盛舉止輕浮。曹宗保聲名惡劣。以上九員。著一併革職。鹽大使楊蕃未入流邱家忻。年力衰頹。不堪委任。著一併勒令休致。另奏暫革浦江縣知縣高世清。前欠解稅契銀兩。現已清繳。例應開復。惟該員才識庸闇。難膺民社。保留浙江補用知縣袁椿前在義烏縣任內。辦事顛預。不協輿論。請

分別懲辦等語。高世清著卽行革職。袁椿著註銷保案。仍以府經歷歸部選用。以示懲儆。○又諭總兵劉連陞奏。額懇賞假回籍修墓一摺。浙江甫就肅清。緝捕巡防均關緊要。浙江温州鎮總兵劉連陞著毋庸賞假。迅卽赴任。以重職守。另片奏請更名等語。劉連陞著准其更名劉連濟。○諭軍機大臣等。有人奏江蘇邳州知州張景賢。以酷濟貪。濫斃多命。安東縣知縣胡克文。老邁昏庸。縱令伊子干

預把持。遇事婪索。淮安府董事郎中丁壽恆藉捐肥己。武斷鄉曲。包攬詞訟。其父已革中書丁晏。以斂錢擅殺奏革之員。竟保至三品花翎。二品封典。鑽謀奸狡。同惡相濟。請飭查辦等語。所奏是否屬實。著曾國藩李鴻章郭柏蔭確切查明。據實奏。毋稍徇隱。原片著鈔給閱看。將此諭知曾國藩李鴻章。並傳諭郭柏蔭知之。尋曾國藩等奏。遵查張景賢殘忍貪劣。被衆各款。均屬有因。應請革職。胡克

文雖無縱子婪索情弊。惟不勝繁劇。請以教職改補。丁晏鄉評素重。丁壽恆並無劣蹟。應免置議。從之。○以大理寺卿繼格為都察院左副都御史。○以浙江紳民力保危城。永廣東陽縣學額文五名。武三名。青田縣三名。永嘉平陽二縣文各四名。武各二名。樂清遂昌龍泉三縣文各三名。武各二名。○以恭纂文宗顯皇帝實錄

聖訓慶成。予提調等官盛京兵部侍郎前內閣

學士延煦。光祿寺卿胡瑞澗等。并敘有差。賞
內閣學士奕慶花翎。

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十二

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十三

教修

同治五年丙寅十二月丙午諭內閣

莊順皇貴妃金棺於本月二十四日奉移田
村著派恭親王於二十二日赴吉安所奠酒
並派貝勒載治於奉移日送往田村○又諭
內閣奏接據察哈爾都統文稱有內務府鑲
黃旗閒散長福向該衙門投遞白丈一角內
開現在東黃寺設立演禮收丈處如有察哈
爾進京驗放人員先赴該處投丈演禮並黏
鈔恭親王諭帖開列教習護軍參領雙壽等
名當因情節支離訊據長福供係內閣漢票

簽貼寫劉姓令其投遞等情咨行查究現經查明內閣並無貼寫名目亦無劉姓其人請交刑部訊究等語案關官役捏文假騙亟應嚴行究辦著內務府即將該都統解到之長福一犯解交刑部徹底根究務將交令投文之人指傳到案嚴行懲辦其文內所開雙壽等名有無其人亦著一併詳細查明以憑訊究至此外捏造王公大臣諭帖假託公事希圖撞騙者恐在所不免並著京外各衙門隨

時查拏究辦尋刑部奏訊明長福捏造假文係商同素識之劉三希圖撞騙文內所開雙壽等名並無其人實屬不法應按律加等科罪惟該犯與劉三已先後在監病故請無庸議報聞 又諭全慶奏審明職官被參後稟揭同官別款按例定擬並請將阿爾薩蘭議處各摺片此案降補筆帖式達杭阿於被參後輒稟控郎中阿爾薩蘭違例保舉卿銜並擅改總理字樣等情俱係事不干己且所控

之事均在該筆帖式未經被參以前該員曾經隨同畫彙何以當時並不舉告事後復率行稟揭實屬扶嫌控告意存報復達杭阿著卽行革職所告之事照例立案不行其失去瓷盃一案訊與此案無涉內管領瑪克達春等業經分別參處記過著無庸議阿爾薩蘭前經載鋼保奏統司管理六內關防該員誤寫統司總理字樣雖訊無情弊究屬疏忽阿爾薩蘭著交部議處惟統司管理六內關防

名目該衙門並無辦過成案該堂官酌量添設保奏亦屬不合原保堂官著該衙門查取職名議處並著將阿爾薩蘭撤去統司管理六內關防事務以符舊章 又諭趙長齡奏請將袁庸不職正佐各官分別勒休降革一摺山西孝義縣知縣鮑庠年力就衰難期振作著勒令休致吉州知州烏林泰才尚可用操守平常著以州同降補武鄉縣知縣郭錦城識見迂拘辦事顛預著以府經歷縣丞降

補以上二員均著歸部銓選太谷縣范村鎮主簿董紹文賦性貪婪著卽革職諭軍機大臣等前據都察院奏奉天職員解掄元呈控貝勒散巴勒諾爾贊縱庇盜匪白凌阿彌勒僧格等款當經諭令都興阿等提案審究茲據理藩院奏職員解掄元等呈控貝勒散巴勒諾爾贊各案請飭交都興阿等嚴訊一招土默特旗貝勒散巴勒諾爾贊膽敢將盜匪白凌阿彌勒僧格藏匿疊經降旨緝拏日久延不交出現據解掄元及塔布囊呢瑪喇嘛那木海力莫都呈內均控有盜匪白凌阿等情節甚重該貝勒散巴勒諾爾贊庇盜殃民豈不畏法本日已明降諭旨將散巴勒諾爾贊先行解任令該盟長解赴奉天交都興阿額勒和布恩錫歸併前案審訊著都興阿等提集全案人證嚴切訊辦勒令散巴勒諾爾贊將白凌阿等交出一面揀派明幹委員偕同解掄元馳赴土默特旗將白凌阿等嚴

密按等務獲究辦理藩院原摺並原呈三件均著鈔給都興阿等閱看將此各諭令知之又諭庫克吉泰奏請撥察哈爾碾位銀兩及請調隨員德勒克多爾濟等奏請飭催後路大兵赴巴里坤福興奏遵將察哈爾官兵留防包頭及請飭甯夏商民赴包頭均給執照趙長齡奏請留馬陞駐紮磧口各摺片察哈爾所存劈山礮五尊尚堪使用卽著裕瑞等撥解庫克吉泰軍營應用其庫存銀兩並准庫克吉泰提取五千兩以為支放口糧皮衣之用餘騰銀兩卽仍存察哈爾都統衙門以備北路軍餉佐領伊什貢布等庫克吉泰既能深知著准其行文調赴軍營當差哈密失守巴城危急已嚴諭庫克吉泰等迅卽由甘肅會同成祿出關成祿攻勦肅州至今杳無音耗殊堪駭異著該提督迅圖攻克會同庫克吉泰德興阿剋期馳赴巴里坤以資鎮率全福所部吉林馬隊前因福興派赴包頭

現經福興將察哈爾官兵六百五十名分防舍太昭君墳渡口卽著照所擬辦理包頭為商民輻湊之區漢回貿易者不少難保無奸民涇跡福興所請由甯夏道府州縣發給執照尚為妥協卽著咨商穆圖善轉飭該地方官詳慎辦理但不准吏胥藉端需索致滋擾累務當於稽查之中寓體恤之意方為妥善前諭馬陞馳赴包頭駐紮趙長齡以磧口緊要未便移動惟該處已有蔣臨照一軍足資守禦仍著趙長齡飭令馬陞赴包頭扼紮以保要區將此由六百里各諭令知之○署西安將軍穆隆阿奏陝西軍務喫緊待援甚急得旨鮑超現在援鄂俟由鄂入陝後再行飭令實力辦理○命奉恩鎮國公奕謨在內廷行走○以庇盜殃民土默特貝勒散巴勒諾爾贊解任訊辦○以江蘇海運漕糧出力賞總兵官鄭海鼇正一品封典張國英提督銜○餘加銜升敘有差○追予故河南道員劉衡

列入國史循吏傳○緩徵山西平遙縣被水村莊新舊額賦○丁未諭軍機大臣等劉嶽昭秦官軍攻克萊竹山賊巢現解情形一摺○萊竹山踞匪負隅抗拒經劉嶽昭派兵進攻將老巢平毀擒斬首逆聶登岸曹應澄收降鐵匠坪九倉壩並被脅巖洞二十餘處難民辦理尚為認真著劉嶽昭卽飭令謝景春等將濫泥溝等處賊眾乘勢殲滅毋稍遲緩黔西距貴陽較近省城聲息可通張亮基自應派兵由省城馳赴該處與劉嶽昭一軍表裏夾擊以期肅清西南要路打鼓新場既有宋華美一軍進紮卽著劉嶽昭飭令該將士兼顧遵義相機防勦疏通省北道路將此由五百里各諭令知之○以都察院左都御史汪元方充經筵講官吏部左侍郎毛昶熙署經筵講官○以內閣學士銘安瑞聯殷兆鏞充文淵閣直閣事劉崐署文淵閣直閣事○以貴州萊竹山勦賊出力賞已革雲南布政使

蕭浚蘭四品頂帶並賞還花翎 錫綏廣東
高明新興茂名化羅定靈山陽春信宜八州
縣被擾地方舊欠額賦○戊申

上御撫辰殿大幄次賜蒙古王貝勒貝子公暨
呼圖克圖等宴並賞賚有差 諭內閣前因
曾國荃奏參總督官文貪庸驕蹇欺罔徇私
寵任家丁貽誤軍政各節並將道員張開霽
所上官文私書鈔錄呈覽當派綿森譚廷襄
前往查辦旋據綿森等將大概情形具奏業

經降旨將侍郎胡家玉等交部議處仍令確
切查辦茲據綿森譚廷襄奏遵旨查明總督
被參各款分別定擬一摺據稱就原參各款
逐一覈實推求官文尚無貪婪欺罔通賄各
重情其於應行典禮時偶因骸疾任聽巡捕
攙扶跪拜並於侍妾病故後僧道誦經書寫
一品夫人牌位未能先時查知禁止尚非有
心驕縱僭妄惟動用竹木商捐銀款致送程
儀並歷年酬應往來過客統計至二萬數千

兩之多此項雖由外銷並非給予議敘執照
正款究係奏明歸入善後案內彙報經費實
屬濫支且將在楚投效委員楊汝楫等延入
幕內辦理刑錢事件累保官職又將先經咨
保翎頂之李維翰派充門丁復於該家丁郭
慶等私在署外朋開錢鋪任意招搖並得受
所屬喜賞毫無覺察種種不合實難辭咎請
將官文交部嚴議等語此案大學士湖廣總
督官文雖查無驕縱貪婪各劣蹟惟濫支公

款信任家丁實屬咎有應得官文著照綿森
等所擬交部嚴加議處保舉直隸州知州楊
汝楫投效軍營先辦文案繼卽入署濫充幕
友疊膺保獎其於湖南李際晟京控案件雖
查無藉端索詐情事惟既招物議仍復遷延
不去實屬違例干進著卽行革職勒令回籍
不准在湖北逗遛郭二卽郭慶等應得罪名
均照所擬辦理其竹木商捐外獎一款係奏
明作為善後經費所有濫支銀二萬四千八

百兩著不准開銷責令照數分賠以重公項其歷任動用之巡撫司道仍著吏部查取職名一併議處嗣後此款卽著解交藩庫收支照案彙報不准稍有浮冒未獲之林光祖李約卽李崑著瑞麟蔣益澧嚴飭嘉應州訪拏解往湖北訊辦沙市鹽局按月提解督署公款作何開銷應撤應留著戶部查覈具奏至張開霽以湖北候補道員獻詩本省長官內夾書函語多要挾及官文欲自行檢舉咨明巡撫查辦該員復浼人央求免其查辦實屬不安本分張開霽一員著該督撫隨時留心察看如實有劣蹟卽著逐令回籍不准在湖北招搖生事以肅官常 諭軍機大臣等李鴻章奏各路賊情並催各軍入鄂會剿一摺捻逆仍聚鍾祥之白口一帶並採聞該逆於襄河淤淺處竄越前股擾及荆門之石牌驛後股尚踞安陸鮑超劉銘傳等軍由豫進援從鄂境之西北路壓下則該逆既不能由隨

東回竄豫境勢必屯踞襄河左右窺伺腹地前有旨諭令譚廷襄曾國荃等規取遠勢務殲賊於唐白河襄河之間現在軍勢既集網羅已張正可誘賊入險為一鼓聚殲之計著曾國藩李鴻章檄飭霆軍及湘淮諸軍分路進剿迅殄逆氛不得稍分畛域曾國荃務將此股賊匪就地殲除若僅以驅賊出境為了事縱令該逆回竄豫疆惟曾國荃是問並著李鶴年激勵官軍嚴密防堵毋令該逆再行闖入張總愚捻股由臨潼縣屬之交口兩金鎮渡過渭北在關山鎮西豫讓橋一帶屯踞該逆既圖偷渡同朝晉西河防又形喫緊著趙長齡嚴檄臬司陳澧分飭各軍嚴防水陸不可稍涉疏虞秦中腹地賊勢並未稍鬆著喬松年劉蓉安籌勦辦迅圖撲滅毋任蔓延將此由五百里各諭令知之 賞蘇尼特郡王那木濟勒旺楚克三眼花翎科爾沁貝勒昂噶叩喀爾喀頭等台吉車林多爾濟雙眼

花翎喀爾喀頭等台吉德勒柯依車車克花
翎命阿巴噶郡王剛噶爾倫布喀爾喀頭等
台吉齊默特多爾濟在乾清門行走。已酉。
上復詣

大高殿祈雪壇行禮。遣惇親王奕誼恭祀

天神壇恭親王奕訢恭祀

地祇壇禮親王世鐸恭祀

太歲壇惠親王奕詳詣

時應宮貝勒奕劻詣

昭顯廟鎮國公奕訥詣

宣仁廟鎮國公奕謨詣

凝和廟拈香。以神靈顯應頒江蘇高郵州

龍王寺扁額曰德普安流。諭內閣御史盧

士杰奏各省鄉試請飭部先期頒發條例暨

續增事宜一摺鄉試為國家抡才大典理宜

整肅場規力祛弊竇禮部科場條例本極詳

備久經頒發各省一體遵辦乃日久視為具

文弊端百出承辦鄉試書吏往往於彌封等

所互相勾串暗通消息若不申明條例嚴加

防範流弊伊于胡底嗣後每遇鄉試年分著

禮部將科場條例及續增事宜先期頒發各

省該提調監試房考官官務當恪守成規力

杜闢節以副朝廷拔擢真才至意。諭軍機

大臣等林壽圖奏甘軍失利慶郡被圍請催

穆圖善督師援救各摺片慶陽逆回自寺溝

竄入安化之西峰鎮北至合水之西華池等

處繞近驛馬關大股賊馬千餘攻擾府城西

門雷正綰周顯承等移師赴援周顯承奮不

顧身中礮陣亡深堪憫惻現在逆首號召馬

步賊眾數在六七萬府城危急著雷正綰激

勵所部兵勇疏通運道督同張在山等進解

慶陽城圍並著穆圖善督率勁旅赴陝甘毗

境殄滅逆氛援救慶郡該將軍曾否由中衛

移師即著趕緊馳報左宗棠到甘需時楊岳

斌責無旁貸即著料理出省抑或派兵先行

馳援務須振刷精神悉心籌畫以支危局不

得存五日京兆之見致千重咎庫克吉泰德興阿本應馳赴肅州卽著先赴慶陽調度各軍迅解城圍不准稍有遷延觀望陝西廊延一帶喬松年劉蓉務當嚴為防範以免闖入完善如有兵勇可分並著妥籌調撥慶陽應需糧餉軍火著林壽圖設法籌解繞道接濟穆圖善營餉由江甯河東等處解濟該將軍當派委員赴產糧州縣購辦麥麪雇覓羸腳兼以營中長夫運送庶軍行糧隨不至匱乏

將此由六百里諭知庫克吉泰穆圖善德興阿楊岳斌喬松年劉蓉並傳諭雷正綰林壽圖知之 以故車臣汗公銜扎薩克頭等台吉齊達爾巴拉子拉木扎布蘇隆襲職 以江蘇清水潭墾工合龍子巡撫李鴻章漕運總督張之萬優敘賞守備莊容淮花翎餘加銜升敘開復有差 以福建收復崇安縣城出力賞總兵官周志懷巴圖魯名號都司董官傑等花翎餘升敘有差 予甘肅慶陽陣

亡提督周顯承祭葬世職加等 撥直隸河南山東山西火藥各五萬斤火繩各五萬丈鉛丸各三萬斤解交甘肅後路糧臺備用○
庚戌

孝莊文皇后忌辰遣官祭

昭西陵 甯夏將軍穆圖善奏蒙古驛站遲誤請飭查辦得旨著理藩院傳知該王貝勒嗣後遇有摺報等件卽嚴飭所屬妥速轉遞不可任其推諉以肅郵政 署塔爾巴哈台參

贊大臣德興阿奏請以提督鮑超幫辦新疆軍務得旨鮑超現在楚豫之交勦辦擒匪正在喫緊俟入關後再行斟酌辦理候旨遵行 刻下德興阿惟當與庫克吉泰等悰遵疊次諭旨星速赴甘勦辦以便會同成祿出關節節掃蕩不准稍存推諉致負委任 改福建金門鎮總兵官為副將添設中軍都司一員移鎮標右營遊擊守備改駐渭州專隸水師提督統轄裁左營遊擊守備各缺從總督左

宗棠請也 以江西捐輸軍餉永廣安仁縣
學額十名上高縣六名 予山東東昌等處
殉難紳民婦女五百三十九名口分別旌卹
如例 予故江蘇淮揚河務道曹文昭淮揚
道李國瑞福建臺灣道洪毓琛湖北糧儲道
魁聯直隸定州知州寶琳四川資州知州沈
廷貴陝西府谷縣知縣馬疏入祀名宦祠從
總督官文劉長佑署總督崇實巡撫徐宗幹
署巡撫劉蓉護巡撫郭伯蔭劉鄯膏請也○

予四川故左春坊左贊善李惺訓導廖春藏
生員劉方玉安徽故教諭曹藍田湖北故訓
導黃本敬湖南故訓導儲玖躬生員胡顯韶
陝西故訓導藍田王河南故拔貢生孫錫疇
浙江故監生胡仁楷入祀鄉賢祠從署總督
崇實巡撫英翰馬新貽鄭敦謹李瀚章吳昌
壽署巡撫劉蓉請也 蠲緩山東荷澤濮鉅
野鄆城嘉祥東平汶上壽張城武定陶金鄉
魚臺濟甯長清十四州縣暨臨清濟甯二衛

東平所屯莊被水被擾地方新舊額賦並雜
課有差 辛亥工部右侍郎王發桂因病解
職以都察院左副都御史潘祖蔭為工部右
侍郎管錢法堂事仍兼署刑部左侍郎 予
河南各屬陣亡殉難紳民婦女一千五百七
十一名口分別旌卹如例 予四川各屬陣
亡殉難練勇胡春廷等暨婦女二千九百六
名口分別旌卹如例 旌表守正捐軀直隸
靜海縣民婦楊聶氏 蠲緩河南祥符滎陽

南陽桐柏泌陽上蔡長葛安陽湯陰臨漳武
安內黃汲新鄉輝獲嘉淇延津滑濬封邱濟
源武陟溫原武陽武洛陽偃師鞏孟津登封
新安靈寶宜陽永甯三十五縣被水被旱被
擾地方新舊額賦暨雜課有差

上以歲暮禋祭
太廟自是日始齋戒三日 壬子諭軍機大臣
等劉長佑奏請將奉省所留天津五行隊飭
令撤回操練並請簡派總統人員各片直隸

挑練六軍遵前一營尚未足額該督擬將天津所撥通協北塘兵三百名併歸遵化是天津尚欠一營之數奉省所留天津五行隊五百名卽著都興阿斟酌情形如該省尚可無需此項兵力卽行速飭回津以資訓練其馬蘭鎮守護之兵旣免其歸軍合操仍著劉長佑咨令該鎮隨時認真整頓毋致廢弛前直隸布政使唐訓方本日已明降諭旨發交劉長佑差委該藩司到省後卽著劉長佑飭令

總統易州一軍仍當隨時察看以期無誤本日又據總理各國事務等衙門奏遵議羅惇衍請將固本京餉用在京營及劉長佑請增二軍餉項並月撥薪水一摺直隸所練六軍為保衛畿疆之用若將此項餉銀用之京營恐六軍之設又成畫餅該督前奏增廣二軍於地方形勢不為無益惟必須餉項有著方不至流弊叢生該衙門等擬將原議六軍之數每軍先行酌練三營俟將來款項充裕再

行補足卽以減兵之餉練增廣之軍計每軍減練二營每月共應節省銀二萬餘兩俟該省請領到部時仍於節省項下撥給一萬兩以裕籌備實為因時制宜起見卽著劉長佑統籌全局悉心覈辦務期兵歸實用餉不虛糜方為不負委任其儲備將材月支薪糧由部月撥銀一千兩卽照所請行原摺著鈔給劉長佑閱看至羅惇衍所陳十慮實為練兵積弊已由該部將該尚書原摺發交劉長佑閱看著該督按照所陳悉心釐剔思患豫防如有前項弊端卽行據實奏明毋稍迴護將此由五百里各諭令知之○又諭曾國藩奏遵旨回任仍駐徐州憑陳下悵並近日軍情各摺片譚廷襄奏逆蹤回竄籌備東防譚廷襄曾國荃奏連日官軍獲勝賊竄孝感黃陂飭軍追勦各摺李鶴年奏賊蹤紛擾靡定現在布置情形一摺曾國藩於來年正月初旬接兩江總督關防後卽著回駐徐州力顧東

路並顧李鴻章後路辦理糧餉毋令缺乏。江督事繁責重。此豈可以安逸之時該督自以迹涉畏難取巧。無以對部曲。未免鯁鯁過慮。所請令丁日昌暫護通商大臣關防。丁日昌係該督所屬。即著責成該員妥辦。外交涉事件。仍由該督統率。毋庸令其護理關防。從前李鴻章即係如此辦理也。李鴻章俟曾國藩到徐後。即著酌度進紮豫省。專辦西路軍務。悉心調度。以副委任。譚廷襄曾國荃先後馳奏賊情。伍維壽彭毓橘劉維楨等軍各獲勝仗。殺賊甚多。賊之大股已至黃孝。譚廷襄曾國荃已檄周盛波等由京山迅赴應城雲夢。並令彭毓橘等星速馳剿。即著飭令各軍前截後追。毋任擾及。完善曾國藩李鴻章李鶴年當各派兵堵截。以期一鼓聚殲。李鶴年恐豫境空虛。現飭宋慶回駐信陽。仍著添派勁旅迎頭堵剿。劉銘傳一軍即著曾國藩李鴻章飭令赴鄂東剿賊。竭力保全豫境。鮑超

一軍即令由潼關大路入陝。會合劉松山等。在同朝一帶盡力截剿。劉松山等軍入秦。應於陝州設立糧臺。曾國藩已令薛書常管理。江南之餉銀軍火。由徐州雇備長車解至河南省城。著李鶴年亦雇長車轉解陝州。務須源源無誤。以利師行。三河茅津渡一帶。河凍冰堅。著李鴻章於淮勇中酌調一兩軍。徑赴陝州。與晉省夾河設防。晉防十分喫重。趙長齡務須督飭陳湜專顧河防。相機妥籌。毋惜小費而誤大局。張總愚賊股業已渡渭。劉蓉因循坐誤。幾於一籌莫展。實堪痛恨。賊勢現在趨重何路。著喬松年劉蓉悉心妥籌辦理。該撫等責無旁貸。不得專待客兵坐視地方蹂躪。致干重咎。鮑超等軍入秦後。著喬松年等懍遵前旨。轉運糧米。以資軍食。喬松年奏晉省欠解陝餉三萬兩。請飭於年內趕解。著趙長齡即將欠解陝餉速為籌解。毋稍延宕。將此由六百里各諭令知之。又諭傳諭署

山東巡撫丁寶楨、丁寶楨奏請招募東三省壯丁訓練馬隊一摺。據稱制槍之方，非馬隊不能得力。而綠營練習馬兵，既難得力。招募馬勇，又絕不可用。東三省兵丁，往往有營兵習氣，與營勇不相聯絡，亦不得力。擬請變通成法，派員赴東三省挑募壯丁三千名來東立營訓練。等語。所陳各節，均尚不為無見。卽著丁寶楨將一切招募編立營制哨隊並口分薪水章程悉心妥議詳細具奏。俟奏到時

再降旨諭令東三省將軍遵照派員會同招募。該署撫所請在牧羣籌撥馬匹著一併俟奏到後降旨辦理。○又諭瑞麟、蔣益澧奏東路陸軍進剿客匪先敗後勝並現在籌辦情形一摺。曹冲客匪經官軍剿擊後膽敢築寨屯糧力圖抗拒。瑞麟、蔣益澧飭令總兵徐文秀等分路攻剿行至豐江之五里地方官軍未及施布該逆四出兜圍副將翁桂秋受傷身死。徐文秀等奮力衝擊及各營乘勢分追

賊始由磅礴一帶遁歸老巢賊勢甚屬猖獗。徐文秀督率各軍雖因中伏失利究難辭咎。著摘去翎頂戴罪效力以示懲儆。此股賊匪稔惡已久非痛加剿洗斷難望其悔罪輸誠。卽著瑞麟、蔣益澧嚴飭徐文秀、梅啟照等探明路徑迅率各軍分投兜剿毋稍疏虞。其曹冲河內賊船充斥赤溪賊眾倍於曹冲必須水陸夾攻方足擒渠。擣穴瑞麟、蔣益澧亦當檄飭提督任星元等迅將冲口賊船剿除會合陸路各軍乘機進擊以期賊聚一隅易於殲滅。惟軍情變幻異常蔣益澧擬於開年出省親臨督辦卽著臨時斟酌辦理該處背山面海伏莽甚多瑞麟、蔣益澧務當分飭水陸將士認真搜捕穩慎進攻迅速肅事將此由六百里各諭令知之。○四川總督駱秉章奏前署廣東巡撫郭嵩壽陳奏粵省墳山禁步各情舍向來通行之定例而用未經奏定之省章涉於迴護矯強應請令無力升科者仍

遵定例。庶人墜地九步穿心十八步為限。以昭公允。而息爭端。下部議。尋議駁。奉章籍隸粵東。自悉實在情形。且與例文符合。請申明定制。仍飭下廣東督撫妥議覆奏。從之。○命前任直隸布政使唐訓方赴直隸軍營。交總督劉長佑差委。○以四川續辦津貼銀兩。永廣鄉試中額十名。○以河南上蔡等處勦賊疊勝。賞提督胡文高。總兵官喻中德。譚碧理。正一品封典。總兵官曾德喜。張耀春。劉成秀。

彭緒炳。副將湯兆雲。李青雲。楊見山。席大成。余虎恩。陳廣發。符秉福。劉友春。洪必勝。許德龍。朱宗龍。劉芳桂。陳福萬。張永輝。王承贊。歐亦修。胡理明。參將曾松明。朱成開。周和美。何春林。孫桂亭。舒克相。谷隆祥。易德貴。張爾昌。王景星。唐國華。鍾致勝。朱宗祥。朱南英。遊擊喻執益。王楚華。巴圖魯名號。參將袁彥賢等。花翎州同孫志烈等。藍翎餘加銜升敘開復有差。○以陝西華陰渭南兩縣城被賊窺陷。

知縣章桂芬。宋堯。分別革職。撤任。均查辦。○命鎮國公奕訢。帶領侍衛十員。往奠故禮部尚書倭什琿布茶酒。予祭葬。諡端恪。○予故工部左侍郎恆祺祭葬。如尚書例。諡勤敏。○予湖北安陸等處陣亡副將顏光杰等祭葬。世職加等。○予廣東豐江陣亡副將翁桂秋祭葬。世職加等。○撫恤朝鮮國遭風難夷。如例。○癸丑。

上以歲暮裕祭

太廟前期親詣行禮。遣官祭

太廟中殿

後殿。○諭內閣。馬新貽奏請將不協輿情之知縣革職查辦一摺。浙江分水縣知縣劉經文。於領款承修衙署之後。並不購置新料。輒買民間舊屋改造。以致貢生何肇修等聚眾喧嘩。難保無抑勒指價情事。劉經文著先行革職。交馬新貽親提嚴訊。何肇修等陵辱官長。此等刁風。斷不可長。業經該撫咨部。斤革。並

著提省嚴行審辦以端士習。諭軍機大臣等成祿奏肅州踞逆攻撲金塔官軍掩襲獲勝請催督臣撥營攻勦迅派妥員接辦糧臺哈密復陷籌撥兵勇防堵關外門戶請仍准丁文學募勇赴營並於河南山東各鎮分調馬步官兵各摺片肅州逆匪勾結土匪圍攻金塔經成祿派兵援救大獲勝仗保護糧路尚稱得手所有此次在事出力員弁及守城文武著准成祿擇尤保奏毋許冒濫哈密復

陷安西告急業由成祿設措餉項交文麟製備軍裝行糧進紮安西著卽催令文麟剋期拔營駐紮安西協同防堵並催令黃祖淦將前調安沙靖官兵撤赴安西俾免哈密亂回四出竄擾疊次諭令楊岳斌撥營接替成祿圍攻肅州茲據成祿奏該督已改派署涼州鎮楊占鼐撥隊五營赴肅卽著催令楊占鼐迅速前進會同成祿黃祖淦攻拔肅城俾成祿得以出關會勦成祿軍糧支絀著楊岳斌

妥籌接濟並派妥員專辦糧臺轉飭各屬製造皮衣趕為運解其指撥火藥礮位馬匹均照成祿所請妥速籌辦成祿亦當振刷精神就現有兵力設法攻克肅城毋徒藉口兵單餉絀為遷延時日之計方為不負委任前諭庫克吉泰德興阿由內地行走先赴肅州會同成祿出關彼時肅城如尚未得手庫克吉泰等大兵齊集自可合力辦理該提督所請仍令丁文學募勇到營及調河南山東鎮兵礮難准行著懍遵前旨仍迅飭丁文學回營免令在豫滋事將此由六百里各諭令知之○又諭傳諭浙江提督鮑超鮑超奏鄂東兵力已厚仍遵旨赴陝勦辦擒股一摺昨據譚廷襄奏東擒大股已至黃孝當經諭令曾國藩飭令鮑超一軍由潼關大路入陝會合劉松山等軍在同朝一帶盡力截勦茲據鮑超奏由隨州趕至安陸府城擒股遁走黃孝距該軍已數百里劉銘傳等軍俱陸續齊集是

鄂中兵力已厚。該提督仍遵前旨。擬由樊城至荊子關。直達秦境等語。現在陝西捻股。聚待援甚亟。著該提督。懍遵二十七日寄諭。趕緊入陝。如由何路徑捷。卽由何路前行。總期探明賊蹤。迎頭截擊。痛加勦洗。毋得徒事尾追。再致與賊相左。縱逆氛而疲兵力。該提督自問。上何以對朝廷。下何以安黎庶也。懍之慎之。○以都察院左都御史全慶為禮部尚書。刑部左侍郎靈桂為都察院左都御史。轉刑部右侍郎恩齡為左侍郎。以理藩院左侍郎英元為刑部右侍郎。內閣學士恩承為理藩院左侍郎。○轉工部右侍郎毓祿為左侍郎。以理藩院右侍郎魁齡為工部右侍郎。管錢法堂事內閣學士奕慶為理藩院右侍郎。○以鑲藍旗滿洲副都統靈桂為正藍旗蒙古都統。調正紅旗漢軍副都統增慶為鑲藍旗滿洲副都統。以委叢秩大臣希元為正紅旗漢軍副都統。調正藍旗蒙古副都統榮

祿為鑲白旗滿洲副都統。以署鑲紅旗漢軍副都統成惠為正藍旗蒙古副都統。記名副都統連步廷署鑲紅旗漢軍副都統。○以京營右翼翼尉銜定魁為總兵。○賞科爾沁卓哩克圖親王濟克登旺庫爾紫纒。命扎賚特郡王阿勒坦鄂綽爾蘇尼特郡王托第布木扎魯特鎮國公達瓦甯保在御前行走。阿巴哈納爾貝子桑齊薩喇特多布在紫禁城騎馬。○予甘肅金塔陣亡千總黃贊序祭葬。世

職加等。○朝鮮國使臣李豐翌等三人於午門外瞻覲。○甲寅。裕祭。

太廟遣惇親王奕諒恭代行禮。遣官祭

永陵。

福陵。

昭陵。

昭西陵。

孝陵。

孝東陵。

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○遣官祭

太歲之神○諭內閣丁寶楨奏請將材不勝任之知府知縣分別降補改補一摺山東候補知府徐彬作事故縱物議沸騰著以同知降補撤任高密縣知縣魏慶恩辦事庸滑著開缺以縣丞降補長山縣知縣孫允慶氣質羸疏著開缺留省另補○諭軍機大臣等庫克吉泰奏滙陳勦辦捻回用兵先後次序並請飭速勦陝捻以保完善各摺片所奏不為

無見惟欲飭各統軍先立期限恐質之庫克吉泰亦未能確有把握併辦一路亦難照行現在捻勢嶋張亟應剋期殲除著曾國藩等廣籌方略迅奏膚公鮑超一軍昨據奏報由荊子關進發並著催令迅速赴陝實力追勦以壯聲威晉省為該捻所垂涎趙長齡身任封圻務當悉心防範毋令關入完善新疆關係甚緊庫克吉泰必以早到為要如於陝境遇有大股捻逆先當會同喬松年劉蓉派出之兵併力勦擊不得稍涉膜視儻沿途並未遇賊卽馳赴慶陽速解城圍毋許藉口空談以為遷延之計並著仍遵前旨於慶陽解圍後卽赴肅州會同成祿出關用副委任庫克吉泰原摺著鈔給曾國藩等閱看將此由六百里各諭令知之○仍以禮部尚書全慶兼署刑部尚書以禮部右侍郎察杭阿兼署工部右侍郎管錢法堂事○以刑部尚書綿森充國史館總裁官○乙卯

上御保和殿筵宴朝正外藩科爾沁喀爾喀喇沁奈曼烏珠穆沁教漢察哈爾王貝勒貝子公額駙台吉暨朝鮮使臣等隨文武大臣依次就坐諸樂並作

上進酒召科爾沁卓哩克圖親王濟克登旺庫爾喀爾喀親王達爾瑪喀喇沁都楞郡王色伯克多爾濟奈曼郡王薩哈拉烏珠穆沁車臣親王彭蘇克那木濟勒教漢郡王布彥德勒格呼固魯克齊察哈爾輔國公桑魯布多

爾濟等至

御座前賜酒成禮○奉

慈安皇太后

慈禧皇太后幸漱芳齋侍午膳○諭內閣前署

陝西巡撫劉蓉以獲咎之員特令署理巡撫嗣後允其開缺暫留陝西辦理軍務倚任不為不專乃屢諭該前署撫出省督勸置若罔聞以致官軍挫失拾勢愈張貽誤地方實堪痛恨劉蓉著卽革職毋庸再留陝西○諭軍

機大臣等奏松年奏官軍敗潰省城危急請調援軍並請飭穆圖善赴援慶陽劉典庫克吉泰等先勦陝捻各摺片覽奏曷勝焦急捻匪久距陝境逼近省垣官軍從新豐追至瀛

橋被匪兜圍悉行潰散各營將領均不知下落省城文報阻隔危急萬分此時非有大支勁旅星夜赴援陝事將不堪設想曾國藩李鴻章於捻匪竄陝以後將及兩月所調各軍並未到陝鮑超一軍屢經諭令赴秦遷延逗遛致令陝省糜爛至於此極現在陝軍俱已潰散別無可調之兵捻匪到處竄擾幾於無地非賊著曾國藩李鴻章嚴檄鮑超劉松山等軍兼程赴陝趕緊救援僅再任意觀望藉詞不進卽著嚴叅照軍法從事毋稍寬貸昨據鮑超奏稱已定於本月二十一日由鄂省安陸起程取道樊城荊子關入陝喬松年奏已在商州等處購備該軍糧米鮑超若再以無糧藉口或中途遲延折回該提督自問當

得何罪。慄之。劉松山一軍。卽著曾國藩李鴻章遵奉前旨。迅催此軍馳赴同朝。並著庫克吉泰德興阿督率所部。先辦陝省勦擒事務。再行相機赴甘。左宗棠前已有旨。令其先行赴陝。無庸來京。著卽兼程馳往秦中。與喬松年整理戎政。陝省軍律廢弛已久。此次潰散將領。卽著喬松年查明。嚴叅重辦。此後如有不聽號令。進戰不力。擅行潰退者。卽著左宗棠喬松年奏明在軍前正法。以肅軍律。並著

左宗棠嚴催劉典速募湘勇成軍。立限馳援陝省。郭寶昌一軍。著英翰飭令星馳赴陝。聽候喬松年調遣。並將該軍餉需。速為籌撥。足用。以便卽時拔營。不准片刻停留。並不准英翰奏留。致誤大局。商城要路。卽由英翰另撥一軍填紮。以防捻匪回竄。豫境。慶陽甯州。回勢猖獗。郡城被圍一月。緊急萬分。著穆圖善統率所部。卽日起程赴援。並將回匪力行遏勦。毋任回竄陝疆。穆圖善若再擁兵無賊之

地。藉詞觀望。延不赴援。必當重治其罪。劉蓉在陝有年。一味寬縱。致令將士毫無畏憚。屢奉諭旨。出省勦賊。並不親臨前敵督戰。以致諸軍進止不齊。有此大挫。深堪痛恨。本日已將劉蓉革職。卽著喬松年飭令回籍。援軍未到以前。喬松年當就現有兵力。認真防守省垣。以固根本。將此由六百里諭知曾國藩李鴻章。左宗棠。庫克吉泰。德興阿。穆圖善。英翰。喬松年。並傳諭鮑超知之。○以湖南官軍援

勦貴州思南教匪出力。賞總兵官李魁連巴圖魯名號。同知王鈺。莽等花翎。千總王啟勝等藍翎。餘加銜升敘。開復有差。○蠲緩湖南武陵安鄉。巴陵。龍陽。澧沅。江。華。谷。臨。湘。益。陽。湘陰。十州縣。暨岳州衛被水地方。新舊額賦。並雜課有差。○撥四川黑鉛二十萬斤。解赴陝西軍營備用。○是日。丁卯年立春。順天府進土牛。春山寶座。○是年旌表孝子。浙江等省張錫蘭等二十二名。孝義。湖南省張尚。嶽

等三名。孝婦江蘇省梅曹氏一口。孝女江蘇	等省湯氏等三口。烈婦浙江等省張黃氏等	六口。烈女河南等省戴氏等二口。義士江西	等省孫滂等七名。義夫四川省杜文瑞等二	名。守節合例滿洲養育兵奎喜妻張氏等一	百十八口。蒙古馬甲善林妻常佳氏等二十	九口。漢軍馬甲羣善妻任氏等三十一口。各	省駐防披甲哈達哈妻于佳氏等五十口。奉	天等省梁魁妻劉氏等一萬二千四百四十	六口。夫亡殉節福建等省陳慶承妻鄭氏等	十三口。未婚守志奉天等省邵起福聘妻于	氏等十七口。百歲壽民婦四川等省王文朋	等十三名口。五世同堂四川等省劉蔡氏等	四十家。均給銀建坊如例。○會計天下民數	穀數。除江蘇安徽福建陝西甘肅廣西雲南	貴州未經冊報外。奉天等省。通共大小男婦	一萬九千一百七十七萬三千二百一十三	名口。存倉米穀三百八萬五百五十九石九
---------------------	--------------------	---------------------	--------------------	--------------------	--------------------	---------------------	--------------------	-------------------	--------------------	--------------------	--------------------	--------------------	---------------------	--------------------	---------------------	-------------------	--------------------

斗八升五合九勺

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十三

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十四

武隆縣志卷之四
紀略
定日錄起居注官太子太傅大司馬領開事翰林院掌院學士詹啟奉土諱事倭寇等語請賜戮其英殿大學士曹機大臣議著發河間縣監禁

歷吏部事務三載事務加七級軍功加五級陞中加七級紀錄三十八
實錄卷六十四職官列傳諸官太子少保文淵閣領侍衛內大臣高宗
武宗於乾隆

正統御滿洲錄 卷之五 工部光祿寺事務的大臣輔國公軍衛各一級應照例於載錄十七天 宗室王公總親王收進傳名居浪官太子太傅贈將軍等

此書始於宋上座事件。元史館總纂吳弘祖撰輯解大略云：世宗始與書下地。大德教旨原云：官理戶部。五庫書。得諸子賦。書作加九。似家功加五。版圖云。

加六級錄十九次
沈桂芬奏奉訓諭旨該部知道欽此
徐桐等奉

救

同治六年丁卯春正月丙辰朔

上詣

奉先殿行禮○遣官祭

太廟後殿○率王以下文武大臣詣

慈寧門慶賀

慈安皇太后。

慈禧皇太后。禮成。御太和殿受朝。作樂宣表如

儀○詣

大高殿

壽皇殿行禮。○御乾清宮。賜近支親藩等宴。○

奉

慈安皇太后

慈禧皇太后幸漱芳齋侍晚膳○諭軍機大臣

等趙長齡奏晉省防務喫緊咨調豫軍渡河

協守。並林壽圖奏請飭左宗棠先清秦境疏。

通糧路各摺片。擒匪竄過渭北。擾及三原高

陵勢將東偏同朝該處與晉省僅隔一河防

務異常緊急趙長齡現在分布水陸諸軍於

蒲州等處要隘駐紮卽著督飭陳湜嚴密扼

守。並著曾國藩、李鴻章、李鶴年、懷遵前旨分

飭劉松山保英兩軍兼程馳赴同朝與陳湜

所部晉軍聯絡聲勢互相援應毋任掇蹤東

渡黃河。鮑超一軍著兼程入秦。痛勦逆氛。援

救省會。不可再稍遷延。亦不可以驅賊入晉。

為卸責奮勉圖功毋干重罪並著李鶴年纂

運糧米接濟援陝諸軍毋得稍分畛域左宗

常前已有旨令其迅速赴陝復明降諭旨令

督辦陝甘軍務。此時陝省情形。更為喫緊。軍

政廢弛已極。著卽星夜馳赴。嚴申紀律。將玩法將領從重懲辦。以冀肅清陝境。乘勝入甘。左宗棠未到以前。陝省防勦事宜。仍著喬松年勉力督辦。將此由六百里諭知曾國藩。左宗棠。李鴻章。李鶴年。趙長齡。喬松年。並傳諭鮑超知之。○又諭。林壽圖奏。賊犯省垣。旋繞郭盤。甘軍無路轉運。請飭山西解餉一摺。湘果各軍失利。賊偏陝省。勢甚危急。糧餉缺乏。道路梗阻。必須趕籌接濟。以資軍食。著趙長

齡督飭王榕吉。楊寶臣。無論何款。籌撥蘭州。慶陽。協餉各五萬兩。就近探明道路。解交糧臺。毋得視為泛常。稍涉延誤。將此由六百里諭令知之。○又諭。李雲麟奏。布置烏科塔三城防勦事宜一摺。李雲麟現因內地諸軍。改由甘省前進。所調蒙兵久候。虛糜餉糈。當與奎昌等商酌。將扎薩克圖汗盟兵。責令繳回駝馬器械。散回各旗。而酌留蹇因諾顏盟兵千名。專防烏城。所需餉銀。准由烏城操防經

費項下支給。卽由德勒克多爾濟覈實報銷。該將軍務將此項蒙兵。勤加訓練。不得有名無實。科塔蒙兵。現均紮烏隴古河。李雲麟擬卽前赴奇古。招集民勇。簡練成營。暫紮博里岡。與科塔兩城蒙兵犄角。先固烏科門戶。所籌雖是。但須擇其實在可用者。整頓教練。以備將來進剿。毋蹈從前覆轍。科城蒙兵。現雖稍就範圍。李雲麟赴奇古後。奎昌。明瑤仍當認真防範。隨時約束。毋稍大意。此項蒙兵調

齊後需餉甚鉅。著福興迅籌款項。源源接濟。不得稍存膜視。致誤軍食。將此由五百里各諭令知之。○以科爾沁博多勒噶台親王伯彥訥謨祜為御前大臣。○命陝甘總督左宗棠督辦陝甘軍務。○丁巳。

上詣綏履殿問

慈安皇太后安。平安室問

慈禧皇太后安。至甲申皆如之。○奉

慈安皇太后

慈禧皇太后幸漱芳齋。侍午膳。○諭軍機大臣等。前據喬松年奏。劉蓉軍政隳壞。留陝無益。本日據劉蓉奏。捻逆由藍田回竄臨渭。盤踞新豐。官軍奮力擊走。乘勝追襲。中伏挫衄。請飭左宗棠由襄陽取道荊子關。到陝會剿。並密陳喬松年掣肘及貪利徇私各情。請另簡知兵大員接任。又自陳與喬松年意見不合。皆為公事起見。各摺片。前有旨令劉蓉留陝專辦軍務。並屢諭其出省督剿。迺劉蓉藉病遷延。不肯出省。又久無軍報。以致軍無統率。屢次挫衄。已降旨將劉蓉革職。令其毋庸留陝。是劉蓉有心貽誤之罪。已屬咎無可辭。所奏喬松年掣肘。並貪利徇私各情。是否確實。著左宗棠懷遵疊次諭旨。迅即帶兵入陝。統率各軍。維持全局。並將劉蓉所叅喬松年各節。秉公查明具奏。劉蓉摺片四件。喬松年片一件。均著鈔給閱看。該督公忠體國。久為朝廷親信。諒不至阿其所好。稍涉偏私也。將此

由六百里密諭知之。○復陝西灃橋陣亡已革記名提督漢中鎮總兵官蕭德揚原官。予祭葬。世職加等。提督楊得勝等祭葬。世職。○展緩直隸開。東明長垣寶坻。大城。良鄉安肅。彝安阜城。景青靜海。滄南皮鹽山。永年。邯鄲。肥鄉。雞澤。磁。元。城。大名。深。衡水。二十五州縣。被水被旱被雹。地方新舊額賦。暨雜課有差。○戊午。

高宗純皇帝忌辰。遣官祭

裕陵。○

上以上辛祈穀於

上帝。自是日始齋戒三日。○己未。諭軍機大臣等。譚廷襄曾國荃奏。捻逆竄及孝感。經官軍截回。連日攻剿情形。喬松年奏。捻蹤西趨。盤鄂。現在收集散勇。重加整頓。並相機出省。各摺片。此次竄鄂之捻。雖經彭毓橘等連日追剿。而總兵張樹珊以血戰遇伏。力竭陣亡。該總兵向來勦賊。最為奮勇。失茲良將。甚可憫。

惜著曾國藩李鴻章迅即查明請卹以慰忠魂。張樹珊以統領大員被賊圍裏時何以無一人援救其所部安在是其營中彼此不相策應亦可概見。並著曾國藩李鴻章嚴切查明痛懲積弊。現在曾國荃擬困賊於棗陽鍾祥之下。天門京山之上。四面夾擊。固是扼險之策。第該撫前奏賊入鄂境。必可殲除。迨該逆既入鄂境。東西奔突。仍不能制。計湘淮豫各軍在鄂者。數倍於賊。既有地險可扼。必當思同心協力之效。即著曾國荃督飭各軍聯絡一氣。毋使賊蹤再行他竄。以期聚殲。用慰廕念。鮑超一軍前已奏報起程入陝。現在陝省正需勁旅。協勦未便朝令暮改。再令赴鄂。曾國荃雖久在軍營。頗少定見。鮑超毋得藉端折回。徒奔馳於無賊之地。致誤事機。捻逆雖在德安。而竄豫實在意中。李鶴年仍當嚴防。不可稍涉大意。陝捻西竄。藍鄂喬松年收集潰散兵勇。尚未可用。亦係實情。著該撫趕

緊整頓訓練。並俟劉松山郭寶昌等軍到後。再行相機出省。且賊蹤詭詐。並須豫防。由楚陝乘虛竄入晉境。至陝省上年灃橋之敗。各營俱潰。而譚玉龍一軍獨能全師出險。黃鼎鄢太愚兩軍傷亡亦少。俱當查明是否。譚玉龍等平日馭軍嚴整。抑或聞風先退。即著喬松年奏明。分別懲勸。庫克吉泰德興阿現在行抵何處。著趕程前進。懍遵前旨。在陝會勦。捻逆不准稍有停留。劉松山一軍是否業已

到陝。並著曾國藩李鴻章喬松年催令入陝。以資得力。毋許遲緩。將此由六百里諭知曾國藩李鴻章譚廷襄曾國荃李鶴年喬松年。庫克吉泰德興阿。並傳諭鮑超知之。○暫署四川總督崇實等奏陝西道路未靖。廓爾喀貢使進京。難以照常行走。得旨著崇實駱秉章即行知景紋瑞昌轉傳廓爾喀貢使。無庸來京。免其跋涉道途。以示體恤。○調浙江衢州鎮總兵官唐殿魁為廣西右江鎮總兵官。

○以記名總兵官伍維壽為陝西漢中鎮總兵官。○展緩山東濟甯歷城鄒平長山齊河齊東長清平原肥城東平東阿平陰惠民利津滋陽鄒泗水嶧汶上河澤城武定陶鉅野鄆城濮范莊平冠平度昌邑金鄉嘉祥魚臺禹城青城陽信曲阜甯陽滕陽穀壽張曹觀城朝城蘭山郟城聊城濰德東昌臨清五十州縣暨德州東昌臨清濟甯四衛東平所屯莊被水被旱被蟲被雹被丹被擾地方本年上忙額賦並雜課有差。○庚申諭軍機大臣等。穆圖善奏請募補陝甘綠營兵額酌撤直隸官兵及請飭陝甘舉行堅壁清野各摺片。前因劉長佑趙長齡先後具奏請撤回調赴甘肅防兵當經諭令穆圖善酌辦。茲據奏稱直隸晉官兵分防甯夏磴口甯條梁地當要隘難遽遣撤該將軍所部無多不能撥營前往接替必須先將本省額兵補足方能遣撤客兵自係實在情形甯夏鎮綠營兵額約七

千人陝西定邊協綠營兵額亦不下千人自回匪變亂後甯夏鎮標及定邊協標存兵均不過百餘人營伍空虛全賴客兵藉資捍禦殊非長久之計左宗棠入甘後著即將甯夏鎮標兵丁查照原額迅募土著民人入伍勤加訓練並先會同喬松年將定邊協額兵依法照數補足以本地糧養本地兵既免轉輸之勞亦係自強之策况穆圖善即須剋期進勦兵勇難久駐河西甯夏各屬及陝西邊境該督撫須自固藩籬則營額尤當早補方足以壯聲威著左宗棠喬松年認真籌補以維全局穆圖善現將直隸提標兵二百餘名撤回其餘直隸晉官兵及精銳右營楚勇俟營兵招有成數再行遣撤即著咨明劉長佑趙長齡知悉至堅壁清野為制賊之要法陝甘逆氣偏地受害甚深若此法一行則民可稍安賊無所掠實為此時急務第小民可與樂成難與圖始必須善為勸諭方能一律舉行著

左宗棠喬松年迅飭地方官實力興辦。不得畏難苟安。各路統兵諸臣。勦辦賊匪。是其專責。若堵禦不力。任賊竄擾。仍至蹂躪地方。則穆圖善等不能辭咎也。穆圖善另摺奏請飭催四川等省月餉。已諭令崇實等迅解。所請調金順來營一節。著俟甯夏將軍印務接署有人。再行酌量辦理。又片奏請飭黑龍江先期撥兵二百名。亦諭令特普欽照數挑撥。俟此項兵丁到營後。穆圖善卽存營老弱量加裁汰。以節糜費。將此由六百里各諭令知之。○又諭穆圖善奏馬隊不敷分撥。請飭黑龍江挑派兵丁。以資防勦等語。黑龍江馬隊前經穆圖善陸續送回甲缺三百五十副。咨明該省按數挑補。現在穆圖善所部馬隊遣撤甚多。自應趕緊添撥。著特普欽卽於該營送回甲缺已經挑補之兵丁內。先期挑派二百名。備齊軍裝。以便穆圖善委員迎提。特普欽務須擇其年壯力強實在可用之兵。應撥

前赴。毋得以羸弱充數。徒糜餉項而誤師行。將此由五百里諭令知之。○又諭穆圖善奏軍營需餉。萬分緊急。請飭四川等省遵照奏案撥解一摺。穆圖善軍營。奏定月餉十五萬兩。有奇。原係覈明每營兵勇若干。每月需餉若干。不容稍有缺乏。乃自上年正月起。至十二月止。四川省絲毫未解。兩淮湖北山東山西陝西等處。通共解到銀四十萬兩。零下欠未解銀一百十餘萬兩。積欠餉銀尚不在內。現在該將軍所部各營兵勇。一年之久。僅領過三箇月餉銀。包頭磴口兩處採辦米麵。積欠價銀約計在三十萬兩之數。山西碾運倉穀。至今並未報解。當此邊防喫緊。飢卒待哺。整營所奏。自是實在情形。著崇實駱秉章譚廷襄曾國荃閻敬銘趙長齡喬松年丁寶楨各遵照奏案。每月應解該營餉銀若干兩。迅速撥解。並著曾國藩趙長齡各轉飭兩淮鹽運使河東道等處。遵照奏定章程。按月撥

解源源接濟。俾收士飽馬騰之效。不准稍有延誤。庫克吉泰片奏請提用山西前解新疆餉銀二萬六千兩等語。此項餉銀現存大同府庫。聽候批解。該將軍行營需餉孔亟。著趙長齡迅飭撥解。以濟要需。毋稍延緩。將此由五百里諭知曾國藩。崇實。賈秉章。譚廷襄。曾國荃。閻敬銘。趙長齡。喬松年。並傳諭丁寶楨知之。○暫署湖廣總督譚廷襄奏。擒匪回窺。防兵單薄。設法移撥。力顧漢鎮。以衛省垣。得旨。賊既趨重下游。卽著酌度情形。相機勦辦。並著懍遵前旨。會商曾國荃。嚴檄各軍。合力追勦。以期聚殲。毋任旁竄。○辛酉。祈穀於上帝。遣惇親王奕誼恭代行禮。○諭軍機大臣等。兆琛奏。官軍攻克頗洞逆巢。晃州力戰解圍。銅仁接仗獲勝一摺。頗洞賊巢。經兆琛等設法攻克。苗逆糾合教匪。由玉屏等處下窺晃州。道員羅建章等奮力擊退。該逆旋窺銅仁。謝家橋。各軍接仗獲勝。另片奏苗教兩逆。

由銅仁竄至鳳凰廳屬沙羅寨等處。官軍兩次接仗獲勝。鎮筸邊界已無賊蹤。李元度一軍進攻荊竹園。屢克地卡。移營進逼賊巢。兩獲大捷。援黔各軍均獲勝捷。尚為得手。著李瀚章。兆琛督飭李元度等乘勝進攻。務將苗教各匪節節掃除。以清邊界。兆琛所奏援黔軍務。歸李瀚章奏報一片。嗣後湖南援黔軍務。如在湖南相近地方。仍由李瀚章奏報。若深入黔境。卽由兆琛自行奏報。以免繞折。需時。惟當據實入告。不得僅憑各路稟報遽行具奏。致蹈欺飾之罪。將此由六百里諭知李瀚章。並傳諭兆琛知之。○以記名總兵官李恆嵩為浙江衢州鎮總兵官。○以江西興國縣捐輸軍餉。永廣學額十名。○予貴州銅仁等處陣亡副將曹正祥等十七員祭葬。世職。參將周洪福祭葬。世職加等。○予湖南荊竹園陣亡都司夏清鴻祭葬。世職。○上以孟春時享。

太廟。自是日始齋戒三日。○壬戌。

世祖章皇帝忌辰。遣官祭。

孝陵。○諭軍機大臣等。李鴻章奏各軍入鄂。勦賊情形等語。現在捻勢甚張。各軍俱至德安。京山。天門一帶。山多路窄。可期兜勦。著曾國藩。李鴻章。曾國荃。嚴檄各軍。設法堵勦。毋令他竄。隨州一路。無軍攔堵。並著譚廷襄。曾國荃。派兵扼截。李昭慶一軍。現由羅山。麻城。赴豫。著李鴻章相機調遣。李鴻章密片一件。已交軍機處存記。候旨錄用矣。將此由五百里各諭令知之。○又諭穆圖善奏渡河查看回匪情形。分別勦撫。豫籌防守後路。並請將羅承勳嚴議各摺片。回目馬生彥等眾。屢次具稟投誠。現已陸續渡過河南。並將靖遠縣城騰出。是否真心悔罪。抑或緩我師徒。尚難豫定。穆圖善現酌帶兵勇渡河。察看情形。分別勦撫。卽著該將軍於渡河後。嚴密確探。如該回等實係真心悔罪。卽飭令先將馬匹軍械。

全數呈繳。並遵疊次諭旨。分良莠。不分漢回。妥為分別勦撫。投誠回眾。卽會同楊岳斌。擇地安插。惟該回性情狡詐。穆圖善當計出萬全。不可草率受撫。致貽後患。中衛地方緊要。並著該將軍派兵嚴防。陝西捻匪肆擾。恐其勾結回匪東竄。涇慶等處。均須妥籌布置。穆圖善當嚴飭派出各軍實力嚴防。甯條梁關繫餉道。尤須豫為防範。該將軍已咨雷正綰等軍堵截。並飭程興烈分兵駐守。兵力尚單。其直隸提標兵丁。並准照該將軍所請。交參將徐祥林管帶。星夜馳赴甯條梁地方駐紮。以資捍禦。前請奏撤之駐定續調直隸提標官兵。卽著暫緩遣撤。靖遠現已騰出。該將軍卽咨商楊岳斌。迅派地方文武。前往鎮撫。副將羅承勳。於拔營起程之先。並未將奉調回晉緣由。具呈稟報。穆圖善聽候派兵更替。徑行帶隊東歸。殊屬冒昧。惟係奉趙長齡檄調。著改為交部議處。趙長齡檄調羅承勳。並未

知照穆圖善亦屬輕率著一併交部議處嗣後該撫如須檄調各路兵勇務當豫行知照該處統兵大員以期周密不得輕忽從事致滋貽誤將此由五百里各諭令知之○以管解江南軍營戰馬出力賞察哈爾佐領伊勒當阿等花翎餘升敘有差○以江蘇蘇州等處籌辦團練暨辦理善後出力賞在籍郎中方寶三等花翎內閣中書盛邦霖等藍翎道員顧文彬等加銜升敘有差○予湖北新家牘陣亡總兵官張樹珊祭葬世職加等諡勇烈於立功地方暨原籍建立專祠副將劉登朝郭有容都司馬壽文知縣李輝麟守備黃瀚祭葬世職加等一併附祀○癸亥

上以孟春時享

太廟前期親詣行禮○甲子享

太廟遣怡親王載敦恭代行禮○遣官祭

太歲之神○諭軍機大臣等前因陝西軍務緊急各軍潰敗降旨將劉蓉罷斥今左宗棠

督辦陝甘軍務並令庫克吉泰德興阿先赴陝省勦賊再行入甘又疊諭鮑超帶兵入陝諒已遵旨分道赴援茲據陝西紳士車順軌等奏上年十二月賊撲省城官軍三十餘營行至灊橋被賊圍裏傷亡大半省外四五里內俱係賊營官軍降賊者亦復不少加以西路回匪竄越汧隴萬一句結勢更滋蔓省城糧斷援絕若不飛調勁旅救援斷難保守請飛飭鮑超迅速赴援等語刻下陝西各軍新潰招集未齊捻蹤分股竄擾無兵扼截蹂躪自不待言專盼各軍入關方能重整軍威力圖埽蕩著曾國藩李鴻章迅即催令鮑超劉松山等軍兼程赴陝相機進勦仍兼顧山西河防慎毋驅賊入晉左宗棠已到何處未據奏報著即星速入關統率各軍與喬松年力加整頓毋庸俟劉典募勇致稽時日左宗棠未到以前喬松年責無旁貸著即招撫各軍保全完善慎衛省城鮑超一軍前諭徑行入

關。無庸回鄂。不得再有觀望。致干重咎。庫克吉泰德興阿。由山西赴陝道途非遠。卽著迅速拔營。先勦陝西賊匪。俟左宗棠到後。各兵齊集。再行斟酌進止。赴援慶陽。陝西各軍糧餉。著左宗棠督飭王加敏妥籌報解。以贍飢軍。而維大局。車順軌等原摺一件。均著鈔給閱看。將此由六百里諭知曾國藩。左宗棠。李鴻章。庫克吉泰。德興阿。喬松年。並傳諭鮑超知之。○乙丑。

上詣

時應宮拈香。○御紫光閣。賜蒙古王貝勒貝子。公。台吉。暨朝鮮使臣等宴。並賞賚有差。○諭軍機大臣等。鮑超奏擒逆回竄襄樊。牽掣官軍。刻難西進。飛商曾國荃派軍赴隨。棗。卽日拔隊馳往會勦一摺。鮑超一軍。數月以來。僕僕道途。未遇一賊。前據曾國荃奏援軍陸續到鄂。鮑超一軍可令入關。朝廷亦因陝西望援孔亟。是以疊次諭令星速入關。該提督

既報起程。又為曾國荃奏留何朝令暮改茫無主見。若此。鮑超軍如已遇賊接仗。自當酌度軍情辦理。如賊又遠颺。仍卽懷遵。本年正月初一。初四。初九等日。諭旨。迅卽拔營兼程援陝。毋再遊移觀望。湘淮各軍均集楚境。著譚廷襄。曾國荃妥為調遣。嚴扼隨。棗。襄。樊。設法殲除。以副委任。將此由六百里諭知譚廷襄。曾國荃。並傳諭鮑超知之。○命蘇尼特頭等台吉。緯克。索倫。茂明。安頭等台吉。達喇木

吉哩第在乾清門行走。○丙寅。

孝全成皇后忌辰。遣官祭

慕陵。○諭內閣。本月二十一日。已故科爾沁博多勒噶台親王。僧格林沁。靈柩回旗。著派禮親王。世鐸。於二十日。帶領侍衛十員。前往賜奠。並著順天府府尹。直隸總督。盛京將軍。奉天府府尹。各飭所屬沿途妥為照料。其靈柩到旗時。著派盛京禮部侍郎。清安。前往賜奠。用示朝廷篤念忠藎至意。○又諭前因官文

在湖廣總督任內動用捐款各情。當經降旨交部嚴加議處。茲據吏部議以革職。自屬咎所應得。惟念官文在湖廣總督任內十餘年。歷經會同胡林翼曾國藩廓清江鄂。勳勞甚著。而被議各款。尚非貪污欺罔可比。若遽盡予罷斥。殊非朝廷保全功臣之意。大學士一等伯官文著革去湖廣總督。加恩仍留伯爵。大學士改為革職留任。八年無過。方准開復。並罰伯俸十年。不准抵銷。即行來京供職。

又諭英翰奏分別舉刻屬員一摺。候補知府和州知州胡玉坦。署和州知州。無為州知州游智開。候補知府署壽州知州施照。亳州知州李孟荃。懷甯縣知縣劉奎光。署合肥縣知縣蕪湖縣知縣王鴻飛。署蒙城縣知縣桂中行。南陵縣知縣文翰。石埭縣知縣侯朝棟。均著送部引見。泗州知州賀緒蕃。營私肥己。劣蹟多端。著革職。永不敘用。署歙縣知縣沈爾昌。操守不謹。撤任蕪湖縣知縣王廷琳。聲名

狼藉。候補直隸州知州劉蘭馨。貪鄙取巧。高啟林。險詐貪忍。候補通判周甫文。心地糊塗。聲名貪劣。均著即行革職。太湖縣知縣劉端才。欠開展。繁昌縣知縣程仰周。才識迂拘。候補知縣劉開第。辦事遲鈍。均著以教職改補。坐補巢縣知縣榮綬。兩耳重聽。署霍邱縣訓導戴漢翔。昏耄糊塗。均著勒令休致。○諭軍機大臣等。本月二十一日。已故科爾沁博多勒噶台親王僧格林沁靈柩回旗。本日已降旨。令直隸總督盛京將軍順天奉天各府尹。飭屬沿途照料。惟念奉天屬境土匪尚未肅除。淨盡。必須派兵護送。現在駐防昌圖廳諾林丕勒所帶兵丁五百名內。有伯彥訥謨祜本旗兵一百五十名。即著都興阿迅速派員管帶。前赴中後所一帶。迎接僧格林沁靈柩。沿途小心護送。回旗。以昭慎重。將此諭令知之。○又諭英翰奏請酌提丁漕銀兩。留濟軍需。停止閩豫協餉。並請飭山西協濟軍餉各

摺片。皖省防勦喫緊。需餉甚急。各省協濟皖餉。或久未撥解。或解未如數。現據英翰奏稱。軍餉支絀。自係實在情形。著照該撫所請。准其於本省丁漕內。按月留提銀三萬兩。列入軍需。作正報銷。其餘丁漕。仍行解部。該撫務當撙節支放。不得虛糜濫用。閩海關及河南兩處協濟皖餉。既數年未解。著英桂、李鶴年。即將此款停止解皖。仍聽候戶部另行撥用。至山西應解皖餉。前經戶部議行停止。現在

皖省需餉緊要。著趙長齡將每年協皖餉銀五萬兩。並按月協餉銀一萬兩。仍前源源解濟。不得稍分畛域。藉詞推諉。將此由五百里各諭令知之。○以江蘇巡撫李鴻章為湖廣總督。仍在營督辦勦匪事宜。調湖南巡撫李瀚章為江蘇巡撫。命署理湖廣總督。開江蘇布政使郭柏蔭缺。命署巡撫。擢兩淮鹽運使丁日昌為江蘇布政使。○以內閣學士劉崑為湖南巡撫。○以江南水師捐輸軍餉。永廣

湖南衡州府學額五名。衡陽縣三名。○丁卯。以廣東官軍歷年勦匪。暨廣州等處籌餉團練出力。賞布政使張兆棟總兵官黃武賢。黃朝恩從一品封典。按察使郭祥瑞都司周陞等花翎。通判丁祖望等藍翎。餘加銜升敘。開復有差。○戊辰。

上御乾清宮。賜近支親藩等宴。○奉

慈禧皇太后

慈禧皇太后幸漱芳齋。侍午膳。○諭軍機大臣

等庫克吉泰等奏遵旨馳赴陝西先辦勦捻事務一摺。陝西自灞橋之挫。軍情喫緊。望援迫切。庫克吉泰等擬由山西入陝。取道同州。兼杜該逆渡河竄晉之謀。所籌甚是。著即與德興阿督率所部。催趨前進。一面確探鮑超。劉松山援陝等軍。行抵何處。飛催會合。竭力掃蕩。但不得株守同州。觀望貽誤。庫克吉泰進兵後。蒲州一帶河防。著趙長齡督同陳湜加意布置。以臻嚴密。另片奏請飭山西劃解

月餉等語。山西應解新疆餉銀。前經諭令每月劃出二萬五千兩。解交庫克吉泰。該軍由陝甘前進。勢難枵腹荷戈。著趙長齡仍遵前旨。督飭藩司。自本年正月起。按月照數撥解。毋誤要需。將此由六百里各諭令知之。已

宣宗成皇帝忌辰遣官祭

慕陵○

上詣

奉先殿

壽皇殿行禮○諭內閣。伯彥訥謨祜奏扶送伊故父僧格林沁靈柩回旗安葬。懇恩賞借四年親王俸銀一摺。已故科爾沁博多勒噶台親王僧格林沁靈柩回旗。長途耗費用款實多。著將伯彥訥謨祜應領四年親王俸銀如數賞給。無庸扣還。以示朝廷篤念忠藎優加體恤至意○諭軍機大臣等。譚廷襄曾國荃奏擒逆西竄連日追勦情形一摺。賊眾回竄

白口於沿河上下。扮作難民。窺伺漢水。經淮軍鄂軍等擊退。銳意西竄。撲犯安陸。劉銘傳率軍緊躡。賊後曾國荃復調鮑超回勦。鮑超一軍疊次諭令入秦。該撫復令在鄂會勦。實屬毫無主見。徒令該提督跋涉道途。迄未遇賊一擊。老師糜餉。莫此為甚。著仍遵前旨。迅飭援秦。卽已與賊相持。湘淮各軍均在鄂境。儘可妥為調度。禦賊狂竄。曾國荃屢託空言。殊無把握。何以副朝廷委任之重。著卽督飭

各軍認真扼勦。設法擒渠。迅圖殄滅。若僅以奏報鋪張敷衍。搪塞為得計。該撫自問當得何罪。曾國藩諒已赴徐接印任事。李鴻章已授湖廣總督。該大臣交卸後。自應進紮豫省扼要之地。方能就近調度。務當與曾國藩妥籌布置。毋誤事機。隨襄一帶已近豫疆。李鶴年當力圖堵截。不得任賊入境。再至蔓延。將此由六百里諭知曾國藩李鴻章譚廷襄曾國荃李鶴年。並傳諭鮑超知之○又諭劉蓉

奏覆陳賊勢趨重地方。現在籌辦情形。請飭左宗棠星馳赴陝。以一事權。並陳與喬松年共事棘手。鈔錄往復信函。呈覽各摺片。張總愚股匪現踞鄠縣之秦渡鎮花園鋪為老巢。其遊騎或鳧渡渭水。擾及興平武功醴泉等處。為數無多。劉蓉現將潰散各營。整理就緒。劉松山一軍。亦於去臘抵省。覽所奏籌策情形。欲令劉松山由義井寨徑擣老巢。則各路遊氣不攻自息。所籌未嘗不是。而喬松年又

欲令該軍先向西行。自北而南。又稱不必指定所向。於勦賊情形。辦理殊無把握。賊之慣技。每多方以誤我師。該逆大股皆在渭南。若以遊氣數十騎渡渭之故。遂令勁軍株守渭北。不行進勦。則陝省之賊。何日可平耶。劉蓉固係獲咎之員。然使所言尚合機宜。亦當不以人廢。喬松年何得固執已見。專事齟齬。使諸將觀聽惶惑。迷於所向。左宗棠現在行抵何處。何以日久絕無奏報。殊不可解。陝省軍

事孔亟。若再貽誤。關係非輕。著卽星馳入陝。迅籌調度。以一事權。並著喬松年振刷精神。廣咨方略。迅督劉松山等軍。進擣該逆鄠縣老巢。痛加勦洗。不可為賊牽掣。坐失事機。如始終膠執。貽誤疆事。必治該撫以應得之罪。懍之。劉蓉原摺片。著發交喬松年。並鈔給左宗棠閱看。將此由六百里各諭令知之。又諭德勒克多爾濟等。奏遵飭西兩盟報捐牛羊。並將前調蒙兵分防遣撤一摺。前據李雲

麟奏蒙兵中途潰散。請將扎薩克圖汗兵壯撤散。而留賽因諾顏兵千名防烏城。所需餉銀。請由烏城操防項下支給。業經寄諭德勒克多爾濟等辦理。茲據該將軍等奏稱。以扎薩克圖汗賽因諾顏兩盟蒙兵潰散情形。事同一律。撤留兩歧。恐啟爭端。所奏亦係實情。蒙兵潰散之後。即使勉強收集。究難得用。卽著德勒克多爾濟等與李雲麟酌將賽因諾顏蒙兵遣回各守游牧。以示體恤。惟烏城與

巴里坤哈密毗連之處防堵喫緊該將軍務當嚴密布置不可稍涉疏虞其各盟所捐牛羊仍著趕緊催解以資軍食李雲麟前奏赴奇古招集民勇一節現辦若何該大臣務須實事求是先將烏科塔三城布置完固再為進兵之計德勒克多爾濟亦當隨事協助毋使該大臣獨任其難也將此由五百里各諭令知之○又諭楊岳斌奏甘省餉需軍火等項以鄂臺轉解為大宗經左宗棠改派道員王加敏接辦臺務左宗棠未到任以先該委員等如不能將各省協餉隨時徑解甘肅則餉源斷絕飢軍譁潰堪虞等語自係實在情形著譚廷襄曾國荃懍遵上年十二月初一日寄諭督飭道員王加敏等速將各省協甘餉銀軍火隨時解赴陝省糧臺接收轉解以濟急需並著知照左宗棠遵照辦理另片奏湖北月協餉銀三萬五千兩自四年三月起至五年五月止所解不及十分之三江甯協

款又停止未解著曾國藩譚廷襄曾國荃郭柏蔭將各該省協甘餉銀仍照原定數目源源籌解毋稍遲延又片奏請飭山西巡撫轉飭撥解新疆餉需等語著趙長齡督飭藩司河東道於應解甘餉內無論何款先行籌撥銀二萬兩委員解赴綏遠城一面知會哈密辦事大臣文麟派隊迎提不得迂緩將此由五百里各諭令知之○又諭福興奏查明部撥新疆月餉未解數目開單請旨飭催一摺上年九月間戶部籌議李雲麟月餉指撥河南等省共計銀九萬五千兩定限十月內解到迄今四月之久覈計山西欠解銀十一萬五千兩直隸欠解銀一萬兩河南欠解銀八萬七千兩山東欠解銀十四萬兩均未解到各該省亦未咨報起解新疆需餉孔亟豈容任意玩延著劉長佑閻敬銘趙長齡李鶴年丁寶楨各按照單開數目源源如數迅速撥解以濟要需毋得視為具文致滋貽誤將此

由五百里諭知劉長佑閻敬銘趙長齡李鶴年並傳諭丁寶楨知之○又諭張凱嵩奏官軍查辦各土司積匪次第肅清暨黔苗竄擾粵境堵剿獲勝情形各摺片思恩府屬各土司如定羅舊城田州上林等處匪巢林立疊經張凱嵩飭令道員易元泰知府熊壽山等分途攻剿將匪首陸特囊等擒拏正法並陣斃積匪黃特發等多名九土司境地一律肅清辦理尚屬得手現在覃特學案內餘匪尚

多潛逃難保不乘機復煽總兵李士恩等軍均抵百色自與思恩聲息相通著張凱嵩迅飭熊壽山會同李士恩等實力挖尋將在逃各匪悉數擒誅毋留餘孽並著嚴飭各該地方官於已受撫之民加意綏輯其陸四大等股亦著檄令總兵蘇萃超妥為解散以靖地方黔苗竄入思恩之馴駐里社村及南丹土屬芒場等處雖經慶遠河池各處兵練截剿退回黔境究未大受懲創仍著張凱嵩責令

各該府州縣就近集團防堵並會同營員相機勦擊毋任深入為害荔波一帶與慶遠等處毗連該撫卽飛咨張亮基酌派兵勇馳赴荔波與粵軍聯絡聲勢迅掃賊氛將此由五百里諭令知之○以冒餉縱勇降廣西總兵官王月亮為參將○予廣西思恩陣亡縣丞劉培源祭葬世職○庚午

上詣

大高殿

壽皇殿行禮○御保和殿賜王以下文武大臣蒙古王貝勒貝子公額駙台吉暨朝鮮使臣等宴○奉

慈安皇太后

慈禧皇太后幸漱芳齋侍午膳○諭內閣譚廷襄奏考驗營伍分別舉劾一摺湖北宜昌鎮中營遊擊聞定魁操防得力著遇有參將缺出題補提標左營遊擊萬通精力稍輟辦理營務未能中肯著降為都司留營候補襄陽

城守營守備李世德弓馬欠準著卽行革職仍留世職把總彭萬秀年力衰邁著勒令休致額外李發滋馬步生疏陳國棟馬步欠力著一併斥革外委周元興馬步軟弱劉漢書騎射欠力均著以馬兵降補仍留藍翎軍功以觀後效外委晏興仁箭射無準額外梁文彩年力就衰著一併勒令休致○諭軍機大臣等丁寶楨奏遵議招募東省壯丁訓練馬隊章程開單呈覽一摺所籌俱臻妥協現在捻逆恃馬奔突官軍疲於追勦非有得力馬隊無以制賊死命而東三省勁旅萬難再行徵調丁寶楨因籌及招募壯丁三千名訓練成軍實能洞中竅要卽著特普欽於黑龍江所屬烏拉打牲人內多行招募如募不足數再於別處揀選並著富明阿於吉林所屬酌量招募務取言貌拙樸不得以內地客民充數並須查明取保造冊咨送閭敬銘等稽覈不准稍涉冒濫該兩省曾經出師回旗之員

如副都統薩薩布等打仗素稱奮勇此外諒不乏人並著富明阿特普欽調派管帶分起訓練入關赴山東聽候閭敬銘丁寶楨調遣丁寶楨卽派委員攜帶餉銀赴吉林黑龍江會同該將軍等派出之員認真招募訓練所擬章程十四條均著照所議辦理卽鈔給富明阿特普欽閱看其丁寶楨上年原奏並著一併鈔閱至丁寶楨奏派員出口買馬請飭兵部於委員到時發給護照並經過各關免其抽稅著兵部查照辦理將此由五百里諭知富明阿特普欽閭敬銘並傳諭丁寶楨知之○又諭劉蓉奏援師勦賊獲勝現催各軍繼進並請飭左宗棠迅速赴陝各摺片劉松山管帶援軍赴陝進紮義井寨捻逆大股由秦渡鎮等處來撲經官軍擊敗該逆現將渭北賊騎撤回併歸一處意圖合力撲犯官軍著喬松年督飭劉松山認真勦辦以期痛殲逆氛劉蓉屢經奉諭出省督勦始終因循貽

誤前已明降諭旨革職飭令回籍所有陝省軍務卽著喬松年專辦劉松山老於戎事該撫務當虛衷與之熟商妥籌調度不可固執已見貽誤戎機湘淮各軍亦不可稍存偏袒致令各懷意見張錫嶸所部各營著歸劉松山節制該撫當妥為駕馭並整頓劉厚基等軍為劉松山接應以厚兵力本日又據喬松年奏劉松山獲勝情形所稱劉松山進紮雨花寨與劉蓉所奏義井寨地名兩不相符究

係渭南渭北其興平醴泉等處賊騎竄渡渭北者究有若干劉蓉此次具報勝仗係於本月初九日發摺其革職前旨究於何日到陝並著喬松年查明覆奏劉蓉前奏有請撤去湘果各營另調皖軍之議現當兵力不敷之時豈容存此意見著不准裁撤卽著喬松年會同劉松山汰弱留強酌量調用並與淮軍一律相待毋稍歧視將此由六百里諭令知之尋奏遵查劉松山接仗之雨花寨係在渭

軍機處存案

三六

南距省十五里義井寨距省四十里劉蓉指雨花寨為義井寨實係錯誤其分股滋擾渭北之賊計有數千至劉蓉革職於初十日恭錄行知在案初九日奏報勝仗係在未接行知之前報聞○又諭前因已革陝西巡撫劉蓉操守尚好曲予優容乃於捻回逼近先請開缺迨賊竄陝省疊經諭令仍統軍出省督勦又復遷延觀望致令軍無統帥遇賊頻挫且於喬松年甫經到省卽與齟齬肆行糾劾以致互懷猜忌喪師奔潰大失機宜年前已明降諭旨將劉蓉革職飭令回籍乃本日奏陳劉松山援陝擊賊獲勝情形一摺並未與喬松年會銜所稱劉松山之援陝係聞陝軍潰敗為該革員報仇雪恥而來又復意存攘功其實始終並未出省且昨奏渭北並無大股賊匪喬松年牽制湘淮各軍不令前赴渭南今日所奏勝仗如在渭南則喬松年並未牽制各軍如在渭北則與昨奏又不相符該

革撫前次疊被叅劾。朝廷舍短取長。並未苛求。今居心如此。難逃洞鑒。著左宗棠於到陝後。將劉蓉何日奉到革職回籍諭旨。並本日奏到摺件。是否在奉到革職回籍諭旨之後。查明具奏。此次所稱接仗各地名。係在渭北渭南。及劉蓉另片所陳喬松年傳見都司李良田。示以親厚等語。並陳該撫不諳兵事各節。均著左宗棠詳查具奏。劉蓉摺片。均著鈔給閱看。喬松年甫到陝境。難保不巧懷趨避。

軍機處

三

而劉蓉局量褊狹。所奏亦未必俱係實情。該督總當以國事為重。秉公查覈。辨明是非。不可稍涉偏袒。現在陝事孔亟。左宗棠無論行抵何處。即著星夜馳赴關中。以顧大局。將此由五百里諭令知之。○又諭喬松年奏請飭山西河南按月採辦米糧。並請停解穆圖善等軍月餉等語。劉松山。鮑超兩軍。先後入陝。人數眾多。需糧甚亟。陝西餉項支絀。米糧缺乏。必須由鄰近省分寬為籌解。方可無誤。要

需前有旨諭令山西河南兩省。按月採辦米糧運陝。即著趙長齡。李鶴年。仍遵前旨。按月多辦米糧。運赴潼關。由喬松年派員接運。該撫等務當源源接濟。毋稍延誤。其穆圖善曹克忠兩軍月餉。仍著喬松年按數撥款籌解。不得藉詞推諉。將此由五百里各諭令知之。○又諭張亮基。奏賊撲安順府城。官軍擊退。並水城廳屬苗匪投誠各摺片。貴州逆首潘名榮等。句結犂苗。各匪數萬。於上年十月間

軍機處

三

攻撲安順。勢甚危急。經署提督趙德光。道員畢大錫等。督軍進擊。斃賊甚多。城圍立解。該逆向廣順州邊境竄去。逆匪雖已遠竄。難保不復思窺伺。著張亮基督飭該地方文武一體督練防禦。不得稍涉大意。其水城廳苗匪竺老五等。率眾投誠。並未呈繳軍械。是否真心悔罪。仍著飭令署通判袁開第。加意防維。相機安插。儻能辦理妥協。使地方得以安靖。准其將在事官紳。擇尤保獎。將此由五百里

諭令知之○贈陝西雨花寨陣亡降調翰林院編修張錫嶸侍講學士銜予祭葬世職○予貴州安順等處陣亡副將葉有貴祭葬世職加等建專祠遊擊宋朝陽等祭葬世職加等一併附祀○予貴州清鎮陣亡副將倪乾榮祭葬世職加等遊擊田天文祭葬世職

實錄卷一百九十四

三十九

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十四

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十五

勅

同治六年丁卯正月辛未

上御乾清宮賜大學士尚書等宴○奉

慈安皇太后

慈禧皇太后幸漱芳齋侍午膳○諭軍機大臣等李鶴年奏豫省布置情形擬出省調度一摺捻蹤竄擾鄂疆勢熾益熾現經官軍齊集堵剿其折竄豫境亦在意中李鶴年現已將省城防務辦有頭緒並將防河礮船添設增募水師一營定期出省著即暫駐許州就近調度務當嚴防邊境毋令賊蹤闌入另摺奏

請將豫省京協各餉及歷屆漕折暫行停撥一年。為添兵勦賊之用。豫省兵力本單。不敷勦辦。添隊練兵勢不可緩。該撫所請自係實在情形。惟京協各餉均關緊要。應如何通盤勻撥之處。著戶部妥速議奏。他省不得援以為例。將此由四百里諭令知之。○壬申諭軍機大臣等。瑞麟、蔣益澧奏圍勦曹冲及勦辦五阮客匪均獲勝仗。各一摺。曹冲逆匪經總兵周廷瑞、徐文秀等督軍進攻。雖疊獲小勝。尚未能大加懲創。該處地勢險峻。路徑叢雜。必須困以長圍。斷其接濟。所籌亦尚近理。惟賊氛並未大挫。曠日持久。變故滋生。不可不嚴為之備。著瑞麟、蔣益澧督飭諸軍嚴扼要隘。以杜旁逸。提督高連陞所部於正月中旬。可抵曹冲。即著令其會督各營合力進攻。但使機有可乘。即當迅圖蕞事。不得老師糜餉。坐任遷延。其五阮客匪既經副將鄭紹忠等攻破百鶴老巢及鹿田寨白洞等處。勦辦尚

為得手。仍著查明匪首陳疇等蹤跡。以免死灰復燃。並飭該副將併攻南五阮匪徒。大張撻伐。再行相機勦撫。毋任久踞。將此由五百里各諭令知之。○以鑲黃旗漢軍都統春佑署正黃旗領侍衛內大臣。正黃旗蒙古都統載容署鑲藍旗漢軍都統。○癸酉。以湖南修理

南嶽廟工程完竣。頒扁額曰銓德鈞物。○諭軍機大臣等。都興、阿泰、斟酌奉省軍務。請將五行隊暫緩撤回。並按匪禁賭情形。暫留富和帶隊各摺片。奉省匪徒尚未淨盡。難保不復圖嘯聚。所有天津五行隊駐紮大孤山。控制按捕。既關緊要。著准暫緩撤回。以資得力。惟奉省為根本重地。必須設法自強。都興、阿帶兵有年。現復身膺重寄。著即斟酌奉天情形。抽練兵丁。儲備將才。以期日有起色。俟本省兵力足數。調遣各路奸匪。皆知斂戢。即將五行隊撤回。至邊外圍場各處。應如何妥為

經理以期永無後患之處亦應豫為籌畫不得畏難自阻專恃客兵為敷衍目前之計富和等在法庫清和邊門內外等處搜獲匪犯多名先後訊明正法辦理尚為出力富和著准其暫留奉省仍責令該副都統等將窩留賭匪私藏軍械之處實力挖拏俟挖拏稍清卽令赴任杜嘎爾一員現在計已假滿著都興阿催令迅速赴任毋許藉詞延宕將此諭令知之○又諭左宗棠奏敬陳籌辦情形請

將劉典開缺另簡楊岳斌奏回捻勢將句結請飭鮑超入陝劉蓉赴涇西甯回匪日逞奸謀大臣受其挾制各摺左宗棠所稱進兵陝西必先清關外之賊進兵甘肅必先清陝西之賊駐兵蘭州必先清各路之賊實為動中竅要所稱採買馬匹練習馬隊先造獨輪車應用俟所調各營取齊由襄樊出荆子關赴陝抵陝後製造雙輪礮車兼雇買車輛俟採口馬到陝增練馬隊並習車營一面開設屯

田總局汰遣各營均著次第辦理陝西已有劉松山一軍在彼並收集湘果各營鮑超一軍亦已令其入陝該大臣若以所部先駐西安不慮無兵調度若必俟劉典等到營一同入關深恐有稽時日著卽就現有兵力取道入關妥為籌辦以副期望左宗棠未到以前喬松年務須懍遵疊次諭旨認真防勦毋稍大意劉典已開缺賞三品卿銜幫辦軍務著左宗棠催令卽日募勇到陝毋任逗遛張岳

齡已授甘肅按察使並著飛咨劉坤一飭令該司督率所部三營赴任藉資坐鎮楊岳斌請飭鮑超速行入陝已疊經傳諭該提督星速進關援勦著左宗棠等再行嚴催劉蓉藉病不肯出省任意抗違致有瀟橋之挫湘果各軍損傷大半現復與喬松年齟齬不合業經降旨將劉蓉罷斥斷難冀其得力楊岳斌所請令劉蓉赴涇之處著不准行並著喬松年酌度軍情派軍赴涇駐紮毋得視為緩圖

致回捻句結為患益深。西甯回匪日逞奸謀。玉通將漢團全行撤去。受其挾制。將來必難自保。楊岳斌現令孟柏林等仍行練習舊卒。招募新軍。著密飭妥為豫備。此摺著鈔給左宗棠閱看。楊岳斌在任一日。務須盡一日心力。不得稍存退縮之見。俟左宗棠將陝省底定。方能息肩也。將此由六百里各諭令知之。○又諭左宗棠奏兵力較單。請調高連陞所部。隨同西征等語。現在左宗棠由鄂入關。先應勦辦秦中之匪。該省捻回匪數太眾。必須厚集兵力。方能掃蕩逆氛。著瑞麟、蔣益澧、迅飭高連陞統率所部九營。由惠州嘉應踰嶺而北。出贛州順流而下。沂江抵鄂。取道襄樊前進。以為左宗棠後路聲援。高連陞所部行糧。仍由廣東籌給。毋令缺乏。並著蔣益澧於香港購辦上好洋槍二千桿。及槍藥銅帽。即交高連陞解交左宗棠軍營。將此由六百里各諭令知之。○又諭劉嶽昭奏官軍攻克沙

窩等處賊巢。黔西境內肅清。並疏通省路一摺。黔西沙窩踞賊圍困州城。經劉嶽昭、張亮基派令副將鄒復勝、李忠恕等督隊進攻。焚毀賊巢。斃賊無算。州城得以解圍。其由凹腳圍攻衙院股匪。亦經總兵宋華美等奮力追殺。賊向白果坪竄去。各寨率眾投誠。黔西境內均已肅清。辦理尚屬得手。所有在事文武員弁紳勇。著劉嶽昭擇尤彙案保奏。毋許冒濫。黔西濫泥溝、鴨池河等處。為入省必由之路。而沿河一帶小路分歧。賊匪易於藏匿。仍著劉嶽昭檄飭鄒復勝、謝景春等隨時搜捕。擇要進紮。以為貴陽聲援。張亮基亦當責令各該地方官會同劉嶽昭各營協力嚴防。不得以地方稍定。輒形鬆懈。其平遠州情形若何。並著劉嶽昭等派員確加偵探。相機辦理。劉嶽昭另片奏糧米支絀。擬分咨川黔設法採辦等語。仁黔清鎮等處野盡榛蕪。糧米無從接濟。自係實在情形。著崇實駱秉章、張亮

基按照劉嶽昭所咨，迅籌米石，委員解赴該撫行營，以資軍食。劉嶽昭仍一面乘勢渡江，力圖勦辦。母得停兵待糧，致滋貽誤。該撫又片稱患痢甚劇，仍在仁懷調理等語。現在黔中軍務稍有起色，所望於該撫者，方殷著即趕緊調治，剋期前行，以副委任。將此由六百里各諭令知之。○陝甘總督左宗棠奏請飭楊岳斌、劉蓉悉力支持，勿因事權不逮稍涉推諉，得旨：楊岳斌疊經有旨責成，將甘肅軍務妥籌整理，准歸該督調遣。劉蓉於捻蹤入陝後，屢次催令出省，終始抗違，去冬灞橋之挫，已降旨將其革職，著毋庸留陝，以為疲玩者戒。○命禮部尚書全慶為

玉牒館副總裁官。○命陝甘總督左宗棠為欽差大臣，督辦陝甘軍務，開甘肅按察使劉典缺，賞三品卿銜，幫辦欽差大臣左宗棠軍務。○以記名道張岳齡為甘肅按察使。○以奉天綏爾山勦賊出力，予參將張得祿以副將

用，並賞總兵銜，守備高尚忠、花翎。○予甘肅狄道等處陣亡提督羅進賢等祭葬，世職加等。○予甘肅階州殉難知州沈鳳才護遊擊蔣榮等祭葬，世職加等。沈鳳才眷屬旌卹如例。○予貴州黔西陣亡把總謝恭武等祭葬，世職。○甲戌

上御撫辰殿大幄次，賜王公大臣、蒙古王貝勒貝子、公、台吉暨朝鮮使臣等食。○諭軍機大臣等：英翰奏撥兵援陝等情，一摺，陝省情形危迫，待援孔亟。英翰現遵前諭，將郭寶昌一軍調赴陝省，並將該營正二兩月餉銀委員解交，期於十日內起程，實能不分畛域，力顧大局，深堪嘉尚。著即飭令郭寶昌迅速拔營兼程西進，毋稍遲緩，並著喬松年趕緊追提入陝，與劉松山合力進勦，痛殄狂氛，如擒匪被勦，竄出陝境，即著飭令郭寶昌一軍作為遊擊之師，視賊所向，盡力窮追，不必留駐陝境，專顧一隅，致誤全局。前經諭令趙長齡仍

按月撥協皖餉一萬兩。著自二月以後。改解郭寶昌卓勝軍營。此係緊要之款。該撫務當按月協濟。不准稍有推延。並著喬松年派員迎提。以免飢潰之虞。程文炳一軍。既由英翰調往商城。卽著飭令扼要駐守。嚴密防堵。以杜鄂捻回竄之路。另片奏請來京。陛見等語。皖省軍務雖覺稍鬆。惟當防堵緊要之時。正須該撫在彼調度。未可遽行離營。著俟軍務大定後。再行奏請入覲。將此由六百里各諭令知之。○乙亥。諭軍機大臣等。訥爾濟奏哈密現在情形。擊退竄撲巴城回匪。請飭李雲麟派兵撥餉。催成祿出關救援各摺片。何瑄奏哈密情形。並請催援兵各摺片。哈密回匪猖獗。西撲巴城。經訥爾濟何瑄督率兵勇擊退。該逆現復糾集黨與。希圖回擾。著訥爾濟伊勒屯何瑄激勵兵勇。嚴密防勦。現在巴里坤情形緊急。著李雲麟飛催棍噶扎勒參整齊蒙兵。馳赴巴城。先保完善。以固根本。並酌

撥軍餉。解往應用。成祿圍攻肅州。日久未下。甚屬疲玩。著卽剋日將肅城攻克。星夜出關。恢復哈密。先清東路。與巴城聲勢聯絡。再圖西進。毋再玩延。致干重咎。訥爾濟因目疾失明。本日已明降諭旨。准其開缺回旗矣。將此由六百里諭知李雲麟成祿訥爾濟伊勒屯。並傳諭何瑄知之。○巴里坤領隊大臣訥爾濟因病解職。賞鑲紅旗滿洲協領伊勒屯副都統銜。為巴里坤領隊大臣。○丙子。

孝穆成皇后忌辰。遣官祭

慕陵。○諭內閣。總理各國事務衙門奏請派員充總管新設同文館事務大臣等語。太僕寺卿徐繼畬。老成望重。足為士林矜式。著仍在總理各國事務衙門行走。充總管同文館事務大臣。惟寺務恐難兼顧。著開太僕寺卿缺。以專責成。而資表率。○又諭衍秀奏官兵赴部領餉。有交通部書扣銀給費情事。請交部審辦一摺。此案半壁店千總李鵬赴部關領

俸銀。輒因書吏索費。扣存銀二百兩。黃新莊千總李霖既經梅勒嵩瑛將此事與之說明。復以剋扣字樣稟控。豫為脫卸。黃新莊總管清弼。於李鵬呈出分放攤款等單時。並不稟請查辦。事後諉為不知。亦難憑信。案關弁兵交通書吏。扣餉婪贓。必須徹底根究。千總李霖。李鵬均著解交刑部審訊。戶部書吏嚴子馨著步軍統領衙門拏交刑部嚴訊。毋許疏脫。總管清弼委署千總李永壽。梅勒嵩瑛。王

舒全。李嵩。梅均著聽候傳質。○丁丑諭軍機大臣等。楊岳斌奏病勢增劇。懇恩賞假調理。請飭催左宗棠等。八廿一摺。楊岳斌所陳患病情形。覽奏實深廕繫。著賞假一個月。安心調理。惟秦省匪勢鴟張。左宗棠先須入關勦辦。俟秦省底定。方能移師入甘。左宗棠未到以前。楊岳斌責無旁貸。仍著懍遵疊次諭旨。力疾從公。將甘省兵事餉事。及各路防剿機宜。妥為調度。儻有疏虞。仍惟楊岳斌是問。曹

克忠前因患病赴陝。現在計可就痊。該員所部各營。久無將領統率。軍心不固。時有潰散之虞。著喬松年檄飭曹克忠。迅即馳回甘省。統帶舊部。埽蕩逆氛。儻該提督有託病遷延情事。即著喬松年據實奏。以儆驕悍。甘省軍事孔棘。糧餉兩絀。應如何全局統籌。妥為兼顧之處。著左宗棠相機辦理。將此由六百里各諭令知之。○戊寅

孝聖憲皇后忌辰遣官祭

泰東陵○諭內閣朕奉

慈安皇太后

慈禧皇太后懿旨。三載考績。為國家鉅典。中外滿漢諸臣。有能為國宣勞動猷卓著者。允宜特予甄敘。以示寵榮。茲當京察屆期。吏部開單題請。詳加披閱。恭親王首贊樞廷。於今六年。小心謹慎。夙夜勤勞。克盡匡襄。深資輔翼。著交宗人府從優議敘。吏部尚書文祥。戶部尚書寶鑒。都察院左都御史汪元。方同心贊

畫勤慎和衷均著交部議敘協辦大學士兩江總督曾國藩公忠素著保障東南陝甘總督左宗棠嚴疆馭寇謀畫忠誠湖廣總督李鴻章才略優長不辭勞瘁四川總督駱秉章老成碩望宣力彌勤均著交部從優議敘餘著照舊供職○諭軍機大臣等劉長佑奏直隸軍宜速成計須早決一摺直隸練兵之舉原以供衛京師且布置已有成規勢難再行改撤前因餉需恐有不敷經總理各國事務衙門會同戶部議奏請裁兵數係為節省經費起見茲據劉長佑奏陳兵難覈減情形所論頗為詳備著仍照六軍原議兵數營制挑練毋庸另議減改所需餉銀即著戶部於各省應解固本京餉內支給並著戶部催令各省督撫勒限撥解僅有遲逾或解不足數者即著戶部按撥解京餉遲延例嚴行叅奏其續練二軍亦仍照戶部原議籌撥辦理俾直隸新練各軍得免匱乏之虞經此次諭定之

後劉長佑責無旁貸必當專心挑練不得瞻徇情面稍涉遷就推諉之見致負委任儻事無成效教練徒事虛文馴至有羅惇衍所陳十慮等弊惟該督是問將此諭令知之○又諭前有旨授左宗棠為欽差大臣督辦陝甘軍務因思山西與陝西毗連防堵甚關緊要捻匪業已渡渭沿河一帶尤須加意嚴防該省現派臬司陳湜帶勇防堵兵力尚單惟恐與陝西各軍聲勢不能聯絡左宗棠到陝後當妥籌兼顧所有山西在防各軍即著歸該大臣節制調遣與陝西兵勇合力防剿以期聯絡聲勢互相援應力保完善兵行餉隨並著左宗棠咨商趙長齡於陝甘新疆應解各餉籌款源源接濟將此由四百里各諭令知之○己卯諭軍機大臣等李鴻章奏楚秦援軍兩路獲勝情形一摺劉銘傳一軍援鄂由宋河追賊至京山宜城一帶連破賊伏疊獲勝仗該逆折竄安陸劉銘傳仍由宜城北路

追躡著李鴻章卽檄飭援軍盡力勦洗並嚴扼捻蹤回竄棗陽樊城之路譚廷襄曾國荃分布各軍四面兜剿就地殄除毋任旁竄鄰省劉松山一軍援陝在魚化鎮獲勝已據喬松年劉蓉奏報惟捻股人數眾多劉松山兵力尚單亟須鮑超入陝援應前已疊次嚴諭此軍入陝曾國荃何得任意留駐鄂境著李鴻章懍遵前旨嚴檄鮑超剋日拔隊西行不得抗違致誤大局曾國藩既經接受兩江督

篆所有察吏籌餉及地方應辦事宜均關緊要且金陵亦不可無勦望素著大員坐鎮著卽回駐省城以資鎮攝該督公忠體國自當仰體朝廷倚畀之隆勉為國家宣力一切軍情並調度事宜仍著李鴻章隨時咨商以資裨益將此由六百里各諭令知之○又諭李鴻章奏請將徐防軍餉歸併徐州行營糧臺支放並請飭催協餉等語徐防兵勇經李鴻章整頓訓練與湘淮各軍一律調遣所需餉

項自應歸併徐州行營糧臺無庸由善後局支放以歸畫一該局所收各款卽著李鴻章飭令徐州道造冊移送金陵總糧臺由曾國藩覆覈奏銷至徐防兵食以豫東晉三省協餉為大宗近年撥解寥寥現在出境助剿遠赴豫鄂需餉尤鉅著李鶴年閻敬銘趙長齡丁寶楨迅照舊案撥解以供支放將此由五百里諭知曾國藩李鴻章李鶴年閻敬銘趙長齡並傳諭丁寶楨知之○又諭前據李鶴

年奏豫省兵力過弱請將京協各餉及歷屆漕折暫留一年為添練步兵之用當交戶部速議具奏茲據該部奏請將本年京餉銀二十萬兩歷年欠解漕折銀十一萬兩均准暫緩其本年額解漕折銀四十萬兩亦准暫緩一半其餘漕折銀二十萬兩除已報解外尚有未解銀十萬兩仍令撥解至常年及軍需各協餉別無可籌請飭斟酌緩急陸續報解而固本京餉關係尤要仍應按月報解各等

語卽著照所議辦理。豫省兵餉雖形支絀而免解之銀已逾五十萬兩。得此鉅款自可添練兵勇。以壯軍威。李鶴年當念朝廷格外施恩之意。實心經理。不可徒涉虛文。儻仍不能勦賊。致有浮冒情事。惟李鶴年是問。漕折為俸米甲米抵放專款。所有未解之十萬兩。及固本京餉均為緊要。該撫仍當迅速撥解。不可稍有缺乏。其餘各協餉亦當隨時報解。以資接濟。該撫當統顧大局。不得概期停解也。將此由五百里諭令知之。○又諭前因棍噶扎勒參奏請賞給牛羊。並補發官兵鹽菜各摺片。當交戶部速議具奏。茲據會同理藩院奏稱該喇嘛所奏厄魯特等情形困苦。請給牛羊以資生計。自係為撫恤蒙兵起見。前經李雲麟奏請由蒙古各部落捐輸牛羊。為西路征兵之用。業經諭令錦丕勒多爾濟奎昌等一體勸辦。請飭查明撥給等語。卽著李雲麟會同德勒克多爾濟麟興錦丕勒多爾濟

奎昌明瑤查明各盟所捐牛羊。供給征兵食用外。有無餘存。應如何酌量撥給厄魯特等眾之處。一面撥給一面奏聞。戶部另片奏該喇嘛所帶察哈爾等處官兵三千名。自四年五月起至五年正月止。未經發給鹽菜銀兩。自應迅為籌撥。以資接濟。並著李雲麟德勒克多爾濟奎昌等體察情形。將解到新疆餉銀內陸續補發。俾收飽騰之效。棍噶扎勒參另片奏策林喇普坦拉特那巴咱爾等革職。後深知畏懼。接濟該營糧畜等項。並情願備兵前進等語。策林喇普坦等既知悔罪奮勉。所有革職處分均著暫行開復。並著李雲麟等傳知該親王等整頓所部兵丁。隨同官軍合力堵剿。以贖前愆。棍噶扎勒參所請調取烏里雅蘇台所屬呼圖克圖呼畢勒罕二三人。並添調阿嘉薩木什等一併來營各節。已於上年七月間諭令李雲麟傳知該喇嘛照所請行。仍著李雲麟遵照前旨辦理。圖庫爾

棄城出境避賊遠颺厥咎甚重棍噶扎勒參奏請改將該喇嘛治罪無此辦法著不准行李雲麟接奉此旨卽著傳諭棍噶扎勒參知悉將此由五百里各諭令知之尋李雲麟等奏現擬將扎薩克圖汗捐輸羊三萬五千隻全數撥給厄魯特再從賽因諾顏及東兩盟捐輸羊隻內分撥二萬隻所餘八萬隻擬卽撥歸烏城防兵以資接濟如所請行○予安徽廬州陣亡千總邵希煒等祭葬世職加等

○庚辰諭軍機大臣等鮑超奏官軍大獲勝仗巴揚阿等奏擒逆欲渡襄河激團豫備各一摺鄂賊盤踞楊家澤拖船埠永樂河一帶經劉銘傳鮑超先後進剿將三路賊眾擊退官軍四面圍剿追殺六十餘里斃賊甚多辦理尚為奮勉任化邦賴汶洗是否殲斃著曾國荃查明具奏並著曾國藩李鴻章曾國荃督飭劉銘傳等軍將敗殘賊眾盡力剿洗毋任死灰復燃楚賊已屬無多兵力足敷剿辦

儻不趕緊肅清再致竄擾惟曾國荃是問鮑超一軍仍著迅速援陝該提督所向有功不得因循自誤入關以後軍情咨報左宗棠具奏巴揚阿等奏布置襄河情形尚為妥協卽著曾國荃迅飭左光培等抽撥礮船駛赴沙洋會同樊國泰等實力堵禦仍於陸路酌分一軍渡過西岸擇要屯紮與藍斯明所部聯為犄角之勢如該逆渡河卽著文全帶兵馳往沙洋會同痛剿毋稍疏失將此由六百里

諭知曾國藩李鴻章譚廷襄曾國荃巴揚阿並傳諭鮑超知之○予湖北楊家澤等處陣亡總兵官陳永康等祭葬世職加等○辛巳諭內閣理藩院奏檢查陳案請旨辦理並請將堂司各官分別查議議處一摺上年十二月間禮部因鑄給棍噶扎勒參印信咨查該呼圖克圖係何時賞給名號當經理藩院覆以查無其名旋據該院司員查明自行檢舉該呼圖克圖之名前係固帑幹扎拉參此次

李雲麟請給印信摺內譯為棍噶扎勒參。清漢字音偶歧未能即時查出。既據理藩院奏稱固帑幹扎拉參即棍噶扎勒參。所有應行賞給該呼圖克圖印信著禮部即行頒發。理藩院堂司各官當時未經查明著查取職名分別查議。議處。○諭軍機大臣等曾國藩奏赴徐接印任事一招覽奏欣慰著該督即遵前旨回駐江甯省城籌辦糧餉及地方事宜以資坐鎮。另片奏請留鮑超一軍於豫西攔截任賴不使西竄等語鮑超一軍已在楊家澤地方大獲勝仗昨據該提督奏報仍督軍追剿現計旬餘諒可次第殄滅湖北兵勢已厚。劉銘傳等軍當已足數勦洗本日據林壽圖奏回逆竄陝軍情萬緊劉松山一軍勢尚單薄鮑超仍當迅速援陝以資得力該軍糧運雖有薛書常在晉籌辦仍著該督源源接濟毋令有所藉口將此由五百里諭令知之。○又諭林壽圖奏甘省東路回氛猖獗分股

西侵運道益梗陝臺移置漢中辦理報銷並陳慶涇可慮情形各摺慶陽被困已久穆圖善尚在中衛庫克吉泰等亦一時不能赴援雷正綰勢力不支涇長均遭蹂躪該匪復挾同游勇從宜君耀州富平三原竄擾蒲城渭南臨潼等處至大荔之八女井王閣村盤踞潘驛同朝完善之區人民惶亂邠長門戶空虛未籌防堵本日已諭令穆圖善迅赴慶陽喬松年派兵赴邠長一帶防勦惟捻回蹤跡已近難保不暗中勾結穆圖善喬松年均恐不能抵禦著左宗棠統籌全局入關調度務須保固同朝等處兼顧山西完善之區毋令回氛肆擾鮑超一軍已在鍾祥地方大獲勝仗鄂軍足數勦殄該大臣即督同鮑超入陝以資得力林壽圖摺內所稱雷正綰聞被捉放回及喬松年議加釐改捐每遇署缺不由司擬輒先授意而於諸將未有指揮各等情著左宗棠於到陝後密查具奏林壽圖所陳

糧臺既改漢中。各省應解慶陽協餉。甘省應支慶涇月餉。應統歸陳丕業辦理。請飭陝甘總督湖廣督撫。迅催候補道陳丕業。限二月初旬。由荊子關馳抵漢中。督辦各局事務。卽著左宗棠咨行湖廣督撫。催令該員。剋日前往。悉心妥辦。毋稍遲延。陝甘待餉孔亟。並著左宗棠照林壽圖摺內所稱。咨行鄂臺。將六年三月以前已解到鄂各餉。均兌運西安。並前次准撥之山西河東各五萬兩。由左宗棠飛催該撫飭司道如數速解。以救眉急。林壽圖另片奏請飭左宗棠審量進兵之路。先籌糧運之區。庶免臨時掣肘等語。著左宗棠竭力籌畫。以期軍食有資。林壽圖摺二件。片一件。均著鈔給左宗棠閱看。將此由六百里諭令知之。○又諭前因慶陽被圍。諭令穆圖善率師前往勦辦。近聞回匪益肆蔓延。馬步數萬屯踞郝家寺賈家黑莊東華池梁家扁等處。涇長均遭蹂躪。雷正綰進勦。勢力不支。慶

涇被困已久。亟須撥兵救援。穆圖善是否尚在中衛。著卽統率所部前赴慶陽。節節掃蕩。迅殄回氛。儻再遷延。觀望頓兵不進。致慶涇或有疏失。恐穆圖善不能當此重咎也。懍之。回匪挾同游勇。從宜君耀州富平三原竄擾蒲城渭南臨潼等處。至大荔之八女井王閭村。盤踞潘驛同朝完善之區。人民惶亂。邠長門戶空虛。喬松年身任陝撫。責無旁貸。當此回捻交熾。勢甚危殆。何以並無一字奏報。實屬不知緩急。著喬松年星速派兵馳赴邠長一帶。妥籌防勦。以固藩籬。應如何分路勦辦。杜其與捻匪勾結之處。著該撫相機布置。並聞雷正綰有被回匪擁去。復行送回情事。著該撫一併查明。將近日軍情據實奏報。毋得一味顛預。致負委任。回匪既竄大荔等處。晉省防務。又形喫重。著趙長齡督飭臬司陳澍整頓水陸各軍。嚴密備禦。毋令闖入晉疆。將此由六百里各諭令知之。尋喬松年奏據委

員程維雍等稟稱。回逆圍攻泰昌時。雷正綰自帶親兵數名。出營探賊。突遇大股猝至。遂入洪家堡固守。次日賊退。始行回營。並無被擄之事。報聞。○又諭勞崇光奏。分路進剿。迤西。請催各省協餉。並收復鎮雄州城。擒斬首逆各一摺。逆匪杜汶秀盤踞大理。蹂躪迤西一帶。久稽顯戮。勞崇光抵省後。卽與馬如龍商議進剿。現派參將楊振鵬等分南北兩路進兵。歸馬如龍節制。均已次第起程。馬如龍亦親督兵練前進。各營同仇敵愾。踴躍從公。深堪嘉尚。仍著勞崇光檄令馬如龍督率諸將。奮勉圖功。務將杜逆黨與悉數殲除。廓清疆圉。惟師行餉隨。甚關緊要。滇省地方彫敝。餉需萬分難籌。此次大舉西征。所需甚鉅。若餉項不繼。難望士飽馬騰。本日已諭令崇實等各將應解協餉。趕緊解滇。以資接濟。自不至停兵待餉。中道而廢。該督當隨時激勵兵練。迅奏膚公。以副委任。鎮雄州城現已收復。

首逆均擒獲正法。岑毓英剿辦賊匪。奮勇得力。業將該員超擢藩司。以示嘉獎。此時天氣融和。正可乘勢進兵。剿辦豬拱箐苗匪。勞崇光卽飭該藩司相機進取。毋失機宜。將此由六百里諭令知之。○又諭勞崇光奏滇省需餉孔亟。請飭催四川等省迅速撥解等語。四川等省協撥滇餉。前經戶部議撥銀三十五萬兩。乃自上年二月間。勞崇光入省直待至八月初旬。始據四川解到銀四萬兩。尚有五萬兩未解。廣東浙江江西湖南河南各省應撥之項。均尚杳無消息。勞崇光現已進兵迤西。必須迅籌接濟。僅以餉項缺乏。致誤師行。於滇省大局。甚有關繫。著崇實駱秉章迅將欠解五萬兩。如數籌撥。並著瑞麟李瀚章蔣益澧馬新貽劉坤一李鶴年各將部撥協滇餉項。迅速撥解。以濟要需。毋稍延宕。將此由五百里各諭令知之。○引見京察三品以下京堂得旨。太僕寺卿祥符衰病昏庸。著勒令

休致。餘著照舊供職。○雲貴總督勞崇光奏請調前任四川按察使蔣徵蒲候選道林福盛前赴雲南差委。允之。○實授雲南迤南道岑毓英布政使。○改丁憂雲南騰越鎮總兵官全祖凱為署任。仍留營。○賞前任奉天府府尹德椿四品頂帶。命赴直隸天津交三口通商大臣崇厚差委。○以直隸吳橋獲匪出加賞都司姚懷德等花翎。○以克復貴州綏遠縣城賞道員林肇元按察使銜。○以克復

雲南鎮雄州城賞知縣唐湛春同知銜花翎。把總周云禮等藍翎。餘加銜升敘有差。予陣亡都司許占春祭葬世職加等。○予雲南鶴慶殉難代理知州林森崇祭葬世職加等。○予陝西涇州殉難縣丞王思孔祭葬世職加等。○予浙江永嘉陣亡武生徐桂芳祭葬世職如把總例。○蠲免兩浙仁和海沙鮑郎蘆瀝橫浦浦東六場被擾地方上年竈課並展緩橫浦浦東二場舊欠錢糧。○壬午諭內閣

御史阿凌阿奏參疆臣驕妄請旨嚴飭一摺。據稱曾國藩不肯回兩江總督本任。仍刊用江督字樣關防。復欲以散員留營。並已回徐州。又不接印等語。曾國藩公忠謀國。動望素著。且時以盛滿為慮。屢次陳請開缺。並以辦捻無功。自請量加譴責。註銷侯爵。謹畏出於至誠。朝廷念其前功。且籌李鴻章餉糈。亦極緊要。是以仍令回兩江總督本任。該督復請留營自效。以免避勞就逸之嫌。至所刊江督

木質關防。係在河南境內行營所用。其時並未開兩江總督之缺。亦尚未折回徐州。現已恪遵諭旨。受篆視事。是曾國藩本無驕妄情形。該御史不查明原委。率以臆揣之詞。列諸彈章。跡涉任意攻訐。此風斷不可長。原摺著即擲還。○又諭崇實奏開復參革人員不宜仍發原省一摺。據稱三年大計。及督撫隨時甄別人員。一經罷斥。例不錄用。近來該革員等或赴軍營投效。或加倍報捐。開復原官。往

往仍歸原省補用。流弊滋多等語。所奏不為無見。著該部查明。除因公呈誤奏。請開復人員外。若身被計典及督撫特行甄別降革各員。如係立功軍營保舉者。卽留於立功省分酌量補用。如由京局捐復者。卽歸部銓選。概不准仍發原省。其已經發往原省及銓選適遇原省均著改掣省分。以示限制。○又諭崇實奏隨時甄別各員。請分別降革等語。四川石柱廳同知陳治年少氣浮。未諳政體。著以通判降補。樂山縣知縣劉大智精力衰頹。難期振作。著以教職改補。安縣知縣程宗潤言語輕浮。舉動草率。候補知縣梁叔丙才具庸懦。辦事踟躕。均著以府經歷縣丞降補。榮縣知縣申誥操守不謹。貽誤地方。卽用知縣郭炳南性情躁妄。心地糊塗。候補知縣茅樾不洽輿情。均著卽行革職。候補同知毛英倬行止卑污。候補通判杜綬出身微賤。有玷官常。均著革職。永不准其捐復投效。以示懲儆。○

諭軍機大臣等。有人奏直隸武強縣知縣劉振中貪酷殘暴。信任官親。攬權納賄。設有敲毆棒等。非刑殘虐百姓。詞訟不分。原被一併鎖押。密使官親談姓同書役嚇以非刑。視錢之多寡判理之曲直。合縣呼為劉錢串。談姓及戶書高春潤包辦詞訟。無惡不作。復約請紳商勒捐銀兩。並為父慶壽。得折禮銀三千餘兩。談姓又與高春潤及快役谷清順等結拜同盟。有將軍閔王等綽號。同治四年。谷清順等夥搶過客。刦財斃命。又搶掠阮姓家財。物谷清順被獲後。該縣屬高春潤關說。送銀六百兩。消弭兩案。請飭查辦等語。著劉長佑按照所奏各節。確切查明。據實具奏。毋稍徇隱。原片著鈔給閱看。將此諭令知之。○又諭有人奏湖北司道動用竹木商捐一款。內用銀二萬餘兩。係分送本省及過往官紳程儀川資賻儀。上年曾國荃過境。用銀三千兩。及歷任巡撫到任。江夏縣辦理鋪陳修理衙署。

及一切規費皆於此款領用等語所奏是否屬實著譚廷襄提訊委員孫振銓務得確情秉公覆奏原摺著鈔給閱看將此諭令知之○又諭穆圖善奏官軍渡河進剿連奪要隘現在移營勦辦並請留景廉襄辦一切各摺片楊汶智股匪經官軍勦敗勢已窮蹙向鹽固一路竄去馬生彥一股仍踞半箇城地方靖遠鎮番及中衛黃河兩岸肅清該將軍擬將中衛大營移過河南甯安堡駐紮以杜該匪回竄即著體察情形妥籌布置現在慶涇被困已久亟須撥兵救援昨有旨令穆圖善統率所部速赴慶陽即著酌帶兵勇迅趨涇慶一帶節節掃蕩殄滅回氛毋令與陝捻勾合致滋貽誤甯夏地方緊要必須得人鎮守方可無虞仍著金順護理將軍印務毋庸隨同前往穆圖善移師東上甯靈地方不能兼顧即著楊岳斌慎選賢能守令遇有漢回交涉事件秉公酌辦寬猛相濟毋得稍存偏袒

致生事端哈密辦事大臣景廉著准其暫留穆圖善軍營襄理軍務俟軍事稍鬆即飭速赴新任不得藉詞逗遛將此由六百里各諭令知之○又諭穆圖善奏請飭催各省協餉等語穆圖善軍營餉需久絀疊經諭令各該督撫源源撥解茲據該將軍奏稱各省協餉四月之久均無報解信息該營糧餉兩絀呼籲無門情形甚為急迫自應迅籌接濟著崇實駱秉章譚廷襄曾國荃閻敬銘丁寶楨趙長齡喬松年各將該省應協月餉迅速報解並著曾國藩趙長齡轉飭兩淮運使河東道各將應協餉銀源源批解穆圖善軍營以應急需其以前欠解之款著一併陸續起解不得稍有延誤將此由五百里諭知曾國藩崇實駱秉章譚廷襄曾國荃閻敬銘趙長齡喬松年並傳諭丁寶楨知之○又諭成祿奏肅城未下後路竄匪突至情形日緊並請撥兵援應各摺片肅州一城圍攻日久迄未能克

成祿督率無方殊屬疲玩現在東路竄匪擾偏高臺圍攻城池若不趕緊剿除官軍必前後受敵勢不能支成祿當振刷精神督率兵勇先將高臺賊匪殄盡以清後路並著剋期攻拔肅城毋得再事遷延致生他變肅城攻克後仍著整頓軍旅料理出關現在該營兵力甚單著楊岳斌迅速多撥兵勇數營馳援肅州不可稍分畛域致省西一路又形糜爛將此由五百里各諭令知之○以故翁牛特

扎薩克都楞郡王布爾那巴達拉繼子贊巴勒諾爾布襲爵○以捐備駝隻賞阿拉善鎮國公巴爾沁班咱爾國策花翎○以勦辦西藏博窩番匪出力予知州馬玉堂以知府用○予故署甘肅涼州鎮總兵官瑞琳祭葬卹廕○癸未工部右侍郎魁齡等奏遵旨查探西山水源查得昆明湖來源出自玉泉玉泉之水實借助於香山櫻桃溝兩泉擬請力加疏濬節節導引停蓄於昆明湖中待其積長

增高自仍循故道入長河以達京城請欽派大臣覆勘修理得旨著卽派魁齡于凌辰王維珍文碩前往估修○甲申孝儀純皇后忌辰遣官祭

裕陵○諭內閣御史張盛藻奏天文算學等事宜歸欽天監工部毋庸招集正途學習一摺前據總理各國事務衙門奏請設同文館專用正途科甲人員學習天文算術並擬章程六條呈覽當經降旨依議茲據張盛藻奏科甲正途讀書學道何必令其習為機巧於士習人心大有關係等語朝廷設立同文館取用正途學習原以天文算學為儒者所當知不得目為機巧正途人員用心較精則學習自易亦於讀書學道無所偏廢是以派令徐繼畲總管其事以專責成不過借西法以印證中法並非舍聖道而入歧途何至有礙於人心士習耶該御史請飭廷臣妥議之處著毋庸議○諭軍機大臣等庫克吉泰奏軍營

兵力單薄。請飭綏遠城將軍飭令達爾濟於察哈爾馬隊中挑選二百五十名。馳赴軍營等語。此項官兵。本係留防包頭該鎮防務緊要。未可稍形鬆勁。所有察哈爾馬隊四百名。烏蘭察布伊克昭兩盟蒙兵三百名。自應仍留包頭。以資守禦。庫克吉泰擬撥察哈爾馬隊二百五十名。馳赴軍營。即著暫緩抽調。至駝隻變價銀兩。前經福興奏請作為吉林馬隊月餉。此時達爾濟馬隊既不必抽調。所請

奏案

奏六

撥駝價銀一萬兩。亦可毋庸撥解。至察哈爾都統衙門存銀六千兩。庫克吉泰請一併解交達爾濟帶營之處。亦毋庸議。山西應解新疆餉銀。前諭令趙長齡每月劃出二萬五千兩。本年正月起。按月報解。庫克吉泰軍營。茲據該將軍奏稱。該軍月餉。現尚無著。著趙長齡懷遵前旨。迅速籌解。源源接濟。毋令缺乏。將此由五百里各諭令知之。○戶部奏。遵查湖北沙市鹽局。提解督署公費銀兩。係奏明

外銷之款。作何開銷。無憑查覈。總督俸廉優厚。足敷辦公。應請裁撤。提充該省軍餉。從之。○河南巡撫李鶴年奏。帶兵暫駐許州。飛飭宋慶相機進剿。得旨。該逆蹤既敗竄。楚豫交界地方。即著該撫督飭宋慶等軍。迎頭勦擊。僅再任令闌入。惟該撫是問。近日賊情。仍著隨時確探具奏。○改丁憂塔爾巴哈台參贊大臣德興阿。為署任。仍幫辦新疆北路軍務。並賞銀五百兩治喪。給德興阿家屬祇領。

奏案

奏七

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十五

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十六

臣等謹將本年以來軍機處奉 上諭及 慈禧皇太后安至甲寅皆如之○諭軍機大臣等鮑超奏官軍連日追賊疊獲全勝一摺鮑超一軍自楊家澤大捷後連日躡剿由鍾祥至豐樂河一帶追殺五晝夜復斃賊一萬數千名生擒四千餘名救出難民二萬餘眾該提督勇於立功所向克捷實為奮勉惟賊數不下十萬鮑超既已與賊相持自不能舍而

同治六年丁卯二月乙酉朔

上詣綏履殿問

慈禧皇太后安平安室問

慈禧皇太后安至甲寅皆如之○諭軍機大臣

等鮑超奏官軍連日追賊疊獲全勝一摺鮑

超一軍自楊家澤大捷後連日躡剿由鍾祥

至豐樂河一帶追殺五晝夜復斃賊一萬數

千名生擒四千餘名救出難民二萬餘眾該

提督勇於立功所向克捷實為奮勉惟賊數

不下十萬鮑超既已與賊相持自不能舍而

之他該逆現由泌陽桐柏竄去鮑超若已追賊入豫著即整隊前進會合豫鄂諸軍將此股全行殄滅並著曾國藩李鴻章酌度軍情如任賴股匪鮑超一軍足能殲事即令該提督暫紮鄂豫之交先將此股辦竣償賊蹤東竄已遠即撤令該提督仍遵前旨迅速入秦軍情旦夕變遷朝廷不為遙制曾國藩李鴻章務當權衡緩急統籌大局不得置陝事於膜外陝省兵力不厚如劉松山再有挫失事勢將不可問曾國荃於湘鄂諸軍毫無調度糜餉老師又於鮑超一軍援鄂援陝朝令夕更茫無主見鮑超雖疊獲大捷而曾國荃所部各軍竟如坐視儻再不激勵將士振刷精神致援陝之軍日久為賊牽掣或陝事因之日壞該撫豈能當此重咎耶此時劉銘傳等軍均在鄂境著譚廷襄曾國荃督飭諸軍躡蹤追剿並著李鴻年飭令宋慶等會同湘鄂等軍將該逆就地翦除迅速竣事毋令再行

紛竄貽誤戎機將此由六百里諭知曾國藩李鴻章譚廷襄曾國荃李鶴年並傳諭鮑超知之○又諭喬松年奏陳近日軍情並回逆竄陝派兵勦辦情形一摺張逆在秦渡鎮一帶糾賊抗拒劉松山等軍併力進擊已移營逼近賊巢而甘省逆回突由宜君竄及耀州蒲城等處喬松年派令總兵劉厚基副將何玲必各軍從同州臨潼兩路分投截勦著卽嚴檄劉厚基等實力扼堵毋任此股賊匪與

捻股合併肆行蔓延其長武大荔各境亦有回逆竄擾此股賊匪恐非宜君同夥究係由何處竄至據實察覈具奏所稱庫克吉泰德興阿前隊已抵朝邑該處近連大荔當可乘機掩擊惟該將軍所部僅有馬隊一千該撫自當酌派隊伍交庫克吉泰合力堵勦以厚兵力蒲城富平一帶賊復遠颺仍著飭令劉厚基一軍跟蹤追勦毋令喘息陝甘交界處所回匪層集終恐勾合捻逆牽掣官軍左宗

十員祭葬世職加等

上以祭

社稷壇自是日始齋戒三日

丙戌諭內閣前

派周祖培等前往

定陵附近一帶察看地勢當經周祖培等繪圖呈覽著添派恭親王會同周祖培全慶英元仍帶班興再行前往公同相度詳細覆奏○又諭本年輪應查閱直隸山西陝西甘肅四川五省營伍之期直隸著卽派劉長佑山西

即派趙長齡陝西即派喬松年甘肅即派左宗棠四川即派崇實逐一查閱認真簡校如查有訓練不精軍實不齊即將廢弛之將并據實奏該督撫等務當加意整頓毋得視為具文○諭軍機大臣等李鶴年奏任賴股匪北竄豫境催調各軍躡擊一摺鄂捻竄至楚豫交界之湖陽經宋慶由唐縣拔隊迎截在胥岡東南獲勝賊匪大股由棗陽北竄唐縣復經宋慶催軍追至桐柏縣屬之平氏鎮西南續獲勝仗斃賊甚多賊已卷隊東奔該逆在鄂省被鮑超疊次懲創勢必不敢回鄂現已由豫省南界向東狂奔竄突靡定曾國荃辦理鄂省軍務數月以來竟未能就地殲除今又縱令竄入豫境自問將何以對朝廷著即速催鄂境各軍赴豫助剿並著曾國藩李鴻章迅調湘淮諸軍迎頭攔截斷其趨向東北之路光固一帶門戶洞開曾國藩等當趕緊派軍扼守李鴻章亦當派兵會同扼截

並飭宋慶盡力窮追賊騎飄忽異常著英翰閻敬銘丁寶楨迅速督飭將士嚴密扼截妥籌布置毋令賊蹤闖入本境晉省完善之區趙長齡當豫籌布置不得以賊蹤尚遠稍形疏懈陝洛閩鄉靈寶一帶並著曾國藩李鴻章李鶴年分撥諸軍馳往堵截以防捻蹤折向西竄將此由六百里諭知曾國藩李鴻章譚廷襄曾國荃英翰李鶴年閻敬銘趙長齡並傳諭丁寶楨知之○又諭前據李鶴年奏收撫降眾桂錫楨留營勦賊原係解散逆黨暫時權宜之計現復據該撫奏稱派令帶隊勦賊自屬示以不疑惟桂錫楨性情狡猾當隨時留心防範現在是否改邪歸正即著李鶴年察看遇便奏聞毋稍大意將此諭令知之尋奏遵查上年賊撲河干係桂錫楨先期告知宋慶得豫為之備是以令帶馬勇百名至其性情狡猾曾密諭宋慶隨時察看仍當隱為鈐制報聞○綏遠城將軍福興因病乞

假以歸化城副都統桂成署綏遠城將軍○
錫綏廣西凌雲武宣宣化永淳新甯崇善左
永康甯明橫象雒容柳城來賓天保歸順奉
議遷江上林思恩養利臨桂靈川永隆安
貴武緣賓賀桂平平南西隆西林三十三州
縣暨安平太平三土州被旱被擾地方上年
額賦有差○丁亥祭

先師孔子遣大學士倭仁行禮○遣官祭

文昌帝君廟○諭內閣鄭敦謹奏據實陳明

並自請議處一摺前任湖廣總督官文提用
竹木商捐餘款致送胡家玉等夫馬費用時
該前撫尚未到任此外致送何人均未與聞
惟官文動用捐款致送過客該前撫到任後
未能查出究有失察之咎鄭敦謹著交部議
處尋譚廷襄奏據官文查明公商提取竹木
捐款係前任巡撫吳昌壽任內之事上年登
覆文內繕寫鄭敦謹名係屬一時誤記懇為
奏明更正得旨吳昌壽著交部議處官文繕

寫錯誤著一併交部議處○諭軍機大臣等

喬松年奏陝省需餉萬緊請於兩淮運庫指
撥協濟一摺據稱陝省回捻紛擾錢糧無出
劉松山等軍採買米糧籌辦轉運等事皆屬
刻不可緩請於兩淮協甘專餉內每月撥銀
二萬兩以應急需等語所奏尚屬實在情形
著曾國藩轉飭兩淮運司自同治六年正月
為始於協甘專餉內按月籌銀二萬兩專解
陝西藩庫以供支放此項銀兩准其劃抵積
欠甘餉該督當飭該運司源源報解毋稍延
誤將此由五百里諭令知之○陝西巡撫喬
松年奏遵查灞橋之敗譚玉龍分路追賊未
為賊困是以全軍而歸黃鼎一軍且戰且退
鄔太愚衝圍而出均無聞風先退情事至賊
衄之提督劉玉興應請即行革職提督邱時
成副將洪殿元請革職留營以觀後效提督
蕭德見蕭聚林彭緒慶總兵蕭羣魁副將蕭
以純均請摘去頂帶仍令帶隊效力從之○

予山東萊陽殉難紳民婦女五百三十四名口分別旌卹如例並予建祠○戊子祭

大社

大稷遣定郡王溥煦恭代行禮○奉

慈安皇太后

慈禧皇太后幸漱芳齋侍午膳○諭內閣都興

阿桂清奏查勘

陵寢應修各工請擇吉派員興修一摺著欽天

監於本年三四月內選擇吉期即派都興阿

延煦屆期敬謹修理○又諭翰林院侍講學

士夏同善奏禮貴因時請緩行幸一摺據稱

因道路傳聞將幸惇親王府並聞傳集梨園

各部請即行停止等語覽奏實深詫異前曾

傳旨於本月初五日朕奉兩宮

皇太后虔詣惇親王府第

神殿前行禮所以循舊章而展懿親斷無傳集

梨園之理且此事惇親王並未陳奏諒亦未

敢豫備朕念典方殷日存寅畏何至以耳目

嗜好為天下先如惇親王果有傳集梨園之事著即撤去所有初五日詣府行禮之處仍照例豫備○引見各衙門保送京察一等人員得旨此次京察一等鈐出人員著各該堂官再行出具切實考語交吏部帶領引見鈐出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用起居注主事毓秀天理寺寺丞松齡太常寺寺丞烏勒登額光祿寺署正果昌侍衛處主事富瑞欽天監冬官正陳希齡上諭處委署主事崇祿宗人府筆帖式宗室桂勛翰林院侍詔劉啟鏞通政使司經歷溫忠恕太常寺贊禮郎德克繼慶聯讀祝官慶福國子監助教文郁江方銜鴻臚寺鳴贊覺羅寬裕鑾儀衛鳴贊鞭官海壽欽天監靈臺郎長福俱著交部照例以應升之缺升用所有此次引見不到之兵部筆帖式保

盛由吏部另行照例辦理外其內閣侍讀圖
麟等二百六十六員俱著准其一等加一級
○以宗人府府丞溫葆深為都察院左副都
御史○己丑

上奉

慈安皇太后

慈禧皇太后幸惇親王第侍午膳○遣官祭昭

忠祠○諭軍機大臣等譚廷襄曾國荃奏霆

軍追賊西上鄂軍扼守唐白河堵剿獲勝餘

賊由棗陽竄豫一摺鮑超一軍追賊獲勝唐

協和又敗賊於兩河口等處賊向豫境桐柏

一帶奔竄現在鄂軍唐協和豫軍蔣東才淮

軍劉銘傳均已先後追到著曾國藩李鴻章

李鶴年督飭各軍前截後追毋任再有竄突

譚廷襄曾國荃仍當派軍出境追剿不得稍

分畛域鄂省水陸各營或迎頭截擊或躡尾

力追亦有微勞足錄著譚廷襄曾國荃擇尤

酌保毋許冒濫此次賊入鄂境曾國荃謂可

痛殲於山巔水隈之際卒任該逆東西奔竄

仍復逸出豫疆辦理毫無把握該撫自請議

處實屬咎有應得曾國荃著交部議處以示

薄懲另片奏郭松林受傷甚重請准回籍養

傷等語郭松林著准其回籍養傷一俟傷病

就痊即行咨調來營將此由六百里各諭令

知之尋吏部議曾國荃應降二級留任不准

抵銷從之予湖北羅家集陣亡提督曹仁

美等六十四員祭葬世職○庚寅諭軍機大

臣等李鴻章奏督軍赴豫並籌度軍情一摺

任賴股匪經鮑超在鄂境痛剿疊獲勝仗該

逆被創狂奔竄入豫境桐泌一帶勢必日向

東趨李鴻章現調潘鼎新一軍由濟甯赴豫

省之尉氏扶溝等處暫駐著即飭令迅速拔

營擇要扼截不可遲延致落賊後該大臣現

由徐州督兵西進著於歸德周家口相機駐

紮就近調度湘淮各軍多聚鄂境李鴻章務

當檄令迅速折回豫省東路探賊所向迎頭

繞截其陟汝等處亦須籌撥兵勇扼要嚴防以杜賊蹤折趨陝境毋稍疏忽將此由五百里諭令知之○又諭吳棠馬新貽奏遵勘浙省海塘要工籌撥款項分別工程辦理一摺浙江海塘工程浩大值此經費支絀之時若一時悉行興辦必至有名無實自應循照舊章分別最要次要次第辦理吳棠等以堵禦缺口之柴壩為最要保護殘損石塘為次要擬每年擬定銀八十萬兩佐以海塘捐輸次第興修此亦就目前情形而論惟所築柴壩趕鑲外埽建復坦水各工不過暫時堵禦潮汐將來仍需興建石塘馬新貽當通盤籌畫使現辦各工堅實穩固石塘興建後即可以保護塘身則此次辦理各工錢糧不至虛糜而於將來有益若止為目前一時之計則日後興建石塘仍須多費帑項未免漫無規畫馬新貽既知以十年為期諒能籌畫及此海甯塘工現在止辦有二成馬新貽飭令酌加

錠錫自當益臻堅固聞道光年間帥承瀛在浙江巡撫任內修理海鹽石塘最為精密歷久不壞即著飭令在工各員仿照辦理償此次海甯塘工辦理不能經久必將承辦各員賠修治罪決不寬貸海塘用款雖繁歷屆辦理銀數皆有案可稽現即工料較昂何至七八百萬該督撫等不可任聽屬員張大之詞稍存畏難之心是為至要吳棠另片奏降調道員陳璠請留浙差委等語陳璠人既明幹著准留於浙江辦理海塘工程交馬新貽差遣將此由四百里各諭令知之○又諭英桂奏道員丁杰交出竹枝詞牽涉督撫司道大員鈔錄呈覽一摺據稱護巡撫周開錫咨稱署藩司夏獻綸持有刊本竹枝詞係鹽法道海鍾所交詢之海鍾則稱得自道員丁杰及傳丁杰面詢前後供詞兩歧等語匿名揭帖例應銷毀立案不行惟出自丁杰之手親供人復支離不無疑竇且皆關繫地方公事著

英桂面傳丁杰切實研詰究係何人所編吳
棠初抵閩省無所用其迴護並著會同英桂
認真查究如有挾嫌污蔑情事必應從嚴懲
辦以杜刁風詞內所指各節亦當悉心察訪
覈實辦理毋稍容隱將此各諭令知之○鑲
白旗蒙古副都統孟保奏進繕譯醒世要言
得旨卽著孟保刊刻板片送交武英殿刷印
頒發八旗各學○以故烏喇特扎薩克鎮國
公旺楚克色楞子色楞那木濟勒襲爵○豁

免山西興豐鎮猗氏榆社平定五臺垣曲山
陰代靈石太谷汾陽沁應大同懷仁朔右玉
左雲平魯甯遠歸化城托克托城和林格爾
薩拉齊二十五廳州縣民欠倉穀○辛卯
孝淑睿皇后忌辰遣官祭

昌陵○諭軍機大臣等楊岳斌奏哈密失守請
飭催成祿出關伊勒屯奏巴城危急請飭催
援兵及籌撥月餉各一摺成祿一軍前已疊
諭剋期出關祇因肅州無兵接替遷延年餘

現據楊岳斌派令王仁和黃祖淦兩軍前往
成祿自無牽掣之虞著卽懍遵前旨迅速出
關先行克復哈密再候大兵雲集相機進剿
毋許再有藉口致干重咎巴里坤餉絀兵單
情形甚可憫念該處兵民於困苦之中尚能
堅守洵屬難得若不亟籌接濟必至貽誤大
局著自本年正月為始每月撥給銀六千兩
卽於各省解到新疆餉銀內由福興桂成提
解烏里雅蘇台交德勒克多爾濟轉撥毋稍

短缺此次伊勒屯請領正二兩月餉項並著
德勒克多爾濟照數撥給以資接濟巴城關
繫甚要李雲麟諒亦籌及其應如何援救之
處卽著酌量辦理伊勒屯原摺著鈔給李雲
麟閱看將此由六百里各諭令知之○又諭
楊岳斌奏哈密失陷請催成祿出關並請飭
穆圖善暫緩東行各摺片前據訥爾濟等奏
稱哈密失守疊經諭令成祿出關並諭楊岳
斌添派兵勇前赴肅州以便成祿交替西行

本日復諭令成祿督率所部出關成祿起程後肅州兵力益單不敷攻取著楊岳斌遵奉前旨迅卽添派兵勇歸併王仁和黃祖淦統帶速圖攻拔肅城毋稍遲緩慶陽被圍日久勢甚危急前經疊諭穆圖善移軍東援現在甘省回匪又復竄擾陝境之耀州三原宜君同朝等處捻股竄踞盤鄠勢將與回匪勾合陝疆兵力甚單軍事益棘著穆圖善斟酌陝甘兩省情形先其所急如不能親行援陝卽著分兵東顧先解慶陽之圍仍駐防甘陝之交以杜回匪東竄陝境西路防兵力甚單薄周顯承又復陣亡著楊岳斌迅撥重兵扼截涇州等處毋任回匪續竄陝境前據林壽圖奏稱雷正綰被捉放歸是否實有其事著楊岳斌確切查明毋稍隱飾平固一帶軍情仍著隨時具奏將此由五百里各諭令知之○又諭據楊岳斌奏請將玩視郵政之知縣革職並陳藩司偷安溺職各等語前因楊岳斌

奏參藩司林之望貽誤公事各節當經降旨交左宗棠查明具奏茲復據該前督奏該藩司於理財察吏諸端久已廢弛趙國棟盤遊省城並不催令回任委署各員逗遛數月均置不問地丁倉糧釐捐任聽州縣中飽各軍餉絀營官屢次往催概拒不見奉撥莊浪滿營糧石亦未運解以致軍士離心吏治益形敗壞各等情所奏是否屬實卽著左宗棠於到任後確切查明並將前次該藩司被參各節彙案具奏毋稍徇隱原片著鈔給閱看甘肅署金縣知縣趙國棟於所屬定遠驛遺失摺報遲至二十餘日始行稟報平日安居省城驛站來往夾板公文多致延誤實屬玩視郵政趙國棟著卽革職以示懲儆楊岳斌另片奏甘省兵單餉絀請飭左宗棠多帶精兵豫籌有著之餉迅速赴甘著左宗棠斟酌情形妥籌辦理將此由五百里諭令知之○又諭楊岳斌奏前派總兵龔良臣往湖南募

勇十營赴甘助勦請飭經過省分給發軍火銀兩各項等語龔良臣於上年夏間赴楚募勇日久尚未到甘刻下甘省勦賊需兵孔亟著李瀚章查明該員曾否如數招募催令迅速起程所需帳房軍火等項即由湖南軍需局發給其募勇之費並沿途費用湖南湖北各發銀一萬兩並著譚廷襄曾國荃李瀚章於協甘餉銀內即行撥給俾利進行該軍行抵陝西境內著喬松年即飭所屬經過州縣支給麵斤毋令缺乏將此由五百里各諭令知之○以甘肅華亭等處疊獲勝仗予提督雷正綰優敘賞叅將滕世耀鍾本起張有富遊擊皮昌魁巴圖魯名號知府劉校書等花翎餘加銜升敘開復有差予陣亡副將錢葆恩祭葬世職加等○予江蘇軍營病故總兵官龔耀倫祭葬卹廕○予甘肅隆德殉難知縣宋繼昌等祭葬世職○壬辰遣官祭黑龍潭

昭靈沛澤龍王之神玉泉山
惠濟慈佑靈護龍王之神昆明湖
安佑普濟沛澤廣生龍王之神密雲縣白龍潭
昭靈廣濟普澤龍王之神○遣官祭圓明園惠濟祠
河神廟○諭內閣御史李德源奏京城時疫流行請飭太醫院擬方散藥一摺著太醫院即行擬方刊刻並將藥餌發給五城隨時散放以育羣生而消沴癘○引見京察六十五歲以上人員得旨吏部員外郎百英等均著照舊供職○癸巳遣官祭文昌帝君廟○以神靈顯應頒甘肅合水縣關帝廟扁額曰洛盤保障○諭軍機大臣等英翰奏援陝官軍起程日期並派兵在商固迎勦一摺郭寶昌一軍業於正月二十四日拔隊入關任賴等逆已由白雀園一帶竄過坡坡河盤踞英翰已飭黃秉鈞等馬步各軍

前往迎勦並令程文炳等自商城葉集兩路同進令同知趙濟川等分守三河尖等處布置均尚妥協著卽督飭各軍探賊所向痛加勦洗毋任深入為患如賊趨渦陽一帶著該撫親督勁旅迎勦各軍接仗情形並著隨時馳奏以慰廛繫另片奏請將部駁郭寶昌留營之案查銷等語郭寶昌此次援陝尚為迅速著准其留營效力所有部議郭寶昌不准留營之案卽著撤銷將此由五百里諭令知之○又諭喬松年奏雷正綰擊賊獲勝並請調軍兼顧西路一摺回逆由泰昌撲雷正綰營分竄涇州邠州一帶經雷正綰於正月十九日督軍苦戰將泰昌等處踞賊擊退著喬松年飛咨雷正綰乘勝進攻務將此股逆匪就地殲除毋令再肆蔓延慶陽甯州賊蹤偏地且有另股分擾邠州及邠州之長武若該逆悉數南竄勦辦更形棘手前有旨諭令庫克吉泰德興阿就近擊勦大荔等處回逆現

在西路軍情更緊卽著該將軍等統率所部由邠長大路前赴涇州與雷正綰各軍合力夾擊如賊已南竄卽著迎頭攔截掃蕩賊氛三原等處之匪著喬松年檄飭劉厚基等分股追勦擒逆近竄何處劉松山等軍是否業已接仗著該撫隨時奏報將此由六百里各諭令知之○補鑄福建漳州府知府漳州鎮右營遊擊廣東潮州鎮左營遊擊各印信關防從總督左宗棠署總督瑞麟巡撫徐宗幹請也○以甘肅靖遠等處勦匪出力賞副將葛東庭周保和陳致祥安萬全吳學富趙占魁許吉祥參將黃益瑞李明奉周文翔祝勝祥彭勝發顏其發巴圖魯名號副都統瑞雲等花翎縣丞劉祥匯等藍翎餘加銜升敘開復有差○甲午遣官祭先醫之神○諭內閣庫克吉泰奏請將革員留營效力等語已革二等侍衛訥依楞阿前因帶隊不恤官兵藐視統將並玩視營規濫

刑肆虐。先後經都興阿、穆圖善奏參革職。勒令回旗。永不敘用。此等劣員。卽令留營。亦安能得力。所請著不准行。○諭軍機大臣等。前因慶林奏稱。撥款不敷。辦運懇請添撥濟用。一摺。當交戶部議奏。茲據戶部奏稱。請飭蘇撫體察情形。酌量添撥等語。蘇省織造應辦大運緞紬。係宮中例用。及傳辦之件。並內外緞庫豫備頒賜各項俸賞之用。勢難停止。除由該省撥解銀三萬兩外。著曾國藩、郭柏蔭

每年於藩庫款項內。約照杭州撥款酌量添撥五萬數千兩。以濟要需。經此次酌撥後。該織造如復運解耽延。致誤支放。卽由戶部參奏。以儆玩泄。將此諭知曾國藩、郭柏蔭。並傳諭慶林知之。○甘肅提督曹克忠因病解職。調廣東提督高連陞為甘肅提督。以安徽皖南鎮總兵官劉松山為廣東提督。記名提督潘鼎立為安徽皖南鎮總兵官。○以國史館續纂大臣年表告成。予內閣侍讀圖麟等加

銜升敘有差。○予廣西容縣殉難教諭陸邵采等紳民婦女一千二百五十一員名口分別旌卹。如例。並予建祠。○乙未

孝康章皇后忌辰。遣官祭。

孝陵。○諭軍機大臣等。前因山東議募黑龍江等處壯丁。諭令特普欽等遵照挑選。茲據特普欽克蒙額奏。遵飭各屬在於打牲人內選擇挑備。卽著俟山東委員攜餉到日。飭令會同認真揀選。不得苟且塞責。所請援照徵調

西丹。每名給整裝實銀二十一兩。著閻敬銘、丁寶楨。卽飭該委員遵照辦理。其每名月支養贍銀一兩。並著照所請。由特普欽按月發給。將此由四百里諭知特普欽。閻敬銘。並傳諭丁寶楨知之。○又諭庫克吉泰奏帶兵追剿擒匪一摺。擒匪由秦渡鎮鄆縣一帶竄擾鄆縣。庫克吉泰現由同州派兵馳赴西安。著於到省後。與喬松年商度情形。會同劉松山先行追剿。惟回氛業已偏近。庫克吉泰未便

久留陝省著酌度形勢遵奉前次諭旨馳赴涇州一帶會合雷正綰進剿並扼要防守以杜甘回續竄陝境毋得遷延貽誤將此由六百里各諭令知之○又諭左宗棠奏籌擬購練馬隊請免馬稅並請調喜昌赴營各摺片左宗棠現在督兵勦辦捻回必須先練馬隊以資得力吉林所屬地方獵戶平素習騎耐勞火槍有準頗屬可用著富明阿德英於旗民臺站各丁內挑選槍馬嫺習年力精壯礮手二千五百名並購辦鞍韉三千盤作為六起每起編成五扎蘭並著德英於通省實缺協佐領內揀委得力營總並於實缺及即補防禦驍騎校官內選派扎蘭正副各官權為管帶以資約束每馬隊百名另募長夫四十名所有挑選事宜即由德英專辦並著富明阿飭令地方各員幫同辦理務期迅募足數不可推諉遷延致滋貽誤所需戰馬三千匹著裕瑞於張家口各處如數購買務擇口輕

臆壯之馬精益求精不得以疲瘵老羸充數如張家口各處一時不敷採買即著裕瑞移咨福興桂成在歸化城就近精為選購足數統由裕瑞親為驗別毋許稍有含混此項馬匹俟吉林所募礮手行過京師時由裕瑞解交該營總驗收轉解左宗棠軍營其應需鞍馬價銀及選募礮手經費即著富明阿裕瑞於該處庫項暫為劃撥由左宗棠解還歸款如不敷撥給即著戶部先行籌撥於山西協甘月餉項內提撥歸款經過地方馬稅均著免其交納吉林佐領喜昌現在告假回旗著富明阿飭令於假滿後統帶新募馬隊仍赴左宗棠軍營聽候差委將此由五百里各諭令知之○又諭前據左宗棠奏於浙閩廣東酌派西征的餉並令浙江劃撥江蘇月餉當經諭知曾國藩等遵照辦理茲復據左宗棠奏稱欠解甘餉各省督撫亦有難於兼顧者請飭就各省情形擬定實數按月委解其用

兵省分酌減人數餉數勻出十成之一。協濟甘餉其無軍務省分或將該省防軍酌減協濟甘省兵勇仍按月勻加甘餉以期通力合作各等語。甘省餉項支絀必得各省協濟第軍務未平派解較多各省亦難兼顧莫如由該省督撫就各省情形酌定數目按月報解較有實濟。左宗棠所陳亦係權宜辦理即著曾國藩崇實駱秉章譚廷襄曾國荃閻敬銘趙長齡劉坤一李瀚章郭柏蔭丁寶楨酌量

情形每月究能撥解若干據實具奏按期撥解其或裁減兵勇勻出月餉或派撥得力之軍赴甘助剿均著酌量妥籌辦理毋許徒託空言。左宗棠又奏稱四川嘉陵白水兩江上下游素稱產米與甘肅之鞏秦接壤若於保甯順慶設立米局雇船由廣元昭化換船上泝或雇夫運解於甘省軍食有裨自係為甘省採糧艱難起見第聞該處水陸崎嶇轉運甚屬不易而甘省採糧維艱亦不可不多方

籌備著崇實駱秉章督同江忠濬悉心籌畫迅即興辦以資接濟其米價運腳仍由左宗棠按數撥還免致偏累。左宗棠原摺均著各鈔給閱看將此由五百里諭知曾國藩崇實駱秉章譚廷襄曾國荃閻敬銘趙長齡劉坤一李瀚章郭柏蔭並傳諭丁寶楨知之。○又諭據左宗棠奏湖南布政使兆琛素不得力諱敗為勝虛糜餉項及各省捐輸請飭湖南撫臣將該軍分別撤減另擇勇幹大員代其

統領以收餉節兵精實效各等語兆琛援黔之軍屢報勝仗是否兆琛有諱敗為勝情事抑或李元度等所報不盡可信該藩司雖由李瀚章派往而該撫受恩最重若稍涉回護致使軍餉虛糜黔事無益何以自安著即查明據實奏聞並著酌量減撤或另派得力大員統帶以收實效劉崑業已起程即著於接篆後酌度情形妥籌辦理庶於黔事有益將此由五百里各諭令知之。○引見內務府三

院等處保送京察一等人員得旨此次內務府三院等處京察一等鈐出人員著該堂官再行出具切實考語帶領引見鈐出之堂主事文治玉桂堂筆帖式慶陞世奎錫第富銘廣敏增浩海齡文熾祥慶廣儲司筆帖式德陞保英都虞司筆帖式廣熙會計司筆帖式連福營造司筆帖式慶德官房租庫筆帖式玉恆造辦處筆帖式富祥甯壽宮筆帖式廣來廣儲司司庫普祥上駟院筆帖式玉麟武備院六品庫掌世綱委署庫掌嘉厚武備院筆帖式莊山廣明奉宸苑六品苑丞明山奉宸苑筆帖式善平圓明園主事榮安圓明園六品庫掌文聯清漪園六品苑丞文釗靜明園六品苑丞連山俱著交吏部記名照例選用所有一等官員筆帖式達他等員俱著准其一等加一級至年已逾歲之圓明園六品苑丞椿齡年力就衰著以原品休致○福建臺灣道吳大廷奏陳臺灣吏事兵事在換班

兵重海防裁陋規禁土豪端士習以及馭生番查洋船興社倉立義學諸務均擬次第籌辦得旨著卽將應辦事宜實力整頓以期日有起色不可始勤終懈勉之慎之○予福建大嶙山巡洋陣亡千總黃維榮祭葬世職○丙申

上奉

慈安皇太后

慈禧皇太后幸恭親王第侍午膳○遣官祭

關帝廟○諭軍機大臣等劉長佑奏請將易州河間二軍營制略為變通並將易州一軍改為保定一軍各摺片據稱遵化與古北宣化天津四軍悉照原議安營惟易州河間兩軍各就近地安營以兩營駐易州三營駐保定仍為易州一軍以兩營駐河間三營駐正定仍為河間一軍則增廣二軍暫緩選練於搏節餉需籌備形勢似為兩便等語所籌尚屬妥協均著照所請行其易州一軍並著改

為保定一軍。卽照該督所擬於督標內增撥練兵六百名。仍照原議擇地安營團操。泰甯鎮之兵。卽無庸挑撥。以重守護。劉長佑擬於三月初旬親赴各軍督辦一切。著卽就近來京。陛見。將此諭令知之。○又諭德勒克多爾濟等奏調練防兵兼籌軍火餉需一摺。哈密失守後。逆回復犯巴里坤。所有烏城迪西之扎薩克圖汗部落操防緊要。德勒克多爾濟等以德德庫鄂博一帶防兵尚單。將派防察

汗烏蘇之賽因諾顏蒙兵調往該處駐紮。著該將軍等認真操練。嚴防回逆東竄。其察汗烏蘇地方有無俄警。仍當飭令該盟隨時防範。毋稍疏虞。所請飭令戶部先籌撥銀五六萬兩。趕解歸化城。委員領取專供防堵經費。著戶部酌度籌撥。以濟要需。此項餉銀未到以前。准由蒙古捐輸牲畜項下通融折放。該將軍等卽咨明李雲麟辦理。將此由六百里各諭令知之。○撥山西烏槍二千桿火藥二

萬斤。轟藥五百斤。解赴綏遠城備用。○丁酉諭內閣。通政使司副使柏壽奏安定門外察有泉脈。請挑挖河道以濬其源。並將城下被雨衝刷浪窩及早補墊。各摺片著原派查探水源之工部侍郎魁齡等詳細查勘。妥議具奏。○又諭瑞麟將益澧奏裁減廣州府屬徵收米折酌定銀數一摺。廣東廣州府屬十四縣徵收色米價銀。前經諭令該督撫覈實減裁。酌議章程具奏。茲據奏稱擬自同治六年

正月初一日始。南海番禺二縣每民米一石連耗折徵銀五兩八錢。香山新會順德龍門四縣每民米一石連耗折徵銀五兩五錢。花縣增城三水清遠四縣每民米一石連耗折徵銀五兩。東莞新安從化新甯四縣每民米一石連耗折徵銀四兩八錢。此外不准絲毫浮折。通計廣州府屬十四縣每年減徵銀一十六萬五千四百餘兩。著照所請。由該督撫等出示通行。勒石永遠遵行。經此次覈減之

後儻有不肖官吏巧立名目暗中增收或縱容書差苛索一經發覺即著嚴參按律懲辦此外各府屬所徵色米是否有累於民應如何議減之處並著該督撫體察情形分別覈議具奏尋奏續查惠潮嘉肇羅韶連佛岡等屬所收米羨不免浮多現經覈減通計每年共減徵銀十九萬九千八百三十餘兩以後不准絲毫浮收下部議從之○又諭瑞麟奏遵保堪勝水師總兵一摺廣東龍門協副將

邢麟閣水師提標遊擊黃廷彪湯騏照均著交軍機處存記遇有廣東外海水師總兵缺出請旨簡放另片奏儘先參將黃聯開黃賢彪彭玉俱係候補人員於水師極為熟悉請破格擢用等語均著照所請存記錄冊除黃賢彪一員甫經引見外邢麟閣黃廷彪湯騏照黃聯開彭玉均著送部引見○諭軍機大臣等譚廷襄奏髮捻東趨飭軍分赴下游扼剿一摺譚廷襄曾國荃奏賊擾黃麻派軍堵

剿並查明任化邦賴汝洸等逆尚未殲斃各摺片逆匪經鮑超等軍擊敗之後雖受懲創馬步人數尚多任賴等逆相率逃逸現復由桐柏一路回竄鄂疆斬黃麻羅防剿極關緊要譚廷襄已飭襄河水師下駛並調藍斯明等軍移紮溝口分布黃州麻城等處即著嚴飭各軍防剿兼施不得令一賊一騎闖入腹地曾國荃督令彭毓橘等軍速赴黃麻痛加勦洗務須就地殲除毋許旁逸沿江地段並責令彭玉麟所派之王吉等水師二營與鄂軍梭織防禦皖之宿太英霍與鄂毗連英翰當督飭皖軍嚴密布置如賊蹤竄近即迎頭奮擊以收夾擊之效李鶴年仍飭宋慶等軍嚴防回竄相機進剿淮軍劉秉璋等營均入豫疆現在已落賊後著曾國藩李鴻章檄令探賊所向分段兜擊此時賊勢雖肆奔突其氣已衰曾國藩李鴻章等務須統籌全局一鼓殄除毋使其東西狂竄疲我兵力將此由

六百里各諭令知之○又諭穆圖善奏回匪勢窮乞撫籌畫布置遵旨前赴慶陽一摺馬生彥楊汶智悔罪投誠情詞懇切並情願帶領馬隊數百隨同勦賊贖罪馬生彥等久向官軍乞撫現在如果真心悔罪日內呈繳馬匹軍械自應乘機收撫予以自新所有擇地安插事宜即著楊岳斌委員妥為辦理慶郡困守無援殊形危殆穆圖善以楊汶智係陝西回酋為同類所畏憚擬即飭令隨帶數騎前赴慶郡開導陝回俾各悔罪輸誠藉以暫解城圍穆圖善一軍現在進止兩難自不得不暫示羈縻為一時權宜之計惟楊汶智是否可用總當持以慎重謀定後動毋為該逆所給涇慶竄匪逼近陝疆應如何調撥兵勇嚴密堵擊以杜該逆東竄之處著喬松年穆圖善會商辦理穆圖善軍糧缺乏擬派員先行馳赴花定甯條梁一帶籌辦糧米著楊岳斌與穆圖善妥為籌畫俾該將軍得以拔營

前進迅解慶郡之圍將此由六百里各諭令知之○又諭瑞麟蔣益澧奏勦辦惠潮嘉各州縣匪鄉殲除首逆一摺廣東土匪伏莽甚多經提督高連陞督率所部勦辦將黃陂徑口等鄉烏池合水岡等處及嘉應所屬並和平河源土匪次第鏟平殲斬首逆惠潮嘉水陸行旅漸通辦理甚為得手該提督現因曹冲客匪猖獗經瑞麟等檄令移緩就急馳往會勦諒不難即日蕙事高連陞現調甘肅提督飭令入陝曹冲客匪如一時未能辦竣即著該督等另派將弁妥籌勦辦並將各路土匪淨絕根株是為至要至此在事文武員弁不無微勞著歸入查辦恩平五阮土客完竣案內擇尤報奏毋許冒濫將此由五百里各諭令知之○復引見京察一等鈐出人員得旨除鮑康王慶祺鍾駿聲常興惠祥穆特布希凱李宏謨德馨馮端奎陳大誥裕昆鄂雲布景雲胡毓筠文增毋庸記名外宗室志

元著以五品京堂補用董文煥本係專用道員著交軍機處記名仍專以道員用蔡世俊本係存記海關道員著仍以海關道員用圖麟錦成方濬師文奎平步青沈錫慶英啟李文田毓孚恭鏜蔣啟勛傳慶貽奎訓恩霖鍾祿夏家鎬董潤升秦英傑定保林慶貽富隆阿慶愛成孚王化堂松駿海容裕祿錫惠海霈張煦馮春瀛方鼎銳德泰文輅紹誠長潤陳鴻臚王思沂奎斌衡光壽昌華福瑞亨孫揖恩崇奎齡朱學篤王師曾貴珊阮壽松俱著交軍機處記名以道府用惠志著記名以關差道府用○吉林將軍富明阿奏金場流民請展限搬移安插得旨此項流民著准其緩至二月內搬移淨盡以免失所但不得再事遲延致滋事端○展緩江西義甯南昌新建進賢奉新清江新淦新喻峽江蓮花安福永新鄱陽餘干建昌安義德化德安瑞昌湖口彭澤金谿廣昌豐城崇仁東鄉南豐二十

七廳州縣暨九江衛被水被旱地方新舊額賦雜課有差○戊戌諭內閣魁齡等奏覆勘石渠各工錢糧較鉅請暫緩辦理一摺前據魁齡等奏香山櫻桃溝兩處之泉擬力加疏濬節節導引可達京城請派大臣覆勘茲復奏稱香山等處工程估需錢糧過鉅恐虛耗國帑泉水未見流通等語西山一帶泉源關繫京城水脈該侍郎等奉命覆勘自當妥籌辦法以期於事有濟豈容畏難中止仍著魁齡等悉心籌商設法疏濬固不可稍涉虛糜亦不得意存推諉○諭軍機大臣等李鴻章奏行抵歸德查探賊情通籌調度並查明安陸接仗情形各摺片現在張逆向西南竄逸而鄂捻東西奔突正資大支勁旅追擊自當照李鴻章所請仍令鮑超在鄂豫之交相機追剿捻逆現竄麻城而鄂省東路空虛即著鮑超由樊城兼程東下會同曾國荃所部分投剿辦儻賊趨皖境即跟追至宿太一帶賊

勢尚無定向。該提督務當會合鄂豫各軍。迅將任賴全股就地殄滅。以便騰出兵力。西顧陝疆。不可意存觀望。致干重咎。並著曾國藩、李鴻章妥為調度。譚廷襄、曾國荃迅即檄調各軍併力夾擊。毋令該逆得以飽掠遠颺。六安一帶與麻城接壤。英翰亦應派兵嚴密堵剿。不可稍涉大意。現在賊蹤雖離豫境。而回竄實在意中。李鶴年已飭宋慶由光山越境深追。即著飭令該總兵會同淮鄂各軍實力勦辦。不得稍分畛域。李鴻章計程已抵周家口。居中調度。自可洞悉機宜。即著嚴飭劉秉璋各軍相機進剿。務當申明賞罰。鼓勵士氣。痛挫逆鋒。次第掃蕩。劉銘傳於尹潞河之敗。進退失機。其自請叅處。本屬咎有應得。惟誤由鮑超未照約會分路進剿。致令劉銘傳駭退挫敗。鮑超更不得辭咎。姑念劉銘傳果敢有素。鮑超屢獲大勝。過不掩功。均加恩免其議處。嗣後當益加奮勉。迅掃賊氛。以副期望。

軍機處

光緒

將此由六百里諭知曾國藩、李鴻章、譚廷襄、曾國荃、李鶴年、英翰。並傳諭鮑超知之。○又諭喬松年奏劉松山等軍擊賊獲勝。並覆陳回逆竄擾情形。各摺劉松山等軍穩慎進紮。漸次逼近賊營。先將撲營之賊擊退。並將呂兆集等處賊巢攻破。復續破秦渡鎮花園集等處老巢。殲斃散解甚多。辦理頗合機宜。現在賊已遁向藍屋。難保不竄入南山。著喬松年即激勵將士。催令劉松山等各率所部乘勝窮追。毋任喘息。漢中為陝省膏腴之地。且係川陝咽喉。尤須妥籌兼顧。庫克吉泰一軍著喬松年催令徑赴長武。涇州一帶擊剿。毋任甘回續行東竄。三原咸陽之賊既經喬松年派兵擊退。著即飭譚玉龍、劉厚基等分路儘力追剿。務將回匪殄盡。以清腹地。雷正綰已在邱家寨獲勝。仍著喬松年飭令各軍將士與雷正綰聯絡聲勢。以期互相援應。另片奏請催湖北餉銀等語。陝省援兵雲集。需餉

軍機處

光緒

浩繁雷正綰與譚玉龍均皆缺餉所有湖北糧臺報解漢中銀十九萬餘兩著譚廷襄曾國荃飭令何璟陳丕業仍將此款解交林壽圖酌量支放原片著鈔給譚廷襄曾國荃閱看將此由六百里各諭令知之○復引見內務府三院京察一等鈐出人員得旨除海緒祥佑忠誠廣英恒延松瑞毋庸記名外貴寶啟裕錫祉布曾斌安恩林廣順連明茂林德壽德生永存舒恆俱著交軍機處記名○以

軍機處

軍

故賽因諾顏輔國公德里克達什子索諾木多爾濟襲爵○命鄂爾多斯貝子扎那濟爾迪在乾清門行走○命山西布政使王榕吉來京以江蘇按察使劉秉璋為山西布政使未到任前以內閣侍讀學士胡大任署理○以湖北尹隆河督隊不力奪道員劉盛藻花翎勇號仍責令勦賊自效予陣亡總兵官唐殿魁等祭葬世職加等○己亥月食○諭內閣劉坤一奏甄別不職各員一摺江西南昌

軍機處

軍

府同知慶麟才具疏庸不知振作著勒令休致署餘干縣知縣候補知縣孫灝性情狡猾難任地方著即行革職○諭軍機大臣等前因哈密回匪西撲巴城情形緊急諭令李雲麟催令棍噶扎勒參整齊蒙兵馳援巴城茲據李雲麟奏稱撥勇前往駐防一摺烏科兩城防務喫重棍噶扎勒參所部蒙兵勢難移援西路該參贊現派張和所部勇丁在紅柳峽立營就近防守著即飭令趕緊馳赴巴城援應速解城圍不得但顧北路本境稍涉遷延觀望其土爾扈特各旗北徙人眾即著照李雲麟所指地方令其遊牧妥為安插哈薩克人數眾多時思東犯李雲麟當訓練額魯特蒙兵嚴加防範毋稍疏忽將此由六百里諭令知之○以宗室桂豐襲封奉恩鎮國公○以詹事府詹事訥仁太常寺卿麟書為內閣學士兼禮部侍郎銜光祿寺卿興思為大理寺卿○以江蘇徐海道李鴻裔為按察使

○以記名提督周盛傳為廣西右江鎮總兵
官○以江西瑞州守城出力予舉人周廷傑
等獎敘有差○予江西各屬陣亡殉難紳民
何鶴明等暨婦女二千一名口分別旌卹如
例

續纂

卷

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十六

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十七

秋

同治六年丁卯二月庚子春分朝

日於東郊遣順承郡王慶恩行禮○
上奉

慈安皇太后

慈禧皇太后幸漱芳齋侍午膳○諭軍機大臣
等喬松年奏甘回竄至鄜州請飭庫克吉泰
等先剿鄜州之賊並催左宗棠赴陝各摺片
另股回匪由三水東竄前股已至三原滋擾
喬松年已飭劉厚基會同劉效忠等合擊復
有大股逆回數萬句結土匪潰勇同時竄至

廊州境內段登雲一軍不能抵禦。該逆已深入滋擾中部宜君邊境。皆見賊蹤。庫克吉泰德興阿已抵同州。著卽帶兵趕赴廊州。毋庸再行進省。致多紆折。並著喬松年飭令劉厚基等軍。迅將西路一股擊退。移軍往廊州協剿。以厚兵力。其由藍屋西竄郿縣之賊。該撫當催令劉松山等躡剿。仍須步步為營。未可稍涉大意。另片奏陝省既患兵弱。尤患財殫。請飭左宗棠攜銀帶兵到西安。徐圖規畫等語。左宗棠現駐漢口。慎重籌畫。未便輕進。朝廷亦深知其本心。惟現在陝省萬分緊急。若非該大臣就現有兵力。寬籌餉項。迅赴西安調度。恐軍心民心日形渙散。設如喬松年所慮。該大臣將來挽救更多棘手。該大臣務當先其所急。迅往鎮壓。並以屏蔽晉豫。斷不令遽行入甘。致礙該大臣種種布置。鮑超一軍現已留鄂剿賊。湘淮諸軍亦俱到鄂。後路尚可無虞。該大臣卽酌度援應。以紓廩念。喬松

年片一件。著鈔給左宗棠閱看。將此由六百里各諭令知之。○以安徽捐輸軍餉。永廣鄉試中額一名。盱眙縣學額三名。桐城望江涇南陵泗五州縣各二名。懷甯太湖太平旌德懷遠五縣各一名。○以湖北東湖縣捐輸軍餉。永廣學額七名。○以河南新蔡縣捐輸軍餉。永廣學額二名。○辛丑以神靈顯應。加安徽潁上縣

龍神封號曰顯佑。○壬寅諭內閣。魁齡等奏

覆勘泉河各工。請分別緩急試辦一摺。所有香山櫻桃溝石渠及各處泉河故道。卽著魁齡等先行試辦。並將香山等處封閉煤窯。設法挖採。以裕水源。其積水潭十剎海並南北中三海各工。並著照所請辦理。一面行文欽天監卽行擇吉。至所奏請將附近泉河稻田一律改種陸田。並請酌減稅課。妥為撫恤之處。著奉宸苑妥速議奏。○又諭李瀚章奏臬司呈請終養一摺。貴州按察使席寶田著准

其間缺在籍養親如遇邊防緊要之時仍著飭令帶兵防剿以資得力○工部右侍郎魁齡等奏遵旨查勘城垣被雨衝刷處所請飭各該衙門及時修補得旨著各該衙門隨時修補並嚴禁居民刨挖黃土以固城垣○予貴州頗洞等處陣亡都司陳秉周等祭葬世職○癸卯諭軍機大臣等英翰奏賊蹤南竄派兵扼剿一摺捻逆被豫軍扼截折向黃麻一帶其回竄英霍潛太實在意中前已諭令

英翰派兵扼堵現在該撫調派張得勝等軍擇要堵剿尚屬周妥即著嚴飭該總兵等認真防剿如賊蹤深入鄂境或被擊他竄英翰務當視賊所向派軍追剿不可稍涉鬆懈鄂軍悉在西路此時計可東向迎頭攔截以遏狂氛著譚廷襄曾國荃督飭水陸各軍力籌堵剿不准徒託空言鮑超一軍前由樊城東向現在已否接仗殊深盼望若連捷之後縱賊奔竄俾得休養裹脅則剿滅又屬無期著

李鴻章申明賞罰飭令各軍同心協力奮勉圖功毋任遷延貽誤豫省防務雖鬆而回竄不可不慮著李鶴年飭令宋慶等軍相機防剿以杜賊蹤紛竄將此由五百里各諭令知之○又諭前經疊諭庫克吉泰馳赴涇州一帶堵剿回匪茲據庫克吉泰喬松年奏會商先剿捻逆現辦情形一摺庫克吉泰一軍業已行抵西安所派馬隊已赴藍鄙距郿州路遠未便再行折回著庫克吉泰即日出省親

赴藍鄙會同劉松山追剿捻逆痛加殲戮郿州一路喬松年已派劉厚基一軍由富平耀州之閒馳赴該處防剿惟陝境內地回匪尚未肅清而甘回大股數萬復勾結土匪潰勇同時竄至郿州段登雲一軍不能抵禦該逆已深入中部宜君邊境劉厚基兵力頗單恐未足數剿辦庫克吉泰一軍未便專顧捻匪致令北路空虛著庫克吉泰喬松年斟酌情形如北路情形緊急仍著該將軍懍遵前諭

折赴廊州。將該處回匪擊退。卽赴涇邠一帶堵剿。不得藉口勒掇。致令顧此失彼。庫克吉泰等另片奏現撥副將王其發吳得勝兩營步隊歸該將軍調遣。著卽照所擬辦理。德興阿諒已就痊。著卽赴營迅圖會剿。將此由六百里各諭令知之。○又諭裕瑞奏遵旨採辦馬匹。因時變通一摺。據稱春令青黃不接之時。購馬實難。庫儲支絀。馬價亦難籌畫。擬於官羣內選馬一千匹。由蒙古各旗捐馬一千匹。再行移咨福興等或買或捐。採辦一千匹。分起解京等語。官羣馬匹。臚分不齊。設或勉強湊數。必至貽誤事機。著裕瑞詳加選擇。務須臚分一律肥壯。方堪應用。蒙古各旗捐輸之馬。亦須認真挑選。不得以疲羸充數。此項馬匹。俟吉林礮手行過京師。卽著分起解交該營總帶往左宗棠軍營。毋許延誤。所短之馬。著福興桂成趕辦。臚壯戰馬一千匹。無論或捐或買。總期迅速辦理。至由歸化城進殺

虎口解交該營。自比張家口較為便捷。卽著福興等購辦齊全時。自行驗明解交吉林營總驗收。毋庸轉由裕瑞點驗。以免紆折。至官羣馬匹。亦關緊要。著左宗棠將馬價解交察哈爾。由裕瑞買馬一千匹。以補官羣之額。左宗棠著仍遵前旨。一面先期赴陝。不必坐候新籌馬隊。以致久延。將此各諭令知之。○以詹事府詹事王祖培為內閣學士兼禮部侍郎銜。○以候補鹽運使葆亨為貴州按察使。

○甲辰尊藏

文宗顯皇帝實錄

聖訓於乾清宮。

上親詣行禮。恭閱首函。○以右翼前鋒統領載岱暫署正白旗漢軍副都統。○以江蘇捐輸軍餉永廣武進縣學額十名。陽湖縣九名。○以江西萬年縣捐輸軍餉永廣學額十名。○乙巳諭內閣前據左宗棠奏浙江署嘉善縣知縣張樹松於失守後攜印潛逃。復勒派捐

輸等情。當經降旨革職拏問。茲據馬新貽奏。訊明該革員尚無攜印私逃。及將收捐銀錢攜帶出城情事。其在章練塘地方出示勸捐。亦非勒派收款入己。請仍歸失守案內擬結等語。已革前署嘉善縣知縣張樹松於失守縣城。不能迅圖克復。咎有應得。著從重發往新疆效力贖罪。以示懲儆。○諭軍機大臣等。張凱嵩奏克復泗城。慎籌善後。並辦理鎮安太平等處土匪各摺片。鎮安竄匪闖入泗城。

經張凱嵩派總兵黃仲慶等馳往勦辦。疊克賊巢。進薄泗城。乘勝直奪關門。大舉環攻。羣賊自相驚亂。遂於上年十二月初七日。將泗郡克復。生擒賊首黃晚先鋒羅大等三十八名。辦理尚為妥速。所稱賊首黃晚。訊明確供。已否正法。未據聲明。同治元年三月間。據薛煥奏。逆黨黃晚句通髮逆。曾諭薛煥密拏。該逆附託洋人。潛逃無蹤。此次所獲之黃晚。是否即係其人。著該撫詳訊供詞具奏。泗城雖

已收復。逆首吳亞終盤踞鎮安。難保不復萌窺伺。著飭覃遠璉督飭朱騰偉認真搜捕。慎籌善後。至覃遠璉一軍攻勦鎮安等處土匪。勦撫兼施。疊平賊卡。擒斬甚多。餘賊遁回歸順鎮。郡南路肅清。楊廷璵一軍攻勦太平一路。生擒逆梁得培。王之賢。全股悉平。勦辦均屬得手。著張凱嵩飭令覃遠璉楊廷璵等乘此軍威。速將伏莽搜捕罄淨。以靖邊圉。將此由六百里諭令知之。尋奏訊據黃晚供稱。

實係鎮安土匪。其非蘇省句通髮逆之黃晚。似無疑義。報聞。○賞陝西陣亡前翰林院編修張錫嘏子志敦主事。○予廣西泗城殉難代理知府同知陳燮埏祭葬。世職春屬旌卹如例。○追予故廣西右江鎮總兵官張樹珊於河南周家口立功地方建立專祠。○丁未遣官祭賢良祠。○諭軍機大臣等。前據特普欽奏挑備壯丁。請援照徵調西丹每名給整裝銀二十一兩。當經諭令丁寶楨遵照辦理。

茲據丁寶楨奏稱東省招募黑龍江壯丁。係仿照招募湘楚各勇章程辦理。與調兵不同。原擬以成軍之日。發給川貲。若又給發裝銀。糜費過多。惟該壯丁遠道從戎。亦應量加體恤。擬每名酌給整裝銀十兩。請由該處將軍給發五兩。俟到東後。再由東省發給五兩。或由該處全行籌發。由東省解還一半等語。黑龍江庫款久形支絀。此次東省招募壯丁。所需整裝銀每名十兩。自應由東省籌款全數發給。惟現在東省委員早已啟行。所帶銀兩不敷。若俟補解到日。再行招募。恐致延誤。著特普欽先行借款給發。如不能全行籌給。或先發給一半。餘俟該壯丁到東。再行補發。所墊銀兩。卽著丁寶楨迅委委員全數解還歸款。不可存吝惜之心。致辦理棘手。耽延時日。將此由五百里諭知。特普欽並傳諭丁寶楨知之。○戊申。諭軍機大臣等。伊勒屯。何瑄。奏哈密有隙可乘。亟宜疏通餉道。催兵赴援。一

摺據稱。拏獲哈密賊營漢回。供稱各賊均得財偷走。現在賊勢稍分。攻取甚易。據李雲麟咨稱。烏科兩城蒙兵散盡。哈薩克勢將內犯。無兵可援。巴城據棍噶扎勒參咨稱。營內兵馬器械均已齊備。與李雲麟商議進兵。請簡派妥員。協同棍噶扎勒參急赴巴城救援。疏通哈密糧道。並請催成祿分兵出關救哈等語。前據李雲麟奏。烏科兩城防務喫重。棍噶扎勒參所部蒙兵勢難移援西路。現派張和所部勇丁。在紅柳峽立營。就近防守。當經諭令李雲麟飭令張和趕緊馳赴巴城援應。速解城圍。不得但顧北路本境。現在巴城受困日深。亟應派兵援救。保全合郡生靈。棍噶扎勒參所帶蒙兵。如可援應巴城。著李雲麟與之會商。妥籌赴援。不得藉詞延宕。儻巴城有失。惟李雲麟是問。伊勒屯。何瑄。已調孔才等所招民勇赴巴。著就現有兵力。設法固守。以待援軍。不得稍涉疏懈。伊勒屯等摺。著鈔給

李雲麟閱看。摺內所稱肅州被圍甚急。賊供安沙駐紮兵勇防堵。目下有說先取安沙。又有先取巴里坤之說。近日肅州軍情若何。安沙是否有賊股滋擾。此項兵勇能否先赴救援。著成祿迅即查明具奏。仍遵前旨。迅克肅州。以圖出關會師攻剿。文麟已否至安西防堵。並著催令該員刻即赴任。毋任逗遛。將此由六百里諭知李雲麟伊勒屯。成祿並傳諭何瑄知之。○派協辦大學士工部尚書瑞常

倉場侍郎宋晉前往天津驗收海運漕糧。戶部右侍郎畢道遠前往通州。會同倉場侍郎鍾岱辦理驗收事宜。○旌表守正捐軀河南魯山縣民劉九靈妻張氏。○己酉。諭內閣文宗顯皇帝實錄

聖訓告成。所有尊藏盛京本。皇史宬本。內廟諱御名。應仍循舊章。照本字恭填。著派賈楨。周祖培。寶鋆。董恂。靈桂。伊精阿。察杭阿。敬謹填寫。限一日竣事。以昭虔肅。○又諭

文宗顯皇帝實錄

聖訓告成。應行尊藏皇史宬本。及內閣副本。所有應舉典禮。應辦事宜。著各該衙門敬謹議奏。至恭送尊藏盛京本。現值續修

玉牒之年。著照咸豐年間成案。俟

玉牒告成時。一併恭送。○又諭前因御史朱鎮奏京師引鹽缺乏。奸商把持囤積。任意勒索。並另設內廠勒買引鹽各節。當諭令劉長佑查明具奏。茲據劉長佑奏稱。前經步軍統領

衙門咨送京商何文清王仲周鈞等具控。華長祥同夥李映奎等剽留鹽包一案。已發運司傳訊。旋奉諭旨。復添派候補道柏春會同運司克明。訊明京師向設有京鹽總局。總司進鹽齊句等事。後因外句滯銷。往往撥入城內各鋪私售。同治四年。眾商公議添設內廠。以售外句。不能全銷之鹽。由運司詳明立案。商人何文清等違例進鹽。欠課甚鉅。請分別革追等語。此案商人何文清王仲周鈞將外

句鹽包不遵新章賣給內廠輒仍運歸內鋪實違公例且查出欠課甚多自應分別懲辦何文清著暫行革去舉人王仲周鈞均著暫行革去職銜該商等領辦之各引名著一併記革並照例查抄監追勒限三箇月將欠課埽數全完方准開復給還所請繳完三成卽予開復之處殊涉寬縱如逾限不完卽斥革另募以肅釐政華長祥身充總催既查知何文清等弊混並不稟明運司輒用私函知會

廠書高瑞徵聽從照辦均有不合應如所擬發落所設內廠既據各商僉稱有益並無把持情弊著准其照舊設立嗣後如查有弊端卽著裁撤嚴究○諭軍機大臣等李鴻章奏進駐周口籌商調度鮑超奏傷疾舉發請假調理各摺片賊由麻城東竄巴河斬水現由廣濟蔓及黃梅宿松邊界曾國荃擬駐黃州督彭毓橘等分路跟剿李鴻章令李昭慶等由光商進六安會商劉秉璋等分投攔擊又

令楊鼎勳馳往光州會師扼堵北竄所籌均妥著卽督飭諸軍認真遏截並著英翰李鶴年各派勁旅擇要布置務期合力兜裏漸逼漸緊使該逆不得逞志方為妥善淮河下游水勢寬深著曾國藩李鴻章多調礮船水師節節巡防以期周密鮑超一軍追剿正當喫緊之時遽請開缺調理未免近於要挾該提督素知大體所向奮勉何以亦沾軍營習氣仍著督隊由南陽取道信羅至光固一帶無

論任賴等逆竄往何處皖鄂何路有警卽行兼程進擊設法兜滅以奏全功並著李鴻章催令移營進紮毋任藉詞延宕將此由六百里諭知曾國藩李鴻章譚廷襄曾國荃英翰李鶴年並傳諭鮑超知之○直隸總督劉長佑奏按察使張樹聲出駐大名府防剿現擬暫行回省得旨仍著嚴飭范梁等隨時偵探嚴密巡防不得稍涉疏懈遇有警信仍飭該臬司星馳前往督辦○欽差大臣李鴻章奏

請調內閣中書何慎修廣東候補道吳贊誠赴營差委允之○以廣東克復嘉應州城出力賞布政司經歷羅章已圖魯名號道員鍾啟祥等花翎內閣中書何杰年等藍翎餘加銜升敘開復有差○予湖北楊家澤等處陣亡總兵官陳永康等一百八員祭葬世職加等○庚戌

孝昭仁皇后忌辰遣官祭

景陵○諭軍機大臣等譚廷襄曾國荃奏官軍

追賊疊勝情形一摺捻逆由黃陂東竄繞至宿松邊境復回竄黃梅廣濟雖疊經劉維楨等追勦獲勝究未能大挫兇鋒曾國荃現在馳抵黃州就近調度鄂皖邊境山阻水深值此春水方生渦淮並漲之時正可廣設方略與李鴻章英翰同心協力督飭各軍相機兜勦以期次第殄滅軍情變幻無常朝廷不為遙制正以專其事權所請指示機宜實屬意存諉卸曾國荃責任統率何至不曉事體如

此該撫務即督令劉維楨等奮勉追勦毋許縱賊西竄並著英翰督飭水陸各軍會同夾擊李鴻章昨奏飭令李昭慶等由光商進勦即著統籌全局剋期殄滅毋任遷延將此由六百里各諭令知之○署湖廣總督譚廷襄奏籌定湖北協甘軍餉每月二萬兩如期委解不再虛懸報聞○命工部左侍郎毓祿前往盛京會同工部侍郎桂清恭勘

福陵碑樓工程○山東巡撫閻敬銘因病解職

以布政使丁寶楨為巡撫按察使潘鼎新為布政使鹽運使盧定勳為按察使○辛亥諭軍機大臣等楊岳斌奏病勢甚篤請派員暫署督篆並懇回籍調理各摺片情詞懇切覽奏具悉若再勉強挽留朝廷亦有所不忍惟穆圖善勦辦東路回匪並安撫已降之眾在在均關緊要一時能否遽赴省垣尚須斟酌情形悉心籌辦不至顧此失彼方為妥善楊岳斌候穆圖善到省接署督篆後將一切情

形詳細告知。再議起程。毋得遽行回籍。致誤公事。穆圖善西赴蘭州。後其東路防務。關繫緊要。馬生彥等甫經投誠。尤當妥為駕馭。應派何人駐紮。卽著該將軍酌量辦理。毋得稍涉疏懈。楊岳斌又奏。洮州回匪叛踞城池。一摺。回弁丁泳安乘機復叛。踞城抗拒。實屬罪不容誅。洮岷協都司丁泳安著先行革職。於擒獲後。卽在軍前正法。以昭炯戒。洮州在河狄之西。該處回氛徧地。勢悍人多。其應如何

進剿之處。著穆圖善於抵省後。妥籌勦辦。用副委任。將此由六百里各諭令知之。○又諭。前據左宗棠奏。抵甘需時。請暫留楊岳斌在甘辦理。本日據楊岳斌奏。稱八旬父母患病。沈重。而該督病亦增劇。請飭穆圖善暫署督篆。覽其情詞懇切。實不忍再行挽留。因令穆圖善馳赴蘭州。暫署督篆。以便楊岳斌交替回籍。惟穆圖善西赴省垣。東路防務。恐無人認真堵禦。該大臣到陝後。尚須經理關中回

捻各匪。方能赴任。則東路防務。實為陝省門戶要區。左宗棠此時計可起程入關。著於馳抵西安後。斟酌情形。相機辦理。免致掣肘。將此由五百里諭令知之。○又諭。富明阿等奏。遵辦挑募礮手。並請撥餉銀等情。一摺。吉林挑募礮手。赴左宗棠軍營。前經諭令德英專司其事。現據富明阿奏。稱德英熟悉挑募事宜。卽著該副都統酌量情形。迅速籌辦。此事總須挑選材力精壯。技藝嫻熟之人。雇募足

額。不得以老弱充數。仍著富明阿、富爾孫、揀派委員。幫同辦理。所須管帶勇丁之協佐、防驍等官。卽由德英選派。以期得力。其採辦鞍韉及軍械整裝等項。需銀七萬兩。並著照左宗棠所奏。由部庫迅撥。吉林應用。仍由山西應解左宗棠甘餉項下。撥還戶部。協領喜昌。卽係湖北軍營告假回旗之員。著富明阿於該員回籍後。迅卽飭令管帶新募礮手。前赴左宗棠軍營。聽候調遣。吉林緝捕土匪及防

邊事宜。仍著富明阿等妥為籌畫。備豫不虞。毋稍疏忽。將此由五百里各諭令知之。○以鑲黃旗蒙古副都統果勒敏署左翼前鋒統領。正紅旗護軍統領克興阿署正紅旗滿洲副都統。○以甘肅洮州城復被賊陷。革署同知府經歷熊其光職。遣戍黑龍江。副將周朝旺、魏紹珍參將田大勝、都司張廷秀均革職留營。予殉難副將馮光明、都司雷興隆、教授劉升徽祭葬。世職加等。○予甘肅鞏昌殉難

署知府王錫齡等祭葬。世職加等。○予江西都昌新建陣亡殉難訓導劉崇鼎等紳民婦女三百五十員名口分別旌卹如例。並予建祠。○壬子諭內閣。張亮基奏。黔省鄉試停科過久。請舉行本年丁卯科。及補行乙卯戊午兩科一摺。向來各省鄉試定例。止准補行一科。惟念貴州自軍興以來。已逾十載。停科最久。該處山川險阻。籌費艱難。該士子等志切觀光。自應俯如所請。所有貴州省舉行本年

丁卯科鄉試。著准其補行乙卯科。並加恩准補戊午科。按照定廣各額。併數取中。以作士氣。○諭軍機大臣等。喬松年奏。陳近日軍情一摺。甘省回逆。分股擾陝。經喬松年派令劉厚基等馳往勦辦。柳林同官之賊。向北狂奔。竄出陝境。乾州醴泉另股賊匪。亦經劉效忠擊敗出境。又有一股自靈臺竄赴鳳翔。遊騎已至岐山扶風。該撫現飭譚玉龍等前往勦辦。鄜州已無賊蹤。令劉厚基一軍分駐宜君

等處。何路有警。卽向何處開拔。所籌尚妥。著卽督飭譚玉龍等認真迎勦。鳳翔一股。劉厚基隨機策應。以資得力。柳林同官乾州醴泉之賊。雖出陝境。未受大創。該匪股究向何路竄去。摺內未據聲明。嗣後奏報。務將賊由何處竄入。何路竄去。賊首何人。賊數多少。詳查具奏。不准疏略含混。致干咎戾。摺內所稱察看回逆股數甚多。仍必續竄入境。著督飭地方文武軍練。確探嚴備。毋令肆擾。鄜縣之賊

仍在齊家寨盤踞。劉松山現已移營槐芽鎮。遇賊之衝。著知照該提督步步為營。見可而進。毋稍大意。該軍戰狀。仍隨時詳細奏報。以慰馳廛。將此由五百里諭令知之。○又諭成祿、文麟奏會商馳赴哈密籌辦軍裝行糧。並請飭山西撥解餉銀。文麟奏哈密失陷。擬即進紮安西。並勦辦高臺竄賊。獲勝各摺片。哈密失陷。前經成祿、楊岳斌等疊次奏報。成祿等此次所奏籌辦招徠鎮撫等事。尚係未經

失陷以前情形。文麟現擬製辦軍裝行糧。進紮安西。即著趕緊布置起程。惟目前哈密賊匪分撲巴里坤。甚急。若待成祿出關。會同進取。誠恐巴城有失。則哈密之勢更張。況昨據伊勒屯等奏據獲賊供稱。哈城賊匪均得財偷走。其勢稍分。攻取甚易。文麟當迅帶所部乘此機會。攻取哈密。其原派駐守哈密之兵勇三千名。是否潰散。並可沿途招集。以厚兵力。巴里坤被圍。已諭令李雲麟派蒙兵星速

往援。若文麟兵至哈城。則賊匪前後受敵。似可得手。成祿久攻肅州不下。殊屬疲緩。務須立攻攻拔。趕緊出關。不得再事遷延。致負委任。哈密回王伯錫爾避往何處。著文麟探明所向。仍與聯絡聲勢。會籌辦法。文麟出關後。軍餉極為緊要。著趙長齡飭藩司無論何款。迅撥銀十萬兩。解交烏里雅蘇台。以備文麟派員迎提。如一時籌運不及。即咨行德勒克多爾濟、李雲麟等先在新疆協餉內提撥四萬五萬兩。以應急需。俟晉餉解到。劃出歸款。其指撥倉穀籌捐軍餉等事。並著文麟咨明該地方官辦理。南山高臺等處竄匪。疊經威儀營勇擊勦獲勝。出力弁勇。著文麟暫行存記。仍飭該營勇等加意防勦。將此由六百里各諭令知之。○又諭瑞麟、蔣益澧奏曹冲匪勢猖獗。出省督辦五阮客匪。勦撫平定。各一摺。曹冲客匪。經水陸各軍疊獲勝仗。該逆以田頭為門戶。周廷瑞所部進紮冲金山。徐圖偏

近田頭竟為該逆所乘以致傷亡將弁現在高連陞等軍進駐獅山洞口漸逼沖金左右兼擬分軍由唐美繞出沖金扼田頭後路使該逆首尾不能相顧所籌尚屬妥協蔣益澧現既帶兵出省駐紮新甯浮石村居中調度諒不難督飭諸軍前後夾擊共拔堅巢該逆負隅已久本屬罪不容誅如果悔罪來歸亦不妨網開一面瑞麟蔣益澧當相機妥辦以靖地方至五阮客匪積年巨患雖一旦勒辦

竣事而安插撫馭尤為緊要著該督撫督飭王澍鄭紹忠等妥籌辦理務使永絕亂萌客目陳疇攜眷潛逃著飭該地方官密速查拏毋任漏網將此由五里各諭令知之○又諭本日據劉嶽昭奏勞崇光因病出缺已明降諭旨將張凱嵩補授雲貴總督郭柏蔭補授廣西巡撫未到任以前令宋廷春護理雲貴總督吳昌壽前赴廣西署理撫篆矣雲南地方情形喫重著張凱嵩酌帶兵將星馳赴

任廣西軍務未竣仍當妥為區畫郭柏蔭著俟李瀚章到任後即赴廣西均毋庸來京請訓劉嶽昭現擬由仁懷進駐大定一時未能抵省岑毓英又帶兵在外是以令宋廷春暫護督篆劉嶽昭務當節節進攻取道赴滇以專責任並著先行奏報宋廷春暫護督篆尤當振作精神認真整頓使漢回盡泯猜疑岑毓英現勒豬拱箐一股馬如龍現辦大理一股該護督悉當和衷商榷使竟全功不得存

五日京兆之見用慰朝廷廬念邊陲之意將此由六百里諭知張凱嵩郭柏蔭劉嶽昭並傳諭宋廷春岑毓英知之○又諭本日已明降諭旨命吳昌壽署理廣西巡撫粵西伏莽尚多彈壓撫綏均關緊要張凱嵩擢任滇南剋日赴任勢難久待前據吳昌壽奏請回籍修墓現在曾否起程赴粵著於接奉此旨後無論行抵何處即行星速馳赴粵西如尚在原籍即著馬新貽催令趕緊料理起程迅赴

署任將此由五百里諭知馬新貽並傳諭吳昌壽知之○又諭張亮基奏滙陳瘠苦情形請飭撥餉接濟等語據稱黔省之患不在無兵而在無餉每年額徵之數本自無多而民間被賊滋擾完納又屬寥寥釐金一款近因道阻商稀日形短絀疊經函商賂秉章籌借銀兩賂秉章均未回覆川楚協濟之項率以不能分撥為詞懇飭該二省撥銀按月解濟所陳自係為餉需艱窘起見川楚兩省密邇黔疆豈可坐視其危而不為之救著崇實賂秉章李瀚章劉崐各按月籌撥銀五萬兩源源接濟毋令缺乏至張亮基所稱請飭於四川湖南兩省外查明稍可通那省分酌撥餉需現在距黔較遠省分或因本省軍事未竣或以協解鄰封餉項礙難再撥張亮基惟當振刷精神將黔事力圖整頓僅四川湖南協餉解到後仍蹈因循積習必將治該撫以應得之咎張亮基片著鈔給崇實等閱看張亮

基奏平遠州勦賊獲勝一摺本日已降旨將知州蕭培基等照准獎勵矣東路牛場尚有苗匪盤踞即著移師勦辦以期廓清境地張亮基另片奏買銅售鉛擬派員赴仁懷廳相度地勢設局招商墊本試辦借商本以鑄錢即因鑄錢以銷鉛等語即著認真興辦釐剔弊端總期有益於公無害於民方為妥善將此由六百里各諭令知之○貴州巡撫張亮基奏省城建立慰忠祠蓋忠樓擬將節年陣亡殉難官紳兵民入祀報聞○以廣西巡撫張凱嵩為雲貴總督未到任前以雲南按察使宋廷春護理以江蘇布政使郭柏蔭為廣西巡撫未到任前以廣東布政使吳昌壽署理○以廣東勦撫五阮客匪地方肅清賞通判陳瑞燾知州銜花翎未入流李以衡等藍翎餘加銜升敘有差○以貴州平遠州城解圍賞知州蕭培基花翎團首劉汝珍五品頂帶藍翎餘加銜升敘有差○以陝西同官縣

城被賊竄擾。革知縣陳衍昌職。○贈故雲貴總督勞崇光太子太保。予祭葬。諡文毅。○予陝西宜君陣亡參將裕廉祭葬。世職加等。○以廣東曹冲勒匪不力。革總兵官周廷瑞職。仍戴罪效力。予陣亡副將賀國輝王東林祭葬。世職加等。建專祠。副將翁桂秋暨弁勇等一併附祀。○展緩山西臨汾縣歉收地畝舊欠額賦。○賑廣東嘉應州被擾難民。○癸丑遣官祭。

歷代帝王廟。○命普濟堂功德林煮賑展期兩月。○甲寅諭內閣。惇親王奏大員請託公事。請旨辦理。一摺。據稱上書房出有弓箭諸達一缺。尚未揀選。侍郎伊精阿輒稱正紅旗護軍參領兼司鑰長慶安願意充補。此缺跡近屬託等語。著伊精阿明白回奏。○諭軍機大臣等。前因署副都統穆騰阿奏請整軍勒擒。當經降旨交神機營王大臣議奏。茲據醇郡王等奏稱神機營馬隊精銳可用者。僅有

一千七百名。必須添調吉林黑龍江馬隊官兵各一千名。始敷調遣。各等語。擒逆肆擾。楚豫等省。勢甚蔓延。現在勒擒之湘淮各軍。多係步隊。必須添調馬隊精兵。派員帶往助剿。方可有濟。惟吉林黑龍江馬隊。疊經各省徵調。為數已多。該兩省能否抽派馬隊官兵各一千名前往助剿之處。即著富明阿特普欽。妥速籌議具奏。如該兩省果能如數照撥。即由神機營選派馬隊輔翼成軍。赴豫助剿。以

期迅速。嚴事將此由五百里各諭令知之。○又諭庫克吉泰等奏進剿擒匪獲勝。並請催鮑超赴陝各摺片。劉松山與安住等軍進剿銀渠金渠踞捻。殺賊甚夥。攻克兩鎮。該逆現退踞齊家寨一帶。與鳳翔回逆僅隔一河。勢將併力勾結。喬松年務當飭令劉松山等軍扼勒渭河。乘勝進剿。並著庫克吉泰德興阿督帶所部與劉效忠等相機合剿。以杜擒回勾合。郭寶昌一軍計已入陝。著喬松年起緊

催提以厚兵力。鮑超勦辦鄂捻。屢獲大勝。甚屬奮勉。所部將士亦頗出力。著仍遵前旨。會同曾國荃所部。迅將任賴股匪殄滅。以便騰出兵力。西顧陝疆。不可意存觀望。並著李鴻章。曾國荃。妥為調度。迅奏膚公。陝西情形。喫緊。前諭左宗棠就現有兵力。先往鎮壓調度。著卽酌量奏覆。以慰馳廑。將此由六百里諭知李鴻章。左宗棠。曾國荃。庫克吉泰。德興阿。喬松年。並傳諭鮑超知之。○予陝西銀渠等處陣亡參將劉福勝等祭葬。世職加等。

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十七

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十八

光緒二十六年三月二十日奉旨命內閣學士徐世昌等纂修穆宗毅皇帝實錄卷之一百九十八

光緒二十六年三月二十日奉旨命內閣學士徐世昌等纂修穆宗毅皇帝實錄卷之一百九十八

光緒二十六年三月二十日奉旨命內閣學士徐世昌等纂修穆宗毅皇帝實錄卷之一百九十八

光緒二十六年三月二十日奉旨命內閣學士徐世昌等纂修穆宗毅皇帝實錄卷之一百九十八

光緒二十六年三月二十日奉旨命內閣學士徐世昌等纂修穆宗毅皇帝實錄卷之一百九十八

秋修

同治六年丁卯三月乙卯朔清明節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○詣綏履殿問

慈安皇太后安平安室問

慈禧皇太后安至癸未皆如之○予江蘇各屬

殉難紳民陳士悅等暨婦女八百二十名口

分別旌卹如例○予江蘇宜興殉難監生崔

迺標妻儲氏旌表如例○丙辰

上奉

慈安皇太后

慈禧皇太后幸漱芳齋侍午膳○諭內閣前因

惇親王奏上書房出有弓箭詣達一缺伊精阿軌稱慶安願意充補跡近屬託當經諭令伊精阿明白回奏茲據該侍郎奏稱與惇親王言及前任弓箭詣達吉隆阿當差多年其子必通曉規矩經惇親王詢問始將慶安之名回稱並無屬託等語伊精阿於弓箭詣達一缺尚未揀選軌向惇親王言及慶安之名雖據稱並無請託情弊究屬不知引嫌伊精阿著交部議處尋議伊精阿照不應輕私罪

三

例罰俸九箇月從之○又諭吏部奏遵議官文繕寫錯誤鄭敦謹等失察及動用竹木捐款等情處分一摺大學士前任湖廣總督官文前任湖北巡撫刑部左侍郎鄭敦謹均著照部議罰俸一年前任湖北巡撫廣東布政使署廣西巡撫吳昌壽著加恩改為降四級留任均不准其抵銷○又諭御史王朝榮奏官員營求奪情請明定限制一摺據稱近來外省道府州縣及隨營人員一經聞訃往往

百計營求為奪情之舉請飭嚴禁等語軍興以來需才孔亟各省帶兵大員及各督撫間有聞訃丁憂特旨奪情諭令移孝作忠者雖各該員懇辭再四而朝廷倚畀正殷不得不溫諭慰留為一時權宜之計其軍務省分帶兵人員防勦喫緊經各督撫奏請奪情亦每俯如所請俟軍務告竣再行守制事非得已禮本從權至如該御史所奏隨營糧臺文案各員及非軍務省分之道府以下各官豈得概從一律嗣後除帶兵人員實係防勦喫緊仍准由各省督撫奏請奪情外其餘隨營糧臺文案各員及並非軍務省分之道府以下各官該督撫不得概行奏留以示限制○諭軍機大臣等成祿奏擊退援賊高臺金塔解圍一摺肅州踞匪向來西甯援賊萬餘人圍攻高臺成祿派王蘭譜黃祖淦等軍馳援獲勝賊遂西撲金塔成祿復派寶璽等與王蘭譜等會剿逆眾大敗分股散布九蓮寺等處

復經寶型等奮力攻擊。共斃賊五千餘人。救出難民婦女二千餘名。肅州踞賊探知官軍遠勒親率悍賊撲營。楊永魁開槍將偽帥馬汶永擊斃。寶型旋師夾擊。共斃賊五六百人。當此餉缺逆熾之時。均能奮勉力勦。尚屬可嘉。目前肅逆援絕。膽寒亟宜乘此聲威。立圖攻拔。著成祿激勵將士。勉益加勉。以期迅奏膚公。同膺懋賞。將此由六百里諭令知之。○安徽巡撫英翰奏。捻竄皖省邊境。擬向潛山太湖一帶迎勦。得旨。卽著檄令程文炳等迎頭截擊。該撫務當親督將士。會合鄂軍。併力兜勦。仍隨時咨商李鴻章妥籌調度。○予甘肅肅州陣亡從九品張際午等祭葬。世職加等。○丁巳祭先蠶之神。遣總管內務府大臣崇綸行禮。○以莊順皇貴妃金棺由田村奉移園寢。遣睿親王德長前往奠酒。○諭軍機大

臣等。譚廷襄等奏。賊勢上竄。官軍先勝後挫。現在布置情形。一摺。逆匪由蘄州上竄板橋等處。經劉維楨彭毓橘兩軍分路進擊。小有斬擒。彭毓橘探知該逆由蘭谿董家河上竄。親督各營躡勦。遇伏失挫。力竭陣亡。此次彭毓橘之挫。如各該營官有救應不力情事。著譚廷襄。曾國荃查明參辦。該逆現由巴河上犯團風新洲。奔竄黃孝一帶。亟應力圖兜勦。該署督等務當審賊所向。檄飭派出各軍會同淮軍劉秉璋等通力合作。協同勦洗。毋令再肆蔓延。曾國荃現駐黃州。卽著就近將彭毓橘所部各營察看情形。分別遣留鄂省。賊眾兵單。勦辦恐難得手。應如何抽撥勁旅赴鄂援應之處。著李鴻章統籌全局。相機布置。鮑超現由南陽取道信羅至光固一帶。卽著懍遵前旨。無論任賴等逆竄往何處。何路有警。卽行兼程進擊。一鼓聚殲。以副委任。正在寄諭間。據左宗棠奏。捻中北隊一起。江北河

北之人居多東北馬軍亦頗不少多係從前裏脅畏罪勉從請准令悔罪歸誠等語。檢中甘為賊役者固屬法所難寬。如果懼罪偷生而能反正歸誠原不妨稍從曲貸。著李鴻章譚廷襄曾國荃出示曉諭以散該逆脅從。庶更易於蕺事。將此由六百里諭知李鴻章譚廷襄曾國荃並傳諭鮑超知之。○又諭左宗棠奏督軍由鄂啟行請飭散捻脅從閩中新刻竹枝詞請飭查辦各摺片。陝省捻回合擾亟須知兵大員前往調度該督聲威素著一經入秦坐鎮自可勝出陝省兵力併入前敵以利攻剿。所有置造軍械及練兵籌餉各事宜即可於到秦後統籌全局次第經理。庶將來肅清兩省計出萬全。現在該督既已西行秦中自可無虞。而鄂省賊眾兵單勦辦殊難得手。鮑超一軍著仍遵前旨留於鄂豫將任損逆股勦滅再行移師入關。前據英桂奏丁杰交出竹枝詞鈔錄呈覽。匿名揭帖例應立

案不行。惟恐有挾嫌污衊情事。已諭令英桂吳棠面傳丁杰切實研究該督公忠共信公道自在人心也。將此由六百里諭令知之。○又諭庫克吉泰等奏。捻逆北竄各軍進剿情形一摺。張逆竄踞齊家寨後。句結逆回圖竄南岸。經劉松山李祥和等軍直前進迫。該逆遂由鄆縣以西竄過渭北。復經劉松山等軍跟蹤追擊。逆股悉眾東趨。提督譚玉龍等將馬賊擊退。張逆率黨來援。官軍力將賊圍衝破。賊仍退踞於扶岐交界之益店一帶。此次捻逆雖被勦北竄而距回甚近。雖保不句合西竄。譚玉龍兵力甚單。即著庫克吉泰德興阿督同安住等所部馬隊會同劉松山等軍緊蹙前追。喬松年亦當嚴檄譚玉龍等合力夾擊。毋任句合逆回深入為害。郭寶昌一軍計抵潼關。著喬松年迅飭兼程馳赴會合。攔截以殄兇氛。並將會合擊剿情形隨時詳報以慰馳廑。將此由五百里各諭令知之。○又

諭兆琛奏官軍連破苗寨並苗逆分擾湖南沿邊州縣回軍截勦一摺苗逆自經官軍攻入頗洞退守寨塘寨滾等處經兆琛周洪印所部分路進攻連破苗寨屯卡其李元度一軍進偏荆竹園亦將盤架巖賊卡攻破該逆以楚軍深入擣其巢穴糾黨犯楚以圖牽掣擾及湖南沅晃黔會靖州各處雖經官軍截勦獲勝而備多力分殊難制賊死命現在周洪印已將西防會勦之兵十三營陸續撤回肅清楚境再議進兵兆琛所部七千人除分防思州青溪各隘外現存前敵及留守邛城者僅四千人是湖南援黔之師仍不過沿邊堵剿苟延時日若非迅籌添募安能深入賊境擣穴殲渠兆琛現稟商李瀚章酌量增兵以資調度即著該撫迅速增募數營揀選得力將弁統帶交兆琛調遣以厚兵力趙煥聯席寶田告假在籍現在楚邊有警並著李瀚章另募勁軍飭該二員統帶分防邊境以便

前敵之軍一意勦賊劉崐到任後並著與李瀚章妥籌方略總期戰守兼籌毋致顧此失彼將此由五百里諭知李瀚章劉崐並傳諭兆琛知之○署山東巡撫丁寶楨奏請調已革知州李均前往河南歸德各處緝捕私梟護送鹽運得旨李均前次被叅革職之案甚重該撫請調該革員經理緝捕之處著不准行○以徵漕滋事山東知州李銘舟革職訊辦○以約束兵丁不嚴革奉天頭等侍衛額勒登布職仍留營○予湖北蘄水陣亡道員彭毓楠祭葬世職如布政使例謚忠壯於死事地方暨原籍建立專祠提督羅朝雲鄧泰福王仕益陳致祥總兵官彭光友羅興祥道員葛承霖均祭葬世職加等附祀彭毓楠專祠○予湖南沅州等處陣亡總兵官胡紹春等十三員祭葬世職加等○予江蘇金壇等處殉難附生周燾等紳民婦女九名口分別旌卹如例○予貴州清鎮殉難舉人張壽祺

等紳民婦女五十六名口分別旌卹如例○
戊午以順天府府尹胡肇智為宗人府府丞
○命山西巡撫趙長齡撥銀八萬五千兩解
赴烏里雅蘇台科布多二城備本年經費○
己未命五城煮賑展期兩月○庚申諭軍機
大臣等前據都興阿奏侍郎延煦由北關經
過侍衛額勒登布所部兵丁將該侍郎家人
毆打滋事請旨將約束不嚴之額勒登布革
職留營差遣並將兵丁責革當經降旨允准

奏摺

上

茲復據延煦奏稱各情與都興阿前奏大略
相同官兵縱肆至該侍郎亦彈壓不住羣撲
車前並據左近商民訴稱黑龍江官兵扎明
阿平素不法及春齡堂藥鋪商人等呈控帶
兵官袒護官兵等情覽奏殊堪詫異該官兵
等在該侍郎之前尚敢如此放肆平日商民
之受害不問可知雖經都興阿分別革責懲
辦惟寬縱有素恐未能戢驕悍之風都興阿
身任統帥當竭力整頓毋得稍涉袒護額勒

奏摺

上

和布恩錫均有地方之責著會同都興阿認
真查禁有犯必懲以期商情帖服官民相安
延煦原摺著鈔給都興阿等閱看將此各諭
令知之○又諭李鶴年奏馳赴周口與李鴻
章會商軍務將善慶馬隊派往淮軍協勒張
曜到營整練新軍一摺所籌尚妥善慶所部
吉林黑龍江騎兵派赴信陽與劉銘傳一軍
相合即著李鴻章飭令劉銘傳妥為調度俾
馬步相輔以成勁旅其月餉仍由豫省撥解
張曜到營李鶴年擬令招募步隊十五營該
撫當飭令嚴加揀選趕緊教練務使餉不虛
糜兵歸實用以副委任所需洋槍軍火既經
李鴻章借撥購贖此等利器若非得人而用
往往藉以資敵尤須加意訓練以免疏失鄂
賊距光商不遠著李鴻章激勵鮑超等迅速
移營前進毋任遷延貽誤將此由五百里各
諭令知之○福建臺灣鎮總兵官劉明燈等
奏臺境土匪欽戢現擬籌辦海防得旨著將

應辦事宜認真講求務期除暴安良不得始勤終怠○以宗人府府丞胡肇智兼署順天府府尹○以大理寺少卿鄭錫瀛為太僕寺卿○以正白旗滿洲副都統穆裕署左翼前鋒統領○辛酉諭軍機大臣等前據左宗棠奏請於吉林挑募礮手疊經諭令富明阿等妥籌並令德英專司其事茲據德英奏旗丁不敷招募勢難踴躍招募民勇重利輕功諸有窒礙且吉林庫款不充實難再行劃撥此

項經費各等語自係實在情形此項礮手亟須選練成軍為折衝禦侮之用著德英於丁勇內酌擇精壯妥實可靠者編列隊伍不得推諉其採買鞍韉及軍械整裝等項銀七萬兩前已諭令戶部撥款解吉林應用著即遵旨迅解以應急需仍由山西應解左宗棠甘餉項下撥還戶部歸款該將軍等即先行撥款墊辦慎勿視為緩圖致滋貽誤左宗棠於此項礮手到營後陸續教練成軍以資得力

將此由五百里各諭令知之○緩徵陝西榆林縣被雹村莊上年下忙錢糧○壬戌諭軍機大臣等張之萬奏捻逆由鄂竄皖現辦江北防守情形請催山東協餉各摺片任賴等股捻匪前由鄂省擾及皖疆宿松邊界昨據曾國荃奏現已折回鄂境蕪黃一帶惟逆蹤趨向靡定勢甚剽疾難保不復向宿太東趨全淦張之萬現商李朝斌酌派兵勇備調並調朱光廷等分赴蔣壩衡陽黎城一帶水陸

巡防高郵運河口並湖面要隘亦經派隊嚴防布置尚為周妥即著照所籌辦理儘兵力尚有不敷並著曾國藩酌量添調蘇省各軍前赴淮揚協同防剿如捻逆回竄豫疆沿淮東下即由曾國藩張之萬將調防揚境各軍檄回北運河及成子河一帶併力嚴防毋任東竄至山東應協清淮月餉自上年五月至今積欠甚鉅現在清淮防務正當喫緊之際著丁寶楨將應解清淮協餉趕緊批解以資

接濟不得仍前膜視另摺奏請將額解河餉酌撥開單呈覽一摺南河工需久無撥款接濟該處工段逐漸廢弛自應及時修補著曾國藩郭柏蔭英翰將應解南河銀兩酌量撥解應用不得視為具文原單著鈔給曾國藩等閱看將此由五百里各諭令知之○又諭前據林之望奏參蘭州道英奎署理甘肅臬司創設糧運局專供客軍任用不肖官紳紛紛捐罰將省城搜括無遺旋值督臣楊岳斌莅任希圖見好將源源倉存糧一萬數千石全供楚軍並縱令地方官那借標兵額糧省垣蓄積一空秦王川撤防不守糧無來源英奎復派員赴鄉凡民間窖藏悉行查封給以賤價官吏藉此漁利擾累百端以致糧絕兵變賊匪乘機竊發各等情當經諭令移圖善秉公查辦迄今尚未覆奏現在左宗棠業已起程西進計日可抵陝境所有林之望奏參英奎種種貽誤各情卽著該大臣明查暗訪

務得確情英奎現任陝西臬司能否勝任一併據實覆奏不得稍涉徇隱將此由五百里諭令知之○又諭總理各國事務衙門奏遵查朝鮮與俄人交兵情形一摺朝鮮國去年十二月間有匪類渡江肆擾並俄人疊赴該處擾累立界牌投書契各情朝鮮臣服我朝最為恭順越界之禁定例綦嚴上年十月間既有中國人數百名渡江搶掠不過月餘復有匪類過三洞山邊之事恐係中國游民偷越為匪此等不法匪類經朝鮮國官軍擊斃實屬罪所應得而中國亦當申明例禁認真查拏方為妥協卽著富明阿富爾孫嚴飭沿邊各卡員弁晝夜梭巡遇有偷越赴朝鮮民人卽行嚴拏懲辦並著按照朝鮮國王來咨詳查覆奏不准稍涉含混其俄人築屋之處究在何處界牌境內並著禮部轉咨朝鮮國玉據實登覆以憑考覈嗣後中國匪徒私越邊境赴朝鮮搶掠者該國不妨拏辦以遏亂

萌現在朝鮮多事之秋不得不從權辦理以示體恤也將此各諭令知之尋富明何等奏據甯古塔佐領松恆稟報會同琿春防禦永祥在接界一帶細訪偏查實無游民越界搬運朝鮮逃人財產搶擄滋事等情惟棘心河嚴桿河二處有朝鮮人千餘名訛係因本國歉收逃出所住之處並非應管界內但事關邊徼自應嚴飭官弁認真密查以清疆域下所司知之○癸亥祭

先農之神遣克勤郡王晉祺行禮○諭軍機大臣等鮑超奏傷疾增劇懇請開缺回籍一摺鮑超轉戰東南數省受傷最多朝廷素所稔知近因追賊五晝夜舊傷復發諒非捏飾惟該提督榮膺五等受恩至重朝廷畀以干城腹心之寄與尋常將領相待不同當此捻逆鴟張鮑超必深憤激况營中月餉供應艱難停兵糜餉該提督亦問心難安鮑超著賞假十日在營調理設值劉銘傳等軍追剿喫

緊仍應嚴飭各將領迎擊一俟假滿卽督軍奮剿以保數年之威望昨據左宗棠奏催該提督赴陝已諭知留於鄂豫勦擒其調度機宜朝廷責成李鴻章辦理而追剿迎擊惟鮑超劉銘傳兩軍是望著李鴻章曾國荃飭令各軍隨同進剿迅奏膚公同膺懋賞毋許遷延該部將此由六百里諭知李鴻章曾國荃並傳諭鮑超知之○又諭喬松年奏近日軍情並段登雲所部潰擾一摺甘省大股回逆

勢將盡與捻合左宗棠現已起程著卽兼程前進與喬松年會商勦辦段登雲所部勇丁在鄜州刦獄擄庫該總兵既不能禦賊又約束無方著卽革職不准留營以示懲儆著知州田景瀛疏於防範著一併革職暫行留任陝省軍政久弛左宗棠喬松年當申明紀律嚴定賞罰以挽積習所有滋事勇丁卽著嚴拏懲辦並將此軍勇丁應留應撤酌量妥辦毋令從逆生事鮑超一軍前已諭留鄂皖勦

捻左宗棠帶兵入關後勝出陝省兵力合併郭寶昌劉松山兩軍計數目前分布該大臣當遵前旨坐鎮關中妥籌勦辦陝省探報多有為從逆之潰勇所誤該大臣等宜詳慎審察將此由六百里各諭令知之○甲子予江西各屬陣亡殉難附生阮錫璜等紳民婦女一千二百六十九名口分別旌卹如例○予浙江嘉善殉難監生楊達鴻等紳民婦女一百九名口分別旌卹如例並予建祠○乙丑

孝賢純皇后忌辰遣官祭

裕陵○補鑄甘肅靈臺縣儒學條記從總督楊岳斌請也○丙寅調補江蘇巡撫湖南巡撫李瀚章奏援黔各軍疊獲勝仗得旨著仍遵前旨妥為辦理兆琛等擬試辦屯田並著實力舉行以收實效而贍軍食○丁卯諭軍機大臣等穆圖善奏回眾呈繳馬匹軍械移軍東赴慶陽並請飭山西籌撥月餉各摺片回目馬生彥等呈繳馬匹軍械為數不多雖據

聲稱不敢藏匿究亦難於輕信著穆圖善再行酌量情形妥籌辦理務使勿墮詭計以靖地方慶陽被圍甚急穆圖善所帶馬步兵力不為不厚即著於行抵該處後奮力攻勦不許稍有遷延其甯安堡地方關緊要並著楊岳斌抽撥一軍前往駐紮派委妥員點驗降回戶口辦理安插事宜穆圖善所陳陝回不難收撫而難安插甘回未離故土反正較易陝回則田園廬墓無存在甘擇地安插究屬時懷缺望各等語甚為有見陝回人數尚多被勦竄甘而地方瘠苦覓食無資其懷思故土亦屬至情雖從前不無罪戾而盡數勦除亦非仁者之用心甘省土地磽瘠斷難久容而陝省漢民積釁已深又恐不能相安左宗棠向來善於謀畫著即察看民情地勢妥為經理或令壯勇者隨營老弱者給以耕種俾得生聚安樂同為率土良民喬松年身任地方亦著悉心咨訪認真辦理穆圖善移軍

東向採糧較難陝省北山各州縣額徵糧石著喬松年飭令聽候該將軍酌量提用卽在陝省應解穆圖善月餉內折銀抵扣山西清水河倉穀卽可暫時停運著趙長齡仍按月撥解銀四萬兩以一萬兩解交甯夏三萬兩解赴穆圖善行營直晉官兵月餉該省久未撥解並著趙長齡迅籌撥解儻一時不能接濟卽著於甯夏所屬各州縣額徵糧石內提用以應急需而贍軍食將此由六百里各諭

令知之○又諭李雲麟奏民勇變亂辦理情形一摺李雲麟所募勇丁三營分防巴里坤因參將富貴營中被裁之勇潛與孔才營中勇丁勾結圍攻富貴營盤於察罕同古並將官廠及孔哈沁遊牧附近牲畜搶劫李雲麟現派蒙兵分紮烏隴古河等處著與奎昌明瑤相機堵剿並知照烏里雅蘇台一體嚴防以固北路門戶前據伊勒屯何瑄奏調孔才所部勇丁赴援巴里坤並稱李雲麟扣除勇

營鹽菜銀兩以致勇丁意存劫奪牲畜是李雲麟之措置乖方早兆釁端此時該勇既經潰變伊勒屯等亦當慎加防範不可稍涉大意能將此項潰勇酌量招集妥為駕馭更可免意外之虞關外敦煌安西等州縣並著成祿分兵往守以防潰勇東竄一面迅克肅州統兵出關進剿毋稍遷延將此由六百里諭知李雲麟奎昌明瑤成祿伊勒屯並傳諭何瑄知之○補行引見京察三四品京堂得旨

通政使司通政使于淩辰太常寺少卿王維珍鴻臚寺少卿文碩均著照舊供職○戊辰諭內閣英桂奏甄別庸劣不職各員請分別降革一摺浙江溫州鎮總兵劉連陞習氣頗重聲名狼藉守備項國榮性情狡詐聲名平常福建漳州鎮標左營守備毛振茂嗜好過重難期振作署詔安營守備李仁華操守平常嗜好甚重均著革職詔安營遊擊劉騰雲才具平常著以守備降補以肅營政○諭軍

機大臣等李鴻章奏鄂省軍情緊急籌派各軍援勦並請飭催鮑超力疾督隊前進一摺擒匪現在蔓延黃岡黃陂腹地有回竄德安之意李鴻章現令李昭慶等由商州光山分道入鄂西北一路甚屬空虛前已疊次諭令鮑超奮擊嗣雖賞假十日仍令督兵協勦該提督素稱勇往當此逆氛尚熾諒不意存觀望著卽力疾督師由德安馳赴黃州迎勦毋失機會以竟全功並著曾國藩李鴻章剴切

重刊三九八

主

開示毋任初終異轍以保勳名而副期望將此由六百里諭知曾國藩李鴻章並傳諭鮑超知之○又諭英桂周開錫奏拏獲崇安逸匪現在辦理情形一摺崇安齊匪黨與漏網甚多現經英桂等派員拏獲要犯王有材等多名分別戮屍正法其餘各犯應卽訊取確供嚴行懲辦毋任狡展所供逃逸各匪著按名嚴密查拏毋令聞風遠颺至愚民無知僅止喫齋尚無為匪情事自與從逆滋事者有

重刊三九八

主

匪英桂等現已出示曉諭勒令開齋予以自新所辦甚是惟當隨時稽察如有怙惡不悛者立即懲治以消後患現在崇安茶市方興恐有外來匪徒湊跡乘間竊發英桂等已飭該管文武緝查卽著認真辦理另片奏擒斬各屬土匪情形等語福甯建甯所屬與浙江溫處交界一帶多有私梟糾搶復敢拒捕傷兵此等兇徒督不畏法若不悉數查拏必又為地方之害英桂等已咨會馬新貽派員約期捕拏卽著隨時會緝不得有名無實閩省民風刁悍各屬逆匪實繁吳棠現已赴任著督飭屬員編查保甲實力整頓庶幾安良除暴綏靖地方以副委任將此由四百里諭知英桂吳棠並傳諭周開錫知之○以通政使司副使柏壽為太僕寺卿○命江西布政使孫長紱留京以按察使文輝為布政使補用道王德固為按察使○以救護統將不加革湖北軍營提督劉克仁職造成軍臺降總兵

官董大義張樹勳宋立新吳宏洛王得勝為參將副將董明禮閔鳳來為遊擊仍留營○予湖北尹澧河傷亡參將于翼開等祭葬世職○己巳

上奉

慈安皇太后

慈禧皇太后幸漱芳齋侍午膳○諭軍機大臣等庫克吉泰等奏賊蹤東竄各軍追剿情形一摺捻股為劉松山等追軍所阻全股向東

北狂奔竄往醴泉一路鳳翔回逆亦同時東竄據獲賊供稱該兩逆會商欲以捻逆竄同朝回逆犯省城使官軍首尾不能相顧甘回何學得等股均將下竄陝省情形甚為喫重著庫克吉泰德興阿喬松年督飭劉松山等會師進擊毋任勾合分擾兼顧省垣門戶甘回股數眾多皆欲乘虛東犯著穆圖善楊岳斌督飭雷正綰等認真截剿牽制賊眾毋任併力下注左宗棠現已帶重兵入關計日可

到西安即遵前旨在省坐鎮酌度何路喫緊迅即添兵前往節節掃蕩務當統籌全局妥為調度以紓朝廷西顧之憂晉省完善之區該逆久生窺伺著趙長齡督飭陳湜悉力嚴防不可稍涉大意將此由六百里諭知左宗棠穆圖善庫克吉泰德興阿楊岳斌趙長齡喬松年並傳諭陳湜知之○又諭何璟奏整頓兵勇進圖哈密一摺哈密自去年復失後巴城糧道斷絕此次該總兵等勸捐招募勇丁合之官兵練勇共計三千餘名派委千總芮林等管帶於二月十九日起程進剿救援哈城即以疏通巴城糧道辦理尚為奮勉惟須申明紀律穩慎進兵免致見賊潰退其孔才所部勇丁前經與參將富貴營中裁勇勾結圍攻營盤何璟現調令赴坤作為後路接應該大臣等當妥為駕馭以免意外之虞至巴城城守緊要賊氛密邇伊勒屯何璟尤當加意布置慎固封固毋致顧此失彼變生肘

朕是為至要將此由六百里諭知伊勒屯並傳諭何瑄知之○直隸總督劉長佑奏開州金隄關繫緊要請借款搶修以圖補救得旨著戶部暫撥銀二十萬兩以應急需該督務飭在工人員擇節動用毋稍虛糜○以記名總兵官方友才為浙江溫州鎮總兵官○以巴里坤勒匪出力予領隊大臣伊勒屯以副都統遇缺提奏賞總兵官何瑄巴圖魯名號花翎驍騎校雅爾杭阿等藍翎餘升敘有差

大清穆宗

實錄

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十八

大清穆宗繼天開運受中居正保大定功聖智誠孝信敏恭寬毅皇帝實錄卷之一百九十九

光緒

同治六年丁卯三月庚午諭軍機大臣等翰

林院檢討董文渙奏晉省缺額糧銀攤賠滋累請飭仿照成案變通豁補一摺山西省為財賦之區地丁錢糧歷年毫無拖欠最為踴躍若如該檢討所奏有丁地全無糧銀空存里長攤派花戶抑勒逃亡何以安閭閻而恤民艱著趙長齡按照摺內各情詳細查明仿照成案奏請豁免另籌歸補以清風累另片奏回民假扮客商於潼關一帶持械搶掠沿河州縣商民均受其害請飭力行保甲各等

語陝省與山西僅一河之隔該回匪既在潼關一帶扮作客商搶掠難保不洩入晉省卽著趙長齡督飭所屬於沿河州縣勸諭紳民力行保甲用保完善而免窺伺原摺片著鈔給閱看將此諭令知之○又諭張凱嵩奏黔苗越境滋擾現籌防勦情形一摺貴州獨山荔波等處苗匪屢經竄入粵西慶遠思恩境內分股滋擾疊經該處文武官紳督帶兵團迎勦均有斬獲該匪敗退歸巢張凱嵩現擬

聯絡鄉團以資防堵著卽督飭文武官紳實力辦理仍一面籌調官兵相機進勦並著張亮基派撥兵練與粵西官軍互相夾擊合搗苗巢迅掃賊氛慶遠距桂林較遠呼應未能靈便卽著張凱嵩咨令馮子材就近馳赴慶郡督率調度以期早行蒞事將此由五百里各諭令知之○予廣西武宣殉難知縣劉汝棠祭葬世職加等○辛未諭內閣軍興以來逆匪到處裹脅小民畏死勉從情本可憫迨

自拔來歸一經官吏訪拏或被仇人告發卽加以從逆之罪是被脅之人非死於賊卽死於法奚以為反正者勸著各直省督撫轉飭臬司及各府州縣遇有此等案件除著名首要各犯甘心從逆仍當盡法懲治外如訊明實係被脅人犯悔罪復業別無不法情事卽行釋放毋得任意株累並著各路統兵大臣出示曉諭凡身陷賊中者既經投誠概免治罪卽派員解交本籍地方官妥為撫恤毋令

失所以示國家軫念民生法外施仁至意將此通諭知之○諭軍機大臣等前因捻逆肆擾楚豫等省諭令吉林黑龍江各派馬隊官兵一千名與神機營馬隊赴豫助勦茲據富明阿等奏酌撥馬隊赴豫並陳地方情形及現辦金夫流民各摺片吉林所屬地方遼闊額設兵丁頻年徵調已多存營之兵不敷分防富明阿等現擬抽派官兵五百名並挑給馬五百匹赴豫人數無多著再聽候諭旨所

需此項兵丁馬匹整裝置備軍械等項請另撥銀二萬兩著都興阿額勒和布由盛京庫存項內先行如數籌撥俟該兵丁等起程時由富明阿發給至吉林庫無存款前據富明阿奏請飭催欠解軍營餉需銀十一萬兩令戶部迅催各處趕解所請撥解左宗棠籌調礮手等項銀七萬兩已諭令戶部迅撥計可陸續解到矣金廠散出流民現復聚集千餘人在琿春界北淘金恐其逸入俄人邊界滋事著富明阿富爾孫卽飭派出協領各員聯絡地方紳團妥為驅遣毋令潛行久住三姓甯古塔等處山內亦當實力搜捕毋任金匪聚集總須設法解散擇地分別安插俾免竄越俄界別生枝節其竄至琿春西路之持械馬賊尤當就地迅速殄盡不可稍涉疏忽將此由五百里各諭令知之○又諭伊勒屯奏整飭兵勇進攻哈密疏通糧道一摺與前次何瑄奏報相符卽著該領隊大臣會同何瑄

嚴飭帶兵各員統帶官兵民勇等進剿哈密踞匪疏通糧道其孔才所部勇丁仍著妥為駕馭毋稍疏虞巴城防守事宜並著加意布置關外兵勇無多不敷分布前據成祿奏報已將高臺等匪奮力勦退卽著乘勝攻拔肅州迅速帶兵出關以圖進取毋再遲延貽誤伊勒屯所奏請飭催巴里坤餉銀等語該城需餉甚急前經李雲麟奏請於議定征兵月餉銀九萬五千兩內以一萬七千五百兩作為北路月餉下餘七萬七千五百兩分撥關內大軍及巴里坤應用業經降旨交戶部議奏卽著該部迅為籌撥並著李雲麟於新疆北路軍餉內先行籌款就近撥解巴城以濟飢軍將此由五百里諭知李雲麟成祿伊勒屯並傳諭何瑄知之○又諭李雲麟奏辦理債事請從重治罪並陳科城五不可居各摺片李雲麟自幫辦北路軍務以來厯次條奏軍情朝廷深恐輕率債事訓誡再三乃該署

參贊銳意邀功調集蒙兵民勇先後潰散遺失軍裝駝馬不可勝計。今覽李雲麟所奏是該署參贊亦知罪無可逭。即於軍前明正典刑。亦屬情罪允當。惟念新疆軍務辦理本形棘手。李雲麟冒昧從事與畏葸取巧者不同。其罪雖可誅而其心尚可諒。況能服罪輸情不敢欺飾。自當量予區別。本日已交部嚴加議處。所請治罪之處著暫行寬免。該署參贊惟當感激法外之仁。於烏科兩城防守事宜會同德勒克多爾濟等和衷商酌妥為布置。毋使稍有疏失。遇有緊要事件虛心體察不可徒事矜夸致負厚恩。儻稍有貽誤決不再為寬貸也。懍之慎之。將此由六百里諭令知之。○翰林院侍講學士夏同善為詹事府詹事。○壬申諭軍機大臣等前據李雲麟奏烏科兵勇及伊塔兩城現存約四千以外請將餉銀劃撥一萬七千餘兩解作北路月餉下餘七萬七千餘兩由部分撥關內大軍及

巴里坤應用當交戶部議奏。茲據戶部奏新疆月餉前定九萬五千兩之數嗣因德興阿等改道陝甘由山西協餉內月劃撥銀二萬五千兩解交德興阿等軍營其餘七萬兩仍解歸化作為該大臣等月餉其巴里坤月餉及烏里雅蘇臺專款劃撥之五萬兩均由前項七萬兩內分給請無庸另改等語。李雲麟現在兵數無多此項月餉七萬兩俟各省解到時除由該大臣酌分巴城烏城外即著該大臣專款存儲留備三路大軍出關會剿之用。毋庸另議更張。德勒克多爾濟伊勒屯俟月餉防費解到後即會商李雲麟妥為均勻分撥撙節動用以供支放。庫克吉泰等現由陝西埽蕩前進需餉甚殷並著趙長齡將劃撥之二萬五千兩迅速籌解毋得意存推諉致令停兵待餉。其山東河南直隸等省應解新疆月餉並著戶部咨催源源解交歸化城以資轉運。將此諭知戶部並由五百里各諭

令知之○又諭譚廷襄曾國荃奏擒逆盤旋於麻蘄二黃官軍獲勝賊復上竄雲孝現在會勘各情形一摺賊眾在麻蘄二黃境內疊經姜玉順等軍擊敗各有斬擒左宗棠帶兵行至瀟口亦麾軍追剿刻下任賴二逆上趨雲孝將由應城大門以赴白口冀擾襄河南岸完善之區著曾國荃檄飭襄河水師節節上駛極力防範並整頓各州縣民團憑河固守以保要隘鄂軍三十餘營止可併為一路現由孝感雲夢緊躡其後僅成尾追之勢不足以遏兇鋒鮑超假期屆滿自必督軍迎剿用收夾擊之效該提督何日拔隊啟行即著趕緊奏報以慰馳繫不得任意遷延自棄前功致干重咎李鴻章已派李昭慶等率淮軍由麻城入鄂即著催令鮑超一軍與之會合上下夾攻以紓鄂患曾國荃已由水路赴省著將現在軍情與譚廷襄妥商辦法視賊勢趨重何路即行相機出省調度毋誤戎機陝

西情形喫重左宗棠所帶之兵未能在鄂久延仍著懷遵前旨迅速入關調度將此由六百里諭知李鴻章左宗棠譚廷襄曾國荃並傳諭鮑超知之○癸酉諭內閣總理各國事務衙門奏遵議大學士倭仁奏同文館招考天文算學既經左宗棠等厯次陳奏該管王大臣悉心計議意見相同不可再涉游移即著就現在投考人員認真考試送館攻習至倭仁原奏內稱天下之大不患無才如以天文算學必須講習博採旁求必有精其術者該大學士自必確有所知著即酌保數員另行擇地設館由倭仁督飭講求與同文館招考各員互相砥礪共收實效該管王大臣等並該大學士均當實心經理志在必成不可視為具文○甲戌予吉林長春廳殉難民人張本廣等暨婦女三百十七名口分別旌卹如例並予建祠○乙亥諭內閣前因大學士倭仁

奏天文算學博採旁求必有精其術者。曾降旨令其酌保數員。另行擇地設館。由倭仁督飭講求。茲據該大學士奏稱。意中並無其人。不敢妄保等語。倭仁現在既無堪保之人。仍著隨時留心。一俟諮訪有人。卽行保奏。設館教習。以收實效。○諭軍機大臣等。林壽圖奏慶涇運道梗阻。並雷正綰營募勇冒濫各摺。片。甘回竄擾鳳翔。圖與捻合。慶涇餉道梗阻。林壽圖所設轉運分局。在乾州城內。現在乾州被賊攻撲。情形甚緊。著喬松年迅卽派兵援乾。速解城圍。左宗棠到陝後。布置調遣各事宜。自必與喬松年妥為籌辦。惟陝省良奸溷跡。雷正綰營募勇素多冒濫。該提督現派遊擊余萬明等赴漢中招募六營新勇。著喬松年飭令確查精選。並著左宗棠格外留心。免為所誤。林壽圖原摺片各一件。著鈔給閱看。將此由六百里各諭令知之。○命大學士倭仁在總理各國事務衙門行走。○予陝西

禮泉殉難府經歷劉燮祭葬。世職加等。○丙子。

上奉

慈安皇太后

慈禧皇太后幸宣壽宮。侍午膳。○賜王以下文武大臣暨蒙古王貝子額駙等食。○諭軍機大臣等。特普欽等奏抽派馬隊官兵。請撥整裝銀兩一摺。前諭吉林黑龍江各派馬隊官兵一千名。與神機營馬隊赴豫助剿。旋據富

明阿等具奏。擬派官兵五百名。當以人數無多。諭令富明阿等再候諭旨。茲復據特普欽等奏。黑龍江亦僅派兵五百。是該二省均不能如數派出。既非大支勁旅。於事無濟。所有抽派吉林黑龍江官兵。俱著停止。前次諭令都興阿等由盛京撥給吉林兵丁整裝銀二萬兩。自可毋庸籌撥。特普欽等所請飭部撥銀之處。亦毋庸議。神機營馬隊亦著不必選派。將此由五百里各諭令知之。○又諭將益

澧秦統兵出省。察看地勢匪情。嚴密布置。一
摺曹冲匪勢猖獗。蔣益澧帶兵出省。親往督
辦。該匪擁眾來撲。官軍迎截。小有斬擒。餘匪
翻山遁去。蔣益澧現派水師嚴斷接濟。著卽
嚴督各軍認真辦理。如能將楊梓釗等招降。
令其潛為內應。較易得手。該撫務當斟酌情
形。勦撫兼施。以期迅速。歲事高連。陞現在帶
兵赴陝。勇往可嘉。俟有勞績。定當優加賞賚。
著蔣益澧傳知該提督。剋日遄征。奮勉圖功。

以副厚望。將此由五百里各諭令知之。○以

廣東克復嘉應州城暨勦辦惠州等處逆匪
出力。賞總兵官丁賢發正一品封典。副將陳
得勝。鄧玉魁。巴圖魯名號。餘加銜升敘有差。

○丁丑

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

顯佑宮

東嶽廟

城隍廟○

上詣

大高殿

壽皇殿行禮○詣綏履殿

慈安皇太后前行禮。平安室

慈禧皇太后前行禮。○御乾清宮。王以下文武

大臣蒙古王貝勒貝子等行慶賀禮。眾官於

午門外行禮。○奉

慈安皇太后

慈禧皇太后幸寧壽宮。侍午膳。○賜王以下文

武大臣暨蒙古王貝子額駙等食。○諭軍機

大臣等譚廷襄曾國荃奏擒眾西竄應城京

山天門官軍疊擊獲勝。李鶴年奏任賴股匪

西趨。張逆向東移動。豫省兩路防軍布置情

形各一摺。擒匪分竄孝感之小河司等處。經

劉維楨等分道進剿。各有斬獲。該匪被擊後

竄至烏路寺。又擾及阜市等處。趨向靡定。曾

國荃復赴德安調度。著即督飭水師礮船堵

賊上竄。並督陸軍緊躡追剿。以遏狂氛。惟上

游扼截之師尚少。勁旅鮑超素稱勇敢。如已

痊愈。著即督隊前進。僅尚須調養。即先派得

力將弁會鄂軍痛剿。自為後勁。以竟全功。何

日拔隊啟行。仍遵前旨馳奏。以慰塵繫。李昭

慶等軍。著李鴻章飛催拔隊上行。會師夾擊。

李鶴年所奏兩路軍情與譚廷襄等奏報略

同。著飭令宋慶等整頓防軍。以備邀截。並令

張曜新募之軍趕緊教練。相機調撥。西路之

防。現派馬德昭前往閭鄉駐紮。著督飭隨時

偵探賊情。與陳湜等聯絡聲勢。不得稍分畛

域。將此由六百里諭知李鴻章譚廷襄曾國

荃李鶴年。並傳諭鮑超知之。○又諭德勒克

多爾濟等奏遵議御史慶福所陳六條。及現

在查辦難民情形各一摺。新疆自遭兵燹。以

來。難民逃至烏城。迤西接壤之扎薩克圖汗

部落者。紛紛不絕。李雲麟意欲飭令各旗驅

逐。不准交通買賣。雖係為豫防奸細起見。惟

該難民生路已絕。勢必激而為匪。辦理殊屬

非是。德勒克多爾濟等欲由部發銀五六萬

兩。給予路費。令其徑赴歸綏。自謀生計。是又

以鄰為壑。必至驅蔓內地。所籌均未周妥。辦

理難民之法。總以安插得所。毋令聚眾滋事。為要。該將軍等現在飭查西兩盟拜答禮克等處有無閒田。即著迅速查明。如可令難民開墾。使其自謀生計。當可相安無事。屆時即由部發銀撥給籽種。亦不至虛糜帑項。如各該處並無閒田可種。即著李雲麟、德勒克多爾濟等會商另籌辦法。務須計出萬全。毋得冒昧從事。該將軍等所稱飭催前派各部落蒙兵布置防守。無庸另行添設蒙兵及修理軍器。辦理案件。仍責成該盟長給限嚴緝。各條均著照所擬行。但當實事求是。不得空言塞責。以副委任。將此由五百里各諭令知之。

○戊寅

上奉

慈安皇太后

慈禧皇太后幸漱芳齋侍午膳。○諭內閣前派大學士倭仁在總理各國事務衙門行走。旋據該大學士奏懇請收回成命。復令軍機大

臣傳旨。毋許固辭。本日復據倭仁奏。素性迂拘。恐致貽誤。仍請無庸在總理各國事務衙門行走等語。總理各國事務衙門公務關繫緊要。倭仁身為大臣。當此時事多艱。正宜竭盡心力。以副委任。豈可稍涉推諉。倭仁所奏著毋庸議。○諭軍機大臣等。崇實駱秉章奏。陝捻意圖南竄。請飭左宗棠先趨興漢一摺。捻股廣聚。盤鄂等處。意圖竄擾興漢。惟現在甘省大股回匪。勾合捻逆。東擾岐郿。興乾兗。陝頗熾。陝省兵力較單。左宗棠定已兼程入關。鎮壓調度。能否分兵先趨興漢。著左宗棠相機酌量。鮑超一軍。已疊諭該提督在鄂助勦。勢難即時入秦。川省邊界與陝省南山在毗連。崇實駱秉章當速派兵勇分路扼要守禦。毋令闖入川境。原摺著鈔給左宗棠閱看。將此由六百里各諭令知之。○又諭劉嶽昭奏。勦平黔西大坵朵壩各賊壘。並平遠解圍。及請催席寶田赴遵義各摺片。馬如龍

奏起程赴迤西剿賊請催撫臣來滇一摺劉
嶽昭進攻黔西大定賊匪雖剿平大坵朵朵
壩兩處賊壘究未能直抵豬拱箐辦理殊屬
延緩現在席寶田已准其開缺留於湖南辦
理防務而總督勞崇光又復病故滇南省城
空虛本日已嚴催張凱嵩迅赴新任但到任
恐需時日著劉嶽昭督同岑毓英迅即攻克
豬拱箐賊巢疏通川黔邊境馳赴滇省鎮攝
調度以資表率馬如龍進攻大理早經諭令
相機督剿現派副將楊振鵬等分路前進而
該提督仍駐祿豐距大理甚遠何能遙制一
切況總兵楊盛宗遠在迤東若調赴迤西則
滇省東路亦未免空虛著宋廷春傳諭馬如
龍現已催令張凱嵩劉嶽昭赴任而省城又
有該臬司護理督篆足以坐鎮該署提督不
妨西征肅清大理迅奏膚功榮膺懋賞以慰
廑懷至該署提督奏報督臣出缺尚知緩急
嗣後軍務事件仍由宋廷春馳奏以符舊制

將此由六百里諭知劉嶽昭並傳諭宋廷春
知之○又諭前有旨授張凱嵩為雲貴總督
並命吳昌壽署理廣西巡撫飭令迅赴署任
以便張凱嵩交卸赴滇本日據署雲南提督
馬如龍馳奏滇省迤西各匪聞三路進剿之
信勢已蠢動該署提督刻已進軍祿豐嚴飭
各軍由定遠大姚等處三路進剿未能兼顧
省垣勞崇光因病出缺省城現無督撫坐鎮
恐匪徒又生覬覦各等語雲南省城自去歲
勞崇光入城鎮撫甫就安謐現在迤西未定
各將士帶兵在外勢難兼顧必須有督撫大
員入城坐鎮即著馬新貽仍遵前旨查明吳
昌壽曾否起程迅速催赴署任不准稍涉延
緩該署撫到任後張凱嵩著即交卸起程迅
赴新任妥為籌辦以冀肅清邊圉將此由六
百里各諭令知之○山東巡撫丁寶楨奏遵
籌西征軍餉擬每月撥銀一萬二千兩解赴
左宗棠行營下部知之○予貴州鎮甯傷亡

通判陳維新祭葬世職○己卯諭軍機大臣等左宗棠奏行抵德安擬俟淮霆各軍赴鄂再行入陝一摺現在鄂捻西竄而淮霆各軍尚未趕到左宗棠擬在德安稍停數日視賊所向再定進止洵能力顧大局不分畛域著該大臣探明如賊由白口西竄卽行督軍會勦以收夾擊之效惟秦中捻回交訐勢甚猖獗而喬松年等布置未能裕如如淮霆各軍趕到左宗棠仍卽入關進駐西安妥為調度左宗棠另摺奏擬援照成案於上海洋商借銀一百二十萬兩由各關稅項下撥還等語陝甘需餉孔殷各省協解恐不能如期停兵待餉於勦賊機宜未免延緩自應照該大臣所請迅籌鉅款以期集事卽著曾國藩等督飭各海關監督按照左宗棠所定數目出給印票發交道員胡光墉等向洋商支借兌付山西解州一面將匯票解赴該大臣軍營提用所借銀兩自本年七月起分六箇月於各

關稅項下撥還仍飭各該省藩司將應解甘餉按月撥交各關以清款項其餘息銀等項均著照所議辦理原摺著鈔給曾國藩等閱看另片奏江海關協濟甘餉請仍照原撥續撥數目每月解銀三萬兩或該省未能遵撥卽於江甯應解甘餉內劃撥二萬兩各等語卽著曾國藩郭柏蔭遵照辦理其穆圖善月餉卽由左宗棠撥給原片並著鈔給曾國藩郭柏蔭閱看將此由六百里諭知曾國藩左宗棠英桂吳棠瑞麟譚廷襄曾國荃馬新貽蔣益澧郭柏蔭並傳諭周開錫知之○又諭庫克吉泰等奏報近日軍情一摺捻匪勾結回逆廣聚乾州臨平鎮一帶前股竄至醴泉經郭寶昌率兵迎勦將回匪所踞之傅家莊攻破並將後股援賊擊敗追至乾州續獲勝仗劉松山黃鼎等軍亦均至乾攻破賊堡譚玉龍劉孝忠等軍分路進逼以期三面合攻直搗臨平此時賊匪不患其合而患其分該

逆既麇聚一處。卽著喬松年商同庫克吉泰等督飭諸軍合力攻拔賊巢。將該逆就地聚殲。並分派各軍嚴扼紛竄。其由甘省續竄長武回匪。並著喬松年分兵迎剿。嚴密堵截。以固腹地。將此由六百里各諭令知之。○以都察院左都御史靈桂署工部尚書。○以正白旗漢軍都統全慶署正藍旗滿洲都統。○駐藏幫辦大臣瑞昌因病解職。賞前任甘肅布政使恩麟三等侍衛為駐藏幫辦大臣。○庚

辰諭軍機大臣等庫克吉泰等奏稱回捻竄擾興平咸陽一帶。官軍迎剿獲勝一摺。回捻大股由乾州竄及興平。經德興阿督率馬步各軍堵剿。斬獲甚多。其馬賊由興平一路分竄咸陽。又經官軍衝殺。該逆遂率大股擾至咸陽北原。因城防嚴密。繞向東北而去。此次官軍雖獲勝捷。究未大挫兇鋒。庫克吉泰等所部馬隊已派赴劉松山軍中。所存馬步各軍不敷剿截。卽著飛飭劉松山等軍迅據渭

河。杜賊分竄。陝垣城大兵單著喬松年密籌防守。毋稍疏虞。庫克吉泰等仍當懍遵昨日諭旨。商同喬松年嚴檄譚玉龍黃鼎各軍。覘賊所向。跟蹤窮追。並合力攻拔賊巢。以期盡殲醜類。又片奏訊據賊供。欲由華州一路回撲省城。又欲搶渡黃河。伺便卽走等語。賊蹤飄忽靡常。難保不此擊彼竄。秦晉僅一河之隔。關係非輕。著趙長齡飭令陳湜實力嚴防。不得稍形疏懈。僅任該逆乘閒渡河。擾及完

善。惟趙長齡等是問。至馬賊沿北原一帶折向西趨。蓄謀甚譎。庫克吉泰等務須相機進剿。力殄狂氛。所有各軍接仗情形。仍著隨時詳報。以慰廛繫。將此由六百里諭知庫克吉泰德興阿喬松年趙長齡。並傳諭陳湜知之。○辛巳以京畿雨澤愆期。

上詣

大高殿祈禱行禮。○遣惇親王奕訢詣時應宮恭親王奕訢詣

昭顯廟鍾郡王奕詒詣

宣仁廟孚郡王奕諲詣

凝和廟拈香○諭內閣貴州安義鎮總兵趙

德昌江蘇常鎮通海道英喜浙江金衢嚴道

和齡廣東高廉道陸心源貴州糧儲道金鈞

江西臨江府知府單興詩安徽池州府知府

李翰華湖南沅州府知府張樾貴州興義府

知府馬應鏞均著開缺送部引見○又諭楊

岳斌奏拏獲會匪正法請飭各省一體嚴拏

等語甘肅委員候選知縣郭祖漢竟敢約黨

燒香充當會首刦財鬧餉罪惡多端實為法

所難貸郭祖漢卽郭沔林業經拏獲正法並

將同時倡會之都司李桂芳等一併正法足

以戢兇黨而遏亂萌各路軍營員弁每有設

立江湖哥弟會名目散布黨與挾制把持此

風一開實與軍務大有關係不可不嚴行查

禁以肅營規著各省統兵大臣隨時認真稽

查如有前項弊端立即嚴拏懲辦毋令相率

效尤致滋隱患○諭軍機大臣等戶部三庫

奏請飭催各省欠解物料等項以供要需一

摺據稱黃白蠟斤係恭備各項祭祀暨內廷

等處一年之用向不按照例價折放顏料紙

張等項用款繁多每年動用錢糧約計四五

萬兩數年來廣東等省於應解物料並不按

限批解部庫設法購辦既難周轉而各項要

需尤多窒礙請旨飭催迅解等語蠟斤紙張

等項需用甚繁京師採辦非易各該省何以

於久經領價之款延不解交是否各該藩司

勒不發價抑承辦各員侵蝕那移著曾國藩

瑞麟李鴻章吳棠郭柏蔭劉坤一李瀚章劉

崑曾國荃李福泰馬新貽李鶴年丁寶楨趙

長齡蔣益澧周開錫迅速查明按照此次單

開額解物料及已銷未解之款嚴飭各該藩

司按數備齊立限兩箇月派委妥員分批解

部並著將歷年帶欠各款按年帶解仍將分

年籌解之處先行報部查覈經此次嚴催之

後如各該省仍前玩延。卽著戶部三庫專案查叅。勿謂言之不豫也。原單著分別鈔給閱看。另片奏山西歷年欠解鐵斤停運不解。並請飭催等語。著趙長齡卽飭藩司將所欠歷年好鐵趕緊如數分解。不得藉詞搪塞。致誤要需。其從前因何遲解之處。並著據實查明具奏。原片著鈔給趙長齡閱看。將此諭知曾國藩瑞麟李鴻章吳棠郭柏蔭劉坤一李瀚章劉崑曾國荃李福泰馬新貽李鶴年丁寶楨趙長齡蔣益澧並傳諭周開錫知之。○又諭楊岳斌奏請催左宗棠等入甘等語。左宗棠督兵由湖北入秦。不能越陝西而至甘省。昨據該大臣奏稱湖北軍情緊急。不得不稍緩前進。曹克忠病勢沉重。前已降旨准其開缺回籍。授高連陞為甘肅提督。俟高連陞到營。自當催令先行赴甘防勦。前諭穆圖善赴蘭州暫署督篆。尚未據該將軍覆奏。現在已否移軍赴慶。能否進省接署督篆。卽著妥速

籌議具奏。穆圖善未到省以前。楊岳斌責無旁貸。總當力圖振作。以支危局。毋稍推諉。又據楊岳斌奏甘省勦撫兩局正形喫緊。兵力委難遽分。請仍飭穆圖善暫緩東行一摺。據稱現在勦辦狄河逆匪。穆圖善一軍若一輕撤。必至前後受敵。決裂堪虞。且楊汶智等降眾過多。恐一旦乘虛起事。不特撫局無成。卽甯郡已定之降回。亦不免聞風震動。安插事宜。將無從著手等語。自係實在情形。著穆圖善斟酌目下軍情。與楊岳斌妥籌辦法。務須處處兼顧。不得稍有疏失。慶陽地方亦關緊要。穆圖善楊岳斌卽督飭雷正綰張在山就近率隊援勦。毋誤戎機。將此由六百里各諭令知之。○又諭甘肅平慶涇道黎獻甯夏府知府孫家穀著左宗棠楊岳斌悉心察看。如竟不能勝任。卽行據實叅奏。本日復據楊岳斌奏總兵王仁和在甘峻堡勦賊。商調黎獻尚未交出各營令。由水龍堡援勦。乃自辰至

亥竟不果來以致賊眾撲營官軍挫失等語
黎獻各營因何延不交出此次援勦甘峻堡
是否意存觀望貽誤事機並著該督等據實
查明奏奏不准稍涉徇隱將此各諭令知之
尋穆圖善奏遵查甘峻堡一軍失利時黎獻
各營進勦水龍堡勢難飛調並非觀望不前
現在肅州業經收復該員著有戰功應請賞
還翎頂併開復處分從之○以浙江鎮海協
副將王得勝為甘肅河州鎮總兵官○以甘
肅克復洮州廳城出力賞總兵官李漢卿副
將曹振海胡光仁梅開先蕭金彪彭天瀛胡
高陞張紹林參將王光富車紹堂歐全勝白
萬明周宏勝吳玉華郭萬福林得勝傳用金
程廷桂王大勝遊擊沙得貴鄧學魁巴圖魯
名號知府潘肇鏞遊擊陳治泰等花翎教諭
呂恕等藍翎餘加銜升敘開復有差○以甘
肅督辦軍需並守城運餉出力賞按察使英
奎等花翎教諭藍毓青等藍翎餘加銜升敘

開復有差○以甘肅洮州番土弁兵節年勦
匪出力賞土司楊元巴圖魯名號指揮僉事
楊作霖等花翎餘加銜升敘有差予陣亡土
司楊繡春等四百五十六員名分別優卹並
附祀卓居地方昭忠祠○以甘肅李家堡勦
匪失利革總兵官李助發職永不敘用予陣
亡參將鍾欽安祭葬世職加等○以甘肅甘
峻堡勦匪失利奪總兵官王仁和勇號予陣
亡副將黃益瑞守備蔣鳳翔祭葬世職加等
○
上以孟夏時享
太廟自是日始齋戒三日○壬午諭軍機大臣
等玉通奏籌辦西甯漢回一摺西甯漢回連
年不靖疊經玉通設法解散總未安輯南川
漢團與回民甫經和息而河州回逆馬占鰲
又復糾眾撲入碾伯擾及西甯大肆焚掠雖
經丹金扎布等曉諭退去難保不復圖竄擾
玉通現飭漢民紳商及回目馬桂源設立總

局協同防守。務當妥為彈壓。漢圍人等固不得有意尋釁。致令回民疑懼。亦不可偏聽回民之詞。復墮詭計。參將孟伯林。辦撫既無成效。且有騷擾情事。著玉通咨令楊岳斌。將該員撤回叅辦。西甯餉項支絀。情形甚迫。著趙長齡。卽飭藩司。在協甘餉內撥銀五萬兩。迅派妥員。徑解西甯。以資接濟。毋稍遲誤。玉通另片奏該衙門需用辦公硃紅紙筆。例銀不敷。請於羨稅內添撥銀一百兩。永為定例等

平張人字之

三

語著照所請。咨行楊岳斌。飭藩司照數撥給。將此由五百里各諭令知之。○荊州將軍巴揚阿等奏。擒逆復竄。湖北鍾祥地方。現籌堵禦。得旨。賊眾窺伺襄河。自在意中。著督飭水師礮船。及派出馬步各軍。上下梭巡。嚴防江岸。仍隨時與譚廷襄。曾國荃。咨商辦理。毋稍疏虞。○以貴州銅仁協副將慶瑞。為安義鎮總兵官。○癸未

上以孟夏時享

太廟前期親詣行禮。○以神靈助順。頒甘肅甯夏府滿城

關帝廟扁額。曰功昭靈武。○諭軍機大臣等。趙長齡奏陝省回捻勢欲東趨。而韓城縣屬之砂仁溝。有空船多隻。不肯移泊東岸。移會地方官。率多空言移覆。請旨嚴飭提泊一摺。從前宋景詩由西岸搶船東渡。竄入晉省。曾將把持船隻之紳士王鳳翔。徇縱之。縣令方鼎錄等。嚴行懲辦。此次防務更為緊要。若再聽該處商民把持阻撓。必至貽誤大局。著喬松年嚴檄韓城縣令。及沿河一帶地方。迅將該處船隻悉數提泊東岸。儻有抗違。立即嚴行查辦。先將船隻焚毀。並著陳湜派兵一體嚴查。遵辦。毋稍姑容。以絕搶渡。將此由六百里各諭令知之。○兩江總督曾國藩奏。遵查已革江蘇按察使查文經。管理糧臺。尚無浮冒。應請開復原銜。允之。又奏遵籌西征軍餉。請仍照原奏三萬兩之數。按月以二萬兩解

廿一萬兩解陝下部知之

大清穆宗繼天開運受中居正保大定功聖智
誠孝信敏恭寬毅皇帝實錄卷之一百九十九

大清穆宗繼天開運受中居正保大定功聖智
誠孝信敏恭寬毅皇帝實錄卷之二

同治六年丁卯夏四月甲申朔享

太廟遣貝勒溥莊恭代行禮○

上詣綏履殿問

慈安皇太后安平安室問

慈禧皇太后安至壬子皆如之○奉

慈安皇太后

慈禧皇太后幸漱芳齋侍午膳○諭內閣蘇廷

魁奏查勘黃水經過地方情形一摺黃河自

蘭工決口後久未修築今若一律興復舊規

籌款維艱歲事非易自是實情第黃流汎濫

無歸實為沿河地方之患。亟應督飭各州縣疏通宣洩。並將現有隄埝隨時修築。暫資防守。以衛閭閻。著蘇廷魁會同劉長佑、李鶴年、丁寶楨體察情形。力籌保衛。以收因地制宜之效。圖留覽。○又諭英桂、周開錫奏請將失守城池。潛行逃匿之署知縣革職。拏問一摺。署福建南靖縣知縣候補知縣陳能超。於同治三年賊陷南靖縣時。潛行逃匿。且當賊匪未入南靖之前。妄報賊已退走。以致漳州府

軍機處

二

城不及設備。為賊猝乘。情罪尤重。陳能超著即行革職。拏問。該員籍隸湖南。並著湖南巡撫及各省督撫一體飭屬查拏。押解福建按律嚴辦。○諭軍機大臣等。蘇廷魁奏銅鉛船隻改由河運。請飭山東省迅撥運河挑工。另案工程經費一摺。黔省辦運京鉛。近因江路疏通。仍照舊章。由四川重慶江南儀徵以達通州。此等船隻笨重。甚於米船。若不將運河淤淺段落妥為挑挖。誠恐銅鉛到境致有阻

滯。京局鼓鑄關繫非輕。且本年江北漕米雖已停運。而小米幫船及鹽斤軍火船隻仍須行走。乘此大汛未交。正可將另案工程及時擇要興修。所有該河督前次奏請飭撥另案銀五萬兩挑工銀三萬兩。著丁寶楨督飭藩司迅速如數籌撥。解交蘇廷魁以便將要工趕緊興辦。庶於京鉛北上不至貽誤。毋得視為具文。原摺著鈔給閱看。將此諭令知之。○升廣東陽江縣為直隸州。以陽春恩平開平

軍機處

三

三縣撥歸管轄。改陽江縣原設知縣縣丞。教諭典史等官為知州。州判。學正。吏目。從總督瑞麟等請也。○乙酉。諭軍機大臣等。庫克吉泰等奏。官軍攻克臨平賊巢。現籌勦辦情形一摺。劉松山等軍奪回董村後。復會同郭寶昌等進攻臨平賊寨。立將辛店等圍寨數十處攻破。斬獲甚多。譚玉龍等節節東追。埽平蘭村一帶賊巢。辦理均極奮勉。現在賊股竄過咸陽。勢將由三原東窺同朝。著庫克吉泰

德興阿喬松年分飭各軍迅圖截勦仍須步步為營穩紮穩進不可稍涉大意該逆不得逞志於秦必將竄擾晉省完善之地著趙長齡督飭陳湜認真防範毋稍疏懈喬松年另片奏劉厚基等勦平廊州土匪查拏段登雲滋事勇丁將向得勝等正法首犯羅煥祥句匪抗拒亦經擒獲正法並勦平大荔等處刀匪廊洛人心已定所辦甚妥仍著督飭地方文武員弁隨時稽察毋任再有煽惑以靖地

平集卷二百

四

方將此由五百里諭知庫克吉泰德興阿喬松年趙長齡並傳諭陳湜知之○予江蘇各屬殉難監生顧有淦等紳民婦女一千九百三十名口分別旌卹如例○緩徵浙江臨安於潛新城昌化武康安吉孝豐七縣被擾地方本年額賦○丙戌諭軍機大臣等連成奏遵籌酌補駐防兵額請飭福州調撥並酌添協佐各員以資差委各摺片杭州駐防現經陸續收集僅止三百餘名自應酌量添撥用

資鎮守前據崑壽奏請於福州駐防內調撥業經降旨允准即著英桂於所轄駐防官兵內撥給五百餘員名移紮杭州鎮守其應建衙署兵房並著連成咨商馬新貽撥款興修毋稍遲緩杭州駐防旗營近來事務較多現設協佐等官不敷差遣亦係實情即著照連成所請再添設協領一員佐領二員防禦二員筆帖式一員以資分任其委前鋒校領催委前鋒馬甲各額缺並著照連成所請如數

平集卷二百

五

添設即准其於滿蒙官員內揀選總以得人為要無庸拘泥成例其旗翼不符之處俟撥補足額後再行照舊制辦理以示變通而收實效將此各諭令知之○又諭楊岳斌奏請調王仁和一軍回省防勦等語甘省河狄一帶回氛逼近省垣李助發一軍在紅土窯失利鹽固靜會諸逆擾及通渭馬營等處南路防軍不敷分布省城附近要隘無營可紮勢甚空虛王仁和一軍本由楊岳斌派往肅州

替出成祿所部迅速出關現在成祿圍攻肅城卽日可拔出關旣須暫緩著該提督卽與黃祖淦專意攻取其王仁和六營改調回省以固本根肅州鎮總兵員缺卽著黃祖淦暫署俾專責成所有黎獻移交王仁和之六旗勇丁並著成祿另行派員統帶防勦甘州一帶逆匪楊岳斌俟王仁和一軍回省後卽行相機分布將近省回逆勦除疏通糧路毋稍延緩將此由五百里各諭令知之 前任陝

甘總督楊岳斌奏軍務未竣請展緩本年甘肅武闡鄉試從之 四川總督路秉章奏陝西驛路梗塞往來文報請改由湖北河南轉遞下部知之 以甘肅克復鞏昌府城出力賞副將王克昌張得勝秦知和周正愷宋先修參將畢成陞劉恆德巴圖魯名號同知唐繩武都司蘇家榮等花翎知縣童增錦等藍翎餘加銜升敘有差予傷亡總兵官程尚友祭葬世職加等 丁亥以神靈默佑頒福建

天后廟扁額曰惠普慈航尚書廟扁額曰朝宗利濟擘公廟扁額曰恬波仰鏡蘇神廟扁額曰仁周海濤○諭內閣據趙新等奏上年十一月自琉球回權該國王尚泰懇請代奏令陪臣子弟四人入監讀書等語加恩著照所請所有該國陪臣子弟四人俱准其入監讀書用遂其觀光之志○又諭鮑超奏傷疾舉發請假調理一摺鮑超著賞假一箇月在營安心調理並賞人蔭四兩交該提督祇領

牛錄本二

七

以示體恤○諭軍機大臣等鮑超奏病難速愈懇請離營調治一摺鮑超平素勦賊所向有功非尋常統兵將領可比現因病勢較重奏請離營朝廷廕繫實深卽著該提督在襄陽調治毋庸離營現在鄂捻西竄勦辦正當喫緊鮑超已派宋國永等赴安陸一帶迎勦著李鴻章曾國荃督飭湘淮鄂豫諸軍會合夾擊迅殄賊氛鮑超亦當力疾協籌毋稍鬆勁該提督年力正壯醫治易痊當卽親統所

力力竟全功以副朝廷腹心干城之寄將此由六百里諭知李鴻章曾國荃並傳諭鮑超知之又諭鮑超向來勦賊最為奮勇朝廷相待亦推心置腹非尋常將領可比現報傷病至此馳繫實深著李鴻章確查該提督病勢是否沈重抑或另有隱情卽行據實妥籌密奏僥傷病實不能支亦不能不量加體恤俾得安心調理該營勇丁人數眾多駕馭非易應如何派員管帶並著李鴻章妥籌奏聞或與曾國藩密商布置以期諸臻妥協將此由六百里密諭知之又諭前因左宗棠需用戰馬裕瑞奏由福興採辦馬一千匹當經諭令福興桂成迅速購辦齊全以便解交吉林營總驗收茲據桂成奏稱綏遠城蒙古各旗無力捐輸山後附近一帶牧羣亦無肥壯馬匹綏遠市馬須六七月閒方能膚集此時無從購買自係實在情形請將庫存山西解墊直隸駝價銀一萬兩解交張家口採買各

等語此項戰馬需用甚急卽著福興桂成將庫存駝價銀一萬兩迅速派委得力妥員解至張家口會同該都統衙門就近採買臚壯馬一千匹卽由署都統裕瑞點驗知照吉林侯吉林營總居時驗收以符原數將此由四百里各諭令知之○山西巡撫趙長齡奏防兵未撤請將本年軍政展緩辦理從之又奏請暫緩查閱營伍報聞○調戶部左侍郎阜保為吏部左侍郎轉戶部右侍郎崇綸為左侍郎管三庫事調盛京兵部侍郎廷煦為戶部右侍郎管錢法堂事以內閣學士瑞聯為盛京兵部侍郎○以鑲黃旗護軍統領察杭阿為左翼前鋒統領調鑲紅旗護軍統領載驚為鑲黃旗護軍統領以正藍旗漢軍副都統常山為鑲紅旗護軍統領○調鑲黃旗蒙古副都統果勒敏為正紅旗滿洲副都統以工部右侍郎魁齡兼鑲黃旗蒙古副都統正紅旗護軍參領海英署鑲黃旗漢軍副都統

○以內閣侍讀學士阿昌阿為光祿寺卿。太常寺少卿慶陞為太僕寺卿。翰林院侍講學士廣壽為詹事府詹事。○予故吏部左侍郎基溥祭葬如例。○予四川馬邊等營節年出師陣亡官弁三十八員名祭葬世職。○戊子諭軍機大臣等。何瑄奏擊賊獲勝收復哈密城池一摺。哈密既經收復。地方關繫緊要。文麟景廉皆係該城辦事大臣。若再託故遷延。不卽赴任。萬一再有變故。卽係該員等貽誤。著穆圖善成祿迅催該二員星夜兼程赴哈。將防守及善後事宜認真經理。儻敢規避不前。定當從重治罪。並著成祿迅拔肅城。刻卽帶兵赴哈。布置西征事宜。毋失機會。成祿等未到以前。仍著伊勒屯何瑄隨時防範。以杜賊匪回竄。已城糧食短缺。前已諭令楊岳斌飭安西敦煌等處籌撥倉糧運解。何以何瑄屢次催提該縣等竟以未奉總督文檄為詞。借端推諉。著楊岳斌嚴飭該州縣等趕緊撥

解。不得再有延誤。並著成祿就近檄催敦煌縣籌撥京石糧一萬五千石。解送伊勒屯何瑄軍營。以贍兵食。綏遠城前次指撥巴里坤餉銀十萬兩。卽著福興桂成迅就現有之項儘數撥解。如綏遠解到之款不敷應用。李雲麟存留榮全由俄國解回餉銀。著酌量撥給伊勒屯何瑄以濟要需。至扎薩克郡王伯錫爾被害情形。有無子嗣。著伊勒屯何瑄確查具奏。將此由六百里諭知穆圖善福興桂成。楊岳斌李雲麟成祿文麟景廉伊勒屯並傳諭何瑄知之。○以禮部左侍郎察杭阿兼署戶部右侍郎管錢法堂事。○以克復哈密城池予巴里坤鎮總兵官何瑄以提督簡放。○旌表守正捐軀陝西漢陰縣民婦吳尹氏。○上以常雩祀天於園丘。自是日始齋戒三日。○乙丑以甘澍應時遣惇親王奕誼詣

大高殿恭代行禮報謝恭親王奕訢詣

時應宮孚郡王奕誥詣

昭顯廟惠郡王奕詳詣

宣仁廟貝勒載治詣

凝和廟拈香○諭內閣大學士周祖培持躬恪慎學問優長由翰林洊擢正卿疊司文柄受

三朝知遇之隆簡任綸扉管理部務均能無忝厥職朕御極以來念其宣力彌勤益加倚畀

前以微疴賞假數日方冀調理就痊遐齡永享遽聞溘逝軫惜良深著賞給陀羅經被派睿親王德長帶領侍衛十員卽日前往奠醊加恩照大學士例賜卹任內一切處分悉予開復應得卹典該衙門察例具奏伊子舉人周文令著以主事用伊長孫候選主事周德祿著賞給舉人准其一體會試用示眷念耆臣至意尋予祭葬諡文勤○諭軍機大臣等譚廷襄曾國荃奏鄂軍擊賊獲勝並陳近日

軍情一摺賊眾謀渡襄河經礮船晝夜擊退折回鍾祥京山境內攻撲阜市經姜玉順在胡山寺方家岡包抄獲捷生擒長髮老賊嚴畏先等多名其九里岡龍尾山等處竄匪亦經劉維楨熊登武等各率隊伍擊勦均有斬獲現向郢東驛黃家集一帶奔竄著曾國荃督飭各軍認真勦洗毋稍鬆勁鮑超患病甚重昨已賞假調理其所派宋國永等軍移營八條港霸王山屯紮並著歸曾國荃調遣令其會同鄂軍奮力殺賊李昭慶劉秉璋等淮湘各軍均已抵鄂著李鴻章飛檄該員等分路布置合力痛殲不得稍分畛域以期迅殄逆氛左宗棠已由德安拔營著仍遵前旨西進其劉典所部數營卽令暫駐鄂境會勦以厚兵力將此由六百里各諭令知之○予山東各屬陣亡殉難紳民婦女七百四十四名口分別旌卹如例○庚寅諭軍機大臣等御史興福奏天津釐捐章程未能畫一請飭三

口通商大臣轉飭該地方官遇有夾板船到岸除洋商照免外凡係內地商貨出賣者亦按照買主抽收五釐以復舊章等語商貨進口抽收釐稅自應實力稽查嚴定章程以杜偷漏但亦須體察商情不至擾累方為妥善該御史所陳各情與向章是否相符有無可採著崇厚妥議具奏原片著鈔給閱看將此諭令知之尋奏查定章賣主買主各抽五釐係指內地閩廣商船言之凡外國運貨來津

之船不論洋貨土貨例赴新關納稅即不抽釐上年冬因釐金未暢設法整頓洋貨賣與華商後由所買之商抽收五釐已屬權宜之法若必買賣主均抽實與條約不符轉多窒礙報聞○又諭趙長齡奏捻回直趨同朝防堵情形調馬德昭協防各摺片捻回分股圖由同朝入晉同州郃陽已見匪蹤晉省沿河地方到處喫重趙長齡已派道員恆祐王溥分赴保德永甯等處防堵並添調營兵練勇

交蔣臨照分守東灘一帶著卽飭令實力巡防不得有名無實河津以下一帶密通匪蹤情形尤為喫緊著卽責成陳湜嚴密堵禦毋令賊蹤竄渡渭洛兩河船隻業經陳湜飭令水師押出黃河其韓城等縣黃河西岸民船並著趙長齡喬松年飛檄該地方官押令移泊東岸僅有徇縱抗違之官紳卽著遵奉前旨分別嚴參拏辦並由陳湜飭令水師將不肯移泊之西岸船隻概行焚毀毋稍姑息馬

德昭一軍著李鶴年卽日飭令拔營北渡會同晉軍協力防守鄂捻竄至德安勢將入豫陝捻亦恐竄出潼關李鶴年當迅撥一軍馳赴陝州閩鄉等處填紮以固西路之防晉省於陝鄂兩省竄捻均應隨時兼防不可稍涉大意陳湜擬令知府陳膺福總兵劉定發在湘鄉募勇十名並添礮船四十號著卽照所擬辦理同朝回捻喬松年當商同庫克吉泰等調派各軍趕緊勦辦不得任令東渡貽患

鄰封將此由六百里各諭令知之。○又諭新授山西太原府遺缺知府杜藻前曾有旨飭令趙長齡留心察看茲有人奏杜藻前在湖北軍營賣緣撞騙為紳民所切齒並在山西隰州知州任內大肆婪索因緝拏煙土一案得贓數十萬拖斃十餘人開缺後寄寓榆次縣廣放私債偷販煙土強取民女為妾另片奏該員來京日久並不投供簡放後始行到部居心巧詐各等語所參緝拏煙土一案並貪婪不法各情如果屬實何堪表率著趙長齡按照所參各節確切查明並提集煙土案內人證卷宗嚴行訊究據實參辦毋稍徇隱原摺片均著鈔給閱看將此諭令知之。○山西巡撫趙長齡奏請調湖南在籍知府陳膺福總兵官劉定發遊擊李運春運同唐壽嵩江西知縣周漢江蘇知縣金元煥赴營差委允之。○命大學士賈楨為武英殿總裁官。○命大學士官文管刑部事。○以江西宜春縣

捐貲團練永廣學額十名。○以己革總兵官陳國瑞呈繳鹽本銀兩永廣湖北應城縣學額四名。○以山東恩縣捐貲團練永廣學額二名。○以山東齊河縣捐修城垣永廣學額三名。○辛卯常雩祀

天於

園丘遣睿親王德長恭代行禮。○以刑部尚書綿森署管戶部三庫事。○補鑄伊犁參贊大臣印信從署將軍參贊大臣榮全請也。○添鑄呼圖克圖印信頒給伊犁喇嘛棍噶扎勒參從代辦將軍李雲麟請也。○予湖南故三品京堂李象鯤入祀鄉賢祠從巡撫李瀚章請也。○壬辰以神靈顯應加山東張秋鎮河神封號曰顯佑

曹將軍封號曰孚惠。○諭軍機大臣等昨據趙長齡奏陝西回捻各逆竄富平後欲以一股由同官繞北山渡黃入晉一股由富平蒲城趨韓城從龍門口入晉同州郃陽已見匪

蹤等語。晉省防務甚形喫緊。趙長齡雖飭陳
提蔣臨照等軍分路嚴防。而該省兵力未盡
足恃。且沿河一帶地廣兵單。守禦亦不敷分
布。若陝省無大支勁旅。痛加截擊。勢將闌入
晉疆。貽誤全局。左宗棠已由德安拔營。著卽
趲程前進。星速入關。飭令各軍認真截勦。毋
令一賊渡黃。以保晉省完善之區。是為至要。
將此由六百里諭令知之。○又諭李雲麟奏
西北軍情並北路情形。自請治罪。註銷木質
關防各摺片。西陲軍務未能速辦。各情朝廷
原所深悉。現在辦法總須聯絡蒙古喇嘛等
眾。收集人心。以待大兵出關。乘機會辦。其北
路防兵之難恃。厄魯特人眾之難制。撫循駕
馭務得其宜。庶可收其效而祛其患。該大臣
仍須細心體察。妥為籌辦。至所稱撤烏科之
防。裁伊塔之官。留索倫兵於俄國。給厄魯特
遊牧地各條。雖均有所見。而事關重大。斷不
能輕率定議。朝廷籌度事機。慎之又慎。該大

臣不可遽行宣播。使各部落聞知。致生他意。
伊勒屯前奏各節。並未傳旨飭責。該大臣逐
條置辯。未免負氣。目前哈密業已收復。所有
巴里坤哈密等處。該大臣尤當聯貫聲勢。妥
籌兼顧。不得狃於成見。視同膜外。前諭該大
臣將存留俄國餉銀酌撥巴里坤軍餉。仍著
懍遵辦理。總之該大臣當此時勢艱危之日。
必須竭力補苴。務求有濟。非僅自請治罪。遂
可置身事外。所請加等治罪之處。暫無庸議。
其行營木質關防亦並無庸銷毀。以資鈐用。
將此由六百里諭令知之。○以湖南嘉禾勦
辦土匪出力。予知縣沙起賢等升敘有差。○
癸巳諭軍機大臣等。李鴻章奏各軍入鄂援
剿賊勢又漸北趨。劉銘傳等改由桐柏進剿。
鮑超病勢加重。請就該營將領中派員暫代
統帶各摺片。捻逆由京山之尹澧河一帶上
竄。三月二十五日已過安陸府。擾及流水溝。
豐樂河。二十七日竄至棗陽之宋家集。孫家

集等處賊蹤剽疾異常現將由鄂入豫李鴻章所調援鄂各軍又落賊後亟須跟蹤躡剿以遏兇鋒著李鴻章曾國荃認真會剿毋令竄豫現屆麥熟該逆四出掠食亦在意中無論竄豫竄皖著李鴻章激勵淮楚豫皖各軍跟蹤兜剿以戢狂氛秦晉邊防現均喫重應如何嚴密備禦之處著左宗棠喬松年趙長齡妥籌辦理鮑超前派宋國永等軍協剿曾諭令曾國荃就近調遣李鴻章身膺統率著通籌全局妥為調度以合機宜一俟該提督病痊仍由鮑超親行督率以專責成將此由六百里諭知李鴻章左宗棠譚廷襄曾國荃李鶴年英翰趙長齡喬松年並傳諭鮑超知之○又諭李瀚章奏遵查兆琛並未欺飾及現籌布置情形一摺兆琛一軍既據李瀚章查明並無飾敗為勝各情卽著無庸置議李瀚章以李元度之師已偏荆竹園難於裁減擬將周洪印所部萬人酌裁二千挑留精壯

分布沅晃靖一帶以固楚省腹地再由黔省天柱斟酌進取所籌尚妥楚省以勦為防自是正辦席寶田既屬穩練可以接替兆琛著於入春後飭令招募六七千人統帶進剿卽以周洪印裁勇之餉騰出應用劉崑計當到任著斟酌情形會商妥籌屆時卽可令席寶田迅速前往替回兆琛毋稍延誤至黔中兵餉兩窮不能不借資鄰省楚省援黔自是力任其難朝廷惟求實效並不迫以近功然帶兵員弁仍須隨時策勵庶不至曠日持久徒糜餉需也將此由五百里各諭令知之○又諭穆圖善奏馳赴省垣接署督篆請飭左宗棠迅速赴任並陝回具稟投誠情形一摺蘭州為根本重地四面賊氛楊岳斌患病甚篤非得人前往鎮撫大局實難維持穆圖善現令總兵胡世英統帶所部暫紮甯條梁兼顧陝甘毗境並親率馬隊馳赴蘭州暫行接署督篆所籌尚合機宜惟馬生彥等甫經就撫

半箇城地方為四達通衢。甯安堡之防亦關緊要。該將軍務當督飭黃金山等密籌防守。並將馬生彥等加意羈縻。不可稍有疏失。左宗棠入陝後。尚須勦辦捻股。再議西征。甘省慶涇洮河等處。回匪充斥。移圖善於省垣布置事宜。稍有頭緒。仍當相機出省。悉心調度。勦撫兼施。毋得株守省垣。滋多貽誤。陝回于彥祿具稟投誠。經該署督批令呈繳馬匹軍械。即著妥為開導。俾知反正。歸誠其河狄各

平定縣志

卷二

處亦著飭令曹熙等乘機辦理。現時在甘陝回不無懷思。故土之意。惟與漢民積釁已深。日後恐難相容。前輪左宗棠察看民情地勢。於投誠匪眾。妥為安插。該大臣謀畫素裕。務當體驗情形。毋拘成見。熟籌辦法。惟此次與捻逆勾結。已經竄陝。各回將來勢窮求撫。仍不得率行收受。喬松年有地方之責。其於陝回應如何撫插之處。亦著隨時諮訪。與左宗棠咨商妥辦。用靖邊陲。原摺呈著鈔給左宗

崇。喬松年閱看。將此由六百里各諭令知之。○湖南巡撫李瀚章奏。遵查湖南援黔留防各軍需餉甚鉅。西征軍餉萬難籌撥。擬將原派每月協甘一萬兩。按月解足。以資接濟。得旨。所奏自係實情。此後如可通那撥給。仍著隨時設法協濟。○甲午吉林將軍富明阿等奏。勦散東竄馬賊。並將聚集金夫。分別勦撫。得旨。秦蒙河匪徒。雖經勦散。仍須嚴防邊界。毋任潛竄。俄境金場竄出匪犯。著富明阿督

平定縣志

卷二

飭帶兵各員。迅速撲滅。不得稍形鬆懈。洵金流民。並著分別勦撫。妥為解散。以奠邊境。○河南巡撫李鶴年奏。西南兩路軍情。現籌布置。得旨。如捻竄豫境。即飭宋慶等軍會同劉銘傳等實力兜勦。其西路捻逆。並著妥為防範。毋稍鬆懈。○乙未浙江巡撫馬新貽奏。巡閱金衢嚴三府。辦理撫綏招徠事務。報聞。○丙申。諭軍機大臣等。曾國藩奏。鮑超傷病甚劇。請調員接統。霆軍一摺。本日已明降諭旨。

令婁雲慶前往接統矣。婁雲慶於霆營情形尚稱熟習。著劉長佑迅即遣派妥員接署古北口提督。令婁雲慶交卸後由天津乘坐輪船前往江甯。與曾國藩商定一切。速赴軍營。庶霆軍有主持之人。鮑超即可安心養病。曾國藩李鴻章於婁雲慶到營後面授機宜。令其妥為接統。認真勦賊。以副委任。至曾國藩所奏另募一軍在安慶訓練一節。所籌甚是。並著隨時籌畫辦理。再行具奏。直隸練兵亦關緊要。如本省無人可派。著劉長佑選員奏調以資臂助。將此由六百里各諭令知之。○又諭庫克吉泰等奏。近日軍情一摺。劉松山等軍在三原等處勦賊獲勝。賊由蒲城竄向同州。分擾郃陽。大股仍踞同州境上。著喬松年嚴飭劉松山等迅速追勦。不得徒事尾追。再致延蔓。河防萬分喫緊。船隻雖盡泊東岸。喬松年仍當嚴飭沿河地方加意巡緝。並著陳湜小心防範。毋令一匪偷渡。逆蹤飄忽。異

常庫克吉泰等自應兼顧省門。然總當隨機應變。制賊死命。不得株守省垣。致滋貽誤。將此由五百里諭知庫克吉泰。德興阿。喬松年。趙長齡。並傳諭陳湜知之。○工部左侍郎毓祿因病解職。改派右侍郎潘祖蔭前往盛京。敬謹查勘。

福陵工程。○命直隸提督婁雲慶馳赴湖北軍營接統霆軍。○以江西督糧道段起捐輸軍餉。永廣湖南衡州府學額八名。○予陝西郃陽陣亡翰林院編修王鳳翔祭葬。世職如侍講學士例。渭南縣丞李德潤祭葬。世職加等。○予江西各屬陣亡殉難把總邱建功等紳民婦女二十六百五十三員名口分別旌卹如例。○丁酉以雨澤未霑。

上詣

大高殿祈禱行禮。○遣惇親王奕諒詣

時應宮。孚郡王奕誥詣

宣仁廟。惠郡王奕詳詣

凝和廟鎮國公奕謨詣

昭顯廟拈香○署察哈爾都統裕瑞奏。綏遠城應購戰馬。仍請捐備。得旨。所籌甚願。大局卽由裕瑞趕緊捐辦。其綏遠城所備馬價銀兩。並著咨行福興毋庸批解○轉工部右侍郎魁齡為左侍郎。調理藩院左侍郎恩承為工部右侍郎。管錢法堂事。以內閣學士戴驚為理藩院左侍郎。仍兼署兵部左侍郎○以乾清門頭等侍衛熙拉布為鑲藍旗漢軍副

都統。調正白旗滿洲副都統穆輅為廣州副都統○戊戌諭軍機大臣等。李鴻章奏逆股由隨棗東竄。信陽官軍追勦獲勝。賊又南竄入鄂一摺。該逆竄至信陽境內。經劉銘傳等軍分路奮勇迎擊。疊獲勝仗。勦辦尚為得手。在事出力員弁。准李鴻章查明奏請獎勵。該逆現雖折回鄂境。將來竄皖竄豫。均在意中。著李鴻章督飭劉銘傳等軍相機兜勦。譚廷襄曾國荃並嚴檄鄂軍會籌掃蕩。李鶴年英

翰亦當嚴密布置。防勦兼施。毋令再肆蔓延。

鮑超前曾力疾派員會勦。甚堪嘉尚。病體稍愈。並著督師迎擊。用副委任。將此由六百里諭知李鴻章。譚廷襄。曾國荃。李鶴年。英翰。並傳諭鮑超知之○又諭李鴻章密奏鮑超患病情形等語。覽奏均悉。昨據曾國藩奏。鮑超傷病甚劇。已有旨令婁雲慶前往江甯。與曾國藩商定一切。速赴軍營。婁雲慶到營後。著該大臣面授機宜。令其接統霆軍。與湘淮各

軍互為聲援。以期迅殄賊氛。將來鮑超病痊。並著該大臣加意聯絡。俾仍奮勉圖功。以副朝廷終始成全之意。將此密諭知之○以本年鄉試考試應開列試差人員於保和殿○以刑部左侍郎鄭敦謹兼署戶部右侍郎。管錢法堂事○調鑲黃旗蒙古副都統魁齡為正白旗滿洲副都統○湖北宜昌鎮總兵官安貴開缺引見。以記名提督黃中元為湖北宜昌鎮總兵官○命大學士官文在紫禁城

騎馬○以江蘇如皋縣捐輸軍餉永廣學額
五名○予河南信陽陣亡總兵官劉啟福祭
葬世職加等

大清穆宗繼天開運受中居正保大定功聖智
誠孝信敏恭寬毅皇帝實錄卷之二百

大清穆宗繼天開運受中居正保大定功聖智
誠孝信敏恭寬毅皇帝實錄卷之二百一

同治六年丁卯四月己亥諭軍機大臣等德

英奏酌挑旗民丁勇辦理情形一摺據稱吉

林招募派赴陝西軍營勇丁現雖應募有人

急切難期足數若促以日期誠恐欲速不達

各等語所奏自係實在情形即著富明阿德

英嚴飭各該旗民地方官就現在情形儘數

挑選不必拘定二千五百名之數德英現赴

西北各路親為招徠務須揀擇精壯飭令迅

赴左宗棠軍營俾得實用左宗棠於此項勇

丁到後認真教練以供攻勦德英原摺著鈔

給閱看。將此由五百里各諭令知之。○以乾清門頭等侍衛尚宗瑞為鑲黃旗蒙古副都統未到任前。以乾清門頭等侍衛索布多爾扎布署理。○以原任漕運總督袁甲三母郭氏年逾九旬。頒賞扁額曰瑞昭彤管。○補鑄安徽蕪湖縣福建龍溪縣巡檢印信從巡撫英翰徐宗幹請也。○予貴州興義等處陣亡署知府胡霖澍等祭葬世職加等。○庚子孝端文皇后忌辰遣官祭

昭陵。○諭內閣前據劉坤一奏彙保江西赴粵會勦各軍出力員弁等案。當經降旨交該部查明議奏。茲據兵部按照定章分別准駁並查出保獎重複各員。分繕清單呈覽。所有覈與定章相符之總兵周興發等員。均著照部議獎勵。其保獎重複之總兵劉勝祥等及覈與定章不符之守備張崇恩等。各員均著照部議辦理。另片奏上年收復嘉應及擊退龍南定南撲城賊匪各案。業經左宗棠孫長紱

先後請獎。復經劉坤一分案保奏。初次二次所保武職已及三千餘員。三次保案又經到部。未知應保尚有幾案。恐開冒濫之端等語。所奏甚是。軍營立功人員原許破格獎勵。然似此重疊保獎。殊覺漫無限制。嗣後該撫如有續查應保之案。務須確切查明實在出力之員。方准彙保。不得任聽營員開列濫行保獎。以昭覈實。○諭軍機大臣等。有人奏風聞已革太平倉花戶金芳即金三。勾通興平倉書吏金姓。花戶吳五即吳雙兒。北新倉花戶張太即臧太。及積慣身後把持之迷利。奸張二。尋倉狗馬三。德奎子馬大。套夏四。張三。即生張等。將北新興平二倉米石。於上年冬間影射單雙色衣米石及鑲紅旗俸米名目。乘間蒙蔽監督。夾帶私出。梗私米四五千石。別名黑檔子。運至德昌碓房盜賣。分肥謹繕各倉蠹花名。請飭查拏究辦等語。倉儲為天庾正供。現當南漕不日抵通。亟宜釐剔弊端。力

加整頓。若如所奏。奸蠹據為利藪。實屬目無法紀。著步軍統領衙門。按照所開花名住址。嚴密查拏。解交刑部。按律懲辦。毋任一名漏網。原片著鈔給閱看。將此諭令知之。○又諭。都興阿奏。山東欠餉過多。請旨飭催迅解。並請將前借山海關洋稅暫緩扣還一摺。奉天客兵月餉。山東每月應解銀二萬兩。上年二月以後。該省每月僅解銀一萬兩。統計帶欠已至二十二萬之多。現在奉省留防各營。需費尚鉅。前因山東撥解未足。曾於山海關扣存解京四成洋稅項下。借過銀五萬兩。亦應於本年扣還。茲據該將軍所奏各情。自係為接濟兵食起見。著丁寶楨即飭該藩司覈計帶欠月餉若干。趕緊如數撥交奉省委員。領解回營。以濟要需。毋再藉詞延宕。至奉省應還前借山海關四成洋稅銀兩。即著照都興阿所請。將山海關新徵洋稅暫免扣還。該將軍即行飭知山海關道遵照辦理。仍俟山東

欠餉解到。再由洋稅酌扣歸還。以省輟轉。將此各諭令知之。○河南巡撫李鶴年奏。捻竄孝感。回省勘辦秋審。得旨該撫現已回省。勘辦秋審。著於事竣後迅即回防。督飭各軍力籌堵剿。毋稍疏懈。○辛丑。諭軍機大臣等。楊岳斌奏慶陽圍解。並縷陳東路軍情。請飭穆圖善暫緩東行一摺。前因楊岳斌奏病體難支。老親皆在病中。盼望情詞哀切。是以准令回籍。飭穆圖善馳赴省垣。接署督篆。茲據楊岳斌奏稱。慶陽踞賊東趨。城圍已解。涇州亦無賊蹤。惟甘省西南北三路。勦撫均須重兵。省城存兵無多。勢難分顧。馬生彥等股匪。經就撫甯安堡彈壓之兵。實無可撥。其辦理安插各務。若遽易生手前去。必至猜隙叢生。請仍飭穆圖善暫緩東行。並原辦委員。無庸隨帶前進等語。所奏自係實情。穆圖善此時計抵蘭垣。責無旁貸。著將楊岳斌所籌體察現時情形。妥為布置。不可稍涉疏虞。河狄等地

方應如何防勦安撫之處。並須設法兼顧。以固省垣。甘事糜爛已極。左宗棠公忠素著。抵陝之後。諒必能統顧全局。以紓朝廷西顧之憂也。原摺著鈔給左宗棠。移圖善閱看。將此由六百里各諭令知之。○又諭楊岳斌奏請將原撥四川山西協陝代甘買米銀兩。徑解甘省一摺。上年劉蓉奏請由晉蜀兩省按月撥銀二萬兩解陝採辦米糧運甘。復經楊岳斌奏請於川省應解甘餉內除每月劃解成祿軍餉銀一萬兩外。按月撥銀二萬兩解往漢中設局買米。均經照請飭行。茲據楊岳斌奏陝省近來捻逆為患。赴甘路徑梗塞。晉蜀協款既無咨報明文。陝省買糧亦無轉運實事。飢軍營營有不堪設想之勢。自係實在情形。即著駱秉章趙長齡各將原定每月協陝代甘買糧銀二萬兩及上年短解之數一併補足。徑解甘肅。秦安糧臺交收。毋庸轉解陝臺。致滋貽誤。其川省月撥成祿軍餉銀一萬

兩。漢中米價銀二萬兩。仍須按月分解。均不得延宕。藉欠以濟要需。將此由五百里各諭令知之。○綏遠城將軍福興因病解職。以正白旗蒙古都統裕瑞為綏遠城將軍。未到任前。仍以歸化城副都統桂成署理。○予甘肅甘浚堡等處陣亡總兵官楊甫宜等二十七員祭葬世職加等。○予廣西長甯陣亡外委黃朝英祭葬世職。○旌表夫亡殉節順天民人沈文淦聘妻孫氏。○壬寅諭內閣。富明阿奏請飭催協領回旗帶勇等語。吉林協領喜昌由湖北軍營告假回旗。迄今數月之久。尚未到旗。著直隸河南湖北各督撫速飭沿途各該地方官查明該協領行抵何處。催令迅回吉林。管帶新募勇丁前赴左宗棠軍營聽候調遣。不准在途逗遛。○諭軍機大臣等。富明阿等奏遵募勇丁赴陝請飭解養贍銀兩等語。吉林應募勇丁人數寥寥。前據德英陳奏已諭令該將軍等儘數挑選。不必拘定二

千五百名之數。諒富明阿等接奉前旨。自必
欽遵辦理。至德英令各該管官出保。原屬慎
重。而富明阿請令司事各員詳加考察。不必
拘泥取保。雖係通融辦理。冀廣招徠。暫時不
必取保。但亦須細心訪查。不可以無業游民
充數。致滋流弊。著富明阿富爾孫德英於通
融之中。仍寓慎重之意。所請加給錢文。及養
贍銀兩。均照所議行。並著富明阿等查明應
給養贍銀兩數目。咨明左宗棠按春秋二季
撥解。毋稍延誤。將此由五百里各諭令知之。
○又諭庫克吉泰等奏官軍擊賊大勝情形
一摺。擒回各逆。竄擾同州。經劉松山等軍追
及於晉成堡姜彥村等處。疊獲勝仗。大挫兇
鋒。勦辦甚為奮勉。逆膽已寒。勢必急謀鋌走。
著喬松年督飭劉松山。郭寶昌等軍。嚴扼東
路。毋任擾及河岸。庫克吉泰德興阿。亦當嚴
飭馬隊。會合劉松山等軍。實力兜剿。以期一
鼓殲除。並著趙長齡督飭陳湜嚴密布置。加

意防範。以杜賊蹤。偷渡喬松年另片奏陝甘
兩省。在川省設局勸捐濟餉。請將所收捐項。
凡甘省發照之捐。統解甘省。陝省發照之捐。
統解陝省。以清眉目等語。著駱秉章穆圖善
楊岳斌。飭令局員遵照辦理。惟甘省所捐。止
有翎支一項。恐收數較少。如陝捐收項較多。
仍著喬松年隨時撥濟甘省。列款作收。以昭
平允。原片著鈔給駱秉章穆圖善楊岳斌閱
看。將此由六百里諭知庫克吉泰德興阿。駱
秉章穆圖善楊岳斌喬松年趙長齡。並傳諭
陳湜知之。○又諭前據李雲麟奏。滙陳西北
軍情。敬陳四端。並再陳北路情形。請速定大
計等摺。業經諭令該大臣仍妥籌兼顧。將原
摺留中備覽矣。詳問李雲麟所陳四條。一曰
西陲軍務。未可速辦。二曰北路防兵。決不足
恃。三曰棍噶扎勒參宜慎用。四曰速保山西
以全大局。未嘗無可採之處。除山西早飭各
該督撫妥籌外。西陲軍務。本難剋日奏效。李

雲麟節次辦理棘手。朝廷未加嚴譴者。亦誠知事勢之難也。惟所稱防兵有不如無。賊來以不守守之等語。殊非悉心籌辦之法。至棍噶扎勒參一員。不得已而用之。原當略短取長。妥慎駕馭。李雲麟謂宜虛參贊之缺。不必派署等情。亦非所宜。另摺所陳。新疆軍務不辦即止。無中立之理。此言良是。又謂今日之事。宜盡撤烏科防兵。速裁伊塔現存各官。留索倫兵於俄國。給厄魯特遊牧地等情。此中窒礙甚多。新疆各城。

列聖艱難締造。具有深心。原以屏蔽內地。今欲舉烏科等城一概不守。如果從此各安生業。永遠不至侵犯內地。朝廷亦無所靳焉。但俄人時思侵犯。哈薩克素不安分。回匪兇狡未衰。以此三害據有蒙古之地。駸駸內犯。北而張家等口。西而秦隴。皆成國家要塞。大局所關。李雲麟能保其必無後患乎。至留索倫於俄國。給數萬金養贍之後。聽其自謀生計。勢

必盡驅索倫為俄人。更屬不成事體。且索倫本屬勁旅。烏科兩城防兵既屬無多。蒙兵又不足恃。自應設法調回。以壯兵力。或擇地辦理屯田。以資養贍。即為將來西征之先驅。庶有實際。仍著榮全妥籌辦理。棍噶扎勒參之為人。李雲麟既知其攬權難馭。而又欲以厄魯特之眾。全數給該喇嘛為門徒。亦涉自相矛盾。此項人眾。應如何安插。俾遂驅策之處。著再與麟興妥為辦理。伊塔所存各官。著榮

全等量為裁撤。以節糜費。刻下哈密已復。巴里坤可以固守。李雲麟等惟當力保烏科等城。聯絡棍噶扎勒參。以壯聲勢。待肅州克復。大兵出關。自可徐圖恢復。著德勒克多爾濟。錦丕勒多爾濟。麟興。榮全。奎昌。明瑞。與李雲麟商酌。就現有兵力。餉力。妥為守禦。如德勒克多爾濟等。各有所見。不妨單銜具奏。以備採擇。將此由六百里各諭令知之。○以大學士官文兼正白旗蒙古都統。○擢直隸開州

都司崔福泰為通永鎮總兵官以記名總兵官徐文秀為廣東高州鎮總兵官。○以陝西同州朝邑等處勦賊獲勝提督劉松山得旨嘉獎賞玉柄小刀一把火鐮一件大荷包一對小荷包二箇予陣亡副將胡理明參將李順才遊擊蕭忠恆都司楊崑益守備熊吉福千總周福泰把總熊志昌外委曾楚榜等祭葬世職加等。○癸卯諭軍機大臣等劉嶽昭奏官軍肅清黔大並勦辦豬拱箐苗匪大勝現擬進勦平遠各摺片黃號及苗教各匪肆擾黔西大定為患已久豬拱箐苗匪嘯聚日眾為三省邊防巨患該撫及藩司岑毓英分路攻勦將黃號並苗教大股匪徒殄滅首逆擒戮殆盡豬拱箐賊營百餘座亦為滇軍平毀岑毓英所紮行營已距山頂不遠辦理奮勉甚屬可嘉著劉嶽昭即飭該藩司乘此聲威將山頂賊巢攻拔肅清匪股以竟全功平遠所屬之牛場苗匪即著劉嶽昭相機進勦

迅速殄除以絕豬拱箐外援知州蕭培基於牛場苗匪肆擾並不集練攻勦又於鄒復勝進兵時以無糧力阻實屬意存苟安著劉嶽昭張元基查叅黔西大定一帶並著張亮基揀派得力文武彈壓鎮撫毋得專恃客兵將此由五百里各諭令知之。○以禮部右侍郎賀壽慈兼署工部右侍郎管錢法堂事。○命大學士賈楨教習庶吉士。○命詹事府詹事廣壽在弘德殿行走。○命翰林院編修黃鉉仍在南書房行走。○以貴州黔西大定肅清賞提督劉維耕一品封典總兵官吳安康等加銜升敘開復有差予陣亡守備樊正裕子總葉福德把總龐安泰外委楊國林等祭葬世職。○甲辰諭軍機大臣等李鴻章奏近日湖北軍情等語任賴拾股由應山東北竄孝感之小河豁旋竄黃陂之兩河口現經劉東璋等軍分路跟追即著李鴻章檄飭各軍合力兜勦迅殄逆氛西路兵力已厚該逆既不

至回擾德隨。竄皖竄豫。均在意中。宋慶一軍現駐信羅。著李鶴年飭令該營相機扼截。並著英翰於皖西一帶抽撥勁旅。實力嚴防。中原麥熟。該逆四出掠食。是其慣技。李鴻章各軍雖俱赴鄂。深慮有追剿之兵而無迎堵之師。仍著該大臣統籌全局。於無可抽調之中。設法布置。妥為兼顧。據稱南北數千里。久旱不雨。農田枯槁等語。實深廛繫。現在直隸一帶亦屬少雨。深恐青黃不接。有礙民食。該大臣務當妥籌鎮撫。安慰人心。庶於軍務有裨。將此由五百里各諭令知之。○山西巡撫趙長齡奏擒逆久踞同州。被勦回竄。得旨該逆既有回竄豫疆之意。著卽咨會馬德昭回顧閿鄉。該撫仍當督飭沿河文武一體嚴防。不得因賊蹤較遠稍形疏懈。○以陝西同州朝邑等處勦賊獲勝。賞提督陶定昇。胡文貴。李雲貴。正一品封典。總兵官李祥和等加銜升敘。有差。予陣亡遊擊胡長才。都司吳錫錦。守

備劉文明外委陳鑒文等祭葬。世職加等。○乙巳免故兼署福州將軍福建巡撫徐宗幹應賠短徵關稅銀。○丙午以雨澤未霑。上於

大高殿設壇祈禱。親詣行禮。遣惇親王奕誼詣

時應宮恭親王奕訢詣

昭顯廟孚郡王奕詵詣

宣仁廟惠郡王奕詳詣

凝和廟禮親王世鐸詣

覺生寺怡親王載敦詣

黑龍潭睿親王德長詣密雲縣

白龍潭拈香。○諭軍機大臣等前因哈密收

復無人鎮撫。疊經諭令文麟。景廉迅赴新任

以重職守。並催成祿迅復肅州。以便統領大

兵出關。茲據伊勒屯奏稱查明伯錫爾被害

情形。地方大事。現無大員統轄等語。哈密甫

經收復。撫綏彈壓。在在均關緊要。該大臣等

任意逗遛。延不出關。殊屬不知緩急。且難保非有心規避。著文麟、景廉、懌遵疊次諭旨。趕緊出關。馳抵任所。將應辦事宜。極力整頓。毋再遲延。成祿被肅州賊匪牽掣。竟無出關信息。尤屬疲玩。著卽振刷精神。激勵士卒。迅將肅城攻拔。以便振旅出關。毋得再行遷延。致干重咎。伊勒屯現任領隊大臣。文麟等未到之前。務當盡心防守。以固疆圉。將此由六百里各諭令知之。○又諭奎昌等奏經費不敷開放。請飭山西按年撥補一摺。科布多應放各款。每年需用銀四萬五六千兩。遇閏加增三千餘兩。而每年僅由烏里雅蘇台領銀三萬兩上下。所欠各款約一萬數千兩。該處界連奇古。現值防堵緊要。需餉孔亟。著趙長齡於每年應撥烏科二處經費外。另撥科城銀二萬兩。以補不足。毋稍推諉。此項銀兩未到以前。如有應放要款。卽著奎昌、明瑤於李雲麟送交科城防費銀兩內。先行動用。俟此項

銀兩解到時。再行補款。該參贊等仍當覈實支放。不得任意濫用。以歸節省。將此由五百里各諭令知之。○以烏里雅蘇台參贊大臣麟興為將軍。調伊犁參贊大臣榮全為烏里雅蘇台參贊大臣。○以貴州紳民捐輸義穀永廣鄉試中額一名。○以熱河赤峯縣捐輸團練永廣學額一名。○以江西捐輸軍餉永廣饒州府學額二名。德興縣十名。○以湖北麻城縣捐輸團練永廣學額七名。○以廣東副將鄭紹忠捐輸軍餉永廣三水縣學額一名。○贈哈密殉難扎薩克郡王伯錫爾親王建立專祠。伯克夏斯林等一併附祀。○丁未以神靈顯應。加江蘇宿遷縣金龍四大王封號曰宣誠。河南陳留縣黃大王封號曰昭應。朱大王封號曰昭感。山東曹縣城隍神封號曰顯應。汶上縣永濟神封號曰靈感。○諭內閣。譚廷襄等奏

遵查未能救護統將各營官請分別懲辦等語。本年二月間記名布政使彭毓橘在湖北蕪水谿潭坳地方勦賊乘勝猛追身陷重圍力竭陣亡。營官王上國等雖因奉令勦辦右路賊匪竭力拮据傷亡略少尚非援應不力惟既不能救護主將又未能將本隊自保萬全殊難辭咎。除副將李臣榮身受重傷著從寬免其置議外記名提督王上國著撤銷勇號以都司降補。李定元陳壽武吳次漢沈鴻賓均著撤銷勇號以副將降補。用示懲儆。○諭軍機大臣等譚廷襄曾國荃奏擒逆東趨安陂仍折回應城官軍疊擊復勝並會商布置情形一摺擒逆自東竄後經官軍追躡仍復回竄應城雖屢有擒斬而逆鋒未衰前據李鴻章奏稱西路兵力已厚諒該逆不能逞志卽著李鴻章譚廷襄曾國荃督飭淮軍鄂軍會合追勦並令宋國永折回洋梓鎮以扼西路要衝該逆在鄂不能得志必思竄豫著

李鶴年飭令宋慶等軍迎頭兜勦以杜紛竄安徽相距雖遠而該逆飄忽異常不可稍形鬆懈並著英翰嚴飭各軍整旅以待擒逆狡猾善走非四面圍裹漸逼漸緊斷難杜其奔突。李鴻章久歷戎行卽著廣設方略以殄逆氛河南一帶既少雨澤而鄂省又苦久旱所關非細惟有誠心修省冀迓和甘一俟得雨卽著奏聞。鮑超戰功卓著實為國家干城之選現聞病勢沈重深為廕繫著曾國荃就近傳諭令其慎重醫治安心養息以冀速痊將此由六百里各諭令知之。○又諭前有旨令劉嶽昭由溫水進勦黔西大定俟肅清後移師勦辦豬拱箐毋庸分兵遵義茲據張亮基奏請仍飭劉嶽昭暫駐貴陽勦辦附省各匪等語黔省龍貴壩芒尚大坪各股逆匪逼近省垣兇鋒甚熾省城情形益困若再無兵勦辦勢將不可復問自係實在情形惟劉嶽昭已將黔西大定一帶肅清豬拱箐苗匪亦經

岑毓英進攻連獲大捷苗匪老巢指日可拔。劉嶽昭一軍似未便移就貴陽致失機會。且滇省現無大吏彈壓張凱嵩到滇尚需時日。劉嶽昭自應迅籌赴任或先能肅清貴陽附近一帶再行統兵赴滇著劉嶽昭斟酌辦理。黔省餉匱兵單實深憂繫駱秉章於張亮基所請協黔餉需總應不分畛域力為籌濟諒不至固執成見任聽黔省呼籲漠不關心著卽竭力措解以拯貴陽大局毋許再事推延。致負委任張亮基原片一件著鈔給駱秉章。劉嶽昭閱看將此由六百里各諭令知之。○山西巡撫趙長齡奏遵籌西征軍餉擬每月撥銀二萬兩俟左宗棠入關陸續籌解下部知之。○調正白旗漢軍副都統烏勒興阿為甯古塔副都統以內閣學士銘安兼正白旗漢軍副都統。○以記名總兵官羅孝連為貴州鎮遠鎮總兵官。○以貴州定番等處勦匪獲勝殲除首逆提督趙德光得旨嘉獎與副

將吳占勝遊擊李有德均賞巴圖魯名號知州張時杰都司劉先發等花翎知縣吳宗琳等藍翎餘加銜升敘有差。○予故甯古塔副都統高福祭葬卹廕加等如軍營病故例。○予廣西山澤等處陣亡參將胡益志等祭葬世職。○予貴州安順傷亡遊擊張定固祭葬世職如陣亡例。○戊申諭軍機大臣等左宗棠奏隨州追賊出境行抵樊城雇備車馱剋期入關一摺鄂省軍情前據李鴻章曾國荃等各奏情形與左宗棠大略相同著李鴻章曾國荃懍遵疊次諭旨廣籌方略迅殄逆氛昨據曾國荃奏陳鮑超病狀甚為廕繫該提督患病以來所部各軍暫派宋國永統帶疊經有旨催令夾擊何以至今未聞宋國永等與賊接仗若早能移軍駐扼洋梓雙河何至縱賊亂竄著李鴻章曾國荃傳諭鮑超連令宋國永等扼紮要隘聽候調度奮力勦賊如再貽誤必將宋國永等從重治罪鮑超亦不

能辭咎也。前據庫克吉泰等奏劉松山等軍節次獲勝。賊勢已窮。當諭該將軍等督飭各軍乘勝殄除。並防竄晉。左宗棠節制晉省。呼應始靈。著隨時偵察賊蹤。會同趙長齡等加意防範。相機掃蕩。所陳取道情形。朝廷不為遙制。將此由六百里諭知李鴻章。左宗棠曾國荃。趙長齡。並傳諭鮑超知之。○又諭左宗棠奏晉省防務喫緊。並請將前調吉林礮手。即行取道入晉等語。前因左宗棠奏調吉林

礮手。交協領喜昌管帶赴陝。當經諭知富明阿等照辦。嗣據該將軍等覆陳。挑募不易。已飭不必拘定二千五百名。以昭慎重。其確數尚未奏報。現據左宗棠奏。僅此項礮手馬隊勢難再緩。著富明阿。富爾孫。德英。將礮手趕緊挑齊。喜昌尚未回吉。著該將軍等先於曾經戰陣明練耐苦力能約束者。慎選兩員。分起管帶入晉。左宗棠片內所稱礮手可由綏遠城取道入晉防剿。若賊未入晉。即飭知由

和林格爾。托克托城等處。入邊牆。抵河曲縣。循黃河東岸南下等語。此項礮手。若盡由邊外行走。支應甚難。自應仍由山海關先抵直隸。屆時察看山右軍情。再定所向。非但支應較易。道途亦為便捷。將來如入晉境。著趙長齡飭沿途妥速豫備。俾利遄行。以備左宗棠訓練驅策。喜昌到吉後。即迅飭前往。毋許延緩。檢回來往同朝。晉省岌岌堪虞。所有山西軍務。仍歸左宗棠節制。以一事權。趙長齡務

須和衷會籌。不可先存意見。陳澧有防守黃河之責。尤宜激勵所部實力嚴防。毋得貽誤。將此由六百里諭知左宗棠。富明阿。富爾孫。德英。趙長齡。並傳諭陳澧知之。○又諭前因左宗棠奏陝甘需餉孔殷。請於上海洋商借銀一百二十萬兩。由各關稅項下撥還。當經諭令曾國藩等督飭各海關監督。按數出給印票。遵照辦理。茲據左宗棠奏此次行糧。僅止五萬餘兩。入關後軍餉專恃洋商借款暫

資接濟。現聞山西運城商銀尚多，可供匯兌。請飭應協各省速發印票，交上海轉運局道員胡光墉領取，交洋商兌取現銀，付與票商，即可換取票商銀票。至運城收兌等語。左宗棠現在整隊西進，不能停兵待餉，自應照該大臣所請，迅集鉅款，以利師行。著曾國藩、英桂、吳棠、瑞麟、譚廷襄、曾國荃、馬新貽、李福泰、蔣益澧、郭柏蔭、師曾各懷遵前旨，按照左宗棠所定數目，交胡光墉領取向洋商兌取現銀，付與票商，即換取票商銀票。至運城收兌，解付該大臣軍營提用。所借銀兩，仍著各該省自本年七月起，分六箇月，於各關稅項下撥還。並於應解甘餉按月撥交各關，以清款目。將此由五百里諭知曾國藩、英桂、吳棠、瑞麟、譚廷襄、曾國荃、馬新貽、李福泰、蔣益澧、郭柏蔭，並傳諭師曾知之。成都將軍崇實等奏應補甯遠府四屆歲科考試，現擬變通辦理，得旨：所奏雖係實在情形，然非甘肅口外

可比。業經寄題考試，姑如所請。此後不准援以為例。○以記名總兵官李佑清為甘肅甯夏鎮總兵官。○己酉，以故鎮國公奕繕繼子載岐降襲不入八分鎮國公。○庚戌，諭軍機大臣等：劉長佑奏遵飭提督起程，並派員接署提篆一摺。署直隸提督婁雲慶雖暫練新軍，而霆軍乏人統帶，尤關緊要。劉長佑已飭令交卸起程，即著催令乘坐輪船赴江甯聽候。曾國藩差委饒鮑超病體就痊，婁雲慶可以不必接統霆軍，並著曾國藩察看情形，仍飭回任，以資督練。直隸提督員缺緊要，劉長佑現派鄭魁士署理。該提督久歷戎行，自能熟悉營務，而意氣漸平，當知力顧大局，和衷共濟，不至復蹈故轍。所有古北口練軍，准其派鄭魁士接辦。但所挑選兵丁，務當以精壯為先，不可稍存私見，致有偏重。著劉長佑傳知該提督懷遵此意，用副委任。將此由六百里各諭令知之。○又諭：楊岳斌奏貴德廳回

匪叛亂情形一摺。本年二月間。貴德廳回民突起叛亂。將同知承順及家屬殺害。踞守廳城。覽奏實堪痛恨。西甯回民就撫。本不足深恃。玉通主撫而毫無防範。以致匪黨益無忌憚。此次貴德既為賊踞。勢難再事羈縻。著楊岳斌卽飭提督鄧全忠等。督帶所部勇丁。聯絡該處鄉團。設法進剿。迅將貴德廳城攻拔。毋任久踞。玉通亦當督率兵團。嚴密防守。毋再輕信奸回詭詞。致為所誤。所有死事員弁。

軍機處

三

著楊岳斌查明請卹。千總也生春潛逃。出城著先行革職。交楊岳斌查辦。其餘聽賊指使捏詞稟報之文武員弁。著一併查明叅辦。另片奏甘省餉糧軍火萬分缺乏。請飭速解等語。甘省困乏情形。實深焦灼。陝甘肅相依。宜容坐視。著喬松年督飭林壽圖將陝臺現存餉銀軍火帳房等項。迅速派員探明路徑。繞道解甘。並著譚廷襄會同奎。督催湖北後路糧臺將餉銀軍火源源運至漢中分局轉

解赴甘。以濟眉急。原片著鈔給譚廷襄。會同奎喬松年閱看。將此由六百里諭知譚廷襄。楊岳斌。會同奎喬松年。玉通並傳諭林壽圖知之。○以前任浙江提督鄭魁士署直隸提督。○辛亥諭內閣純堪奏請將辦事荒謬之司員嚴議一摺。

東陵內務府郎中龍光。因欲查永濟官當商人情弊。輒帶領劣蹟民人白天瑞等。私將永濟官當商帳簿檢查多件。攜至該員私宅。雖係

軍機處

三

因公起見。惟該員不奉差委。輒敢私帶平民。將永濟官當帳本攜至私宅。實屬不成事體。惟既請交部嚴加議處。何以純堪告知載錕。景霖均未會銜。著載錕。景霖會同純堪詳細查明。據實具奏。再降諭旨。○考試應開列試差滿漢二品以下京堂各官於上書房。○以御前侍衛穆騰阿為鑲紅旗蒙古副都統。○以湖北應山等處勦匪獲勝。暫緩已革提督劉克仁遺戍。予參將董大義等加銜升敘有

差陣亡總兵官張道道副將李占彪參將李洪貴遊擊孫雲標知縣龔汝弼都司趙貴生千總蕭東江縣丞廖德琦等祭葬世職加等

○壬子

孝慎成皇后忌辰遣官祭

慕陵

大清穆宗繼天開運受中居正保大定功聖智誠孝信敏恭寬毅皇帝實錄卷之二百一

大清穆宗繼天開運受中居正保大定功聖智誠孝信敏恭寬毅皇帝實錄卷之二百二

敬修

同治六年丁卯五月癸丑朔

上詣綏履殿問

慈安皇太后安平安室問

慈禧皇太后安至壬午皆如之○以翰林院編

修廖坤培為貴州鄉試正考官于建章為副

考官○予湖南荊竹園陣亡參將楊友春等

十七員祭葬世職加等○甲寅諭內閣御史

劉秉厚奏請修仁政以迓和甘一摺本年雨

澤愆期屢經虔誠祈禱尚未渥沛甘霖亟宜

修明仁政以冀感格

穹蒼近來捻逆竄擾被難小民流離失所甚至有被兵弁誣殺者殊傷天地之和著各該督撫妥為賑恤不准兵弁擅行殺害陣亡兵勇為國捐軀家屬窮無所歸尤宜軫恤著各該督撫留心訪查其孤苦無依者即行設法養贍民間棄溺子女久干例禁流離轉徙之際更恐不免著多設育嬰堂廣為收養其被擾地方屍骸未經掩埋及向來浮屠棺木並著該地方官廣為曉諭速行瘞葬免致暴露各

該地方官皆當實力奉行用廣仁恩而資感召將此通諭知之○諭軍機大臣等成祿奏哈逆東竄旋退並副將凌祥失利情形各摺片哈密回匪由安西東竄玉門冀援肅州經成祿派令竇型迎擊多設疑兵賊眾旋即驚退惟該逆雖經暫遁難保不去而復來仍當勤探嚴防不得稍形鬆懈並督兵迅拔肅城速為出關之計毋再稽遲干咎已革副將凌祥前在哈密接仗失利本應治罪現據成祿

查明該革員於接仗時身受矛傷著從寬暫留軍營責令出關效力自贖將此由五百里諭令知之○河南巡撫李鶴年奏南路股匪西竄現馳抵許州布置軍務得旨著懍遵前旨於西南兩路分飭宋慶等妥為防剿毋稍鬆懈○前任陝甘總督楊岳斌奏軍務喫緊請將本年秋審展緩辦理從之○乙卯

孝誠仁皇后忌辰遣官祭

景陵○諭軍機大臣等有人奏本年二月間有

蘇省漕船一隻行至山東霑化縣海濱落淺為土匪搶去貨物將船拆毀該縣勒令水手改供並有天津縣張姓于姓商船在該縣海面遭風落淺糧貨均被搶劫賊賊無獲該縣書役及劣紳李姓均與賊通請飭查辦等語所奏如果屬實於漕務商船大有關礙著丁寶楨按照所奏各節確切查明據實叅辦並將行劫賊匪按名弋獲毋使一名漏網原片著鈔給閱看將此諭令知之尋奏遵查漕船

確係遭風沈溺並非被刦于姓張姓商船係被居民乘危撈搶業經獲犯飭府嚴訊李連春與書役等查無通賊情事前代理雷化縣知縣張濬源實無勒令改供情弊惟勘驗未卽稟報殊屬遲延署知縣張道南於各案均已通稟惟緝犯未能全數弋獲應請交部分別議處從之○予江蘇各屬殉難監生管子榮等紳民婦女七十六名口分別旌卹如例並予建祠○丙辰諭內閣前因御史佛爾國春奏湖北竹木商捐一款曾國荃前於過境時曾用銀三千兩及歷任巡撫到任辦理鋪陳修理衙署皆於此款領用各節當諭令譚廷襄查訊茲據譚廷襄奏稱前於查辦官丈被叅案內業將調到清摺覈明並無曾國荃用銀之款復訊據委員孫振銓供稱同治三年曾國荃過境曾由糧臺解過舊欠餉銀四萬二千餘兩係屬正款並未支竹木商捐歷任巡撫到任該員並未辦過支送鋪陳等項

又據總局司道詳稱歷年在竹木商捐項下領過辦公等項銀錢如兵差隄工城工修理衙署皆確有案據並非鋪陳規費各等語此案曾國荃被叅動用竹木商捐等款既無其事著無庸議至佛爾國春原奏內所稱曾國荃原叅官文賄通肅順貪婪欺罔各節據綿森等查屬子虛曾國荃宜照律反坐一節官文受

文宗顯皇帝特達之知十數年來歷著勲績諒不至辜恩昧良肆行貪罔且其重膺疆寄尚在肅順未經用事之先亦無所用其夤緣朕御極之初曾特諭內外臣工既往不咎曾國荃以影響之事臚列入奏本屬不諳大體佛爾國春遽引加以反坐之罪尤屬跡近報復故為苛論嗣後風聞言事必宜慎重黨援攻訐之風斷不可開所奏併毋庸議○諭軍機大臣等何琯奏哈密現在情形並請撥倉糧各摺片何琯現派孔才等所部分駐瞭墩等

處其餘兵勇駐紮哈城哈密境內漸次肅清
卽著該總兵會商伊勒屯等妥籌鎮撫一面
仍將竄匪相機進剿迅殄逆氛巴里坤哈密
兩城米糧萬分缺乏又兼本年荒旱難望收
成兵勇枵腹堪虞亟應速籌接濟何瑄前經
奏請於敦煌縣指撥倉糧一萬五千石著穆
圖善楊岳斌嚴飭該縣趕緊採辦解運巴城
以濟眉急成祿著懍遵疊次諭旨迅將肅城
攻拔振旅出關毋再遷延干咎將此由六百

里諭知穆圖善楊岳斌成祿並傳諭何瑄知
之○署湖廣總督譚廷襄等奏擒匪由棗陽
趨豫現籌布置防守得旨劉銘傳等軍獲勝
情形前據李鶴年奏到與此奏大略相同現
在賊眾竄過棗陽勢將入豫著譚廷襄曾國
荃飛咨豫境嚴防並派兵出境進剿不得稍
分畛域仍防回竄黃麻等處毋稍懈怠○丁
巳諭內閣前據山東在籍遊擊常啟雲赴都
察院呈控監生王克一等唆訟聚眾將其子

常國泰偪入夥中其姪常國棟有受賄縱匪
等情當經諭令閻敬銘等查究旋據閻敬銘
奏稱常啟雲素不安分挾嫌誣控陷人叛逆
又復匿不到案當將常啟雲革職審辦茲該
革員復以委員袒護捏詳將伊收禁其子常
國泰仍與賊匪勾結謀為不軌等詞遣抱赴
步軍統領衙門呈控是否實有其事抑係砌
詞聳聽著丁寶楨徹底嚴訊按律定擬具奏
尋奏遵查常啟雲並無翻供係常啟雲之母

常姜氏圖脫子罪遣抱控告原審並無屈抑
仍照原擬辦理下部知之○諭軍機大臣等
李鴻章奏任賴捻股敗遁西趨各軍分投追
剿一摺劉銘傳等軍追賊雲夢生擒賊目陳
大潰逆向阜市奔突遂竄洋梓宋國永等由
隨州回軍夜襲賊館擒獲甚多賊現竄新野
東南之朱集水台並南陽西南之清華穰東
等處據獲賊供稱有欲竄東豫或逃往陝西
之語刻下逆蹤尚無定向陝豫俱應嚴防著

李鴻章督飭劉銘傳周盛波等軍相機兜勦李鶴年令宋慶迅赴新唐會合霆軍夾擊新練之軍如可抽調著飭張曜擇要扼擊為一鼓聚殲之計如賊果東趨李鴻章飭潘鼎新等迎截丁寶楨卽派兵迎堵並著左宗棠喬松年趕緊調派勁兵遏其入陝之路該督撫等務須不分畛域督軍會勦迅殄賊氣以慰廑念將此由六百里各諭令知之○又諭李鴻章奏請飭催山東協餉等語上年戶部議

山東月協曾國藩軍餉五萬兩係撥向協僧格林沁軍營之款嗣除扣給潘鼎新月餉三萬二千兩外每月僅解徐州糧臺銀一萬八千兩茲據李鴻章奏稱本年二月分餉銀遲至四月十五日始行報解三月協款尚無起解之期四月則更不必言該大臣各軍轉戰豫東皖鄂等省需餉浩繁東省財賦完善非他省可比且該大臣軍營尚有水陸四千餘人留守東境運河僅此月解一萬八千兩豈

容任意延宕著丁寶楨迅督藩司照數按月協撥源源接濟不得意存膜視致滋延誤將此由五百里諭令知之○戊午諭內閣鮑源深奏請飭刊刻書籍頒發各學一摺江蘇等省自遭兵燹以後各府州縣學中舊藏書籍大半散佚經史板片亦皆毀失無存現在地方已就肅清亟應振興文教士子有志讀書而載籍難於購覓其何以資講貫而惠藝林著各直省督撫轉飭所屬將舊存學中書籍廣為購補並將

列聖御纂欽定經史各書先行敬謹重刊頒發各學並准書肆刷印以廣流傳俾各省士子得所研求同敦實學用副朝廷教育人才至意○又諭鮑源深奏請增修學政全書一摺學政全書自嘉慶十七年增修以後久未續行纂輯各省學臣遇無例案可循事件辦理多至歧異殊非畫一之道卽著禮部將嘉慶十八年以後頒行條例有關學校事宜者重

加纂輯。其近年暫時從權變通者。亦著酌定。畫一。增入學政全書。刊發各省。以資循守。又諭瑞麟等奏勦辦曹冲客匪。屢獲大勝。該匪勢窮就撫。並籌辦善後情形。一摺。廣東曹冲客匪。負隅抗拒。經蔣益澧督軍進勦。屯兵於獅子山等處。分路攻擊。疊獲勝仗。追至田頭賊寨。乘勢環攻。赤溪股匪。分路來援。該撫揮軍迎勦。伏兵四路包抄。賊匪前後受敵。旋即敗退。三月二十五日。官軍直逼田頭。環築礮臺。晝夜轟擊。四月初二日。分兵駐紮牛屎巷。以扼曹冲赤溪要道。兩寨悍賊。同時來撲。兵勇用礮轟擊。斃賊無算。賊始敗退。收隊後。該逆冒雨圍攻沈玉遂營盤。拔抽木椿。愈撲愈悍。蔣益澧挑選敢死之士。由營後突出。追殺該匪。驚潰狂奔。次日出隊。將曹冲赤溪之匪截斷。開放大礮炸礮。悉落寨中。賊始膽落。技窮。赴營求撫。定期呈繳軍械。將寨柵一律平毀。放出被擄子女。縛獻抗官悍黨。地方肅

清。蔣益澧親督將士。將積年客匪剋期蕩定。深堪嘉尚。著交部議敘。所有應辦善後事宜。卽著照該督撫所議。次第興辦。另片奏請照恩平客籍成案。准其考試。每二十名。取進一名等語。該客民等既經改過自新。卽係朝廷赤子。自應加恩拔取。秀良。以廣培植。餘均照所請辦理。○諭軍機大臣等。張之萬奏阜甯海匪聚眾劫掠。請飭調輪船出洋夾擊一摺。阜甯地處海濱。毗連直東洋面。匪首沈如奎。卽沈如舉。膽敢聚眾搶掠。雖經張之萬派兵拆毀其巢。而該匪駛至外洋。欲結幅匪滋擾。其計甚為狡惡。不可不亟行捕勦。以靖洋面。張之萬雇募商船出洋追勦。恐未能得力。上海向有輪船。及捕盜局綠皮艇師。原以備捕勦海盜之用。卽著曾國藩郭柏蔭迅速調派出洋。奮力追擊。務將首匪弋獲。不使一名漏網。其江北沿海各隘口。並著張之萬派兵嚴密堵截。毋令登岸。儻有接濟匪糧者。著各嚴

行查禁以期迅速。歲事免茲後患。將此由五百里各諭令知之。○又諭瑞麟、蔣益澧奏曹冲客匪畏罪投誠。辦理善後情形。請將出力文武獎勵各摺片。曹冲等處客匪恃險抗拒。負隅日久。經蔣益澧親督官兵。節節進紮。屢敗賊眾。並分兵斷其接濟。匪黨窮蹙。畏罪真心乞撫。現在辦理善後。已有頭緒。該撫躬歷險阻。奮勇督戰。勦撫兼施。將十餘年巨寇迅速蕩平。深堪嘉尚。本日已明降諭旨。將該撫

交部議敘。並將出力各員弁照請獎勵。所請將梅啟照以鹽運使記名。與定章不符。已交軍機處另行存記矣。粵東土客械鬪。積釁多年。勢難令其同居錯處。瑞麟等現擬將曹冲等處以內田廬撥歸客民。冲婁等處田畝撥給被逐土民。俾其各分疆界。畫地而居。永絕葛藤。並設官駐兵。編籍鄉試。所籌均屬周妥。即著將詳細章程妥議具奏。其入學考取定額亦於本日明降諭旨。內照請允行矣。將此

由五百里各諭令知之。尋奏土客所爭首在田產。曹冲以內共田三百餘頃。足資生活。現飭新甯縣設立清查撫恤局。招集流亡。更建遵義書院。以振士氣。另委知府李國賢等帶兵八百名駐紮浮石。兼資彈壓。得旨辦理甚為周妥。仍著該督撫慎選牧令。隨時留心駕馭。並將清查撫恤事宜認真籌辦。以期土客各民日久相安。毋稍疏忽。○以廣東曹冲客匪就撫。地方肅清。賞提督任星元、白玉翎管

一支、白玉四喜、搬指一箇、大荷包一對、小荷包二箇。總兵官徐文秀一品封典。總兵官王朝治、副將彭光明、陳念親、席得元、劉清和、謝明山、參將謝茂勝、遊擊吳迪文、道員梅啟照、巴圖魯名號知府郭式昌、花翎餘加銜升敘有差。○追予故江南河道總督潘錫恩諡文慎。交國史館立傳。○己未

上復詣

大高殿祈雨壇行禮。○遣惇親王奕誼恭祀

天神壇恭親王奕訢恭祀

地祇壇鍾郡王奕詒恭祀

太歲壇惠郡王奕詳詣

時應宮禮親王世鐸詣

昭顯廟貝勒載治詣

宣仁廟豫親王義道詣

凝和廟肅親王華豐詣

覺生寺怡親王載敦詣

黑龍潭鄭親王承志詣密雲縣

白龍潭拈香○諭軍機大臣等庫克吉泰等

奏官軍勦賊疊勝擒股東竄追擊情形一摺

郭寶昌一軍在朝邑等處力戰三次獲勝殲

斃髮逆千餘名復將渭濱悍賊悉數勦除與

劉松山等軍併力攻克普集鎮等處追至省

城南門外奮力鏖戰德興阿等亦督兵出城

助擊追至灞橋此次各軍奮勇爭先將竄撲

省城之賊力斬數千精悍匪黨大半授首解

散裹脅萬餘人兇燄已衰勦辦極為得手著

該將軍等督飭諸軍乘勝窮追務將此股速

行殄除毋任滋蔓左宗棠計已抵關著卽與

陝省追軍合力夾擊將此股就地殄盡毋令

竄入豫鄂喬松年奏覆辦理撫回情形一摺

頗為有見著俟左宗棠到陝後妥商籌辦原

摺著鈔給左宗棠閱看將此由六百里各諭

令知之○又諭據楊岳斌奏稱楚軍糧臺欠

發餉銀並動借商民司庫等項為數甚鉅請

將穆圖善未到署任以前各省具報起程協

甘餉銀仍歸楚軍糧臺覈收以清欠款內有

應撥甯夏軍營月餉仍照舊撥解等語楚軍

欠墊各餉固應清還若如楊岳斌所請將已

報起程者皆作舊餉豈穆圖善帶兵赴省皆

可枵腹從事乎所奏殊屬非是甘省地方瘠

苦籌餉不易所有該署督未到任以前已報

起程協餉著仍飭總理糧臺司道通融妥辦

如楚軍釀成別故惟楊岳斌是問穆圖善於

到任後斟酌情形妥籌支發毋稍偏袒將此

由五百里各諭令知之○又諭喬松年奏請飭催礮斤等語陝省礮斤短絀專恃晉豫兩省按月協濟現在截至本年三月止豫省共欠解淨礮八萬斤晉省共欠解淨礮四萬斤實屬遲逾太甚陝省需用礮斤萬分緊急著李鶴年趙長齡即將欠解之數趕為兼程撥解以後並須按照月協五千斤之數源源籌濟毋再宕延將此由五百里各諭令知之○又諭榮全奏起運軍餉被俄官阻滯並索倫人口逃入俄界一摺客帕兒所解餉銀俄官庫必那圖爾雖阻止前進亦係慎重之見此時是否解到抑應扣留起解均著榮全酌量辦理續行逃出索倫男婦尚有千餘名之多在俄境逗遛聞之深為軫念索倫勁旅從前效力最多豈可令其流離失所著榮全於赴俄國商辦事宜時將前此逃出及此次續行逃赴俄國之索倫男婦厚給川貲設法護送至烏科兩城妥為撫恤斷不可吝惜小費致

令再受困苦此事朝廷夙夜在念若不趁此積雪融化之時趕緊接出則此後更難行走諒榮全定能仰體辦理也另片奏請將訥勤圖等獎勵等語前鋒訥勤圖烏仁泰由斜米赴烏垣正值嚴寒之際不辭辛苦跋涉越嶺甚堪嘉尚訥勤圖烏仁泰均著賞加六品頂帶以昭激勸將此由六百里諭令知之○西安將軍庫克吉泰等奏鑲紅旗蒙古副都統西蒙克西克傷病未痊請開缺回旗調理允之○以勦賊奮勉免陝西軍營已革總兵官郭寶昌遣戍○以甘肅涼州全境肅清予署總兵官楊占鼐優敘復已革記名提督總兵官傅先宗職餘升敘有差○以甘肅張家川等處勦匪出力賞提督彭楚漢一品封典副將傅仁清鄧德祥參將陳德榮遊擊王正耀裘德成黃洪魁巴圖魯名號副將向良啟等花翎通判鄧維鈺等藍翎餘加銜升敘有差○庚申以神靈顯應加浙江紹興府三江腠

湯神封號曰孚惠。莫神封號曰靈應。並頒扁額曰神功永賴。○諭內閣庫克吉泰、喬松年奏：德興阿請假回旗穿孝等語。現在左宗棠將次督軍抵陝，德興阿著賞假百日。回黑龍江本旗補行穿孝。西安軍營所撤傷病官兵，卽著帶回。並著假滿後，會同黑龍江將軍挑選精銳督帶赴營，以資得力。○予河南各屬陣亡殉難練長魏昌銘等男婦五百二十八名口分別旌卹如例。並予建祠。○旌表盡孝

守節署塔爾巴哈台參贊大臣德興阿、母烏里蘇氏。○辛酉諭內閣：前據劉坤一奏，江西南昌府同知慶麟，右具疏庸，不知振作。當經降旨勒令休致。茲據吏部奏據慶麟呈稱：該員於上年九月經劉坤一將其前在通判任內保薦卓異，並十年俸滿題升同知。保升知府。併案給咨送部引見。且出具心地明白辦事謹慎考語。現在正當赴部驗到。忽又以才具疏庸，不知振作。奏參勒休。無所適從。不甘

廢棄等語。劉坤一於慶麟一員何以保劾考語前後兩歧？著曾國藩、劉坤一將該員所呈各情詳細查明，據實覆奏，不得稍涉迴護。○又諭張凱嵩奏遵旨保舉循吏，以備簡用一摺。廣西補用知府興福、臨桂縣知縣鹿傳霖、懷遠縣知縣李猶龍均著俟地方軍務稍鬆及經手事竣，卽行送部引見。○又諭張凱嵩奏臚舉伏處賢才，請旨獎勵一摺。廣西在籍刑部主事鄭獻甫孝友廉潔，守正不阿，平樂

府教授陳鑑砥礪廉隅，澹泊明志，洵屬一方耆彥，足為士民取法。鄭獻甫著賞給五品卿銜，陳鑑著賞給員外郎銜，以勵潛修而資觀感。○諭軍機大臣等：有人奏練馬隊重賞格防要隘，保完善四策，所見不無可採。湘淮各軍亟應精練馬隊，或於東三省將弁中查明傷病回籍曾經得力之員，咨商各該將軍等調取來營，以資教練。各路軍營糧臺並著設立買馬局，就近收買民間馬匹，惟不得抑勒

留難轉致擾害。嗣後奪獲賊馬。著各路軍營覈實稽查。除兵勇自願留備乘騎外。餘悉給價歸官。增入馬隊。以免仍充逆騎。賴牛任張等逆。能否重懸賞格。以期迅速殲渠。著曾國藩等妥籌辦理。毋惜小費。逆騎飛竄靡常。李鴻章等均當嚴密布置。合力兜圍。山西河防尤為緊要。著左宗棠趙長齡督飭陳湜認真辦理。並催陳膺福等迅速募勇赴防。其防河各員。應否就近歸陳湜調度。著左宗棠趙長齡妥籌具奏。原件著鈔給閱看。將此由六百里各諭令知之。○又諭李鶴年奏任賴股匪。由新野北竄。官軍追及獲勝。張逆擾至藍鄆。將由臨渭回竄豫省。並探賊蹤已至襄許各摺片。任賴等逆。由新鄧北竄。襄葉許州已見賊蹤。李鶴年現駐許境。著就現有兵力。並張曜新練之軍。擇其可用者。嚴加防範。不可稍有挫失。致損軍威。尤須防其竄撲省城之路。省城防務。著督同卞寶第李宗燾等妥為籌

辦。仍飭宋慶馬德昭等軍。繞前截擊。毋任蔓延。李鴻章現在周口。著督飭湘淮各軍。前截後追。力求制勝之法。並著英翰督兵出境防勦。毋分畛域。以免闌入皖境。蘭考等處。為該逆竄擾熟徑。恐一撲犯。則直東河防。均形喫緊。著劉長佑督飭張樹聲趕緊赴防。認真籌辦。丁寶楨已至防所。著卽擇要駐紮。毋任一賊偷渡。張逆由藍鄆竄臨渭。左宗棠帶兵由潼關入秦。正可迎頭截勦。並著喬松年督同劉松山郭寶昌等軍追擊。先滅此股。毋任竄出。與任賴等股復合。致辦理又形棘手。將此由六百里各諭令知之。○又諭富明阿奏前撥餉銀。請飭迅解一摺。據稱招募礮手赴陝。前准戶部已由協甘項下撥解吉林銀七萬兩。現在礮手募有成數。而逐日口食。及各外城所領口糧需用甚鉅。無款可籌。請飭催順天府迅將部撥餉銀轉解到吉。以備支發。口食辦理軍械等語。此項銀兩已據戶部發交

順天府轉解。而吉林又待用孔殷。著萬青藜、胡肇智迅委妥員。悉數起解。仍一面報明戶部。並著都興阿即日派員迎提。於餉銀到時。迅為轉解。毋稍遷延。富明阿、富爾孫務當嚴飭富成阿等。將此項礮手趕緊訓練。催集成軍。一俟餉銀解到。即行置辦軍械。分飭起程。以資攻剿。將此各諭令知之。○陝西巡撫喬松年奏軍務未平。本年查閱營伍。請暫緩舉行。從之。○命協辦大學士兩江總督曾國藩

為大學士。四川總督駱秉章協辦大學士。○追予河南各屬陣亡殉難紳民婦女一千九十一名口。分別旌卹如例。○壬戌諭內閣。瑞常等奏請將解交剝船延誤之州縣懲處等語。直隸各州縣失修缺額剝船二百九十餘隻。本應照數賠補。以備由津運通之用。嗣經倉場侍郎飭令各州縣雇備民船抵補。俾資輪轉。原係通融辦理。乃本年各該州縣於應交剝船報解寥寥。疊經瑞常等勒限嚴催。竟

未能如數解齊。甚至有一船未解者。實屬任意延誤。玩泄已極。現值運務喫緊之際。豈容各該州縣飾詞諉卸。著吏部將單開未交各員。按照已未完數目。先照徵解錢糧未完例。分別從嚴議處。以示懲儆。仍著瑞常等嚴檄催提。儻敢仍前玩視。即著咨明直隸總督。將該員撤任嚴叅。毋稍姑息。○諭軍機大臣等。前據張亮基奏請於可靠省分。比照原定月餉減半指撥各等語。當令戶部速議具奏。茲

據戶部奏稱該署撫原定月餉內除節次停減外。尚有湖北四川各月協二萬兩。湖南廣東各月協一萬兩。趙德光營內另有四川應解月餉三萬兩。湖南應解月餉一萬兩。共計十萬兩。即使停止釐穀亦足敷採買軍糧之用。至二月間所撥四川湖南各五萬兩款目。係屬重複。應請免其加解各等語。黔省地瘠餉絀。本係實在情形。各省應解餉項。經此次部定數目。自當按月籌解。以濟急需。著駱秉

章瑞麟李瀚章曾國荃劉崑蔣益澧督同藩司按照部定數目將四川月餉共五萬兩湖南月餉共二萬兩湖北月餉二萬兩廣東月餉一萬兩按月源源報解如有短欠延誤卽由該署撫查明各該藩司職名奏請懲處將此由五百里各諭令知之○追予廣西各屬殉難紳民婦女一萬一千一百一名口分別旌卹如例○緩徵安徽懷甯桐城潛山太湖宿松望江歙貴池銅陵建德東流當塗蕪湖繁昌無為合肥舒城廬江巢靈璧定遠阜陽太和潁上霍邱和含山泗天長二十九州縣被水被旱地方上年額賦

大清穆宗繼天開運受中居正保大定功聖智誠孝信敏恭寬毅皇帝實錄卷之二百二

大清穆宗繼天開運受中居正保大定功聖智
誠孝信敏恭寬毅皇帝實錄卷之二百三

臣等

同治六年丁卯五月癸亥諭軍機大臣等兆

琛奏官軍各路獲勝並布置楚防情形一摺
兆琛一軍自躡平寨頭附近各寨後將清江
援賊及另股攻圍馬鬣嶺民屯苗逆分路擊
退並將燕溝洞等處賊壘攻克其撲犯長吉
等處賊匪復疊被官軍擊敗李元度一軍亦
進逼荊竹園老巢屢挫賊鋒並攻克招降河
西各寨周洪印一軍將竄擾靖城附近地方
苗匪擊敗分扼邊隘辦理均尚得手著兆琛
督飭諸軍分路防剿並令李元度先將河西

肅清以便併力攻拔荊竹園老巢疏通黔省
東路張亮基亦當派兵由上游而下與楚軍
會合夾擊以期迅掃妖氛並著劉崐將沅晃
靖一帶要隘嚴防以固楚省腹地仍遵奉前
旨飭令席寶田速募楚勇成軍前往黔疆接
替兆琛將此由五百里諭知劉崐張亮基並
傳諭兆琛知之○綏遠城將軍福興等奏請
將採辦軍駝及辦理北路軍餉出力各員獎
敘得旨興奎等採辦駝隻等事均係分所應
辦何得率請獎敘著不准行○補鑄阿勒楚
喀正黃旗佐領管倉監督拉林右司協領正
白鑲白兩旗佐領江甯駐防八旗佐領各關
防圖記從將軍富明阿魁玉請也○予貴州
寨頭陣亡參將王華廷等十七員祭葬世職
加等○予貴州清溪等處被戕知州何琳等
祭葬世職○甲子諭內閣裕瑞奏請將私徵
把持之牧羣各員分別懲辦並將動用裁汰
各款開單呈覽一摺據稱牛羊羣左翼遊牧

內有鹵池六處。其產鹵係該羣眾蒙古人等
埽收。設有官商承售。道光年間。奏定鹵價銀
數。咸豐二年。因雨淮息銀不能徵解。將向來
私徵銀兩。提為辦公。自九年抽起。至今均無
異詞。去冬牛羊羣副總管扎克都爾聲稱。驚
鹵眾人呈請免抽。當派員外郎惠昌前往詳
查。實係該處各官員謀利把持。其蒙古人具
呈等情。並無其事。現經究訊明確。請旨將副
總管等官分別革職議處等語。此案牛羊羣

左翼副總管扎克都爾膽敢私徵罔利。捏詞
嘗試。實屬有玷官箴。扎克都爾著即行革職。
其通同謀利之固山達察克都爾扎普齊巴
克扎普委固山達曼達濟爾胡德沁彭蘇克
索諾木多爾濟巴圖鄂齊爾額外委固山達
阿爾塔什迪布彥德勒格爾等八員。均著一
併革職。牧長泳隆默濟格僧額托果齊察罕
布彥達米林瑪哈濟爾迪巴圖克什克瑪哈
巴勒阿爾薩朗巴朗濟里克多普端鄂勒哲

依多普端等十三員。亦著即行革職。牛羊羣
總管達米林扎普於所管轄之事。並不先行
揭報。著交部議處。印房直年主事文榮於未
經奏明之項。任意開銷。亦著交部議處。印房
直年筆帖式祥祿蒙古翼驍騎校庫穆吉泰
隨同附和。著一併交部議處。貼寫筆帖式阿
拉普散貼寫鄂齊爾巴圖均著即行斥革。此
項鹵價。試辦已有起色。茲復據該都統等奏
稱。眾所樂從。自應照舊抽收。以資辦公。該都
統等務當嚴飭經手各員。認真承辦。如查有
從前情弊。即著隨時查叅。並著妥議章程。徧
行曉諭。以杜侵漁。其單開之報銷各款。及裁
減各條。尚屬周妥。均著照所請行。○以大理
寺少卿王維珍為福建鄉試正考官。翰林院
侍讀學士鄂芳為副考官。內閣學士銘安為
廣東鄉試正考官。翰林院侍讀學士馬恩溥
為副考官。侍講學士錢寶廉為廣西鄉試正
考官。掌山西道御史王師曾為副考官。○乙

丑遣官祭

開帝廟。○諭軍機大臣等。富明阿等奏遵旨安插完金流民。藐法不逞之徒。派兵夾擊。改設守山卡倫各一摺。葦沙河金夫。其安分畏法者。經協領那斯洪阿等親率該佃民。均赴木齊河樺樹林子一帶安插。撥給地二千三百餘晌。所撥之地。過三年後。另行追繳。遊民私墾盜種地三千九百餘晌。一併歸入節年開荒案內。報部作正支銷。均著照所請行。富明阿等於此項各事宜。務當實心經理。毋得有名無實。致令別滋事端。其甯古塔琿春謀逆之匪。現俱零星散匿。並著富明阿等檄飭派出官兵嚴密搜捕。務絕根株。此次那斯洪阿等隨帶之筆帖式等。准其於彙保案內擇尤請獎。毋許冒濫。該將軍等以今昔形勢不同。擬將守山卡倫擇要改設。卽著照所議妥為辦理。圖留覽。將此各諭令知之。○又諭李鴻章奏捻股由南陽奔竄東北。勢將由汴入

東。現調各軍追剿。李鶴年奏賊竄新鄭東北。省防河防喫重。各一摺。賊由鄧州唐泌等處奔竄。劉銘傳周盛波等追擊。各獲勝仗。該逆近偪許州。復經李鶴年派張曜出隊攔擊。現由洧川尉氏竄中牟一帶。據擒獲賊供。賴李兩逆。本圖竄陝。因鄆城梁山寨有土匪勾引。欲速赴東裝旗。李鴻章現令劉銘傳一軍屯紮曹單。察度合圍。刻下河水乾涸。礮船無所施展。著李鴻章督飭潘鼎新緊躡賊蹤。與運防水陸各營。妥籌策應。丁寶楨諒已到防。著卽將鄆滕等處。速籌布置。鄆城土匪。著派兵先事查拏。以免勾結為患。江境運河亦涸。恐賊乘虛下竄。著曾國藩令黃翼升迅率礮船馳赴清江徐州一帶。會督水陸各軍嚴密巡防。以期有備無患。李鴻章仍當催令沈宏富劉秉璋等相機進發。力圖制勝。該大臣應赴何路調度。卽行酌度移營。不為遙制。賊蹤現在中鄭。其地濱臨黃河。偪近省會。李鶴年已

令宋慶跟剿。令張曜由洮尉一路繞出賊前。悉力扼截。均尚妥協。著卽督飭諸軍認真遏截。痛挫兇鋒。省城防務。著督飭藩臬兩司妥為經理。不可稍涉大意。開東去賊不遠。著劉長佑催令張樹聲趕緊赴大名一帶督辦防務。該督撫等均須振刷精神。力籌堵禦之方。儻任滋擾完善。惟該督撫等是問。將此由六百里各諭令知之。○丙寅。諭內閣。本年春夏以來。雨澤愆期。久形亢旱。疊經降旨祈禱。雖經得雨。尚未深透。現在節近夏至。農田望澤彌殷。睹茲風燥日炎。殊深憂懼。因思在京問刑各衙門。往往於現審案件。延宕時日。未能清結。以致無辜被累之人。久羈囹圄。湮鬱莫伸。因而斃命。實足以傷天和。著刑部步軍統領順天府各衙門。將現辦各案。趕緊清釐。如有待質應訊之人。飭司坊各官取保後迅速傳訊。次第結案。不准稍有積壓拖累。以消災沴而迓和甘。○諭軍機大臣等。龐鍾璐奏。豫

籌荒政。並陳管見十條一摺。直隸為畿輔重地。正定以南。雖形亢旱。而春間曾得雪澤。農田尚可播種。自保定以北。冬雪既少。近來日炎風燥。朕屢虔誠祈禱。尚未渥沛甘霖。焦灼之懷。形諸寤寐。龐鍾璐所陳救荒之策。自宜及早綢繆。免致小民失所。著萬青藜胡肇智劉長佑體察情形。或開倉出糶。或以工代賑。或多設粥廠。或勸捐接濟。卽著妥籌奏聞。務使小民得有實惠。不至轉死溝壑。以副視民如傷之隱。原摺單均著鈔給閱看。將此各諭令知之。○以正白旗蒙古都統官文署鑲白旗蒙古都統。○丁卯。諭內閣。前因已故額駙奈曼郡王德木楚克扎布之侍妾等呈控新襲郡王薩哈拉倚仗王勢。安心陷害等情。當派肅親王華豐尚書寶馨會同刑部秉公審訊。茲據奏稱傳集人證。取具供詞。片行理藩院轉飭薩哈拉據實登覆。乃薩哈拉前後所遞供詞兩歧。自相矛盾。請飭傳訊等語。奈曼

郡王薩哈拉於案內訊出各節呈遞親供既屬前後兩歧自非當面質訊難成信讞薩哈拉著先行開去御前行走差使聽候傳訊尋華豐等奏遵查薩哈拉未能養贍父妾致啟爭端本有不合惟訊無倚勢陷害別情且到案卽據供稱願將產業分給養贍情尚可原請免置議至前後供詞本有歧異之處理藩院司員齡昌於譯漢時刪去二字係屬誤會無關弊竇業經該衙門奏參議處應免傳訊

從之○諭軍機大臣等丁寶楨奏捻股竄入東境力籌防剿一摺捻蹤剽疾異常已由考城晝夜潛奔竄至曹州及鄆鉅境內志在搶渡運河圖擾東府現在運河水勢淺狹情形喫重著丁寶楨督飭現有兵勇嚴密扼守隄牆毋任竄越南陽湖水乾涸新店新牆及谷亭一帶防務更為緊要丁寶楨雖經分調陳錫周等各營分紮仍慮兵力單薄著李鴻章迅檄劉銘傳潘鼎新等軍星夜兼程馳援東

境毋稍延緩黃河水勢雖漲防堵不可不密著劉長佑丁寶楨李鶴年各飭水陸文武嚴密巡防不可稍涉大意蘇廷魁亦當督率河標兵弁一體助守毋得置身事外將此由六百里各諭令知之○又諭張凱嵩奏慶遠官軍越境攻克苗寨收復荔波縣城一摺此次慶遠官軍擊敗黔苗乘勝進攻荔波收復縣城勦辦尚屬奮勉其尤為出力將弁著張凱嵩酌保數員以示獎勵毋稍冒濫粵軍遠駐

黔境糧運難繼自係實情張亮基責任封圻卽不能派兵會剿迨客軍越境收復又復置之不問疆臣職守之謂何著卽抽調勁旅赴荔夾剿妥籌善後不得以兵單餉絀徒知諉過於人巧為掩飾吳昌壽計日當可到任並著嚴飭各軍無分畛域總以地方為重不可稍有推諉該督撫等功罪所在朝廷自能洞鑒也勉之將此由五百里諭知張凱嵩張亮基並傳諭吳昌壽知之○江西巡撫劉坤一

奏拏獲義甯州起事紅蓮教匪首李觀芬等。得旨著卽督飭地方文武各官迅速擒捕。不准一名漏網。並著兩湖督撫一體嚴密緝拏。務期悉數就擒。盡法懲治。以絕根株。○署湖廣總督譚廷襄奏挑選綠營精壯官兵。仿照直隸章程紮營教練。得旨著咨明李瀚章認真訓練。不准日久生懈。以期悉成勁旅。○陝西巡撫喬松年奏軍務未靖。請將補行壬戌甲子及本年鄉試仍展限舉行。從之。○以鑲藍旗滿洲護軍參領璟德為正紅旗漢軍副都統。○以原任西安將軍多隆阿捐輸軍餉。永廣順天鄉試滿洲蒙古中額一名。京旗滿洲蒙古學額十名。○予陝西軍營病故正紅旗漢軍副都統塔爾巴哈台參贊大臣德興阿祭葬卹蔭加等。諡威恪。○予江西各屬陣亡殉難附生吳際隆等紳民婦女八百二十八名口分別旌卹如例。○戊辰諭內閣候補內閣侍讀學士鍾佩賢奏元早日久。請飭廷

臣直言極諫。以資修省。一摺。本年自春徂夏。雨澤愆期。屢經設壇祈禱。昨又降旨清理庶獄。連日陰雲密布。尚未渥沛甘霖。自係朝廷數政未能悉當。著在廷滿漢言事諸臣。於時政得失。盡心獻替。毋循故常。毋避忌諱。期於國計民生。兩有裨益。至摺內所稱夏同善諫幸惇親王府。諭旨稱循舊章以折之。倭仁諫設同文館。諭旨令酌保數人另立一館。以難之等語。似該員於此二事。尚未深悉。溯查從前詣近支王等府第。神殿前行禮。事非一次。本有成案可循。初非創為此說。以折夏同善也。朝廷於夏同善所陳風聞傳集。黎園之事。惇親王並未奏聞。經該員陳奏。立降諭旨撤去。何嘗不虛懷納諫。至倭仁請罷同文館招考天文算學一摺。朝廷亦因摺內有天下之大。不患無才之語。或者該大學士確有所知。故令酌保數員。擇地設館。嗣因倭仁奏意中並無其人。不敢妄保。卽

諭以隨時諮訪並未強其所難至倭仁所奏亦係因公起見惟於總理各國事務衙門籌辦情形未能詳悉故特派令在該衙門行走俾互相斟酌共濟時艱倭仁於拜命後旋因病請假並請開缺屢次賞假調理冀其趕緊就瘥用資倚畀豈有以此難之之理總之臣工有所敷陳必當詳覈事實方能於事有濟固不可苟為容悅緘默自安亦不得見好沽名藉端嘗試爾大小臣工嗣後務當精白乃

心共圖匡弼以期君臣交儆感召

天和實有厚望焉鍾佩賢片奏宮廷費用稍廣傳取稍多較前數年增至一倍等語著總管內務府大臣隨時查覈一切用款酌從刪減以崇節儉○又諭前因純堪奏參司員龍光辦事荒謬載鋼景霖均未會銜當諭令載鋼景霖會同純堪據實具奏茲據載鋼等會查覆奏此案載鋼面委郎中龍光清查官當並准其私帶平民白天瑞等前往又不與純

堪等商酌辦理實屬輕率純堪以龍光辦事荒謬具摺奏參既知係應行會銜具奏之件並不將奏底與載鋼等商閱亦有不合均著交宗人府議處景霖於載鋼面委龍光清查一事隨聲附和亦屬非是並著交部察議郎中龍光將當務帳本攜至私宅並帶該當辭出之人以致物議沸騰且於所遞稟帖一件呈銷自便實屬任意妄為著交部議處○予因公淹歿江西典史胡紹寅祭葬卹廕○予

已

上復詣

大高殿祈雨壇行禮○遣惇親王奕誼恭祀

天神壇恭親王奕訢恭祀

地祇壇鍾郡王奕詒恭祀

太歲壇睿親王德長詣

闕帝廟鄭親王承志詣

城隍廟惠郡王奕詳詣

時應宮禮親王世鐸詣

昭顯廟貝勒載治詣

宣仁廟豫親王義道詣

凝和廟肅親王華豐詣

覺生寺怡親王載敦詣

黑龍潭賽因諾顏親王達爾瑪詣密雲縣

白龍潭拈香○諭內閣前因京師入春以來

糧價昂貴貧民覓食維艱疊經降旨將普濟

堂功德林二處粥廠從清明後展限兩箇月

五城十五飯廠於三月十二日後展限兩箇

月現值青黃不接雨澤愆期小民苦累情形

尤為可憫自應加恩調劑以恤窮黎所有五

城十五廠及普濟堂功德林等處均著加恩

按照前限再行展限兩箇月即著戶部趕緊

籌款發交五城御史接辦該御史等務當督

率司坊各員認真稽查俾小民均霑實惠如

查有胥吏等從中私易米石剋扣侵漁著即

從嚴懲辦其長椿寺等處粥廠並著各該御

史會同各紳士寬籌經費妥為施放至內城

地面並六城門外應如何開設粥廠接濟民

食之處著順天府府尹察看情形迅速具奏

候旨施恩○諭軍機大臣等丁寶楨奏賊眾

搶撲運河現由汶上進剿並嚴布黃防一摺

捻蹤由豫入東從鄆城梁山間道直撲沈口

官軍鏖戰不支該逆於戴廟水涸處衝突過

河分為兩股一股屯踞戴廟一股屯踞三里

莊省防喫重丁寶楨已帶王正起等營由汶

上一路迎截著即催調王成謙等合力追剿

力顧省防東昌張秋等處黃防著即嚴飭龔

易圖等認真防範並飭濱黃各州縣嚴查渡

口將船隻盡行提歸北岸以杜北竄倘有疏

失即以軍法從事丁寶楨於運河防務未能

得力雖因河水旱涸究屬籌策無方著交部

嚴加議處總兵王心安著即革職暫免治罪

仍留營效力以觀後效倘再不知愧奮即行

從嚴叅辦都司朱萬美於認守地段不能遏賊致壞全局著卽於軍前正法以昭炯戒其餘陣亡文武員弁著丁寶楨查明具奏李鴻章仍駐周口鞭長莫及著卽移營東境擇要駐紮居中調度劉銘傳潘鼎新等軍均落賊後著該大臣卽行催令迅速赴東力圖勦辦徐州一帶防務著飛咨曾國藩張之萬速調黃翼升到防以資得力宋國永等一時既不能西進著卽酌量檄調並於河南防軍內嚴飭布置以防回竄劉長佑現在已否回省著卽飭令張樹聲專辦大名一帶防務河間景州等處為直東往來要道著督同唐訓方挑兵赴防毋稍延誤並著崇厚將天津洋槍隊挑選精銳並籌度就近可調之兵聽候諭旨調遣由該侍郎督帶防勦劉長佑崇厚均當多發偵探妥慎籌備毋稍大意將此由六百里加緊各諭令知之尋吏部議丁寶楨應照不應重公罪降二級留任例上加等降三級

留任不准抵銷從之○以甘肅涼州等處勦匪出力賞都司錢魁元等花翎知縣孫有鐸等藍翎餘升敘開復有差○庚午上以夏至祭

地於

方澤自是日始齋戒三日○辛未

上詣

皇史宬

文宗顯皇帝實錄

聖訓前行禮○諭內閣宗人府奏審明載燾等呈訴莊親王府欠分租銀請旨辦理一摺莊親王府前於道光十八年間因長房養贍無資奏定每月分給奕劻等五房藍甲五十副每年撥給地租銀五千兩欽奉

宣宗成皇帝諭旨允准嗣因該王府租項未能催齊以致歷年短給乃載燾等並不依據情理輒敢任意肆言不知檢束情殊可惡宗人府請將載燾等分別議處懲責猶不足以蔽

辜。奉恩將軍載察效力筆帖式載雕載雕學長筆帖式綿杰均著卽行革職交宗人府與閒散宗室載燾載納一併從重板責以示懲儆。惟該王府因欠分租銀屢被控訴實乖敦睦之誼卽著遵照道光年間奏定數目每月撥給藍甲五十副並著莊親王奕仁照原分五千兩租銀地畝兌給載燾等五房自行催取租銀呈報該衙門存案以息訟端而昭和協。○諭軍機大臣等有人奏江蘇長洲令蒯德樸於部定漕糧折價浮收甚多與已革漕書徐海珊結拜師生與徐佩璠結為兄弟種種庇護各等語該縣為省會首邑瘡痍之後正當竭力撫恤培養元氣若如所參各情培克聚斂無所不至何以重民命而肅官常著曾國藩郭柏蔭按照所參各款徹底查明據實覆奏原片著鈔給閱看將此各諭令知之。○又諭左宗棠奏督軍分道入關一摺劉典唐協和等軍與鮑超所部在鄂省分路擊賊

左宗棠亦親為策應將賊疊次擊敗偪出鄂境現在逆股業已竄至東境左宗棠正可迅速入關專辦張總愚一股該匪屢為陝軍痛挫逆蹤已衰左宗棠入關後與劉松山等軍會合夾擊務將此股就地殄除不可令其竄入鄂豫又成蔓延不了之局昨據庫克吉泰等奏稱捻匪被官軍在附省一帶擊敗又復渡渭北竄逆騎飄忽異常劉典一軍仍當由荊子關趨赴藍田以防陝捻回竄武關之路毋稍大意另片奏覆陳勦撫回匪事宜與喬松年前奏大略相同回民亦係朝廷赤子斷無盡行誅戮之理惟其中積悍匪徒必先勦盡始可將良回分別招撫尤須另籌曠土妥為安插毋令與漢民構釁方可久安所稱責令良回縛獻逆回並令其導引官兵尋蹤勦捕俾漢民稍蠲夙忿之處辦理頗合機宜著俟入關時與喬松年妥商籌辦將此由六百里各諭令知之。○又諭玉通奏籌款撥發蒙

古俸銀請飭山西將未解俸銀迅速解湟並
番賊擾害蒙古各摺片青海蒙古王公貝勒
等應領俸銀積欠至三年之久該處疊次被
匪滋擾蒙古生計維艱若不將積欠俸銀量
為籌發不足以示體恤所有由晉領到餉銀
一萬五千兩除歸還商民借款等項外下餘
銀一萬八百兩即著照玉通所請先提銀九
千一百兩暫為墊發該蒙古王公等一年全
俸以資餬口所餘銀兩著俟山西湊借一年

全俸銀兩解到時再行湊還提借等項如有
不敷俟續請撥餉再為歸款據玉通奏稱山
西湊借一年全俸銀九千一百兩接准山西
巡撫來咨已於上年二月委員解赴歸綏道
衙門轉解何以至今尚未解到著趙長齡查
明行抵何處飭令迅速解往毋任延玩其餘
未解俸銀並著該撫隨時籌撥察漢諾們罕
旗番子逃往他受族番勾通外黨搶掠扎哈
細里地方傷斃蒙古台吉等多人實屬不法

已極著玉通嚴飭該鎮道廳營暨該盟長等
認真躡緝務獲究辦毋稍寬縱將此由四百
里各諭令知之○又諭榮全奏籌畫安插索
倫等眾並棍噶扎勒參欲赴俄國一摺索倫
蒙古人眾效力最久實為國家忠義世僕豈
可任其淪落異域前諭該參贊務當設法接
出斷不可吝惜小費現在烏里雅蘇台雖無
曠地可以安插或於接出後令其在科布多
暫住再酌量請旨以為安插之計棍噶扎勒

參欲赴俄國所論不為無見惟蒙古兵丁賴
其統帶此時李雲麟既不前進棍噶扎勒參
留為鎮撫著毋庸前往所有籌辦安插索倫
蒙古等眾事宜著榮全會商妥辦僅經費不
敷並著隨時奏聞將此由六百里諭令知之
○烏魯木齊提督成祿奏遵查安玉一帶現
無賊蹤哈密城池經巴里坤兵勇收復該逆
已返烏魯木齊故穴肅州賊勢愈蹙王仁和
一軍即令移紮近城西南聯絡合圍得旨肅

州賊勢既威著與王仁和一軍迅籌攻圍毋得日久淹滯○賞烏里雅蘇台參贊大臣貝勒錦丕勒多爾濟紫韁○添鑄吉林管庫主事鈐記補鑄福建漳州府經歷儒學龍溪縣知縣南靖縣永豐鎮巡檢各印信從署副都統富爾孫護巡撫周開錫請也○士申諭內閣工部左侍郎黃倬著照料鍾郡王讀書○諭軍機大臣等前據額勒和布等奏遊民私墾禁地呈請升科請飭集議並陳與將軍都興阿等籌商兩歧各摺片當派恭親王會同大學士六部九卿議奏並令奕榕會議茲據王大臣等奏稱盛京附近一帶沃壤荒山歷屆未敢輕議開墾而邊荒地闊防檢難周現在所墾地畝僅據何名慶等供稱已有數百萬畝此外尚不知凡幾必須徹底查究庶已墾之地可以覈實清釐未墾之地仍當示以限制請派王大臣前往會同察勘請旨辦理等語著派都興阿延煦額勒和布奕榕恩錫

揀派明白曉事熟悉情形之員逐一詳加察勘並著延煦恩錫奕榕進山查勘如果審時度勢不能不俯順輿情所有一切應辦事宜應如何詳定章程俟查勘覆奏到時再降諭旨其有關風水者仍當封禁不得妄議開墾至東界朝鮮地方有無窒礙自當妥籌撫綏俾該國猜疑悉泯著禮部行文該國告以遽行驅逐恐失業匪民轉致騷擾該國邊境且該國邊境民人亦難保無潛行越界私墾情事令其先行詳查或擬作何安插之處迅速覈覆一面俟延煦等查勘定議後再行酌度辦理都興阿等務當宣示朝廷格外恩施不咎其既往之愆仍予以謀生之路至該省歷任將軍及各部曾經查勘侍郎朝廷寬大之恩既概恕其失察此次查辦各員務須籌畫萬全嚴定章程加意防範以期一勞永逸並檢查吉林五常堡升科成案通盤籌畫朝鮮沿邊情形亦著就近察看具奏何名慶等四

人著帶同前往酌度妥辦原摺均著鈔給閱看將此各諭令知之○命候補庶子章鑒仍在上書房行走

實錄卷之三

二十五

大清穆宗繼天開運受中居正保大定功聖智誠孝信敏恭寬毅皇帝實錄卷之二百三

大清穆宗繼天開運受中居正保大定功聖智誠孝信敏恭寬毅皇帝實錄卷之二百四

教修

同治六年丁卯五月癸酉夏至地震○祭

地於

方澤遣定郡王溥煦恭代行禮○諭內閣上年擒逆自豫竄鄂疊經諭令李鴻章曾國荃督飭湘淮各軍及鄂省諸軍實力勦辦以期就地殄滅永靖捻氛乃該逆游弋於鄂之黃麻隨棗豫之南陽信羅一帶縱橫馳逐疊報勝仗日久無功本年五月間據山東河南各省奏報該逆長驅入豫歷葉縣襄城許州蘭考直竄山東遂由鄆鉅趨壽張一帶直撲運河

現復竄泰安甯陽等處漸逼省垣尚復成何事體各省疆吏及統兵大員平日所謂布置防勦者安在殊可痛恨賊至則堵禦無方賊去以出境為了事糜帑殃民迄無底止中原捻患何日可平耶除丁寶楨昨因河牆不守業經交部嚴加議處及認守地段之營員朱萬美令於軍前正法外湖北巡撫曾國荃著摘去頂戴與河南巡撫李鶴年一併先行交部議處以示薄懲其防勦不力以致該逆竄

逸各將弁著李鴻章查明奏李鴻章以欽差大臣督辦勦捻事宜時逾半載辦理毫無起色殊負朝廷委任著戴罪立功迅督諸軍馳赴山東會同勦洗務將此股全數撲滅儻再任賊縱橫毫無調度恐該大臣及該撫等均不能當此重咎也懍之尋吏部議曾國荃李鶴年均照不應重公罪例降二級留任事關軍務不准抵銷從之○諭軍機大臣等劉長佑奏遵飭臬司赴防並籌辦河間景州防

務崇厚奏遵旨挑兵備調丁寶楨奏捻逆渡運東竄分股牽掣經官軍勦除現大股竄近省垣督軍扼勦各一摺捻股竄擾汶上甯陽丁寶楨親督王成謙姚紹修等將賊之分股擊敗擒獲老賊多名悉行正法大股賊匪由東鄉夏張等處折回泰安現已竄近省城著丁寶楨親督各軍由肥城長清間道馳赴省城抄出賊前與王正起等軍前後夾擊毋稍疏失潘鼎新一軍人數不少前在洧尉一帶駐紮何以任賊竄過不聞扼截著卽星速馳赴省城實力勦洗以贖前愆儻再不知愧奮卽著李鴻章丁寶楨據實奏省城防務著丁寶楨督飭在省司道妥為辦理李鴻章現在已否移營前進該大臣到豫數月布置毫無殊負朝廷期望著卽督率各軍入東駐紮濟甯一帶妥籌調度賊如到泰安一路可以薄之於險如趨東三府卽當節節進逼驅之海濱就地殄除儻任渡黃北犯貽畿輔憂該

大臣等自問當得何罪。景州河間防務著劉長佑督同劉景芳唐訓方認真辦理如能防至張秋齊河。更為完密並著崇厚將天津所練洋槍隊酌調數百名。遣派妥員管帶。其春霖所帶二營在奉省備防本日已諭令都興阿迅飭春霖取道營口乘船從海道赴津著崇厚卽行催提到津。用資調遣如河防無警崇厚卽暫緩起程。仍隨時與劉長佑籌商辦法務臻周備。將此由六百里諭知李鴻章劉長佑崇厚丁寶楨並傳諭潘鼎新知之。又諭本日據崇厚奏籌辦南防請飭都興阿迅令春霖管帶前項槍隊弁兵。由奉回津等語天津新練四營甫經成軍此外就近營分實無可調現在奉天地面尚稱平靖自應移緩就急以資調遣所有備防奉省之通永鎮洋槍隊兵五百餘名及天津鎮五行陣兵五百餘名著都興阿迅將此項弁兵交署天津鎮總兵春霖管帶取道營口乘船從海道至天

津由崇厚隨時調撥毋稍遷延將此由五百里諭令知之。又諭李雲麟奏遵旨籌辦情形厄魯特毋庸派員管帶榮全不宜赴棍噶扎勒參軍營棍噶扎勒參奏請調榮全赴營並請賞假數月各摺片安置厄魯特游牧一節既據李雲麟奏稱勢難稍緩卽著照另摺籌辦情形妥為辦理至棍噶扎勒參西行後應如何節節布置之處並著悉心經畫計出萬全李雲麟於所陳各事宜務當實力舉辦毋得徒託空言致貽後患前經疊降諭旨令榮全籌辦安插索倫蒙古等眾事宜自未能再赴該喇嘛軍營棍噶扎勒參請調榮全會商一切之處暫毋庸議該喇嘛勇敢素著蒙兵正資統帶豈可再行請假著李雲麟傳知棍噶扎勒參欽遵諭旨奮勉圖功以副委任索倫人眾將來接回後應否前往巴哈會同防堵之處著李雲麟與榮全屆時會商辦理棍噶扎勒參所稱烏科二城所屬汗王貝勒

貝子公扎薩克等請特降諭旨令其幫同防禦奇古竄匪等語著李雲麟傳諭該汗王等同心守禦以固邊防如該汗王等著有勞績朝廷不難破格施恩以示鼓勵李雲麟當時加激勸俾切同仇烏科二城布置情形並著與棍噶扎勒參籌商妥辦將此由六百里諭令知之 安徽巡撫英翰奏擒逆由南陽新鄭一帶東竄派兵出境防勦得旨擒逆現擾山東甯陽一帶該省防務實未可鬆著卽嚴飭程文炳等軍相機進紮不准稍有疏虞該撫仍當隨時察看賊情妥籌進止 河南巡撫李鶴年奏任賴股匪疾竄出境現飭宋慶張曜扼守蘭考邊境添派精銳抵閭鄉防禦得旨擒蹤尚聚東境該撫務當督飭宋慶等嚴扼蘭考邊境以杜回竄如各將士防勦不力致該逆復擾豫疆惟該撫是問其閭鄉一路並著飭令段廣瀛等擇要嚴防毋稍疏懈 以正黃旗蒙古副都統英元署正白旗漢

軍副都統 予山東戴廟陣亡知縣周毓南祭葬世職加等附生劉鴻勳賞卹如例 甲戌賞一品廕生連奎二等侍衛在乾清門行走 以翰林院檢討王慶祺為湖南鄉試正考官編修畢保釐為副考官侍講學士孫毓汶為四川鄉試正考官編修李文田為副考官 乙亥 孝恭仁皇后忌辰遣官祭景陵 諭內閣曾國藩奏請獎隨營京員等語四品銜兵部候補員外郎王家璧在胡林翼及曾國藩營中襄理營務勞績頗著該員以甲辰進士分部因久在軍營差遣以致補缺遲滯殊不足以示鼓勵王家璧著以四五品京堂候補 諭軍機大臣等曾國藩奏陝擒勢將東竄請飭劉松山東還等語李鴻章奏東擒竄越隄牆移營調度情形一摺張總愚股匪屢為劉松山等軍痛勦悍賊死傷甚多又截其東竄出關之路該逆現復渡渭北遁

自應乘其衰弱。為就地殲除之計。左宗棠現已督軍分兩路入關。著即與陝省兵勇夾擊兜圍。迅將此股在陝殄盡。免致流入鄂豫。儻有餘匪竄出關中。即著庫克吉泰喬松年飭令劉松山跟蹤緊追。毋稍鬆勁。並著李鴻章一面分派鄂豫諸軍扼要堵擊。毋任與任賴等逆合併。至任賴等股現已竄至東省。搶過運河。攻陷隄牆。在防將士不能為一日之守。致誤大局。實堪痛恨。現在賊蹤已由泰安偪

近濟南。有東擾登萊青之勢。李鴻章當懍遵前諭。迅飭劉銘傳潘鼎新等軍速赴濟泰等處。與東省各軍合力勦辦。毋再延誤。張秋齊河等處河防。劉長佑丁寶楨均當懍遵前諭。嚴密堵禦。毋令賊蹤搶渡。其齊河以東至利津沿河北岸一帶。並著劉長佑崇厚迅速籌撥直軍出境堵扼。並著丁寶楨嚴檄武定各屬地方官激勵團練分段助守。南岸地方亦當迅籌防堵。以固河防。鹽河船隻速行提歸。

北岸以杜賊匪搶渡。登萊三面距海。賊如竄至。自可厚集兵力。步步進逼。就地殄滅。李鴻章現雖移紮歸德。著再擇要就近調度。毋諉為賊蹤飄忽。漫無籌畫。自干罪戾。淮徐一帶並著曾國藩嚴密堵扼。以防南竄。將此由六百里各諭令知之。又諭穆圖善奏抵省接印。並甘肅軍務地方情形及請飭金順隨營派道員總統諸軍各摺片。甘肅瘠苦情形。久

榮廕念穆圖善現署督篆。務當悉心經理。營官既無統領州縣懸缺。不補軍務地方。何由整頓。該署督任楊岳斌久病之後。當取其長而矯其失。不存成見。方能有益。前交查辦事件。並著持平辦理。金順素能辦事。著准其調赴省垣。所有甯夏將軍篆務。即著豐紳護理。豐紳所署副都統。並著三壽署理。道員蔣凝學久歷戎行。素為楊岳斌所任用。穆圖善派令總統諸軍。惟才是用。必可使屬員悅服。現在左宗棠到任。需時穆圖善務宜振刷精神。

竭力整飭以副委任將此由六百里諭令知之
又諭穆圖善奏甘省軍餉奇絀請將各省協餉變通辦理一摺甘肅楚勇軍餉前經楊岳斌奏定江甯江蘇江海關浙江湖北湖南江西廣東每月共應協銀十五萬五千兩自本年正月以前已經陝西糧臺截留四十餘萬兩歸還欠款現在甘軍糧餉兩絀替替待哺情形甚為迫切若再將三月以前援甘協餉截留陝臺必致譁潰堪虞著各該督撫將每月應協之餉源源撥解所有本年三月以前及續解餉銀仍由湖北徑解漢中交陳丕業經收轉解林壽圖不得擅行截留致誤大局惟前據左宗棠奏稱借用洋商銀一百二十萬兩自本年七月起分六箇月於各關稅項下撥還由各省將應解甘餉撥交各關是本年七月以後各省協甘之餉已歸左宗棠收款此後甘省軍餉左宗棠即當遵照前旨酌定數目按月撥給以資接濟又山西山

東河南各應協餉三十萬兩四川應協餉十三萬兩及河東道乙丑綱應解慶陽協餉十二萬兩各該省究竟解過若干河東乙丑綱應解蘭州協餉二十萬兩將次報解完竣何以並未解到丙寅綱應解蘭州協餉尚未報解實屬延緩著山西山東河南四川各督撫即飭查明數目將欠解之銀迅速撥解其山西山東河南三省及河東道協餉徑解甯夏糧臺四川省協餉徑解漢中糧臺均由穆圖善催提分撥至所奏陝軍在甘勦賊歸甘省撥餉甘軍在陝勦賊歸陝省撥餉即著照此辦理以清界限將此由五百里諭知兩江江蘇浙江湖北湖南江西廣東陝西甘肅山西山東河南四川各督撫並傳諭林壽圖知之○予故江蘇布政使劉卹膏祭葬卹廕加等予陝西渭河陣亡參將汪明理等祭葬世職加等予甘肅安定陣亡知縣多齡等祭葬世職加等丙子諭軍機大臣等張凱

嵩奏鎮安官軍分投攻勦同獲大捷首逆中
礮受創現在激勵各軍進勦一摺覃遠璉等
軍攻勦鎮安股匪自二月抵枯馮後疊次獲
勝逆首吳亞終親率悍黨來撲官軍奮力夾
攻吳逆受傷勢甚窮蹙著張凱嵩督飭覃遠
璉等乘勝進逼賊巢力圖攻克盡殲醜類毋
留遺孽吳昌壽早已由浙起身計可到粵張
凱嵩於交卸後卽當挑選精卒取道入滇毋
稍延緩將此由五百里諭令知之○署河東

河道總督蘇廷魁奏寇蹤奔突靡常滕嶧二
汎河道應挑工段仍請緩至冬令再行挑辦
得旨現在捻逆已竄過運河飄忽異常前曾
諭令妥籌助守著仍遵本月十五日諭旨督
率河標兵弁認真防堵不可稍有疏懈○以
廣西勦辦山澤逆匪出力賞提督鄭長希劉
能用一品封典同知趙沃遊擊龍得勝等花
翎州同陳國韜藍翎餘加銜升敘開復有差
○以廣西思恩等處勦平逆匪出力賞知府

劉楚英遊擊陳大鏞等花翎同知陸遠謨等
藍翎餘加銜升敘有差○丁丑諭內閣本年
天時亢旱節候已過夏至農田待澤孔殷屢
經開壇祈禱親詣

大高殿拈香並派惇親王奕誥等分詣

三壇虔祈雨澤雖蒙

昊貺得有甘霖仍未深透朕心兢惕宵旰難安
擇於二十九日恭祀

社稷壇虔申祈禱派恭親王奕訢恭代行禮朕

於是日仍親詣

大高殿拈香二十六日先期齋戒所有應行典
禮各該衙門卽照例敬謹豫備○又諭禮部
奏琉球國使臣呈稱該國王此次恭進方物
懇照歷年成案准予賞收免其留抵等語該
國王因恭謝御書扁額專遣使臣呈進方物
前經降旨准其留抵正貢原以昭體恤而示
懷柔今據該使臣等呈稱伊等臨行時該國
王諄屬懇請准予賞收免抵下次正貢具見

抒誠效惻肫懇可嘉著照所請此次所進方物准予賞收下次正貢屆期該國遣使來京時再當優加賞賚用昭柔惠遠藩至意該部卽傳諭該使臣令於回國時轉告該國王知之諭軍機大臣等都興阿奏帶兵大員被戕現在查辦及分撥隊伍撥獲餘匪各一摺記名副都統雙德在鳳凰城被戕身死顯有謀害情形著卽嚴飭該協領全順認真查辦務期水落石出不得含混了事奉省餘匪尚

多現經富和等所部防兵撥捕多名仍著都興阿督飭該副都統等四出撥緝但不得擾害平民致干重咎另片奏擬於興京等十四城挑派年力精壯閒散湊成一千名揀選教練俟演有成效卽將客兵陸續遣撤所奏尚屬可行卽著趕緊辦理所請將山海關扣收四成洋稅儘數提解來營之處礙難准行本日已諭知丁寶楨迅解奉省欠餉月餉著都興阿派員催提俟解到後遵照四月十七日

諭旨酌扣歸還將此諭令知之又諭前因都興阿奏山東欠解奉天客兵月餉當經諭令丁寶楨趕緊如數籌撥茲據都興阿奏擬於開原等處挑選年力精壯閒散一千名演練馬隊應需月餉仍由客兵協餉項下撥給惟現在客兵月餉不敷接濟四五兩月僅支一半山東撥款於上年十二月間委員守提半年之久始行解到銀一萬兩等語奉天為根本重地亟須挑齊閒散教演馬隊俾客兵得陸續遣撤山東應每月協解銀二萬兩蒂欠甚鉅著丁寶楨迅飭該藩司懍遵前旨嚴計欠餉若干每月應撥若干趕緊籌解源源接濟以應要需毋稍延緩將此由五百里諭令知之○又諭丁寶楨奏捻逆避兵東竄省垣安堵現在分路兜剿一摺東省逆匪竄近省垣因官軍防守嚴密乘間遁入章邱鄒平旋由新城迤北奔竄該處北路僅高苑博興兩縣此外多係河道該逆若自博興他竄必

由臨淄樂安逸出丁寶楨現在親督王成謙等軍擬繞出臨淄樂安豫伏其前令王正起等軍緊躡其後即著督飭各軍前截後追兩面夾擊毋令喘息惟賊勢甚眾東省兵力不敷勦辦丁寶楨雖已咨調劉銘傳一軍由莒州向穆陵關一路前進潘鼎新一軍由萊蕪向博山一路前進仍著李鴻章迅速催令該二軍趕緊進剿通力合作為一鼓聚殲之計東軍防守南岸勢難兼顧北岸應否將直隸

東南各鎮之兵盡數調赴河干以資厚集之處著劉長佑崇厚相機布置該逆剽疾異常非合數省兵力不能盡殲醜類各該省督撫務當不分畛域會籌殄滅之方不得以追賊出境為了事李鴻章專辦此股擒匪責無旁貸自當親臨前敵策應調度儻再任賊蔓延惟該大臣是問將此由六百里各諭令知之又諭張亮基奏賊匪闖入縣城旋經官軍擊退暨籌辦獨山荔波軍務情形各一摺安

平縣城於上年九月收復後未及修葺本年正二月間疊被逆首許大八賊黨楊大辯子等乘虛竄入均經官軍擊退該逆旋由間道復入縣城知縣喻正福等回援無及總兵趙德昌親督各軍分道進攻喻正福等亦各帶練團繼至斃賊無算遂於三月二十八日將縣城收復賊由北門逃出竄往清鎮安平交界地方此股賊匪雖經擊退未受大創該縣民稀地曠難保不去而復來著即嚴飭趙德

昌等會同提督謝景春一軍跟蹤窮追合力夾擊以期淨絕根株至荔波地方前據張凱嵩奏稱粵軍越境收復何以張亮基尚未知悉殊不可解著懍遵本月十五日諭旨迅飭派出員弁前往協剿並將善後事宜妥籌布置其獨山一帶賊股即著檄飭張樑各軍認真搜剿迅圖蕩事黎平荔波等處接連粵境賊蹤出沒靡常張亮基身任黔撫自當振刷精神激勵在事文武各官實力勦擊淨掃邊

氛母得勞師糜餉日以奏報籌辦情形希圖
搪塞也勉之將此由六百里諭令知之○補
行引見京察通政使司通政使桂豐得旨著
照舊供職○以內閣學士祥泰署禮部右侍
郎○以正黃旗蒙古副都統富明署鑲藍旗
滿洲副都統○以記名總兵官曾桂四為貴
州安義鎮總兵官○以貴州安平縣城被賊
竄陷旋即收復革署知縣通判喻正福千總
田金用等職免治罪仍留營○予貴州荔波
陣亡署知縣鍾毓材祭葬世職加等○戊寅
諭內閣前因順天直隸各地方久旱不雨農
業失時曾經諭令萬青黎胡肇智劉長佑等
妥議救荒章程奏明辦理現在節逾夏至尚
未渥沛甘霖民間播種無期災歉之形已見
夙夜焦勞寢食俱廢亟應速沛恩膏以救民
困著直隸總督順天府府尹卽飭所屬各地
方官清查戶口安插流民簡派公正紳耆妥
議賑恤章程剋期具奏應需帑項卽由戶部

頒發以供支放此外或以工代賑或多設粥
廠或就鄰封採買或開義社常平各倉以平
米價均著各就地方情形迅速酌量辦理該
總督府尹等務當督飭各地方官實力奉行
以副朝廷惻隱在抱之意儻有不肖州縣顛
預從事致吏胥侵漁中飽實惠不得及民卽
著照冒賑例嚴行懲辦毋許姑息其各屬應
徵各項錢糧及節年緩徵錢糧並著該督查
明奏請分別蠲緩○諭軍機大臣等有人奏
現在捻匪回竄山西東路甚為空虛宜豫為
布置等語晉省為捻所垂涎此時竄入東省
援軍跟蹤追剿難保不折而竄晉晉省西路
雖設嚴防東路尚未準備著趙長齡迅籌布
置不可以捻氛尚遠稍涉大意將此由四百
里諭令知之○又諭有人奏知縣信任門丁
營私枉法請旨查辦一摺據稱直隸懷柔縣
知縣陳斯槃信任門丁潘姓索取呈報黑地
使費勒索虧行商人指辦團練更換戶書無

不斂錢肥已甚至刦盜各案聞報不理各等語。知縣為親民之官。必須潔已愛民。方足以資治理。該知縣被叅各情。是否屬實。著萬青藜胡肇智查明具奏。毋稍隱飾。原摺著鈔給閱看。將此諭令知之。○又諭前因成祿奏請分撥月餉。當交戶部速議具奏。茲據戶部奏稱。前於議覆李雲麟條奏。將山西山東河南直隸已撥未解新疆專款。改作月餉共九萬五千兩。均由歸化轉運。將山西山東河南原

協該提督月餉。分別停撤。其專款內四川欠解銀十七萬兩。覈與歸化城道路較遠。撥令轉解。該提督作為未出關以前之餉。此外四川湖北陝西各按月數千。又四川按月一萬。並據李雲麟奏准。由該提督自行派員赴烏城古城提用。前定之新疆月餉九萬五千兩。未便再行分撥等語。成祿一軍圍攻肅州。正在喫緊。所稱協餉不足。自係實在情形。著駱秉章將原欠新疆專款。改歸該提督之十七

萬兩。無論何項。先行措解十萬兩。限兩箇月。派員解交該提督軍營。以資應用。其餘各省應解該提督月餉。均由戶部咨催源源報解。此外李雲麟奏准分撥之款。即由成祿自行派員迎提。成祿得此有著之款。即著激勵將士。剋期攻拔肅州。迅速出關。毋再遲延。將此由五百里各諭令知之。○又諭前因御史汪朝榮奏永平鹽務廢弛。請遴員試辦。官運當經諭令劉長佑妥議具奏。旋據劉長佑先後

奏稱。該處招商不易。請派員試辦五年。再行招商。並派專員緝私。以資整頓。均經降旨允准。茲據長善奏稱。永東鹽務廢弛已久。官民俱食民鹽。該處紳民聞上年有接辦永七引地之議。眾情惶惑。誠恐巡勇緝私。操之過急。販鹽者聞拏拒捕。聚為私梟。致生他變。現在臨榆等縣紳民情願仿照山東登萊青三府將鹽課攤於地畝。項下仍由地方官徵收。鈔具紳士公稟呈覽。並將辦鹽不便情形六條

詳悉縷陳此次試辦鹽課前據戶部奏稱該督摺內所陳該處委員每年所領緝私經費至一萬六千兩之多所交鹽課僅止一萬一千八百餘兩本屬得不償失試辦之後能否於額課外增加餘課該督尚無把握茲復據長善奏陳不便各弊患如繪卽著劉長佑細加體察籌議萬全不得迴護前議稍涉遷就長善原摺著鈔給劉長佑閱看將此各諭令知之○又諭張之萬奏捻逆搶渡運河直趨

東南清淮喫緊扼要嚴防一摺此次捻逆搶渡運河飄忽異常清淮地方自應嚴密堵剿前已諭令曾國藩派兵扼堵現在張之萬已飭總兵姚廣武等分紮順河集等處布置尚為妥協著卽嚴督各軍認真扼剿毋得稍有疏失惟徐海一帶無兵駐守著曾國藩迅卽派兵前往堵剿以期嚴密捻蹤現雖竄至鄰平以北距清淮較遠然難保不因勦南竄張之萬務當認真布置力保完善是為至要將

此由五百里各諭令知之○又諭左宗棠奏覆陳籌辦防剿情形一摺並富明阿等奏勇丁起程分赴東陝請飭沿途接濟口糧車輛各摺片陝省捻匪勢已窮蹙現復渡渭北竄左宗棠自應遵奉疊次諭旨迅速入關將此股就地殄除南山各峪口均與興漢可通尤當分兵堵扼以防捻匪折竄南山高連陞一軍著卽催令迅由鄖陽一路赴陝以備迎剿晉省河防仍著左宗棠妥籌兼顧所募礮手二千五百名現已據富明阿等奏稱如數募齊並勇丁自募長夫剋日起程每名雖給付五十日鹽糧而受募遠征亟應體恤著都興阿額勒和布恩錫劉長佑趙長齡飭令經過地方官量加接濟以利遄行其調赴山東之勇丁一千五百名餘丁一百五十名營官六十二員名並備差兵三十二名均著沿途經過之將軍府尹督撫等飭令地方官協濟車輛以速遄行需用車價准其作正開銷所需

勇丁整裝及留養銀兩卽著照富明阿等所議辦理原片一件著鈔給丁寶楨閱看將此由六百里各諭令知之○盛京刑部侍郎志和奏遵查集爾哈布於護理金州副都統時會同同知唐恩壽籌辦撫局於進省路費等款呈報未晰以致數目不符殊失詳慎均請交部議處穆錦管帶降勇所領餉需覈對尚屬相符惟疏防竄勇咎無可辭請開復革職仍交部嚴加議處喬有年隨同失察亦有不

合應請開復暫革主事仍交部議處從之○

以詹事府詹事廣壽翰林院侍講學士寶珣為內閣學士兼禮部侍郎銜

上以祈雨祭

社稷壇自是日始齋戒三日○己卯以神靈顯應加浙江溫州府楊府神封號曰福佑湖南長沙縣周真人封號曰普佑瞿真人封號曰溥護○諭內閣從來邇治之道必先祛除壅蔽未有實事求是而治不臻上理者也近來

各省大吏認真辦事者固不乏人而民情吏治未能將實在情形真切詳陳者在所不免徇私枉法更難保其必無至各路統兵大員捏報勝仗鋪張賊情濫保屬員虛開勇數相率效尤竟成積習其在京各衙門堂司各官循例供職苟且因循言官撫拾細故無裨實政中外如此何以救時難而召天和夙夜焦思彌深悚懼嗣後内外文武諸臣務當振刷精神痛除舊習毋得仍前泄沓以副朝廷實

事求是之誠於諸臣有厚望焉將此通諭知之○又諭昨據御史佛爾國春奏稱本年春間綿森等將收受湖北省餽送職名清單咨送刑部請飭查議茲據軍機大臣將刑部送到原單呈覽所開贈送各員川貲等項內如前任湖北主考顏宗儀等皆係出使人員藩司唐訓方等皆係地方大吏均各收受餽送何以綿森等未經分晰奏明辦理著綿森譚廷襄明白回奏佛爾國春原摺著發給閱看

其單內所開各員應如何分別辦理之處並著詳覈具奏○又諭李鶴年奏叅庸惰不職各員請旨分別撤任降革一摺河南魯山縣知縣胡廷楨新安縣知縣曹聯圻才具均欠開展著撤省遇有相當缺出酌量補用南陽縣知縣李瀛人欠誠實著先行開缺留省察看滑縣知縣姚錕辦公竭蹶審斷因循署澠池縣知縣盧葆真公事顛頂不洽輿情試用知縣張丹書文理不明難膺民社均著以府經歷縣丞降補新野縣知縣于振聲辦案草率聲名平常候補知縣吳德源才具平庸兼有嗜好均著革職○又諭瑞麟蔣益澧奏遴員升署要缺知府一摺廣東惠州府民俗强悍素稱難治現當勦辦匪鄉之際尤宜慎選賢能以資教化既據瑞麟等聲稱署廣州府南海縣知縣鄭夢玉勤懇篤實所至有聲著准其升署惠州府知府嗣後不得援以為例該督撫仍當隨時留心查看毋稍迴護○兩

廣總督瑞麟等奏籌辦曹冲善後完竣客眾歸誠士民悅服得旨辦理甚為周妥仍著該督撫慎選牧令隨時留心駕馭並將清查撫卹事宜認真籌辦以期土客各民日久相安毋稍疏忽○以廣東新甯縣募勇設防永廣學額四名○庚辰諭軍機大臣等都興阿等奏岫巖廳界各官互相稟揭現在撤調來省審辦一摺據稱通判牟毓莖之門丁顧思齊帶勇到大孤山執持雲龍大旗向鋪商查船詐錢驍騎校阿勒精阿以商民窩棚侵占官街押令拆卸大孤山商民因此歇業該通判與阿勒精阿互相稟揭並據總理各國事務衙門等咨稱顧思齊私設卡倫向進口船隻勒令輸稅現將廳界各官撤委撤任並提顧思齊審辦等語大孤山甫就安謐乃牟毓莖輒令門丁顧思齊私設卡倫帶勇勒索阿勒精阿又押令商民將窩棚一律拆卸實屬任意騷擾且此事係副都統雙德首先舉發其

在鳳凰城被戕身死難保非挾嫌謀害著都興阿等提集牟毓莖阿勒精阿及門丁顧思齊嚴行審訊究出確情從重懲辦不准稍涉寬縱將此各諭令知之○又諭穆圖善奏陝西甘泉失守延郡喫緊保安等處賊勢猖獗現籌勦辦情形一摺陝西甘泉縣於三月二十八日被賊圍攻縣城失守延長膚施等處均有賊蹤延郡戒嚴其保安安定靖邊各屬復有賊酋袁炳等糾眾肆掠該省北山一帶

年來尚屬安堵何以逆蹤麇集遂至萬餘喬松年於所轄地方賊勢猖獗何以並無奏報該處地當衝要且為甘省運解糧餉軍火衝途著穆圖善迅即飭令總兵胡世英督帶所部十營進紮延安將甘泉縣城力圖克復庫克吉泰喬松年著即速撥兵勇會合甘省所派之程興烈各營痛加勦洗迅殄逆氛渭北捻蹤尚熾若延安一帶再任賊縱橫勢將不可收拾喬松年能當此重咎耶甯條梁為山

陝門戶穆圖善飭令副都統敦奇祥阿等嚴密設防著添派勁旅妥籌堵禦毋稍大意甯夏甫經安輯如賊蹤竄近又形喫重前請調金順進省之處著穆圖善再行妥酌以重邊防並著桂成將綏遠城與陝省毗連地方迅籌豫備以防被勦北竄甘泉文武下落及此股竄撲之匪究係何股賊首何人均著喬松年查明具奏將此由六百里各諭令知之尋奏賊匪董幅詳一股自鄯州敗遁竄陷甘泉

旋經知縣陳澤農等集團收復該逆復竄回甘省界內已嚴催胡世英等會合擊勦得旨著即督飭胡世英等實力進勦並懍遵前旨嚴防綏德等處以杜回匪偷渡黃河毋稍鬆懈○直隸總督劉長佑奏東省河防未能兼顧得旨現在東省各軍勦捻正緊其張秋齊河等處河防該督仍懍遵前旨迅撥直軍擇要堵扼毋稍推諉○以奉天營口堵禦馬賊出力賞同知銜知縣吳富春等花翎章廷彥

等藍翎餘加銜升敘有差。○追予奉天各屬殉難監生柳新生等紳民婦女四百三十六名口分別旌卹如例。○辛巳祈雨祭

大社

大稷遣恭親王奕訢恭代行禮

上詣

大高殿祈雨壇行禮。○遣睿親王德長詣清漪

園

龍神祠。賽因諾顏親王達爾瑪詣靜明園

龍神祠拈香。○諭內閣前因天時亢旱詔求直言。原冀於國計民生有所裨益。茲據都察院代奏。候選直隸州知州楊廷熙奏請撤銷同文館以弭天變一摺。啾啾數千言。甚屬荒謬。同文館之設。歷有年所。本年增習天文算學以裨實用。歷經御史張盛藻大學士倭仁先後請罷前議。因其見識拘迂。疊經明白宣示。茲據該知州所陳十條。不過摭拾陳言。希圖自炫。原可置之不論。惟有關於風俗人心

者甚大。不得不再行明示。楊廷熙因同文館之設。並詆及各部院大臣。試思楊廷熙以知州微員。痛詆在京王大臣。是何居心。且謂天文算學。疆臣行之則可。皇上行之則不可。普天之下。孰非朝廷號令所及。豈有疆臣可行而朝廷不可行之理。又謂事在必行。懇請將翰林進士科甲有職事官員撤銷。尤屬謬妄。國家設立科目。原以登進人才。以備任使。曾國藩李鴻章均係翰林出身。於奉旨交辦中外交涉事件。從無推諉。豈翰林之職。專在詞賦。其國家政務。概可置之不問乎。至所稱西教本不行於中國。而總理衙門請皇上導之使行。及專擅扶持。啟皇上以拒諫飾非之漸等語。更為肆口詆誣。情尤可惡。推原其故。總由倭仁自派總理各國事務衙門行走後。種種推託所致。楊廷熙此摺。如係倭仁授意。殊失大臣之體。其心固不可問。即未與聞。而黨援門戶之風。從此而開。於世道人心大有關

繫該大學士與國家休戚相關不應堅執已見著於假滿後卽到總理各國事務衙門之任會同該管王大臣等和衷商酌共濟時艱毋蹈處士虛聲有負朝廷恩遇至楊廷熙草莽無知當此求言之際朝廷寬大姑不深責恭親王寶璽請將楊廷熙所奏十條派大臣覈議並請將該王大臣及現任各大臣均暫開總理衙門差使聽候查辦自係為楊廷熙摺內有專擅挾持等語當此時事多艱該王大臣等當不避嫌怨力任其難豈可顧恤浮言稍涉推諉所請著毋庸議○諭軍機大臣等都興阿等奏請添設金龍頂櫃尊藏

實錄

聖訓一摺據稱盛京

崇謨閣上層金龍櫃尊藏

實錄

聖訓現在安設已滿擬請在金龍櫃上添設金龍頂櫃二十二座移請

列祖

列宗

實錄

聖訓尊藏移出金龍櫃十一座敬備

文宗顯皇帝

實錄

聖訓恭送到時敬謹尊藏等語所籌甚妥卽著盛京工部依照原設金龍櫃式樣遴派妥員敬謹成造金龍頂櫃二十二座以備尊藏而

昭慎重將此各諭令知之○又諭志和奏蒙古越旗種地不遵驅遣請旨飭查一摺據稱蒙古布彥圖等呈控梅倫馬興阿等恃權舞弊攤車斂錢等情前經咨交哲里木盟長旗逐款查訊並據郭爾羅斯公旗報稱蒙古黑英等聚集人眾立會斂錢抗不遵諭各節旋准土默特旗咨稱黑英等以被人驅逐等詞聲訴而郭爾羅斯所獲竊犯傅瑞廷在途逃逸黑英等亦未將同夥之得二等送交事多

疑竇。請飭吉林將軍就近派員查勘等語。案關外藩交涉爭訟虛實均應徹底研求。以成信讞。著富明阿就近遴派妥員。前赴各該盟長旗細心查究。務得確情。如該蒙古等有越旗種地聚眾斂錢等事。卽著從嚴懲辦。以息爭端。而昭覈實。原摺著鈔給富明阿閱看。將此各諭令知之。○又諭李鴻章奏行抵歸德察度布置。卽進駐濟甯督剿一摺。捻逆竄入鄒平等處。李鴻章自應進駐東境。就近調度。現在潘鼎新劉銘傳兩軍已赴濟甯。並調周盛波等軍扼要堵截。布置尚屬周妥。該大臣欲感之登萊海隅。徐圖聚殲。自是正辦。第賊勢北趨。應如何驅令東向。使其技無所施。卽著李鴻章督同劉銘傳等相機辦理。以期漸偪漸緊。所有張曜等軍並著該大臣函商李鶴年英翰酌量情形。如能出境。卽行進紮。汶上等處以防分竄。丁寶楨責任封圻。於李鴻章抵東後務當悉心商酌。力圖補救。不得稍

涉推諉。致千重咎。將此由六百里各諭令知之。○以雲南勦辦鎮雄賊匪出力。賞同知周之珪等花翎。把總楊鳳鳴等藍翎。餘加銜升敘。免議有差。○以貴州克復正安等城出力。賞道員梁碩釗二品封典。知州彭緒環遊擊李盛燦等花翎。守備張恆元等藍翎。餘加銜升敘有差。○壬午署湖廣總督李瀚章等奏。捻逆遠竄。現飭北岸各州縣添修寨堡。得旨。堅壁清野。實制捻逆要策。惟當認真興辦。不得徒託空言。○河南巡撫李鶴年奏。捻匪渡運。擬飭宋慶一軍赴東會剿。得旨。著卽飭令該總兵迅速起程。視賊所向前往夾擊。張逆一股仍當隨時偵探。妥為防剿。

大清穆宗繼天開運受中居正保大定功聖智
誠孝信敏恭寬毅皇帝實錄卷之二百四

實錄卷之二百四

奏

清 實 錄 同治六年六月上

大清穆宗繼天開運受中居正保大定功聖智
誠孝信敏恭寬毅皇帝實錄卷之二百五

奏

同治六年丁卯六月癸未朔

軍機處

上詣綏履殿問

慈安皇太后安。平安室問

慈禧皇太后安。至辛亥皆如之。○諭軍機大臣

等劉崐奏勦辦齊會各匪情形一摺。湖南湘

鄉瀏陽兩縣齊會各匪。竟敢聚眾刦殺謀逆

抗官。經劉崐督飭該地方官紳。並派勇分投

勦辦。殲擒多名。匪黨潰散。著劉崐將逃散餘

匪。實力挖捕。並將首要各犯立限緝獲。毋任

一名漏網。致令餘燼復燃。瀏陽股匪現竄江

西萬載縣交界之富溪小洞嶺。劉崐務當檄飭勇團。越境勦洗。不得但以分防本境為了事。並著劉坤一派兵會勦。務淨根株。以杜延蔓。近來湖南各屬哥老會匪。到處煽誘。潛伏未動。隱患甚深。該撫當加意訪拏。隨時懲辦。固不可操之太蹙。亦不可姑息因循。釀成巨患。所稱力行保甲團練及責成族長團長自行查辦之處。卽著督令切實奉行。以清其源。不得日久視為具文。將此由五百里各諭令

軍機大臣

二

知之。○四川總督駱秉章奏邊防未撤。請將本屆軍政展緩舉行。從之。○甲申。總理各國事務衙門奏。俄羅斯窺伺新疆。請派大臣會同密籌辦法。得旨。著派大學士六部尚書都察院左都御史會同該管王大臣妥議具奏。○河東河道總督蘇廷魁奏。逆捻竄渡運河。現籌嚴防。黃河下游。得旨。仍著隨時偵探。認真嚴防。毋稍鬆懈。○旌表守正捐軀直隸高陽縣民張羣妻李氏。○乙酉。諭軍機大臣等。

崇厚奏東省河防緊要。請飭濟東道親駐河干。遏守等語。捻逆大股盤踞章邱後。已分股竄擾青萊。有欲就食東三府之說。賊蹤飄忽。異常蓄謀甚狡。亟應嚴密防範。山東齊河以下。武定府黃河一帶。與東三府壤地相接。該匪易於搶渡。著丁寶楨派令衛榮光進駐河干。調撥兵勇礮船。擇要嚴防。毋稍疏懈。僅武定一路喫緊。卽著崇厚添派得力兵弁。前往援勦。以固河防。近日捻蹤又竄何處。各路接

軍機大臣

三

仗情形若何。尚未見丁寶楨奏到。著該撫隨時奏聞。用慰廑繫。將此由四百里各諭令知之。○又諭庫克吉泰奏。松年奏近日軍情。回逆屢竄陝境。現籌勦辦。整頓城防。請停挑黑龍江官兵甘餉。暫緩協解。各摺片。捻逆由興平南竄鄠縣。大王鎮。經官軍迎擊。該逆仍由舊路回奔興平。現在劉松山等軍均已過河躡擊。卽著庫克吉泰。喬松年督飭各軍實力勦辦。就地殲除。毋令再肆蔓延。廿回分路竄

陝。絡繹不絕。秦昌一帶。復有大股回逆。分擾雷正綰等軍後路。圖截糧道。鳳翔之回。竄近咸陽。遊騎已近省城。著庫克吉泰。喬松年。迅將省防布置嚴密。不可稍涉疏懈。並著檄飭劉厚基等軍。分路進剿。迅殄逆氛。毋任捻回。句結。致辦理愈形棘手。甘省異常瘠苦。陝省應協穆圖善月餉。仍著喬松年。勉籌接濟。俟左宗棠到陝後。再行酌量辦理。左宗棠此時計可行抵潼關。著即趕緊前進。將該省軍情。

餉糈。統籌全局。妥為調度。黑龍江官兵。即可無庸挑補。著庫克吉泰。喬松年。咨會黑龍江將軍。即行停止。將此由五百里各諭令知之。○予陝西鄜州等處陣亡副將唐錫琮等祭葬世職。殉難知縣陳澤農妻苗氏旌表如例。○丙戌諭內閣。御史崔穆之奏。請嚴禁各省州縣浮收漕糧一摺。漕糧為國家正供。各省州縣自應按例徵收。若如該御史所奏。山東省有漕州縣。按章徵收者絕少。往往於官斗。

之外。倍蓰加收。並立樣盤名目。縱容蠹役。格外剝削。民間視為苦止。得折價完納。其浮收之數。與完米增至數倍者無異。即或經該管上司查明。減成定價。出示申禁。該州縣並不張貼。浮收如故。東省如此。他省皆在所不免。是浮收之弊。例禁雖嚴。而不肖州縣。仍敢視若具文。誅求無厭。以有限之脂膏。充難盈之豁壑。積習相沿。殊堪痛恨。即著各直省督撫。嚴飭所屬各州縣。澈除積弊。各按漕糧定額。一律徵收。不准於正額之外。任意加增。妄取。儻敢故違。即著各該督撫等。查明嚴叅懲辦。將此通諭知之。○諭軍機大臣等。傳諭內閣。前於咸豐十一年。因留京王大臣在內閣辦事。各衙門司員章京等。紛紛赴內閣。畫臺。

以致閒雜人等。無從稽覈。曾經奉旨嚴諭。留京王大臣一律查禁。各該衙門自應敬謹遵循。永遠弗替。近聞內閣。每有會議事件。往往閒雜人等。乘閒擁擠。雖與留京辦事。

時情形不同。而會議重地。任令多人喧雜。殊不足以示嚴肅而昭慎密。著將咸豐十一年所奉

諭旨。敬錄一道。發交大學士等敬謹懸挂內閣。俾知遵守。嗣後遇有會議等事。儻再有無知人等。溷雜窺探。卽著該大學士等查明嚴行究辦。○又諭。丁寶楨奏擒蹤東竄。追剿獲勝一摺。擒匪由新城竄至平度州之馬蘭堡。經丁寶楨督軍緊追。鏖戰竟日。將逆眾擊敗。擒

斬頗多。該逆向東北連夜急竄。丁寶楨現駐平度。居中調遣。飭令前敵各軍分投追剿。惟逆股人數眾多。騎又剽疾。恐其誘兵東追。乘間折回膠莒。南竄沂郡。丁寶楨當妥籌兼顧。杜賊回竄。不可專恃尾追。致賊延蔓。所稱奪獲賊馬數百匹。並著設法收用。毋再為賊所得。東省兵力較單。李鴻章尤當懍遵前諭。迅飭劉銘傳等軍兼程馳赴登萊。與東省會合堵剿。並親赴東境。就近分撥各軍。杜賊南竄。

以期威諸海隅。聚而殲旃。淮徐及裏下河一帶。著曾國藩張之萬分布兵勇。嚴密防堵。不得以賊蹤尚遠。稍涉疏懈。將此由六百里各諭令知之。○調京口副都統富和為鎮藍旗漢軍副都統。未到任前。以御前侍衛扎拉豐阿署理。以記名副都統連步廷為京口副都統。○丁亥。諭內閣。奕梁等奏兵米轉運遲延。請分別查催。並將督運不力之道員議處一摺。

西陵官兵等應食粟米。前經戶部奏明。由山東漕糧內截撥。疊經奕梁等咨催。僅運到米二千餘石。下餘之米均未運解。兵食攸關。豈容任意延宕。著倉場侍郎迅卽委員守催運兌。毋任逗遛。並著直隸總督嚴飭安州等州縣趕緊設法剝運。如敢仍前怠忽。卽行查叅。糧道有督挽之責。於奉撥糧石。自應迅速催解。乃去年截撥之米。延至今夏。尚未兌交清楚。實屬玩愒。山東督糧道沈維璫著先行交部

議處。仍責令嚴飭幫弁。妥速運兌。如再稽延。卽由戶部嚴參。以重兵食。而儆怠玩。○諭軍機大臣等。劉長佑奏。通籌勦捻全局。請合各省兵力。就東省殲除。張之萬奏。請添籌兵餉。力保清淮。英翰奏。調兵出境。防河各一摺。捻騎奔突。飄忽官兵追逐。多致落後。劉長佑擬就運河畫段分守。英翰派兵出境。分防運河。並議就東省兜圍殲除。與李鴻章前奏大略相同。現在東省兵數。及李鴻章所調各軍。恐尚不敷分布。劉長佑擬令江鄂皖豫四省各調兵一萬餘人。合堵運河。並由直隸於派守黃河萬餘人外。加調兵勇數千。駐防運河。英翰欲驅賊登萊。分守膠萊要隘。偪賊入海。或分守黃運兩河。合兵追逐。感諸東省。所籌均不為無見。著曾國藩李鴻章。並各該省督撫等。就現有兵力。妥速籌辦。其應如何分段防守黃運及勻撥兵力追勦之處。亦著迅速布置。務期就地殄除。不可縱令逸出。英翰所派

東西分防兩路各軍。布置均妥。並著李鴻章酌度全局。商同調遣。至前敵各軍。素無統領。督兵大臣。號令莫及。諸將進止不齊。難免互相觀望。應否揀派威望素著大員。統領前敵諸軍。以一進止之處。著該大臣酌量情形辦理。婁雲慶計可抵鄂。鮑超如病尚未痊。卽著曾國藩迅飭婁雲慶接統霆軍。兼程赴東。歸李鴻章調遣。以厚兵力。劉長佑英翰原摺。均著鈔給曾國藩等閱看。張之萬擬於海贛郊宿一帶。增設遊擊之師。保障清淮。著曾國藩添撥蘇省得力兵將。前往防守。如兵力不敷。調派卽著曾國藩郭柏蔭迅添餉銀。解交張之萬。趕緊募新勇成軍往守。並著李鴻章派撥重兵。馳赴沂郡。杜賊南竄。至裏下河一帶。為江北完善之地。本日復據御史薛斯來奏。請防守一摺。著曾國藩張之萬。懍遵疊次諭旨。妥籌防堵。毋稍大意。將此由六百里各諭令知之。○又諭本日據劉長佑奏。捻匪渡運東

竄。堪以就地聚殲。業經諭令曾國藩等妥速籌辦矣。因思運河以東。自山東以至江南。境內地段甚長。現在各路官軍。既須合力進剿。沿河分防之兵。勢必不敷分布。賊騎剽疾異常。若被乘虛逸出。又成不了之局。亟應添調兵勇。同資守禦。刻下江蘇浙江江西三省。尚稱安靖。所有留防之兵。應可酌量調撥。著曾國藩李鴻章通籌大局。如須添兵助守。卽著一面奏聞。一面將江蘇浙江江西之兵。酌量徵調。卽令迅速到防。分定地段。責成統帶之員。認真防守。俾進剿之兵。得以專力追擊。不至顧此失彼。辦理較有歸宿。將此由六百里各諭令知之。○又諭據張之萬奏稱清淮軍餉支絀。請飭江西浙江湖南湖北每年各協濟銀二萬兩。以濟眉急。各等語。捻氛現竄東境。清淮防堵喫緊。江西浙江湖南。肅清日久。湖北現無軍務。籌款較易。自應速為籌撥。俾贍飢軍。卽著李瀚章曾國荃馬新貽劉坤一。

劉崐。自本年為始。每省每年各協濟清淮軍餉銀二萬兩。所有應解本年協餉。務於九月內如數解清。毋稍延緩。將此由五百里各諭令知之。○又諭林壽圖奏甘餉由漢中轉解。西安糧臺。應否裁撤。並陳慶涇等營餉無可措一摺。甘省軍餉。前據穆圖善奏。請將本年三月以前各省餉銀。仍由湖北徑解漢中。交陳玉業經收轉解。林壽圖不得擅行截留。當經降旨允行。茲據該藩司奏稱。慶涇等軍。月需餉銀。為數尚鉅。若因糧餉不濟。恐致譁潰等語。此時左宗棠計可入關。著於到省時。與喬松年通盤籌畫。於應解漢中餉銀。酌提若干。交西安糧臺。仍責成林壽圖設法轉運。該處糧臺。毋庸裁撤。穆圖善亦當於漢中糧臺收到之款。先行酌撥慶涇。分贍各軍。不得專顧蘭省。林壽圖摺。著鈔給左宗棠等閱看。本日據劉長佑奏。捻逆窮蹙。請飭左宗棠悉力截剿。毋使東向等語。捻匪兇燄已衰。自應就

地殄滅。著左宗棠喬松年。傳遵疊次諭旨。卽將此股就陝省地方迅圖翦滅。毋令他竄。劉長佑摺著鈔給左宗棠喬松年閱看。將此由六百里諭知左宗棠穆圖善喬松年並傳諭林壽圖知之。○陝西布政使林壽圖奏請以丁憂知縣李殿爵留辦軍糧得旨李殿爵購辦軍糧非軍營打仗可比仍著飭令回籍守制。○旌表守正捐軀四川蘭州民劉雙沅妻陳氏。○己丑諭軍機大臣等李鶴年奏豫軍出境堵剿並籌防西路一摺任賴匪股竄擾青萊李鶴年現飭張曜等軍出境堵剿尚能不分畛域著於行抵東省後統歸李鴻章節制該大臣迅赴濟甯以便就近調度張總愚股匪被剿窮蹙竄豫實在意中豫省防兵止能顧商雒一路荆子關門戶洞開不可不豫為防備著李瀚章曾國荃酌派重兵嚴密堵禦毋令闖入致干重咎將此由六百里各諭令知之。○又諭何瑄奏巴哈兩城防務喫緊

請飭催成祿等軍出關布置一摺哈密雖經收復地方糜爛不堪而巴城糧道又復阻塞非有大兵出關不足以資鎮撫成祿一軍屢經諭令西行何以疊報勝捷而收復無期未免意存觀望著卽迅復肅城以便剋期出關文麟景廉均有地方之責並著穆圖善嚴催起程毋得再事遷延致干咎戾哈密地方應辦各事何瑄隨時辦理以副委任將此由六百里諭知穆圖善成祿並傳諭何瑄知之。○

庚寅諭內閣本年春夏以來天時甚形亢旱節經祈禱

三壇親詣

大高殿拈香並派恭親王奕訢恭代致祭

社稷壇虔祈雨澤旬日以來小雨廉纖未蒙優

渥現在節逾小暑農田望澤愈形迫切深宮

軫念民依宵旰焦思彌深恐懼擇於本月十

三日敬舉告祭

方澤典禮虔申祈禱派惇親王奕誥恭代行禮

朕於是日仍親詣

大高殿拈香初十日先期齋戒摠誠待

命以冀

皇祇眷佑速沛甘露庶回百穀之生而蘇萬民

之困所有應行典禮各該衙門卽照例敬謹

豫備○派盛京將軍都興阿戶部右侍郎延

煦敬謹修理

福陵碑樓工程○予江蘇各屬殉難同知蔡渚

泰等紳民婦女一千九百七十一員名口分

別旌卹如例○辛卯

上詣

奉先殿

壽皇殿行禮○盛京將軍都興阿奏遵飭通永

鎮洋槍隊官兵赴津得旨著卽催令春霖等

迅速回津毋稍遲滯又奏遵旨籌商查勘邊

外田地批著卽會同延煦悉心籌畫以為久

安長治之計毋負委任○山西巡撫趙長齡

奏擒匪竄近東省現在籌防晉省東路得旨

著嚴飭在防將弁勤加偵探認真防堵毋稍

鬆懈○壬辰諭軍機大臣等近聞直隸地方

夏間海嘯徧地皆鹽青滄鹽匪屢有爬鹽灑

賣之事現因緝梟馬勇外調該匪竄出任邱

雄縣容城一帶復繞至霸州東安等處勾結

各處飢民搶掠鹽店並搶劫鋪戶徧索村莊

馬匹銀錢形同馬賊青滄鹽匪久為畿疆之

患茲復勾結飢民肆行搶劫若不亟籌勦捕

貽害滋深著萬青藜胡肇智嚴飭所屬各州

縣實力巡緝將各該地方飢民隨時安撫毋

為該匪所煽惑別滋事端劉長佑亦當迅撥

兵勇分路按拏並飭派出之將弁會同崇厚

所練之兵勇齊心勦擊務絕根株將此各諭

令知之○又諭李鴻章奏派兵分路兜勦並

籌商運防情形一摺賊勢現趨登萊李鴻章

派令劉銘傳等分三路偪賊而前扼之於膠

萊河一帶而先籌布運防使賊不能竄出以

期聚而殲旃布置尚為周妥惟賊蹤飄忽若

乘官軍未集。聞風遠颺。辦理又無把握。卽著李鴻章飛檄各路兵勇。迅往兜擊。毋失機宜。丁寶楨亦當督飭東省各營。會同扼剿。務將此股賊匪。就地剿除。毋令免脫。至運河防務。李鶴年英翰等。已各派兵分段協守。李鴻章現飭李昭慶所部。接守灘上一帶。又商調鄂軍出境換防。卽著迅速辦理。該大臣以運防既固。猶恐賊折而窺黃。所見亦是。總兵劉景芳。前已統帶所部赴齊河防守。張樹聲現在

大名一帶。該處防務亦關緊要。能否移紮張秋北岸。或另籌一軍前往扼紮。著劉長佑酌度辦理。左宗棠帶兵入陝。所部無多。難於分布。荊子關一路。前已諭令李瀚章等派兵堵禦。著李鴻章迅催赴防。毋許延誤。將此由六百里各諭令知之。○又諭嚴樹森奏請酌募五營。督同遵防川兵進剿。請飭川省籌解軍械。並請抽撥酉秀防軍出境助剿各摺片。嚴樹森以席寶田現不赴黔。前撥川湘餉銀二

萬兩。專歸四川籌解。請飭四川總督自上年十月起。截至本年四月止。仍遵前旨。無論何款。按月籌提一萬兩。共計銀七萬兩。先行籌撥解赴綦江。嗣後請自本年五月為始。按月籌撥銀二萬兩。嚴樹森如先得此川餉七萬兩。卽在黔蜀邊界團練中。挑募五營教練。進駐遵義。五月後。二萬兩月餉有著。擬續練五營。並請飭川省籌給軍火帳篷等件。俾作五營之用。駱秉章素顧大局。於川黔軍事。自能

統籌緩急。該藩司請撥之餉。及軍械等件。能否照數協濟。及應否再行挑募各營。歸該藩司統帶之處。著駱秉章酌量情形。妥為辦理。嚴樹森以李元度現紮三道水。距賊巢甚近。機有可乘。惟兵力不敷分布。若飭湖南酌派數營。又恐緩不濟急。擬請於秀山駐防七營內。抽撥五營出境助剿。以竟全功。所奏不為無見。著駱秉章相機調度。嚴樹森於上年二月奉旨查辦事件。迄今已閱年餘。尚未馳赴

黔省。此時設詞布置。又涉有意耽延。藩司有地方之責。著卽趕緊前進。迅赴貴陽。毋再任意逗遛。致干咎戾。將此由六百里諭知駱秉章。並傳諭嚴樹森知之。

上以祈雨祭

地於

方澤。自是日始齋戒三日。○癸巳。盛京將軍都興阿等奏。動款培修奉天省外圍土城。以資捍衛。下部知之。○甲午。遣恭親王奕訢詣

宣仁廟。鍾郡王奕詒詣

凝和廟。孚郡王奕誥詣

昭顯廟。惠郡王奕詳詣

時應官拈香祈雨。○諭內閣。現在天時亢旱。京師兵丁糴食維艱。所有八旗及綠步各營官兵。均著加恩。照現放章程。賞給半月錢糧。以示體恤。○又諭倭仁奏病未痊愈。請開缺調理一摺。倭仁不必給假。一俟氣體可支。卽以大學士在弘德殿行走。其餘一切差使均

著無庸管理。○又諭前因英桂奏。道員丁杰交出竹枝詞。牽涉督撫司道大員。當經諭令英桂會同吳棠查明編造之人懲辦。並將詞內所指各節悉心查訪。茲據英桂吳棠查明實在情形覆奏。據稱詞內所指抽收釐稅。創造輪船調員來閩差委等事。及道員曾憲德考語前後歧異。並收復漳州勦辦永春州上場堡土匪崇安齋匪各情形。均經左宗棠奏明有案。其調閩及派委釐差各員。亦多籍隸各省。並非盡屬楚人。所指左宗棠去閩時紳士攀留一節。前經英桂等據稟陳明。左宗棠以輪船局務俱有眉目。卽行料理起程。覆奏後。經紳士再三稟留。均未允行。並無商令紳士挽留之事。所指以釐金充修脯一節。閩省龍峰書院舊藏正誼堂書板無存。左宗棠設局重刊。考取舉貢。籌給膏火。分司校理。係為教養士林起見。周開錫所買師姓之婢。並非知府李慶霖所送。同知沈應奎並未為周開

錫安頓已出之妾。英桂因兼署督篆。不能再兼巡撫。奏請以周開錫接護撫篆。並非李慶霖等代為懇求。朱明亮接署汀漳龍道印務。距杜義山開缺之期。相隔月餘。並非當時索印。左宗棠並無以紅頂二人扶轎。周開錫夏獻綸。現無親兵隨從。惟吳大廷赴任臺灣。帶勇五百名前往。並此外委員緝捕護餉。聞亦撥勇隨行。並非為護衛本員而設。周開錫等亦無遮護楚人等情。均著無庸置議。按察使

銜候選道丁杰所呈竹枝詞。查係不知姓名人投入轎中。惟於例應銷毀之件。不行毀棄。輒復送入官司。實屬不合。著交部照例議處。飭令回籍聽候部議。左宗棠前在閩省。辦理軍需釐捐等事。均係地方要務。豈可任令無知之人。信口雌黃。所有編造竹枝詞之人。仍著英桂等嚴拏究辦。以儆刁頑。另片奏請將不知遠嫌之同知議處等語。知府銜福建儘先補用同知沈應奎。充當釐局委員。輒攜眷

居住藩署。實屬不能遠嫌。著交部議處。○諭軍機大臣等。傳諭福建臺灣鎮總兵官劉明燈。臺灣道吳大廷。劉明燈。吳大廷。奏擒獲戴逆案內要犯。並捕斬會首及積年著匪多名。一摺。臺灣地方遼闊。人情犷悍。自戴萬生等倡亂以來。雖經官軍撲滅。餘匪究未淨盡。經劉明燈。吳大廷多方緝捕。前後疊獲匪犯多名。自臺灣北至竹塹。人心安帖。辦理尚屬妥協。該處喜亂好動。習為故常。必須設法鎮撫。

方可日久相安。著該鎮道嚴飭地方文武各官。留心訪緝。有犯必懲。毋令餘匪藏匿。致釀亂階。其安分良民。兵燹餘生。流離可憫。尤須加意撫綏。培養元氣。並著該鎮道斟酌情形。妥籌辦理。○又諭文麟奏布置出關前赴哈密。並請調文武各員隨營各摺。片。哈密城池業經收復。亟須大員帶兵前往鎮撫。文麟身任該城大臣。責無旁貸。疊次諭令出關。為日已久。尚復逗遛高臺。實屬遷延觀望。現在軍

裝業已齊備。著卽趕緊起程。統帶所部馳赴哈密新任。儻再藉詞延玩。恐不能當此重咎也。懍之所需車輛。駝隻糧草等項。卽著穆圖善嚴檄沿途地方各官妥速協濟。毋誤供支。並著文麟咨催麟興李雲麟於新疆協餉內提撥銀四五萬兩。交現派往之委員領歸該營以顧急需。成祿圍攻肅州久未蕙事。疲玩殊甚。著迅拔堅城。續行出關。為文麟後路聲援。毋再遲延。干咎。文麟請調之副將蕭青雲。

總兵張玉春。知縣盧錫紳。前署秦州知州繆寶鈞。均著穆圖善飭令前赴該營聽候差遣。侍衛誠慶。本日已諭該管大臣飭令前往矣。將此由五百里各諭令知之。○福建臺灣道吳大廷奏整頓海防添製龍艚等船。得旨卽著會同劉明燈隨時整頓。並嚴飭管帶各船員弁實力梭巡。以清積弊。○以鴻臚寺少卿朱學勤為江西鄉試正考官。宗人府主事范鳴銖為副考官。光祿寺少卿張雲卿為浙江

鄉試正考官。翰林院編修張之洞為副考官。侍講學士常恩為湖北鄉試正考官。修撰鍾駿聲為副考官。○乙未祈雨祭地於方澤。遣惇親王奕誼恭代行禮。○上詣

大高殿祈雨壇行禮。○諭軍機大臣等。丁寶楨奏追賊獲勝。並布置扼剿情形。一摺。捻匪由海陽折回。卽墨意圖從膠州一路竄出。莒沂經丁寶楨催兵趕回膠州。扼截所部前敵各軍。亦在卽墨進剿獲勝。並連夜攻撲賊營。斬獲甚眾。勦辦尚屬認真。該逆南竄未遂。必將由萊郡一路西還。潘鼎新一軍業已趕到。移紮昌邑。惟東省兵力未厚。劉銘傳董鳳高沈宏富等軍須星馳前進。互為聲援。庶足以杜回竄。又恐諸將會合。丁寶楨呼應不靈。防截機宜。閒不容髮。著李鴻章卽星夜馳赴前敵。就近調度。以期呼應靈通。迅殲羣醜。儻坐失

機宜。必惟該大臣等是問。將此由六百里各諭令知之。○又諭前據穆圖善奏稱陝西甘泉失守。延長等處均有賊蹤。當經諭令穆圖善庫克吉泰喬松年派兵進剿。並諭令桂成嚴防邊界。茲據桂成奏稱籌備沿邊及沿河情形一摺。此股賊匪現已擾及綏米及懷遠葭州境內。定邊一帶亦有賊蹤。難保不竄出榆林邊境。由草地東行。桂成務當督飭防邊駐紮官兵嚴密遏截。並飭歸化城所屬各廳

文武豫籌防堵。沿河一帶尤關緊要。並著趙長齡添撥兵勇加意巡防。不可稍涉大意。穆圖善庫克吉泰喬松年尤當懍遵前諭。迅速添派勁旅。合力會剿。務將此股賊匪就地殲除。毋任竄出邊境。致滋蔓延。甯條梁一帶並著穆圖善添兵堵禦。以固山陝門戶。現在北山一帶防剿情形如何。即著喬松年迅速馳奏。以慰廑繫。甯夏軍營赴歸化城採買馬匹委員。穆圖善當豫行備文知照。桂成以免奸

匪溷跡。綏遠城所屬各廳商販出口亦著趙長齡飭令該地方官詳細查明。給發執照。毋任奸宄句結。將此由六百里各諭令知之。○以協辦大學士工部尚書瑞常充翰林院掌院學士。○以鑲紅旗蒙古副都統穆騰阿為鑲白旗蒙古都統。○補鑄江蘇松江城守營常州營江陰營遊擊福山鎮標右營劉河營都司各關防。從署總督李鴻章請也。○丙申諭軍機大臣等。宋廷春奏官軍進剿迤西各

路逆匪。疊獲勝仗一摺。雲南姚州鎮南等處賊寨林立。本年春間經署提督馬如龍督飭合國安等軍分路進剿。攻破賊營甚多。並克復姚州所屬之白塔街鎮南所屬之呂合城永北所屬之馬房等處。其退入永北廳城之賊亦經昭通鎮兵練圍住。斷賊糧道。勦辦尚屬得手。姚州等處賊匪日久稽誅。現在官軍均已直逼姚州鎮南永北三處城下。迤西一路自不難於廓清。即著宋廷春傳知馬如龍

乘此聲威分飭各營將弁迅圖撲滅以竟全功劉嶽昭身任滇撫責無旁貸現值滇軍得手之時尤當趕緊赴滇妥為調度該撫務將黔匪迅速剿除卽行帶兵前進毋稍遷延劉嶽昭未到以前所有該省籌辦兵餉各事宜宋延春仍當悉心辦理以副委任將此由五百里諭知劉嶽昭並傳諭宋延春知之○直隸總督劉長佑奏派兵協助河防得旨卽著嚴飭派出各軍認定地段實力巡防不得稍

軍機處

奏

涉疏懈該督仍當隨時察看情形妥籌策應以固河防○以委散秩大臣寶全為鑲紅旗蒙古副都統工部右侍郎恩承署鑲紅旗蒙古副都統○改福建陸路提標前後二營漳州鎮標右營雲霄營各遊擊為都司興化城守守左營都司為守備裁泉州城守營都司二缺長福營右軍都司同安營都司興化城守右營守備延平城守右營守備詔安營守備各一缺並裁各營千總三十二員把總六十

軍機處

奏

七員外委七十八員額外外委四十七員馬步守兵一萬六千三百三十五名增設督標中等四十一營每營號令兵七名楓嶺營四名從兼署閩浙總督福州將軍英桂請也○予陝西白水陣亡參將鄭春元祭葬世職加等○丁酉諭內閣英桂奏遵旨酌撥福州駐防官兵移紮杭州一摺杭州駐防應補官兵英桂現於馬甲等項內挑選前鋒領催等官前赴杭州分別差遣操防並請變通拔補章程均著照所擬辦理至該官兵隨帶眷屬駐防杭州所需治裝銀兩應給若干並應由何處何款動支之處著該部迅速議奏尋戶部奏請照同治四年江甯移防章程每戶給治裝銀三十兩官員按本職借給半年廉俸由各該地方官給發作正開銷惟由閩赴杭程途較近應令量為覈減從之○諭軍機大臣等李瀚章曾國荃奏派軍越境助守運河一摺現在東捻麇集登萊一帶李鴻章前奏擬

扼之於膠萊河。為聚而殲旃之計。機會亟有。可乘。惟前敵兵力尚恐單薄。後路運防尤須布置周密。李瀚章等現派譚仁芳、劉維楨兩軍馳赴歸德聽調。尚能不分畛域。即著李鴻章、馮道、疊次諭旨。迅赴前敵。查由泰安、萊蕪至青石關。由沂水至穆陵關。及蘭山之十字路。或係東西扼要。或可潛入清江。均須妥籌調度。毋失機宜。如派赴膠萊之劉銘傳等軍。不敷扼剿。即酌量增兵。毋令前議又成畫餅。

奏

奏

運河等處防務尤要。並著飛提譚仁芳等軍迅速東下。藉助扼守。該軍餉需。李瀚章等已派員設局轉運。務當源源接濟。毋使匱乏。宋國永一軍。現在何處。婁雲慶曾否抵營。著李鴻章斟酌調遣。毋得任令閒散。陝捻雖屢經挫敗。仍慮回竄。豫鄂務須設法嚴防。毋稍大意。將此由六百里各諭令知之。○署陝甘總督穆圖善奏通籌甘省全局。並吏治營務亟須整頓。得旨覽奏各條均悉。該署督務當加

意拊循。實力整頓。以期日有起色。毋得徒託空言。

奏

奏

大清穆宗繼天開運受中居正保大定功聖智誠孝信敏恭寬毅皇帝實錄卷之二百五

大清穆宗繼天開運受中居正保大定功聖智
誠孝信敏恭寬毅皇帝實錄卷之二百六

乾隆己亥官邸是日講起歷代太子太傅大司馬閣部事務外郎等官原上指察凡在上司事務處方吟館魏鼓云英殿大尉士軍大佐鎮益謀高州新官

聖尼哥馬斯戶戶三層多路約七地軍功知五級傳下約七級紀錄三十三
 台安寺古碑在古碑後護若方之休大期開創事題仁開寺古碑後護若

正統鎮漢州府建寧理二部年考補內大吏補國公賞功知一取隋書知六級知林士少宗室長監總歲官延日議起居注臣子之賢爾林氏家況

此士儒安於奉上而中作應用之館現藏方略館藏藏鼎大書上兵部內書七戰之臣校刊之書云管理戶部三庫書手圖于此書所刊九款軍功刀五款諸

加七級紀錄十九次
光緒二十九年
本司副官提議官品頭遊擊銜內書地戶部一應事務隨帶知五級紀錄十二次
徐桐等奉

軟修

同治六年丁卯六月戊戌三口通商大臣兵

部左侍郎崇厚奏遵查霸州等處時有梟匪搶掠已飭守備鄭明保管帶團勇馳往勦捕報聞○己亥諭軍機大臣等總理各國事務衙門奏據章京張其濬稟稱接到家信內稱六月初九日突有土匪鹽匪二千餘人將蠡縣境內北五福村辛橋鎮等處三十餘村莊搶掠焚殺現竄任邱高陽一帶馬隊有八百餘騎大車有二百餘輛裹脅至二千餘人等語前據劉長佑奏稱順天保定天津河間各

屬均有鹽匪訛索搶奪業經派兵勦捕茲據該衙門所奏情形現竄任邱等處匪黨馬隊人數已如此之多劉長佑事前既漫無防範以致匪徒突起結黨橫行若再不趕緊撲滅致令嘯聚日眾蔓延畿疆該督其能當此重咎耶著卽添派得力兵勇先將此股匪黨迅速追勦務將著名首惡悉數擒獲盡法懲辦其被脅飢民仍分別妥為安撫此外各府所屬滋事匪徒並著分派兵勇一律拏辦毋稍延緩現在捻匪竄擾山東北路河防正當喫緊近因天時亢旱人心不無浮動畿輔重地關繫緊要豈可任令匪蹤出沒為害地方神機營兵丁訓練已久原以備緩急之用應如何酌量派撥就近協勦之處著文祥等迅籌辦理將此各諭令知之○又諭都興阿奏遼陽匪徒滋事請暫留洋槍隊查辦一摺遼陽藩桿堡匪首潘東得與海城丁家峪匪首趙希哲等演習邪教希圖煽黨滋事省城練兵

無多。不敷派勦。所有前調回津之洋槍隊官兵五百名。著准其暫留備勦。其五行隊兵五百名。業已起程。即著崇厚於回津時飭令歸伍。以備調遣。潘東得等股匪徒。都興阿當速飭春霖合同該地方文武嚴密掩捕。務盡根株。毋任滋蔓。該匪黨究係演習何教。必須詳慎查辦。毋得擾累平民。仍著迅速查明具奏。至昌圖廳降盜趙貴等。又復糾眾在法庫邊外盤踞。據稱擒斃多名。餘皆逃散。其首匪究

在何處。著該將軍即飭令派出各員認真追勦。悉數殄除。儻至勾結成患。恐該將軍不能當此重咎也。春霖所部洋槍隊。俟遼陽肅清。仍著都興阿遵奉前旨。迅飭回津。將此由四百里各諭令知之。庚子諭內閣。前因萬青萊胡肇智劉長佑會奏籌議備荒各情。當經降旨令戶部速議具奏。茲據該部奏稱。順天直隸各屬雖間有得雨之處。而旱象已成。朝廷軫恤民艱。若俟該兼尹等詳細查報。尚需

時日。該部現擬請於本屆江浙海運漕糧尾船內撥給粳秈米共十萬石。山東河運漕糧頭批內撥給粟米十萬石。由天津道專司分撥。加恩著照所請。所撥米石即由萬青萊等遴派妥員赴津領取。其順屬撥米若干。直屬撥米若干。並著該兼尹等自行酌撥。務使實惠均霑。所有由部籌備銀二十萬兩。亦著該兼尹等迅議章程。俟奏到時即行如數發給。除涿州東安定興三州縣業經查明外。其順

屬各州縣均著萬青萊等分別查勘災分。毋稍延誤。至順天各屬何處有常平義倉。何處應開粥廠。仍著萬青萊胡肇智悉心妥議。並慎選官紳分投趕辦。劉長佑亦當督飭該藩司分別各屬被災情形詳求辦法。餘著照該部所議辦理。該兼尹等務須曲體朝廷德意。實力舉行。如有不肖官吏從中侵漁。即行從嚴懲辦。以蘇民命而召和甘。○諭軍機大臣等有人奏廣甯開墾官荒原報虛浮。委員舞

弊虐民一摺。據稱已革盛京將軍恩合前在錦州奏請開墾牧廠官荒。佐領依勒通阿等辦理多有弊端。物議沸騰。民不堪命。並將該佐領等以少報多。浮收勒派等弊。開單呈覽。著都興阿按照所參各節。逐款查究。毋許稍涉瞻徇。原摺單均著鈔給閱看。將此諭令知之。又諭前因有人奏直隸武強縣知縣劉振中貪酷殘暴等情。當交劉長佑確查具奏。茲復有人奏王老月案內逸犯杜發明等。在武強私販火硝。設立集廠。劉振中冀得陋規。並不查禁。請飭究辦等語。著劉長佑彙入前參一併徹底查明。據實參奏。毋稍徇隱。原片著鈔給閱看。將此諭令知之。○又諭曾國藩奏鮑超傷病深重。懇准回籍一摺。本日已明降諭旨允准。其所部各營。並令婁雲慶接統矣。該提督馬步各營人數太雜。紀律未嚴。應如何嚴加裁汰。分別撤留之處。著曾國藩李鴻章悉心籌商。並著責成婁雲慶嚴加整頓。

毋貽他患。萊州等處捻逆。現竄何處。所調各軍。已否陸續到防。著李鴻章隨時奏報。以慰廑繫。御史朱學篤奏請飭籌防海口等語。著李鴻章丁寶楨酌量情形。會商辦理。原片著鈔給閱看。將此由五百里各諭令知之。欽差大臣兩江總督曾國藩奏浙江提督鮑超傷病深重。懇准回籍。得旨著准其開缺回籍調理。所部各營。著記名提督婁雲慶接統。以專責成。又奏軍務未竣。請仍將本屆軍政展緩辦理。從之。○江西巡撫劉坤一奏撲滅瀏陽滋事教匪。得旨。逃散各犯。仍著嚴飭各屬緝拏務獲。以淨根株。○以江蘇蘇松鎮總兵官楊鼎勳為浙江提督。記名總兵官章合才為江蘇蘇松鎮總兵官。○准江南節次陣亡楚軍水陸各營將士合祀江甯府昭忠祠。○辛丑諭軍機大臣等。劉長佑奏勦辦梟匪情形一摺。總兵鄧在仁等在晉州地方將梟匪擊敗。匪眾紛竄。經深澤等處團勇截拏多名。

餘匪分向東南逃散。鄧在仁等已督隊跟追。劉長佑復派總兵劉雲鶴統帶礮隊取道安平一帶迎頭截擊。著嚴飭派出員弁視賊所向。痛加勦洗。以期盡絕根株。此起梟匪已有馬隊四五百步隊七八百。雖擒斬近半。而餘黨尚多。若不就地殲除。恐其偏擾完善。或竄入晉疆。劉長佑務當先事嚴扼。毋稍大意。將此諭令知之。○又諭張凱嵩奏擬由楚蜀赴任。順道訪詢利弊。籌畫軍需一摺。所陳不為

無見。惟滇省現無實任大吏。萬不得已。暫令宋廷春以臬護督。張凱嵩已卸撫篆。若由楚蜀赴滇。展轉耽延。於緊要地方甚不相宜。著卽酌帶親兵。星速取道赴滇。以副委任。如有與駱秉章劉崑籌商事件。自可往復函商。隨時酌奪。另片奏請假回籍修墓等語。覽其所奏。誠屬可憐。惟現值邊徼軍務喫緊。未便俯如所請。該督當體公爾忘私之義。迅赴新任。力圖報稱也。將此由五百里諭令知之。○又

諭傳諭署廣西巡撫吳昌壽據張凱嵩奏前因提標兵丁在柳州府署索米喧鬧。將署提標中軍參將唐元芳撤任。奏請議處。又慶遠兵丁因口角擁眾闖入府署。並將慶遠協副將楊安龍撤省察看。唐元芳於被參後復往提督馮子材軍營總理營務。並提署案件。多其主持。荔波之捷。馮子材仍為該參將奏保總兵。楊安龍至今亦未回省。馮子材於唐元芳之任性乖張。楊安龍之輕率躁妄。皆置不

問。未免心存偏袒。請旨飭查等語。著吳昌壽將唐元芳楊安龍才守優劣分別詳查。如與張凱嵩所參相符。卽著據實參奏。以正官常。該署撫抵粵伊始。自毋庸用其徇隱。代人受過也。將此諭令知之。○三口通商大臣崇厚奏報天津寄存火藥轟發。現飭採買賠補。得旨。此項火藥正當需用喫緊之際。何以無故轟發。難保不有奸人涇跡。仍著切實查明。毋稍含混。並著該大臣及恆慶趕緊分賠採買。

以資應用。○壬寅諭內閣。朱鳳標等奏遵旨會議國防事宜一摺。五城練勇局務著添派毛昶熙。龐鍾璐。徐樹銘。會同賈楨管理。分日到局抽查。實力操防。該練勇如有不法情事。卽著照軍法重懲。將該帶勇官從嚴議處。並責成五城御史協同查察。北城陝西巷拒殺事主一案。是否係該局練勇。該管官有無失察情事。著刑部於定案時聲明請旨。尋奏案內夥犯張禿子又名張興瀾充當西城團防局練勇。該管官失察處分。應分咨各衙門辦理從之。○諭軍機大臣等。戶部奏請飭催各省應解京餉一摺。上年十二月間。經戶部奏撥本年京餉銀七百萬兩。限五月底前解到一半。年終解清。茲據該部查明。截至五月底止。除福建鹽課報解過半。河南地丁暫准停免。安徽湖北地丁。江漢關稅。長蘆鹽課。湖北鹽釐。均經奏咨展緩外。其餘山西等省地丁。兩淮等處鹽課。粵海等關稅。有報解未及一半。

者。有絲毫未解者。京餉關繫緊要。豈得任意延宕。著各該將軍督撫監督等。卽將前項應解銀兩。統於年內埽數解齊。毋得遲延干咎。另片奏本年畿內亢旱。被災甚重。發帑賑濟需款較多。請添撥銀兩等語。著照所請。除江蘇釐金二十萬兩。浙江釐金十萬兩。業經提撥外。再添撥廣東釐捐銀十萬兩。福建釐捐銀十五萬兩。江西釐捐銀十萬兩。浙海關洋稅銀二十萬兩。閩海關洋稅銀十五萬兩。著各該將軍督撫等。按照添撥數目。一併於年內解到。毋得飾詞延宕。致誤要需。將此由五百里諭知福州將軍。三口通商大臣。直隸兩江四川江蘇安徽江西福建浙江湖北湖南山東山西廣東各督撫。並傳諭粵海關監督知之。○又諭李鴻章奏遵籌辦賊情形一摺。捻蹤既入登萊。官軍不在追逐。先重堵截。自係正辦。該大臣因籌辦運防。未能卽赴前敵。著先責成劉銘傳統率各路援軍。會同丁寶

楨實力堵剿。以期漸次兜圍。儻有堵禦不力。卽著該大臣據實嚴參。以肅軍律。李鴻章俟添調既齊。布置既固。仍著馳赴前敵。籌督聚殲。切勿徒託空言。致負委任。將此由六百里諭令知之。○又諭成祿奏攻剿肅城情形。並催運敦煌縣糧石各摺片。肅州賊匪屢次出撲官軍營盤。經把總劉玉江陣斬首逆。賊氣大索。該提督正可乘此機會。督軍進攻。迅圖克復堅城。毋再遷延貽誤。王仁和所部六營。前經楊岳斌改調回省。現在肅城攻剿喫緊。著穆圖善卽飭令該軍。仍紮肅州助剿。所有黃祖淦。王仁和兩軍。均著歸成祿節制。以一事權。兩軍既如所請歸併節制之後。所稱哈密各處。尚可分營兼顧。自當實力籌撥。不准徒託空言。文麟久駐高臺。屢經降旨嚴催。尚復逗遛不進。殊堪痛恨。著懍遵疊諭。剋日馳赴新任。儻再藉詞觀望。自問當得何罪。敦煌縣倉穀。著穆圖善成祿。迅飭該地方官運赴

巴里坤。以資接濟。將此由五百里各諭令知之。○又諭成祿奏餉需不繼。窘迫堪虞。請飭催迅速籌解等語。現在成祿肅州軍務正在喫緊。並整頓出關。需餉尤亟。四川欠解成祿軍餉。為數甚鉅。著駱秉章遵照疊次諭旨。迅速籌款。趕解肅州軍營。以濟急需。不可遲延。湖北應解月餉。著李瀚章。曾國荃查照去年九月二十二日諭旨。設法籌解。其陝西應解之餉。雖經喬松年奏請暫緩起解。但肅州軍餉支絀。仍著喬松年審度情形。酌量接濟。其李雲麟分撥之款。俟成祿出關時。再行咨明。李雲麟均勻分撥。至所稱撥解倉糧。僅准甘省藩司指撥安敦玉三萬石。半載有餘。尚未解到等語。著穆圖善督飭藩司迅速催撥。其未派之七萬石。能否於本年秋收項下在甘涼兩屬就近各州縣分撥之處。並著穆圖善斟酌辦理。左宗棠計可入關。務將各軍餉需詳確妥籌。毋使匱乏。將此由五百里各諭令

知之。○癸卯。諭軍機大臣等。譚廷襄奏直隸鹽梟土匪蠢動。擬請官兵緩赴東省防河。迅將匪眾撲滅一摺。所稱鹽梟土匪滋擾情形。與歷次劉長佑等陳奏大略相同。所請直隸防河之兵暫緩赴東。先清本境。自係為亟。顧畿疆起見。惟東省匪勢未衰。防河至關緊要。前據劉長佑奏稱。自范縣至張秋。派唐訓方統帶六營赴防。自張秋至齊河。派劉景芳統帶六營赴防。原期扼守河干。密益加密。現在直隸梟匪土匪同時蠢動。亦宜乘其初起。迅速翦除。以遏亂萌。鄧在仁。劉雲鶴等勦賊雖疊次獲勝。尚恐兵力較單。不足以盡殲醜類。著劉長佑斟酌情形。如兵力不敷。或就近將劉景芳暫行調回。先將直境之賊辦竣。再令赴防。如劉景芳調回。河防稍覺空虛。著與崇厚妥商兼顧。毋誤事機。原摺著鈔給閱看。將此各諭令知之。○又諭。前因鮑超傷病未痊。准其回籍調理。所部各營令婁雲慶接統。並

諭令曾國藩李鴻章將該部嚴加裁汰。分別撤留。茲據譚廷襄奏。此軍人數較眾。內多降勇。一議遣撤。勢必藉端索餉。枝節橫生。止可議分。不可議撤等語。所奏不為無見。著曾國藩李鴻章設法籌辦。總期駕馭得宜。毋滋事端。是為至要。婁雲慶統領此軍。能否壓服。抑作如何分統之處。並著曾國藩等妥酌具奏。譚廷襄原片著鈔給閱看。將此由五百里各諭令知之。○又諭。穆圖善奏西路勦匪獲捷。並華亭縣失守各摺片。米拉溝回匪素稱强悍。動輒滋事。此次官軍雖經獲勝。尚未能擣穴擒渠。該署督當俟其窮感悔罪時。再行議撫。不可豫設招降之見。草率了事。華亭縣城失守。已據喬松年奏稱克復。該縣為赴陝孔道。甘回屢由此路竄陝。穆圖善當速籌添兵馳往扼守。嚴密堵截。不可以鄰為壑。被害紳民並經制孟宗孔傷死情形。均著查明具奏。將此諭令知之。○予甘肅華亭殉難知縣張

衍福典史哈慶雲祭葬世職加等。○甲辰以望雨仍殷迎請直隸邯鄲縣

龍神廟鐵牌來京供奉

都城隍廟設壇祈禱。○諭內閣庫克吉泰奏參調營規避人員並請另行調員差委等語。察哈爾降調遊牧員外郎保順經庫克吉泰奏調赴營始則藉詞逗遛繼又藉病推諉實屬有心規避保順著交部議處即行開缺回旗聽候部議毋庸前赴庫克吉泰軍營。察哈

爾遊牧員外郎恩霖著察哈爾都統即飭該員迅赴庫克吉泰軍營聽候差遣。○諭軍機大臣等丁寶楨奏分築膠萊河牆賊勢南趨一摺所陳籌辦情形與李鴻章前奏辦法略同惟防局現甫草創賊眾已遂飽掠若不兼籌截剿恐河防布置終歸虛設現在東省兵力已厚即著李鴻章等統籌全局防剿兼施毋任該逆縱橫無人之境反得養其精銳軍情變幻靡常朝廷不為遙制總之設防原為

兜勦之計若非進紮迎勦恐防務未固賊蹤突至該大臣等總須計出萬全方為妥善將此由六百里各諭令知之。○又諭庫克吉泰喬松年奏朝邑截勦竄賊獲勝一摺捻逆由富平蒲城一帶窺伺同朝經劉松山安住等軍緊躡東追抄過賊前奮力截擊殺賊甚夥該逆仍竄回蒲城舊路此股賊匪於渭北一帶盤旋並窺伺同朝為渡黃之計其垂涎山右實在意中劉松山此次力疾扼勦實屬奮

勇可嘉著庫克吉泰喬松年督飭該軍會同安住等迅由蒲城躡蹤追擊務期就地殲除毋任紛竄左宗棠計已入關著迅督所部合力兜圍以圖殲事其北山一帶懷遠葭州等處回匪勦辦情形並著喬松年等隨時馳奏將此由五百里各諭令知之。○山東巡撫丁寶楨奏軍務未竣請將本年鄉試展緩舉行從之。○以太常寺少卿劉有銘為江南鄉試正考官翰林院編修王榮瑄為副考官。○予

陝西朝邑陣亡參將邵得勝等祭葬世職加等。○追予安徽徽州等處殉難通判陸京等祭葬世職。○蠲免陝西涇陽咸陽高陵鄠大荔華乾咸甯長安臨潼藍田同官鳳翔隴郿長武洛川中部宜君三原興平武功蒲城華陰鄜朝邑三水藍屋孝義甯陝渭南醴泉寶雞南鄭褒城沔城固略陽甯羌留壩水壽澄城耀佛坪岐山四十五廳州縣被災被擾地方新舊額賦有差並展緩邠州民欠折徵銀

○乙巳遣官祭

火神廟。○諭軍機大臣等都興阿奏遼陽邪匪逃逸已令洋槍隊起程一摺。旂桿堡邪匪潘秉得等在遼陽滋擾據該州城守尉萬福等續稟聞拏逃遁旋竄于家店經團練擊散不知去向並令洋槍隊即由遼起程回津等語所稟情形殊屬含糊是否該城守尉知州前稟過涉驚惶抑或希圖將瀋陽所備兵車即令過站藉端巧避兵差著都興阿查明奏

奏其拏獲潘秉得之母張氏並賈汶舉等四名即著嚴行審訊按律懲辦在逃匪犯潘秉得等都興阿當督飭弁兵悉數擒捕務絕根株春霖所部洋槍隊業經起程回津應否調赴防所或即令歸伍之處著崇厚妥籌調度將此各諭令知之尋都興阿奏查萬福等係因聞賊渡河故將城門暫閉並非無故驚惶應請免議逸犯潘秉得仍嚴飭旗民一體擒捕報聞。○調察哈爾副都統玉亮為西安右翼副都統盛京副都統杜嘎爾為察哈爾副都統以興京城守尉清凱為盛京副都統。○浙江黃巖鎮總兵官丁泗濱因病解職以記名總兵官李新燕為浙江黃巖鎮總兵官。○添建浙江駐防滿營衙署從巡撫馬新貽請也。○丙午諭內閣前據瑞麟將益澧奏請以保舉知縣改捐鹽大使黃雲仍歸知縣分發廣東補用業經吏部奏駁依議辦理茲據瑞麟等奏懇將該員仍改知縣分發廣東補用

等語。黃涇雖係保舉知縣在先。惟既經改捐鹽大使。分發到省。如果才具出色。將來自有上進之階。該督撫何必為之違例瀆奏。致啟效尤取巧之漸。所請著不准行。○豁免浙江海鹽縣無著學租銀。○丁未諭內閣。本年畿輔亢旱。朝廷廩念民艱。疊經降旨。令順天府尹直隸總督。查明被災地方。分別蠲緩錢糧。並特發帑金米石。籌辦賑濟。該兼尹等諒已迅速遵辦。第恐不肖官吏。玩視民瘼。或將應蠲應緩錢糧。延不查報。仍復一律徵催。或縱令書吏舞弊。於查勘災荒。上下其手。甚至侵蝕賑濟銀兩。致恩膏不能遍及。種種弊竇。均不可不防。著該兼尹等嚴行查察。如有前項情弊。即行從嚴懲辦。儻該兼尹等漫不加察。致生弊端。或經人叅奏。或朝廷別有訪聞。除官吏加等嚴辦外。定將該兼尹等一併懲處。決不寬貸。其有地方紳富捐輸銀米助賑者。准其奏請獎勵。至守護

東西陵寢官兵等。值此糧價昂貴。謀食維艱。情亦可憫。著加恩各賞給銀二萬兩。由戶部發交守護

陵寢大臣。馬蘭泰甯兩鎮總兵。即行辦理。平糶以資周轉。而示體恤。○又諭。前因御史佛爾國春奏稱。綿森等查辦湖北省提用竹木捐餽送一案。未將收受職名清單呈進。當經諭令軍機大臣。向刑部查取原單呈覽。並令綿森等將單內所開各員。分別奏辦。茲據綿森譚廷襄先後奏稱。歷來查辦事件之員。止應於訊明後。將緊要情節及如何酌辦之處。具摺奏明。至全案卷冊。向止送部備查。現經遵旨分別奏辦。查湖北省自克復後。辦公草創。隨事設施。其不循例案者甚多。所有動用竹木捐一款。其咎不在收受而在濫支。且其餽送之事。公私皆出有因。並非平空朋分等語。此案收受餽送各員。既經綿森等查明並無別項情弊。且歷任濫支之員。業經責令分賠。

予以議處。自無庸。事追求。致啟瑣屑苛刻之漸。所有單內開列之顏宗儀等各員。均著加恩免其置議。綿森等查辦此案。本無不合。惟未將此節詳細情形。隨摺分晰敘明。究涉疏漏。其自請議處之處。著加恩改為交部察議。○諭軍機大臣等。本年天氣亢旱。糧價騰貴。守護

東西陵寢八旗綠營禮工二部內務府官兵差役。覓食維艱。本日已明降諭旨。各賞給銀二萬兩。由戶部給發為平糶之用。俟此項撥發到日。著載鋼純堪奕梁裕恪會同景霖衍秀妥籌辦理。此項銀兩專為體恤旗綠兵丁並官役艱苦起見。務須區畫得宜。毋滋流弊。方為妥善。

陵寢重地。防護緊要。值此飢荒遍野。人心浮動之際。尤宜倍加小心。以昭慎重。著該大臣等督飭該兵役等加意看守。毋稍疏忽。將此各諭令知之。○又諭劉長佑奏梟匪敗竄。擬就

現有兵圍。悉力追截。並散匪竄向東南各摺。片直隸晉州等處梟匪經劉雲鶴鄧在仁等分投追剿。並經各州縣團勇截拏。陸續捕獲多名。亟應悉力殲除。盡絕根株。著劉長佑督飭各兵勇認真擒緝。毋任敗殘之匪潛匿。紛逃致貽後患。直境之兵。現數勦辦。宣化等處練軍。計日可抵河間。正定等處足資鎮攝。神機營挑備之兵。即可暫緩起程。劉景芳一軍。應否仍令扼守河干。不必調回協剿。並著妥慎斟酌。匪首楊三既已陣斃。餘匪多係山東冠縣館陶德州等處之人。現既徑向東南竄去。勢必潛回舊巢。山東武定等處梟匪充斥。又逼近捻氛。難保不勾結為患。著丁寶楨嚴飭該地方文武各官實力擒捕。劉長佑一面派兵馳赴東境。會同查拏。以期悉數弋獲。杜絕亂萌。將此各諭令知之。○又諭李鴻章奏催兵分紮膠萊河。並調運防隊伍前往接應一摺。劉銘傳等軍。與丁寶楨所部各營。現擬

分段扼守膠萊河。築牆堵截。計日興工。固係正辦。惟前據丁寶楨奏稱所分地段。甫經興工。賊已由福山回竄即墨。距膠甚近。東軍僅五千餘人。恐難杜其奔突等語。就目下情形而論。賊之竄出膠州。已在意中。李鴻章現調宋慶王永勝兩軍。前赴膠萊河策應。著英翰李鶴年協同嚴催。兼程前進。與丁寶楨所部及銘鼎兩軍協力截剿。毋執分段扼守之見。致令飽掠竄逸。其張曜譚仁芳劉維楨張樹

聲各軍。著李瀚章曾國荃劉長佑李鶴年迅飭赴防。李鴻章一面催提。毋稍延誤。至李鴻章所設運防。丁寶楨所設膠萊河防。均待月餘之久。賊蹤飄忽。勢必不肯坐困登萊。似應量為變通。節節橫擊。或可漸挫其鋒。著該大臣等妥酌籌辦。煙臺防兵。是否足用。奉天所留天津之洋槍隊五百名。昨已據都興阿奏令回津。著崇厚探訪情形。妥為調度。鮑超各營。婁雲慶曾否接統。或由該大臣催提此軍。

馳赴東省以厚兵力之處亦著隨時酌奏將此由六百里各諭令知之。○以山東夏津縣捐輸團練永廣學額三名。○以湖北蘄水縣捐輸團練永廣學額三名。○追予直隸樂城殉難知縣唐盛建立專祠。典史陳虎臣暨紳民幕友等一併附祀。○免直隸昌平州本年例貢果品。○戊申諭內閣劉嶽昭奏請將在逃之遊擊嚴拏懲辦等語。候補遊擊王春玉不守營規且有與外匪結盟之事。該撫正在

查辦間。該遊擊輒敢乘間逃脫。至今緝拏未獲。王春玉著卽行革職。並著各直省督撫飭屬一體嚴拏。獲犯後卽行就地正法。以肅軍律。○諭軍機大臣等。本日據御史汪朝榮奏稱安徽浙江交界之廣德州一帶。開墾荒地有浙江台州暨湖北等處游民各帶兵器聚眾數千。四鄉搶掠。致居民驚恐。遷徙請旨飭查等語。該處為皖浙門戶。兵燹之後。尤宜鋤莠安良。以培元氣。著英翰馬新貽按照該御

史所奏嚴飭各該地方官實力稽查如有遣撤兵勇藉端霸占等情卽行妥為籌辦其無主荒地應如何設立章程以杜滋擾居民之處並著該撫等會商辦理原片著鈔給閱看將此各諭令知之尋奏遵查廣德州客民係因出示招墾而來帶有家眷農器並非游勇現於鄉間設局造冊分別田業有主無主或歸田價或償籽本以杜爭端報聞○又諭有人奏湖南署郴州知府楊昌江私收釐稅勒

罰職員何姓銀兩入己杖責生員李懷白信任劣紳李周楨等致干預公事賄賂公行並有酗酒賭博濫刑斃命情事請飭查辦等語所參各節是否屬實著劉崐逐一查明據實參奏毋稍徇隱原片著鈔給閱看將此諭令知之尋奏遵查楊昌江抽收釐稅係循照舊章因案罰款亦為地方工程需費實無漁利入己信任劣紳情事惟偶於飲酒後審案致招物議究屬不合該員業經病故應無庸議

報聞○吉林將軍富明阿等奏江甯副都統富陞病假已滿現飭起程赴任報聞○旌表守正捐軀河南鄭州民楊鳳生妻宋氏○己酉以祈雨靈應頒金牌於直隸邯鄲縣龍神廟文曰閭澤宏敷○諭內閣前因京師亢旱疊經降旨禱祈旬日以來陰雲密布霖霖頻施昨日甘澍旁敷土膏滋潤此皆仰賴昊慈默佑寅感實深朕於二十八日親詣大高殿拈香以答

神庥惟時當溽暑農田望澤尤殷仍冀甘霖疊沛優渥均霑以迓和甘而慰民望○諭軍機大臣等李瀚章曾國荃奏請飭豫省撥軍馳防荆子關一招張逆盤旋渭北蓄意東趨荆子關一路自應添兵扼守惟豫中宋慶張曜等軍現已調赴東省馬德昭段廣瀛等軍亦由李鶴年派赴閩鄉前以豫省無兵可籌特飭鄂中派軍以固腹地該署督等何得以道途遙遠軍行無大將督率等語意存諉卸左

宗棠等軍。不日即可入關。戰事方亟。所有荆子關一路。仍著李瀚章曾國荃迅派得力人員。統帶勁兵。星速前行。認真扼紮。儻該署督等堅持己見。徒藉口於無兵可撥。致捻蹤乘間竄出。蹂躪中原。是該署督等不顧大局。朝廷斷不能曲貸也。懍之戒之。將此由五百里各諭令知之。○又諭前因荆子關門戶洞開。諭令李瀚章曾國荃派兵堵禦。茲據奏稱。譚仁芳等軍調赴東境。鄂中現無可調之軍。請

仍飭河南撫臣酌撥一軍。防守荆子關等語。河南兵力本單。宋慶等軍現又派赴東境。豫省亦屬無兵可撥。本日已諭李瀚章曾國荃懍遵前旨。抽撥兵勇。馳赴荆子關嚴密守禦。李鴻章亦當統籌兼顧。毋令張逆乘間回竄。鄂境前據譚廷襄奏。鮑超一軍止可議分。不可議撤。當諭令曾國藩李鴻章設法籌辦。婁雲慶計可到營。鮑超所部作何統率。未據奏報。或即令該軍分扼荆子關。及另作調遣之

處。著曾國藩李鴻章迅籌妥辦。毋涉虛糜。致貽他患。將此由五百里各諭令知之。○

上以孟秋時享

太廟。自是日始齋戒三日。○庚戌

上詣

大高殿謝雨行禮。○守護

西陵公奕梁等奏請飭直隸總督派員買米接濟兵食。得旨。昨已諭令戶部發去銀二萬兩。辦理平糶。著奕梁等遵奉前旨。俟此項撥發

到日。妥籌辦理。即無庸再由直隸派員攜銀採買。○以驗收海運漕糧完竣。予協辦大學士瑞常侍郎宋晉優敘。道員恆慶等加銜升敘。有差。○辛亥。

上以孟秋時享

太廟。前期親詣行禮。○以神靈助順。加江蘇高郵州五龍將軍封號。曰顯應。○諭內閣。都興阿等奏。承審貝勒被人京控各案。會同訊明。大概情形。請解送熱河。就近提審。各摺片。俱

慶奏散已勒諾爾贊被控牽涉各案。請仍飭都興阿等遵旨斷結一摺。此案前後情節關係甚重。亟應迅速根究。何得互相推諉。著都興阿、額勒和布、恩錫仍遵前旨。悉心嚴究。以成信讞。除熱河解交盛京之丹巴等七名口著都興阿等收審外。其喇嘛蒙古等十八名。仍由麒麟慶解還盛京。歸案審辦。所有應提案卷及干涉人證。並著麒麟慶一併解送盛京。以備質訊。○又諭麒麟慶奏土默特八支箭箭丁

三十一

三十一

與旗員互控一案。因該貝子久不在旗。兩造抗匿不出。案懸未結。請飭回旗會辦一摺。土默特貝子索特那木色登現在京城。著理藩院飭令迅速回旗。督同該協理旗員等。稟由正副盟長派委妥員前往會同迅速將該箭丁富汰等拘傳到案。並將原案被控之旗員阿昌阿等解交熱河都統衙門。以憑訊辦。該貝子之父已革貝子德勒克色楞係曾經獲咎。閉門思過。仍不准隨同回旗。索特那木色

登於各案清結後。即著來京。○琉球國使臣毛文彩於午門外瞻覲

三十一

三十一

大清穆宗繼天開運受中居正保大定功聖智誠孝信敏恭寬毅皇帝實錄卷之二百六

大清穆宗繼天開運受中居正保大定功聖智
誠孝信敏恭寬毅皇帝實錄卷之二百七

欽定大清會典事例
光緒二十六年七月
諭軍機大臣等前因戶部
三庫奏請飭催各省欠解白蠟曾經寄諭各
該省立限解部茲復據該衙門奏稱至今將
及逾限非但無一省解到亦無一省咨報起
程現在就近購辦價值昂貴設遇無可採買
之時恐有貽誤請再行嚴飭遵限趕解等語
此項白蠟係恭備各項祭祀及內廷等項需
用各該省任意拖延實屬有心玩泄且有動
支錢糧已開銷數年之久該督撫並不將承
領之員侵蝕那移詳查參究尤屬不成事體
即著瑞麟李瀚章曾國荃劉崑蔣益澧督飭
藩司仍遵前限將所欠白蠟趕緊解京交納
毋再延宕致誤要需其承領銀兩辦運遲延

同治六年丁卯秋七月壬子朔享

太廟遣禮親王世鐸恭代行禮○

上詣綏履殿問

慈安皇太后安平安室問

慈禧皇太后安至庚辰皆如之○諭內閣戶部

奏遵議右贊善徐申錫積穀條陳等語前因

畿輔亢旱曾經截撥漕糧等項以備賑濟並

諭直隸總督順天府府尹妥議救荒之策猶

恐糧價增昂民食缺乏江蘇浙江等省既屬

豐稔即著該省督撫迅各籌款採買米糧數

十萬石由海船運赴天津一切經費准其作
正開銷並著盛京將軍奉天府府尹察看該
處情形能採買粟米若干石即行奏明由戶
部籌款撥給趕緊購運仍均准其免稅此項
採買米石俟挽運到日應如何平糶之處著
戶部酌量辦理○諭軍機大臣等前因戶部
三庫奏請飭催各省欠解白蠟曾經寄諭各
該省立限解部茲復據該衙門奏稱至今將
及逾限非但無一省解到亦無一省咨報起
程現在就近購辦價值昂貴設遇無可採買
之時恐有貽誤請再行嚴飭遵限趕解等語
此項白蠟係恭備各項祭祀及內廷等項需
用各該省任意拖延實屬有心玩泄且有動
支錢糧已開銷數年之久該督撫並不將承
領之員侵蝕那移詳查參究尤屬不成事體
即著瑞麟李瀚章曾國荃劉崑蔣益澧督飭
藩司仍遵前限將所欠白蠟趕緊解京交納
毋再延宕致誤要需其承領銀兩辦運遲延

之委員。並著該督撫等查取職名。交部議處。戶部三庫單一件。著鈔給閱看。將此各諭令知之。○又諭劉長佑奏先辦土匪。兼顧河防一摺。直隸土匪。敗竄山東臨清。復回竄直境。由曲周平鄉擾及隆平縣屬之蓮子阮。該處鄉團接仗。多所傷亡。總兵劉雲鶴督軍馳至。斃賊百數十人。餘匪向林稽深處竄逸。此股敗匪。雖僅三四百人。誠恐飢民煽惑。一經響應。又成巨股。著劉長佑督飭該總兵及調回之余承恩等。乘此聲威。迅速分投搜剿。務期殄滅無遺。毋令再有延蔓。山東館陶邱縣一帶。於賊竄近時。卽有教匪傳帖入夥。是該處伏莽已形蠢動。並著丁寶楨嚴飭該處地方官。實力稽查彈壓。以絕亂萌。毋任勾結起事。至黃運兩防。均關緊要。其調度機宜。著劉長佑隨時妥籌兼顧。務臻穩密。本日據左宗棠奏請調直隸候補道祝壇赴營差遣等語。該員若在直隸。著劉長佑催令迅赴左宗棠軍

營。聽候差委。將此由五百里各諭令知之。○又諭左宗棠奏各軍分道入秦。抵關後妥籌辦理一摺。左宗棠所率各軍。冒暑遠征。頗形勞瘁。而於函谷倉卒之際。得以從容鎮定。覽奏甚慰。捻逆疊經追剿。其勢已衰。正可乘機翦滅。著左宗棠卽督飭劉典各軍。嚴密兜拏。悉數殲除。肅清陝境。毋令出竄豫鄂。復肆蔓延。高連陞所部。已泝漢西上。並著該大臣及早迎提。以厚兵力。至所稱陝回及兵勇土匪擾害情形。均著隨時妥籌辦理。另片奏請調員差遣等語。直隸候補道祝壇。已諭知劉長佑催令前往。如尚在李鴻章軍營。著卽飭令赴陝。四川卽補知府唐炯著駱秉章飭赴左宗棠軍營。聽候差委。將此由五百里各諭令知之。○派大理寺卿興恩。宗人府府丞兼署順天府府尹胡肇智。監臨順天鄉試。○以運解兵米遲延。山東道員沈維敬下部嚴議。○癸丑。河南巡撫李鶴年奏豫軍馳抵運防。分

段認守。抽派宋慶一軍赴膠萊會剿。並回省整頓河防。得旨著飭令在事各員認真防剿。荊子關一路。前已寄諭李瀚章等。仍令派兵防守。卽著飛速咨催。以厚兵力。該撫現已回省。仍當確探軍情。相機策應。○甲寅。諭軍機大臣等。英翰奏親抵宿遷。布置運防。並請飭催江海關協餉各摺片。英翰親赴邳宿一帶。與張之萬酌量情形。並將皖軍下移。以補清淮之不足。尚能不分畛域。著卽責令張得勝等剋期築牆。分段扼守。仰化集以下東至海濱。地廣兵單。張之萬當就現有兵力。先行分紮布置。曾國藩所調陞字營一軍。李鴻章所調浙勇五千。均著迅飭到防。以期嚴密。捻蹤飄忽靡常。運防最為喫重。李鴻章務當豫籌守禦。毋令乘虛竄出。致誤全局。至江海關應協皖餉。前經部議照常撥解。現在皖軍出境防堵。需用甚急。著曾國藩郭柏蔭迅為按月籌撥。不得仍前延誤。將此由六百里各諭令

知之。○總理各國事務衙門奏請採買洋米。以濟民食。如所請行。○陝西巡撫喬松年奏。遵籌沿邊情形。歸化城一帶。尚可無庸分兵駐紮。得旨歸化城一帶。目前雖可無虞。惟賊蹤肆竄靡定。仍當督飭胡世英等及早殲剿。以杜旁逸。並與左宗棠隨時妥籌。毋稍大意。○頒福建省城正誼書院扁額。曰發藻儒林。○予陝西渭北等處陣亡都司楊輝玉等祭葬世職加等。○乙卯。諭內閣。萬青藜。胡肇智。奏城外添設粥廠。撥給各屬米石。先事籌辦。荒務。並請派員稽查各摺片。所籌均屬周妥。所有六門外開設粥廠。卽著督飭委員認真辦理。其東路之定福莊。南路之黃村龐各莊。采育。西路之盧溝橋。北路之孫河清河。添設粥廠七處。著派石贊清。彭祖賢。貢璜。王榕吉。孫長絃。張光第。蔣志章。前往稽察彈壓。實力監放。務使實惠及民。餘俱著照所議辦理。○又諭。御史佛爾國春奏請嚴禁斷運。以濟民

食一摺。據稱熱河所屬板城地方。有商販米石。運至該處上船。經委員朱姓勒令留米平糶。其餘米石。仍復多方勒索。不准起運。並有米船被劫。該委員不為拏辦之事。請飭查辦等語。近畿一帶。米糧向不敷用。本年直隸各屬。亢旱日久。二麥全無。尤須產米之區。源源接濟。乃板城商販米船。該委員一味留難。不准開運。實屬不曉事體。且難保無藉端需索情事。著熱河都統嚴飭委員。無論何時。凡遇

口內販米商船。卽令裝運開行。不准稍有刁難。並將肆搶匪徒。嚴行懲辦。以通商販而裕民食。○諭軍機大臣等。有人奏直隸豐潤縣開平鎮一帶。向有棍徒創立天罡會名目。本年五月間。買馬五百餘匹。聞欲於八月間赴奉天遼陽州迎接教主等語。本日據都興阿奏奉天遼陽教匪潛謀起事。業經官兵擊散。首犯趙希哲在逃未獲。該匪等蹤跡詭秘。聲息相通。豐潤地方。既有匪徒。難保不與趙希

哲等暗中勾結。著劉長佑卽行訪查明確。迅派兵役。嚴密捕拏。從重懲辦。毋任屬員諱飾。致貽後患。原片著鈔給閱看。將此諭令知之。○又諭都興阿奏。勒敗撲犯孤山匪徒。並遼陽昌圖緝捕情形一摺。木匪王作幅夥黨。竟敢藏匿海島。乘船糾眾。竄擾鳳城孤山等處。雖經都興阿派兵擊敗。陣斃匪首于正潞。而三道浪頭等處。山險路歧。匪徒到處散匿。恐其勾結聚成。大股。該將軍務當設法擒剿。以絕根株。不得但以分守水口要港。養癰貽害。遼陽昌圖各匪。雖經官兵擊散。在逃之趙希哲及趙貴等。亦當上緊緝獲。現在登萊一帶。捻氛肆擾。奉省海口。亟應防範。並著該將軍嚴飭海口各屬。詳慎稽查。毋任該匪偷渡。致釀亂萌。地方不靖。責有攸歸。該將軍須振刷精神。將各路匪徒。及在逃匪首。認真緝捕。毋再因循貽誤。懍之。本日復有人奏直隸豐潤縣開平鎮一帶。向有匪徒創設天罡會名目。

潛聚多人。欲於八月間赴奉天遼陽州迎請
教主等語。趙希哲潘秉得等所習邪教。是否
卽係天罡名目。抑另有他股。教匪潛伏遼陽。
著都興阿確實查明。嚴拏懲辦。毋任與直隸
匪徒勾結。原片著鈔給閱看。將此由五百里
諭令知之。○又諭傳諭署廣西巡撫吳昌壽。
吳昌壽奏鎮安官軍攻克馬隘都安兩賊巢。
一摺。鎮安賊匪以吳亞終為大股。踰伏歸順。
負隅死守。馬隘都安兩股與吳逆狼狽為奸。

經吳昌壽督飭官軍將馬隘都安兩處賊巢
攻拔。正可騰出兵力。專辦歸順一路。著卽嚴
飭各軍。乘此聲威。迅攻歸順老巢。務期殲除
首逆。毋任久踞。逆匪黃付勝張三著查明下
落。嚴緝弋獲。不准漏網。該署撫任伊始。號
令一新。正可嚴檄各將士共加奮勉。肅清邊
圉。以竟全功。以副委任。○予浙江湯溪等處
殉難監生陳象金等紳民婦女四十三名口
分別旌卹如例。○丙辰諭內閣前因京師元

旱。屢經開壇祈禱。朕親詣
大高殿拈香。派近支王等恭祀

三壇。

社稷壇並告祭。

方澤均蒙陰雲四布。微雨飄灑。浹旬以來。頻叨
渥澤。二十五六等日。雷電交作。甘澍優霑。昨
復昕宵霽霽。積潤郊原。並據各處奏報。近畿
均獲深透。此皆仰賴

昊慈垂佑。朕心實深寅感。謹擇於本月初八日。

親詣

大高殿行禮。敬謹報謝。

大高殿覺生寺。卽行撤壇。惟冀甘霖時沛。優渥
常霑。以迓

天庥而慰民望。○又諭直隸地方近有梟匪肆
擾。疊據劉長佑奏報。派兵勦捕多名。並稱餘
孽僅賸百餘。向隆平東南竄逸。勢漸瓦解。覽
奏各情。不難剋期撲滅。乃本日該督奏稱匪
黨被勦竄過滹沱河岸。人數加多。仍向東北

狂竄等語。何以與前奏大相歧異。劉長佑調度乖方。任聽屬員粉飾。率行入告。實屬大員委任。著交部嚴加議處。至該匪奔竄多處。來往自如。並有土匪排船接渡。該管地方官所司何事。何以毫無防範。著劉長佑查明有無縱賊捏報。及此外帶兵各員有無畏葸粉飾情弊。均著嚴行叅辦。該督現已添派兵勇。分路兜擊。著嚴飭在事員弁認真勦辦。各營將士。如有追勦不力。虛報勝仗者。卽著按軍法從事。劉長佑務將此股賊匪。及早殲除。以贖前愆。毋得玩愒如前。致干重咎也。尋吏部議。劉長佑應照溺職私罪例革職。得旨著加恩改為革職留任。○諭軍機大臣等。丁寶楨奏賊勢未動。亟籌修整河牆。並籌勦北路梟匪各摺。膠萊河等處河岸。興築土牆。固以遏賊之奔突。惟捻逆麇集。卽墨蓄意南趨。非有勁軍旁抄夾擊。斷無自驅於海之理。且大雨時行。各河牆隨坍隨補。必至展轉耽延。有妨戰

事。是河牆雖應修築。一面仍當督飭劉銘傳各軍相機進擊。不得以賊勢未動。託故遷延。此時大軍齊赴東境。兵力不為不厚。李鴻章丁寶楨務須力圖藏事。毋以成見自封。轉滋貽誤。煙臺為商賈輻湊之區。前由崇厚派往之洋槍礮隊。自未便遽行撤回。應如何增兵協守之處。著崇厚會商丁寶楨等妥籌辦理。丁寶楨奏直省梟匪竄擾臨清館陶等處。已飭龔易圖等分兵會勦各情。本日據劉長佑奏鹽匪人數加多。仍向東北狂竄等語。此股梟匪前經該督奏稱南竄無多。何以旬日之內復聚至七八百人。並有土匪勾結。竄過滹沱河。擾及清苑各處。其情節支離。顯為蒙蔽粉飾所誤。甚屬可惡。仍著該督嚴飭劉雲鶴等。覘賊所向。實力勦除。並飛檄余承恩劉景芳等。會同掩擊。均當不分畛域。與龔易圖等合力勦滅。毋得以驅出直境為了事。丁寶楨亦當嚴檄龔易圖扼守直東交界。認真撻拏。

如有互相推卸。致令南北回竄。四處蔓延。惟劉長佑。丁寶楨。是問。其各振刷精神。毋干重咎。將此由六百里各諭令知之。○又諭裕瑞。桂成。奏添調蒙兵分防。請調山西兵勇協防一摺。陝省北邊。回逆肆擾。歸綏毗連邊隘。在在應防。裕瑞等現添調伊克昭盟兵五百名。前赴榆林屬之神木縣邊界駐紮。與前往防邊之蒙兵聯絡堵截。移烏蘭察布蒙兵於黃河南岸駐守。察哈爾兵調往歸薩適中處所。

以籌兼顧。布置尚妥。著飭管帶蒙兵之貝子扎那格爾第。隨時嚴密偵探。妥籌策應。毋稍疏虞。至所稱咨調山西兵勇千名之處。該省河防喫重。捻氛尚熾。能否酌撥。尚不可知。惟托清薩三屬河干地廣兵單。深虞竄入。左宗棠庫克吉泰。喬松年。趙長齡等。均當嚴固北路。兼顧統籌。使賊不得沿邊竄逸。方為妥善。甯條梁為山陝門戶。現有另股滋擾。著左宗棠。喬松年等。迅飭帶兵員弁。就地殲除。毋令

竄入晉疆。並將該處防務。嚴密布置。務臻妥協。裕瑞等請將所存哈密餉銀。提給蒙兵二千兩。卽照所請行。將此由五百里各諭令知之。○以遏截竄匪不力。直隸總兵官劉雲鶴革職留營。革副將歐陽繼盛職。遣戍軍臺。○丁巳。諭軍機大臣等。趙長齡奏嚴禁渡口。豫籌防範一摺。山西歸綏等處。均與甘肅蒙古接壤。近有回民假扮客商。或由蒙古烏蘭察布經過。或由河路至三公旗登岸。寄住包頭。

繞赴歸化。購買馬匹軍裝。偽造文書護照。形跡種種可疑。若任聽其往來。奸宄必多。涸跡滋生事端。包頭鎮南海子各渡口。晉省雖有防兵駐紮盤詰。並將船隻提泊東岸。而迤西百餘里。皆係蒙古西公旗地段。大小渡口。並無防兵。回民多由此過渡。潛赴內地。包頭鎮西通甯夏。商回亦時往時來。隘口紛歧。行人溷雜。均屬可虞。著穆圖善。知照現署甯夏將軍。並著裕瑞。桂成。一體防範。凡甘蒙毗連晉

界及阿拉善西公旗蒙古地段沿河一帶渡口多派兵丁逐段防守認真巡查奸宄不准有船停泊該處所轄各營地如有兵民商販私自賣買馬匹軍裝均著嚴行禁止至甯夏與山西貿易往來地界亦應嚴防奸回濶入並著穆圖善知照現署甯夏將軍體察情形嚴定章程知會趙長齡辦理庶思患豫防益臻周密趙長齡仍當飭令馬陞等將沿河地方隨時稽查毋稍大意將此由五百里各諭

令知之○以湖北崇陽縣捐輸團練永廣學額六名○以四川捐輸津貼銀兩永廣漢瀘廣安彭巴梁山資陽內江中江洪雅隆昌十一州縣學額各二名江北眉忠簡資合涪巴蓬綿崇慶華陽銅梁綦眉溫江萬樂山灌名山什邡墊江雅安新津達樂至雙流金堂東鄉射洪新都鄆三臺彰明新甯鄰水德陽渠儀隴羅江安營山長壽閬中南充江津永川南部西充大足定遠通江夾江捷為榮威遠

宜賓南溪富順彭山大邑蒲江江安合江六十三廳州縣各一名○命五城飯廠暨普濟堂功德林煮賑展期兩月○戊午以神靈助順頒廣東惠州府碣石元武山

玄天上帝廟扁額曰威宣嶺表○以旗員捐輸軍餉永廣順天文鄉試滿洲蒙古中額五名漢軍二名○以山西歷年防河並越境勒賊出力按察使陳湜得旨嘉獎予總兵官蔣臨照以提督遇缺題奏賞副將陳仁貴參將

朱楚和易順勝巴圖魯名號道員楊寶臣參將恩瑞等花翎知縣許榮綬等藍翎餘加銜升敘有差予陣亡遊擊朱煥友等十六員祭葬世職○己未以甘澍優霑

上詣

大高殿行禮報謝○遣惇親王奕諒詣

方澤恭親王奕訢詣

社稷壇禮親王世鐸詣

天神壇睿親王德長詣

地祇壇。肅親王華豐詣

太歲壇。豫親王義道詣

關帝廟。惠郡王奕詳詣

都城隍廟。醇郡王奕譞詣

時應宮。鍾郡王奕詒詣

昭顯廟。孚郡王奕誨詣

宣仁廟。貝勒載治詣

凝和廟。鄭親王承志詣

覺生寺。順承郡王慶恩詣

黑龍潭。克勤郡王晉祺詣密雲縣

白龍潭。鎮國公奕詢詣清漪園

龍神祠。鎮國公奕謨詣靜明園

龍神祠。拈香。○諭內閣本日

方澤各

壇廟升香報謝。正值大雨滂沱。四郊霑足。曷勝

欣幸。所有本日太常寺執事各員。均著賞加

一級。○又諭丁寶楨奏要缺需員。請揀員升

補一摺。山東臨清直隸州。地當水陸要衝。管

轄三縣。兼管關稅。現在修理河防。籌辦防堵。

事事均關緊要。既據該撫奏稱。歷城縣知縣

陶紹緒。老成樸練。有守有為。實堪勝任。著准

其升補臨清直隸州知州。以重地方。嗣後不

得援以為例。○諭軍機大臣等。劉長佑奏。勦

捕鹽匪情形。並請派員總統。遵化練軍各片。

西路鹽匪。竄向安州東路。復有新起鹽匪。竄

擾甯津吳橋等處。恐其聚成大股。劉長佑崇

厚務當嚴飭所派將士。分路兜截。迅速勦除。

不得再任蔓延。致干咎戾。劉景芳所統練軍。

既經調回河間。所有齊河至張秋一帶河防。

卽著責成唐訓方接辦。並將現駐河間之遵

化練軍兩營。調赴齊河。以厚兵力。定安因整

頓密雲旗兵。未能兼顧。遵化練軍事務。著卽

派令春霖前往接統。並接署通永鎮篆務。以

專責成。黃仁遺業。經部議革職。著准其留營

帶隊。以觀後效。將此各諭令知之。○又諭穆

圖善奏賊撲延安郡城。官軍進勦。獲勝等語。

陝西甘泉縣城收復後。該匪糾集大股。逼近延安郡城。經總兵胡世英督隊進剿。斃匪多名。惟賊勢正熾。並未大受懲創。仍著穆圖善督飭胡世英勉力進取。以保郡城。毋稍疏懈。五品花翎馬明起。衝鋒陷陣。尚屬出力。著以都司補用。先換頂帶。前據喬松年奏。派胡世英辦安塞保安定邊一路。與程興烈合剿。專顧陝境西北。胡世英現紮延安。雖與安塞一帶毗連。深恐地廣兵單。不敷剿辦。著左宗棠

喬松年斟酌情形。妥籌兼顧。陝省北邊。逆氛偏地。竄越堪虞。該大臣等仍須懍遵前旨。設法籌辦。不得任賊竄逸晉疆。胡世英一軍。進剿正在喫緊。口糧深恐不繼。著喬松年飭令延安府知府。在於附近地方。設法籌撥糧石。源源接濟。以備軍食。將此由五百里各諭令知之。○直隸總督劉長佑等奏。遵籌救荒賑恤。續擬分撥米石。廣招商販。並勸捐平糶。各章程。得旨。即著該督等實力妥辦。務使實惠

均霑。毋任吏胥中飽。○山東巡撫丁寶楨奏。防剿喫緊。請將本年軍政暫緩辦理。從之。○以翰林院修撰徐郃。為河南鄉試正考官。編修解煜。為副考官。夏子錫。為山西鄉試正考官。李端棻。為副考官。○以山東聊城辦團出力。予在籍翰林院庶吉士楊紹和等。加銜有差。○賞請轎鑾儀衛校尉銀。○庚申。

孝靜成皇后忌辰。遣官祭。

慕東陵。○諭內閣。給事中福寬謝膺禧。御史景

雲奏。俸米逾限。未經放竣。各一摺。本年興平等倉。應放俸米。曾經倉場侍郎奏明展限十日。戶部何以於展限未滿。將未領俸米奏請一律註銷。是否倉場侍郎未將展限日期。知照該部。以致辦理兩歧。著戶部查明具奏。○諭軍機大臣等。國家設立督撫。委任綦重。力矢公忠。和衷共濟。方於理財用人。諸大端。綱舉目張。封疆庶期靖謐。茲據兩廣總督瑞麟。參奏巡撫蔣益澧。任性妄為。劣蹟彰著。著藩

司郭祥瑞朋比迎合。相率欺蒙。恐誤大局。一摺。覽奏殊堪詫異。蔣益澧前在廣西。曾經獲咎。朝廷棄瑕錄用。因其戰功卓著。由司道歷擢巡撫。宜如何感激圖報。力改前非。若如瑞麟所奏。聚勇自衛。袒護同鄉。東西江已無大股賊匪。仍不任地方文武。藉勦捕為養勇地步。廢制兵。糜帑項。悍然弗恤。朱亞春一案。顛倒是非。郭祥瑞違例牽就。反將執法之丁浩訶斥。且聲稱廣西有欠發勇糧。擅向廣東軍

需局勒取。並因署內脩金薪水等費。藉詞提軍需釐金局公項。計二萬餘兩。郭祥瑞不查例案。一味阿比。任意提支。殊形冒濫。裁汰太平關規費後。自生懊悔。乃令藩庫月撥三百兩。運庫月撥七百兩。為撫署月規。授意郭祥瑞向瑞麟聲請。其委署紊亂舊章。越俎阻撓營制。左袒隨員。挾私任意。將粵海關之差役王六忽拏忽放。無辜之邱根嚴押致斃。種種劣蹟。不可枚舉。郭祥瑞一味逢迎。濫動庫款。

不顧大局。如果屬實。大千法紀。著吳棠馳赴廣東。會同慶春秉公查辦。不得含混了事。代人受過。至遷怒幕友。傳諭驅除。該幕有無聲氣。鄭夢玉升署知府。密保之摺。何以不先行商酌。卽列銜具奏。有無冒濫。均著詳細查明。務昭覈實。摺一件。片二件。鈔交吳棠。俟抵廣東後。卽與慶春閱看。不准先行宣露。將此由五百里密諭知之。○又諭。丁寶楨奏。捻股搶撲膠萊河防。經官軍擊退。並烏匪回竄直

境情形一摺。捻逆於七月初一日。大股猛撲膠萊河防。經楊飛熊王成謙等連環策應。先後斃賊數百名。該逆敗渡沽河。又被馬步追剿。淹斃者一千數百名。現由平度回竄萊陽境內。該逆此次搶渡未遂。必不肯坐困絕地。其乘閒潰逸。仍在意中。丁寶楨所築河牆。計日可以竣事。著親督各營。密益加密。毋使有隙可乘。北路情形。劉銘傳潘鼎新兩軍。能否堵禦。李鴻章遠在濟甯。於前敵調度機宜。深

虞緩不濟急。運防固關緊要。然賊斷無坐以待斃之理。官軍遙與相持。且恐養其銳氣。一旦潰裂。將不可支。著該大臣斟酌情形。身臨前敵。督飭銘鼎兩軍奮力進剿。以期呼應較靈。一面分飭得力將弁。趕辦運防。以守以剿。庶不至歲事無期。賊匪購買洋人軍火。最宜防備。著飛咨沿海各省加意巡查。以杜勾聚。北路梟匪。現已竄至清苑屬之北河等處。蹤跡甚為飄忽。著丁寶楨嚴飭龔易圖等嚴防。直東交界。多設偵探。不令再有蠢動。儻直隸股匪仍竄東境。並卽派軍會同掩擊。迅圖撲滅。將此由六百里各諭令知之。○兵部議覆右贊善徐申錫條陳練兵事宜。查京兵定額相沿二百餘年。未便驟議裁汰。惟訓練之方。勢不容緩。擬請仍由神機營於抽練兵額。推廣挑取。以期整飭戎行。至所陳明臣于謙戚繼光練兵章程。應令該管兵大臣斟酌辦理。從之。○命閩浙總督吳棠馳赴廣東查辦事。

件以福州將軍英桂兼署閩浙總督。○命記名副都統巴克坦赴陝西軍營。交西安將軍庫克吉泰等差委。○以江蘇挑濬吳淞江完竣。予知縣王宗濂等升敘有差。○辛酉。孝懿仁皇后忌辰。遣官祭。

景陵。○諭軍機大臣等。順天府奏梟匪回竄入境。請飭會剿一摺。梟匪前向安州東竄。茲已竄擾固安永清。雖經直字營及保定練軍跟蹤追躡。匪蹤飄忽。並未大受懲創。畿輔重地。豈容該匪肆意奔突。劉長佑勦辦此股賊匪。毫無把握。此時若不迅圖撲滅。稍贖前愆。自問當得何罪。現在匪股由永清東南奔竄。本日神機營已派馬步三千餘名。前往兜拏。卽著該督嚴飭費學曾等。覘賊所向。會合夾擊。毋得縱賊自如。始終貽誤。並著崇厚催令派出兵弁一體會剿。以期及早蕆事。胡肇智仍當嚴飭地方官。激勵鄉團會辦。並勤加偵探。毋稍疏懈。將此由五百里諭知劉長佑崇厚。

並諭令胡肇智知之。○又諭前因左宗棠奉命西征。特令沈葆楨總理船政。茲據沈葆楨奏報任事日期。並滙陳各情。覽奏具見誠悃。船政事宜。本非旦夕所能奏效。左宗棠以事當創始。專摺請派。其知該前撫者實深。該前撫清慎之懷。中外共見。朝廷因事擇人。亦期任事者以朝廷之心為心。並非浮言可奪。該前撫現已任事。惟當勉為其難。即著督飭周開錫等實力講求。並將日意格等加意籠絡。

庶觀成有日。用以自強。毋得瞻前顧後。有誤鉅工。沈葆楨以本地紳士督辦船政。必須地方大吏聯為一氣。呼應始靈。英桂、吳棠、李福泰務當和衷商辦。俾該前撫永無掣肘之虞。其應需經費。並著英桂等隨時經理。以竟全功。將此由五百里各諭令知之。○以直隸捐修城工。永廣邯鄲縣學額三名。豪城縣二名。○以江蘇捐輸團練。永廣儀徵縣學額七名。嘉定、崑山、新陽三縣各四名。○以江西捐輸

軍餉。永廣峽江縣學額六名。萍鄉縣四名。○以湖北隨州捐輸團練。永廣學額六名。○以湖南捐輸軍餉。永廣武岡、桂陽二州學額各五名。零陵、桃源二縣各四名。耒陽、宜章二縣各三名。郴、衡陽、甯遠、永明、武陵、永興、興甯、桂東、八州縣各二名。澧、茶陵、攸、安化、安仁、漵浦、石門、常甯、鄱、九州縣各一名。○以四川捐輸軍餉。永廣三臺縣學額十名。成都、酉陽二州縣各八名。資、華陽、江津、犍為、四州縣各六名。

合內江、二州縣各五名。長壽、開資、陽三縣各四名。江北、溫江、灌、新都、什邡、鄰水、萬、梁山、合江、樂山、十廳縣各三名。崇慶、彭、廣元、射洪、巴、永川、銅梁、大足、榮昌、定遠、墊江、江安、威遠、十三州縣各二名。漢、簡、涪、忠、蓬、瀘、崇、甯、鄆、新繁、新津、雙流、金堂、德陽、安、梓潼、彰明、江油、蒼溪、閬中、榮隆、昌、井研、鄆、都、南溪、達、東鄉、新甯、南充、儀、隴、鹽、亭、樂、至、中江、營山、洪雅三十四州縣各一名。○以廣東商民在江蘇上海捐輸

軍餉。永廣廣州府學額一名。○壬戌。

上奉

慈安皇太后

慈禧皇太后幸漱芳齋。侍午膳。○癸亥。

慈安皇太后聖壽節。遣官祭

太廟後殿。

奉先殿。○

上率王以下文武大臣詣

慈寧門。行慶賀禮。眾官於午門外行禮。○詣綏

履殿

慈安皇太后前。侍早膳。○奉

慈安皇太后

慈禧皇太后幸漱芳齋。侍午膳。○諭內閣。前據

景其濬奏。署貴州興義府知府鄭訓達。殉難

請優卹建祠。予諡附祀。當經諭令該省督撫

詳查死事情形。據實覆奏。茲據張亮基奏稱。

查明同治元年興義府失守時。署知府鄭訓

達身陷賊中。於上年十二月潛行回省。罪有

應得。旋經病故等語。各省陣亡殉難人員。經

本籍紳士奏請卹典。朝廷無不立沛恩施。原

因其籍隸本鄉。見聞較確。何以景其濬於失

守城池身陷賊中數年之久。潛行回省。病故

之員。竟為之鋪張事實。率行奏請卹典。實屬

冒昧。詹事府少詹事景其濬著交部議處。尋

議景其濬應比照妄行條奏例。降一級調用。

得旨。准其抵銷。○又諭張亮基奏前貴州糧

儲道金鈞前貴州興義府知府馬應鏜熟悉

科場及地方情形。均請暫緩赴京。俟科場事

竣。軍務稍鬆。再行送部。俟引見後。可否各以

原官仍發貴州差遣。委用等語。金鈞馬應鏜。

均係奉旨送部引見之員。該署撫何得冒昧

奏留。意存見好。金鈞等仍著送部引見。所請

著不准行。張亮基著傳旨申飭。○又諭趙德

光奏請將署臬司鮑桂生破格擢用等語。貴

州候補道員署按察使鮑桂生。如果才堪任

用。應由該管督撫覈其事蹟。據實保奏。趙德

光以副將署理提督。率行越職密保文員。為該署司營謀幸進地步。實屬不安本分。趙德光著傳旨申飭。○諭軍機大臣等。都興阿等奏探聞山東髮逆竄擾情形。飭濱海各城嚴防一摺。崇厚奏嚴防捻匪搶掠海船等語。東省捻匪。經各軍偏諸膠萊河東。其勾結匪徒入海。亦在意中。李鴻章必當通盤籌畫。計出萬全。著與丁寶楨飭令沿海各地方官。嚴禁商船傍岸。免致該匪乘間搶掠。尤須嚴防奸

宄。在海濱接濟匪徒。毋稍疏失。致誤全局。登州海口。與金屬一水相通。避難百姓。不免航海北渡。著都興阿等。通飭濱海各城。嚴防匪徒勾結。奉天邊外餘匪。仍著趕緊嚴拏。毋令散匿。昨據丁寶楨奏賊匪購買洋人火藥。已著該撫飛咨沿海各省。加意巡查。著都興阿。崇厚等認真緝拏。嚴為之備。東省水師船隻。為數不多。且恐未能堅實。上海所設捕盜輪船。堅固迅捷。素稱得力。著曾國藩速飭應寶

時多撥船隻。挑選得力將弁。配齊礮火。駛赴煙臺一帶。交丁寶楨督同潘蔚就近調遣。至登萊沿海口岸較多。李鴻章。丁寶楨。都興阿。崇厚各當督飭將弁及各地方官。嚴密巡防。毋干重咎。將此由六百里各諭令知之。○署貴州巡撫張亮基奏趙德光等軍。擊退定番大塘竄匪。地方漸臻綏靖。得旨著督飭趙德光等迅圖攻拔老巢。以清邊境。又奏請調前鎮遠鎮總兵官張文德等赴營差委。允之。○

以四川官兵勦辦貴州逆匪出力。賞守備嚴先汲等花翎。把總劉平山等藍翎。餘升敘有差。○甲子。陝西巡撫喬松年奏陝省軍務未靖。請將同治五年地丁正耗錢糧展緩造報。下部知之。○署貴州巡撫張亮基奏黔省軍務未靖。請將同治五年地丁正耗錢糧展緩造報。下部知之。○丙寅。中元節。

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○

上奉

慈安皇太后

慈禧皇太后幸漱芳齋侍午膳○諭內閣前因

給事中福寬等奏戶部於興平等倉應放俸

米展限未滿一律註銷當經降旨令戶部查

明具奏茲據該部奏稱春秋俸米旗員限兩

箇月漢員限四十日如遇雨水較大報部酌

量展限仍不得過十日尋常雨澤不得藉詞

請展其逾限不完者監督議處官員違限不

領將應領米石停給仍分別議處例限本寬

乃倉場侍郎於逾限多日或數日之後一概

奏請展限十日迨據奏移咨到部已在七月

初一日戶部奏請俸米停倉之後又與雨水

較大之時候不同覈之定例均有未符所有

未領各員俸米應仍一律註銷請飭倉場遵

照辦理等語所有興平等倉逾限未領滿漢

俸米著仍照戶部原奏一律註銷○湖南布

政使兆琛奏請於湖南省城捐建總祠彙祀

陣亡弁勇允之○以貴州思州府城解圍並

攻破瑪瑙山等處賊寨。予副將周東江以總兵官簡放。餘升敘開復有差。陣亡副將劉烈等十三員祭葬世職加等。

大清穆宗繼天開運受中居正保大定功聖智誠孝信敏恭寬毅皇帝實錄卷之二百七

大清穆宗繼天開運受中居正保大定功聖智誠孝信敏恭寬毅皇帝實錄卷之二百八

校修

同治六年丁卯七月丁卯諭內閣本日據侍

郎魁齡等奏香山櫻桃溝等處新修石渠有被山水衝汕情形其辦理草率已可概見工部左侍郎郎魁齡通政使司通政使于凌辰大理寺少卿王維珍內閣侍讀學士文碩均著交部議處仍著照例賠修尋吏部議魁齡等均降一級住俸完工開復從之○又諭稽查北新倉御史武廷珍奏開放俸米情節歧異請飭查訊一摺據稱北新倉春季滿漢俸米業據該倉報稱於七月初五日放竣乃七月

十二日送到印冊內。尚有未放米麥一千餘石。開報自相舛錯。請查明辦理等語。著倉場侍郎傳集該倉監督及花戶人等。將因何舛誤之處。嚴行訊究。是否另有情弊。並著查明懲辦。尋奏。遵查北新倉所送印冊。係逾限註銷之米。該倉書識未諳字義。將已放者填寫放竣。註銷者作為未放。以至舛誤。尚非另有情弊。業已責懲。該監督疏忽之處。應請交部察議。從之。○以正黃旗蒙古都統載容兼署

鑲白旗蒙古都統。○戊辰

文宗顯皇帝忌辰。遣官祭

定陵。○

上詣

奉先殿

壽皇殿行禮。○諭軍機大臣等。庫克吉泰奏請調馬匹以資攻勦一摺。據稱所部吉林黑龍江馬隊。本多疲弱。數月以來。陣斃倒斃者尤多。各營應需應添之馬。共實需五百匹。現又

無力置買。請由察哈爾牧羣官馬內如數挑選。飭調赴營等語。著色爾固善即飭各牧羣總管。挑選實在口輕驍壯驕馬五百匹。派委妥員趕緊解陝。交庫克吉泰調用。如該總管等仍以疲瘵充數。致誤急需。並著該都統查明從嚴懲處。庫克吉泰於此項馬匹到營。務須嚴飭各營認真訓練。以資得力。將此由四百里各諭令知之。○己巳諭內閣。內務府奏前任山海關監督寶章短交贏餘銀兩。尚未依限交足。請再行展限勒交等語。寶章短交銀兩。著再展限半年。勒令如數交清。儻再逾限不完。即著從嚴叅辦。○庚午。諭內閣。御前侍衛德崇。前因差使懶惰。經御前大臣奏奏革去班長。該侍衛旋即告病。假滿後又復連次續假。實屬性耽安逸。不知奮勉。德崇著革去散秩大臣及御前侍衛差使。賞給頭等侍衛。在大門上行走。以示薄懲。○又諭。劉長佑奏永定河水漫溢一摺。永定河自入伏以後

山水漲發。七月初旬。連次陡長數丈。兼之風雨猛驟。水面擡高。以致北三工五號隄身。於初九日漫坍三十餘丈。卽著該督嚴飭派出委員馳往查勘。會同該道迅速盤築裹頭。毋任再行衝刷。所有被淹材莊。應否先行撫恤之處。並著查明被災輕重情形。妥籌辦理。○又諭劉坤一奏。知府要缺需員。請仍准調補一摺。江西贛州府知府員缺。前經該撫以建昌府知府魏瀛調補。嗣經吏部以該員未經捐免。歷俸奏駁。茲據該撫奏稱。魏瀛為守兼優。在江西襄辦軍務多年。於贛州情形極為熟悉。理署贛州府知府。深資整飭。既據奏稱人地相宜。所有贛州府知府員缺。卽著魏瀛調補。其所遺建昌府知府員缺。卽著達春布補授。至該員調補贛州府。與從前王德固調補贛州府時。均係未經捐免。歷俸之員。何以先後准駁互異。其因何不符之處。著吏部查明具奏。尋奏。王德固准補案件。業已被焚。前

經奏明飭下各督撫於升調補缺。悉照定章。毋許援案。報聞。○諭軍機大臣等。劉長佑奏。勦捕鹽匪情形。並出省督軍一摺。梟匪由安州東竄。固安一帶。經劉長佑派兵追捕。該匪展轉奔竄。向阜城衡水等處。南趨。劉長佑現擬出省親督勦辦。著卽嚴飭各路兵勇。並劉景芳所部四面兜擊。迅速殲除。阜城等處緊接東省。丁寶楨當檄地方文武合力會勦。以淨根株。母任延蔓。甯津吳橋。另股鹽匪。前據崇厚奏稱。已飭防河之副將文瑞折回滄州。勦捕現據劉長佑聲稱。此股梟匪均已逃匿。無蹤。其散往何處。作何勦捕。並未詳細陳明。著劉長佑崇厚會督兵勇。實力嚴查。挖緝。以杜復萌。武定為鹽匪聚集之區。丁寶楨尤應嚴密督捕。毋稍鬆懈。將此由五百里各諭令知之。○署湖廣總督李瀚章等奏。遵派姜玉順一軍。馳赴豫境。扼守荊子關。得旨著卽飭令姜玉順統帶所部。迅赴荊子關駐防扼守。

毋稍延緩○以直隸永定河搶險不力總督劉長佑下部議處革道員徐繼鎔等職仍分別留任留工○予江西各屬陣亡殉難鹽運使銜彭繼賢等紳民婦女三千五百四十七員名口分別旌卹如例○辛未諭軍機大臣等本日據官文等代奏中書慕榮幹條陳勦匪管見一摺捻騎奔突無定自應先防後勦慕榮幹所陳各情不為無見該大臣等設防已久當漸布置完密著李鴻章卽親往膠萊

一帶會同丁寶楨相機進擊免致捻逆飽掠後日久生心並毋任兵勇各存觀望之見摺內所陳勦賊機宜有無可採著李鴻章丁寶楨斟酌辦理原摺著鈔給閱看將此由六百里各諭令知之○以直隸曲周縣捐修城工永廣學額一名○以安徽捐輸軍餉永廣霍山縣學額七名太湖廬江二縣各六名無為阜陽三州縣各四名銅陵縣三名○以江西吉安府捐輸軍餉永廣學額五名○以湖北

捐輸軍餉永廣荆門監利襄陽三州縣學額各三名咸甯蒲圻大冶黃陂孝感蘄水廣濟鍾祥南漳九縣各二名沔陽隨均武昌通城漢川京山潛江安陸雲夢石首松滋枝江棗陽宜城穀城鄖房保康長陽恩施當陽二十二州縣各一名○予古城殉難防禦法福禮祭葬世職眷屬等三十餘名口分別旌卹如例○壬申署廣西巡撫吳昌壽奏患病未痊請將巡撫關防暫交布政使蘇鳳文護理得旨該署撫新蒞署任惟當力圖整頓以重地方著於病勢稍愈卽行接印視事以副委任○以詹事府少詹事文奎為詹事○癸酉諭軍機大臣等李鴻章奏膠萊及運河兩防布紮已定現赴前敵督勦張之萬奏匪徒聚眾滋事派兵會合兜勦並請調王文行赴營各摺片膠萊河防布置漸臻穩固各省防運之軍亦催調漸齊該逆被圍情急必圖乘閒竄撲亟應添兵輪替進勦著李鴻章督同劉秉

璋等。卽由濟南青州前進。親臨前敵。妥為調度。譚仁芳。劉維楨兩軍。現因阻雨。尚在歸德睢州。著李瀚章。曾國荃。嚴檄該軍。迅赴防所。以便抽出防兵。相機進剿。並著李鶴年將該二軍設法催趨。俾令迅速成行。皖軍填紮。貓兒窩一帶。現亦就緒。英翰並擬派得力統將。另帶萬人助剿。尚能不分畛域。卽著英翰趕緊調派。以資厚集。如仍不敷布置。李鴻章卽與該撫會商。再行酌調。丁寶楨務當督飭本省各軍。會籌埽蕩。毋稍疏懈。匪徒高歸等聚眾在邳州郟城等處肆行劫掠。張之萬派兵接捕。接仗失利。著李鴻章等檄飭派出各軍合力剿除。迅殲醜類。參將王文行現在豫營。著李鶴年飭令該員前赴張之萬軍營聽候差遣。李鴻章以梟匪滋事。令張樹聲毋庸協守運隄。派余承恩三營馳回大名。此軍到後。著劉長佑妥籌調派。該督現已出省督勦。務當認真接捕。剋日殄除。以便騰出兵力。專辦

捻逆。將此由六百里各諭令知之。○又諭。昨日穆圖善奏報米拉溝勝仗一摺。拆封時於黃紙內白紙外。夾有訐帖一件。殊堪詫異。其字句不成文理。意係訐告穆圖善辦理未妥起見。穆圖善必非眼同封摺致奸人施其技倆。文案營務等處。竟容若輩湮跡。實非敬慎辦事之道。著卽密察奏明嚴辦。原帖著鈔給閱看。將此由五百里密諭知之。尋奏摺內夾有訐帖。疏忽之咎。實有難辭。當卽密查嚴辦。

以杜奸人湮跡之弊。得旨著仍遵前旨迅速查明。從嚴懲辦。毋稍姑息。○甯夏將軍穆圖善奏官兵收復洮州廳城報聞。○以吉林辦理善後出力。開復副都統德英富爾孫革職留任處分。○以甘肅攻克米拉溝賊巢提督梅開泰得旨嘉獎。賞副將白萬明巴圖魯名號。餘加銜升敘有差。○予江蘇邳州陣亡遊擊陳書廷祭葬世職加等。○予陝西蒲城陣亡參將熊開雲等祭葬世職加等。○甲戌諭

軍機大臣等長善奏吉林現募赴陝勇丁良莠不齊請飭左宗棠等密查等語吉林應募勇丁本非實業獵戶現據長善聲稱內多直隸山東遊民永平府屬之人人居其大半沿途逃散頗多進關以後潛逸更眾恐有馬賊餘黨雜錯其間係為思患豫防起見著劉長佑飭令該地方官嚴密稽查如有勾結煽惑情事卽認真拏辦山海關一帶長善耳目較近著一體嚴查以弭後患此項勇丁到陝後應如何約束駕馭俾無生事之處著左宗棠妥慎籌辦將此由五百里各諭令知之○追予浙江各屬陣亡殉難典史曹鉞等官弁婦女三百七十九員名口分別旌卹如例○乙亥諭內閣吏部奏遵議動用竹木商捐各員處分並聲明知府等員無庸議處各摺片前任湖北巡撫現任貴州布政使嚴樹森前署湖北巡撫前直隸布政使唐訓方前任湖北巡撫現任刑部左侍郎鄭敦謹前任湖北布

政使厲雲官前署湖北布政使前任按察使唐際盛前兼署湖北按察使前任鹽法武昌道盛康兼署湖北按察使現任督糧道丁守存應得降一級調用處分均著加恩改為降四級留任不准抵銷應行分賠之武昌府知府黃昌輔等七員均著無庸議處○諭軍機大臣等劉嶽昭奏滇軍攻拔豬拱箐老巢一摺劉嶽昭所部楚軍進攻牛場等處斷賊外援岑毓英親督滇軍攻克尖山疊敗撲營之賊斬獲甚多並將老巢及山頂巨巢攻毀十餘年積匪全數掃蕩勦辦奮勇甚屬可嘉所有出力傷亡員弁兵勇著劉嶽昭查明奏請分別獎卹首逆是否被殲並著確查具奏滇黔邊境餘匪仍著責成岑毓英勦捕以期一律蕩平所有善後事宜卽著張亮基揀派黔省委員妥為辦理劉嶽昭俟黔西肅清後卽當督率所部馳赴滇省相機鎮撫岑毓英一軍將來應赴何路勦捕並著劉嶽昭斟酌情

形辦理。前據劉嶽昭奏稱黔亂已深。請解散賊勢以安人心一摺。黔省亂民。多由偏脅。劉嶽昭所陳情形。並辦理解散之法。均係正本清源之論。張亮基身任黔撫。責無旁貸。著卽按照所奏認真籌辦。出示剴切曉諭。宣布朝廷德意。解散脅從。予以自新。仍揀選賢能。牧令。妥為撫恤。以靖地方。劉嶽昭原摺著鈔給張亮基閱看。將此由六百里各諭令知之。○河南巡撫李鶴年奏報添調兵勇。布置河北

防務。得旨直隸梟匪。現經劉長佑出省勦辦。尚未翦除淨盡。所有河北防務。著責成楊長春認真辦理。毋稍疏懈。○補鑄浙江嵯縣知縣印信。從巡撫馬新貽請也。○補行同治四年軍政山東卓異官十員。不謹官三員。罷輓官一員。年老官一員。廣西卓異官七員。不謹官一員。罷輓官二員。才力不及官一員。年老官三員。有疾官二員。貴州卓異官六員。才力不及官一員。年老官一員。分別議敘處分如

例。○丙子

仁宗睿皇帝忌辰。遣官祭

昌陵。○

上詣

壽皇殿行禮。○諭軍機大臣等。穆騰阿奏統兵追剿。行抵冀州。神機營奏據報跟追梟匪情形。各一摺。梟匪前擾固安永清一帶。聞官兵四集。晝夜狂奔。已由河間景州等處向西南回竄。穆騰阿現擬馳赴冀州。擇要扼紮。並派成惠管帶馬隊。駐紮衡水所。籌尚妥著卽督飭所部各隊。確探賊蹤。分投截剿。以遏其北竄之路。該匪分擾各處。究有幾股。劉長佑出省追剿。現抵何處。均著隨時具奏。並著嚴檄劉景芳等。攔頭迎擊。一面會同崇厚。穆騰阿所派出將士。相機合剿。直省官兵與穆騰阿所部。如遇出隊進剿。及各路賊情。務當彼此知照。庶可聲息相通。迅殲醜類。至直隸地方近遭荒歉。各州縣村鎮。又復罷市。居奇官兵過

境覓食住宿。甚屬不易。著劉長佑按照神機營原奏。於京兵經過處所。責成該管地方道府隨隊照料。以利軍行。神機營及穆騰阿原奏著鈔給閱看。將此由五百里各諭令知之。○又諭。都興阿奏匪徒勾結木犯闖入孤山。商令大員前往督辦一摺。孤山為匪徒屢次竄伏之地。都興阿於五行隊撤回後。派委協領毓昌前往防堵。該協領扭於玩泄。致該匪與木犯土匪暗行勾結。竄撲孤山。該協領復督戰不力。遇賊卽退。種種貽誤。殊堪痛恨。佐領春鐸於木簞下運之際。託病不追。實屬畏葸。毓昌春鐸均著卽行革職。不准留營。並不准藉詞率請開復。都興阿調度乖方。有負委任。著交部議處。該將軍現派德音泰帶兵會同依勒通阿及富和等軍。分路進剿。並咨行奕榕前往督辦。卽著迅催各軍星速前進。剋期會剿。毋得參差延誤。致賊匪又成燎原之勢。奕榕計已由省起程。並著趕緊到營督飭。

勦辦。德音泰等各將弁。如有逗遛畏縮。不遵調遣者。卽由奕榕照軍法從事。務將此股賊匪首從悉數殲除。儻使日久稽誅。滋蔓為患。惟都興阿等是問。將此由六百里各諭令知之。尋兵部議。都興阿應照溺職例革職。得旨。著加恩仍改為革職留任。○又諭。丁寶楨奏派軍協守濰西。添募新營進剿。豫軍擊敗摺片。牆逆匪並土匪竄擾蘭境。為官軍擊敗摺片。任賴等逆。撲犯新河口隄牆。經宋慶等軍擊退。現在該逆向北奔突。距下營等處僅三四十里。難保不乘虛搶渡。著丁寶楨嚴檄在防各軍認真堵禦。遇賊卽擊。毋令竄逸。該撫添募步隊九營。馬勇五百名。卽著趕緊訓練。相機調遣。以便騰出防軍。過河進剿。李鴻章前奏由濟南青州前進。務當迅速過行。親赴前敵。妥為調度。丁寶楨奏邳州等處匪徒高歸等聚眾滋事。與張之萬前奏大略相同。該匪現竄邳境之堰頭一帶。沂屬與江境毗連。各

州縣向多伏莽。深恐互相勾結。亟應及早殄滅。著張之萬、丁寶楨督飭各軍會同皖省官軍協力勦辦。迅殲醜類。務絕根株。將此由六百里各諭令知之。○又諭。成祿奏官軍截奪賊糧獲勝。現擬移營市圍一摺。肅州賊匪偷越城南金佛寺一帶。擄掠糧草。成祿所派各營於新墩子灘地方將護糧悍賊數百擊斃。奪獲賊糧甚夥。該逆食盡援絕。機有可乘。正當實力圍攻。以圖迅拔。著成祿親督各營剋期進逼。不准再有稽延。所請飭穆圖善酌撥數營助勦之處。著穆圖善酌量妥籌。成祿亦不得藉詞延待。該提督圍攻肅州。為日已久。前請將王仁和黃祖淦兩軍統歸節制。可將肅城圍困周匝。並稱關外及哈密各處均可兼顧。此時又以合圍難周。成功莫必。兩軍皆難得力等詞。嘵嘵推諉。是何居心。朝廷洞見肺腑。豈能任該提督一意反覆。貽誤軍事耶。若再不振刷精神。徒以頓兵堅城。為延緩出

關之計。國法具在。不能再為該提督曲從末減也。懍之。將此由六百里各諭令知之。○又諭。前因榮全奏籌畫安插索倫等眾。當諭令該參贊於接出後。令在科城暫住。再行酌量請旨。茲據奎昌等奏稱。科布多所屬各旗戶口日繁。遊牧狹窄。又兼近年亢旱成災。疫氣流行。牲畜倒斃。人多凍餒。實無閒地安插。索倫人眾請飭榮全另籌妥策等語。奎昌等所奏雖係實在情形。惟此項人眾若非籌給牧地。令其暫行棲止。必至淪落堪虞。仍著麟興、榮全、錦丕勒、多爾濟、奎昌、明瑤在烏科兩城暫為設法安插。俾該索倫人眾到時得有棲身。再另行會籌善策。妥速奏聞。以為永遠安插之計。李雲麟當與麟興等悉心會商。擇地安置。毋令該人眾流離失所。將此由五百里各諭令知之。○以廣西捐輸軍餉。永廣文鄉試中額二名。○賞京師外城賁賑各廠每月粟米二百七十石。○以驗收海運漕糧完竣

予戶部右侍郎畢道遠倉場侍郎鍾岱議敘
郎中鍾祿等加銜升敘有差○丁丑工部左
侍郎魁齡等奏櫻桃溝舊有橋座應如何設
法改修請派員查看得旨此項工程無庸派
員查看卽由魁齡等一併賠修○戊寅諭內
閣前因呼蘭屬界匪徒竄擾經特普欽將城
守尉集拉明阿奏叅部議降三級調用旋經
特普欽奏請將該員改為革職留任當經降
旨允准茲據兵部奏稱特普欽原叅集拉明
阿於編設保甲悠忽從事不能實力奉行致
令匪徒乘閒滋擾實難辭咎嗣又奏稱該員
在任五年堪資表率前後顯然兩歧且匪徒
竄入巴彥蘇蘇時據奏係巡檢陳炳等趕到
彈壓始克藏事此次所稱該員辦理迅速情
節亦屬不符請旨辦理等語特普欽前既請
將集拉明阿議處以為怠忽不職者戒迨經
部議降調復請將該員留任前後所奏自相
矛盾實屬不合特普欽著交部議處集拉明

阿應得降三級調用不准抵銷處分著仍照
兵部原奏辦理不准開復○己卯諭內閣丁
寶楨奏捻逆由北路偷撲濰河全股回竄調
兵追勦一摺捻逆盤踞山東萊陽等境經李
鴻章丁寶楨調集各省兵勇沿河築牆堵禦
朝廷以河牆本不可恃疊諭李鴻章親赴前
敵防勦兼施以期會合東軍殲除巨患茲據
丁寶楨奏稱本月二十日該匪全股由海神
廟等處撲犯濰河官軍馳往迎擊逆匪數萬
拚死搶撲鏖戰良久旋因眾寡不敵被匪竄
渡覽奏殊深憤懣李鴻章總統諸軍未能先
事豫防又未迅赴前敵妥籌堵禦以致逆匪
竄渡實難辭咎著交部議處山東布政使潘
鼎新帶隊堵勦未能得力著一併交部議處
山東巡撫丁寶楨在防守禦未能調集各軍
嚴密扼截致賊飽颺糜餉殃民厥咎尤重著
卽革職留任並摘去頂帶仍責令該大臣等
督率兵勇實力追勦毋任蔓延以贖前愆毋

謂寬典可再邀也。懍之。尋吏部議李鴻章潘鼎新均照不應重公罪例降二級留任。事關軍務。應不推其抵銷從之。○諭軍機大臣等。捻股初竄登萊時。卽經諭令李鴻章調集各路將士。感諸海隅。復慮援軍漸集。丁寶楨呼應不靈。疊經諭令李鴻章馳赴前敵。親臨調度。乃該大臣始終遷延。既未能厚集兵力。迅速派往。又未能趕緊親臨調度。以致潘鼎新分防汛地。屢次改移。貽誤全局。盡棄前功。深

堪痛恨。運黃兩防既經李鴻章籌布嚴密。著卽嚴檄各路防軍分段扼守。並著曾國藩張之萬劉長佑崇厚英翰李鶴年各飭所派防軍認真守禦。賊由何路竄出。卽治何路將領以失律之罪。濟南省城著丁寶楨趕緊防守。張秋齊河以東。黃防最關緊要。劉長佑崇厚當加意嚴防。宿遷以下六塘河防亦未周密。轉瞬秋深水落。河牆尚未完築。深屬可虞。浙省所派兵勇尚未報入江境。著曾國藩張之

萬迅速添兵堵遏。並嚴催浙軍星馳到防。譚仁芳劉維楨等軍著李瀚章曾國荃迅飭赴東。李鴻章一面迎提以資厚集。並著李鴻章丁寶楨檄催前敵各營視賊所向。儘力窮追。就地殲除。以贖前愆。儻再任竄出東境蔓延他省。自問當得何罪。潘鼎新布置乖方。致賊回竄。厥咎甚重。如再不能得力。卽著李鴻章嚴叅治罪。丁寶楨另片奏勦捕梟匪情形。此股匪徒奔突靡定。黃防諸軍為所牽掣。著劉

長佑崇厚迅將此股殲除。並隨時知照穆騰阿會同勦洗。先清畿輔內患。丁寶楨仍當嚴飭東省文武合力會勦。以靖地方。不得但以堵截出境為了事。將此由六百里各諭令知之。○又諭本年五月閒捻逆由山東戴廟竄渡運河。據丁寶楨奏稱王心安等視賊眾我寡。卽行收隊。請將王心安先行革職。交部從重議罪。當因事起倉卒。或實係賊眾兵單。情尚可原。是以加恩。僅將王心安革職暫免治

罪仍留營効力。以觀後效。此次復據丁寶楨奏稱。捻逆竄出膠萊河牆。又於王心安所分地段猛撲。王心安因眾寡不敵。無從扼擊等語。前後貽誤情形。殊堪髮指。王心安以一武弁。擢保總兵。恩遇不為不優。乃兩次捻眾均由該革員所分地段竄越。以致全局潰敗。實屬罪無可逭。著李鴻章嚴密派員將王心安拏解軍前正法。以昭炯戒。毋得稍露風聲。令其逃逸。將此密諭知之。○以故哈密扎薩克親王伯錫爾子邁哈默特襲爵。○以直隸捐輸軍餉。並海防團練城工。永廣文鄉試中額二名。○以哈密收復城池。並追勦賊匪出力。賞佐領達三布二品頂帶。餘升賞有差。○豁免湖南晃州廳被擾地方上年民欠錢糧。○庚辰諭內閣。前因興平等倉逾限未領滿漢俸米。經戶部奏明照例一律註銷。業經降旨允行。乃本日給事中廣誠奏米價日昂。請將註銷俸米仍准給領等語。向來官員俸米逾

限不領。照例註銷。原以杜花戶串同米鋪勒捐賤買蒙領分肥等弊。例意極為周卹。該給事中於此中弊端。豈不知悉。乃敢冒昧陳奏。並以民生益蹙等詞。希圖聳聽。顯係受花戶倉蠹等輩慫恿。實屬不知自愛。廣誠著傳旨申飭。所請著不准行。○以廣西布政使蘇鳳文署巡撫。○以浙江按察使王凱泰為廣東布政使。前任四川按察使蔣志章為浙江按察使。○以私行回籍。廣東守備孫清綱革職。○拏辦。○展緩廣東新興。高明。靈山。河源。平遠。長樂。鎮平。七縣被水被擾地方節年未完額賦。

大清穆宗繼天開運受中居正保大定功聖智
誠孝信敏恭寬毅皇帝實錄卷之二百八

實錄卷之二百八

二

大清穆宗繼天開運受中居正保大定功聖智
誠孝信敏恭寬毅皇帝實錄卷之二百九

臣等謹將本年八月內各事恭摺具奏

臣等謹將本年八月內各事恭摺具奏

臣等謹將本年八月內各事恭摺具奏

臣等謹將本年八月內各事恭摺具奏

臣等謹將本年八月內各事恭摺具奏

臣等謹將本年八月內各事恭摺具奏

同治六年丁卯八月辛巳朔

實錄卷之二百九

一

上詣綏履殿問

慈安皇太后安平安室問

慈禧皇太后安至庚戌皆如之○奉

慈安皇太后

慈禧皇太后幸漱芳齋侍午膳○諭軍機大臣

等劉長佑奏勦匪連次獲勝現飭兵勇夾擊

並沿途分布防軍情形一摺梟匪奔竄直隸

威縣曲周及山東邱縣館陶等處疊經直東

各軍追擊均有斬擒惟各軍因高粱茂密橫

潦載道。未能儘力窮追。該匪復乘間遠逸。劉長佑現查勘滹沱河一帶形勢。並派總兵劉景芳分撥練兵。留駐河間景州等處。飭余承恩等分投進攻。所籌尚屬周而。著卽嚴檄余承恩等迅率所部躡蹤追剿。毋稍延玩。穆騰阿前報駐紮冀州與劉長佑相去不遠。務將軍情賊情隨時互相知照。以期妥籌辦法。迅殄逆氛。如該督相去較遠。所有直隸各軍著穆騰阿就近調派。並著該督飭知在營各將士遵照辦理。此次劉雲鶴陣亡。帶隊各員弁有無救援不力。退縮貽誤之處。著劉長佑查明嚴叅。向來各營兵勇。每有尾賊擄掠。或利賊所遺輜重。致稽追剿。各情事。積習相沿。深堪痛恨。現在直省旱後。被賊百姓已極困苦。若再加兵勇騷擾。必至民不聊生。著劉長佑穆騰阿加意訪查。如有前項情弊。卽行從嚴懲辦。以肅軍律。將此由五百里各諭令知之。○又諭英翰奏運防布置已定。擬派隊會剿

一摺。登萊竄匪。昨據丁寶楨奏報。業已竄過濰河。扼守膠萊之策。竟成畫餅。李鴻章等遷延縱賊。貽誤非輕。黃運兩防。雖疊據該大臣等奏。稱分布穩固。若盡如前敵。各軍恐亦未可深恃。賊在登萊。旣已遂其飽掠。此番全股出犯。其氣正銳。儻令逸出東境。大局殊不堪設想。李鴻章自督辦以來。曾未稍挫賊鋒。糜餉殃民。其咎甚重。此時惟當趕緊抽調各軍分路兜擊。迅圖剿洗。以贖前愆。丁寶楨亦當嚴飭兵勇協力殲除。黃運防軍並著李鴻章等嚴行檄飭。晝夜密防。儻有疏失。卽將該將弁立時正法。並將該大臣等從重治罪。英翰擬派萬人助剿。卽著迅飭起程。皖軍悉數出征。本境防務亦關緊要。英翰回滬後。仍當統籌全局。激勵紳團。嚴防竄越。另片奏勦辦邳宿土匪情形。此股匪徒現雖竄匿無蹤。若不芟刈根株。必至養癰貽患。更恐其與捻逆句結。著曾國藩張之萬丁寶楨等責成邳嶧一

帶各地方官認真捕拏毋令營弁飾詞以報功。地方官縱差以庇匪務將著名首從各逆擒獲正法。是為至要。鮑超所部霆勇前經諭令曾國藩等分別撤留。交婁雲慶統帶。現在婁雲慶是否到營。該部眾應否遣撤。尚未據曾國藩等覆奏。霆營兵勇向稱駁雜。甫易統帥。心志更恐不齊。曾國藩李鴻章李瀚章曾國荃務當體察情形妥為安置。毋令再蹈上年該營覆轍。本日據馬新貽奏已派水陸各

營於七月中旬起程赴淮。徐聽調即著李鴻章飛速迎提。以資厚集。該逆現竄何處。官兵能否得力。著該大臣隨時迅奏。毋稍稽延。將此由六百里各諭令知之。○命太常寺少卿任兆堅為奉天府府丞兼學政。禮部右侍郎賀壽慈提督順天學政。翰林院侍講學士夏同善提督江蘇學政。內閣學士殷兆鏞提督安徽學政。翰林院修撰徐郁提督江西學政。候補侍郎徐樹銘提督浙江學政。國子監祭

酒邵亨豫提督福建學政。翰林院編修張之洞提督湖北學政。溫忠翰提督湖南學政。翰林院侍讀楊慶麟提督河南學政。編修張家驥提督山東學政。于建章提督山西學政。周蘭提督陝甘學政。修撰鍾駿聲提督四川學政。光祿寺卿胡瑞瀾提督廣東學政。翰林院編修楊霽提督廣西學政。雲南學政梁肇煌。貴州學政黎培敬俱留任。○復山東館陶陣亡已革總兵官劉雲鶴原官予祭葬世職。○

壬午諭軍機大臣等。李鴻章奏捻股南趨現籌調度一摺。捻匪由海神廟撲渡。濰河全股回竄。該處本係潘鼎新認守地段。李鴻章於該藩司布置疏略。未能早行籌備。致潰全局。深堪痛恨。河防本不可恃。朝廷屢申儆戒。該大臣至此始以竟無把握。入奏不知兩月以來籌辦何事。此時賊已南趨。該大臣始由濟南改道赴泰安沂郡堵剿。其勢又落賊後。若不督催諸軍。星夜兼程。繞向賊前分投堵截。

勢將何所底止該大臣當振刷精神力圖自贖不得仍前玩忽坐誤事機懍之將此由六百里諭令知之○又諭左宗棠趙長齡奏遵議山西河防事宜一摺山西河防經左宗棠行抵潼關與陳湜晤商籌畫分段設防情形尚為詳盡惟地段綿長必須擇要扼堵水陸相依方足以昭嚴密著該大臣傳知陳湜悉心經理力保晉疆不可稍涉疏懈一應增兵籌防各事宜均著照該大臣等所議辦理其保德河曲河岸卽責成馬陞就近派該標將弁兵丁協防歸陳湜節制並著飭令陳湜於汾州一帶擇地駐紮居中調度策應凡屬內地文武兵勇概歸陳湜節制調遣如有粉飾疏忽抗玩軍令者卽由陳湜稟知左宗棠趙長齡從嚴叅奏南岸垣曲以下界接河南著李鶴年仿造礮船百餘號選派員弁駕駛自濟源境起延紮至直隸界上與山西水師相連節節布置以期周密至山西增募勇丁月

餉及船礮軍裝一切製造之費著趙長齡責成署藩司胡大任籌款舉辦毋誤事機保德河曲以抵西北邊外薩拉齊廳一帶河岸漢蒙回商民雜處防範宜周前因甘肅回民有赴歸化購買馬匹軍裝偽造文書護照情事當經諭令裕瑞桂成一體防範著該將軍等懍遵前奉諭旨實力督辦所有在防各鎮道等均歸該將軍節制以一事權將此由五百里各諭令知之○以戶部左侍郎譚廷襄兼署吏部右侍郎刑部左侍郎鄭敦謹兼署禮部右侍郎○以湖南鹽法長寶道翁同爵為四川按察使○癸未諭內閣章鑒著授奕詳奕詢奕謨讀○又諭通政使司通政使于淩辰奏查出南海工程土方尺丈估算浮冒一摺三海工程前經魁齡等督飭算房人等摺節估計實需銀六萬一千餘兩何以監督張錫齡覆加大量覈計南海一處土方與原估數目懸殊浮冒至六千餘兩之多魁齡又碩

與于凌辰同辦一事何以未經會銜其因何意見不合之處著魁齡文碩據實回奏○諭軍機大臣等據都察院奏山東貢生張垚等聯名以賊踞登萊情急求救等詞赴該衙門呈訴所稱官軍追賊至萊兩月有餘未聞接仗賊勢日大民生日蹙等情自係為受害甚深情急呼籲起見捻逆自渡運東竄丁寶楨帶兵尾追疊報勝仗若如張垚等所稱賊到任其荼毒賊過被兵擾害是東省兵勇勦賊

不足害民有餘初不料各營兵勇漫無紀律至此李鴻章總統師干駐東已久於東省兵勇勦賊情形自當確有見聞乃竟毫無覺察但事遷延使東境數十萬生靈厄於賊復厄於兵該大臣為國家柱石縱賊殃民至於此極捫心清夜何以自安現在賊已飽颺南去築牆困賊之說已成畫餅李鴻章又謂運防毫無把握是賊勢必至縱橫自如到處蹂躪該大臣既膺重任宜如何激發天良力籌兜

勦之方為朝廷翦除巨患若徒藉口於流氓難制為迴護地步大臣所為固如是乎著卽檄飭各軍迅速追勦誓期滅賊以贖前愆毋再仍前泄沓自干重咎丁寶楨既不能實力防勦又任令兵勇騷擾藉口賊眾兵單希圖掩飾負罪已深膠萊河防之兵既追賊而西著李鴻章等卽迅飭全軍奮力追賊儻各路帶兵之員尚有稍涉畏縮及不能約束兵丁者卽以軍法從事如敢仍前玩縱一經訪聞

或別經告發必坐該大臣等以徇庇之罪懍之戒之原呈均著鈔給閱看將此由四百里各諭令知之○又諭穆騰阿奏探明賊蹤進勦劉長佑奏追截竄匪疊勝並商辦會勦情形各一摺匪股現尚聚有千數百人劉長佑屢次奏報僅止數百人現在劉雲鶴等勦賊陣亡後各軍疊獲勝仗而賊復能分竄足見人數尚多劉長佑不得輕聽屬員諱飾當與穆騰阿卽分督所部互相策應以期四面兜

勦迅速就地殄盡不得再事遲緩此股匪徒聚則為賊散則為民窩藏潛匿稽查非易劉長佑須督飭地方官設法嚴按以清其源毋為牧令蒙蔽至兵勇騷擾地方劉長佑穆騰阿均有統率之責尤當遵奉前諭嚴行查辦以肅軍律而慰民心將此由五百里各諭令知之○又諭裕瑞桂成奏甘省營弁在口外募勇無益行陣請飭就近由內地招募遇有採買馬匹製辦軍裝差員必須會同地方購辦一摺歸綏西接甯靈弁兵商賈來往日多奸匪最易溷跡疊經諭令裕瑞等實力稽查並諭穆圖善等凡差員出口均須先期知照乃本年四月間忽有甯夏營勇王連陞等在河套蒙古地方毆兵搶馬並經毛忽洞鋪民拏獲肆行訛索之羅廣得等均係隨同副將劉錫海募勇之人劉錫海亦有沿途搶奪情事殊堪詫異提督黃金山既派員出口募勇何以不慎選妥員並未豫行知照致劉錫海

有搶奪等情著交部議處嗣後左宗棠穆圖善務當嚴飭帶兵各員凡遇採買馬匹軍裝等事必須慎擇委員並由該督等先期知照以便裕瑞等派委妥員會同地方官採辦藉免奸匪影射之弊如未經該督等知照冒稱委員任意擾害地方即由裕瑞等嚴拏正法俾知儆戒其藉差滋事之劉錫海等即著穆圖善裕瑞等查明嚴行懲辦蒙古地方既據裕瑞等奏稱民無土著東豫之人在該處者類多游手招充營勇難資得力嗣後各營缺額勇丁即著由內地募補毋庸再赴口外濫招以杜流弊將此由五百里各諭令知之○甲申以禱雨靈應頒山西陽曲縣寶侯廟扁額曰功溥為霖太原縣晉祠聖母廟扁額曰惠洽桐封命巡撫趙長齡分詣關帝廟泰山廟龍王廟

城隍廟祀謝○諭內閣。昨因通政使司通政使于凌辰奏。查出南海工程。浮冒錢糧六千餘兩。當令魁齡文碩。據實回奏。茲據奏稱。與于凌辰商辦工程意見不合。並將繕就請派大員查辦。及叅劾張錫齡摺片一併呈覽等語。著派綿森毛昶熙。確切查明。據實覆奏。○諭軍機大臣等。于寶楨奏。擒逆奔竄沂莒一路。勢趨青口。現督各軍分路追剿。並籌辦防務。各摺片。擒逆由濰縣竄安邱高密所屬之景芝鎮等處。旋竄西南沂水。以撲青口。其擾莒州一股。經官軍擊退。現竄距州城九十里之馬奇山一帶。亦係往青口之道。于寶楨現派道員王成謙。由沂水前進。親督王正起等。由沂州府扼紮。即著嚴檄各軍。視賊所向。痛剿逆氛。毋再一味粉飾。徒為紙上空談。任賊蔓延。致干重咎。李鴻章專辦剿擒事宜。責無旁貸。務當親臨前敵。與于寶楨迅籌殄滅之方。以贖前愆。該逆現已逸出河牆。若再就干

里縣互之運河為四面困逼之計。不但無此兵力。且該逆雖愚。斷無再入膠萊之理。至黃河毗連直東。幾及千里。瞬交冬令。水落冰合。處處可以偷越。尤應嚴密布置。不可稍涉疏虞。李鴻章儻再因循坐誤。於各路毫無布置。縱寇殃民。貽害地方。恐該大臣不能當此重咎也。懍之。將此由六百里各諭令知之。○又諭左宗棠等奏。官軍勦擒疊勝。並回逆同時內犯。各軍分道擊退。及現籌辦情形一摺。擒逆盤旋渭北。經劉松山等軍分道追擊。一敗之於昌甯村。再敗之於張家廟。賊鋒大挫。其竄至三原之賊。又經劉效忠擊敗。由高陵一帶東竄。左宗棠現今劉松山由富平前進。易尾追為迎頭。並飭劉端冕由藍田進駐臨潼。與華州各營。憑渭扼賊。均能洞見賊情。著即會同庫克吉泰。喬松年。督飭劉松山高連陞等。乘此聲威。合力兜剿。迅掃狂氛。該逆意圖南渡。應如何覘賊扼擊之處。並著隨時布

置回逆土匪乘隙肆擾實以撓亂官軍著檄飭譚玉龍劉厚基各軍於宜君甘泉等處加意防範毋得稍涉疏虞致勦擒各軍為賊所掣盤屋郿縣一帶及寶雞各峪口該大臣等務當先事嚴防以遏旁竄延榆綏各屬為回匪出沒之所防務實關緊要前據穆圖善奏賊撲延安郡城經總兵胡世英督隊進勦斃匪甚多茲據左宗棠等奏稱保安安塞告急時胡世英並未派兵往援等語是前次勝仗該總兵顯有捏報情事著穆圖善按照左宗棠所奏據實查明奏參毋許瞻徇以後該處軍情該署督等務須互相知照以杜弊端左宗棠等原片著鈔給穆圖善閱看將此由六百里各諭令知之○展緩山西薩拉齊廳被水地方上年民借倉穀○乙酉以禱雨靈應封直隸邯鄲縣龍神廟為聖井龍神列入祀典並頒扁額曰嘉澍應時

○諭軍機大臣等本年三月二十五日據楊岳斌奏稱貴德廳回匪叛亂將同知承順及家屬戕害踞守廳城偏脅官民書寫官偏民變等詞捏稟玉通已飭鄧全忠等督勇率團設法進勦於四月二十七日奏到當經諭令楊岳斌即飭鄧全忠等迅將貴德廳城攻拔玉通亦當嚴密防守毋再輕信奸回致為所誤本日接閱玉通四月十一日奏報回眾變亂戕官刦庫等情與楊岳斌前次所奏尚屬相同是回匪之甘心為逆萬難寬貸玉通一意主撫已誤於前此時尚不省悟另片奏鄧全忠等來甯進勦有礙撫局實屬偏執已見就目前情形而論鄧全忠等既經收復米拉三溝能否督率所部先抵西甯入城鎮撫再將貴德廳城相機攻取著穆圖善妥籌辦理回逆聚眾擾亂固不可不懾以兵威但兵勇進勦之時往往妄行殺戮乘機搶擄致良回無以自存朝廷辦理回務止分良莠並不使

其玉石俱焚左宗棠穆圖善務當飭知帶兵各員隨時約束兵勇毋得濫及無辜良回既安辦理自易為力楊岳斌前奏叅千總乜生春潛逃出城革職查辦該千總雖無捏報情事而先時潛逃實有應得之咎著左宗棠穆圖善查明懲辦西甯地方緊要玉通仍當懍遵前旨悉心籌辦毋為奸回所紿貽誤戎事甘省回勢蔓延必須安撫良回毋使驚疑勦除逆回以鋤根莠舍此別無良策左宗棠如

有所見即商同穆圖善迅籌布置用靖邊陲將此由六百里各諭令知之○以克復哈密城池並辦團出力擢千總芮林以副將用與千總趙萬海團總張和均賞巴圖魯名號鹽提舉銜陳升泰等花翎外委高步月等藍翎餘加銜升叙開復有差○予江西定南陣亡生員黃海堯等紳民團勇二千二百九十六名賞卹如例○

上以祭

社稷壇自是日始齋戒三日○丙戌盛京將軍都興阿奏孤山勦賊大獲勝仗得旨仍當督飭各軍將匪徒勦除淨盡以絕根株嚴飭依勒通阿等各於沿河沿江要隘盡力截殺不得輕聽該員等虛詞稟報稍涉疏懈並咨行奕榕俟抵孤山時分隊勦捕逃匪毋任紛竄○以大學士賈楨為順天鄉試正考官協辦大學士工部尚書瑞常工部尚書單懋謙都察院左都御史汪元方為副考官○以禮部

尚書全慶戶部尚書羅惇衍兼署工部尚書刑部尚書齊承彥兼署都察院左都御史○以正白旗蒙古都統官文署正藍旗滿洲都統正白旗蒙古副都統西拉綳阿署鑲黃旗蒙古副都統正白旗蒙古副都統吉和署正紅旗蒙古副都統正紅旗滿洲副都統果勒敏署右翼前鋒統領○丁亥祭先師孔子遣大學士官文行禮○以吏部尚書文祥戶部尚書羅惇衍暫署翰林院掌院

學士○戊子祭

大社

大稷遣恭親王奕訢恭代行禮○諭內閣奕梁等奏遵修

莊順皇貴妃寢券工程一摺

莊順皇貴妃寢券內有滲漏處所奕梁等擬將月臺甄石先行拆卸察看彌補再將月臺酌換新甄妥為安砌即著督飭承修各員趕緊修整務臻妥協現在物料昂貴運價亦增

並著照所請由戶部先行撥給銀二千兩以資備辦將來銷算時准照例價十成實銀發放以重要工嗣後不得援以為例○又諭萬青藜奏請添派稽察粥廠大員一摺所有清河粥廠著派太僕寺卿柏壽前往接辦其添設之南路禮賢地方粥廠著前任河南按察使德蔭前往稽察彈壓○又諭前據張亮基奏教匪劉儀順遣其子劉漢忠在湖北沙市一帶勾黨倡亂當諭官文嚴密查拏茲據巴

揚阿等奏稱在荊門州屬新城地方將匪首劉漢忠及其黨李心寬等一併拏獲出力人員開單請獎各摺片劉漢忠一犯前在四川涪州戕官攻城幸逃法網乃敢潛回湖北傳習邪教蓄謀糾黨作亂實屬罪大惡極業經巴揚阿等訊明凌遲梟示足昭炯戒匪黨李心寬楊在遠等即著嚴行審訊盡法懲治未獲之朱汶壁等犯仍著嚴密緝拏毋任逃匿另片奏訊明劉漢忠供詞擬分別辦理等語該犯匪黨甚多所有在逃著名各要犯自應按名拏辦以絕亂萌其餘脅從入教及牽連入夥者皆係無知愚民並非甘心從逆均著寬其既往予以自新以免株連而安反側○諭軍機大臣等曾國藩奏霆軍分別撤留並婁雲慶另募新軍以備防剿丁寶楨奏捻逆竄入江境暫駐沂州扼賊回竄並陳近日北路剿匪事宜各一摺鮑超一軍除宋國永先將兵勇酌撤外所留十四營現駐於襄陽之

八條岡。婁雲慶以未便接統另議新招自為慎重起見。曾國藩現因霆營馬隊已撤其部下之譚勝達等令附入淮軍歸李鴻章調遣。婁慶雲已赴安陸開招。宋國永所部將來另行酌撥。均著照所擬辦理。卽飭婁雲慶認真選擇。毋以游勇率行應募。致難得力。所紮八條岡之十四營應調往何路防剿。並著曾國藩李鴻章妥籌調遣。該軍以後情形曾國藩等仍當悉心酌辦。隨時奏聞。捻逆由沂州竄

至贛榆青口一帶。江北情形萬分喫緊。丁寶楨現紮沂境。遏賊回竄。若江境無兵迎剿亦難力挫賊鋒。著曾國藩張之萬嚴飭派出在防將士實力扼擊。毋令擾及裏下河完善之區。益形延蔓。李鴻章卽督令劉銘傳等跟蹤窮追。會同清淮各軍前後攔剿。使該逆不得喘息。就地聚殲。丁寶楨亦當檄令王成謙偵探明確。相機進逼。以防折竄。東境皖省存兵無多。該逆飄忽靡常。難保不窺擾。賴英翰

當懷遵前旨。激勵紳團。豫籌堵截。梟匪疊經官兵剿擊。其勢稍衰。著丁寶楨咨商傅振邦迅帶所部會同龔易圖各營分路嚴摏。並扼守衛河會合直軍躡蹤剿洗。以期淨絕根株。其館陶等處匪黨該撫卽飭各該地方官設法查拏。毋稍疏縱。將此由六百里各諭令知之。○又諭李雲麟奏新疆北路情形並因病懇恩休職回旗各一摺。據稱西路之事惟有乘棍噶扎勒參西行之機將厄魯特之眾全

數賜該喇嘛為門徒。安其遊牧於額爾濟斯河一帶。該喇嘛旋回時必能將厄魯特及土爾扈特各旗遊牧一併安置。可以北禦俄夷。西制哈薩克。並陳棍噶扎勒參既不能不用。又示以羈縻之形。此中有不可行者三等語。此項厄魯特人眾改為該喇嘛門徒果能如李雲麟所奏不至泛濫無定。內徧科境可為烏科兩城屏障。亦可相機辦理。惟此節關係甚重。不可不妥善籌畫。李雲麟所陳究竟是

否可行著麟興錦丕勒多爾濟榮全奎昌明
瑤會議具奏李雲麟又稱撤塔城額官一節
亦今日必不可緩之事以既存塔城之官則
欲改厄魯特為該喇嘛門徒必至扞格不行
等語是否有當並著麟興等一併會議奏聞
李雲麟因病陳請休職回旗現在安插厄魯
特善後事宜已於另摺批令會同麟興等妥
籌具奏著俟李雲麟等奏到時再降諭旨將
此由六百里各諭令知之○以湖北荆門拏

獲匪首劉漢忠賞知州徐翼花翎軍功田炳
臣等藍翎餘獎敘免議有差○予甘肅隴州
陣亡遊擊劉魁福等祭葬世職○予江蘇各
屬陣亡殉難五品銜姜邦俊等紳民婦女二
千七百一名口分別旌卹如例○追予江蘇
南匯陣亡知縣章惠建立專祠○己丑

太宗文皇帝忌辰遣官祭

昭陵○諭軍機大臣等穆騰阿奏馳抵武強確
探匪蹤進剿一摺梟匪自奔入無極後蹤跡

飄忽竄向靡定穆騰阿恐該匪復向東北河
間任邱一帶甚關緊要自應分投堵截現在
劉景芳一軍已赴饒陽一帶防剿穆騰阿暫
紮武強確探進剿惟賊匪既有圖竄東北之
勢穆騰阿當督率所部各營嚴密堵禦以遏
該逆北竄之路劉長佑卽飭派出各軍將賊
匪向南兜擊痛加剿洗不得任令回竄該督
等均當隨時知照毋失機宜穆騰阿另摺奏
請將副都統成惠等懲辦等語成惠支領官

兵餉銀僅放半月因保英解餉未到擅向沿
途州縣那借實屬任意妄為雖經歸還亦難
辭咎成惠著交部嚴加議處飭令回旗聽候
部議所部馬隊卽著交阿克敦暫行管帶空
花翎保英押解餉銀軍火沿途逗留著卽革
職回旗營總莫爾賡額並不早為呈報亦屬
不合著革職留營以示懲儆將此由五百里
各諭令知之尋兵部議成惠應照不應重私
罪降三級調用例上加等降五級調用無庸

查級紀議抵從之○又諭張之萬奏捻逆擾及贛榆現籌堵禦各摺片昨據丁寶楨奏賊竄贛榆青口情形已令曾國藩張之萬亟籌扼擊固裏下河完善之區茲覽張之萬所奏贛榆沐陽各隘僅有參將王得勝等千數百人駐守姚廣武張從龍各營分紮仰化集王營等處曾國藩現調之王可陞五營分布淮東為裏下河屏蔽勢難檄令北來是該處情形甚形喫緊清淮兵力本極單薄若賊肆意

南趨必至江北完善之地遽遭蹂躪關繫實非淺鮮著曾國藩妥籌兼顧或添撥勁旅以資扼截毋任蔓延李鴻章迅檄浙軍趕緊到防以便騰出張從龍等營迎頭截剿並即飭令劉銘傳等軍緊躡賊蹤會同夾擊毋再步步落後張之萬所請飭令開奇鳳三軍迎擊跟追之處並著李鴻章斟酌調派以資厚集六塘河為清淮屏蔽張之萬務當就現有兵力嚴密堵禦毋稍疏虞將此由六百里各諭

令知之○盛京將軍都興阿奏探明東省捻匪被官兵遏截後路所有奉天濱海各城一體遴派馬隊官兵豫籌嚴防得旨登萊近無賊蹤濱海處所毋庸另籌設防現在大孤山等處匪徒滋擾該將軍當嚴飭派出各兵及所屬各州縣認真堵剿以靖地方○庚寅上詣

奉先殿

壽皇殿行禮○諭內閣前因太常寺卿石贊清

奏條陳黔省勦撫事宜當經諭令軍機大臣會同大學士九卿妥議具奏茲據該大臣等會議奏稱四川省事務殷繁原設總督一人立法本極周密近年秦隴滇黔不靖該省東南北三面防勦已非尋常無事之時且黔省上游勦匪軍火餉糈等項均由該省兼籌若再責四川總督駱秉章兼督滇黔事務深恐有顧此失彼之虞於大局轉多窒礙該京卿所請援照鄂爾泰成案令駱秉章總制川滇

黔三省之處著毋庸議現在黔西大定一帶道路已通卽著劉嶽昭趕緊赴滇以資鎮撫所部援軍應否留黔協勦之處並著駱秉章劉嶽昭會商辦理李元度等軍及果後各營均在黔境黔省吉忠字各營兵力亦不甚薄駱秉章劉嶽張亮基當督飭各軍會合勦擊所請由四川湖南配兵分抄思南遵義等處一節亦毋庸議提督周達武等各員其才不無可用著該督撫等酌量差遣趙德光所部著張亮基妥為調用以固黔垣該軍餉糈除四川湖南協濟外張亮基仍當隨時籌撥至黔省月餉疊經戶部議定數目奏請飭催四川湖南湖北廣東各省督撫措解著駱秉章李瀚章劉嶽曾國荃瑞麟蔣益澧按照部定銀數嚴飭各該藩司按月趕解如有延玩等情卽由該督撫等奏請議處黔省自用兵以來民困已極應如何慎重牧令舉辦屯田並勦撫兼用之處張亮基身任黔撫務當悉心

妥辦用靖地方貴州學政黎培敬既據該京卿奏稱深得民心懇請量加簡用黎培敬著准其會同該省巡撫辦理勦撫屯田一切事宜並准其專摺奏事以順輿情○署湖廣總督李瀚章等奏裁撤霆軍十八營接招霆峻新營並挑留馬隊籌給川貲飭赴濟甯助勦得旨所奏裁撤霆軍各節辦理尚妥婁雲慶招募新軍昨已諭知曾國藩飭令認真選擇矣唐仁廉等所統馬隊卽著飭赴李鴻章軍營聽候調遣以備迎勦○予湖北蘄水等處陣亡提督劉成秀等八百一員祭葬世職○辛卯

太祖高皇帝忌辰遣官祭

福陵○諭軍機大臣等崇厚奏賊匪回竄文安

現籌防勦一摺賊匪由蠡縣高陽竄至文安縣屬之狼虎廟距津郡僅百餘里該郡練軍多調赴外出本地兵力空虛崇厚現派田奉省撤回之洋槍隊並各營存兵憑守濠牆尚

恐不敷分途迎勦著劉長佑穆騰阿督飭各軍實力追勦與崇厚所派各軍夾擊迅掃賊氛劉長佑穆騰阿所部兵力不為不厚乃任令賊騎竄逸毫無攔截若再不盡力勦洗聽其東奔西突縱橫自如將來伊於何底此股賊騎為數尚不甚多崇厚亦當督軍出擊不得但守濠牆致令居民驚疑遷徙將此由五百里各諭令知之○予四川各屬陣亡殉難紳民婦女一千六百七十九名口分別旌卹

如例○壬辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○命盛京工部侍郎桂清來京陛見

○癸巳遣官祭

文昌帝君廟○諭軍機大臣等都興阿奏勦辦孤山竄匪獲勝及摺勦法庫地方盜匪情形延煦等奏酌擬進山查勘事宜請帶恩合同往各摺片孤山賊匪經依勒通阿等追及於那家店地方迎勦獲勝匪眾登山逃竄復經德音泰等扼之於乾柴嶺先後擒斬四十餘名餘匪逃竄無多正當乘此聲勢將此賊盡數殲除奕榕計抵孤山著即調撥各隊督同地方官分道堵截務將逸匪按名拏獲毋

任逃匿並將查辦木匪情形隨時與都興阿商酌相機辦理法庫為通邊大道該處竟有賊匪時出搶劫雖經沙克都林扎布擒斬多名仍著都興阿飭令該侍衛將逸犯擒捕淨盡以靖地方至游民墾荒一案關係甚重必須詳細查究方無流弊延煦等現擬進山查勘即著將應辦事宜悉心籌畫毋得敷衍了事所刊木質關防著准其開用其隨帶委員書役及延煦等應領資斧均准於船規項下

開支實用實銷。毋得冒濫。此次帶同前往之員。務擇明練事體。並結實可靠者。藉資臂助。儻委員中營私舞弊。延煦等當從重叅辦。如其辦有成效。亦准酌量保奏。以示鼓勵。恩合既熟悉邊外情形。著准延煦等帶往。都興阿與延煦等同辦一事。延煦等此次具奏摺件。都興阿何以未經會銜。著據實覆奏。將此由五百里各諭令知之。尋都興阿奏延煦等奏帶已革將軍恩合前往。因其開墾廣甯官荒。委員舞弊一案。正在查辦。虛實未定。未便列銜。亦未便阻止。報聞。○添鑄湖北宜昌鎮左營中軍守備條記。從總督官文請也。○甲午遣官祭昭忠祠。○諭軍機大臣等。李鴻章奏行抵沂州。察度賊情。一摺。擒匪自南竄贛。榆青口一帶。復由青口西北竄鄰蘭境內。又折而南趨。必係窺撲運防。蘇境運河自宿遷仰化集至桃源清淮二百餘里。尚無長牆六塘河水勢充足。兵力亦不可恃。李鴻章已分派

各軍前護運防。並擬親駐臺莊。就近調度。賊匪渡過膠萊河。縱橫紛竄。自應設法兜剿。迅圖翦滅。此時若能扼之河干。就地殄除。固屬勝算。該大臣曾奏運防斷無把握。儻泥於前說。將得力之兵分赴河防。勢必任賊肆竄。竟無剿擊之師。河道地方遼闊。設防本自不易。秋後水落。更無可恃。賊果一意渡運。難保必能堵截。該大臣總領師干。必當統籌全局。力圖滅賊之策。何得隨時敷衍。冀圖塞責。著李鴻章審度賊情。視其所向。迅派得力之師。實力扼剿。以期迅速。歲事。前因都察院奏兵勇騷擾地方。最為民害。當經諭令該大臣查明帶兵之員。不能約束兵丁者。即以軍法從事。兵勇勦賊不足。擾民有餘。實為近來大弊。著懍遵前旨。隨時查察。遇犯必懲。以飭戎行。賊若渡運而南。江皖豫三省必至任其所之。現在各省之兵。檄調遠出。本境空虛。可慮。著該大臣實力籌畫。毋得顧此失彼。曾國藩張之

萬英翰李鶴年均須早為之備毋俟賊蹤突至猝不及防浙軍已過揚州正可迎頭攔截著曾國藩迅催前進張之萬李鴻章趕緊迎提催令北上以厚兵力毋任中途遲延丁寶楨職任專圻賊在東境即該撫地方之責著嚴檄各軍奮力勦賊以贖前愆其帶兵各員有打仗不力擾害地方者即著查明懲辦毋再顛預從事貽誤戎機將此由六百里各諭令知之○又諭張亮基奏署提督勦賊捐軀懇請賜卹並請飭周達武赴任一摺署貴州提督趙德光在貴州督軍勦賊疊著戰功茲因在安平縣境遇賊接仗猝被伏賊暗槍所中受傷陣亡被害慘烈覽奏殊堪憫惻本日已明降諭旨將該署提督優卹建祠矣該省勦匪喫緊即著駱秉章迅飭周達武速赴新任以重職守趙德光新歿行陣難保該匪不乘虛窺伺省垣著張亮基督同暫署提督張文德拊循士卒將省防事宜妥為布置毋稍

疏懈其安平竄匪並著撥兵堵勦就地殲除該省需餉甚緊四川應解黔餉即著駱秉章懍遵前旨照數源源撥解不得稍涉延緩其四川援黔官軍並著駱秉章檄飭帶兵各員安籌勦勦以厚兵力將此由六百里各諭令知之○以蒙古烏蘭察布盟官兵防堵出力賞章京孟克多爾濟等頭品頂帶餘升敘有差○以勦賊奮勇擢貴州守備楊嗣基以遊擊升用○予山東莒州陣亡都司駱得標守

備宋朝喜千總黃正科外委孫魁元祭葬世職加等○予貴州安平陣亡署提督趙德光祭葬世職加等謚剛節於死事地方暨貴州省城並即岱廳原籍建立專祠○乙未上奉
慈安皇太后
慈禧皇太后幸漱芳齋侍午膳○諭軍機大臣等崇厚奏派兵會勦賊匪一摺梟匪現竄文安縣之狼虎廟經都司鄭明保由任邱帶隊

回勦斃匪數名。賊向南竄。復經余承恩追及。殲擒數十名。餘賊仍在大城一帶。鄭明保已赴王家口截勦。並經崇厚添派總兵王佐臣督帶洋槍隊馳往會勦。著卽督飭該總兵等視賊所向。實力追勦。不得遷延觀望。致誤戎機。穆騰阿馬隊已抵大城。卽督同直津各隊官兵痛加勦洗。毋稍延緩。並著劉長佑督飭余承恩等會合各軍四面兜擊。毋任旁竄。此股賊匪為數無多。派出官軍已屬不少。何至任其東奔西突。毫無攔阻。總由帶兵各員畏縮不前。漫無紀律所致。劉長佑穆騰阿崇厚務當嚴飭各軍奮力合勦。迅將此股就地殲除。毋再任令遠逸。如有帶隊不力之員。卽著從嚴叅辦。將此由四百里各諭令知之。

大清穆宗繼天開運受中居正保大定功聖智誠孝信敏恭寬毅皇帝實錄卷之二百九

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十

紀序

同治六年丁卯八月丙申諭軍機大臣等穆

騰阿奏連日進剿賊匪情勢及請獎出力員
弁各摺片賊匪盤踞河間屬之王直堡余承
恩進剿小有斬馘該匪復竄文安縣屬之辛
莊隆渠一帶官軍獲勝追剿雨後被其從後
抄襲以致管帶官塔奇哈陣亡將隊撤退經
步隊接應始行將賊壓下是該逆尚未大受
懲創而官軍已小有敗衄乃遽欲列敘戰功
驟保將弁實屬鋪張所有此次保舉各員著
暫行存記俟此股賊匪剿捕淨盡再行請獎

現在該都統已帶馬隊馳抵文安著即親督
各隊及劉景芳等四面兜圍實力勦擊迅籌
撲滅不得意存矜伐向來非緊要軍情不得
擅發六百里加緊該都統於此次軍情遽用
急遞殊屬不諳事體嗣後務當斟酌緩急辨
理將此由五百里諭令知之○又諭丁寶楨
奏擒逆現竄邳宿擬赴嶧縣一帶以扼回竄
一摺擒逆由青口贛榆竄及日照邊境疊經
東軍勦截復由海州紛擾郟城並疾走邳宿
一路丁寶楨現向蘭陵鎮前進如賊過臺莊
即在滕嶧一帶迎扼如賊仍由邳境回竄沂
屬即由嶧境回剿所籌尚屬周密著即督飭
王正起王飛熊等軍確探賊情相機勦擊以
期繞出賊前毋任該逆縱橫自如致官軍處
處落後其王成謙一軍並著飭赴沂州實力
扼紮充沂與淮海毗連逆蹤飄忽靡定難保
不沿運北趨李鴻章當懍遵前旨檄令劉銘
傳等軍覘賊所向乘機攔截不得以分守運

河轉滋貽誤東省兵力較薄該大臣仍當飭令各軍與東軍互相聯絡以壯聲援將此由六百里各諭令知之○山東巡撫丁寶楨奏利津海口現難疏濬至一切防務已派總兵官趙三元帶領礮船沿河梭巡復飭該地方官派撥丁役逐段防範報聞○命江甯副都統富陞馳赴直隸軍營隨同都統穆騰阿帶隊勦賊○以山東濟陽勦辦土匪全數殲除賞外委尹畊藍翎副將張得魁等升敘有差

○予直隸文安陣亡前鋒參領塔奇哈祭葬世職如副都統例○丁酉諭軍機大臣等劉嶽昭奏官軍進勦平遠苗匪疊勝並請飭岑毓英勦辦海馬姑苗匪完竣後仍回曲靖宋廷春奏迤西賊援大至滇軍暫時退守各摺片平遠州牛場地苗匪恃險抗拒疊經劉嶽昭派令提督謝景春等分路進勦均有斬擒該匪敗竄回巢復經總兵吳安康等率隊直前將其巢邊之月城攻破勦辦尚屬得手著

卽檄飭謝景春等軍乘此聲威輪流環擊迅將堅巢攻拔以絕根株海馬姑苗匪日久稽誅劉嶽昭當迅飭岑毓英帶兵前進妥籌勦辦一俟此股辦清仍令該藩司回紮曲靖經理應辦事宜其迤南一帶並著飭知隨時辦理姚州鎮南等處前據宋廷春奏報馬如龍等軍進勦疊勝茲據奏稱士卒染疫甚眾賊股直奔姚州合國安楊盛宗等退守大姚舊衙坪一帶馬如龍現亦因病回省是迤西一路逆敵復然自應迅圖進取著宋廷春將各軍應領餉需設法籌撥並傳知馬如龍趕緊調理如病勢稍愈卽出省督率在事員弁兵勇併力攻勦毋隳前功現在滇事方亟劉嶽昭務當力籌兼顧取道入滇督同宋廷春等籌兵籌餉以挽全局將此由六百里諭知劉嶽昭並傳諭宋廷春知之○又諭宋廷春奏滇省官軍停兵待餉請飭催各省協解一摺滇省馬如龍等軍進勦迤西正形得手因賊

援大至官軍餉絀兵單復行退守該省入款不敷而馬如龍籌墊餉項為數亦鉅各省協撥之款僅據浙江咨撥銀五萬兩廣東咨撥銀二萬兩尚未到滇外此更無撥解現在停兵待餉萬分緊迫若不迅籌接濟勢必飢軍坐困迤西賊勢益張滇事將何所底止著駱秉章瑞麟蔣益澧馬新貽劉坤一劉崐李鶴年各將奉撥滇餉趕緊如數源源起解以濟要需毋再延緩將此由五百里各諭令知之

○又諭伊勒屯秦巴里坤西路賊情一摺烏嚕木齊逆回與伊犁等處潰散兵勇打仗該逆疊次失利如此時大兵前進勦辦較易得手文麟威儀營頭起馬步軍一千八百名業已行抵玉門卽著文麟統率所部剋日赴哈相機進剿成祿一軍疊經嚴催該提督迅速出關現在關外需兵甚亟著成祿懍遵疊次諭旨迅將肅城攻克統帶兵勇趕緊出關毋再遲延干咎伊勒屯何瑄另奏駐哈兵勇口

糧自本年二月起均係伯錫爾福晉捐辦惟逆回數次蹂躪財物糧石刦掠殆盡現在口糧均歸無著請飭撥烏城現存哈密餉銀等語著麟興榮全錦丕勒多爾濟將該城現存哈密餉銀二萬兩解赴巴城以資接濟其所稱此項銀二萬兩仍屬不敷支放請飭嗣後遇有解到新疆軍餉銀兩無論何款再為撥給銀數萬兩並據何瑄奏請飭在於新疆軍餉內與哈密駐防兵勇每月撥給銀數千兩

著李雲麟麟興榮全錦丕勒多爾濟斟酌緩急情形與伊勒屯何瑄會商辦理前因巴城餉絀諭令自本年正月為始每月撥給銀六千兩由各省解到新疆餉銀內提解著裕瑞遵旨於各省解到後如數提出解交烏里雅蘇台轉撥巴城務期按月源源接濟毋令缺乏軍功孔才一營既在巴城異常出力自難令其枵腹從事著李雲麟麟興榮全錦丕勒多爾濟於新疆軍餉內自本年三月起每月

撥解孔才一營餉銀五百兩以拯飢軍巴城官員廉俸及各項公費久經無款支放亟應迅籌協濟並著李雲麟麟興榮全錦丕勒多爾濟除撥解巴城兵餉外每月再為籌撥官員俸廉並營中各項公費銀二千兩俾供支給將此由五百里諭知李雲麟裕瑞麟興榮全錦丕勒多爾濟成祿文麟伊勒屯並傳諭何瑄知之○以雲南官軍攻克貴州豬拱箐賊巢出力賞布政使岑毓英頭品頂帶參將

任仕斌黃得勝巴圖魯名號同知周箕參將王丕烈等花翎知縣周熙等藍翎餘升敘開復有差予陣亡都司李萬等十員祭葬世職加等○予貴州平遠陣亡千總謝華喜把總蕭玉泰祭葬世職○旌表守正捐軀河南林縣民婦侯李氏○戊戌遣官祭

關帝廟○諭內閣劉長佑奏查明不守軍律之都司從嚴懲辦等語都司陳希協經劉長佑派赴軍營勸賊輒敢於賊匪經過村莊掠

取民間衣物私自運回實屬膽大妄為業經劉長佑訊明正法所辦甚是行軍以紀律為先若管帶之員先不能潔己守法更何能約束兵丁近聞各營兵勇於經過地方頗有騷擾民間之事皆由帶兵各員束身不嚴難申軍律所致積習實堪痛恨嗣後各路統兵大臣務當嚴明約束凡官兵經過城市鄉村概不得絲毫擾累如查有前項情弊卽照軍法懲治毋稍寬縱將此通諭知之○又諭前據

詹事府少詹事景其濬奏參貴州開復道員鄧爾巽縱練殃民肆行貪酷張亮基徇情率行奏請開復請將鄧爾巽撤銷保案永不敘用等語當經諭令嚴樹森確切查明具奏茲據嚴樹森奏稱鄧爾巽於署理遵義府綏陽縣時勒徇民捐不輸者以香炙背並添班卡勒捐設立木站籠制人死命河南沈邱縣知縣丁士選之父家不中貲因勒捐不遂一家五人均斃因圖調任遵義縣知縣後將生員

文新元勒捐押入站籠令其傾家以贖並信
用劣紳縱練擾民以致楓香壩螺螄堰一帶
地方激變從賊計任遵義綏陽兩邑弊政酷
刑釀成大亂且屢冒軍功升任道府其署大
定府篆兼署貴西道任內又激變民團迨賊
攻城時該員潛遁以致大定府城失陷等語
似此種種貪酷肆虐殘民激成變端若僅照
嚴樹森所請發往軍臺不足蔽辜開復道員
鄧爾巽著拔去花翎撤銷勇號革職永不敘

用從重發往新疆效力贖罪以示懲儆張亮
基徇情率請開復亦難辭咎著交部議處○
又諭前因升任翰林院侍讀學士景其濬奏
參署貴州巡撫張亮基玩兵侵蝕縱暴殃民
等款疊經諭令嚴樹森確切查明據實具奏
茲據嚴樹森奏稱查明張亮基被參各款奏
請議結等語此案張亮基於收過廣東四川
湖南各款雖不至侵漁過半惟巡撫支發銀
兩不盡由司局覈放而由內署存發是原參

該署撫添設內糧臺之說實屬有因已革知
縣王應昌在四川中江縣任內聲名狼藉經
駱秉章奏參革職永不敘用張亮基帶往貴
州附入城防保舉開復原官雖曾奏捐貲四
千兩與原參餽送三千金之數微有不符惟
以蠹政害民之員輒為奏請開復亦有不合
知府茹含章與張亮基次子張臚壽往還尤
密久居優缺厚贄拜門雖無憑指證而張臚
壽浪遊招搖茹含章與撫署子弟交接均屬

不知自愛知縣白振采原名白升本係張亮
基家丁託名委員調赴貴州經張亮基優請
獎勵以致廝養賤役濫廁冠裳張亮基以封
疆大吏不知振作竟有辦事麤率袒護劣員
縱容子弟濫保家丁等情著交部嚴加議處
先行開缺聽候部議同知直隸州知州王應
昌道員張臚壽知府茹含章知縣白振采均
著一併革職王應昌白振采二員並著永不
敘用驅逐回籍以昭炯戒尋吏部議張亮基

應照溺職例革職從之。○又諭嚴樹森奏請開缺北上等語。覽奏殊堪詫異。嚴樹森係屢經獲咎之員。疊蒙擢用。上年簡授廣西按察使。命往貴州查辦事件。旋投貴州布政使。乃沿途逗遛。延不到省。疊次藉詞巧飾。且奉特旨交查事件。並不親臨其地。安坐鄰省。卽行查覆。向來亦無此體制。又見貴州事務棘手。急思規避。率行奏請開缺來京。似此畏葸取巧。實屬溺職辜恩。若僅予罷斥。轉得置身事外。遂其私謀。嚴樹森著卽行革職。發往雲南交張凱嵩差遣委用。○諭軍機大臣等。劉長佑奏官軍會勦獲勝現籌分布情形。穆騰阿奏續探情形。追勦分布並派隊彈壓。文安大城各摺片。該匪現已竄向西南。任邱高陽一帶著劉長佑、穆騰阿督飭保定河間兩軍並余承恩等跟蹤緊迫。務將此股速行殄滅。以靖畿輔。如匪蹤已渡滹沱。迤南卽責成劉長佑酌派兵勇扼紮河干。一面飭沿河地方文

武聯絡鄉團嚴密扼守。毋任賊騎往來偷渡。一面派隊分投追勦。該督所稱京兵宜於堵截不宜南北奔走跟蹤追逐致褻威重等語。所籌不為無見。此股賊蹤如已遠竄。卽著穆騰阿回駐近畿一帶。將所部京兵於大城文安任邱雄縣各屬擇要分駐扼紮。詳細偵探。儻遇賊匪回竄。刻卽迎擊。以恤兵力而養軍威。劉長佑惟當嚴督直省兵勇專力追截。仍酌撥數營隨同穆騰阿分布駐紮。以資周密。文安大城既有匪徒勾結梟匪情事。卽著穆騰阿飭令派往之阿克敦、孝順就近彈壓。劉長佑飭令該地方官嚴密查拏。靜海滄州一帶著崇厚撥隊分紮堵勦。毋稍疏忽。將此由五百里各諭令知之。○又諭前據張亮基奏報署貴州提督趙德光在安平勦匪陣亡。當經諭令駱秉章迅飭周達武赴任。並令張亮基督同張文德將省防事宜妥為籌辦。茲據嚴樹森奏稱探聞趙德光陣亡。省城人心震

動安平賊勢益張更恐近省賊股何二強盜等匪乘勢內逼貴陽勢甚危急請派員馳往勦辦等語所奏自係實在情形黔省兵單餉絀省城附近一帶賊氛環伺現值趙德光新亡儻各匪乘虛窺伺省垣益形喫重本日據嚴樹森奏查明張亮基被參各款已降旨將張亮基開缺交部嚴議並有旨賞給曾璧光二品頂帶署理貴州巡撫賞給黎培敬四品頂帶署理貴州布政使曾璧光在黔有年自

必熟悉地方情形卽著督同張文德等將省城防守事宜妥為布置該署撫經朝廷特簡務當振刷精神實力籌辦以期不負委任該省籌餉事宜卽責成黎培敬設法辦理前有旨令黎培敬會同巡撫辦理勦撫屯田事宜所有該省軍務著傳知該署藩司會同該署撫認真籌辦四川省月協黔餉五萬兩卽著駱秉章無論如何為難迅提兩月餉銀剋期解往以後協餉仍著源源撥解黔省如此危

急駱秉章豈容再分畛域飾詞推諉設令貴陽賊勢蔓延川省又豈能晏然無事耶其四川援黔官軍並著該督酌量抽撥勁旅馳往貴陽附近地方助勦以厚兵力將此由五百里各諭令知之○順天府以宗室鄉試中額請得旨著取中四名○賞貴州候補道曾璧光二品頂帶署巡撫學政翰林院編修黎培敬四品頂帶署布政使○命翰林院編修廖坤培提督貴州學政○己亥諭軍機大臣等

前因醇郡王等議覆副都統穆騰阿奏整軍勦擒請添調吉林黑龍江馬隊官兵當經諭令富明阿特普欽各派馬隊兵一千名赴豫助勦嗣據富明阿等奏稱各擬派兵五百名當以人數無多諭令停止現在捻股竄擾山東賊騎飄忽勢益張官軍多係步隊追擊每至落後非得大支馬隊勁旅前往助勦不能得力著富明阿特普欽於該二省前派馬隊各五百名外仍添派馬隊各一千名兩省

共派馬隊三千名聽候調遣此時勦擒事務緊急富明阿等無論如何為難總須揀派如數並著於曾經戰陣之官弁兵丁內多為揀派不得以無兵可派一奏了事齊齊哈爾副都統春壽曾隨僧格林沁勦擒熟悉情形著特普欽飭令馳回吉林會同富明阿挑選馬隊即著管帶來京其黑龍江馬隊亦著特普欽認真選派務須挑揀兩省精壯不得以老弱充數盛京帶兵副都統富和並著都興阿飭令來京此外將領中如有謀勇兼優堪膺統帥者或打仗奮勇堪以督隊者並著富明阿特普欽各舉所知以備簡用都興阿久歷戎行所部將領如有才具出眾堪勝統帥及帶隊奮勇者亦著據實保奏此次派出馬隊所需軍裝等項銀兩均著富明阿等一面籌款墊發一面奏請由部撥解歸款俾免遲滯其所需馬匹或由察哈爾牧羣及捐輸項下撥給或由吉林黑龍江採買之處著該將軍

等一併妥籌具奏將此由五百里各諭令知之○又諭有人奏熱河署豐甯縣知縣王樊前在大閣鎮巡檢任內即與該處舉人李鶴林等朋比營私及到豐甯署任復聽從李鶴林主使將該縣監生楊全鎖押勒索銀八千兩致楊全在押斃命等情所奏是否屬實著麒慶確切查明據實具奏毋稍徇隱原片著鈔給閱看將此諭令知之尋奏遵查楊全實係在押因病身死並非因刑斃命惟該署令到任未久即有此案當即撤任至舉人李鶴林等是否與該員朋比營私容再徹底根究得旨著即認真研鞫毋稍偏縱○西安將軍庫克吉泰等奏防勦喫緊請將本年軍政展緩舉行從之○追予湖北崇陽殉難知縣師長治於陝西韓城縣原籍建立專祠弟安徽陣亡參將長鑣附祀○庚子諭內閣吳崇奏甄別知府等員請旨革職等語福建福州府知府丁嘉璋輒熟善伺意旨以致庸員趨附

且任內積壓發審案卷一百餘起之多吏治廢弛已極延平府知府李慶霖著名巧滑專事趨承於風氣所關實非淺鮮丁嘉瑞李慶霖均著卽行革職勒令回籍不准在福建地方逗遛以肅官方○諭軍機大臣等前因張凱嵩奏請飭湖南四川寬籌援滇軍餉當經諭令戶部議奏茲據戶部奏稱滇省軍需曾經該部於各省欠解餉銀五百八萬餘兩內奏提銀三十萬兩除浙江自上年五月起每

月提存銀八千兩交滇省委員領解外其廣東之六萬兩太平關之四萬兩僅據報解銀二萬兩四川之四萬兩並同治二年指撥之五萬兩僅據報解銀七萬兩江西之三萬兩僅據報解銀一萬兩河南之一萬兩並未報解湖南之二萬兩前據李瀚章奏請改撥經該部駁令依限解交現亦未據報解刻下湖南四川撥款頗多若再令專辦滇餉轉恐力有未逮仍應就未經報解各款先籌協濟著

駱秉章瑞麟蔣益澧劉坤一李鶴年劉崐迅將欠解酌提之款一律籌解毋得再事遷延致干咎戾馬新貽亦當查明前項已否交齊卽行報部查覈至滇餉萬分支絀除浙江等省已解之數欠解尚多殊難敷用該部現擬在浙江續提銀六萬兩廣東續提銀四萬兩四川續提銀四萬兩江西續提銀一萬兩湖南續提銀二萬兩河南續提銀一萬兩太平關續提銀一萬兩自係均勻酌提並著駱秉

章瑞麟蔣益澧馬新貽劉坤一劉崐李鶴年嚴飭各該藩司及太平關監督如數趕解粵海關前欠解銀十六萬九千餘兩該部擬令此次該關提銀一萬兩合四川等省酌提之數以足二十萬著師曾卽遵撥迅籌以應急需該督撫監督等素顧大局諒不至藉詞推諉致滇事益形竭蹶也所有各該省歷年欠解滇省常年兵餉及指撥軍餉著張凱嵩劉嶽昭宋廷春遵照該部上年奏案隨時詳細

開單報部以憑覈辦將此由五百里諭知駱東章瑞麟張凱嵩劉坤一馬新貽李鶴年將益漕劉峴劉嶽昭並傳諭宋廷春師曾知之○賞前任伊犁領隊大臣布爾和德頭等侍衛在乾清門行走○以湖北孝感縣捐輸軍餉永廣學額一名○壬寅諭軍機大臣等劉長佑奏勦捕梟匪獲勝情形一摺官軍在蠡縣晉州等處勦捕梟匪疊獲勝仗並將匪首僧人左春估擒獲辦理尚屬認真現在殘匪僅百餘人向深澤無極奔竄著劉長佑飭令各軍乘勢追勦俾其晝夜不能喘息以期盡數殄除滹沱河防仍著該督遵奉前旨嚴密扼守遊擊王永勝知州陸邦燊勦賊奮勇殊堪嘉尚仍著劉長佑飭令認真防勦穆勝阿此時當已遵旨回防雄縣等處如賊回竄東北卽著該都統督飭防兵分路兜勦毋許一名漏網將此由五百里各諭令知之○又諭張之萬奏捻股窺伺六塘河並竄撲河岸等

防堵擊情形暨添募勇丁請撥餉需各摺片捻股圍攻沭陽紛向贛榆邳宿等處肆竄經劉銘傳牛師韓等敗之於贛榆邳城境內姚廣武督飭沿河防軍將竄撲莊家灘等處賊匪擊退現在賊撲劉老澗沿河一帶人數眾多勢甚兇猛著張之萬嚴督在防將士並添撥援軍實力堵遏毋任該逆搶渡並著李鴻章迅督追師星馳前往策應毋得仍前延誤六塘河水勢因宣洩過多淺處寨裳可涉能否於下游填遏以蓄水勢之處著張之萬斟酌情形辦理浙軍三千人業已到防尚不足敷分布該漕督擬添招馬步十營著卽趕緊募練成軍並著曾國藩每月撥解餉銀二萬兩迅籌接濟毋稍推諉清淮一帶兵力單弱朝廷時深顧慮李鴻章前駐濟甯辦理河防日久並未籌布周密此時若再不實力追勦一誤再誤伊於何底贛榆沭陽宿遷一帶與東省兗沂地界毗連相距咫尺丁寶楨駐軍

沂州嶧縣等處亦當分兵出境與清淮防軍互相援應不得畫疆自守強分畛域至曾國藩李鴻章應次奏稱採買戰馬為數不下八千餘匹駝隻幾及千匹現在存營數目究有若干僧格林沁所部馬隊除裁撤外現在存營馬隊官兵並馬匹數目若干將領出色者共若干員均著李鴻章詳細查明迅速覆奏將此由六百里各諭令知之○又諭已革浙江處州鎮總兵陳國瑞前因患病回籍現在

諒已病痊該員向在軍營打仗尚稱得力著李瀚章傳知陳國瑞令其赴部引見聽候錄用將此諭令知之○先是涼州副都統瑞雲奏涼州空缺馬甲七十四副幼丁多未及歲請暫停挑補莊浪現空甲缺五百四十五副無人挑補請飭移撥下兵部議至是議上涼州甲缺應准其暫停挑補並請飭八旗都統會議能否於京旗兵丁內酌撥移往莊浪駐防候旨遵行得旨著暫緩移撥○三口通商

大臣兵部左侍郎崇厚奏據報梟匪南竄現撥隊分駐靜海以資堵剿得旨著飭靜海滄州各軍隨時偵探如有警信即行帶隊剿捕以資策應○予直隸平鄉陣亡守備劉在獻等祭葬世職加等○癸卯

泰陵○

世宗憲皇帝忌辰遣官祭

上詣

壽皇殿行禮○諭軍機大臣等都察院奏順天

武舉鄭椿山等以馬賊肆擾知縣縱匪潛逃等詞赴該衙門呈訴本年五六月間馬賊四五十人竄擾永清縣境南關練勇持槍迎剿該縣知縣竟敢攔阻練勇不令開槍致令賊入南關燒殺該縣復微服潛逃於賊擾地方亦未出城驗看實屬玩寇殃民著萬青藜胡肇智即行查明確情據實參辦毋稍徇隱原摺著鈔給閱看將此諭令知之尋奏遵查永清縣知縣葉守貞並無縱匪潛逃情事惟於

鄭椿山呈報被搶一案未曾親往查驗實屬不合。應請交部議處從之。○調西安右翼副都統玉亮為正藍旗蒙古副都統。吉林副都統安住為西安右翼副都統。阿勒楚喀副都統德英為吉林副都統。以正紅旗護軍參領海英為阿勒楚喀副都統。頭等侍衛春福署鑲黃旗漢軍副都統。○甲辰山東巡撫丁寶楨奏駐紮嶧縣距賊較遠。察度現在賊情仍應暫駐沂州分軍布紮。以便策應。得旨著懷遵。本月二十二日諭旨嚴督各軍認真堵剿。不得畫疆自守。致誤戎機。○乙巳諭軍機大臣等。前據禮部接准朝鮮國王來咨。轉奏當派恭親王會同大學士六部九卿議奏。茲據奏稱游民墾荒有無窒礙該處情形無由懸揣。請飭都興阿等妥立章程再行酌奪等語。都興阿等奉派查勘此事。關係綦重。該游民開墾之地。東界朝鮮若不謀畫萬全。殊失朝廷字小之意。該國王現已派員赴該地方聽

候辦理。著奕榕迅將剿匪事宜辦竣。剋期會同延煦等帶領恩合進山查勘。就近與該國委員將地方情形通盤籌畫。並與都興阿和衷商酌。以期中外兼籌。永杜後患。其如何籌辦之處。著即妥立章程。詳細覆奏。候旨定奪。恭親王等原奏及朝鮮國王來咨均著鈔給閱看。本日都興阿額勒和布恩錫奏倡捐米石並酌減勸捐一摺。奉省採買粟米藉資賑務。現在該處元氣未復。若再勸諭捐輸。恐滋擾累。非所以示體恤。著即行停止。將此由四百里各諭令知之。○又諭英翰奏回抵潁州力籌征軍糧餉。兼固本境防務一摺。據稱皖營入東之軍派定步隊九千馬隊一千合成萬人。令總兵程文炳統帶隨地兜擊。黃秉鈞等軍補守運防。並遵旨兼固本境。仍駐潁州督飭水陸防軍及地方紳團密探嚴防。妥籌調度等語。所籌甚是。即著嚴檄程文炳黃秉鈞等確探賊蹤。認真堵截。並聯絡淮東各軍

以壯聲勢惟該省派出之軍新添洋槍開花礮等隊需費更鉅英翰現飭藩司張兆棟於司庫先湊銀十萬兩並咨商曾國藩催提江海關協餉及豫借鹽釐自應寬為籌畫著曾國藩按照該撫所商趕緊勻撥該督素顧大局諒能設法代籌接濟也英翰仍當嚴飭該藩司將撥項星速報解以便各軍剋期起程毋再遲緩捻逆現聚邳宿一帶窺擾清淮於皖之泗潁各屬瞬息可至英翰務令在事各

軍擇要嚴防以杜侵越李鴻章亦當統籌全局相機兼顧毋任該逆闖入皖疆益形延蔓將此由五百里各諭令知之○命大理寺卿童華提督江蘇學政○以倡捐米石予盛京將軍都興阿等優敘○丙午秋分夕

月於西郊遣克勤郡王晉祺行禮○諭內閣稽察富新倉給事中謝膺禧奏富新倉開放甲米恐有弊混請飭查辦一摺該倉開放正黃旗甲米闔定福字廩座本在廳南何以開放

未完復令由北載運該倉監督所稱因挑賒移入空廩是否實情其挑賒分存是否合例著倉場侍郎確切查明據實具奏如查有蒙混情弊即著從嚴究辦另片奏各旗領米人數眾多請照舊章辦理等語著倉場侍郎查明各旗領米每旗應派若干員前往行文各該旗照辦並於各倉門首出示曉諭以重倉庾尋奏福字廩開放甲米未完暫移空倉挑賒係屬實情別無弊端惟該倉監督等先未

據實稟明究屬不合應請交部察議從之○諭軍機大臣等穆騰阿奏梟匪復竄任邱請飭官軍協防並請飭劉景芳分紮文安等處各摺片梟匪已折竄任邱經穆騰阿督兵進剿復向東面遠颺前據劉長佑奏稱賊趨無極深澤一帶何以折竄任邱如此之速且前稱賊匪僅百餘名何以仍未辦結任令肆竄著劉長佑嚴飭各軍將步隊嚴防要隘令馬隊迅速追剿並與穆騰阿防軍會同夾擊毋

任喙息穆騰阿以任邱為賊匪往來要路擬親督成章等馬步各隊駐紮該處並擬令薩凌阿分紮雄縣著卽照所請辦理劉景芳既於文安等縣民情熟悉卽著劉長佑飭令該總兵督率所部分紮大城文安雄縣歸穆騰阿節制以資調遣該都統所稱任邱縣屬有匪徒勾結梟匪情形著劉長佑嚴飭該地方官乘有京兵駐紮該處設法密為查拏以淨根株而絕延蔓將此由五百里各諭令知之

○又諭李鴻章奏覆陳膠萊河分守汎地繪圖呈覽請將王心安等分別辦理並布置軍情暨籌辦糧米各摺片膠萊河北路本係潘鼎新認守地段該藩司並未親行踏看丈量地勢續復改防濰河商令東軍移紮北路以致臨時移調倉卒失事李鴻章屢奉諭旨催赴前敵調度遷延貽誤豈得盡諉咎於東軍王成謙以八營自守而令王心安以四營認守無牆之處又不分隊就近應援實屬畏葸

取巧著卽革職留營自效儻再貽誤卽著李鴻章丁寶楨嚴叅懲辦至王心安前次失守運牆厥罪甚重早應正法此次防守膠萊河又復不能力戰遏賊據李鴻章所陳該已革總兵廢弛軍務剋扣餉銀等情更未便再從未減著該大臣仍遵前次密諭斟酌情形妥辦不可稍有宣洩並著丁寶楨慎派幹員豫行接統其眾毋任別生枝節潘鼎新由膠萊追賊南行日久未聞與賊接仗儻再不認真剿賊卽著李鴻章嚴叅懲辦亦不得稍涉瞻徇賊蹤現由宿遷東竄六塘河水日就淺涸仰化集以下防務未固該大臣當認真督飭劉銘傳等軍緊躡賊後與清淮各軍互相援應不得將清淮防務專諉諸張之萬致蹈膠萊覆轍運河防軍既未便概行裁撤卽著仍前辦理惟當隨時相機兼籌迎剿不可但恃防守致令百密一疏任賊逸出貽誤大局至官軍經過州縣須就地採買糧草若任聽地

方百姓閉糴致令兵勇飢餓絕食何以收飽騰之效著丁寶楨嚴檄各地方官豫行提款購買米麪以便追軍過境支用但近日淮楚各軍所至騷擾亦無怪百姓畏兵甚於畏賊並著李鴻章嚴申軍律飭令各營於經過民寨時給價採買不准強行索取如官軍有滋擾情事卽按軍法懲辦不得稍有迴護儻該地方官於客軍過境延不付給糧米卽著李鴻章丁寶楨立卽叅撤以利軍行將此由六

百里各密諭知之○又諭崇實駱秉章奏官軍勦辦夷匪獲勝並籌辦建南邊防一摺越嵩夷匪出巢滋擾經崇實等分路勦擊疊次獲勝晃甯野夷又復分股出竄九盤山夷匪竟敢潛入靖邊營汛地將拘禁夷目七名乘夜刦逃官軍追逐紛紛遠竄此股夷匪詎知邊防兵單乘閒出巢滋擾一遇官兵旋即逃遁並未大受懲創著崇實等督飭丁永陞會同越嵩文武相機防勦並飭甯遠府知府督

飭練勇會同晃甯靖遠各營員隨時防範以免此擊彼竄至滇軍自楊盛宗進勦迤西各營潰退之後沿邊土匪蜂起建南又復喫緊亟應趕緊設防該將軍等現已飭令劉寶國募勇調兵前往會鹽一帶著卽責令扼要布置以固邊圉將此由五百里各諭令知之○調山東學政張家驤提督山西學政山西學政于建章提督山東學政○調湖南提督黃少春為浙江提督浙江提督楊鼎勲為湖南提督○舉行本年軍政侍衛處鑾儀衛滿洲蒙古漢軍各旗營卓異官一百三十八員不謹官十二員浮躁官一員罷輟官一員才力不及官九員年老官五員有疾官五員分別議敘處分如例○以四川越嵩勦辦夷匪獲勝復已革參將王廷相職予陣亡遊擊劉履玉守備金品彰等祭葬世職加等○丁未遣官祭賢良祠○戊申諭軍機大臣等崇厚奏賊匪北竄大城派員會勦獲勝一摺梟匪由

晉州竄至任邱大城一帶經崇厚派令都司鄭明保等帶兵會勦追至馮二莊地方鄭明保督隊施放槍礮傷斃賊匪數十名又轟斃賊目一名餘賊向南狂奔勦辦尚屬得手著卽檄飭鄭明保等乘此聲威會同各該地方官並知會各處鄉團協力勦截毋任蔓延此股賊匪前據劉長佑奏稱僅贖百餘名此次復傷斃數十名賊數已屬無多何難迅行剪滅直省軍務是劉長佑專責該督務當振刷精神嚴飭劉景芳余承恩各軍及各州縣兵勇認真兜擊悉數殲除不得率聽屬員掩飾致逆氛紛擾畿疆頻煩兵力穆騰阿現紮任邱與大城文安等處相距不遠著懍遵疊次諭旨督率所部擇要分紮以遏賊蹤仍隨時知照劉長佑崇厚妥籌辦理將此由四百里各諭令知之○又諭裕瑞桂成奏回逆盤踞甯條梁並米脂縣城被圍一摺陝省回逆屢次肆擾甯條梁一帶八月初三日賊匪萬餘

將甯條梁攻陷另股復圍攻米脂歸綏邊防甚形喫重雖經裕瑞等派撥伊克昭等蒙兵分投扼紮並調土默特蒙兵五百及大同鎮屬官兵千名前赴歸綏相機防堵惟地段遼闊兵力尚單前諭趙長齡派撥協防兵勇千名卽著催令星速出口裕瑞等此次調撥之大同鎮兵一千名著趙長齡一併飭催趕緊出口裕瑞等當就現有兵力嚴密堵勦毋令賊匪闖入所有山西協防官兵及續調大同鎮兵並土默特蒙兵應需鹽菜口糧等銀均著趙長齡籌款撥解以資供給此股賊匪在陝甘山西毗連境界滋擾關繫三省邊防及各蒙古地界若不及早撲滅勢將更肆蔓延著穆圖善派隊前往勦辦將甯條梁剋期收復左宗棠庫克吉泰喬松年迅卽撥兵力解米脂城圍會合穆圖善派出之兵分路兜擊以靖邊圉將此由五百里各諭令知之○以吉林勦辦賊匪肅清全省出力賞防禦依里

布等花翎雲騎尉博爾精額等藍翎餘加銜升敘有差○己酉諭軍機大臣等穆騰阿奏官軍勦匪兩獲勝仗一摺梟匪竄擾張格橋等處經斌陞等督率馬步各軍於八月二十五日追勦兩次獲捷殲賊一百餘名現在受傷逃竄餘匪僅贖一百餘名賊數業已無幾著劉長佑穆騰阿懍遵疊次諭旨嚴檄各軍實力勦辦務絕根株該匪勢既窮蹙難保不藉詞投誠為旦夕偷生之計惟該匪反覆無

常萬不可恃如宋景詩之首鼠兩端前車可鑒劉長佑務當激勵將弁將該匪悉數殄除不可遽行收撫致貽後患其逃匿餘匪並著劉長佑督飭地方官乘此大兵未撤之時認真擒捕毋任一名漏網另片奏請將參領斌陞等獎勵等語仍著將各該員暫行存記俟此股賊匪勦捕淨盡再行彙案請獎將此由四百里各諭令知之○熱河都統麒麟慶奏圍場試辦木稅流弊滋多請將木局卽行裁撤

從之○湖南巡撫劉崑奏本年漕糧驟難改徵本色請仍以折色徵收從之○庚戌諭軍機大臣等張之萬奏捻股疊撲劉老澗迎勦獲勝並請撥餉添勇英翰奏郟城擊賊獲勝分布戰守情形各摺片捻股竄擾郟城並窺伺宿遷運河經牛師韓黃秉鈞等奮力擊退其疊撲劉老澗之賊亦經姚廣武督軍奮擊賊遂移向北趨此次皖省及清淮各軍渡河勦匪以少勝眾奮勇異常視各路追兵逗遛

觀望者迥不相同深堪嘉尚牛師韓等著照英翰所請准由該撫存記彙案請獎其出力之姚廣武等亦著張之萬存記彙案請獎以昭激勸至捻逆以全力搶撲運河勢甚兇猛李鴻章張之萬英翰務當飭令防守諸軍分段嚴密堵遏毋稍鬆懈至此次當皖省及清淮各軍奮力迎勦之際若湘淮各隊能於賊後夾擊則勦辦更易得手何以僅見劉銘傳緊躡捻蹤其餘潘鼎新等各營究在何處逗

邇著李鴻章嚴檄前進會合勦洗毋得任其畏葸玩誤郟城係東境所屬丁寶楨亦當督兵遏截不得專諉諸皖淮各軍任賊奔突運河防守各營如有縱令逆匪竄渡及並不奮力迎擊者卽著將本汛及統領各官分別正法並革職治罪以申紀律而懲急玩張之萬所請添募馬步十營並請撥餉銀一節前已有旨令張之萬增募並諭令曾國藩按月協撥餉銀二萬兩著曾國藩仍遵前旨速籌接濟現在清淮軍情萬分緊要不可稍緩須臾該督當知緩急不得推延致誤大局將此由六百里各諭令知之○三口通商大臣兵部左侍郎崇厚奏請撤山東武定防河練軍回直以資防勦得旨卽將陳濟清所部撤回靜海滄州一帶探明賊蹤會同余承恩等軍實力勦洗以期迅掃賊氛○船政大臣前署江西巡撫沈葆楨奏查看福州海口創修船塢工程並豫行練習水勇得旨事屬創造該大

臣卽當力任其難妥籌辦理以杜流弊而收實效○予山東郟城陣亡千總劉玉清祭葬世職加等

大清穆宗繼天開運受中居正保大定功聖智誠孝信敏恭寬毅皇帝實錄卷之二百十

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十一

奏請將劉景芳等處分各款著照所請辦理等因欽此

理吏部等因欽此

欽此

欽此

欽此

執行

同治六年丁卯九月辛亥朔

上詣綏履殿問

慈安皇太后安平安室問

慈禧皇太后安至己卯皆如之○奉

慈安皇太后

慈禧皇太后幸漱芳齋侍午膳○諭軍機大臣

等劉長佑奏餘匪被勒回竄暨遵飭劉景芳

專備北路各摺片賊匪經各軍分路攔擊乘

閒東竄意欲勾結青滄匪徒以圖復逞被各

軍截回奔向西南劉長佑現飭余承恩等跟

蹤追剿著即嚴飭實力截擊毋任紛竄此股

匪徒前經該督奏稱僅餘百餘人復據穆騰

阿奏稱連次殲斃所餘無幾是現存匪類不

過漏網餘生亟應趕緊兜截迅速殄滅此次

賊竄何處餘匪若干並著劉長佑查明具奏

劉景芳一軍既經劉長佑飭令駐文安雄縣

等處專備北路歸穆騰阿節制調遣即著該

都統檄令該總兵會同京營各軍嚴為戒備

遇有賊匪北竄即著迎頭截擊至賊匪潛匿

處所地方官往往諱飾不肯認真查辦深堪

痛恨劉長佑俟大股賊匪辦竣後即嚴飭各

州縣遇有此股內餘匪潛藏即行嚴密查拏

以絕延蔓其查拏不力及防範不嚴之地方

官即行分別叅辦以儆頹靡將此由四百里

各諭令知之○又諭文麟奏行糧催辦不齊

擬分兩起出關一摺文麟帶兵出關前赴哈

密所需行糧等項諸形缺乏該辦事大臣已

由撫彝高臺趕辦白麪三萬斤錢一千餘串

派副將蕭青雲先帶中右各營出關進駐玉門。飛催署甘涼道崇福趕運行糧。再由撫彝高臺設法籌措。並籌辦餉項若干。卽於七月初六日。親自拔營前進。哈密地方瘠苦。必須裹糧而行。文麟現飭撫彝等處趕為設措。惟恐不敷應用。卽著左宗棠移圖善迅飭安西敦煌玉門三州縣。趕緊協濟行糧餉項。俾利進行。成祿進攻肅州。日久未下。以致稽延時日。著卽趕緊激勵兵勇。迅圖攻克。剋日帶兵出關。與文麟所部聯絡進紮。以壯聲威。不得仍前延玩。致干重咎。景廉是否業已起程前進。並著移圖善飭令迅赴哈密新任。不准逗遛。其籌辦文麟糧餉官紳。准由該辦事大臣咨明移圖善擇尤請獎。將此由六百里各諭令知之。○予直隸定州陣亡參將趙友勝祭葬世職。如總兵官例。遊擊王芳外委白有志祭葬世職加等。○旌表守正捐軀山東濰縣民婦雷張氏。○士子諭內閣。左宗棠奏會匪

隨處煽結。請飭嚴辦等語。近年哥老會匪。結盟聚黨。凡官軍駐紮處所。潛隨誘煽。江楚黔蜀所在皆有。陝甘尤熾。竟有軍營武職人員。保至二三品者。公然入會。皆不畏法。殊可詫異。本年三月間。曾據楊岳斌奏。拏獲約黨燒香充當會首之知縣郭祖漢。及都司李桂芳等。一併正法。當經降旨諭令各路軍營嚴拏懲辦。茲覽左宗棠所奏。復有遊擊馬幅喜。綽號蒼蠅子。本係川省會匪。涸跡陝西。與其黨副將陽明潰。千總唐思幅等。做會結盟。徒與眾多。經該營拏獲。與入會勇丁十餘名。一併正法。可見該會匪潛滋暗長。實為亂階。若不嚴行查禁。養癰貽患。為害曷可勝言。各路軍營武職大員。以積功歷保官階。儼廁冠裳之列。乃竟甘心入會。形同叛逆。實屬罪不容誅。除將犯官馬幅喜。陽明潰。唐思幅。保案撤銷外。嗣後軍營武職人員。如有入會為匪。及所犯情節。按照軍令。應予斬決者。無論所保官

職大小。如現係充當勇丁。卽照勇丁一律科罪。各營統領查訊嚴辦。咨稟督撫覈奏。其游勇隨營勾結為匪者。無論有無官職。獲訊確實。卽行正法。都司守備以下。咨部查銷保案。參將遊擊以上。彙案奏明。各路統兵大臣及地方督撫大吏。務當隨時認真查察。以杜亂萌。儻或姑息養奸。釀成巨患。定惟該統兵大臣督撫等是問。將此通諭知之。○又諭左宗棠奏記名提督劉厚基因母病請假省視等

語。目前陝西軍務喫緊。劉厚基樸勇著名。現值攻勦甘泉安塞等處賊巢。正屬得手。未可遽令離營。劉厚基著毋庸給假。加恩賞給伊母人蔭四兩。由左宗棠發交該提督祇領。以示體恤。○諭軍機大臣等。左宗棠等奏官軍勦擒獲勝。擒逆復渡。涇東竄甯條梁鎮被賊陷踞。米脂亦有賊蹤。並請將田興恕易名帶隊各摺片。擒逆由渭南屬境。於七月二十三至八月初六等日。竄擾臨潼等處。旋竄咸陽。

乘夜冒雨疾馳。分由臨涇一帶渡涇而東。該省大雨連旬。未能剋期進勦。著左宗棠等俟晴霽後。督飭各軍會籌勦辦。迅殄逆氛。靖邊縣屬之甯條梁鎮被陷。及米脂被擾情形。前據裕瑞等奏報。與左宗棠所奏大略相同。著左宗棠懍遵前旨。會商庫克吉泰喬松年。迅卽撥兵力圖埽蕩。左宗棠以邊外要地。未及先事綢繆。致被賊陷。自請交部議處之處。著加恩寬免。延榆綏道嵩壽稟報遲延。全無籌

畫。延榆綏總兵陶茂林帶兵勦賊。徒託空言。又不能扼賊來路。均著摘去翎頂。以儆玩泄。田興恕在黔時。劣款前據毛鴻賓華祝三先後奏參。經駱秉章查明。吸食洋藥。荒淫無度。不以勦賊為事。信任劣員。濫保匪人。妄戮無辜。拆毀民房。營建第宅。均屬實情。似此劣蹟昭著。本屬罪不容誅。朝廷因其有殺害教民之案。事關中外交涉。不得不委曲加恩。從輕發遣新疆。以重國體。而顧大局。乃該革員於

發遣後。疊次報病。延不到戍。如果抱病屬實。則孱弱之軀。何能勦賊。若飾詞捏報。居心尤不可問。左宗棠請將田興恕易名帶隊之處。著毋庸議。將此由六百里諭知左宗棠。庫克吉泰。喬松年。並傳諭劉典知之。○又諭左宗棠。奏請調因病回籍之前甘肅提督曹克忠。速赴陝甘等語。曹克忠前在甘省勦賊。素稱得力。因病回天津本籍。現在諒已就痊。著劉長佑傳知該提督先行來京。陛見後。卽馳赴左宗棠軍營。統帶舊部。隨同勦賊。將此諭令知之。○以陝西攻克橋扶峪等處賊巢。賞提督劉聲集一品封典。副將黃超羣。戴貴品。參將劉厚填。巴圖魯名號。遊擊梁得勝等。花翎。把總梁德華等。藍翎。餘加銜升敘有差。予陣亡參將賀羣。其子總張文彥。把總黃良。獨外委王佐等。祭葬世職。以陝西甘泉運糧出力。賞通判魯學浩。藍翎。予被戕把總康應選。祭葬世職。予陝西蒲城陣亡參將張心揚。

等祭葬世職。○癸丑。諭內閣。御史盧士杰。奏請將素行奸詐之知縣革職等語。分發江蘇試用知縣單體晉。前在河南軍營帶勇騷擾。經前任河南巡撫鄭元善奏。參以縣丞降補該員鑽謀留營。開復分發江蘇。在京時。又復各處招搖。行止不端。實於官箴有玷。單體晉著卽行革職。以示懲儆。○又諭前據嚴樹森奏。查明貴州道員鄧爾巽。被參各款。當降旨將該員革職。永不敘用。並從重發往新疆。茲據御史盧士杰。奏稱該革員罪重法輕。請明正典刑等語。鄧爾巽。歷任貴州道府任內。勒捐激變。復棄城避賊。肆酷虐民。劣蹟甚多。嚴樹森前次僅據訪查入奏。並未提案研訊。請將該員發往軍臺。朝廷以所定罪名不足示懲。特降旨從重發往新疆。茲據該御史所奏。尚覺情重法輕。著曾璧光。卽將此案人證。提集詳加研鞫。按照所參覈實。定擬毋稍輕縱。尋奏遵查。鄧爾巽於黔西失陷時。因眾寡不

敵身受重傷。旋即督團收復。並無激變民團。棄城避賊情事。請仍遵前旨發往新疆效力贖罪。從之。○諭軍機大臣等。李鶴年奏宋慶回軍顧運及各路防剿情形一摺。逆蹤竄出膠防後。宋慶追賊至郟。復經李鴻章飭令回紮東平原派地段。以顧運防。現在該逆疊撲劉老澗。並窺伺宿遷運河。均經擊退。若不乘閒北趨。勢必西竄豫境。著李鶴年督飭張曜宋慶等軍。將東平汶上一帶嚴密設防。一面

酌派精銳於永城夏邑等處慎固封守。以杜賊由徐州蕭碭西竄之路。毋任竄入豫疆。又形滋蔓。直隸梟匪雖所餘僅百餘人。而蹤跡飄忽。烏合易集。陝西捻匪由臨涇一帶渡涇而東。該省各路防軍均當勤探嚴防。不得以賊蹤尚遠。稍涉大意。如何路有急。即著該撫調撥兵勇親督出省馳往策應。毋稍疏虞。本日據御史盧士杰奏河南頻歲荒旱民力已憊。近復有安徽委員潛赴光州要結劣紳藉

官漁利。如固始之蔣家集往流集相去不遠添設二卡。任意抽釐。並攜帶空白執照沿門科派等語。著李鶴年查明該委員是否奉有皖撫劄委。如實係病民。即著咨明裁撤。儻或私行設卡騷擾閭閻。即著從嚴叅辦。原片著鈔給閱看。將此由五百里諭令知之。尋安徽巡撫英翰奏接准河南撫臣來咨遵查蔣家集等處並無皖省委員在彼抽釐。至豫省皖捐局係勸寄籍皖民捐輸助餉。曾經奏明有

案。刻下捐局難裁。懇准照收以濟軍餉。如所請行。○乙卯諭內閣鑲紅旗滿洲奏據二等男爵兼勳舊佐領侍順呈稱。伊子恩樸生子遵旨繼與壽臧和碩公主為嗣。據情代奏一摺。恩樸之子文熙著繼與壽臧和碩公主為嗣。俟十三歲及歲時著照例給與和碩額駙品級。○又諭都察院奏據前任金州副都統希拉布遣抱告李順以案久不問守候無期等詞赴該衙門呈訴此案。希拉布與協領訥

欽布互相參訐於同治元年間交盛京將軍等查辦迄今六年之久何以尚未訊結著該將軍等即將此案人證卷宗解京交刑部秉公訊辦以成信讞○吉林將軍富明阿等奏遵旨挑派官兵酌給馬匹候旨起程得旨官兵一千五百名候挑選齊備卽行起程毋庸再候諭旨○直隸總督劉長佑奏防勦喫緊請將本年軍政展緩舉行從之○予貴州大塘陣亡州判王作賓祭葬世職○予湖北孝

感殉難監生李廉暨眷屬十名口分別旌卹如例○丙辰諭軍機大臣等英翰奏皖軍擊退捻股河防解嚴賊蹤西竄現派征軍入東會勦一摺捻股因未能搶渡運河悉聚於順河集一帶經黃秉鈞等設伏夾攻將河東賊館悉數埽平該逆分竄車路口張家圩等處復經各路官軍攔擊斬馘甚多賊向沂境奔竄運防業已解嚴英翰現擬將征軍兩月糧餉銀兩湊齊派令方長華赴東會勦皖營各

統領官就近歸李鴻章調遣所籌各節深合機宜覽奏實堪嘉尚著英翰嚴檄黃秉鈞等軍乘此聲威痛加勦洗並飭方長華趕緊前進會同程文炳聯絡淮東各軍覘賊所向跟蹤夾擊以竟全功此次賊竄沂境與淮東各營相距非遠李鴻章膺統帥重任自應力籌全局分撥將士迅殄逆氛何以於皖軍擊賊之時並未聞該大臣派出一軍乘機要截其追勦之銘鼎等軍亦未聞獲一勝捷該大臣所帶兵勇不下數萬捻逆竄出淮河已經一月南則邳宿贛沭北則蘭郯任賊縱橫如入無人之境該大臣以勦賊自任初不料其觀望遷延一至於此卽若催調勁軍會合東皖將士奮力攻勦毋得株守運河頓兵不進儻竟因循致誤使東皖等省又遭蹂躪是該大臣自取咎戾朝廷亦難為之曲原也又據丁寶楨奏捻逆由邳州溝上回竄郯城經王正起一軍渡沂迎擊該逆又向贛榆海沭一帶

竄逸等語。該撫所部。現回沂州等處。正可相機躡剿。著卽督飭王正起等。會同李鴻章。英翰。派出各軍。前截後追。兩面兜剿。務將此股就地殲除。毋任旁竄。將此由六百里各諭令知之。○又諭。前據劉崐奏。湖南地方。難再添外省捐輸。安徽勸捐委員。業已撤回。停辦。茲據英翰奏。稱餉源日絀。赴楚收捐一案。礙難遽停一摺。所奏係屬實情。皖省委員。赴楚收寄籍捐。雖收之於楚省。仍取之於皖人。閒有本地富戶。願照皖省常捐上兌。原聽捐生自便。並非強人以難。既未疲民。亦於楚黔捐事無礙。現在英翰派軍援陝。又撥兵協守運河。屢次剿賊獲勝。頗能得力。近復因捻逆鴟張。挑選萬人出境。剿賊征兵防卒。需餉浩繁。若楚省停撤皖捐。難資接濟。儻各省因之相繼停撤。皖餉更何所恃。皖軍越境。雕剿異常奮勇。英翰辦理軍務。實能不分畛域。劉崐當兼籌大局。力任其難。俾皖省得此捐款。分贍諸

軍。不得稍有歧視。卽著英翰派委員弁。前赴湖南照常收捐。會商劉崐妥為辦理。將此由五百里各諭令知之。○又諭。劉嶽昭奏。滇省軍情喫重。已飭藩司岑毓英回軍相機辦理等語。前據宋廷春奏。稱馬如龍進兵迪西。士卒損折甚眾。杜逆遣死黨出撲。馬如龍已將圍攻姚州鎮南之軍。全行撤退。回省就醫。停兵待餉。與劉嶽昭所奏大約相同。目前楚雄危急。省城戒嚴。馬如龍坐視會垣。無論其居心何若。固已力不能支。劉嶽昭飭岑毓英旋軍防範。自屬正辦。惟岑毓英與馬如龍積不相能。劉嶽昭前奏。已曾言及。故有仍飭回駐曲靖之議。現今回省。則該兩軍強弱雖殊。主客異勢。猜嫌易啟。難保不別滋事端。宋廷春素無威望。恐難駕馭得宜。劉嶽昭如能迅速赴滇。卽著趕程抵省。妥為調度。儻黔中軍事一時未克脫身。或將馬如龍檄調隨營。或酌量何路需兵。將該署提督調往。總須不動聲

色。消患無形。方為妥善。大理賊勢猖獗。尤不可聽其肆虐。馬如龍離省後。岑毓英一軍。即可乘勝進取。若令同處一方。誠恐外患方殷。內憂彌切。該撫務當熟審機宜。斟酌妥辦。迅速具奏。將此由六百里諭令知之。○以安徽官軍擊退運河東岸竄匪。擢參將牛師韓以總兵官簡放。賞總兵官余克元遊擊徐全喜。巴圖魯名號。餘加銜升敘有差。予陣亡守備吳兆祥千總王朝海等祭葬世職。○以貴州攻克海馬姑等處苗巢。擢千總陳發昌以都司用。並賞花翎。把總容朝勝等藍翎。餘升敘有差。○丁巳。以神靈顯應。加江蘇吳江縣城隍神封號曰溥庇。○諭軍機大臣等。穆圖善奏。河狄西甯各路回眾投誠。大概情形。並安插南八營降回。及靖邊縣城失守各摺片。甘肅河狄二州回眾最為强悍。近因米拉溝等處之捷。該回眾震懾軍威。具稟求撫。而西甯洮州等處。均有可乘之機。穆圖善擬派員

先赴河狄。責以獻城繳械。各條刻示曉諭。再行分咨西甯辦事大臣等。將米拉溝等處相機辦理。惟回眾旋撫旋叛。性情殊難揣度。穆圖善務飭所派之員。乘機開導。如該回眾真心悔罪。不妨予以自新。隨時妥為防範。其西甯一路。亦著會商辦理。總之受降非易。萬不可因其勢窮乞憐。遂至掉以輕心。轉為奸謀所誤。馬生彥等股。仍當善事羈縻。毋稍大意。至南八營李得倉各部之十六萬人。據稱現皆乞降。可以擇地安插。但該股人數過多。蕭河城附近處所。可否令其居住。就近墾種之處。卽著飭令張瑞珍前往妥辦。諭知該回眾繳清軍械馬匹。以消亂萌。靜甯州一帶。並著檄飭王得勝督率數營。嚴為控馭。陝西甯條梁地方。突經回匪竄踞。實為陝甘巨患。該署督當懍遵前次諭旨。嚴飭敦奇祥阿等會同陝省各軍。迅圖收復。毋任蔓延。將此由六百里諭令知之。○又諭前據楊岳斌奏定江甯

江蘇江海關浙江湖北湖南江西廣東每月共協甘餉十五萬五千兩由湖北徑解漢中轉運嗣因林壽圖奏陳慶涇營餉無措復諭令左宗棠等於應解漢中餉銀酌提若干交西安糧臺分贍各軍茲據穆圖善奏稱此項協餉留陝愈多濟甘愈少嗣後請毋庸酌提解陝慶涇各營餉需當由泰安糧臺勻撥毋庸林壽圖兼顧以免軋轄等語卽著曾國藩等各將每月應協甘餉解到湖北糧臺後卽

飭轉交穆圖善委員史敬銘守領徑運漢中分局解甘不必撥解陝省慶涇各軍既統由甘省勻撥穆圖善務當均勻協濟毋使匱乏西安糧臺應否裁撤並著左宗棠等酌度奏聞辦理將此由五百里諭知曾國藩左宗棠瑞麟穆圖善李瀚章馬新貽曾國荃劉崑劉坤一蔣益澧郭柏蔭並傳諭林壽圖知之○予直隸辛莊等處陣亡護軍校俊貴等二十員祭葬世職○撥四川各屬倉糧四萬石解

赴甘肅甯夏軍營以濟軍食○戊午諭軍機大臣等前因王心安失守運河隄牆厥罪較重復不能扼賊濰西特經密諭李鴻章將該革員正法以肅軍律嗣據李鴻章奏請將該革員量從末減復經密諭該大臣等仍遵前旨辦理茲據丁寶楨奏稱李鴻章徇私諉咎倒置是非請派重臣赴東確查一摺膠萊河防之墜本誤於潘鼎新前降諭旨甚明無須丁寶楨置辯王心安之罪重在失守運牆該

革員既知誓死圖報且能歷次血戰殺賊著暫行留營帶兵勦賊以觀後效如再不知奮勉卽著丁寶楨一面奏聞一面將王心安卽行正法此時勒掙正在喫緊之時若派大員馳赴東省查辦此案必須將各該營員等紛然提訊轉於軍務有礙著暫緩派員往查李鴻章丁寶楨等於勦捕事宜並不合力同心和衷共濟輒各懷私見聽信所屬將領虛詞互諉實屬不顧大局此時朝廷專以軍務緊

要姑且從緩處治。儻再蹈從前惡習。致誤事機。孰是孰非。朝廷自有權衡。無待該大臣等互相爭辯也。昨據英翰奏陳皖軍在順河集擊退捻匪情形。劉銘傳潘鼎新等及東省各軍何以並未緊追。互相夾擊。其為意存忌刻。縱賊誤事。已可概見。現在賊竄沂郡。銘鼎兩軍業已躡賊之後。著李鴻章嚴督該營將士認真追勦。不得有名無實。再干罪戾。丁寶楨亦當飭令東軍會勦。不得擁兵坐視。淮軍經過東境。丁寶楨當懍遵前諭。飭令該地方官豫備糧草接濟。亦不得強分畛域。致誤戎機。至皖軍防守汎地。遇有捻股撲犯時。李鴻章當豫飭淮營諸將迅速援應。不准各懷意見。觀望遷延。致誤全局。丁寶楨另片奏沂水土匪梟匪勾結滋事等情。著該撫卽督飭帶往各軍乘此股初起之時。迅速撲滅。以靖內患。毋任日久蔓延。致成不了之局。將此由六百里各諭令知之。己未諭內閣。載綱等奏侍

衛瑞紳恭送鮮羊前往

東陵經過薊州地方。並不豫備車馬。該侍衛赴州署理論。該知州避不見面。縱令衙役將該侍衛及原派官役等辱毆。以致鮮羊未能按期送到。請飭查究等語。膳房侍衛恭送鮮羊係屬常例。何以薊州知州於應備車馬。此次獨抗不供應。並將該侍衛等辱毆。著內務府會同順天府查明一切情形。覈實具奏。尋奏遵查薊州知州吳夢曾時值會勘水災未回。承辦經書張佩學因誤會勘合車輛數目。以致互相口角。業已從重責懲。報聞。○又諭給事中徵麟奏惡棍擾害地方。請飭查辦一摺。據稱直隸懷柔縣屬范格莊地方。有土棍杜申。苛派各紳士捐米折錢。將錢入己。並不放粥等情。著萬青藜胡肇智卽行派員查拏。審明確情。按律懲辦。此外附京各地方粥廠。如有棍徒指官勒捐把持滋擾情事。並著石贊清等及該府尹一體訪查。隨時懲辦。○撫恤

琉球國遭風難夷如例○庚申停本年山東省例貢果品○辛酉諭軍機大臣等前據麟興等奏籌辦安插厄魯特游牧事宜續又據棍噶扎勒參奏帶兵西進勦逆獲勝請撥馬匹箭枝土爾扈特等捐輸勦賊請獎李雲麟奏安置厄魯特無須會議安插游牧善後事宜擬赴歸化城就醫各摺片並軍機大臣呈遞棍噶扎勒參請領令箭軍需則例咨文先後降旨令惇親王等會議具奏茲據奏稱李

雲麟於安插厄魯特事宜一面奏聞一面移咨該喇嘛照辦似已確有把握請責成該員等妥為籌度等語該游牧現在情形既據李雲麟奏稱業已得有牲畜又貪額爾濟斯河水草在彼安插游牧雖逐之亦不肯去自不能不照該署參贊所擬因勢利導著李雲麟麟興將所籌厄魯特土爾扈特各旗游牧事宜認真辦理務須計出萬全將棍噶扎勒參妥為駕馭俾為我用毋得敷衍了事致貽後

患其請照西甯例歲賜該喇嘛採買茶布銀兩一節雖據該王大臣等奏稱俟該處辦事大臣簡放有人再行酌辦而該喇嘛報效情殷不可不量加體恤未經定議之先仍照李雲麟等所擬由新疆餉銀項下從本年冬季起按季撥銀三千兩暫資接濟綠營回子等既能出力殺賊著即傳知棍噶扎勒參督率該回子奮勉圖報如能續行立功不妨隨時鼓勵惟該差官等所稱綠營回子出力勦賊

其事是否真實其心跡是否相符亦不可不詳細審度總以不誤事機為要策林喇普坦拉特那巴咱爾均著加恩即行開復其圖布新克西克從前兵潰時如該員有應得之罪著李雲麟等查明奏請開復如無應得之罪仍著另行請獎其餘各員著理藩院酌量辦理棍噶扎勒參請撥箭枝令箭及軍需則例戰箭一萬枝已令武備院如數撥給所需火箭已令火器營及山西巡撫酌量撥解軍需

則例卽著由戶部頒給其令箭一項卽傳知該喇嘛自行辦理仍應先行呈明烏里雅蘇台將軍存案備查以資應用李雲麟於安插厄魯特事宜首先倡議自應始終其事乃甫經籌辦遽以抱病為辭希冀置身事外跡涉規避取巧且不候諭旨擅赴歸化尤屬不成事體所請赴歸化城就醫之處著不准行無論行抵何處卽行折回會同麟興妥辦其應行傳知棍噶扎勒參各節著李雲麟等摘錄

諭旨傳知該喇嘛欽遵籌辦摺片二件著鈔給李雲麟麟興閱看將此由六百里各諭令知之○又諭喬松年奏甯條梁失守自請議處一摺甯條梁地方被賊攻陷該處駐紮之敦奇祥阿等軍尚無下落賊勢猖獗必須迅速勦辦方免蔓延左宗棠前派之劉厚基一軍著卽催令剋期進剿毋稍遲誤敦奇祥阿等營有無潰退情事及穆圖善加派之托雲佈馬隊曾否與賊接仗著左宗棠穆圖善等

查明具奏該督等當嚴飭在事員弁認真兜擊迅殄逆氛米脂縣城是否解圍何以喬松年尚未奏及仍著左宗棠等懍遵前旨撥兵會剿立解城圍喬松年於甯條梁失陷未能先事豫防實屬疏忽著交部議處甯條梁毗連晉邊河曲保德一帶趙長齡當加意防範飭令陳湜將河防嚴密布置毋稍大意棍噶扎勒參奏帶兵西進請調火箭萬枝等語棍噶扎勒參赴新疆剿賊已至吐木爾綽爾胡一帶與賊接仗缺少火箭著趙長齡酌量撥給解赴該喇嘛軍營以資攻剿將此由五百里諭知左宗棠庫克吉泰穆圖善喬松年趙長齡並傳諭陳湜知之尋吏部議喬松年應照防範不嚴例降一級留任事關軍務應不准其抵銷從之○又諭兆琛奏三路官軍接獲勝仗並攻克招撫河西各寨情形一摺貴州寨頭苗逆環攻官軍前敵各營經總兵黎得盛等擊敗後復分擾邛城青谿均被勦逃

竄該逆糾同教匪攻撲餘慶縣城兆琛派令龍武軍前往救援守備款祿魁等突圍入城人心鎮定李元度所部在一盪水地方獲勝並攻克萬福坵等處賊寨該逆勢感乞降繳械薙髮河西九寨悉平其二十九寨亦皆就撫周洪印一軍因賊由思州竄徧晃州派員迎勦追至思屬之白果寨其天柱土匪亦經分軍扼擊沿河已無賊蹤粵匪竄至黎平靖州等處周洪印派戈鑑等會合團丁直擣賊

巢將木城砍倒該逆眾向廣西高洋奔竄黎平南路肅清楚黔各邊苗教充斥此次官軍三路獲勝正可乘此聲威痛加勦洗著兆琛督率所部並分飭李元度周洪印兩軍確探賊蹤分投勦擊毋得稍形鬆懈致棄前功曾璧光亦當嚴飭黎平靖州各府州縣加意防範與楚軍遙為應援以牽賊勢晃州各地方接近黔界劉崐務飭在防將士相機扼守毋涉疏虞席寶田接辦黔事此時在永州一帶

招集舊部著劉崐催令該臬司趕緊招募成軍剋期前進接辦援黔軍務不可再事耽延將此由五百里諭知劉崐曾璧光並傳諭兆琛知之○黑龍江將軍特普欽奏遵籌派兵助勦山東捻逆擬酌挑精兵一千五百名聽候調遣得旨官兵一千五百名俟挑選齊備即行起程毋庸再候諭旨○予陝西靖邊陣亡署知縣曹德元祭葬世職加等○予貴州餘慶等處陣亡遊擊鄒逢源都司黃茂林署

千總楊開雲把總孔裕銀外委顏升發等祭葬世職加等○予貴州各屬陣亡殉難訓導周友八等紳民婦女六百一十六員名口分別旌卹如例○追予貴州古州陣亡總兵官桂林建立專祠眷屬一併附祀○壬戌遣官祭

都城隍之神○諭軍機大臣等劉長佑奏餘匪乘閒南遁請與鎮將一併議處並請將臺城等縣地方官先行交議丁寶楨奏擊散沂

水匪徒各摺片直隸殘匪數僅百餘余承恩
劉景芳等兵力較厚於該匪竄至祁州蠡縣
時均未能追擊迎勦以致賊由西路突出竄
入武邑衡水地方辦理實屬疲玩劉長佑督
勦此股日久未能蕆事僅以憂慙悚慚等詞
空言敷衍於事何濟劉長佑余承恩劉景芳
均著交部議處姬成功著先行摘去頂帶以
示薄懲如再不知愧奮卽著該督從重叅辦
以肅軍律劉長佑現擬移紮冀州威縣一帶
親督各營勦辦著卽振刷精神認真兜擊務
將此股迅速殄除毋得再任蔓延致干罪戾
淳沱河岸仍當遵奉前旨嚴密扼截毋令搶
渡賊匪被勦窮蹙難保不竄至直東交界一
帶復圖勾結丁寶楨當嚴檄東省文武實力
會勦並將本境伏匿匪徒先行搜捕淨盡以
清其源至直隸藁城等縣令於賊股竄至該
境時既未能督團帶勇出城防勦又不於該
匪竄過後按查奸細尤屬可惡該督所効之

知縣陳金式王養壽丁承衍張恩煦四員均
著先行交部議處如再不知振作卽著嚴叅
懲辦以儆頽靡山東沂水匪徒現經丁寶楨
擊散首夥各匪業已擒獲辦理尚屬迅速其
餘逃散各匪卽著該撫實力按勦務期淨絕
根株以靖後患將此由五百里各諭令知之
○山西巡撫趙長齡奏遵旨派撥大同鎮精
兵五百名出口防範得旨著卽知照馬陞迅
派妥員管帶所挑鎮兵星速出口聽候裕瑞
調撥其河曲保德一帶仍著懍遵前旨飭令
陳湜妥籌兼顧毋涉疏虞○山西太原鎮總
兵官蔣臨照因病解職以記名總兵官陳必
友為山西太原鎮總兵官○以山東沂水擒
獲謀變匪徒賞同知直隸州知州用知縣韓
光鼎花翎典史徐大訓六品頂翎餘升敘有
差○癸亥吏部等部議准盛京將軍都興阿
等奏請於昌圖廳添設經歷訓導各一員取
進學額二名應如所請辦理至增設廩額及

出貢年數應俟考試五屆後由該將軍奏明
覈辦從之○甲子諭內閣前據吏部奏前任
江西南昌府同知慶麟以叅劾不明等詞在
該部呈遞當經降旨令曾國藩劉坤一詳查
覆奏茲據劉坤一奏稱慶麟前在江西通判
同知任內大計卓異軍務保舉均係該撫未
到任以前之事上年九月慶麟以俸滿併案
給咨送部引見其時該撫已先期出省閱伍
照例由藩司代填考語該撫旋因慶麟於地
方公事皆屬茫然督辦錢局一任鑪匠人等
舞弊不知整頓物議沸騰據實叅劾等語是
劉坤一於慶麟並無保劾兩歧之處慶麟在
省請咨豈不知撫臣出省係由藩司代行輒
敢藉詞呈訴希圖牽混居心尤屬狡詐劉坤
一原叅該員才具疏庸不知振作尚未盡其
劣蹟也慶麟前已有旨勒令休致不足蔽辜
著卽行革職永不敘用以為巧詐干進者戒
○諭軍機大臣等戶部奏來歲海運河運新

漕請飭各省力籌足額提前趕辦一摺本年
京師糧價昂貴業加成開放兵米並截撥正
漕賑濟飢民倉儲匱乏稷米放至春閒卽形
竭蹶來年各省新漕必須提前運解方足以
資接濟江蘇浙江兩省漕額既減今歲又復
豐收催徵自易著曾國藩英桂吳棠張之萬
郭柏蔭馬新貽督率藩司糧道等嚴飭所屬
按則開徵力籌足額並將一切事宜提前趕
辦迅速運通其江北漕糧仍當遵照成規妥
速兌運著曾國藩張之萬蘇廷魁郭柏蔭丁
寶楨飭屬認真籌辦仍各將該省起運米數
先期奏報至海運河運雇備商船江蘇省業
經曾國藩奏加水腳其浙江江北應用船隻
著各該督撫等體察情形酌辦以恤商艱山
東奉天等處應運粟米著丁寶楨都興阿額
勒和布恩錫等及早開徵提前兌運務遵例
限抵通不准遲逾並將各屬欠運糧石趕緊
補運毋得稍有蒂欠有漕各省來歲新漕如

何辦理除江西省本日已據劉坤一奏到外所有湖北安徽兩省籌辦情形著曾國藩李瀚章曾國荃英翰迅即馳奏將此由五百里各諭令知之○又諭李鴻章奏各軍追剿疊次獲勝情形一摺所陳自八月初八至九月初四一月以來劉銘傳潘鼎新周盛波等軍於贛榆沭陽一帶連日躡剿及賊竄邳境復東走海沭各軍雖小有斬獲然第逐節尾追並未大加懲創賊勢何能少殺現在該逆盤

旋海沭邳宿交界地方為多方誤我之計其圖竄東境或仍往青口趨向尚無一定若賊止則官軍亦圖休息賊去則尾隨其後殃民玩寇何有了期著李鴻章一面戒備運防一面督飭銘鼎等軍整隊兜剿實力殲除毋任該逆喘息英翰前於宿遷之捷稱賊竄沂境欲派軍赴東會剿該逆現已回竄海沭皖軍正可雕擊著該撫督飭所部黃秉鈞牛師韓等會合淮軍聯絡夾剿以期痛殄逆氛賊蹤

既有圖竄東境之信並著丁寶楨於沂境嚴密布置妥籌策應毋誤事機另片所陳查明馬隊馬勇計亦不下二十營之多著該督將現存實在確數及究竟需餉若干查明具奏並將倒斃疲乏之數速籌補足以期騎步相輔迅奏膚公將此由六百里各諭令知之○予江蘇贛榆等處陣亡防禦富春都司汪百昌守備張登瀛等祭葬世職加等○乙丑上奉

慈安皇太后

慈禧皇太后幸漱芳齋侍午膳○以神靈顯應加廣東德慶州龍母神封號曰溥佑廣西梧州府三界神封號曰靈感○諭軍機大臣等總理各國事務衙門奏豫籌修約事宜請飭濱海沿江通商口岸地方將軍督撫大臣各抒所見一摺前因原議十年修約為期已近據該衙門奏請飭南北洋通商大臣於熟悉洋務各員中每處選派二員於十月咨送來

京當經降旨允准。惟前奏止欲於選派各員內收羣策羣力之效。而於通盤大局尚待籌商。咸豐十年換約後。原因中國財力不足。不得不勉事羈縻。而各國詭謀譎計。百出嘗試。尤屬防不勝防。轉瞬換約屆期。彼必互相要約。羣起交爭。或多方脅制。以求暢遂所欲。均屬意中之事。值此時勢。惟僅恃筆舌以爭之。此外別無可恃。各該將軍督撫大臣受國厚恩。當此外患方殷。亟應合力齊心。先事圖維。

李鴻章上

三三

為未雨綢繆之計。著曾國藩李鴻章都興阿英桂劉長佑吳棠瑞麟李瀚章崇厚郭柏蔭劉坤一李福泰馬新貽丁寶楨曾國荃蔣益澧通盤籌畫。左宗棠沈葆楨籌辦船政事宜。於洋務尤有關繫。並著悉心酌覈。妥籌速奏。本年十二月。即英約前期六箇月。先行酌改之期。各該將軍督撫大臣務於十一月內奏到。毋稍延緩。俟總理衙門密函條說寄到時。諸臣其審時度勢。妥籌萬全。以濟時艱。而副

委任詳細覆奏。毋得徒託空言。原摺著鈔給閱看。將此由六百里各密諭知之。

李鴻章上

三四

大清穆宗繼天開運受中居正保大定功聖智誠孝信敏恭寬毅皇帝實錄卷之二百十一

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十二

秋分

同治六年丁卯九月丙寅諭內閣喬松年奏

帶隊員弁縱兵鼓譟首先倡逃請嚴行懲辦等語陝西延綏鎮營外委陳國安袒護失律兵丁經遊擊楊樹棠懲責竟敢勾同守備王殿臣等慫恿兵丁聚眾鼓譟並帶兵逃逸拐去餉銀戰馬號衣多件實屬大干軍律延綏鎮標右營守備王殿臣定邊營經制外委陳國安神木營經制外委萬天錫中營額外外委劉輔高家堡額外外委郭九齡著一併革職嚴拏就地正法以肅軍令○兵部議覆閩

浙總督吳棠奏請將新設福建陸路提標後營都司改駐大田縣城以原隸漳州鎮之同安營改隸提標該督為慎重地方起見應如所奏辦理惟查國家設立營制本極周密如果今昔情形迥異原可量為變通嗣後儻非關繫緊要仍飭恪遵定制不得遽議更張從之○陝西巡撫喬松年奏檢回未靖請將本年軍政展緩舉行從之○以陝西同州等處勒匪獲勝賞提督章在作總兵官熊隆名符重福徐上達劉有春黃有忠陳攀仙趙雲鳳正一品封典總兵官鍾義山李春和彭得勝易利貞副將戴揚輝鄧成日何明順袁彥賢蘇有慶文泰勝蘇大德李篤英賀能起謝蘭芳參將李占椿彭廣源湛其英李政洪李榮富蕭元亨葛芝藤楊欽元曹才祿張福陞楊玉週尹興祿章其作熊有常陳江山龐玉林劉文有李潤祥周勝才曾維城曾全和楊恒春佐領克希克圖雙壽知府張玉文遊擊郭

運昌張學森主鳳鳴守備陳啟明巴圖魯名號知府王詩白參將鄧光發等花翎委驍騎校玉璋等藍翎餘加銜升敘有差○丁卯署河東河道總督蘇廷魁奏河水漲漫南北兩岸工程險要請添撥銀四萬兩以濟要工得旨據奏工程緊急情形所請飭藩司添撥銀四萬兩卽著轉飭該藩司於歷年節省防險銀內如數迅撥仍著該署河督實力搶護毋稍疏懈○以搶險捐軀予河南祥河廳同知

王仁福祭葬卹廕並建專祠摘赴工遲延道員綸恩項帶○戊辰諭內閣前因通政使司通政使于凌辰奏南海工程浮冒錢糧六千餘兩魁齡文碩奏商辦工程意見不合並請派大員查辦及叅劾張錫齡各等情當派綿森毛昶熙查明具奏茲據奏稱南海工程有無浮冒總以土方為斷而土方算法據算房梁椿則係以周求徑監督張錫齡又係以徑求周兩造各執一詞經該尚書等調取奉宸

苑算房劉廷琳工部書吏董其祥按依算法統宗環式叢算共計土方一萬四千四百四十餘方與梁椿原估大約相符惟原估漏除占礙船塢一段計多開土方五十餘方合銀六十三兩有奇訊據供稱因趕辦工程以致漏除等語梁椿所估南海工程雖不至如張錫齡所稱浮冒六千餘兩之多其多開土方五十餘方亦尚非有心浮冒惟究係疏忽著交該管官褫革示懲監督張錫齡帶領私人

干預官工並不諳悉算法始終固執著交部照例議處仍著魁齡等俟工竣後實用實銷以重帑項○諭軍機大臣等庫克吉泰奏時屆秋冬所部兵勇衣履敝壞山西欠解月餉甚多各營口糧已屬不敷支給更無餘力置備棉衣困苦情形實堪憐憫請飭山西籌款迅解等語著趙長齡卽在河東道庫無論何款先行撥銀五千兩迅解庫克吉泰軍營並著該撫飭令河東道於鹽課項下每月協濟

銀五千兩。務期源源報解。毋令稍有缺乏。將此由四百里諭令知之。○己巳以請假逗遛革陝西軍營副將劉得輝等職。○庚午。遣官祭。

歷代帝王廟。○諭內閣。富明阿等奏請將屬託官事收受謝儀各員懲處一摺。副都統高福統帶兵勇赴山東剿賊。本無欲派佐領萬全辦理文案之事。佐領春毓輒以風聞之語轉向萬全告知。致萬全懇託佐領隆泰洩其

向高福代陳患病情形。並於事後收受萬全謝儀。實屬狠鄙。不知自愛。僅予革職。不足示懲。春毓著拔去花翎。卽行革職。永不敘用。所請令該員隨營剿賊之處。著不准行。隆泰亦有事後收受謝儀情事。著一併革職。以示懲儆。○又諭。明興奏杭州將軍丁憂。請在省成服。俟百日服滿。仍接將軍印信一摺。杭州將軍連成現丁母憂。據稱道路梗阻。一時未能回旗。著准其在杭州成服。百日服滿後。毋庸

先行接受將軍印信。仍俟道路稍通。卽行扶柩回旗。聽候諭旨。杭州將軍卽著明興署理。○諭軍機大臣等。富明阿奏馬賊竄掠霍羅站一帶。派兵往捕一摺。奉天昌圖廳等處。自八月間。卽有馬賊疊竄吉林邊境。擄搶民財。追殺昌圖廳差役。續復在霍羅站鵝溝石虎子及昌圖所屬八家子等處。肆行搶劫。盜匪張金劉占鼇等已聚至百餘名之多。若不卽時撲滅。勢必嘯聚日眾。又將合成大股。剿捕

益形棘手。著富明阿卽飭派出官兵趕緊馳往該處。迅速掩捕。並著都興阿迅派奉省官兵馳往昌圖一帶。與吉林之兵會合夾擊。一面督飭該地方文武認真緝捕。務期就地殄除。淨絕根株。不得縱令旁竄。致滋蔓延。將此由五百里各諭令知之。○又諭。丁寶楨奏捻股繞折西竄。飭軍跟追一摺。捻匪不得南渡運河。折向西趨。似向邳嶧一路竄逸。若沿運西趨。必將徑奔鄒滕兗曲一帶。臺莊現有李

鴻章所統各營在彼駐紮韓莊水勢尚深鄒滕一路並無一軍扼紮若任賊狂奔勢必到處蹂躪肆意縱橫丁寶楨現在統攝諸軍分路追躡卽著探明賊蹤嚴飭各將弁實力遏擊毋任紛竄王心安係屬債事之員此次若能奮力殺賊尚可稍贖前愆儻再不知振作必不能曲從寬宥李鴻章全部諸軍距賊不遠賊若果趨鄒曲一路平行數百里毫無防禦東軍兵力單薄不敷堵遏著該大臣嚴檄

各部會合諸軍趕緊兜擊庶免蔓延儻各路兵勇不肯認真剿賊無論淮軍東軍李鴻章當卽查明治以失律之罪毋容疏縱黃運兩河情形均關緊要賊騎剽疾異常恐其竄撲河干著劉長佑李鶴年英翰迅飭運黃防兵加意嚴堵毋令賊蹤竄出更成不了之局將此由六百里各諭令知之○又諭總理各國事務衙門奏義大利亞國換約屆期請派員互換一摺義大利亞國前立條約聲明一年

互換現據該國公使呈遞照會內稱擬於九月間赴滬卽可在彼換約請派員前往上海會辦等語該公使現已到滬應卽將條約互換著派丁日昌將上年與義大利亞國所立條約妥為互換其條約各本俟崇厚派員齎送至江蘇時卽著丁日昌祇領屆期前往上海辦理並著軍機處將此次寄諭摘錄一併發往如該使索看憑據卽可給與閱看俟換約事畢此旨仍繳還軍機處備查總理各國

事務衙門摺一件著鈔給閱看將此由五百里諭知曾國藩並傳諭丁日昌知之○署杭州將軍明興奏兵燹之後官員多未足額請將本年軍政展緩舉行從之○賞普濟堂功德林煮賑小米八百石○辛未諭內閣李鶴年奏甄別守令各員一摺河南南陽府知府張仙保辦事因循難資表率著開缺留省以同知降補扶溝縣知縣鄒金生人地未宜著開缺留省俟有相當缺出另行補用候補同

知直隸州知州袁詵辦公荒謬操守平常候補知縣方承宣行為猥鄙不知檢束均著革職以肅官方○諭軍機大臣等崇厚奏赴津習練京兵需用馬匹請調來津一摺神機營續挑馬隊官兵五百餘員名赴津演練需用馬五百五十匹著色爾固善如數挑選務須身大口輕臆壯合用於十月內一律解赴天津交崇厚驗收不得以疲瘠弱小者充數並著崇厚督率該京兵認真演練以期精熟將此各諭令知之○河南巡撫李鶴年奏遵查羅山縣書吏馬雲程通匪屬實該知縣管貽陰並無藉端擅殺屠戮一門等事惟馬雲程並未內變管貽陰輒不分首從一律正法究屬斷罪失當業經因案革職病故應無庸議報聞○以貴州餘慶縣城解圍予知縣劉侶鶴以同知直隸州知州用與守備教祿魁均賞花翎餘升敘開復有差陣亡都司楊再興守備王炳焯千總王國愛把總張宏魁等祭

葬世職○予陝西渭南陣亡訓導聶鶴年等祭葬世職○予陝西漢中陣亡遊擊汪貴等官弁兵丁五十一員名祭葬世職○予江蘇各屬殉難布政司理問謝庭煒等紳民婦女二千五十七員名口分別旌卹如例○壬申諭內閣曾國藩郭柏蔭奏前任巡撫勒賊陣亡請於立功地方另建專祠並請將陣亡各員附祀一摺前江蘇巡撫吉爾杭阿於咸豐六年在鎮江勒賊陣亡當經奉旨賜卹於殉難地方建立專祠並將同時陣亡之知府劉存厚附祀同治元年復經降旨賜祭一壇惟念該前撫克復上海縣城厥功甚偉其家屬屢在鎮江尋覓忠骸至今未獲不能入城治喪殊堪憫惻著准於上海新橋地方另建吉爾杭阿專祠春秋官為致祭並著該旗都統傳諭該家屬卽用衣冠治葬以妥忠魂其同時殉難之江甯府知府劉存厚及前在上海死事之已革知府謝繼超定廣營

副將清長光祿寺署正銜胡枚均准其一併
附祀○諭軍機大臣等有人奏知縣貪婪典
史朋比等款請飭查辦各摺片據稱懷柔縣
知縣陳斯槃於本縣荒政漫不經心迨紳商
議捐辦賑飢民爭食該縣輒令兵役開槍轟
擊斃命甚多又藉均糧為名追出糧價盡行
入己且嗜好甚重非日暮不理公事民間詞
訟以行賄之多寡判理之是非任用該員胞
叔綽號五豁子及門丁潘二賄賂公行該縣

典史馮立本私設刑具擅理民詞得賄縱賊
羅織無辜需索民人高文富等銀錢多少不
等並與知縣陳斯槃朋比營私各等語陳斯
槃前經有人奏奏曾經寄諭萬青黎胡肇智
查辦著將此次所奏各情及該典史擅受營
私各節一併徹底查明據實具奏毋稍徇隱
以飭官方而蘇民困原摺片著鈔給閱看將
此各諭令知之尋奏遵查知縣陳斯槃被叅
各款雖未盡確實惟於差役私押等弊毫無

覺察且吸食鴉片有玷官方業經身故應無
庸議典史馮立本於高文富買鹽之案罰錢
修署有干例禁擬請革職永不敘用從之○
又諭有人奏晉省鹽務弊竇漸生亟宜剔除
一摺據稱山西鹽務於奏改官運官銷後各
州縣需索商人陋規節壽復添有季規月規
及到任賀禮等名目該商人等或厚餽送以
求保全或侵正課以為苞苴現費愈增課項
愈損請飭山西巡撫嚴行查辦等語鹽課為

餉需所出必須釐剔弊端方能充裕餉源著
趙長齡按照所奏悉心訪查如各州縣有任
意婪索等情即行從嚴叅辦並將侵課行賄
之商人一併查辦以整嵯綱原摺著鈔給閱
看將此諭令知之○又諭穆騰阿奏梟匪南
竄及北路各軍擇要分紮以杜回竄一摺梟
匪竄走鉅鹿後繞由山東邱縣等縣回竄曲
周等處計有二百騎賊本賸有敗殘百餘
茲忽又裹脅加至兩倍總由主帥督催不力

為將弁者遂多觀望自便似此玩延何日方能歲事可恨已極穆騰阿現擬於雄縣鄭州鎮各處派軍駐紮以防北竄著卽督飭湯繼揚等實力堵遏毋使泄沓任情賊至不知賊去張惶聲勢藉圖卸責淳沱河東北一帶尚屬空虛劉長佑務當分飭得力將弁相機填紮並令會合穆騰阿所派各軍互相援應其保定一路應如何籌防之處亦著該督悉心布置賊在直省來去自如該督等由軍營歷保疊沐恩施自問何以自安也賊蹤飄忽靡常若直省各軍追勦得手勢必走而之東著丁寶楨檄飭東省防軍遇賊卽擊毋任再行竄擾致貽大患將此由五百里各諭令知之○四川總督駱秉章奏巫山等縣沿河居民猝遭水患現經委員查勘撫恤得旨著卽督飭委員確查被災處所並飭各地方官妥為優加撫恤○予江蘇各屬殉難州同銜于泮林等紳民婦女一千五百五十六員名口分

別旌卹如例○追予四川各屬陣亡官弁兵勇八百九十員名賞卹如例○癸酉以神靈顯應加江西甯都州博濟神封號曰福佑以神靈顯佑頒湖北沙洋鎮江王廟扁額曰宣威普佑○諭軍機大臣等裕瑞桂成奏請籌撥防兵餉項一摺口外自設防以來滿蒙旗綠官兵應支餉項已積欠七萬二千餘兩現因邊防喫緊復經裕瑞等奏調土默特及大同兵勇共二千五百名赴歸綏防堵陸續可到計月需餉銀二萬餘兩從前積欠各營餉銀既須酌量補發而續調防兵應需餉項更不可再有帶欠歸綏道庫無款可籌現經裕瑞等飭令興奎派員赴省請領銀兩著趙長齡趕飭藩司無論何款先行籌措銀數萬兩解交裕瑞等均勻給發以濟急需以後仍按月源源撥解毋令缺乏將此由四百里各諭令知之○添鑄湖北襄陽城守營中軍守備條記從總督官文請也

○甲戌諭內閣兵部奏革職開復人員往往將從前所得虛銜升階翎支勇號等項含混戴用請明定章程等語著照所請嗣後武職人員得有虛銜升階翎支勇號等項緣事革職者一律註銷如續立功績保奏開復原官除本案開復或奉旨開復原銜升階暨賞還翎支勇號准其戴用外如僅係開復原官概不得含混戴用降調人員所得升階升銜亦應一律註銷其花翎視所降之級在五品以

上者仍准戴用降至六品以下即不准戴用如續立功績升至五品以上非奉特旨賞還及各督撫大臣奏請開復翎支亦不得戴用其藍翎勇號無論降至何品一概准其戴用○以江西官軍上年會剿廣東髮逆出力賞副將彭長泰莫坤和歐陽勝賀章彬龍云和胡定高蕭勝發參將李華貴蘇元春李定勝唐榮貴巴圖魯名號○句到新疆廣東廣西福建奉天陝西情實罪犯停決福建斬犯一

人餘四十一人予句○丙子諭內閣英翰奏請將聲名狼藉之副將革職勒令回旗一摺安徽安慶協副將蔡昌言於弁兵補缺等事不洽公論且營務毫無整頓縱令兵丁聚賭不服司道盤查似此種種荒謬僅予褫職不足蔽辜蔡昌言著即革職從重發往軍臺效力贖罪以儆官邪○諭軍機大臣等都興阿奕榕奏籌辦孤山木匪事竣調兵駐紮並訂期出邊查勘各一摺孤山木匪續經擒獲五

十餘名並拏獲匪首金四彪等正法地方漸已肅清大東溝木匪盤聚至數千人經奕榕派員開導均各畏罪行誠願將木植盡數交官該副都統現將木植一半入官一半售價酌給該遊民川資陸續遣散辦理甚是現在孤山地方已經都興阿派令開復協領移錦等帶兵三百餘名駐防即著飭令該協領妥為彈壓隨時認真按捕以免餘孽復萌至木梓之起均係山東流民及本地窮民出邊偷

砍運至大東溝售賣上年經色爾固善查辦
卽各懇交木植本年復敢偷砍私運是其狡
猾伎倆業已習為故常並聞多係本地紳富
等出貲雇覓該遊民等出邊私砍源之不塞
流何能絕並著一併究察以期鎔其根株庶
不至年復一年罔有底止奕榕現訂期出邊
查勘卽著妥為相機辦理務臻周密嗣後如
再有遊民偷砍私運一經拏獲並將出貲雇
覓之紳富等一併嚴辦毋稍寬縱此次孤山
勒匪及辦理木樟遊民在事各員著准都興
阿奕榕酌保數員毋許冒濫將此由四百里
各諭令知之○又諭李鴻章奏擒逆回竄東
境追剿獲勝遵覆勒賊情形張之萬奏賊由
鄭宿回擾海境淮東喫緊六塘河未便撤防
英翰奏賊股仍在運東游弋催軍前進出力
將弁請擇尤保奏各摺片任賴逆股竄踞海
州一帶經劉銘傳等督馬步急追該逆於九
月十一至十四等日由邳邳入東現竄嶧滕

等境勢將來虛窺撲濟甯以上運防著李鴻
章嚴檄派出各軍分路布置防剿兼施丁寶
楨務當督飭東軍會同李鴻章所部通力合
作迅籌滅賊之方黃水盛漲沈口戴廟南北
岸汪洋一片現雖無可設守瞬交冬令水漸
消涸若該逆乘間偷渡直東一帶兵力空虛
恐難遏其奔突著李鴻章迅卽抽撥勁旅嚴
密防維毋令該逆偷渡北竄李鴻章俟布置
稍定卽前赴濟甯親為調度賊匪竄入東境
逆燄甚熾李鴻章身膺統帥正應通籌全局
趁水漲防固藉地利以勵軍心埽蕩逆氛又
何庸曉曉置辯希圖卸責為也朝廷命將出
師總以剿賊之有無成效為斷李鴻章惟當
督飭劉銘傳等軍視賊所向迅速殄除以副
委任李鴻章各營躡賊入東全賴地方官妥
為接濟著丁寶楨將該營應需糧草等項飭
屬豫商購儲儻因軍糧缺乏致誤戎機必惟
丁寶楨是問該逆現雖入東海沭等處仍有

踞賊竄擾張之萬擬添募勇隊二百名並調駐防龍溝之礮船駛赴蓄薇河防守卽著妥籌布置據該漕督奏稱俟曾國藩籌出月餉卽當趕募遊軍追剿等語應如何籌款協濟之處著曾國藩斟酌辦理六塘河既難撤防卽著李鴻章張之萬飭令劉東璋一軍及浙軍三千人專顧清淮一帶運防並著英翰激勵將弁會同東軍及湘淮等軍聯絡聲援遇賊卽擊以期迅殲醜類英翰奏宿遷守運擊賊各軍異常出力著准其擇尤保奏並將郟城之案彙入奏獎前諭曾國藩將清淮防務悉心布置卽著迅速奏聞將此由六百里各諭令知之○予江蘇海州陣亡副將吳從發等祭葬世職加等○旌表守正捐軀直隸河間縣民袁二妻李氏江蘇山陽縣民陳永昌妻杜氏○旬到四川情實罪犯停決斬犯五人絞犯一人餘四十人予卹○丁丑

孝慈高皇后忌辰遣官祭

福陵○諭軍機大臣等丁寶楨奏捻逆撲竄蘭陵各軍迎剿接仗情形一摺捻匪聚聚蘭陵洪山一帶經楊飛熊迎擊斃賊千餘名另股賊匪在西泖河肆擾亦經王心安等追剿獲勝目前賊眾向魚溝向城等處奔逸亟宜乘機力剿著丁寶楨迅飭楊飛熊等併力追擊毋令賊得喘息以期速殄逆氛惟攔頭迎擊之師止有常武一軍恐難制其奔突李鴻章迅卽催調各軍視賊所向合力兜擊不得藉詞休息坐失事機賊勢漸將北趨運防尤關緊要李鴻章必須統籌全局防剿兼施毋稍大意直隸河防並著劉長佑嚴檄在防各軍嚴密防禦以杜竄越另片奏直隸梟匪逸入臨清等處經東軍追剿回竄曲周殘匪僅百餘人已令傅振邦越境追剿等語著丁寶楨咨會該提督統率所部實力剿洗劉長佑務當激勵將弁會合埽蕩將此股就地殲除毋令肆竄將此由六百里各諭令知之○予山

東蘭陵等處陣亡遊擊王世發都司楊長生
守備李維中祭葬世職加等○

上以孟冬時享

太廟自是日始齋戒三日○戊寅以神靈顯應
加山西太原府晉源之神封號曰沛澤陽曲
縣寶侯封號曰顯應○諭軍機大臣等總理
各國事務衙門奏請飭西路統兵大臣分別
勦辦事宜一摺塔爾巴哈台回匪滋事哈薩
克曾助該匪戕害人民擄掠物件現在逃赴

俄境榮全前給棍噶扎勒參咨文意主於撫
而該呼圖克圖前奏請飭俄國將哈薩克逐
出意主於勦惟該哈薩克向分數種良莠不
齊自應分別勦撫不得將安分及被脅之人
一概誅戮致令鋌而走險羣起抗拒叢生枝
節現在總理各國事務衙門業已照會俄使
轉咨古畢爾那托爾令將此項滋事之哈薩
克全行逐出著麟興榮全李雲麟等迅即查
明是否均係塔爾巴哈台起事正賊抑另有

別項哈薩克裹脅在內務須轉飭棍噶扎勒
參分別懲辦不可率意徑行鹵莽從事榮全
前在俄境於各哈薩克情形較為熟悉所有
勦撫機宜並著傳知該呼圖克圖與之妥籌
商辦總理各國事務衙門原摺並著鈔給麟
興等閱看將此由六百里各諭令知之○以
國子監祭酒邵亨豫為詹事府詹事○加賞
通州王恕圍煮賑粟米一千石○己卯
孝敬憲皇后忌辰遣官祭

泰陵○

上以孟冬時享

太廟前期親詣行禮○諭內閣理藩院奏遵旨
查明控告土默特貝勒之知府解掄元現復
來京呈控請飭審辦一摺前據都興阿等奏
解掄元於傳訊時託病不到繼忽潛逃抱告
潘忠善亦不知所之當諭令該衙門查明具
奏現據理藩院奏稱解掄元來京復控案間
不訊委員有徇供証認等情並據供稱潘忠

善於六月來京。七月仍赴奉天。該員於八月由奉天來京等語。此案是否承審委員偏認誣告。抑或解掄元情虛。砌詞妄告。均應嚴切根究。著都興阿、額勒和布、恩錫提集全案緊要人證解京。交刑部會同理藩院嚴行審訊。按律懲辦。其抱告潘忠善並著步軍統領順天府五城暨盛京將軍一體訪拏務獲歸案訊辦。又諭李瀚章等奏襄水陡漲。襄陽等府屬被淹。現籌賑撫一摺。本年八月間。湖北

襄水氾溢。襄陽、安陸等府及均州、光化、襄陽、穀城、宜城、鍾祥等處均被水淹。天門、漢川被災尤重。該督撫等督率官紳現辦賑濟。著卽妥為撫恤。毋令流離失所。其應如何蠲緩錢漕之處。仍著查明迅奏候旨施恩。另片奏。鄖陽府城陰雨連綿。河水並漲。衙署民房被淹。現在設法安撫難民等語。著一併妥為撫恤。○諭軍機大臣等。劉長佑奏直東會辦梟匪並分軍追截情形一摺。梟匪前被直軍剿敗。

僅餘百餘騎。現復乘間南遁。繞竄臨清冠館。並直境之廣平大名各屬邑。又裹脅至三百餘人之多。各軍雖於追截時小有斬獲。而賊騎剽疾。倏忽奔馳。若不設法趕緊殲除。將來蔓延益甚。辦理更難著手。劉長佑督勦此股數月以來。迄無成效。實屬不成事體。該督現已由河間馳赴前敵。著卽督令派出各軍分途追截。務須認真勦擊。不得虛與委蛇。有名無實。儘再日久無功。恐不能當此重咎也。余

承恩不能力勦。乃於梟匪回竄曲周時。與傅振邦商同計誘。致令窮蹙餘匪。又稽勦戮實屬玩誤。姑念其連月跟追。暫免置議。以觀後效。儘再延玩。卽著該督嚴參同知余沛恩。副將常開。運紮營之處距賊較近。於該匪宵遁時未能卽刻進勦。疲玩已極。均著先行摘去頂帶。此後如有仍前玩誤。各將弁該督當隨時嚴參懲辦。用肅軍律。將此由五百里諭令知之。○又諭蘇鳳文奏南太軍務喫緊一摺。

廣西太平府屬土匪蔓延南甯匪徒來時蠢動吳亞終分踞隆安雖經擊退尚在太平邊境該兩屬羣匪環伺結響應若不迅集勁旅早日撲滅滋蔓難圖又成不了之局廣西各軍不敷勦辦且無大員督率尤恐進止不齊難期得力馮子材自五月以後勦辦南丹等處土匪已將歲事正可赴邕督辦著該提督卽日拔營親帶所部得力之師馳赴左江專辦南太軍務所有現紮南太各營弁勇均歸調度該提督到防後卽督飭各將士將首要各匪次第鏟除務期淨盡兵力尚虞不足蘇鳳文已經籌畫經費交該提督派員赴靈山欽州等處添募勁勇卽著趕緊招募成軍以期得力馮子材未到以前仍著蘇鳳文督飭各軍就現有兵力認真防勦毋稍疎懈將此由五百里諭知馮子材並傳諭蘇鳳文知之○又諭蘇鳳文奏餉項支絀請催湖南欠款並由廣東籌撥協濟等語廣西餉源日絀

現在南太軍務喫緊馮子材親往督師勢須添募勁軍需餉益鉅上年諭令湖南籌濟銀五萬兩計解到現銀軍火湊合一萬八千兩外尚欠解三萬二千兩該省待濟孔殷著劉崑卽將前項欠餉如數籌撥迅速報解以應急需並著瑞麟蔣益澧籌措銀四五萬兩分次解赴廣西以備添募新勇之用將此由五百里各諭令知之○署廣西巡撫蘇鳳文奏鎮安官軍疊獲勝仗得旨著卽嚴飭覃遠璉乘勝進剿將歸順州匪巢剋日攻拔以靖邊圉又奏來賓等州縣土匪蠢動均經隨時撲滅現仍分檄各文武督率兵團設法進剿批著卽檄飭各該地方文武將大鎮滿村餘匪剋日殲除匪首王沅虧在逃著飭屬嚴拏務獲究辦並通飭各屬嚴密巡緝務期有匪必獲以清餘孽○改山西永甯州知州為升調要缺從巡撫趙長齡請也○旌表守正捐軀湖北穀城縣民楊四斤妻劉氏○賞五城貧

民棉木銀

實錄卷三

二十七

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十二

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十三

較修

同治六年丁卯冬十月庚辰朔享

實錄卷三

一

太廟遣睿親王德長恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○

上詣綏履殿問

慈安皇太后安○平安室問

慈禧皇太后安○至己酉皆如之○奉

慈安皇太后

慈禧皇太后幸漱芳齋○侍午膳○頒同治七年

時憲書○諭軍機大臣等據張亮基奏擊退

近省竄匪一摺○八月初間○潘逆遣黨數千人

竄擾狗場等處○經宋國楨等截殺斃匪數百

名○該逆敗回老巢○難保不復出肆竄○著曾壁

光督同張文德等相機進剿○並將省城防守

事宜妥籌布置○仍咨會劉嶽昭飭令派出之

楊正高一軍合力剿辦○迅殄逆氛○將此由五

百里諭令知之○前署貴州巡撫張亮基奏

勦辦修文逆匪殲斃逆首李疤臉報聞○辛

巳○諭軍機大臣等○有人奏直隸深州天罡隊

教匪及鹽梟馬賊聚集甚多○僭城鎮之高曹

莊○有著名盜首曹敏士盤踞一村○居民皆其

黨○與周圍各村黥黨亦實繁有徒○該莊防範

甚嚴○不准生人擅入○凡良善居民全行遷徙

該州知州高錫康在任最久○性耽安逸○嗜好

頗多○諸事無不廢弛○曹敏士一案○該州捕役

曾往密訪○被匪兇目放回○高錫康亦置之不

問○境內盜賊橫行○全不介意○請飭撤任查辦

並稱署遷安縣知縣胡如川緝捕勤能○膽識

俱壯○足以料理此事○等語○州縣有綏靖地方

緝捕盜賊之責○如果平日事事振作○何至境

內盜賊充斥○至於如此○著劉長佑將高錫康

被叅劣蹟○據實查明叅辦○並將該州匪夥飭

屬不動聲色嚴密查拏以靖地方其天罡隊教首武生李連奎是否拏獲及署遷安令胡如川聲名如何緝捕事宜能否勝任並著一併據實奏聞將此諭令知之○又諭丁寶楨奏捻股北竄探蹤進剿一摺捻逆自向漁溝向城奔竄後經王正起跟蹤追擊疊有斬獲復在鄒縣地方與賊大戰賊向曲阜滋陽各路奔竄繞至大汶口東北逸去又將由泰安竄擾省城經丁寶楨派兵攔截遂折向東南擾至新泰丁寶楨現已馳抵泰安親督王成謙等探蹤進擊著即嚴飭各路兵弁實力追剿毋令賊匪肆意奔突賊眾盤繞海賴等處李鴻章所部未能協力夾擊痛加勦洗以致兇燄日張此次回竄東境蔓延多處又未見淮軍會剿李鴻章身任欽差大臣勦捻是其專責所統各部不為不多乃竟任賊縱橫毫無調度殊屬大負委任儻再仍前玩誤致東省徧遭蹂躪丁寶楨固屬罪有應得而李鴻

章身為統帥責有攸歸朝廷亦惟執法從事不能再為該大臣曲貸也賊中開花礮隊甚多此等利器本係官軍購造何以竟為賊有著李鴻章查明據實具奏毋稍徇隱將此由六百里各諭令知之○命兵部左侍郎胡家玉會同大學士賈楨等辦理五城練勇局務○以山東殲斃逆首牛辟子予千總楊長華以守備用並賞花翎軍功張玉陞五品頂翎○予山東沂河陣亡參將徐金聲祭葬世職如總兵官例守備晃文忠祭葬世職加等○予山東鄒縣陣亡遊擊尤朝紳等祭葬世職加等○賞四川甲子科鄉試年老諸生劉及鋒等四人舉人副榜有差○壬午諭內閣給事中夏獻馨奏請設立義倉以裕民食一摺民生本計足食為先歲之豐歉無常惟在平時豫為籌備遇有偏災方足以資接濟向來各直省州縣設立常平倉以外復設義倉原以廣積儲而備災荒立法本為至善自軍興

以來地方被賊擾害舊有義倉每多廢棄亟應及早興復以備不虞著各直省督撫卽飭所屬地方官申明舊制酌議章程勸令紳民量力捐穀於各鄉村廣設義倉並擇公正紳耆妥為經理不准吏胥干預該督撫等務當實力奉行不得視為具文將此通諭知之○諭軍機大臣等張凱嵩奏通籌辦滇情形一摺滇省軍務積疲已久該督現擬由粵西募勇並挑選川滇勇丁各數千名應用並擬暫駐東昭布置先勦迤西其餘勦撫並用所籌尚合機宜均著照所擬辦理惟雲南省城不可無督撫大員坐鎮該督抵東昭後布置稍定卽當酌帶新募所部進駐省垣不可如賈洪詔林鴻年之逗遛觀望自干咎戾省垣回教紳民如馬如龍等當分別妥為駕馭以收其用毋令眾回猜疑另生枝節劉嶽昭勦辦黔西大致肅清不久卽可帶兵入滇該督當與之合力籌商以期共濟其委員分赴川湖

江粵設局勸捐之事著該督卽知照各該省督撫辦理將此由五百里諭令知之○又諭張凱嵩奏選募新軍赴滇請籌撥餉需一摺滇省餉絀兵疲士氣不振必須另籌勁勇方可壁壘一新張凱嵩現募之勇為數不少若非籌有定款源源接濟何以收飽騰之效著劉崐按月協濟銀二萬兩駱秉章於重慶瀘州釐金項下按月撥濟銀四萬兩自本年十月為始由張凱嵩派員領解趕募成軍卽行迅赴滇省該督撫等務須妥籌協濟不得稍分畛域致干咎戾張凱嵩另片奏請調文武各員赴營差委等語張凱嵩甫經赴滇自須有得力之員藉資臂助廣西候補道蔣澤春前署廣西提督蕭榮芳現在湖南原籍知府王綱籍隸廣西同知權翊盛籍隸湖北著李瀚章曾國荃劉崐蘇鳳文飭令該員等迅速赴滇交張凱嵩差委毋得遲延將此由五百里諭知駱秉章李瀚章曾國荃劉崐並傳諭

蘇鳳文知之。○以內閣學士寶珣署馬蘭鎮總兵官。未到任前以守護

東陵鎮國公載銅兼署。○以湖北防勦捻匪並克復雲夢等縣城出力予總兵官李濟清萬化林傳開德鄧敬財劉維楨周得升楊正義吳開征曹國安程友彪黃萬鵬楊廷暉蕭楚王佩瓊李麟定以提督開放賞提督張定魁蔣得勝歐陽清鑑總兵官左光培王先勝戴洪福黃錦雲王盛德劉三元陶立忠劉良壽

張啟基。一品封典提督萬奇益總兵官楊毅盛嚴洪彬副將羅順成周洪勝余萬左周得勝田順友鄧大欽張友恭恭將周明煜任正時李東林遊擊李明珠都司劉彩疇巴圖魯名號餘升敘有差。○癸未諭軍機大臣等本日據御史吳鼎元奏帶兵員弁疲玩難恃請迅加整飭一摺。近年以來捻匪鹽梟以及苗教回逆肆行蹂躪各路勦辦兵勇為數已屬不少。迄未歲事總由帶兵將領疲玩泄沓以

致賊勢日張民生日困該御史所陳軍營積弊如縱賊擾民等款實力切中竅要總由各帶兵大臣及各督撫疏縱因循不思振作之故若再不奮發精神力圖整頓軍務安有起色著各該大臣並各該督撫等激發天良嚴中紀律切實查明其怯懦庸猥驕蹇不法各員即行分別按軍法從事不可稍存徇隱至保舉各員亦須覈實功績不准以毫無戰功之人濫登薦牘總期信賞必罰毋稍顛預從

事所有一切調度機宜則各該統兵大臣及各督撫之責朝廷總以賊之速平與否為該大臣等功罪所由定毋謂寬典可邀得以玩愒將事也。懍之慎之吳鼎元原摺著各鈔給閱看將此各諭令知之。○又諭有人奏上年十一月間捻匪竄擾雲夢記名提督姜玉順未嘗一次出戰且縱容兵丁荼毒閭井陵虐縉紳將舉人楊觀光等捆縛幽禁又有勳字營於本年三月間祀入雲夢縣城釘塞礮眼

搶去國防等局器械財物不可勝計。又殺斃平人。請飭查辦等語。將弁帶兵勒匪。自當申明紀律。專意殺賊。若如所奏各節。賊至並不出戰。且縱兵騷擾居民。肆意搶殺。大為地方之害。著李瀚章曾國荃按照所參各款。確切查明。據實具奏。毋稍徇隱。原片著鈔給閱看。將此各諭令知之。尋奏遵查提督姜玉順駐紮雲夢。防剿尚屬得力。實無縱兵騷擾等情。勦字營係提督楊鼎勳所帶。因追賊路過雲

夢。勇丁飢甚。偶有爬城求米者。誤與國防鬪。毆經楊鼎勳彈壓旋卽和解。並未殺斃平民。報聞。○署閩浙總督英桂奏。浙省營制未定。請將元年及本年軍政展緩辦理從之。○河南巡撫李鶴年奏。報東西各路軍情得旨。任賴捻股由鄒縣竄至新泰。已為丁寶楨督軍繞截。偏向東南。該撫仍當嚴飭張曜等認真遏守運防。以杜回竄。西岸隄牆。俟水勢稍退。即飭防軍趕緊修築。豫省西北兩路邊防。仍

著督令嚴密遏守。毋稍鬆懈。○甲申調盛京工部侍郎桂清為理藩院右侍郎。命在弘德殿行走。理藩院右侍郎奕慶為盛京工部侍郎。○以正白旗滿洲副都統文盛為察哈爾都統。未到任前以察哈爾副都統杜嘎爾兼署。○予故察哈爾都統色爾固善祭葬。謚威勤。○乙酉。諭內閣。趙長齡奏。特參知縣教職各員。請分別撤任降補休致一摺。山西壺關縣知縣存楷。於團練防堵等事。措置未能裕

如。著撤任留省酌量另補。候補知縣英勛才具平常。辦事遲鈍。著以府經歷縣丞銓選。榆社縣教諭閻正太。性耽安逸。年力就衰。著以原品休致。○諭軍機大臣等。有人奏直隸武強縣知縣劉振中加稅勒銀。信任家丁劉二等串通舞弊。並有縱盜殃民等情。請飭查辦等語。所奏是否屬實。著劉長佑彙入前次參案。一併查明具奏。原摺著鈔給閱看。將此諭令知之。尋曾國藩奏遵查知縣劉振中並無

加稅勒捐縱盜殃民各情惟於勸捐集團辦理不善咎有應得業經甄別革職應無庸議報聞○護廣西巡撫蘇鳳文奏軍務未竣請將本年軍政展限辦理從之○以科爾沁鎮國公棍楚克林沁為正白旗滿洲副都統○賞鑲藍旗漢軍印務參領張廷岳副都統銜為庫倫辦事大臣○丙戌諭內閣劉崐奏援黔官軍日久生玩請將統領各員懲辦一摺貴州苗教各匪擾亂十餘年前經李瀚章撥兵往援奏派兆琛周洪印李元度等分路出師兵勇數逾三萬並請由兆琛奏報軍務以一事權該統領等果能調度合宜自不難剋期靖蕩廓清貴東乃兆琛駐紮八弓地方任令苗匪出竄毫無布置奏報諸多粉飾所用營官見賊不戰徒肆騷擾貽誤地方實屬有負委任湖南布政使兆琛著先行開缺交部議處記名提督周洪印帶兵防勦避賊而行始勤終怠廢弛邊防著降為參將隨營效力

如再不知奮勉即行從嚴叅辦開復布政使銜李元度攻圍荊竹園賊巢尚能耐勞惟頓兵日久未能攻拔亦難辭咎著降為三品頂帶仍責令力扼要隘相機進取以觀後效尋吏部議兆琛應照溺職例革職從之○又諭左宗棠奏吉林馬勇齊抵陝省現擬從新整理一摺吉林所募馬隊沿途逃散甚多人頗冗雜不但良莠難分即姓名籍貫多致舛誤軍械鞍鎗亦不齊全吉林將軍富明阿辦理草率著交部議處○又諭前因勝保奏叅已革陝西布政使吳春煥坐擁厚貲膜視軍務請勒限一月令交銀五萬兩以濟軍需當經諭令照議辦理茲據左宗棠奏稱吳春煥自報捐一萬五千兩後僅在四川續繳銀三千兩尚欠銀三萬二千兩請飭清繳等語已革布政使吳春煥由陝西知縣歷任藩司著名貪黷朝廷未與嚴譴僅令捐繳銀五萬兩稍示懲儆該革員稍有天良即應將捐項速為

繳清。藉贖前愆。乃時逾數年。宕延如故。實屬狡獪。該革員現在寄寓四川省城。經營產業。著駱秉章就近勒提該革員吳春煥。將欠項三萬二千兩監追。勒繳如再抗延。即將該革員寄籍財產查封備抵。以儆貪墨。○諭軍機大臣等。左宗棠奏查明甯條梁收復。米脂榆林擊退賊匪。並宜君縣城失守後收復情形。各摺片。甯條梁被賊攻撲。闖入街巷。敦奇祥阿不能抵禦。蕭明發請援時又不能救。經薩斌圖等奮力衝擊。賊始敗退。本日已諭令穆圖善將該員等功過覈實查明。分別奏辦矣。米脂榆林撲城之賊。雖經陝省兵勇擊退。惟北路餘匪尚未殄盡。左宗棠等當督飭地方文武。實力殲除。不可稍存大意。宜君城垣於失守後。經劉厚基馳往收復。惟陷城之賊。並未被勦。先期遁歸甯州。難保其不去而復來。與捻匪勾結。著左宗棠喬松年。分派兵勇於廊延交界一帶。嚴密扼截。毋任回竄。左宗棠

另摺奏。新募吉林礮手。冗雜不堪。應用等語。此項馬隊沿途逃逸甚多。其帶兵之員未能約束。著左宗棠查明叅處。現在存營勇丁。仍著該大臣斟酌挑選。擇其尚堪適用者。留營訓練。其餘概行裁撤。責成派出之員。管帶回旗。毋任仍前逃逸。陝省勦捻情形。現在若何。著該大臣隨時馳奏。以慰廑繫。將此由六百里各諭令知之。○又諭穆圖善奏擊退撲省回匪。並請撥馬隊。洮州等處回民投誠。各摺片。河州東鄉回匪。膽敢糾眾撲犯省垣。經穆圖善督飭文武各員。將賊擊退。該匪勢尚熾。張亟須厚集兵力。早日翦除。方免心腹之患。現在穆圖善抽調各營分路進取。著即妥速調度。迅殄逆氛。彭楚漢等各員。著暫行存記。俟續立功績。再行奏請獎勵。甘省匪熾。兵單自係實在情形。惟陝省勦辦捻逆。正須馬隊與之角逐。勢難分撥。來甘東北重地。不可空虛。著嚴檄延安一帶防軍。就現有兵力認真

防勦不可大意。胡世英是否可恃。並著查明妥籌調遣。毋得稍涉遷就。甯州賊匪竄陷陝省。宜君等處經陝軍擊退回巢。著穆圖善飭令甘軍盡力勦洗。毋令再竄陝境。雷正綰現調來省。卽著留心察看。如果堪備任使。再行奏明請旨。洮州回民投誠。若非詭詞乞撫。自不妨予以自新。穆圖善當確切查辦。不可墮其術中。叅將范銘著暫行存記。俟辦有成效。再行請獎。回弁丁永安曾否為逆。仍著穆圖

善確切查明。秉公覈辦。道員豫師應得處分。著免其查議。毋庸再加布政使銜。張瑞珍著開復降調處分。仍以道員留於甘肅補用。本日據左宗棠等奏。賊擾甯條梁。副都統敦奇祥阿不肯分兵禦賊。經薩斌圖與蕭明發合隊始行擊退。著穆圖善將該員等功過覈實確查。分別奏明辦理。將此由六百里諭令知之。尋奏遵查。副都統敦奇祥阿於賊擾甯條梁時。會同衝勇營幫辦蕭明發擊退。復調營

總薩斌圖會勦竄匪。調度尚屬合宜。並無不肯分兵禦賊情事。報聞。○又諭穆圖善奏請飭催各省協甘餉銀。並籌撥雷正綰軍餉各等語。甘省地方瘠苦。糧麩昂貴。全賴各省協餉接濟兵食。乃本年三月以前。各省解到甘餉已不及奏額之半。四月十五日以後。並未報解絲毫。兵勇枵腹荷戈。情形萬分苦累。現在河州東鄉悍賊撲犯省城。軍事危迫。穆圖善擬派大隊兵勇前往勦辦。非裹帶半月軍

糧。勢難輕動。狄河地方早寒。弁勇深入挖勦。亟須多製棉衣。亦非大批協餉解到。不能速辦。著左宗棠、李瀚章、曾國荃、喬松年分飭陝西、藩司及湖北後路糧臺。遇有協甘餉銀。隨到隨解。不准停積截留。致誤軍食。並著曾國藩、郭柏蔭、劉坤一、馬新貽、劉崑、李瀚章、曾國荃。迅將各該省奏定協甘餉銀。按月如數撥解。以收飽騰之效。不得存畛域之見。坐視不顧。致干重咎。山西、河東道庫。每年應解協甘

銀五十二萬兩帶欠尚多本年之款亦未解到卽著趙長齡嚴飭該道迅將上年欠款並本年協餉趕緊分批撥解毋稍延誤雷正綰軍餉向由慶陽糧臺支放刻下進剿東路等匪需餉甚迫移圖善現將河東道應解協甘餉銀五十二萬兩內原定分撥慶陽糧臺之十二萬兩專歸雷正綰軍營支用由該提督派員赴晉提解並著趙長齡訪令河東道趕緊籌撥交該委員領解以濟要需將此由五

百里各諭令知之 又諭劉崐奏縷陳西路各軍疲玩情形據實糾參籌畫援黔事宜並籌辦本省國防各一摺湖南援黔各軍數逾三萬兵力不為不厚乃兆琛等入黔以來辦理年餘糜餉老師毫無成效致令黔楚邊境賊蹤愈肆蔓延實堪痛恨席寶田現已募練成軍著劉崐卽飭迅赴沅州統領援黔軍務所有前派援黔各軍令其分別撤留大加整頓務須一兵得一兵之用以期壁壘一新勦

辦方有起色黔楚唇齒相依現在黔省下游如此糜爛全賴楚軍協助劉崐當力顧大局隨時督飭各軍奮勉圖功以副委任曾璧光亦當飭令地方文武督率團練協同勦辦該省吏治廢弛已久遇有克復府縣卽當慎擇官吏籌辦善後以靖地方湖南各屬會匪潛伏黨與甚多亟應加意防範以杜亂萌固不可操切從事亦不可養癰貽患劉崐擬飭各屬辦理國防自是目前要圖劉蓉曾任大員於本籍情形較為熟悉卽著派令幫辦國防事宜以資得力將此由五百里各諭令知之

○以疊著戰功復甘肅已革總兵官陳義職
○以陝西宜君縣城被賊竄陷旋即收復都司秀順革職留營免治罪予殉難知縣張杰
祭葬世職○予甘肅蘭州陣亡提督周保和
總兵官彭文林參將常壽守備呂松堯等祭
葬世職加等○予甘肅鞏昌陣亡知縣長林
祭葬世職加等○予甘肅平涼殉難教諭王

汝揆祭葬世職。○丁亥以湖北按察使李榕為湖南布政使。湖北安襄鄖荆道王文韶為按察使。○戊子。

上奉

慈安皇太后

慈禧皇太后幸漱芳齋侍午膳。○諭軍機大臣等李鴻章奏擒匪經各軍堵剿折趨東南現移紮濟甯調度一摺。擒逆由嶧縣出竄。經潘鼎新所部槍隊擊退。遂由滕縣擾至濟甯南陽湖邊。潘鼎新馳往策應。賊知汶平各防俱有準備。東走新泰蒙陰等處。勢將回竄沂莒。李鴻章從韓莊南陽湖一路馳抵濟甯。並將總兵董鳳高等分別駐紮。著卽妥為布置。相機進剿。不得以賊蹤南趨。耽延戰事。劉銘傳等軍現在留紮邳州等處。務當責令該提督等各率所部。遇賊卽擊。毋以有用之兵。置諸無用之地。奇開兩營。併歸郭松林等分統。並著檄令各該營統領趕緊訓練。以期互相援

應力挫賊鋒。將此由五百里諭令知之。○河東河道總督蘇廷魁奏兩岸工程搶護平穩得旨。所有各廳險工仍著力籌備守務。臻穩固。○予安徽等省陣亡千總劉得發等一百四十四員祭葬世職。○予山東滕縣陣亡都司楊占魁從九品白璧祭葬世職加等。○已

丑。

慈禧皇太后聖壽節遣官祭

太廟後殿

奉先殿

上率王以下文武大臣詣

慈寧門行慶賀禮。眾官於午門外行禮。○詣平

安室

慈禧皇太后前侍早膳。○奉

慈安皇太后

慈禧皇太后幸漱芳齋侍午膳。○庚寅

上奉

慈安皇太后

慈禧皇太后幸漱芳齋侍午膳○予雲南各屬陣亡殉難知府潘如棟等暨紳民兵練婦女二千九百六員名口分別旌卹如例○辛卯諭軍機大臣等本日據丁寶楨馳奏捻逆避兵東竄擾近省垣一摺捻逆由新泰南趨意在引兵南追該逆復來間由沂水折回北趨大股屯聚虎山泊距省甚近丁寶楨現已馳回省城著卽將城守事宜嚴密布置毋稍大意並著督率諸軍相機進擊亦不可株守省垣致成坐困李鴻章督率各路兵勇為數不少數月以來並未能實力截勦痛挫賊鋒現在賊趨省垣又不能迎前兜擊任令逆蹤奔突狂竄蔓延至此百姓備極荼毒諸軍恣為縱逸猶復漫無籌畫自問於心何安著卽嚴飭各軍覘賊所向與東軍合力進勦互相援應以期迅殄賊氛李鴻章丁寶楨務當屏除積習和衷共濟不得各懷私見靳口至申口一帶水勢恐漸消落所有沿河隄牆李鴻章

當趕緊修築以資防守前據李瀚章曾國荃奏稱飭令霆營帶兵之提督唐仁廉等統率馬勇並戰馬一千匹赴濟甯歸李鴻章調遣到營後曾否訓練精熟婁雲慶在安陸募勇五千現計早可成軍著李瀚章曾國荃飭令該提督卽日拔營馳赴東省歸李鴻章調遣李瀚章等不得藉詞留鄂並著李鴻章飛速迎提以厚兵力前經諭令李鴻章調撥江西兵勇赴江南一帶防河現在曾否派令來營迄今數月尚未覆奏如此軍到防李鴻章並可抽出現防河牆兵勇為追勦捻逆之用該逆馬騎飄忽日馳二百餘里北路黃防勢甚喫緊劉長佑崇厚當飭沿河諸軍加意嚴防不可稍有疏失直隸梟匪何以許久尚未殄盡劉長佑若不振刷精神早行殲滅設令捻徧河岸內外益難兼顧恐該督不能當此重咎也懍之將此由六百里各諭令知之○四川將軍崇實等奏遵籌甘省軍米於重慶等

府產米較多之近水州縣採買轉運川省協甘餉銀現定每月二萬兩卽以此項撥歸米價以省周折報聞○予四川越舊陣亡遊擊劉萬朝等祭葬世職加等○壬辰諭軍機大臣等宋延春奏迤西賊匪竄踞各縣省會戒嚴現咨調兵練援應勦辦情形一摺據稱迤西逆匪數萬將定遠縣城竄踞分陷大姚縣城並有取道黑井等處由元謀馬街竄擾武定祿勸等州縣徑撲省城之意馬如龍在省養病所部不敷分派現已咨調岑毓英帶兵回滇相機進勦等語省城為根本重地自應妥籌防勦岑毓英旣已撥兵五千馳回省城卽著宋延春會同馬如龍就現有兵力分投勦辦張凱嵩前有暫駐東昭先勦迤西之奏此時該省情形萬緊該督尤應先入省城著卽迅將勇丁募齊審機前進或先派令得力將弁管帶兵勇星速取道赴援不得以招募未集藉詞遷延劉嶽昭現在勦辦黔西股匪

務當迅圖歲事帶兵入滇與張凱嵩等合力籌辦岑毓英現已派兵援應該藩司應否馳回省垣之處著劉嶽昭懍遵九月初六日諭旨與宋延春妥商辦理定遠大姚兩城失陷文武各官下落著宋延春詳查具奏將此由六百里諭知張凱嵩劉嶽昭並傳諭宋延春知之○以吏部左侍郎毛昶熙為順天武鄉試正考官戶部右侍郎畢道遠為副考官○癸巳諭內閣都察院左都御史汪元方品端學粹辦事勤能由道光年間翰林屢掌文衡洊升卿寺朕御極以來疊加簡任擢至都察院左都御史復令在軍機大臣上行走夙夜宣勞克盡厥職前因患疾兩次賞假調理方冀速痊長資倚畀遽聞溘逝軫惜殊深著賞給陀羅經被派郡王銜貝勒載治帶領侍衛十員卽日前往奠醊賞銀二千兩治喪由廣儲司給發加恩晉贈太子少保照尚書例賜卹任內一切處分悉予開復應得卹典該衙

門察例具奏伊子恩監生汪樹屏著賞給舉人准其一體會試監生汪樹堂著賞給員外郎俟服闋後分部學習行走監生汪樹廷著俟及歲時帶領引見其靈柩回籍時著沿途地方官妥為照料用示朕篤念耆臣至意尋予祭葬謚文端○諭軍機大臣等寶璽等奏內倉近有賊犯偷竊請飭嚴拏一摺內倉近日失去麻袋米石等項據該倉筆帖式吉凌阿訪查被竊情形係賊犯王七兒等黃夜折傷半步橋橋幫由地溝隱入直至西長安門由大清門內東朝房越入偷竊現在新米將次入廩若不嚴密拏辦難保不更肆偷竊內倉禁地賊犯竟敢潛入該地面官弁等並不認真稽查實屬不成事體著步軍統領衙門即派妥幹員役按照單開各犯逐名嚴拏毋令聞風逃逸原單著鈔給閱看將此諭令知之○署湖廣總督李瀚章等奏本年湖北有漕各州縣被擾後復遭水旱礙難改徵本色

請仍照向章徵收折價下部議從之○以戶部左侍郎譚廷襄為都察院左都御史調吏部左侍郎毛昶熙為戶部左侍郎管三庫事轉吏部右侍郎吳存義為左侍郎未到任前以毛昶熙兼署以宗人府府丞胡肇智為吏部右侍郎○甲午

上奉

慈安皇太后

慈禧皇太后幸漱芳齋侍午膳○諭內閣曾國

藩奏甄別府縣等官一摺江蘇徐州府知府部雲鵠公事顛預情多偏徇著開缺察看另行酌補候補同知直隸州知州金鴻保於署丹陽縣任內抽收鋪捐以多報少且與民爭利著即行革職新陽縣知縣戴元鼎任聽丁書需索不協輿情惟文理尚優著以教職改用同知銜安徽甯國縣知縣張志學藉差苛派勒捐肥己著即行革職永不敘用江蘇著宜興縣知縣鄭猗荃荊溪縣知縣張喬林辦

理畝捐於歉收之田私行派捐安徽署南陵縣知縣蔚元昆浮收錢糧民怨沸騰以上三員情節較重僅予改教降補尚覺輕縱均著即行革職以肅官方○諭軍機大臣等劉長佑奏勦辦梟匪情形並調馬隊追勦各摺片梟匪由隆平柏鄉一帶折回邯鄲成安逃赴東境復竄回直境往來於正定各屬雖經官軍扼截於滹沱河岸未容該逆北渡而賊騎縱橫馳突迄未大受懲創劉長佑辦理此股

已經數月所部兵勇不為不多賊數僅百餘名竟未能殲除淨盡將何顏以對朝廷現在添調馬隊厚集兵力會合步隊追截著即親督所選各軍迅將此股殄滅毋得再事遷延致干重咎並著嚴飭各地方牧令聯絡鄉團堅壁清野俾賊騎無可擄掠以期早行蕲事另片奏請將已革都司馬學孟准令效力等語馬學孟原犯罪名較重既於投首後帶勇殺賊屢次出力著准予自新令其戴罪自效

仍著該督隨時留意察看如果真心悔罪績著勞績再行分別辦理將此由五百里諭令知之○山東巡撫丁寶楨奏軍務未竣請將本年文武鄉試展至下科一併舉行從之○以前任山西巡撫沈桂芬署禮部右侍郎在軍機大臣上學習行走○以前任山西布政使王榕吉為順天府府尹○予湖北軍營病故記名提督馮標祭葬卹廕於本籍建立專祠○追予安徽甯國陣亡縣丞羅發恩祭葬

世職加等○追予江蘇上元殉難婦女羅朱氏等旌表如例○予兩江各屬殉難紳民宋學林等暨婦女八千一百七十四名口分別旌卹如例

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十三

實錄卷之三

三十

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十四

教條

同治六年丁卯十月乙未諭軍機大臣等丁

寶楨奏擒逆撲犯黃防現經擊退並請飭李
鴻章熟籌黃運情形各摺片。擒逆竄至章邱
擾及齊東一帶。撲犯河隄。搶奪民船。注意渡
河。經丁寶楨派兵擊退。賊眾奔向長山。該撫
現赴章邱。親督各軍截剿。著即相機進擊。力
埽狂氛。黃防雖暫時解嚴。尤慮賊股回撲。該
撫當厚集兵團。加意嚴守。毋稍鬆勁。武定下
游並齊河以上一帶。黃防劉長佑崇厚當懍
遵前諭。督飭諸軍晝夜巡警。以備不虞。不可

稍有疏忽。黃防情形如此緊急。劉長佑若不振刷精神。速將梟匪殄盡。何以專力防河。李鴻章督勦捻匪。是其專責。自當視賊所向。盡力追截。今賊股北竄濟南。撲犯河岸。該大臣並無一兵追及。竟若置身事外者。不知所辦何事。乃竟漫無調度。若此。黃防兵力本屬單薄。轉瞬天寒冰凍。搶渡尤易。設令震及畿輔。該大臣自問將何以對朝廷。著卽滌慮洗心。屏除成見。總以厚集兵力。嚴遏北路。偪賊南

趨。迅圖殄滅。以全大局。不得與丁寶楨強分畛域。固執己見。致誤事機。丁寶楨所陳運黃兵力。南厚北單。並黃河冬防難恃等語。亦係實在情形。李鴻章當統籌全勢。妥議辦法。奏聞。原摺片各一件。著鈔給該大臣閱看。將此由六百里各諭令知之。○又諭駱秉章奏請留周達武在川帶兵一摺。貴州軍務極為緊要。該省現無得力之員。可資統率。刻下貴陽一帶賊蹤紛竄。時思窺伺省垣。周達武向來

帶兵尚屬奮勇。自應迅飭赴任。藉資防勦。著駱秉章仍遵前旨。飭令卽赴貴州提督之任。不得再行奏留。致誤大局。川省邊防各軍。卽著該督另擇將領統帶。妥籌布置。將此由五百里諭令知之。○又諭本日據張亮基奏稱。黔省餉源枯竭。各營士卒終歲不名一錢。秋深氣肅。兵勇號飢。號寒。相率潰去。以致軍心日渙。賊氛日熾。勦撫均難措手。儻日久無餉。兵練流而為匪。大局不堪設想。懇請迅催各

省協餉。以濟要需。各等語。所奏自係實在情形。貴陽省城一帶賊氛環伺。前諭署貴州巡撫曾壁光布置省防。並籌辦各路防勦需餉。尤關緊要。所有四川省每月應解銀五萬兩。湖南省湖北兩省每月各應解銀二萬兩。廣東省每月應解銀一萬兩。著駱秉章李瀚章劉崑瑞麟蔣益澧按月撥解。毋得仍前延玩。致干重咎。各省協餉解到時。著曾壁光均勻分撥。妥為駕馭。以靖巖疆。將此由五百里各諭

令知之。黑龍江將軍特普欽因病解職。以吉林副都統德英署黑龍江將軍。正黃旗滿州護軍參領毓福署吉林副都統。頭等侍衛忠德署正黃旗漢軍副都統。○以理藩院右侍郎桂清充國史館清文總校官。○命都察院左都御史靈桂鑲白旗蒙古都統穆騰阿在紫禁城騎馬。○丙申諭內閣倉場侍郎鍾岱宋晉奏查明通關稅課歷年動缺銀兩。請分別追賠開單呈覽。一摺。通關稅課每年例徵正額贏餘銀一萬二千三百餘兩。為通惠河歲修及汛弁俸糧之用。乃自道光十九年以後。歷年短徵及書吏認交。追交那移墊用各款。共計銀二萬二千七百餘兩之多。歷任監督那新掩舊。前後彌縫。積習相沿。幾至虛懸無著。若不明定章程。分別賠繳。何以清庫款而重稅課。此項銀兩著照所擬分作十成。責令該關書吏賠繳四成。銀九千九百兩零。分作十五年繳清。儻有逾玩。即行送部監追。

其六成銀一萬三千六百餘兩。著照單開按各監督在任月日均勻攤賠。分限追繳。如限滿不完。即由吏部照例叅辦。歷任失察之倉場侍郎均著交部照例察議。嗣後通關稅課務須年清年款。不准前後牽混。致滋流弊。○諭軍機大臣等。兵部奏申嚴門禁。請旨飭行一摺。據稱直隸梟匪馬賊出沒無常。往往扮作弁兵。四出滋擾。門禁不可不嚴。請飭該管衙門嚴密稽查等語。即著步軍統領衙門嚴飭內外各城門員弁。隨時查察。除旗營巡捕五營神機營差操出入及各路摺弁與赴部領取軍需等項弁兵驗明放入外。其餘無論何項兵勇。並調防過京之兵。概不許進城行走。該承管官等務須不動聲色。認真稽查。毋稍大意。原摺著鈔給閱看。將此諭令知之。○又諭沈葆楨奏洋將購器募工均已就緒。並請令周開錫始終其事。留李慶霖差遣各摺。片。洋將日意格回國採辦器具俱已齊備。並

雇覓工匠人等。十月後可陸續到閩。卽著沈葆楨會同英桂李福泰督飭局員及該洋將等。將應辦工程妥速布置。一面趕造船身輪機。到時卽可配製。前署藩司周開錫道員胡光墉前經左宗棠等奏派充局員。並據左宗棠奏稱。但願謹守條約。可望有成。是左宗棠於船政一事。責成該員等。確有把握。著沈葆楨傳知周開錫專意從公。毋得畏難退阻。並著馬新貽迅催胡光墉剋期赴閩。以資差委。

道員葉文瀾現在已否到局。該員前有被控之案。著英桂李福泰速為秉公斷結。知府李慶霖前經吳棠奏叅革職。勒令回籍。茲據沈葆楨奏稱。該員在局襄辦有年。尚無劣蹟。著准其暫留船政局差遣。儻復始勤終怠。卽著沈葆楨據實叅撤。毋稍迴護。所有船政一切事宜。著英桂等俟吳棠旋任後。詳細商推和衷辦理。將此由五百里各諭令知之。○以故杜爾伯特扎薩克頭等台吉車林諾依魯布

子巴圖瓦齊爾襲職。○湖北巡撫曾國荃因病解職。調廣西巡撫郭柏蔭為湖北巡撫。未到任前。以湖北布政使何璟護理。○以廣西布政使蘇鳳文為巡撫。調四川布政使江忠濬為廣西布政使。以浙江按察使蔣志章為四川布政使。陝西督糧道劉齊銜為浙江按察使。○撥河南山西四川火藥各五萬斤。解赴陝西省城備用。○丁酉。以猥劣庸鄙革湖北道員何元普職。○以湖北各屬紳團緝獲逆匪出力。賞從九品蕭虞卿六品頂翎。餘加銜獎敘有差。○戊戌。諭軍機大臣等。劉長佑奏捻氛東徧。黃防戒嚴一摺。前因丁寶楨奏捻匪竄擾齊東一帶。撲犯河隄。已慮及黃河冬防難恃。卽經諭令李鴻章統籌全局。妥議辦法。並令劉長佑丁寶楨崇厚等實力嚴守節交。冬令堅冰凝合。自在意中。亟須嚴為之備。以固畿輔。河面縣長固非直軍所能專任。張秋以下至鐵門關。東軍原不能辭責。但東

省兵力。本屬單薄。現在與捻匪角逐。尚覺不敷分布。黃水下游。河面更狹。賊匪窺伺。尤為可虞。若僅令東軍分段認守。設因兵單誤事。雖悔何及。劉長佑既稱梟匪悍賊。多半受傷。勢頗窮蹙。早晚定可聚殲。著該督懍遵前諭。速將梟匪殄盡。專力防河。以臻周密。丁寶楨職任東撫。責無旁貸。仍著厚集兵團。將山東河面加意嚴守。毋稍鬆勁。儻防範稍疏。致令賊匪偷渡。必惟該撫是問。武定一帶河面。距津較近。著崇厚添調津郡兵勇。馳往協同防守。不可稍分畛域。致誤事機。李鴻章當遵奉前諭。將黃運河防通盤籌畫。顧運防尤宜兼顧黃防。以佐直東之不逮。本日據馬新貽奏。採買備賑米石。已將抵津。請飭剋期驗收等語。所有浙省採辦米一萬五千七百石零。計已將抵津門。著劉長佑轉飭天津道。俟此項米船到時。剋期驗收。以便海船趕駛回南。毋令遲滯。將此由六百里各諭令知之。○又諭。

左宗棠奏捻逆竄入北山。現籌勦辦情形。一摺。捻逆經官軍大舉進逼。遁入北山。勢必由鄆洛上竄。延綏該處荒瘠殊甚。非賊所注意。恐藉此東趨。晉省山西西路沿河一帶。在在與陝毗連。防務喫緊。轉瞬河流冰凍。尤為可慮。著趙長齡督飭在防將士。扼要嚴守。並著飭令陳湜相機兼顧。沿河船隻。悉行提歸東岸。毋稍疏忽。賊騎儻渡河而東。則蔓延縱橫。勢將靡所底止。豈劉松山郭寶昌兩軍所能殄盡。晉省為畿輔屏翰。左宗棠當如何力籌兼顧。陝省兵力。不為不厚。總當就地殲除。不可以驅賊出境。即為了事。儻任賊東渡。闖入晉疆。惟左宗棠是問。劉厚基一軍。兵力尚單。截賊恐未盡得力。左宗棠庫克吉泰喬松年。劉典當熟商機宜。妥籌調度。潼商一帶亦宜嚴密布置。以防捻逆回撲。由此出關。邠涇一路。並著分撥得力將士。加意嚴防。毋任賊由西南竄出。繞逸川鄂。蜀省北路及楚北襄鄖。

一帶著駱秉章李瀚章等各添兵勇分路扼守以固邊境將此由六百里諭知左宗棠駱秉章庫克吉泰李瀚章喬松年趙長齡並傳諭劉典何璟知之○予河南各屬陣亡殉難紳民婦女一千九百八十九名口分別旌卹如例○已亥卯刻有流星入翼軫○諭軍機大臣等寄諭泰甯鎮總兵官兼總管內務府大臣衍秀現在莊順皇貴妃奉安禮成

寶頂附近處所自應量栽樹株以肅觀瞻著侯醇郡王等於十一月初旬到後會同商酌相度地勢妥慎辦理將此諭令知之○又諭前因捻匪竄撲黃防曾經諭令李鴻章丁寶楨派兵實力防剿以杜北竄本日據毛昶熙奏稱聞東境官軍失利捻股北趨逼近山東省城距黃河不滿百里梟匪現竄大名一帶相去非遙恐勾結捻匪渡河為患現在勦捻各營淮軍以劉銘傳為最豫軍以宋慶為最

皖軍以程文炳為最請飭該三軍剋日北向繞出賊前迎頭截剿如慮運防兵單宜增調江淮水師以資分布各等語刻下節交冬令深恐河水凍結捻逆乘機竄渡自應以嚴防北竄為要著該侍郎既稱劉銘傳等三軍最為得力著李鴻章丁寶楨商酌情形妥籌調派該大臣等總當和衷共濟力顧根本速派大支勁旅馳赴河岸繞前截剿以固畿疆門戶儻有一賊渡河必惟該督撫等是問梟匪

現在直東交界並著丁寶楨飭令防軍會合直軍夾擊毋任與捻匪勾合致滋貽誤毛昶熙所陳增調江淮水師等情並著李鴻章酌量辦理將此由六百里各諭令知之○又諭御史佛爾國春奏被叅知縣訪有政聲請飭查明一摺據稱署河南新安令李瑞椿前經吳昌壽以兩耳重聽志氣昏惰奏請勒令休致現聞該員係在皖北從戎耳為礮震旋即醫痊且在新安縣任內盡心民事請照蘊琛

成案開復起用等語。李瑞椿當日果無廢疾。且能認真辦公。何以吳昌壽顛倒是非。竟行叅劾。如果無冤抑。該御史何以代為申辯。且竟以蘊琛之案為成例。援請開復。著李鶴年秉公查明。李瑞椿被叅原案。果否屈抑。抑或該叅員有營謀賄屬。妄希克復情事。務須確切訪查。據實覆奏。不准稍涉徇隱。另片奏封邱縣令孫成竹。教諭劉聿堂。朋比營私。肆行貪墨等款。是否屬實。並著該撫查明具奏。原摺片各一件。均著鈔給閱看。將此諭令知之。○又諭。麒慶奏。逸匪彌勒僧格復出滋擾。現派弁兵往剿一摺。匪首彌勒僧格白凌阿。係糾眾疊經搶劫。久逸未獲之犯。現在彌勒僧格復與匪徒任義潰聚集多賊。在清河門一帶搶擄。經朝陽縣兵勇往拏。該匪等向東北逃逸。竄至建昌縣屬之包格圖地方。聚至數百人。搶劫鋪戶。並有糾約白凌阿復出為首之說。該匪等出沒之區。在建昌朝陽兩縣交

界地方。與敖漢及土默特旗均相毗連。麒慶現已揀派弁兵馳往查拏。著卽嚴督派出兵弁與地方文武實力勦捕。並著都興阿選派得力弁兵馳往交界處所協力堵剿。其卓索圖昭烏達兩盟亦著理藩院星速飭令該盟長等轉飭蒙古各旗認真揀派各旗員帶兵一體兜拏。不得稍分畛域。互相推諉。自干咎戾。此係著名要犯。都興阿麒慶務當重懸賞格設法擒獲。不准再任漏網。在事弁兵有能擒斬首犯者。卽著奏請破格獎勵。蒙古旗員兵丁一體辦理。以資鼓舞。奉省賓圖旗匪民程廣學有糾眾與該旗蒙古接仗滋擾。並竄撲朝陽情事。都興阿麒慶當速飭弁兵會同勦滅。毋得玩愒致滋蔓延。將此由四百里各諭令知之。○又諭。伊勒屯奏。哈密現無大員鎮撫。請飭催文麟赴任一摺。前據文麟奏行糧等項。諸形缺乏。業經籌辦糧餉。該辦事大臣於七月初六日。親自拔營前進。何以至今

未抵哈密。殊不可解。文麟自簡放以來。催令赴任。不啻至再至三。乃竟百端藉口。堅不肯前。不知是何居心。著卽剋期進發。不准片刻逗遛。儻敢仍前玩忽。必治以應得之罪。並著成祿查明文麟行抵何處。飛速咨催。若再遷延。卽著奏聞懲辦。成祿圍攻肅州。愈久愈疲。似此泄沓從事。何日是出關之期。著趕緊整頓士馬。迅將肅城攻拔。振旅出關。與文麟聯絡。以壯聲勢。景廉是否啟行。前經諭令穆圖善飭赴新任。著景廉迅卽赴哈密接印任事。以重職守。毋得遲延干咎。穆圖善亦不准藉端奏留。再行瀆請。將此由五百里各諭令知之。○又諭伊勒屯奏請飭撥餉銀等語。已里坤餉需久缺。現在節屆冬季。兵丁飢寒交迫。待餉尤殷。著麟興李雲麟將應撥該城月餉源源趕解。如此時尚未撥到。卽著麟興等無論何款。先行撥給銀一二萬兩。以濟急需。將此由五百里各諭令知之。○添鑄烏里雅蘇

台管理官廠扎薩克圖記。從將軍麟興請也。○以運解巴里坤軍糧出力。賞知縣樊建基知府銜花翎。舉人張克寬。以知縣用。並賞藍翎。餘加銜升敘有差。○賞順天鄉試年老諸生馬子林等四人。舉人副榜有差。○庚子。諭軍機大臣等。崇厚奏黃防喫緊。遵旨會籌防守一摺。南路梟匪。被勦窮蹙。竄入東省。赴傳振邦行營乞降。崇厚與劉長佑會商。以該匪全股投誠。軍務歲事。卽可騰出兵隊。兼顧黃防。擬卽抽撥劉景芳陳濟清兩軍。前赴齊河下游武定所屬濱州等處口岸設防。惟該匪乞降後。有無反側。並傳振邦現在何處安插之處。著劉長佑。崇厚查明據實具奏。前以該匪反覆無常。諭令劉長佑不可遽行收撫。此時勢變投誠。難保不心懷叵測。故作緩兵之計。且首鼠兩端。肆行搶掠。均屬意中之事。賊數本已無多。自應痛加勦洗。以絕根株。著劉長佑。丁寶楨。崇厚督飭官軍會同搜捕。悉數

殄除毋得率行收撫致貽後患。黃防極關緊要。轉瞬河流冰泆。尤須節節設防。前已諭令李鴻章將黃防通盤籌畫。以佐直東之不逮。其應如何迅撥重兵嚴加扼守之處。仍著李鴻章劉長佑丁寶楨崇厚懍遵前旨。妥籌布置。毋稍疏虞。將此由六百里各諭令知之。○命前任山東巡撫閻敬銘來京陛見。○辛丑。諭內閣給事中謝膺禧奏查出富新倉有虧那情弊。請飭審辦一摺。富新倉各廠業經謝膺禧先期封閉。乃該給事中到倉查閱。封條竟多拆動。顯有那補虧短情弊。花戶朱士魁著交部嚴行審訊。並著倉場侍郎將該倉各廠徹底清查虧短若干。據實具奏。毋稍含混。另片奏請飭倉場侍郎派員接管監督等語。富新倉花戶舞弊。該倉監督應行質訊。現在放米未完。著倉場侍郎另派得力可靠人員接管該倉監督事務。以專責成。○諭軍機大臣等。杜嘎爾奏遵解天津京兵馬匹。並調劑

馬政一摺。所選駟馬五百五十匹。業已分起由口起程赴津。卽著神機營知照崇厚照數驗收。認真操練。官羣馬匹現既不敷調用。杜嘎爾請將各扎薩克旗捐馬撥補官羣。卽著神機營理藩院查飭各扎薩克王公貝勒等。若有已捐未交之馬。催令就近一併解交官羣。以備調用。嗣後如再有捐馬屆時奏請辦理。原摺著鈔給閱看。將此各諭令知之。○安徽巡撫英翰等奏漕倉漕船尚未修復。礙難改徵本色。請仍照上屆折漕辦理。下部知之。○壬寅。諭內閣前因御史朱鎮奏叅江蘇長洲縣知縣蒯德模浮收漕糧。護庇漕書等情。當經諭令曾國藩等查明覆奏。茲據曾國藩郭柏蔭奏稱。查明蒯德模折徵錢數均與定章相符。漕書徐海珊並無拜蒯德模為師。餽送贄敬。徐海珊之子徐小海亦未包攬漕糧。蒯德模亦未嘗與候選道徐佩璠結拜兄弟。並查抄錢鋪。致令商民罷市。並稱該員潔己

愛民為地方興利除弊於徵漕一事並能不避嫌怨大小戶一律徵收各等情御史風聞奏事各省地方官如有劣蹟自應訪聞確實隨時糾參若如曾國藩等所奏蒯德模被參各款毫無實據且能盡心民事辦理漕糧破除情面訪諸輿論亦皆稱為好官與該御史所奏大相徑庭原參各情實屬是非倒置朱鎮著傳旨申飭○又諭馬新貽奏酌保堪勝道府人員一摺據稱浙江杭州府知府譚鍾

麟自調補首郡以來潔己率屬秉正無阿辦理地方公事沈細精詳才猷卓越候補知府准補台州府同知李壽榛於署紹興府知府任內拯救災黎興修水利殫心民事輿論翕然借補海甯州知州靳芝亭守潔才明實心任事另片奏署中防同知錢塘縣知縣蕭書升用同知准補江山縣知縣陶鴻勳該二員清操自勵誠心愛民無愧循良等語譚鍾麟李壽榛靳芝亭蕭書陶鴻勳均著送部引見

候旨擢用馬新貽所奏尚能留意人材各直省督撫於所屬各員內務當隨時留心察訪如有潔己愛民循聲卓著者著即秉公據實保薦勿執偏見勿採虛聲總期為守兼優堪備任使如所保之人名實不符或他日另犯贓私各款定將原保之人懲處不貸○諭軍機大臣等李鴻章奏銘鼎兩軍分路進剿現籌調度情形一摺捻匪由濟南折向青州李鴻章現派劉銘傳潘鼎新等軍分路進剿著

即飭令該統將等與丁寶楨所部各軍聯絡聲勢四面兜剿以期痛挫賊鋒至黃運兩處防兵厚薄懸殊李鴻章身任統帥均應兼顧不得專意防運而置黃防於不問且黃運固宜嚴防追剿尤宜盡力該大臣另籌劉銘傳等三大支兵為遊擊之師每支均及萬人兵力不為不厚果能自北而南節節兜剿為遮蔽黃運兩防之勢是即以剿為防乃劉銘傳等各軍追賊數月從未獲一大捷似此有名

無實。賊匪何日殄滅。著李鴻章嚴申號令。責令該統將等實力追剿。但令處處迎頭截擊。不使竄近黃河附近處所。則河防自無可虞。如敢仍前玩泄。卽著嚴行叅辦。以肅軍律。所稱令東軍大隊於冬臘正三箇月專駐濟南青州一路梭織巡防。賊至迎擊。為黃河南路屏蔽等語。丁寶楨所部遇有省南附近軍情緊要之時。亦宜相機進剿。豈能畫疆自守。儻遇賊蹤併趨黃岸。東軍力難堵禦。李鴻章尤當速為援應。總之南北兩路河防。該大臣等必當互相策應。和衷共濟。不可偏執已見。致誤全局。李鴻章原摺著鈔給丁寶楨閱看。另片奏請將吉林黑龍江官兵病故遺骸。於彙送回旗時。飭令沿途地方官撥兵護送。並准在營官兵附文往來遞寄家信等語。著兵部行文各省督撫。並吉林黑龍江將軍及各該城都統。准照辦理。將此由六百里各諭令知之。○又諭張凱嵩奏請調粵軍入滇隨征一

摺。滇省軍務緊要。張凱嵩現擬募勇前進。恐新集之軍難期得力。請調廣西駐防慶遠之何元鳳所帶元字三營駐防梧州之盧殿清安勇兩營赴滇助剿。著蘇鳳文察度情形。該處如可撤此兩軍赴調。卽著飭令該二員統帶所部與張凱嵩新募粵軍由貴州都勻一帶探明路徑取道入滇。以資臂助。如尚需兵防剿。卽著另派得力之軍換防。以便該二員迅速由粵入滇。不得稍有推諉。張凱嵩另片奏因病請假調治等語。著賞假一箇月。准其暫住巴東調理。該督奉命入滇。為時已久。豈得再行遷延。如醫治稍愈。卽當趨程前進。懍遵疊次諭旨妥籌辦理。以副委任。將此由五百里各諭令知之。○烏魯木齊提督成祿奏請將已革副都統色楞泰留營差委。允之。○癸卯。諭內閣。穆圖善奏遵保賢員各片。據稱署甘肅蘭州府知府舒之翰。沈毅有為。好謀能斷。署甯夏府知府李宗賢。才識宏通。克襄

艱鉅。署甘涼道。甘州府知府。崇福卓識超羣。才堪匡濟。補用知府。鐵珊。有為有守。通達治體。涇州直隸州知州。余士穀。才德兼優。誠心任事。署秦州直隸州知州。鄧承偉。器識沈潛。有為有守。候補知府。朱百川。才優識裕。辦事勤能。補用同知。直隸州知州。張掖縣知縣。姚近斗。精明穩練。心地樸誠。升用直隸州知州。大通縣知縣。劉存仁。持躬端謹。處事安詳。前署靈州知州。尹泗。才明守潔。躁釋矜平。莊浪

茶馬同知。韓梅。磊落光明。才堪肆應。洮州同知。景春。端詳謹慎。悃悃無華。各等語。以上各員。均著俟甘肅軍務完竣。再行送部引見。○又諭。穆圖善奏。特參庸劣之員。請旨革職。一摺。甘肅署永昌縣知縣。鄒文蔚。年少輕浮。嗜好過重。署西和縣知縣。陳光宗。才具平庸。辦事遲鈍。署金縣知縣。胡應泰。心地糊塗。不諳吏治。鄒文蔚。陳光宗。胡應泰。均著一併革職。○諭軍機大臣等。前任陝甘總督楊岳斌。前

任浙江提督。鮑超。從前辦理軍務。素著功績。均因患病。開缺調理。國家需才孔亟。如該二臣者。若令投閒置散。殊為可惜。著駱秉章。劉崑。察看楊岳斌。鮑超。曾否調治就痊。如果病體已愈。即著迅速奏聞。將此各諭令知之。○又諭。本日據御史崔穆之奏。稱近聞捻匪從沂。兗竄近省垣。屢思搶渡黃河。刻下又竄青州。李鴻章遠在濟甯。丁寶楨兵力單弱。賊匪狡焉思逞。難保不窺伺黃防。更恐梟匪乘河

冰凍合。句結渡黃。請飭李鴻章。迅督得力將士。與東軍合力會剿。丁寶楨嚴汰驕疲兵弁。申明紀律。以收殺敵致果之效。劉長佑厚集兵力。嚴扼黃河要隘。以固畿輔。各等語。捻逆肆擾東境。運河縱已布防。亟應速圖勦洗。並嚴扼黃防。以杜北竄。著李鴻章。劉長佑。丁寶楨。按照該御史所陳各節。斟酌情形。妥籌辦理。另片奏山東沿河一帶被淹甚重。請飭撥款賑撫等語。著丁寶楨迅速派員查勘被災

輕重處所籌撥款項妥為賑濟務須實惠及民母任胥吏中飽原摺片著分別鈔給李鴻章等閱看將此由五百里各諭令知之○又諭穆圖善奏甘省協餉久缺憑陳情形一摺甘肅現駐各軍應歸該省發餉者共有一百四十餘營之多所需糧石既難就地採辦應需餉銀本省亦無從籌款省臺及秦臺所收川湖等省解到之款杯水車薪計尚不敷一月支放之數現據該署督臚陳兵勇並應需糧餉數目及缺餉危迫情形所奏自非虛飾甘省餉缺已久飢軍譁潰堪虞若再不速籌接濟其勢將不可收拾著左宗棠按照穆圖善摺內所陳各情量籌接濟並著迅速撥銀前往以維大局左宗棠身任甘督自應及早赴任未便久駐陝省著將陝省捻匪速行殄滅俟軍務辦有頭緒即行馳赴甘境穆圖善原摺著鈔給左宗棠閱看穆圖善另片奏請將記名提督楊占鼐迅賜簡放等語楊占鼐

籌解糧銀接濟省垣固屬急公惟尚未卓著戰功著俟著有勞績時再行續請獎勵將此由六百里各諭令知之○又諭成祿奏官軍移營扼紮情形暨催解皮衣另調各員等摺片新疆到處糜爛亟盼大支勁旅早日出關為各路聲援疊次催令成祿攻拔肅州剋日出關乃該提督忽稱合圍忽稱兵單餉絀百端藉口希圖宕延此次又稱合圍周市王仁和黃祖淦等軍同心殺賊果如所奏肅城可有克復之機著即嚴督各將士銳意進取迅速攻拔整頓出關儻再事遷延定將成祿等重治其罪前諭四川先籌銀十萬兩限兩月解到成祿軍營現在解到之銀為數甚屬寥寥著該部嚴催駱秉章趕為撥解以濟飢軍肅州邊地寒冽士卒無衣禦寒殊形苦累甘涼安肅所屬各州縣攤派無面大皮襖一萬五千件著穆圖善嚴催各屬如數購辦解營以濟急需知府佑昌隨營出關既難得力著

穆圖善另委一員迅赴成祿軍營接辦糧臺事務平涼縣知縣徐楊文保並著該署督飭赴成祿軍營以資差委成祿另片奏高臺金塔解圍案內各員再請恩施等語此案於三月初二日諭令成祿將出力各員暫行存記俟肅郡克復後彙案保獎現在肅州未復該提督何得先行瀆請著仍遵前旨辦理將此由六百里各諭令知之○又諭蘇鳳文奏擊退龍州逆匪乘勝追勦並請將文武各員懲

處各一摺龍州匪首彭沅壠等糾黨窺撲太平郡城經蘇鳳文督飭鎮道各員疊次進勦攻破賊巢擒斬匪首多名郡城解嚴辦理尚妥仍著迅飭該員弁奮力進勦將龍州窰頭等處賊匪早日蕩平以除邊患在事出力員弁著蘇鳳文擇尤保獎毋許冒濫總兵李士恩勦辦吳逆股匪規取大虎巖正在相機進擊之際突有哨長韋日新戕官通賊情事該總兵移營退紮幾為賊乘庸劣無能已可概

見其平時募勇輕率更恐有侵餉貽誤情事記名總兵李士恩著即行革職提省查訊如有前項情弊即著從嚴叅辦其現存部勇既經蘇鳳文責令覃遠璉派員接管即著飭令該道員認真整頓俾成有制之兵覃遠璉有統領之責於哨長戕官通賊疏於防範亦難辭咎著摘去頂帶拔去花翎以示薄懲哨長韋日新侵蝕銀兩膽敢挾嫌將羅合盛刺殺密令叛黨勾賊應援實屬罪不容誅著趕緊

查拏正法以申軍律一面檄飭覃遠璉督軍將大虎巖踞匪殲除進兵歸順州節節掃蕩毋任遷延將此由四百里諭令知之○署河東河道總督蘇廷魁奏報秋汛安瀾命詣河神廟祀謝○予甘肅州州陣亡都司匡茂通等祭葬世職加等○予廣西大虎巖被戕遊擊羅合盛祭葬世職○旌表守正捐軀順天固安縣民盧玉山妻王氏○甲辰諭軍機大臣等前因麟興等奏遵議安插索倫人眾

請飭豫撥餉銀當經諭令戶部議奏茲據奏稱此項人眾令在科南之布爾滾地方暫為棲止既無專餉可供又無舊業可復自應籌撥銀兩以資生計前定新疆月餉九萬五千兩除酌撥庫克吉泰等軍營二萬五千兩外尚有七萬兩擬於此項內劃撥銀五萬兩以備應用等語著麟興榮全錦丕勒多爾濟李雲麟奎昌明瑤於前項餉銀解到時照數劃撥會同籌畫妥為布置並著裕瑞桂成遇有各省解到新疆月餉即速陸續轉運毋稍遲誤惟此項索倫人眾若以數萬餉需供一時之飽暖苟延目前後將何繼該將軍等親歷邊疆情形較為熟悉務將此次所撥餉銀五萬兩或購覓牛羊以為遊牧之計或開墾荒廠以為耕種之區總須覈實動用使該人眾有久遠生業可依方為妥善其如何籌辦情形即著詳細查明妥議章程奏明辦理至布爾滾地方是否可以久駐此外能否另有安

插之處並著一併奏聞將此由六百里各諭令知之○又諭穆騰阿奏探明匪眾乞降旋叛情形一摺烏匪在山東館陶地方赴提督傅振邦軍營乞降本月十九日仍由館陶竄往夏堡寺東南一帶復行叛亂至威縣之白古寺經劉景芳所部追勦殲斃甚多賊向威縣迤西竄去穆騰阿現擬合隊進勦著即檄飭劉景芳覘賊所向迎頭掩擊不可徒事尾追劉長佑近駐趙州與威縣相距不遠該匪若由威縣再竄樂趙勢必搶渡滹沱所派李昌運一軍未免單薄該督務當添調勁旅會同勦捕以期迅殄賊氛穆騰阿另片奏侍衛薩凌阿不洽眾情難期得力等語該員如實有劣蹟著該都統查明據實叅奏如僅因防守不甚得力即著飭令回京其所部交富山管帶以資統率將此由四百里各諭令知之○又諭文麟奏行抵玉門通盤籌備情形請飭撥軍火帳房副將蕭青雲請旨革職各摺

片。文麟於八月初二日督率後起馬步自高臺啟行。十五日已抵玉門。著卽激勵將弁相機前進。惟軍餉萬分缺乏。器械鍋帳均須添製。待用尤迫。而烏里雅蘇台所撥之餉迄今數月尚未解到。著麟興榮全錦丕勒多爾濟李雲麟將從前指撥餉銀趕緊如數籌措交迎提委員迅解文麟軍營。以濟眉急。文麟應辦軍裝皮襖後路糧運及目前餉糈等項既難在哈密就地設措。而遇事咨商陝甘總督

又恐緩不濟急。文麟擬請將安西敦煌玉門三處暫歸該大臣節制。以期呼應較靈。自不得不從權辦理。卽著照所請行。穆圖善務當飭令該州縣於文麟應辦一切事宜認真經理。毋得遲延推諉致誤戎機。一俟軍務稍鬆仍復舊章。以示限制。文麟由蒙古臺站馳遞摺報等件。屢有遲誤。著卽照所請由北路蒙古臺站巴里坤一帶往來接遞。麟興榮全錦丕勒多爾濟伊勒屯務飭各臺站遵照辦理。

以期迅速。肅州逆匪分竄玉門等處意在阻截文麟進兵之路。著成祿懌遵疊次諭旨迅克肅城。疏通道路。俾利師行。文麟所部軍火帳房均形缺乏。著麟興榮全錦丕勒多爾濟李雲麟在於庫儲內分撥五子礮二十尊。擡槍八十桿。擡礮四十桿。鳥槍二百桿。帳房二百架。火藥一萬斤。噴筒火彈火箭量為多撥。務須星速照數解運。以利攻剿。副將蕭青雲擾民侵餉險詐妄為。著卽行革職。仍責戴罪

罪自效。如再怙惡不悛。卽在軍前正法。以肅軍律。近日文武各員皆以新疆為畏途。一經指調率皆推諉不前。而後遇有指調出關人員。儻有藉詞規避。應如何議定處分以杜取巧之處。著吏部兵部妥議章程具奏。景廉現在行抵何處。著穆圖善等催令趨程前進。迅赴新任。將此由六百里各諭令知之。○以甘肅玉門縣城解圍。予通判恆齡以直隸州知州用。並賞花翎。知縣湯銘等藍翎。餘加銜升

敘有差。革臨陣不力參將白世泰職。予陣亡軍功李東陽等賞卹加等。○乙巳總理各國事務衙門奏美國使臣蒲安臣處事和平。能知中外大體。可否權充中國使臣。出使西洋。試辦一載。得旨著即派往。有約各國充辦。理各國中外交涉事務大臣。○追予江蘇婁縣陣亡知縣卞乃誦於松江府城建立專祠。○句到江蘇。江西湖廣情實罪犯。停決江蘇斬犯二人。江西斬犯一人。湖廣斬犯二人。餘五十一人予句。○丙午諭軍機大臣等。穆騰阿奏賊勢日熾。請撥東省馬隊進剿。並賊股已渡滹沱河。各摺片。覽奏曷勝焦急。賊騎僅百餘名。劉長佑所部兵勇不為不多。乃勦辦日久。不但不能殄滅。反令增至五六百騎。似此玩延貽誤。任令縱橫奔突。來往自如。裹脅日眾。勢將何所底止。東省捻股。時思竄渡黃河。設令梟匪句結蔓延。畿輔重地。何堪設想。劉長佑督辦此股。愈久愈疲。此次姑從寬典。儻

再日久無功。該督自問當如何懲辦。毋謂寬典長可幸邀也。懍之慎之。傳振邦統。兵防堵直東交界處所。不思勦辦賊匪。輒敢輕率受降。屢經諭令迎擊。不可招撫。乃竟顛倒荒謬。為賊所給。實堪痛恨。著丁寶楨嚴檄該提督。並東省地方文武實力堵剿。儻敢再蹈覆轍。即著嚴叅治罪。余承恩所部勇丁。既不得力。且恐有與梟匪句串情事。劉長佑當嚴飭該總兵認真稽查。不可專任該總兵以勦賊之事。致誤大局。吉林黑龍江馬隊到京者為數無多。尚未整練。穆騰阿請派此項官兵前往勦賊。應毋庸議。該都統現擬統帶威遠等隊前往進剿。本日已諭令神機營另派京營兵丁。前赴附京一帶更替駐防。俟此項兵丁到防時。即照穆騰阿所擬。將現駐防所各兵帶往前敵。與劉長佑所部合力兜擊。並著劉長佑於滹沱河迤南擇要布置。以杜回竄。劉景芳一軍尚能得力。著劉長佑飭令該總兵與

穆騰阿隨時策應。聯絡進剿。毋得稍分畛域。穆騰阿原摺片各一件。均著鈔給劉長佑閱看。將此由六百里各諭令知之。○又諭裕瑞桂成奏募勇營員。藉端嚇詐。按律定擬罪名。一摺。甘肅甯夏軍營副將劉錫海等赴歸化城等處買馬。所部把總楊致芳。輒藉招募練勇。在毛忽洞地方。強派鋪戶差徭。並喝令跟役。梁來慶將該鋪戶王玉清捆縛。勒索錢布車馬。實屬兇惡不法。著照裕瑞等所擬。即將

把總楊致芳。跟役梁來慶。按照軍律就地正法。以儆將來。劉錫海雖無知情。故縱情事。惟該員曾有沿途擄掠民人。字號駝馬。及搶奪巡路兵丁郭企宗馬匹。並將該兵丁髮辮拴於馬尾之事。著裕瑞桂成。按照總兵馬陞所報情節。並將現逃之兵丁郭企宗緝獲。審訊明確。咨會穆圖善。照例懲辦。近來各路軍營兵弁。不守營規。到處肆擾。若不從嚴懲治。何以肅軍令而安閭閻。嗣後遇有不法兵弁。即

著穆圖善裕瑞認真嚴辦。以資整飭。前經諭令穆圖善由內地招募勇丁。不得在口外濫招。著即懍遵。前諭毋許再赴歸化城率行招募。以杜流弊。並著於口外採買馬匹時。慎派妥員前往。免致滋生事端。將此由五百里各諭令知之。○又諭駱秉章奏番夷出巢滋擾。當經官軍擊退。一摺。越窩生番。勾結馬邊夷匪。竄至距雷波廳百餘里之谷堆地方。經駱秉章檄飭兵練土司等前往會剿。併力將夷

匪擊退。敗遁老巢。仍著飭令該廳文武各員嚴加防範。毋使此擊彼竄。將此諭令知之。○以勦匪無功。輕率受降。摘直隸總督劉長佑前任雲南提督傅振邦頂帶。○追予四川各屬陣亡殉難紳民江自然等暨婦女一千四百七十九名口。分別旌卹如例。○予四川羌海壩陣亡土司楊石金優卹如例。附祀雷波廳昭忠祠。○丁未諭內閣萬青藜等奏請改派稽察粥廠大員一摺。所有采育龐各莊兩

處粥廠著派大理寺少卿載馨鴻臚寺卿程祖誥分往接辦○諭軍機大臣等劉長佑奏梟匪在東省已降復叛回竄直境並撥兵防禦黃河各摺片匪首吳培基馬青和雖經誘斬而餘匪復聚至四五百人欲出口外逃生且向濬沱北渡該督當奮力督勦並催集所調馬隊與穆騰阿剋期兜擊務期就地殄盡以贖前愆不可縱令逸出邊外更成不了之局黃河水凍在即防守尤關緊要該督現將

劉景芳陳濟清所部步隊槍隊數營先行撥赴河防著卽飭令嚴密分守並與丁寶楨崇厚妥商布置以期周密劉景芳所餘馬隊仍當遵奉昨日諭旨飭令該總兵與穆騰阿所部各營聯絡聲勢合力截勦毋分畛域將此由五百里諭令知之○又諭英翰奏皖軍進抵郟城就地兜勦一摺捻匪紛擾山東濟南一帶趨向靡定李鴻章已派劉銘傳等三大支兵分路追擊惟賊騎飄忽必須多備遊擊

八〇〇
之師實力兜勦方可杜其奔突英翰前派程文炳一軍入東助勦尚能力顧大局該軍現既進抵郟城卽著檄令聽候李鴻章調度與淮軍聯絡策應合力截勦不得各懷觀望致誤戎機該逆南北奔竄其意總思乘間搶渡運河所有皖軍分防河岸仍當飭令嚴密扼守不可以賊蹤偶遠稍涉懈弛將此由四百里諭令知之○命鑲藍旗漢軍副都統富和赴直隸軍營隨同都統穆騰阿帶隊勦賊○補鑄廣西大灘巡檢印信從署巡撫吳昌壽請也○以直隸濬沱河疏防賊匪搶渡摘遊擊王永勝知州陸邦燧頂帶○予山東濟甯等處殉難候選同知曹伯揚等紳民婦女三百八十五員名口分別旌卹如例並予建祠○戊申諭內閣麒麟慶奏各州縣現辦交代請分限清釐一摺熱河各州縣交代前經諭令遵照新章一律辦理茲據麒麟慶奏稱熱河未完交代查照直隸章程分別新舊案量為變

通勒限清釐等語著照所請自同治六年七月以前作為舊案歷任遲延處分姑予寬免其同治六年八月以後作為新案即照現辦章程嚴飭各屬依限交收結報經此次立限清釐之後無論新案舊案均飭遵限清結儻該州縣任意延宕逾違限期著即查明叅辦毋稍寬縱○句到河南情實罪犯停決絞犯一人餘四十七人予句○己酉諭軍機大臣等穆騰阿奏梟匪搶過滹沱剽疾北竄衍秀

奏易州鄰境已有馬賊請飭督臣追勦各一摺梟匪於十月二十四日竄至保定迤西旋由容城西北折而東北穆騰阿督率各軍由北河驛跟勦即著嚴檄劉景芬及河間練軍合力搜捕務將此股醜類就地殄除昨據劉長佑奏該匪供稱欲出口外逃生該督當懍遵前旨與穆騰阿剋期兜擊毋得縱令逸出邊外致勦辦更難著手匪蹤極為剽疾難保不由東固等處旁竄青滄一帶再由舊路肆

擾著崇厚檄飭官軍嚴密防勦遇賊即擊以遏狂氛該匪竄至滿城安肅一帶係與易州接壤

陵寢重地關係尤為緊要衍秀已酌派兵勇相機防堵即著不動聲色妥為布置遵前一帶係出口之路且與古北口相近亦不可不妥籌扼截著鄭魁士派撥所練兵勇視賊所向會籌堵蕩薊州與馬蘭鎮相距非遙著寶珣先事防維毋令匪蹤擾及附近處所劉長佑

親督各軍勦匪遷延日久賊勢愈張現在該匪馬賊增至七八百人步賊增至三四百人儻再粉飾養癰任令徧擾畿疆或震驚

陵寢地面劉長佑自問當得何罪本日據神機營奏遵撥擡槍隊四百名交參將德元帶往霸州防守排槍隊四百名交護軍參領英廉帶往任邱更替內火器營防守聽候穆騰阿調遣等語即著飭令迅速起程以資厚集惟直隸兵力尚屬不敷兇勦應如何再行添調

官兵於近畿一帶分路扼堵之處。著神機營酌度辦理。將此諭知神機營。並由五百里諭知劉長佑。穆騰阿。崇厚。寶珣。衍秀。傳諭鄭魁士知之。○又諭李鴻章奏銘軍擊賊大勝。現督諸軍兜剿一摺。捻股自東竄青州後。復在安邱濰縣一帶盤踞搶掠。經劉銘傳督軍馳至。三戰皆捷。賴逆一股。擒斬殆盡。任牛各逆。敗向高密諸城一路南竄。數月以來。獲此勝仗。稍足以振軍威。所有此次出力員弁。准李

鴻章擇尤彙案請獎。毋許冒濫。賊匪初受大創。其氣漸餒。官軍當乘此聲勢。痛加剿洗。略一鬆勁。則賊匪養成銳氣。勦辦又難。李鴻章現已飭潘鼎新一軍會合劉銘傳追剿。而令郭松林楊鼎勳合軍一路。取道沂郯探蹤前進。期與劉銘傳程文炳等合力兜擊。卽著嚴飭各軍奮勇齊進。務將此賊聚而殲旃。丁寶楨亦當督率所部隨時策應。不得稍存膜視。賊若由諸莒直趨海贛南路運防。關繫緊要。

李鴻章當先期布置。以遏狂氛。毋稍大意。另片奏。知縣藐法逞兇。請革職拏問等語。劉銘傳在安邱接仗後。派令遊擊宇文建進城購辦軍糧。業經知會。何以城上復行開槍。將該遊擊轟斃。並誘拏都司劉長進等。搶去馬匹衣物。又將入城曉諭之人鎖押。並銃傷官兵四人。是否劉銘傳所部將士。另有騷擾地方激生事端之處。抑實係該官民等藐法逞兇。安邱縣知縣李舒翹著卽革職拏問。交丁寶楨督同臬司嚴行審辦。勒令將開槍戕官及誘拏弁兵搶擄馬匹衣物各犯交出。秉公審訊。按律定擬具奏。正在寄諭間。據丁寶楨奏。擊賊獲勝情形一摺。王心安等軍連日追賊在濰縣地方將賊擊敗。賊向東南奔竄。與李鴻章所奏賊情大略相同。丁寶楨恐賊由諸莒竄擾西路。已飭王正起等盡力窮追。偪賊南竄。該撫因西路黃防喫重。擬馳由省城察看。濰口利津一帶河道。卽著會商李鴻章妥

為布置。悉心辦理。事竣即趕緊回營。督軍勦賊。仍一面嚴飭楊飛熊等。探明賊蹤。與李鴻章派出之軍協力會剿。毋稍延誤。丁寶楨另片奏。梟匪乞降。復竄各情。前據穆騰阿奏到。已將傅振邦摘去頂帶。稍示薄懲。如遇該匪再行竄近東境。丁寶楨務飭該提督會合直軍盡力追剿。不准遷延貽誤。將此由六百里各諭令知之。○又諭左宗棠等奏擒逆竄入北山。分股狂奔。官軍截剿疊勝。並各軍勦回獲勝。甯州解圍。正甯等縣甫失旋復情形。各一摺。擒逆由鄜州境折向洛川。經提督劉厚基連番追剿。突圍劉厚填營盤。劉厚基出隊擊退。遂分竄甘泉。擾及宜川。縣雲巖鎮等處。其西路擒股。勾結回逆。攻犯耀州州城。及竄近同官縣各地方。亦經提督劉效忠等分馳掩擊。斃賊甚多。現在劉厚基等由宜川洛川等處分路前進。正可乘此聲威。痛殲醜類。著左宗棠庫克吉泰喬松年。劉典嚴飭劉松山

等。各率所部。分投勦截。使該逆不得喘息。就地殄除。惟擒蹤飄瞥靡常。鄜延所屬各邑。在與晉毗連。轉瞬冰橋凝結。難保其不合併東趨。過河犯晉。左宗棠等仍當懍遵疊次諭旨。督飭各營將士實力堵扼。毋任闖入晉疆。更形延蔓。甘肅回逆。攻撲甯州州城。都司李廣珠出奇擊賊。追斃多名。甯州得以解圍。涇州一帶。踞回復。經張在山分剿獲勝。正甯寶雞兩城失陷。譚玉龍楊和貴等先後分道援剿。旋經收復。此次回匪疊為官軍摧挫。其猷漸衰。著左宗棠等飭知雷正綰張在山等分督各軍相機進剿。以期早靖逆氛。陝甘回患已深。自應隨時變通辦理。左宗棠等呈遞曉諭。回民分別勦撫。告示兩件。尚合機宜。著即廣行張示。以消反側。將此由六百里諭知左宗棠庫克吉泰喬松年。並傳諭劉典知之。○予山東安邱被戕遊擊宇文建祭葬。世職加等。○予陝西宜君等處陣亡副將周萬祥等

十五員祭葬世職加等。

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十四

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十五

同治六年丁卯十一月庚戌朔

上詣綏履殿問

慈安皇太后安平安室問

慈禧皇太后安。至己卯皆如之。○奉

慈安皇太后

慈禧皇太后幸漱芳齋侍午膳○諭內閣總理

各國事務衙門奏請派員前往有約各國辦理中外交涉事務一摺據稱花翎記名海關道志剛樸實懇摯器識闕通道銜記名繁缺知府禮部郎中孫家穀老成勤謹穩練安詳

以之出使。洵堪勝任等語。此次出差。事屬創始。自應量示優異。志剛孫家穀均著賞加二品頂帶。孫家穀並賞戴花翎。卽派該二員前往。有約各國。充辦理中外交涉事務。大臣以重委任。○諭軍機大臣等。本日據穆騰阿馳奏。梟匪北竄。設法抄截。一摺。梟匪於上月二十八日。竄至涿州東南一帶。經知州張鎔帶領團練出城迎截。穆騰阿督兵追至。該逆由茨村竄越清河。向東南逃竄。該都統現已帶

兵折回固安。著卽確探賊蹤所向。迅速馳擊。總以由北而南。偏令南趨。毋任逸出邊外。是為至要。所帶馬步各隊。如有退縮不前者。無論官兵。著卽以軍法從事。苟能奮勇殺賊。亦著從優請獎。以示勸懲。劉長佑現在行抵何處。何以未聞跟追。亦並無奏報。逆騎竄近涿州。該督尚如此延緩。玩愒殊甚。著卽趕緊督帶所部。與穆騰阿會合夾擊。務期就地殄除。以贖前愆。儻仍前貽誤。則咎由自取。朝廷亦

不能再為寬貸也。賊蹤現擾順天府屬地方。萬青藜王榕吉當勤加偵探。並激勵鄉團。設法堵截。不可專以勦捕事宜。委諸各營將士。涿州知州張鎔甫經到任。尚未接印。卽能帶練出城截賊。尚稱奮勇。該州紳董踴躍從戎。深明大義。殊堪嘉尚。著萬青藜等查明出力紳董。奏請鼓勵。以昭激勸。將此由五百里各諭令知之。○又諭裕瑞桂成奏。蒙古官兵擊退越邊竄匪。趙長齡奏。布置河防情形。各一

摺。甘省回匪。有分股竄晉。搶掠並於封河時。由草地來包頭。歸化城之說。該匪既眾且悍。亟宜嚴防。以杜紛竄。沿邊一帶。地廣兵單。實有防不勝防之慮。宣化一軍。正在直省勦辦。梟匪無可抽撥。其察哈爾右翼距綏遠城較近之西四旗內。著杜嘎爾揀選精壯兵丁一千名。派令參領轍德恩圖都布巴扎爾畢都爾業副參領布音吉爾噶勒管帶。取道草地。迅赴綏遠城。聽候裕瑞等分撥協防。以厚兵

力昨據左宗棠等奏捻逆竄入北山經官軍分路截剿疊獲勝仗並分兵扼其偷竄黃河之路雖匪勢漸絀而沿河地段太長時須防其潛渡著左宗棠庫克吉泰喬松年劉典懷遵前諭嚴檄在事各軍實力殲除並於黃河口岸認真堵遏毋任擾越晉疆裕瑞等務當督飭在防兵勇時加戒備不可稍涉大意口外防餉積欠甚鉅值此防剿喫緊之際豈容稍有拖欠著趙長齡按月源源籌解毋令缺乏晉省防務經趙長齡督飭陳湜分籌堵禦尚稱完密天寒冰結處處宜防現在兵勇漸集仍著該撫檄令該臬司嚴督將士堵剿兼施以固邊防將此由六百里諭知左宗棠庫克吉泰喬松年裕瑞桂成杜嘎爾趙長齡並傳諭劉典知之○吏部議覆兼管奉天府府尹額勒和布等奏海防同知升階應請俟俸滿後以知府不論雙單月遇缺卽選惟升途既優應令該兼尹等嚴加考察如人地未宜

仍撤回改補從之○以江西捐輸軍餉永廣吉安府學額一名長甯縣十名○以湖北尹涇河等處勦辦髮匪出力賞提督宋國永唐仁廉譚勝達曾成武曹志忠蕭廷貴總兵官向世琛易有勝周得勝鄒連陞江自康徐連陞劉正同黃海清李世泰李雲峰蕭忠雲喻志興黃得勝馮友元副將汪迎順楊友勝龍藻琦劉盛國張魁元楊福勝王福彬孫得友何雲鳳曾騰芳賀昌佐管官文周新元劉天勝戴維新胡錫佑徐越宏王仕春張茂林羅有亮杜嵩齡龍太勝彭勝發鍾孝貴滿朝貴彭長勝姜世友韓義興張世興朱連陞唐桂森陳勝維黎承高彭德發戴美思尹茂才曾又得羅春芳王良俊李文盛李能壽蕭光友羅天貴鮑昌壽程扶鼎蔡文友道員許世福同知何應鍾周浩參將尹昌錦陳國珍萬昌喜申道發支廷傑胡玉祿袁冀祥鍾鎮南蔡孔昭韓景廷易定魁莫占春楊世春謝

國恩彭蘭書程正洪楊文先雷賢達張壽廷
羅宏榮陳洪恩周仁舫王明和李榮華丁鳴
岐傅永貴遊擊鄧世泰姚華璋邱顯銘蔣昌
品閭有貴易福元黃復興高得勝徐玉龍蔡
廷超都司吳雲貴譚清遠江德泰守備鐵珍
鄧友松千總唐占魁巴圖魯名號副將馬得
勝知府周成民等花翎參將馮建龍等藍翎
餘加銜升敘開復有差○辛亥諭軍機大臣
等前因提鎮員缺關係緊要特經寄諭各統

兵大員並各疆臣令將所保記名提鎮各員
另片密註堪以勝任字樣其實在不能勝任
者亦卽隨時具奏迄今遵行者仍屬寥寥軍
興以來各路兵勇有打仗出力歷保佐領參
副等官者續有勞績無可再加往往奏請以
副都統提鎮記名簡放朝廷破格施恩無不
立允所請而其人之材具識略如何究未能
概行深悉現在軍務未竣需才孔亟各營帶
隊將領並曾經記名副都統提鎮中如有材

具出眾謀勇兼優並戰功久著堪膺專閫之
任者仍著各路統兵大臣及各督撫等遵奉
前諭詳細出具考語隨時具奏以備任使或
未能驟膺專閫而材堪造就將來閱歷較深
尚堪勝任者亦著分別具奏各該員現在軍
營所司何職統帶兵勇若干或因事撤去差
委或緣事離營回籍者均著按季造冊送報
軍機處以備查覈其籍貫年歲履歷並著隨
時詳細造冊咨送兵部毋得延宕本日據喬

松年奏新授貴州安義鎮總兵曾桂四查無
下落等語該員向隸湘果營在川陝帶隊勦
賊是否現回湖南原籍著劉崐查明具奏將
此各諭令知之○以記名提督唐仁廉為貴
州安義鎮總兵官○壬子諭內閣李鴻章奏
官軍追賊大獲勝仗陣斃逆首一摺劉銘傳
一軍前於十月十七日在安邱濰縣之交擊
賊疊次獲勝逆匪賴汶洸一股殲除殆盡該
逆等敗潰向諸城南趨劉銘傳督軍追至日

照縣地方逆首任柱受傷奔至贛榆縣境劉銘傳追抵贛榆與善慶溫德勒克西等分路衝殺親督馬隊將賴汶洗牛遂兩股擊敗任逆率馬賊直抄官軍後路該提督復偕善慶嚴督馬步各軍大呼殺入槍斃任柱於陣中官軍勇氣百倍追殺二十餘里擒斬甚多據獲賊供稱任逆被槍子洞穿腰肋確已伏誅逆首任柱卽任化邦積年巨捻悍黨最多竄擾數省疊抗官兵實屬罪大惡極此次身被顯戮洵足申天討而快人心仍著李鴻章督飭各軍乘此聲威四面兜勦務將各匪迅圖埽蕩以竟全功直隸提督劉銘傳忠勇耐勞追賊迅速著加恩賞給白玉柄小刀一把火鏢一箇大荷包一對小荷包兩箇副都統善慶著加恩賞穿黃馬褂已革副都統溫德勒克西著開復原官仍交軍機處記名遇有副都統缺出請旨儘先簡放其餘出力各將弁著李鴻章飭劉銘傳等查明奏請獎勵○諭

軍機大臣等穆騰阿奏連日勦匪獲勝情形崇厚奏派隊協防黃河北岸擬與東省分段認防及現籌派隊防勦各摺片梟匪由涿州竄擾永清等處穆騰阿分飭各將士沿途兜擊十月二十九日該匪竄至霸州兩閒房地方經阿克敦孝順各率所部會同知州宋維光帶領團練擊敗復折回迎撲官軍連番追擊賊向三橫村德勝口一帶狂竄其各團練拏獲各匪均經訊明正法勦辦尚屬得手惟該匪趨向靡定現在意欲竄過渾河仍應乘機追勦以絕根株著穆騰阿嚴檄阿克敦等覘賊所向實力窮追毋稍鬆勁劉長佑現已繼至卽著飭令所部會合穆騰阿所派各軍互相聯絡以期前截後追就地殲滅崇厚亦當於渾河東北面趕緊設防並飭在防將弁遇賊卽擊毋任該匪乘隙偷渡又肆蔓延崇厚奏協防黃河與東省分段設防以專責成各情著卽相機布置並會同劉長佑飭知張

樹聲等認真防守。所籌防勦各節。尚屬周妥。著嚴飭鄧啟元、鄭明保認真巡防。不可稍形鬆懈。將此由五百里各諭令知之。○又諭張之萬奏六塘河分段扼守情形。及賊竄贛榆。並請撥清淮餉需各摺片。所稱六塘河扼守各營布置尚屬嚴密。現在捻逆由東省南竄。於十月二十二日。已竄至贛榆邊馬直抵城根。青口寨外。亦有賊馬數十騎往來游弋。清淮各軍布守河防。勢難抽調。李鴻章前於淮

縣之捷。已飭銘鼎兩軍會合追勦。並令郭松林、楊鼎勳取道沂邳。合力兜擊。計尚不至落後。著卽迅督諸軍乘勝齊進。務須再接再厲。使該逆不遑喘息。以遏狂氛。其皖營程文炳所部。卽著李鴻章、英翰督令會同淮軍併力殲勦。王正起等軍。偏賊南竄。並著丁寶楨飭令探蹤繼進。迅赴戎機。張之萬卽飭海州青口駐防水陸各營嚴密堵遏。與追師聯絡夾擊。現在河水未涸。清淮防務尚有把握。惟逆

蹤慄悍。張之萬務當通飭沿河各營。妥籌扼擊。毋任竄突。清淮協餉無著。張之萬以金陵釐局月協甘餉三萬兩之款。於本年十二月可將江海關借項抵清。擬自明年正月為始。於此款內勻撥一萬五千兩。以顧清淮餉需。下餘一萬五千兩。仍協甘省。著曾國藩斟酌緩急。妥為籌撥。以保完善。清淮軍事餉事。該督均須統籌兼顧。一切防勦機宜。並著隨時與張之萬悉心籌布。以臻周妥。正在寄諭間。

據李鴻章馳奏。劉銘傳、善慶等軍追賊至贛榆城南。大獲勝捷。槍斃逆首任化邦等情。追勦尚為奮勇。任逆為著名悍賊。現在兗渠授首。賊膽愈寒。布政使潘鼎新、貴州安義鎮總兵唐仁廉已先後由莒州日照向南兜追。郭松林、楊鼎勳由滕嶧徑趨邳沂。程文炳亦由邳城就近迎勦。著李鴻章迅催各軍倍道星馳。與劉銘傳前後夾擊。務須乘此銳氣。將該逆就地聚殲。毋任再行鉞走。又據崇厚奏。齊

河以下隄段縣長直省無兵可調東省僅有趙三元等水陸三營兵力單薄請飭李鴻章丁寶楨於封河以前撥兵防守齊河下游與張秋一帶直省防軍分段認守等語現在河防雖形稍鬆然轉瞬河冰凍結捻蹤靡定亦不可不豫籌著李鴻章丁寶楨將齊河下游妥籌備豫以專責成將此由六百里各諭令知之○又諭總理各國事務衙門奏遵議俄人越界情形請仍飭麟興等就近辦理一摺麟興等於俄人越界一事不欲與之通文會辦輒以行文該管邊界等官為失體行文該國又諸多窒礙為辭概委之總理各國事務衙門辦理不知勘界條約內本有與固畢爾那托爾等往來行文等語該將軍自應按照條約就近查辦乃俄人越界之先既不嚴為防範越界之後又不設法驅除至按約行文本該將軍應辦之事而亦推託不行麟興身任將軍守土是其專責乃於疆圉之事漠不

關心徒欲諉卸於人不知該將軍所應辦者究係何事實屬畏難取巧仍著麟興錦丕勒多爾濟榮全將俄人越界蓋房種地等情就近行文該國設法妥為辦理不得稍有貽誤原摺著鈔給閱看將此由六百里各諭令知之○以湖南湘鄉等處勦辦會匪齊匪出力賞知州劉鳳儀等花翎從九品謝長隆等藍翎餘升敘有差○追予江蘇江甯陣亡武舉文福等賞卹如例○予湖南湘鄉等處殉難監生謝徵岳等紳民婦女三十八名口分別旌卹如例○癸丑諭內閣前因直隸梟匪滋事直隸總督劉長佑未能迅速勦捕致令日肆蔓延疊經降旨將劉長佑革職留任並摘去頂帶以示薄懲乃近據穆騰阿奏報梟匪日漸北趨由涿州竄抵永清霸州等處雖經官軍及各州縣團練小有斬擒而以數百烏合之眾縱橫奔突且匪黨漸增至千餘實屬不成事體劉長佑身膺疆寄有負委任著卽

行革職交官文差遣委用責令帶隊自效以贖前愆○諭軍機大臣等本日已明降諭旨將劉長佑革職命官文署理直隸總督官文未到任以前所有近省防務及地方一切事宜著鍾秀妥籌辦理不可稍涉疏虞穆騰阿在霸州一帶勦匪獲捷正可乘勝進攻以絕根株聞該匪已竄過渾河該都統何以不跟蹤追擊著穆騰阿迅速進兵兼程躡勦毋令該逆喘息崇厚務當懍遵疊次寄諭酌度機

宜迅籌埽蕩劉長佑部下各營及所帶親兵仍著妥為駕馭協同勦洗會籌滅賊之方該前督受恩深重不准因奉有革職諭旨稍形諉卸致誤事機儻所部因管帶失宜滋生事端必惟劉長佑是問正在寄諭聞據劉長佑奏梟匪折向東南督兵會勦並籌備黃防丁寶楨奏趁趨江境現赴下游查勘黃防各摺片梟匪現由霸州回竄永清有趨過渾河擾及東安之信黃仁遺等均已跟蹤過河分道

追截著穆騰阿督率各隊會同直隸兵勇協力圍勦毋稍鬆勁穆騰阿崇厚當隨時飭令劉景芳劉祺等聯絡聲援以資得力黃防固屬緊要而梟匪飄忽靡常尤不可不迅速殄滅以靖畿輔著崇厚斟酌情形應否添撥兵勇之處妥籌布置丁寶楨所陳捻逆南竄情形與李鴻章前奏相同劉銘傳昨已追至贛榆復獲大捷將任逆殲斃恐該匪回竄東境丁寶楨仍嚴飭王正起等相機堵勦該撫現

已行抵齊河查視黃防即著妥為布置與直隸張秋以上防軍通力合作各專責成將此由六百里諭知穆騰阿丁寶楨崇厚並傳諭鍾秀劉長佑知之○又諭劉嶽昭奏官軍攻拔牛場地苗巢平遠州境肅清並擬進駐畢節取道入滇各摺片平遠州牛場地為苗匪巢穴山路險歧經劉嶽昭派兵攻擊並將另股援賊殲斃多名九月十四日飭軍由人頭山穴潛達賊巢賊匪倉卒驚覺官軍斬關而

進殺賊二千餘人當將牛場坵老巢全行政克生擒首逆潘先森等正法勦辦尚為得手逆首楊孔明是否燒斃仍著劉嶽昭確查嚴捕毋任漏網平遠全境肅清善後事宜尤為緊要著曾璧光飭令該地方文武實心經理岑毓英業已行抵曲靖所派兵勇先已到滇會垣人心應稍安定惟迤西賊勢猖獗楚雄等處軍事尤緊劉嶽昭仍當迅將白泥坵等處匪眾剋期掃蕩早日入滇毋得頓兵賊壘藉端延宕致滇事又生他變並著曾璧光速派兵勇至遵義清鎮等處接防俾劉嶽昭得調回原營以厚兵力將此由五百里各諭令知之○河南巡撫李鶴年奏邊防喫緊請將本屆軍政展限辦理從之○以大學士官文署直隸總督○以貴州攻拔牛場坵苗巢賞副將饒漢卿巴圖魯名號都司吳奇忠等花翎同知彭念宸等藍翎餘加銜升敘有差予陣亡守備謝德標千總田興金把總蕭成元

等祭葬世職○甲寅諭軍機大臣等戶部奏請飭濱臨江海各省解錢籌銅一摺前因銅斤缺乏鼓鑄當十大錢原為一時權宜之計行之日久不無流弊近來市廛行使暗中折減於國用民生均有未便惟欲規復圓法必須籌備制錢京師自通行大錢以來所有制錢大都運往外省若欲鼓鑄新錢又非二三年所能驟復戶部議令濱臨江海各省籌解制錢實為便捷之法前經譚廷襄函商湖北督撫擬於鹽釐項下酌提制錢由輪船運津據稱事屬可行此外如江西江蘇浙江廣東四省均有海船可通各該省釐金較旺自可一律提解著曾國藩郭柏蔭英桂馬新貽瑞麟蔣益澧李瀚章何璟劉坤一各於鹽卡釐卡收款內每年酌提制錢三十萬串由輪船裝運天津交崇厚擇地嚴密收存聽候提用酌提錢文准照銀價劃抵應解京餉其制錢一千合銀若干及運腳若干即著各該督撫

迅速議定具奏。所提之錢務須年清年款。以兩年為止。不准稍有短解。此項錢文即名為天津練餉。以昭慎密。不可稍有宣露。致令外來商民傳播都城有礙錢法。其湖北施宜等處向多銅礦。著該督撫飭屬招商試辦。酌抽礦稅。試行有效。即籌款收買商銅。以裕鼓鑄。並著妥議章程具奏。至濱海商賈向有販運紅銅條銅等項。應如何招商收買之處。並著各該督撫三口通商大臣妥速議奏。將此密

諭曾國藩英桂瑞麟李瀚章馬新貽郭柏蔭劉坤一蔣益澧崇厚並傳諭何璟知之。○又諭駱秉章奏援黔宜擇將帥一摺。黔省下游各匪兆琛李元度等勦辦一年。並無成效。劉崑前已令席寶田募勇萬人赴黔接替。並擬將前派援黔各營分別撤留。曾經諭令照辦。現據駱秉章奏請飭令總兵王永章已革提督成大吉與席寶田各募勇五千人赴黔。著劉崑斟酌情形辦理。或令王永章成大吉各

增募數千。或於席寶田所募萬人中分交王永章管帶。共成一萬五千之數。由席寶田等分統入黔。先將荊竹園賊巢攻拔。以次進至貴陽。所有援軍攻勦情形。仍由劉崑奏報。以一事權。李元度等各營應如何分別撤留以節餉需之處。仍著劉崑遵奉前諭辦理。遵義一帶賊巢。即著駱秉章飭令川防之安吉忠字各營。由綦南入黔。與遵義防兵合力先將廟壩等處匪窟攻拔。與楚師夾攻荊竹園老

巢。並著增調川兵數營。以厚兵力。劉嶽昭業已肅清黔西。現在移軍大定。惟滇省杜逆鴟張省城軍情甚急。著仍遵前諭。俟大定軍事稍竣。即統率所部赴滇。以顧大局。貴陽附近賊巢。駱秉章當飭川省援軍。由遵義一帶兼顧。曾壁光亦當籌兵與川軍兩面夾擊。並嚴防省垣。毋稍疏懈。黔省吏治敗壞已久。地方牧令苛擾閭閻。驅民從賊。深堪痛恨。曾壁光務當慎選循良。拊循綏緝。以固本原。貪酷各

員據實嚴叅重辦。不可稍事姑息。本日復據兆琛奏請陞見。並請獎卹出力陣亡員弁兵勇各摺片。兆琛前據劉崐叅奏業經被議。著劉崐飭令該員於軍事交卸後。卽行回旗。其奏請陞見摺一件。著劉崐給還。所保各員名。著劉崐覆覈具奏。如有實在出力者。仍著覈實保獎。駱秉章原摺。著鈔給劉崐等閱看。將此由五百里各諭令知之。○以鑲黃旗漢軍都統春佑兼署正白旗蒙古都統。○予貴州軍營病故總兵官羅有聲祭葬卹廕。○予貴州天柱陣亡參將雷得貴遊擊胡占元守備龔連陞千總嚴九華等祭葬世職。○撥直隸司庫銀一萬兩。解交東陵永濟庫備用。○乙卯宗人府呈進新修玉牒。

上詣乾清宮東暖閣行禮恭閱送

壽皇殿東西室尊藏。○諭軍機大臣等。神機營奏進勦接仗情形。請將帶兵觀望之員懲處。

並請嚴申軍律各摺片。副都統富和統帶吉林官兵。馳抵永清縣北閣驛。勦賊因兵數較單。與直隸帶隊官劉景芬約會同進。該副都統業將賊匪擊敗。跟追二十餘里。劉景芬並不出隊接應。該副都統所帶之隊為賊圍裹。致有挫失。劉景芳之隊近在咫尺。竟觀望畏蒞。坐視不救。迥出情理之外。深堪痛恨。著穆騰阿確實查明。嚴叅懲辦。毋稍徇隱。近來各路軍營於帶兵貽誤各員。每多姑息。隱庇以致兵懦將驕。釀成巨患。若不嚴申紀律。何以整飭戎行。所有直隸帶兵各員及所部各軍。如有觀望畏蒞。不肯合力勦辦者。卽著穆騰阿據實嚴叅。按照軍律懲辦。以儆情玩。該都統既有督帶之責。自當破除情面。嚴申紀律。以肅戎政。不得代人受過。儻稍有瞻徇。別經發覺。惟該都統是問。神機營原摺片各一件。均著鈔給閱看。將此由五百里諭令知之。○又諭李瀚章等奏婁雲慶一軍。現未整頓就

緒暫難速往東省一摺據稱婁雲慶開招各營半係霆營舊勇半係就地招募舊勇固須認真振刷新勇尤宜加意訓練曾國藩將霆營未撤之十四營以九營歸鄧訓誥統帶以五營撥交婁雲慶統領飭由樊城移赴黃州鄧訓誥尚無拔隊日期等語新勇訓練未成固難強之就道現在東省勦擒獲捷任柱被官軍轟斃賊氣已奪亟須多集兵力一鼓殲除著曾國藩檄催鄧訓誥統帶各營刻卽拔隊馳赴黃州會同婁雲慶將新舊各軍趕緊訓練務須紀律嚴明壁壘一新以備折衝之用並著李瀚章何璟轉飭婁雲慶俟鄧訓誥所部到齊迅卽整理就緒馳赴山東聽候李鴻章調遣不得遲誤李鴻章仍遵前旨飛速迎提以期多多益善早奏膚公將此由五百里諭知曾國藩李鴻章李瀚章並傳諭何璟知之○丙辰諭內務府乾清宮暫行供奉之文宗顯皇帝聖容著於此次恭送

玉牒赴盛京尊藏時敬謹一同送至盛京應行豫備事宜著由內務府行知各該衙門辦理○諭軍機大臣等劉長佑奏匪竄西南現跟蹤追勦一摺梟匪趨過渾河後竄撲武清復由河西務竄向東安之舊州劉景芬陳濟清黃仁遺均係追賊之員未見與賊接仗該員等究竟所辦何事殊堪痛恨昨據神機營奏稱富和於初四日在渾河南岸進勦劉景芬並不援應致有挫失業經諭令穆騰阿將劉景芬嚴叅懲辦此次劉長佑所奏則初四日之戰陳濟清亦帶隊追賊何以不就近策應顯有退縮不前情事著穆騰阿劉長佑會同查明一併據實叅奏直隸兵弁疲玩已極劉長佑現在尚未交卸仍當力圖整頓並將勦賊事宜認真經理不得稍存諉卸賊匪肆意奔突縱橫自如地方官聽賊往來竟同無事實屬不成事體劉長佑現已飭令南路各府州募勇一營實力堵勦嗣後該匪經過地方

該城文武如再畏蕙縱賊不思邀擊該管道府不能督飭所屬隨時堵禦卽著穆騰阿會同直隸總督將該道府一併據實嚴叅毋稍寬貸將此由四百里諭知穆騰阿並傳諭劉長佑知之○又諭左宗棠奏和厚兩營遇回失利並遏擒東竄情形暨騎賊闖入安塞縣城各摺片此次官軍進剿因山路險峻以致遇回失利傷損將弁多人雖經劉松山等尋蹤追擊而該逆業已遠颺其大股擒逆仍分擾宜川延長等處是回擒互為擾亂竄北竄東均未可定著左宗棠庫克吉泰喬松年檄催劉松山等軍分途抄截使回擒不得相結就地殲除劉典亦當督飭將士嚴扼洛川宜君一帶以遏逆蹤紛竄晉省河防曾經諭令趙長齡飭令陳湜妥為防範此時宜川延長一帶賊蹤麇集逼近河壩尤不可不加意嚴防著趙長齡傳知該臬司嚴督所部晝夜梭巡探明何路警急迅卽相機堵剿如因防守

不密致逆匪竄擾晉疆惟趙長齡陳湜是問左宗棠仍當隨時兼顧力保完善不得以驅賊出陝為了事前據裕瑞等有回匪欲於封河時由草地竄包頭歸化城之奏已令裕瑞等撥兵分防惟歸綏一帶兵力尚單著趙長齡迅催前調之太原大同兩鎮兵二千名趕緊前赴裕瑞軍營以資厚集裕瑞桂成務當於包頭等鎮要隘處所力籌堵禦毋任回眾乘閒內犯以致防剿益難勞山賊匪由膚施縣境闖入安塞縣城左宗棠已檄高連陞馳赴延綏一帶截剿著卽飭令該提督趕緊進攻毋令久踞該處失陷情形並著左宗棠查明具奏將此由六百里諭知左宗棠庫克吉泰裕瑞喬松年趙長齡桂成並傳諭劉典陳湜知之○予陝西宜川陣亡提督李祥和祭葬世職加等諡武壯附祀道員羅澤南原籍專祠○予陝西同官等處陣亡提督劉芳桂等祭葬世職○丁巳諭軍機大臣等穆騰阿

奏連日勦擊梟匪情形一摺。梟匪竄過渾河。擾及武清。穆騰阿派翼長富陞等馳渡渾河。由東北兜擊。該匪竄過西岸。向西南一帶逃逸。卽著穆騰阿嚴飭馬步各軍。盡力追勦。並著咨會劉長佑派兵合力截擊。飭令南路各府州募勇助勦。務期迅殄逆氛。另片奏請將在事人員酌保等語。此次賊由潯沱北竄。該將弁等未能迎頭扼截。致令竄過渾河。騷擾近畿一帶。雖小有斬擒。功過尚不足相抵除

在霸州接仗出力各員。仍准該都統擇尤存記。俟獲有大勝。彙案請獎。毋許冒濫。外各營中如有畏葸退縮之員。仍遵前旨查明參奏。本日又據崇厚奏請令富和總統各起馬隊。並籌備餉銀。撥給洋槍隊協勦一摺。富和前已飭令帶領新到吉林隊七百餘名。赴穆騰阿軍營。隨同勦賊。其餘吉林及黑龍江馬隊。俟全數到齊後。再行斟酌調遣。崇厚擬備餉需四萬兩。卽著照數備齊。聽候撥動。洋槍隊

一營。卽著撥給富和以厚兵力。直隸余承恩等軍。著崇厚咨行劉長佑。飭令實力會勦。不准仍前玩泄。穆騰阿亦當分撥兵旅。防勦兼施。不得任賊蔓延。將此各諭令知之。○又諭李鴻章奏潘鼎新一軍在海州上莊鎮擊賊獲勝。及現籌調度情形各等語。賊匪在海沭宿邨一帶盤旋窺伺。官軍業已厚集。正當乘此聲威。併力會勦。著李鴻章飭令劉銘傳等軍分路齊進。迅圖兜擊。並嚴飭潘鼎新督率

所部奮勇圖功。不得頓兵遷延。任意粉飾。致誤戎事。賊眾趨向靡定。張之萬當會商曾國藩。悉力豫備。毋令賊匪深入。擾及完善。英翰務飭皖省防勦各軍。加意堵擊。使賊無從奔突。庶可一鼓聚殲。此時賊有圖撲下游之勢。雖防軍已有準備。李鴻章仍當隨時偵探防範。毋稍大意。丁寶楨現在齊河。查勘黃防。著妥為布置。迅速肅事。仍督東軍會同勦賊。毋任該匪回竄。又致蔓延。將此由五百里各諭

令知之○又諭裕瑞桂成奏賊蹤逼近榆林河保一帶喫緊現撥兵前往堵遏各情一摺陝撿勢漸北趨神木府谷等處與晉之河保僅隔一河口外一望沙漠尤屬無險可憑裕瑞等現由包頭托克托城各防所抽撥官兵共五百名統交參將桓昌帶赴河保一帶著卽飭令該參將迅速前往毋稍延玩該將軍等仍當懍遵昨日諭旨與左宗棠趙長齡等悉心籌商相機布置並嚴飭所派將士於包頭等鎮要隘處所加意巡防不可稍涉疏懈一面飛飭馬陞確探賊蹤就現有兵力妥為堵禦將此由五百里各諭令知之○以記名總兵官郭寶昌為安徽壽春鎮總兵官○以江蘇贛榆殲斃逆首任柱出力賞佐領興祿副將唐定奎梁善明李長付趙懷業聶士成參將滕學義陳鳳樓吳宏洛遊擊丁汝昌巴圖魯名號免已革提督劉克仁遣戍以副將用餘加銜升敘開復有差投誠賊目潘貴升

以千總用並賞遊擊銜花翎銀二萬兩○予廣東陽江等處殉難武舉姚觀光等紳民婦女七千二百九十七名口分別旌卹如例○句到熱河直隸山東山西情實罪犯停決山東斬犯四人絞犯一人山西斬犯三人絞犯一人餘五十五人予卹○戊午諭軍機大臣等侍郎綿宜奏撫勇勦賊事宜並管見四條一摺梟匪竄擾畿疆日久未經撲滅現在劉長佑業經革職所部楚勇官文當善為駕馭並著責成劉長佑妥籌管帶實力勦賊毋任散渙無紀流而為匪並著嚴督領兵各員防勦兼施互相聯絡不可強分疆域各不相顧任賊竄逸至疆圻大吏與帶兵大員共辦一事尤宜和衷共濟不可互相觀望致誤戎機各營兵丁及所募之勇並著官文穆騰阿實力稽查勤加選練以收實效毋許濫竽充數綿宜原摺著鈔給官文穆騰阿閱看將此各諭令知之○己未諭軍機大臣等穆騰阿奏

賊匪南竄迎勦情形。請將薩凌阿留營。並請賞假各摺片。梟匪全股由雄縣南竄鄭州。經官兵截勦。該匪竄至任邱雙塔村等處焚掠。疊經官兵進擊。轟斃多名。復向高陽一帶奔竄。著穆騰阿飭令派出之官兵星夜窮追。設法邀截。並著官文於到任後。嚴飭直隸各軍實力會勦。務期四面兜擊。趕緊殄除。不得有名無實。穆騰阿因病暫時請假。現當追勦喫緊之時。仍著力疾從戎。不得稍涉懈弛。薩凌阿雖無別項劣蹟。惟既不洽眾情。帶隊豈能得力。著卽飭令回京。毋庸再行留營。新城鄉團齊隊迎勦。斃賊甚多。奮勇可嘉。著官文查明出力紳勇奏獎。陣亡練勇四十一名。業經穆騰阿給銀撫恤。仍著官文查明請卹。將此由五百里各諭令知之。○又諭。豐紳三壽奏。詳查甯夏滿營情形。並請挑補馬甲各摺片。甯夏滿城自經兵燹之後。兵丁缺額甚多。房屋坍塌。馬匹倒斃。與夫軍械之遺失。庫儲之

虧短。均係實在情形。自當整頓復還舊觀。惟餉項尚未充足。地方彫敝太甚。止可從容籌辦。逐漸清釐。滿營空缺。既無閒散壯丁可以挑補。而京旗及各省駐防道里又遠。添撥較難。著俟全省稍就肅清。糧餉充足。再行設法撥補。以實營伍。官房軍械兩項。既據該署將軍等奏稱。尚可通融敷用。卽著暫行設法籌辦。俟餉銀充裕。再行分別修理製造。其馬匹短缺過甚。著俟晉省餉項撥解較多。卽當趕緊買補。以備操防。通益庫公項。從前發商息銀。應如何催收。並當年本銀現歸何處。著穆圖善轉飭該府州縣地方官查明辦理。務須公項有著。俾資辦公之用。所請將馬甲空缺於步甲養育兵內擇其十歲以上者挑選借補。著豐紳等酌奪餉項辦理。將此諭知穆圖善。豐紳。並傳諭三壽知之。

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十五

光緒二十三年

事

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十六

教作

同治六年丁卯十一月庚申諭軍機大臣等

蘇廷魁奏請添撥歷年節省防險銀兩並搶
護下南廳險工各摺片黃河南岸之上南中
河北岸之洋河下北各廳防險工費自同治
二年改章後約於歷年節次奏撥外計省銀
一百萬兩現在兩岸險工疊出若待來年三
四月間籌費辦料恐誤事機蘇廷魁擬於節
省項內提銀十六萬兩以四萬兩先就各廳
臨黃要區加幫培築以十二萬兩按各廳有
工各堡益以額撥將應辦正雜物料於歲前

上緊辦足。自係為工程緊要起見。除該署河督業經先商酌撥外。著李鶴年卽飭該藩司按照添撥銀數。於年前先撥六成。下餘四成。至春汛前同額撥銀兩分投撥交。毋得藉詞推諉。致誤要需。惟此項銀兩到工。蘇廷魁務須督飭各廳認真經理。如有不肖工員。從中偷減。卽著從嚴叅辦。至下南河廳無工處所。猝生奇險。尤當設法籌防。著蘇廷魁卽飭在工各員分投搶護。餘著照所議辦理。另摺奏。

藩庫籌餉維艱。請飭催蘆東兩淮商欠幫價生息銀兩。分次迅解等語。長蘆山東兩淮各商共欠解河工銀至二百三十六萬餘兩之多。蘇廷魁請令蘆商湊銀五萬兩。東商湊銀二萬兩。淮商湊銀十萬兩。以顧要工。著官文曾國藩丁寶楨督飭各該運司卽照該署河督所指銀數。嚴飭各該商人年內如數交清。迅解河南酌歸司庫墊款。湊發現在幫價。以後應解息銀。仍責令分季批解。年清年款。不

准稍有帶欠。其以前陳欠。並著飭令各該運司查明。分次彌補。經此次變通之後。各該商人仍前拖欠。卽著從重叅追。如各該運司等催繳不力。卽著各該督撫咨部嚴定處分。以專責成。將此由四百里各諭令知之。○又諭左宗棠奏覆陳甘肅餉事。通籌陝甘全局。俟軍行入甘。卽當接篆任事。並西甯撫局難恃各摺片。據稱穆圖善現飭林壽圖撤西安糧臺。悉以餉事歸秦安糧臺。又分撥山西河東

協餉。歸雷正綰委員守催。而以涇軍餉事寄之雷正綰。恐涇軍先存疑慮。若令慶涇各軍概取給於秦安糧臺。又鞭長莫及。且用兵西北。必多籌運道。以備不虞。似此專注漢中秦安一路。設有梗阻。必至貽誤等語。所籌深中竅要。現設西安之甘肅後路糧臺。卽著左宗棠飭令林壽圖妥為辦理。毋庸遽議裁撤。其甘肅改設之臺。卽責令就近轉輸川湖餉米。以資撥運。穆圖善務將甘軍覈實察驗。擇節

支用綜計每月約實需餉糧若干咨明左宗棠商辦左宗棠亦當彼此兼顧源源接濟俾免譁潰之虞甘軍雖有一百四十營之多據左宗棠奏稱楊岳斌去甘之先多已逃潰現在存勇斷不及半著穆圖善切實查覈毋任各營官按籍索餉致涉虛冒各營兵丁缺額暫時毋庸添募以節餉需左宗棠速將擒逆勦除並陝甘交界之回節節掃蕩馳赴甘境將該省兵餉勦撫各事宜實心籌辦以副委任並著穆圖善俟左宗棠入甘後即將總督關防派員齎送該督軍營八月十六日河狄回逆叛圍蘭省情形著穆圖善據實查奏仍隨時與左宗棠面商妥辦左宗棠奏喬松年接據總兵黃武賢函稱西甯危殆情形撫局已有不能敷衍之勢著穆圖善查明據實具奏仍一面咨照玉通會籌辦法以遏亂萌黃武賢原信著鈔給穆圖善閱看將此由五百里各諭令知之○予江蘇各屬陣亡殉難官

弁通判潘嘉會等暨紳民婦女二千九十三員名口分別旌卹如例○辛酉諭內閣前因兩廣總督瑞麟奏參廣東巡撫蔣益澧任性妄為藩司郭祥瑞朋比欺蒙等款當經諭令吳棠馳赴廣東會同慶春查辦茲據吳棠等逐款查明覆奏一摺此案蔣益澧擅提廣東軍需局款代廣西清還舊欠並於藩運兩司籌送公費批准如詳辦理總督專政之補署營缺越俎咨商及會銜入告之案並未與瑞麟商定率行會列前銜均屬不合郭祥瑞於蔣益澧劄提軍需局款並未查明應否給發擅動庫款籌解並違例支給幕友修金詳委不合例之人代理府州員缺其籌送蔣益澧公費一案於會詳後復又另詳巡撫增入奉有總督面諭字樣並商令運司方濬頤於運庫之款又復會詳實屬遷就迎合廣東巡撫蔣益澧濫支帑項違例任情署布政使按察使郭祥瑞顯違定例見好上官均著交部嚴

加議處。鹽運使方濬頤會銜詳送蔣益澧公費。亦有不合。著交部議處。除蔣益澧支發軍需正雜各款。著該督撫嚴飭軍需局趕緊分別造報外。其提過代還廣西欠餉銀六千六百七十餘兩。著蔣益澧先行如數繳出歸款牙釐沙田兩局。濫支撫署幕友修金歲資兩款。著由經放之員賠補。違例代理之肇慶府知府郭式昌。羅定州知州戈聿安。均著飭回浙江原省。參將謝茂勝等三員。著由瑞麟隨

時察看。如不勝任。卽行叅撤。督署幕友劉元道。張文鑑。雖查無實在劣蹟。仍著瑞麟留心稽察。毋得徇庇。知府鄭夢玉密保之案。係由蔣益澧聯銜奏請。瑞麟並未書奏。著卽行更正。鄭夢玉著卽撤任。其軍需牙釐沙田各局。係由藩司專政。所有會辦之司道各員。著加恩免其查取職名。瑞麟於郭祥瑞等籌送蔣益澧公費。及郭式昌等代理員缺。均經先後批准。蔣益澧咨商補署武職各缺。亦皆如咨

照辦。均未能當時拒絕。亦屬不合。著交部察議。仍著該督撫等將現存水陸勇丁酌量覈實減撤。嚴飭地方官會同營員整頓捕務。以裕餉源。其裁撤之湘軍。著由蔣益澧遴派委員管帶回籍。以免滋擾。○安徽巡撫英翰奏。賊蹤由山東回竄。現飭征軍由郟城迎勦。得旨。捻蹤現竄贛榆一帶。該撫仍當懍遵前旨。檄飭程文炳等聯絡淮軍。會合勦辦。其運防各營。並著飭令實力梭巡。毋稍疏懈。○署河

東河道總督蘇廷魁奏。賊擾東境。河標弁兵正在防堵。請將本屆軍政展限辦理。從之。○署察哈爾都統杜嘎爾奏。遵派協防綏遠城馬隊官兵。並籌給器械。剋期起程。得旨。著照所請。妥為辦理。此時綏遠防務喫緊。仍當嚴飭各該管帶官迅速前赴。以資厚集。○以翰林院侍讀松桂侍講奎潤。充日講起居注官。○以安徽宿遷等處勦辦捻匪出力。賞在籍員外郎邊懷曾。參將李華東等。花翎千總黃

國寶等藍翎餘升敘有差○旌表守正捐軀安徽績溪縣民程光輔妻胡氏○壬戌

聖祖仁皇帝忌辰遣官祭

景陵○

上詣

壽皇殿行禮○諭內閣正白旗滿洲奏倉員玩懈請飭查叅暨查旗給事中景雲查倉給事中謝增奏叅監督曠誤各一摺祿米倉應放本月正白旗滿洲甲米業經恭親王等行文

定於十二日辰刻赴該倉支領何以屆期倉門封鎖並無一人看守該倉監督亦並未在公所住宿玩懈已極實屬不成事體是否花戶人等另有舞弊情事著倉場侍郎確切查明據實叅辦毋稍徇隱並著派存誠阜保卽日前赴祿米倉認真盤查如有短缺情弊卽行嚴叅其該旗應領本月甲米卽著戶部另行割倉趕緊開放○諭軍機大臣等劉長佑奏追擊梟匪獲勝賊蹤南竄並陳濟清追賊

情形各摺片梟匪竄擾固安經鄉團官軍合力兜剿該匪竄至高陽復為官軍截擊現已由蠡博一帶竄至定州著官文卽飭令劉長佑督率所部實力窮追並嚴檄各隊會合追截不得仍前玩泄其南路各府州地方文武亦著官文嚴檄該員督率勇團擇要堵禦毋任該匪肆行旁竄穆騰阿亦當督飭所部分路扼截以杜北竄總兵陳濟清於富和與賊接仗時並未擊賊竟敢捏稱與劉景芬兩路包抄日前神機營奏據各路探報及富和所稟與劉景芬約會應援並未出隊接應確鑿可據陳濟清既與劉景芬同追此賊是其遷延觀望與劉景芬相等耳目切近之地尚敢如此掩飾尤屬可惡著官文穆騰阿嚴切查明確實叅奏毋稍徇隱劉長佑原片均著鈔給閱看本日據神機營奏陳管見一摺所請令馬隊專力追賊步隊分紮要隘截擊並輪番會合馬軍遞相更替援應各節著官文穆

騰阿會籌辦理並著申明紀律如有畏葸不前貽誤事機者卽著嚴參照軍法從嚴治罪直隸勇隊如再有擾害地方者卽著嚴拏正法劉長佑所部楚勇仍著嚴加管束地方舉辦團練官文當飭各牧令斟酌機宜務須操縱得當毋滋流弊又據御史周恆祺條陳勒匪機宜各摺片與神機營所奏大略相同並所請重懸賞格豫籌糧儲稽查奸匪接濟賊馬並精選將領各條均著官文穆騰阿籌畫

辦理神機營原摺一件並周恆祺原摺片二件均著鈔給官文等閱看正在寄諭聞據穆騰阿奏匪由高陽向西南一帶竄逸並請撥黑龍江馬隊官兵暨請將帶兵官革職各等語現在賊已竄至定州一帶著穆騰阿飭令馬隊各軍視賊所向星馳追剿以期痛殲醜類不得駐紮固安涿州等處徒事株守步軍各隊著進紮西南各要隘儻遇賊匪回竄務當分投截擊不容懈弛至直隸練軍各營仍

歸官文節制調遣合力夾擊以期呼應較靈富和所部馬隊官兵馬匹間有疲瘵著穆騰阿飭令該副都統趕緊整理前進不得藉詞耽延黑龍江馬隊俟到齊時卽著神機營酌撥該都統軍營與吉林馬隊合軍進剿遵化練軍管帶官溫積桂勒匪不力著卽行革職仍責令帶隊勒賊以觀後效將此諭知神機營並由五百里諭令官文穆騰阿知之○又諭李瀚章奏霆軍營官吞餉滋鬧火藥局失

火暨新授藩臬兩司各飭赴本任等摺片管帶霆營武員史宗興等剋扣餉項以致兵勇鼓譟游勇乘機搶掠幾致釀成事端現將滋事勇丁正法後尚能安靜仍著曾國藩李瀚章嚴飭婁雲慶宋國永鄧訓誥等將各營勇丁妥為鈐束毋令再蹈從前覆轍餉需等項尤須秉公支放不得絲毫剋扣以安眾心記名總兵史宗興總兵陳由立記名總兵楊謙萬鄒連陞均係提鎮大員擅敢於軍餉任意

染指情殊可惡均著先行革職徹底審究再行從嚴叅辦湖北省城火藥局不戒於火該局附近人民猝遭此災情殊可憫著李瀚章籌款撫恤毋令失所新授湖南布政使李榕湖北按察使王文韶均著李瀚章飭令先赴新任俟各該省防務告竣地方靜謐再行來京陛見將此由五百里各諭令知之○以湖北省城火藥局被焚革巡檢張士衡守備萬年青職○癸亥諭內閣英翰奏現丁父憂請

開缺回旗一摺英翰向在安徽帶兵有年頗資得力自簡任巡撫以來辦理防勦事務調度均合機宜現值擒匪南北奔竄皖軍協守運防及出境援勦一切均關緊要未便遽易生手致誤事機墨經從戎古有明訓英翰著無庸開缺賞假一月經理喪事遇有緊要軍務仍當妥為籌辦假滿後作為署理安徽巡撫俟軍務告竣再行扶柩回旗補行穿孝該撫當體全革無避之義移孝作忠以副委任

安徽巡撫著張兆棟暫行護理○又諭左宗棠奏請將藐法潛逃之員弁查拏正法等語勇目副將潘楚棠參將汪得勝胡俊升遊擊程天錫鄭祖虎李獻廷均因軍功存保至二三品武職輒敢藐玩軍律相率潛逃實屬目無法紀著湖南江西安徽各巡撫嚴飭地方官一體嚴拏務獲訊明後卽行正法以肅軍律所有該勇目等厯次保案卽著一併撤銷○諭軍機大臣等丁寶楨奏查明黃河北岸

形勢繪圖呈覽擬籌分段守凍並整練東省馬隊各摺片黃河自齊河至海口共五百七十餘里該處陸營防兵僅止莫組紳張得魁兩營水路防兵僅趙三元礮船三十餘隻為數過單轉瞬河冰堅凍車馬皆可通行現在捻蹤已回竄諸城意欲由青州竄向濟南一帶運黃兩防勢均喫重李鴻章所部兵力較厚著勻撥南路運防各營移紮北路並著官文崇厚添籌防黃兵勇勻撥齊河迤東與東

省諸軍聯絡接防以固大局。丁寶楨亦當添籌兵勇。密布河岸。期與直軍相接。不得以本境防務。專誣諸各路。現值事機孔迫之時。若再往返籌商。藉詞推諉。必至貽誤大局。李鴻章等務當懍遵諭旨。迅籌辦理。前據李鴻章奏請令丁寶楨將東省各軍。在青濟一帶梭巡。以備賊蹤北竄時。迎頭截擊。為黃河南路屏障。曾經諭令丁寶楨照辦。並令於省南附近之處。兼顧乃該撫昧於機宜。竟令東軍遠涉沂境。既未能追擊痛斃。又未能扼其回竄。徒事奔馳。毫無實濟。現在賊之邊馬已近諸城。王正起等軍甫行由沂回追。已落賊後。王成謙之取道穆陵關繞截。恐亦勢不相及。楊飛熊一軍。兵數較單。豈能扼阻西北。著該撫相度機宜。多撥前敵數軍。繞由濟南附近一帶。向前迎扼。務須由西而東。以顧黃運兩防。不可徒以追逐為能。致誤全局。劉銘傳等軍。仍著李鴻章嚴檄北來。實力勦擊。不得專顧

南路。置北路軍情於不顧。吉林黑龍江馬隊現已全數到東。此項西丹調集非易。該撫務當認真訓練。俟此軍技藝精熟。馬匹驍壯時。審慎用之。不可輕於嘗試。挫其銳氣。帶隊營員。有沾染習氣者。該撫即隨時更易。勇丁中。有不遵約束者。即著按照軍律懲辦。黃河圖一件。著留覽。將此由六百里各諭令知之。○又諭左宗棠奏捻逆連陷延川綏德兩城。回逆同時狡猾。自請嚴議。並續陳籌辦米捐情形。各一摺。捻匪由延長竄陷延川縣城。前股由清澗直趨綏德州城。亦被竄陷。鳳汧一帶。回氛復熾。亟應迅籌勦辦。劉松山等軍已由宜川延安進剿。即著左宗棠喬松年庫克吉泰。檄飭劉松山等分途截剿。將失守各城。迅圖攻克。劉典亦當派兵進剿。力遏賊氛。延綏各屬與晉省僅一河之隔。處處可渡。著趙長齡仍遵前旨。嚴飭陳湜兼顧。督率在防各軍。加意防範。將西岸船隻盡數提過東岸。毋令

擾及晉境致干重咎。河曲保德一帶尤關緊要。左宗棠已飭總兵馬陞撥兵一千名與陳湜所部親兵前往防守。並著趙長齡飭令該臬司等勤加偵探。加意嚴防。毋任一匪竄越。其闖入安塞之匪。現向真武洞竄走。恐由甯條梁邊外竄犯包頭。與花馬池等匪互相勾結。左宗棠已飭令陳湜騰出大同防軍前往包頭堵禦。並著裕瑞桂成趙長齡檄飭帶兵各員。確探賊蹤。妥籌布置。毋任該匪闖入。左宗棠務當妥為布置。責令帶兵各員。由東北徧向西南。以期力保完善。鳳隴等處回氛猖獗。甘肅回匪乘機竄擾。意在與捻匪相結。牽掣官軍。著左宗棠嚴飭楊和貴等與黃鼎等軍合力夾擊。並將鳳翔及洛川白水等股迅籌剿滅。毋任蔓延為患。致難辦更難得手。左宗棠統兵剿捻。任令該匪竄陷延川綏德兩城。殊難辭咎。著加恩改為交部議處。所請籌辦捐米章程。卽著照所請辦理。將此由六百

里諭知左宗棠庫克吉泰裕瑞桂成喬松年趙長齡並傳諭劉典陳湜知之。尋吏部議左宗棠應降二級留任。事關軍務不准抵銷。從之。○吉林將軍富明阿等奏查明喀喇沁等蒙古越界種地。現擬設法安置。得旨著理藩院轉飭該王公等按照富明阿所擬章程妥為辦理。其餘未盡事宜。仍著富明阿詳細籌辦。○予江西各屬陣亡殉難縣丞曹安清等紳民婦女二千九十四員名口分別旌卹如例。○句到本年朝審情實罪犯停決絞犯一人。餘四人予句。○甲子

上奉

慈禧皇太后

幸漱芳齋侍午膳。○遣官祭

先醫之神。○諭內閣翰林院編修林天齡著仍在上書房行走。照料孚郡王讀書。○又諭本年各直省辦理秋審人犯經刑部由緩決改情實者。河南省有九起之多。該撫並臬司

於秋讞重犯未能詳審覈議著交部查明分別議處嗣後各將軍府尹督撫等務當督同所屬遵照定例酌覈案情悉心究擬固不可失之刻覈亦不可惑於救生不救死之說故從輕減總期執法持平無枉無縱用副明慎用刑至意將此通諭知之○又諭前據穆圖善奏已革甘肅河州鎮總兵李助發守城擊賊請撤銷永不敘用字樣仍革職留營當經降旨允准茲據兵部奏稱凡永不敘用人員

前已奉旨不准開復若此端一開必啟劣員鑽營之漸等語所有李助發永不敘用之案著毋庸撤銷以符定例嗣後各路統兵大臣及各省督撫仍著懷遵歷次諭旨不得將此等永不敘用人員違例濫行保奏○又諭巡視中城御史和琨御史畢應辰奏查出盜用印信自行檢舉一摺據稱接吏部文稱書吏邢德成等既經斥革是否懸缺當即檢查行文號簿並未行過此件顯有盜用印信捏造

文書情事等語著和琨等將盜用印信人犯確查嚴拏懲辦和琨畢應辰失於覺察現據自行檢舉均著交部議處○諭軍機大臣等官文奏勒匪獲勝並暫行進省妥籌勒辦等語梟匪由高蠡奔竄定州經余承恩等追至曲陽縣境小有斬擒該匪由新樂渡河向東南敗走即著官文嚴飭各軍四面兜剿毋令匪蹤紛竄官文進省後就近確探賊蹤與穆騰阿劉長佑速籌會剿並將省城附近防務

妥為布置一切應辦事宜均須力求整頓以副委任定州等處擊賊出力員弁著官文暫行存記俟全股蕩平再行彙案請獎本日有人奏稱總兵劉景芳之父劉坤儀素以窩賊為事欺壓鄉民劉景芳所部多係梟匪與賊相通該總兵不能約束反多徇縱其弟劉景芬不遵調遣縱兵搶掠各等情如果屬實何以肅軍律而靖閭閻著官文按照所參各節逐細訪察據實奏奏毋得稍涉瞻徇劉景芳

等所部應否另派得力之員管帶及如何簡閱裁汰之處並著豫為籌畫奏聞辦理原片著鈔給閱看將此由四百里諭令知之尋奏遵查劉景芳所部練軍尚無通賊情事劉坤儀劉景芬亦無欺壓鄉民縱兵搶掠各情均請無庸置議報聞○又諭李鶴年奏豫軍馬隊追賊槍斃任逆並西北兩路防堵情形暨襄城匪徒滋事現飭查辦各摺片善慶一軍前同劉銘傳在贛榆地方勒擒疊勝槍斃逆首任柱已據李鴻章奏報獲勝情形並將該副都統獎勵矣擒股現由蘭鄭竄近諸城難保不搶渡運河希圖旁竄李鶴年已飭張曜宋慶布置運防著卽檄飭該總兵等加意防守並偵探賊蹤與淮軍聯絡聲勢杜其鉅走之謀張逆盤旋於延綏一帶非東走晉疆卽南入豫境該撫務令馬德昭等擇要扼紮以備不虞梟匪近擾定州豫省彰衛各屬相距非遙河北之防尤為喫緊卽著嚴飭總兵楊

長春等督率兵勇晝夜嚴防毋任該匪猝乘致滋延蔓襄城匪徒程岱等因築寨啟釁率眾攻撲該縣城關放火延燒民房不法已極雖據該撫奏稱該縣追獲匪犯數名而匪黨程法寬等紛紛南竄必至別生事端著李鶴年檄令總兵崔廷桂會同該縣趕緊拏務期淨絕根株毋貽後患將此由四百里諭令知之○又諭前據麟興等奏安置各旗遊牧事宜請簡辦事大臣仍擬裁撤塔城官員棍噶扎勒參擬赴烏城李雲麟奏患病屬實並請將松壽簡用各摺片當諭令原議王大臣等會議具奏茲據惇親王等奏稱該十蘇木未經移完眷口已於九月間西移均陸續至噶扎勒巴什淖爾一帶土爾扈特汗布彥烏勒哲依圖亦於九月間抵該喇嘛行營其旗下五十蘇木餘眾亦均隨後移徙辦理已稍有就緒但事關創始該喇嘛一人誠恐難期周到該將軍等請仍照前議添設辦事大臣

自因目前事機不容稍緩請卽照准等語著卽照該將軍等所請設立辦事大臣督率該喇嘛經理卽在布倫托海適中之地建署治事均著照麟興等原摺所籌妥為安置惟新設辦事大臣員缺事多草創非才具練達深明大體之員難期勝任李雲麟熟悉情形辦事勇往本日已明降諭旨命李雲麟為該處辦事大臣兼理塔爾巴哈台事務並調明瑤為幫辦大臣矣李雲麟並加恩賞給副都統

銜該大臣受恩深重務當力疾從公督率棍噶扎勒參將所籌事宜實心經理以副委任塔城舊有官員卽全行裁撤以免兩歧日後各旗遊牧應如何分定疆界著李雲麟酌度辦理新設之缺卽作為布倫托海辦事大臣幫辦大臣以專責成所請鑄給關防一切經費與未盡事宜已令各該衙門妥籌辦理李雲麟等任事後所有應行籌辦事件並著隨時具奏李雲麟所保松壽一員現已因病出

缺著理藩院另行酌保通曉蒙古及唐古特托忒語言文字司員帶領引見候旨發往作為辦事司員以資任使將此諭知理藩院並由六百里諭令麟興李雲麟明瑤知之○新設布倫托海辦事大臣幫辦大臣各一缺賞庫爾喀喇烏蘇領隊大臣李雲麟副都統銜為布倫托海辦事大臣調科布多幫辦大臣明瑤為布倫托海幫辦大臣○賞己革雲貴總督福濟頭等侍衛為科布多幫辦大臣○

以恭修

玉牒告成予提調官宗人府副理事官載英等加銜升敘有差○以湖北襄河防勦出力予協領湯蘇霖慶以副都統簡放餘升敘有差○免兩浙橫浦浦東袁浦青村四場上年竈課十之一○乙丑諭內閣李瀚章奏甄別庸劣武職一摺湖北提標中軍參將劉攀桂氣體輒弱弓馬無準鄖陽鎮標中營遊擊翟萬林年力就衰難期振作均著勒令休致遠安

營中軍守備張岐榮營務不治弓馬生疏著卽革職以肅營伍○又諭喬松年奏革員投效軍營請飭歸案審訊等語已革副將敖天印前因殺害孫之友一案應赴河南聽候審訊何以此時尚在穆圖善軍營殊屬延玩著穆圖善迅將敖天印派員押交河南巡撫歸案訊辦毋再遲延○陝西巡撫喬松年奏請以升任浙江按察使劉齊銜暫留陝西辦理軍需報銷得旨劉齊銜著准其暫留陝西俟經手事件辦竣卽行前赴新任○以前任湖南永州鎮總兵官李明惠為鎮算鎮總兵官○以江蘇阜甯勦辦海匪出力予知縣江鴻以同知用千總王林以守備用均賞花翎守備魏長齡等藍翎餘升敘開復有差○丙寅諭內閣鍾岱宋晉奏遵查祿米倉監督曠誤放米情形請先行交部議處一摺據稱祿米倉監督宜麟等前於應放甲米之期同時赴通並未酌留一員在倉辦事以致遲誤等語

祿米倉監督宜麟聯海均著先行交部議處並著步軍統領衙門將該倉花戶人等嚴行看守如有虧短情事卽行解交刑部治罪另片奏北新倉應放甲米屢經劄催一味稽延請派大員盤查等語著派瑞常畢道遠卽日前赴北新倉徹底清查並著步軍統領衙門將該倉花戶人等先行嚴押以憑覈辦北新倉監督岳泰韓啟鴻均著先行交部議處○又諭內務府奏請將各省關匯兌銀兩嚴定限制等語粵海關解交公用及各省關應交課稅銀兩大半因道路梗阻委員匯兌往往有奏報起程後遲至數月始行到京者而匯兌銀號又復遷延時日影射不交實於庫款大有關礙著各該督撫等嗣後委解銀兩務將起程日期隨摺奏明並將匯兌各商詳細聲敘仍令該委員於到京時先行報到以便飭傳交納此後如有藉詞枝梧情事卽著照貽誤京餉例將該委員等嚴行叅處○諭軍

機大臣等都興阿奏覆陳修約事宜一摺。東省擒匪暨直省梟匪均未撲滅。所有調到吉林黑龍江馬隊官兵。自應訓練整飭。悉成勁旅。以期迅殄逆氛。惟奉天近來雖無大股賊匪。而搜捕餘黨。綏靖地方。均關緊要。根本重地。尤須有大員拊循彈壓。方臻妥善。該將軍奉命鎮守。責任綦重。豈得輕離任所。致文武各員無所稟承。所請開缺帶兵之處。著毋庸議。嗣後務將任內應行各事宜。隨時隨地。益加整頓。以副委任。原摺留中。將此諭令知之。

○又諭。穆騰阿奏分布步隊合軍進剿。並賊匪竄越情形一摺。賊匪現由定州東竄獻縣。交河一帶。偷渡運河。穆騰阿已將所部步隊分布霸州等處。並飭洋槍步隊由獻縣過河。扼截飭富和等整隊前進。該都統亦親督各營馬隊合力進剿。著官文迅即派隊會擊。並著崇厚於運河迤北。撥隊嚴密扼截。務將此股就地殲除。毋任再行旁竄。前據劉長佑奏。

該匪有出口逃生之說。官文等務當分布諸軍。迎頭截擊。嚴扼北竄。不得任令逸出邊外。更成不了之局。本日據神機營奏稱。穆騰阿所部及直隸馬隊不下五六千人。旗綠各營步隊亦有三四千人。該匪疊被追剿。所贖不過五六百人等語。官文等如果能實力督剿。則現有兵力。儘足敷用。黑龍江馬隊甫行進關。尚未到京。馬匹軍械均未整理。穆騰阿前請調撥黑龍江馬隊之處。著毋庸議。該都統惟當督率所部。認真剿截。毋稍延宕。並著官文。穆騰阿。崇厚。嚴督帶兵各員。盡力勦辦。儻有遷延觀望者。即著立時嚴參。按律懲辦。不准稍事姑容。致懈軍心。穆騰阿另片奏。劉景芬稟詞。與富和互異。請飭交神機營查辦等語。劉景芬觀望取巧。坐誤事機。情形顯而易見。該都統奉旨查辦此案。何得任聽該員飾詞。向神機營推諉。著仍懍遵前諭。與官文嚴速查明。據實參奏。不得代為徇隱。自干咎戾。

將此由六百里各諭令知之。○以太常寺卿石贊清為宗人府府丞。○以勦匪不力革直隸軍營總兵官余承恩劉景芳職。仍留營。○丁卯。諭內閣前據兵部奏前湖南布政使兆琛保奏已革副將周友勝係奉特旨永不敘用之員。請將保案撤銷。並請飭查周友勝留營是否奏明有案等語。當經降旨允准。茲據兆琛查明周友勝投效李光燦軍營。並未將永不敘用之案聲明。李光燦誤行收錄。嗣因打仗出力。咨明統領李元度。由兆琛奏請獎勵。該藩司營中因無案可查。致未將參奏隨摺聲敘。並非有意含混。請分別議處。貴州補用知府李光燦於奉旨不准赴營投效之員。並不詳查原委。擅令隨營。實屬不合。著交部嚴加議處。布政使銜前浙江按察使李元度失於覺察。著交部議處。兆琛業已議處。此次自請議處之處。著無庸議。尋吏部議李元度應降一級留任。從之。○諭軍機大臣等都興

阿奏撥兵駐紮要地。會同鄰封勦匪一摺。盜匪彌勒僧格等聚眾搶刦。並有竄撲朝陽等情。事前經諭令都興阿麒麟慶派兵會勦。現據都興阿奏稱已派德昌等軍赴清河邊門等處駐紮。著該將軍嚴飭該將領等勤加偵探。如遇賊蹤竄近。卽當實力迎勦。與熱河兵勇互相夾擊。不可稍分畛域。麒麟慶於此股匪徒究竟如何辦理。現在賊蹤竄向何處。有無弋獲。著卽據實奏聞。並著遵奉前諭。迅將盜首彌勒僧格白凌阿及任義潰設法擒獲。不得再事延玩。致干咎戾。該匪等如被勦窮。感難保不向東竄逸。遁入吉林邊境。並著富明阿派撥兵隊在吉林邊界梭織巡防。以杜旁竄。卓索圖昭烏達兩盟仍著理藩院遵奉前諭。催令該盟長等轉飭蒙古各旗認真揀派旗員帶兵一體兜拏。不得觀望推諉。賓圖旗匪民程學廣並著都興阿富明阿麒麟慶速飭弁兵會同嚴緝務獲。毋任蔓延。將此由五百里

各諭令知之。○又諭總理各國事務衙門奏請飭催各直省將軍督撫大臣將豫籌修約事宜迅速覆奏一摺。前因各國換約期近。密諭該將軍督撫大臣悉心籌畫。於十一月內覆奏。迄今已屆兩月。僅據左宗棠瑞麟都興阿先後奏到。並將該衙門前寄咨函逐款登答。此外均未覆奏。實屬延緩。此事關係極重。必須集思廣益。先事圖維。該將軍等務當懍遵前旨。各抒所見。詳悉妥籌。迅速覆奏。以憑

覈辦。不得以空言塞責。官文甫經到任。卽著密飭劉長佑將前寄諭旨。並總理各國事務衙門咨函移交。由該署督妥籌速奏。將此由六百里各密諭知之。○戊辰諭軍機大臣等官文穆騰阿奏官軍追剿獲勝。並現在布置防剿情形。暨賊向南皮逃竄。各摺片。梟匪竄至深州武強等處。余承恩帶隊追擊。賊由小屯過河。向衡水一帶竄逸。匪首蕭四經晉州知州陸邦燧拏獲正法。副將李昌連追賊至

獻縣。賊又由交河尹家園竄向南皮。官文等現派天津練軍等營分防衡水各處。並飭濱河各州縣厚集團勇於南北兩岸挖溝扼賊。所籌尚妥。惟該匪以數百人倭南倭北。雖經官軍疊次追擊。並未大挫兇鋒。似此情形。何日可期。歲事著官文穆騰阿崇厚嚴飭富和春壽及所派各軍。覘賊所向。趕緊兜剿。並激勵各州縣紳團互相抄截。以期迅殲醜類。毋得藉口布置。徒事遷延。至劉景芳余承恩因

循玩寇本。應立予典刑。因念該二員從前尚有戰功。是以將其革職留營效力。卽著官文等勒令劉景芳余承恩於一月內將南路賊股剿擊淨盡。該二員如尚有天良。諒能奮勇殺賊。儻再仍前玩泄。致賊他竄。官文等卽將該二員以軍法從事。不得代為掩飾。自干咎戾。官文擬馳赴河間一帶布置河防。著卽迅速查看。妥籌防守。現在賊竄南皮。天津一面喫重。該處為直省完善之區。尤當加意防備。

崇厚務飭天津所屬各州縣實力巡防。並飭帶兵各員會合南北各軍攔頭截擊。毋任蔓延。將此由五百里各諭令知之。○又諭裕瑞桂成奏賊匪圖竄口外。現籌防勦一摺。董高二逆分路滋擾定邊一帶。逆黨由西路日漸東趨。均思竄趨邊外。蒙兵單薄。防不勝防。而擒逆現又竄陷延綏。包頭一帶防務尤關緊要。裕瑞等已將桓昌帶防河保之兵撤回包鎮等處。並將一間房駐紮大同官兵調赴包頭。交馬陞分布防守。卽著飭令該總兵扼要布置。力遏狂氛。賊蹤日偪晉邊。包頭地當衝要。左宗棠當速派兵勇。將此股賊匪截回。毋任肆意奔突。致滋延蔓。趙長齡亦當隨時妥為防範。以固疆圉。河保防兵業經裕瑞等調回。陳湜所派接防之兵著趙長齡催令迅速赴防。毋得顧此失彼。陝甘毗境賊匪鴟張。左宗棠遠在臨潼。鞭長莫及。庫克吉泰何得安坐省垣。不思振作。著卽統帶所部出省相機

勦辦。儻再畏難株守。卽當重治其罪。至派出前敵各軍如相距較遠。卽當飭其相機勦辦。不得藉候指示。致誤戎機。察哈爾距歸綏不遠。轍德恩等所帶蒙兵何以尚不見到。著杜嘎爾嚴飭該參領等。剋期帶兵前赴歸綏。聽候裕瑞等調遣。裕瑞等當就現有兵力嚴密堵禦。一面檄令各盟旗嚴守遊牧地界。杜賊闖入。所籌團防勦捐事宜著該將軍等實力舉行。期有裨益。又據文盛奏稱德勒克多爾濟病瘥。求賞差使一摺。德勒克多爾濟病體初瘥。卽不自耽安逸。力圖報效。深堪嘉尚。著卽迅赴歸綏。將包頭等處防務會同裕瑞等悉心籌畫。德勒克多爾濟曾任綏遠城將軍。於該處情形熟悉。必能辦理裕如。著文盛知照。該將軍剋期起程。用副委任。將此由六百里各諭令知之。○命前任烏里雅蘇台將軍德勒克多爾濟馳赴山西綏遠城。會同將軍裕瑞辦理防務。○蠲緩山東荷澤海豐臨邑

鄆城濮壽張濟陽齊東范東平濱濟甯厯城章邱鄒平長山新城齊河長清肥城東阿平陰利津鄒泗水滕汶上陽穀曹定陶觀城聊城茌平魚臺青城莘金鄉嘉祥鉅野沂水臨淄安邱掖蘭山鄒城日照昌樂昌邑霑化平原滋陽甯陽嶧臨清泰安蒲臺曲阜清平冠館陶高唐夏津陵費諸城益都樂安高密城武堂邑博平七十一州縣並德州東昌臨清濟甯四衛東平所永利永阜濤雒等場被水被旱被風被蟲被擾地方新舊額賦暨倉漕租課有差○己巳諭軍機大臣等長善奏濠州知州高錫康於擒捕曹敏士一案有心縱匪遠颺並拏獲賊匪內有耿大忠一名實係夥黨經外委田振東取保釋放候補府經歷吳欽等頗願出力拏賊惟地方官多有諱匿恐與不合致皆推諉請將高錫康卽行革職永不敘用等語直隸盜匪充斥宜如何嚴密緝捕保衛閭閻似此縱匪殃民實堪痛恨前

因長善奏參高錫康性耽安逸嗜好頗多曹敏士一案該知州置之不問等情諭令劉長佑查明參辦迄今尚未據覆奏著官文將高錫康前後被參各款確切查明據實嚴參迅速具奏又據長善奏外委田振東於境內盜匪縱橫毫無聞見人甚刁詐久為該營屏斥請一併革職永不敘用等語並著官文一併查明據實參奏毋稍寬縱原片著鈔給官文閱看永平各處緝捕事宜仍著長善督飭該

府州縣等認真辦理以靖地方將此各諭令知之尋官文奏遵查高錫康田振東並無縱匪殃民各情惟於曹敏士一案雖經獲犯究未能先事覺察應請照例議處從之○以直隸山海關團練出力賞訓導王汝驥藍翎餘升敘有差○予浙江會稽等處殉難監生黃維湄等男婦二十五名口分別旌卹如例

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十六

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十七

教諭

同治六年丁卯十一月庚午諭內閣萬青藜

等奏請將順屬賑務變通辦理一摺著照所
請所有南路廳屬之霸州保定固安永清東
安西路廳屬之宛平房山東路廳屬之武清
香河三河等十州縣即著廣設粥廠妥為散
放其通州寶坻甯河等處著即查清戶口分
別散放銀米責成該州縣督同紳士認真經
理務使窮黎均霑實惠餘著照所議辦理○
諭軍機大臣等戶部奏遵議奎昌等請添撥
科布多經費一摺前因科城經費不敷諭令

趙長齡於每年應撥烏科二處經費外另撥科城銀二萬兩該撫並未遵照籌撥現在新疆一帶淪陷科城防範極關緊要所需放款自屬刻不容緩著趙長齡仍遵前旨於例撥經費六萬六千六百餘兩外另撥銀二萬兩專供科城之用即自本年為始按年撥解迅飭藩司於庫存內無論何款先行提撥銀二萬兩務於十二月以內解交歸綏道衙門一面知照科城派員領取此項銀兩經過烏城

即著麟興等添派弁兵趕緊護送毋稍延緩晉省庫款雖屬支絀現在各處協餉減撥不下百萬斷不至因此增撥二萬遽行竭蹶該撫應即設法籌解不得仍前推諉致誤要需一俟此項解到即著奎昌等覈實支放所請由部庫先行撥解之處著毋庸議將此由五百里各諭令知之○又諭李鴻章奏擒逆被擊狂竄入東連獲大捷各摺片擒匪自海州等處被創後紛竄高密濰縣等境經劉銘傳

等軍分路截剿無戰不捷賊自任逆被殲後連次受創其氣已奪正當乘此聲威合力圍剿以期節節掃蕩肅此全功該大臣布置尚為妥協即著嚴督各將士環逼進攻殄此窮寇向來賊匪敗後往往拋棄輜重任令官兵取攜圖懈軍心官兵亦每因攫得賊物不思追剿以致敗匪乘間脫逃甚至被賊反擊因而受挫此等積習殊堪痛恨現在我軍疊勝誠恐行間各將士仍蹈從前惡習昧於圖功

著該大臣嚴飭帶兵各員專以滅賊為念不得徇於積習致誤戎機儻能乘此聲勢一鼓蕩平必當不次加恩懋賞酬庸若或貪財縱賊或因驟勝而驕復令賊志得逞國法具在不能以功掩罪也東軍現紮何處著丁寶楨檄飭王成謙等扼要追截與湘淮各軍合力夾擊毋任匪眾旁竄皖豫各軍均已調齊追賊誠恐運防兵單不能遏賊衝突著英翰李鶴年嚴飭河防各軍實力梭巡認真堵遏不

容一匪潛渡。賊既鋌而走險。南北紛竄。迄無定向。著張之萬督飭江境防兵。實力扼剿。不得以賊蹤在東。稍涉大意。此時機會斷不可失。著各該大臣督撫等同心勦力。滅此朝食。以副委任。賊去黃防雖遠。亦不可不時加戒備。著官文崇厚丁寶楨嚴督防河兵勇。擇要巡防。毋稍鬆勁。將此由六百里各諭令知之。

○署兩湖總督李瀚章奏請令護理巡撫何璟兼理藩司。得旨郭柏蔭到任需時。何璟現在護理巡撫。未便兼理藩篆。湖北布政使著王文韶署理。其按察使印務著該署督派員署理。○賞鄂爾多斯貝子扎那濟爾迪紫纁。

○以打仗勦賊出力。免河南軍營已革土默特管旗章京烏爾圖那蘇圖遣戍。仍留營。

○追予陝西宜川陣亡提督李祥和於立功暨死事地方建立專祠。提督劉芳桂祭葬世職。

○予陝西鳳翔等處陣亡總兵官羅春福等一百四員祭葬世職。○予陝西西鄉殉難知

縣張銳堂祭葬世職。眷屬人等分別旌卹如例。

○辛未諭內閣存誠阜保奏盤查祿米倉米石完竣一摺。祿米倉各廠應存米數。經存誠等按冊盤查。虧短梗粃粟米至四萬八百餘石之多。並於印冊以外廠座查出另存米麥七千餘石。情弊顯然。亟應徹底根究。所有花戶宋齊賢等十八名口。均著交刑部嚴行審辦。監督宜麟聯海聽候傳訊。在逃之花戶張世和李忠阜隸馬順小馬童凱及該倉身役辦事之張二。並著步軍統領衙門順天府五城一體嚴拏務獲。歸案審辦。

○諭軍機大臣等。崇厚奏調撥洋槍礮隊進剿梟匪一摺。直隸梟匪馬行剽疾。官軍以步追騎。勢每不及。崇厚現飭鄧啟元管帶洋槍礮隊取道滄南追剿。並仿照奉省勦辦馬賊之法。調撥車輛咨送士卒前往。以期馬步合隊。車騎並進。辦理尚合機宜。該匪已由南皮向東南狂奔。著卽嚴飭鄧啟元一軍。會同富和馬隊實力

追勦。毋稍延緩。陳濟清余承恩等緊躡賊後。何以未聞接仗。著官文嚴飭該總兵等實力進勦。毋徒以尾追為事。富和追賊尚稱奮勉。此次崇厚復將鄧啟元洋槍礮隊歸其調遣。兵力不為不厚。著穆騰阿飭令該副都統相機兜勦。迅殲醜類。毋任該匪竄入東境。致完善之區復遭蹂躪。運河池北靜海等處崇厚當飭駐防之都司鄭明保多發偵探嚴密巡防。其趙起原帶之隊著即行撤回。布置北面。

防務。鹽山縣典史汎弁禦賊陣亡。著官文查明請卹。將此由五百里各諭令知之。○又諭前因擒匪竄陷延綏兩城。回逆滋擾。定邊一帶圖竄。邊外晉省西路及歸化包頭等處防堵緊要。疊經諭令裕瑞趙長齡等妥籌堵禦。並據趙長齡奏稱。如河保邊防喫緊。該撫即親帶本標兵丁出省扼紮。茲據給事中劉慶奏稱。晉防緊要。河保清水河等處防務。陳湜不能兼顧。請飭趙長齡統兵嚴扼西北。裕瑞

派兵嚴扼清水河一帶。陳湜嚴防永甯以下等語。所奏不為無見。匪蹤逼近晉疆。西北各路恐河冰凍結。天險不足深恃。所有晉省西北防務。著趙長齡懍遵疊次諭旨。妥為布置。嚴飭陳湜就近將晉西防務實力籌辦。並著該撫酌量情形。如須出省調度。即親統弁兵前往堵禦。以保完善。其北路清水河薩拉齊一帶。裕瑞桂成當派撥勁兵實力扼守。並與趙長齡力籌堵遏。飭各盟旗嚴守牧地。毋稍

疏失。昨有旨諭令庫克吉泰統兵出省。將陝甘接境賊匪相機勦辦。即著懍遵前旨。迅速出省截勦。不准稍涉遷延。致干重咎。左宗棠喬松年當力顧全局。檄飭追勦各軍。將延綏等處賊匪認真兜勦。由東北截向西南。毋任竄越鄰疆。蔓延為患。劉慶原摺均著鈔給閱看。將此由六百里各諭令知之。○吉林將軍富明阿奏。勦擊盜匪獲勝。得旨著嚴飭帶兵各員。將逃竄零匪悉數殲除。毋留餘孽。○追

予浙江錢塘等處陣亡殉難同知吳世銓等
紳民婦女七百五員名口分別旌卹如例並
予建祠○旌表守正捐軀四川萬縣民唐大
倫妻張氏○壬申諭軍機大臣等穆騰阿奏
馳抵滄州勦賊獲勝並賊匪渡河竄至海豐
各摺片此次梟匪東竄經穆騰阿派令都司
趙起帶隊進勦並經余承恩等於海豐所屬
地方勦賊獲勝該匪搶渡龍堂橋我軍渡水
稍遲致令該匪竄逸雖續經跟追未能殄滅
機會甚屬可惜龍堂橋橋板既窄匪眾難於
暢渡不難一鼓殲除何以仍令竄逸況兵多
賊寡更可兩面兜勦乃轉藉口官軍人馬較
多渡水稍稽豈有賊匪可以搶渡而官軍不
能分軍追勦之理余承恩等未能奮勇滅賊
已可概見朝廷總以剋期滅賊定諸將之功
罪余承恩本係革職留營之員陳濟清亦有
查辦事件若不能迅速撲滅必當重治其罪
毋以追勦小勝為遷延搪塞之計劉景芳現

在何處何以未見接仗償仍前狡猾不堪造
就卽著官文崇厚懷遵前旨按軍律治罪穆
騰阿亦當親自迅行追勦督飭富和等分投
進攻勒限殄滅其南路進勦官軍並著官文
迅速分撥以期夾擊西南各要隘卽派兵堵
禦毋任回竄該處與天津毗連崇厚亦當派
兵截擊毋使擾及完善現在該匪竄入東境
恐其歸入南捻大股並著丁寶楨派兵攔截
免致蔓延將此由五百里各諭令知之○予
江蘇因公淹歿副將陶位中黃占魁祭葬卹
廕○予江蘇江都陣亡殉難從九品王中孚
等紳民婦女一百八十四員名口分別旌卹
如例○緩徵兩淮富安安豐梁垛東臺河垛
丁溪草堰劉莊伍佑新興廟灣板浦中正臨
興十四場新舊竈課有差○蠲緩山西甯遠
廳屬歙收村莊新舊額賦有差○癸酉諭軍
機大臣等據張凱嵩奏病難速痊懇請開缺
本日已批諭賞假兩月調理矣該督行抵夔

州。遽稱患偏枯之證。卽請開缺。情形似近規避。張凱嵩由縣令不數年間。擢至兼圻。受恩不為不重。若避難就易。大臣存心。豈宜如此。駱秉章聞見較近。著卽查明該督是否真病。抑或稍有捏飾。據實迅速覆奏。毋許遷就。將此由五百里諭令知之。○甲戌諭內閣。載銅等奏請催解兵餉一摺。直隸遵化等州縣應解歷年及本年

東陵米折餉銀拖欠甚多。現時天氣嚴寒。糧價

昂貴。該兵役等望餉尤殷。著直隸總督轉飭藩司嚴催該州縣等。將本年夏秋冬季未解餉銀等項。趕緊解送。並將歷年欠解八旗兵餉暨遵化州欠解咸豐九年在定興縣境被劫銀兩一併迅速清解。毋任延宕。另片奏官員應支本年春秋二季俸米遵化等州縣尚未支給。其同治五六兩年定陵各官員應支俸米。薊州與玉田縣互相推諉。請飭查催等語。並著直隸總督查明。

定陵官員俸米應由何州縣供應。同本年各陵官員應領俸米。刻期送票。放給不准再事稽遲。○又諭吏部奏遵議蔣益澧等處分一摺。廣東巡撫蔣益澧濫支帑項。違例任情經吏部議以降四級調用。實屬咎有應得。惟念蔣益澧數年來轉戰數省。尚屬著有勞績。著加恩改為降二級調用。署廣東布政使。按察使郭祥瑞顯違定例。見好上官。著照該部所議降四級調用。兩廣鹽運使方濟頤會銜詳送

巡撫公費。亦有不合。著降一級留任。兩廣總督瑞麟於郭祥瑞等籌送巡撫公費等事。均未能當時駁飭。著罰俸九箇月。均無庸查級。紀議抵○又諭候補內閣侍讀學士鍾佩賢奏請嚴禁崇文門稅局需索一摺。崇文門設立稅局。該監督等自應督飭委員。按例徵收。不准絲毫妄取。若如鍾佩賢所奏。近年以來。每於稅課之外。需索銀兩。近日會試士子。亦有勒銀十餘兩。及四五兩不等。並各城門官

役先索多金方許送務等情是稅局需索例禁雖嚴該官役人等仍敢任意妄取苛及行旅朝廷培養士子體恤惟恐不周該官役竟敢違例婪索尤屬可惡不可不嚴行禁止著該監督等申明定例嚴飭官吏巡役人等凡遇送務車輛止有行李並無貨物者立予查驗放行如有留難勒指情弊即著查明懲辦並嚴禁報效名目各城門官役詐索銀兩即著一體禁止毋稍徇縱○諭軍機大臣等李

鴻章奏官軍擊賊連獲大勝情形丁寶楨奏堵剿捻逆現籌布置各一摺覽奏稍慰廛懷逆匪竄至諸城濰縣等處經善慶劉銘傳等軍追擊疊獲大勝斬馘甚多該逆復折向南趨意圖仍回沂海劉銘傳等現已跟蹤追擊著李鴻章督飭該提督等乘此事機順利之時振奮精神迅圖殄滅不可再涉鬆懈此股匪徒如能辦理迅速全數殲滅朝廷必當渥沛恩施如不能嚴申紀律實力殄除朝廷亦

斷不稍為寬貸也海郡邳宿等處運防張之萬英翰當嚴督諸防軍認真扼守冬令河冰將合尤須加意嚴防以顧大局逆匪有圖竄濟甯搶渡運河之意並著李鶴年嚴檄張曜宋慶等軍嚴密巡防不可以去賊尚遠稍涉疏忽丁寶楨調撥東軍迎前截剿不令賊由青州西竄現飭王正起等軍分紮青州等處以固北路黃防所籌尚合機宜齊河以東黃河至海口一帶現亦分調東省兵勇並吉林黑龍江馬隊分段設防惟地勢縣長兵力未厚丁寶楨當嚴督該處地方官集團協助並趕築河牆以資憑守鐵門關至海口一帶地方荒僻尤當嚴為布置毋稍大意該逆屢經挫敗忽分忽合李鴻章丁寶楨務當合力同心妥籌調度視賊所向堵禦追擊以竟全功脅從之眾並著乘此聲威設法解散勦撫兼施以孤賊勢將此由六百里各諭令知之○又諭據丁寶楨奏直隸馬賊勾結鹽梟馬步

千餘人竄至慶雲之崔家口圍攻黃家屯莊並探聞鹽山縣城有失陷之信又據陽信縣稟報該匪已由楊家橋竄過老黃河南岸距海豐僅十餘里並據德平縣稟報梟匪由滄州往舊州奔竄約四五百人滄州之羊三木一帶亦起有鹽匪約五六百人勢將東竄該撫已飭王成謙帶隊前往海豐勦辦並飭張得魁等嚴密兜擊即著丁寶楨嚴檄該員等實力截勦迅圖埽蕩河冰將結黃防甚為喫緊並當飭令沿河在防各員確探嚴防毋任竄近黃河北岸致礙防務前據穆騰阿奏報梟匪東竄海豐由龍堂橋搶渡現在竄東賊匪是否即係此股仰係另有賊股滋事著官文穆騰阿崇厚迅速查明具奏並著官文崇厚懍遵前旨速飭余承恩陳濟清劉景芬實力追勦與東軍會合夾擊就地殲除償任該匪竄逸致賊勢益形延蔓必將該員等按軍法治罪決不姑貸穆騰阿亦當懍遵前日諭

旨親往追勦並督飭富和等軍分路前進迅滅賊氛不准遲延貽誤直隸鹽山縣城是否被匪竄陷滄州羊三木地方有無另股鹽匪為亂著官文崇厚一併查明覆奏將此由五百里各諭令知之○兼署閩浙總督英桂奏提臣李成謀巡閱臺灣回省尚需時日本年軍政未能依限辦理下部知之○以山東諸城等處勦匪獲勝賞提督徐連陞一品封典遊擊周有才巴圖魯名號餘升敘有差○旌表守正捐軀湖北襄陽縣民高長華妻宋氏

○
上以冬至祀

天於

圓丘自是日始齋戒三日○乙亥諭內閣瑞常畢道遠奏盤查北新倉完竣一摺北新倉各庫應存米數經瑞常等盤查竟虧短梗粳粟米黑豆六萬六千四百餘石之多實屬不成事體所有該倉書攢花戶人等即著步軍統

領衙門移送刑部嚴行審訊監督岳泰韓啟鴻均著聽候傳質○諭軍機大臣等官文穆勝阿奏梟匪東竄會籌勦辦等情並直軍獲勝查明楚勇情形各摺片梟匪向東南竄逸闖入鹽山擾及海豐並官軍追擊獲勝情形與穆勝阿丁寶楨前奏大略相同該匪竄向一隅正可偪諸沿海地方與丁寶楨所派王成謙一軍合力夾擊務期就地殄滅不可觀望遷延致令旁竄他處龍堂橋之戰余承恩陳濟清曾否實力勦賊抑有縱賊逸渡過岸情形著官文等仍遵前諭嚴密訪查毋稍徇隱劉長佑現部楚勇人數不多尚無不法確據著卽飭令楚勇將弁悉歸該革員親行管帶馳赴前敵勦賊並責成劉長佑督飭余承恩各軍迅將此股殄盡以贖前愆劉景芬陳濟清前案仍著官文會同穆勝阿認真確查嚴辦以肅軍律黃河防務緊要官文當實力巡查妥籌布置勦匪各鎮將疲玩因循尤須

力加整頓毋得徒託空言將此由五百里各諭令知之○調福建巡撫李福泰為廣東巡撫以河南布政使卞寶第為福建巡撫○以河南按察使李宗燾為布政使內閣侍讀學士胡大任為河南按察使仍署山西布政使○以長蘆鹽運使梅啟照為廣東按察使○以直隸鹽山縣城被匪竄陷革知縣江毓秀職予陣亡署典史陳爾魯千總侯永慶祭葬世職○丙子諭內閣本月二十六日未刻敬事房下司房不戒於火經王大臣等督率官員弁兵趕緊撲救旋即止熄茲據各該衙門將是日救火出力各員開單由軍機大臣呈覽該王大臣官員弁兵等勇往向前不辭勞勩均屬勤奮可嘉自應普沛恩施以示獎勵此次救火未到各員除有差不到外所有弘德殿行走之大學士倭仁等並各部院衙門堂官到者寥寥未免疏懈朝廷意存寬大姑置弗論該大臣等問心何以自安耶將此通

諭知之○又諭御史郭從矩奏

玉牒館保舉太優請將無論題選咨留保案飭部再議一摺此次宗人府恭修

玉牒投效人員經該總裁等覈給獎敘均係酌照成案辦理且十年恭修一次並非尋常編纂議敘可比該御史所請飭吏戶二部再議之處著毋庸議○又諭鍾岱宋晉泰失察漕倉舞弊自請嚴議一摺前因祿米北新各倉放米遲誤當經派令存誠卓保瑞常畢道遠

前往清查業據查出祿米北新二倉虧短情形當將花戶等均交刑部審訊鍾岱宋晉在任數年於該倉各項積弊未經查出以致虧短米豆十萬餘石之多實非尋常疏忽可比所有該侍郎等應得處分著刑部於定案時聲明請旨○又諭前因英翰丁憂特諭毋庸開缺賞假一月經理喪事假滿後作為署理安徽巡撫茲據英翰奏稱該署撫之父棺柩浮厝潁州心實不安懇請賞假百日穿孝扶

柩回旗安葬等語情詞迫切原應俯如所請以遂孝思惟安徽軍務未竣英翰督率各軍防剿正資得力未便遽易生手該署撫當移孝作忠以副朝廷委任著仍遵前旨俟此股捻匪殄滅後再行扶柩回旗補行穿孝○以故阿魯科爾沁札薩克貝勒拉什仲崇子巴咱爾吉哩迪襲爵○以敬事房救火勤奮予王公大臣官員等加級有差賞神機等營兵役銀○丁丑冬至祀

天於

圓丘遣禮親王世鐸恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○停次日朝賀○諭內閣

御史游百川奏請崇尚經術以端趨向各摺片。國家籲俊掄才原期士子通經致用。若學無根柢徒恃懷挾倩代以圖徼幸。所謂淹通經史者安在。何以振文風而端士習。學政歲科兩試生童正場之前例有考古一場著直省學政於按考各屬時徧諭生童如有能默誦五經通曉經義者准其報名。即於考古場中按名面試拔之以為研經者勸。其未經報考者亦令認習某經於下屆按冊試之。該學

政等務期崇尚實學拔取真才毋得視為具文以副朝廷樂育人才至意。將此通諭知之。○諭軍機大臣等御史朱澄澗奏請懲巨匪以衛良民一摺據稱浙江嘉興府地方向多槍匪及破鞋黨或助逆為要箇或聚眾為大盜近因營務處裁撤匪蹤漸張擬訪查緝拏等四條並繕各匪名單請飭該撫斟酌辦理等語。即著馬新貽按照單開各匪姓名鄉貫嚴密查拏如實有不法情事即行從嚴究辦。該御史所陳管見四條是否詳盡並著體察情形酌量妥辦。另片奏嘉郡紳士兵部員外郎張清泰嗜利庇匪其弟張清華暨舉人鮑昌照均與匪黨同惡相濟並著馬新貽秉公確查據實嚴辦毋得稍有瞻徇原摺片單三件均著鈔給閱看將此諭令知之。○又諭左宗棠奏邠州等處勒匪情形等語回逆及潰勇土匪竄擾邠州三水宜君中部洛川一帶經譚玉龍等軍由邠州之紅崖堡等處分路

進勦由正甯犯邠之甘回及另股回匪均經擊敗著左宗棠檄飭譚玉龍等軍乘勝進攻務將邠州等處之匪節節掃蕩以期漸次廓清宜君洛川之匪經劉典等軍進勦亦有斬馘賊俱敗遁邠宜之路漸通著左宗棠會商劉典激勵將弁合力兜勦毋令該逆闖入晉疆擾及完善之區陝甘毗境賊勢鴟張庫克吉泰曾否帶兵出省著卽懷遵前旨實力勦辦毋再遷延干咎左宗棠喬松年務當悉心

籌商妥為布置迅殄逆氛其綏德州失守之總兵陶茂森署知州沈際清本日已批諭均著革職拏問卽著左宗棠按律懲辦以肅戎行黃河冰凍陝省之賊處處可以竄晉且匪蹤已及葭州逼近河干防務極關緊要著趙長齡督飭陳湜將沿河一帶嚴密布置連環偵探毋稍疏虞將此由六百里諭知左宗棠庫克吉泰喬松年趙長齡並傳諭劉典陳湜知之○又諭曾璧光奏黔省地方軍務情形

請飭劉嶽昭移師貴陽助勦並催四川等省月餉一摺黔省地瘠民貧而下游賊勢重於上游現在石阡等處已由湖南派兵進勦上游各匪經川黔各軍分兵勦辦省城尚為安謐第何逆是否伏誅而潘逆尚未殄滅省城究難深恃劉嶽昭著准其暫留貴陽與張文德分投進勦龍里貴定各匪剋期歲事卽赴雲南新任不得遷延從事虛糜歲月致令滇省無大員督辦顧此失彼黔省賊情半係烏

合本地練勇本可勦賊惟因需餉支絀未能迅速勦除曾璧光所奏亦係實在情形著駁秉章瑞麟李瀚章李福泰劉崑何璟懷遵前旨按月如數撥解以濟要需毋得稍涉推諉曾璧光於餉需解到後卽督飭各軍認真勦辦以靖地方將此由六百里諭知駁秉章瑞麟李瀚章李福泰劉崑劉嶽昭曾璧光並傳諭何璟知之○引見兵部員外郎王家璧得旨著以五品京堂候補○以恭修

文宗顯皇帝本紀告成。予提調官內閣侍讀圖坦等加銜升敘有差。○以陝西汧陽等處勦匪獲勝。暨岐山縣城解圍。賞總兵官周金品。副將邱國良。參將徐占彪。已圖魯名。號千總朱蘭亭。以守備用。並賞花翎。把總周廷楨。藍翎總兵官楊和貴等。升敘有差。陣亡縣丞楊作舟。外委楊國昌。祭葬世職加等。○以陝西綏德州城被賊竄陷。革總兵官陶茂森。署知州沈際清職。並逮問。予殉難都司韓錫恩。訓導趙國珍。典史陳桂芬。祭葬世職。○予陝西鳳翔等處陣亡總兵官孫士立等十六員。祭葬世職。○予陝西邠州等處陣亡參將張得林。守備郭榮陞。千總張玉林。祭葬世職。○戊寅。諭軍機大臣等。戶部奏豫撥來年京餉一摺。據稱。歷屆京餉。均係年前豫撥。現屆應撥同治七年京餉。擬在各省地丁鹽課關稅等款內。指撥銀七百萬兩。請飭各該省於來年分批起解等語。京餉關係最為緊要。現經該

部就各省緩急情形。斟酌動撥。自應遵照奏定數目。源源報解。以濟要需。著各該將軍通商大臣。督撫鹽政監督等。務於來年開印後。分批起解。限五月前解到一半。十二月初間全數解清。不准截留改撥。藉詞延誤。儻屆限不到。卽照奏定章程。指名嚴參。原單均著鈔給閱看。至本年未解京餉。前經該部節次奏咨飛催。現屆年終。仍未如數解清。著各該督撫等。迅速籌款報解。毋再遲延。干咎。將此由五百里諭知福州將軍。三口通商大臣。直隸兩江江蘇安徽江西福建浙江湖北湖南河南山東山西四川廣東各督撫。並傳諭粵海關監督知之。○又諭。據御史阮壽松奏。軍興以來。沿江濱湖官隄民圩。漸就傾圮。每逢盛漲膏腴。盡為澤國。亟應一律興修。捍衛農田。並另片奏。江西饒州府安仁縣城。於咸豐五年修竣。至今未邀獎敘等語。著李瀚章何璟劉崐。劉坤一。查明各該省地方原有官隄民

圯派員分別估修認真經理務令工歸實用
以重農務其興修安仁縣城各官紳並著劉
坤一查明奏請獎勵原摺片著分別鈔給閱
看將此諭知李瀚章劉崑劉坤一並傳諭何
璟知之○又諭麒慶奏勦賊獲勝現仍按捕
情形一摺熱河盜匪糾眾滋事經麒慶派出
之佐領參將並建昌朝陽等縣地方文武疊
次接仗獲勝燒毀賊巢擒獲逆首任義潰等
斬戮亦多惟盜首彌勒僧格白凌阿現尚在

聖諭

三

教漢旗哈巴氣地方藏匿該二匪係著名要
犯久經漏網總以蒙古地方為逃匿淵藪疊
經嚴諭緝拏迄今仍未弋獲著理藩院行文
卓索圖昭烏達兩盟長轉飭所屬各旗會合
麒慶所派兵勇認真按捕迅速擒獲以淨根
株不得仍前玩忽致干重咎麒慶勦捕此股
盜匪總以弋獲彌勒僧格白凌阿為得要領
若僅擒拏任意潰一犯豈能就此塞責該都
統當振奮精神嚴督現派員弁兵勇儘力窮

按剋期弋獲並將逃散餘匪一體按拏淨盡
以靖亂萌奉天吉林毗連熱河邊境都興阿
富明阿當遵奉前諭派兵巡緝以防敗匪竄
入程廣學股匪仍著麒慶設法按捕並檄飭
賓圖王旗蒙古會同嚴緝毋稍玩忽將此諭
知理藩院並由五百里諭令都興阿富明阿
麒慶知之○予福建巡洋陣亡守備布義等
祭葬世職○己卯諭軍機大臣等丁寶楨奏
梟匪被擊回竄穆騰阿奏賊竄館陶等處飭

聖諭

三

兵追勦並劉景芬追賊情形請飭直隸兼顧
糧臺事務各摺片梟匪在海豐縣滋擾經該
地方官及陽信縣令督率兵勇紳團疊擊獲
勝並經直軍余承恩等追及會擊斃匪甚多
該匪由鹽山滄州折向吳橋復由東境之德
州恩縣一帶南竄臨清館陶穆騰阿現督各
軍馳抵德州著即飭令富和等帶隊跟蹤追
勦並著丁寶楨飭令傅振邦及該地方文武
實力堵截與富和等軍兩面夾擊賊匪敗殘

之餘僅止二三百騎務當乘此機會迅圖撲滅不可再任旁竄直隸威縣一帶並著官文檄飭直軍分路截擊以杜回竄春壽一軍現紮衡水著穆騰阿飭令相機進剿遇賊即擊並與直隸各軍聯絡聲威以期周密滄鹽一帶素為鹽匪出沒之所並著崇厚分部天津兵勇以資彈壓兼可策應德州軍營後路神機營兵經過地方並著官文飭令該管道府州縣妥為照料以利進行穆騰阿原片一件

臣等謹將

奏

著鈔給官文閱看武定一帶現已無賊丁寶楨當乘此機會速將黃防築牆事宜嚴密布置毋稍疏懈丁寶楨另片奏擒匪向北回竄分軍堵截等語擒股被勒窮迫意欲由青口等處回竄安邱高密一帶著丁寶楨即飭王正起王心安兩軍繞前迎截務須由西北偏向東南並著李鴻章飭令淮皖各軍盡力窮追會合東軍迅圖殄滅毋任他竄崇厚另片奏營員邱得功在甯津等處募勇二百人鹽

匪悍回雜處其中內有著名鹽匪吳鳳居劉三火罐等已帶赴黃河南岸著丁寶楨沿途截擊如已到李鴻章軍營即著該大臣將該二犯查拏懲辦此後不得任聽營員赴直募勇致滋流弊將此由六百里各諭令知之○又諭趙長齡奏調兵籌防冰橋遵覆晉省西北防務各摺片綏德等處之匪經左宗棠所部官軍連次擊敗奔竄西南恐由延安一路伺隙東竄則下游鄉吉石永等處仍須加意

臣等謹將

奏

嚴防該處河流冬令易於凝沍地段縣長非認真布置嚴密梭巡不足以昭穩固現據趙長齡與陳湜商酌調度即著飭令該臬司通盤籌畫嚴督各路員弁探明何路有警隨時策應並於冰橋最早最險處所厚集兵力毋得稍涉大意貽誤事機賊蹤忽南忽北紛竄靡定設該逆折向北趨並著陳湜酌量移營相機堵遏河保以上直達口外已結冰橋綏遠城一帶防務尤為緊要著裕瑞等懍遵疊

次諭旨督飭總兵馬陞等各軍時加戒備察
哈爾官兵已據杜嘎爾奏報即行起程該將
軍即飛催到防分布各口大同鎮兵仍留內
地嚴防河保一路不必遽行抽動以資堵守
將此由五百里各諭令知之○以記名總兵
官汪柱元為陝西延綏鎮總兵官○以山東
海豐等處勦匪出力予知縣劉輅等加銜升
敘有差○以縱勇擾民革直隸知州劉景芬
參將張國安都司夏東昇職仍留營○予雲
南各屬陣亡殉難從九品林茂榮等紳民婦
女一千七百四十員名口分別旌卹如例

實錄卷之七

三

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十七

實錄卷之七

三

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十八

教修

同治六年丁卯十二月庚辰朔

上詣綏履殿問

慈安皇太后安平安室問

慈禧皇太后安至己酉皆如之○奉

慈安皇太后

慈禧皇太后幸漱芳齋侍午膳○諭內閣給事

中英華奏查明西倉存米溼污情形請旨辦理一摺西倉各廩存米多有潮溼黴污亟應及時挑晾著倉場侍郎飭令該監督等認真查驗即行挑晾並查各廩米石因何有潮溼

黴污之處據實具奏嗣後遇有放款時即著以放代盤俾昭覈實尋奏遵查溼污米石係咸豐八年所進積儲過久又倉廩間有窪下之處雨後積水溼透並無別項情弊現在分廠挑晾陸續搭放並飭工匠修理以備存儲報聞○諭軍機大臣等都興阿清凱奏遼陽演練閒散人數不齊復藉端滋事請將該管各員議處一摺遼陽操演閒散將該城宗室明倫所開賭局拏獲私行赴省喊控經都興阿等派員往查實有其事點驗閒散亦不足一百名之數各城挑備閒散原為激勵人材慎重操防起見似此有名無實虛應故事實堪痛恨城守尉萬福於該城宗室局賭及閒散搶賭私行赴省等情毫無覺察並將挑備人數任令缺額不但形同聲贖其平日之縱容賭博玩視操防亦可概見帶隊官蘇勒芳阿練兵是其專責既不能將閒散虧短數目稟報於前又不能約束於後亦屬有忝厥職

萬福蘇勒芳阿均著先行交部分別議處。至該間散惟當入廠操演以資練習。乃聚眾滋事。私行赴省。亦屬不安本分。著都興阿清凱擇尤懲辦。以申紀律。毋稍寬縱。聚賭最為地方之害。宗室明倫開場招賭。尤應按律嚴懲。著都興阿等嚴行訊辦。不准消弭。將此諭令知之。○辛巳。諭軍機大臣等。御史秀文奏風聞通州馬家莊地方有棍匪馬四等擾害閭閻。無所不至。請飭查拏等語。匪徒為害地方。

三

亟應嚴拏懲辦。著官文萬青黎王榕吉按照該御史所奏。密派幹員迅速查拏。從嚴究辦。原摺著鈔給閱看。將此各諭令知之。○又諭。駱秉章奏滇匪闖入邊境。現籌勦辦一摺。滇匪楊逆等股。各率賊隊由東昇廠等處闖入鹽源。並攻陷鹽井。直撲衛城。總兵劉寶國督兵馳援。因兵單受傷。收隊固守。經駱秉章飭令知府鍾昌勤就地添募勇丁千名。以資攻勦。惟川省東南北三面邊防尚緊。該匪現經

闖入。其勢披猖。鹽源待援孔亟。難保建南一帶人心不為動搖。自應厚集兵勇。力遏逆氛。著駱秉章迅令胡中和由敘南酌調楚勇。遴派得力將弁統帶。並於靖邊等營各撥勇丁馳赴建南。會同該處文武兵練合力兜勦。該督仍當嚴檄劉寶國等迅圖蕲事。不得藉口餉絀兵單稽遲時日。以致蔓延為患。將此由五百里諭令知之。○壬午。諭內閣正黃旗滿洲奏。甲米不堪食用。請飭改割別倉一摺。富

四

新倉應放正黃旗甲米。既據該都統等聲稱查驗所存粟米不堪食用。著戶部改割別倉開放。以恤兵艱。至富新倉粟米因何微變。且多土礫之處。著倉場侍郎查明覆奏。○諭軍機大臣等。衍秀奏鎮標營兵賞銀懇請照章撥發。並請酌添另款一摺。泰甯鎮標各營兵丁應領白事賞銀。自咸豐五年春季至同治六年秋季。積欠至六千餘兩之多。屢經按季具領。直隸藩司總未撥發。殊屬延玩。著官文

轉行該藩司。自同治七年春季起。即將泰甯鎮標左右水東涑水房山等營兵丁應領白事賞銀。按照定章。與四季餉銀同時撥發。不准仍前拖欠。以恤兵艱。所有歷年欠發賞銀。除扣款外。仍由該藩司隨時帶發。儻有不敷。即著照衍秀所請。自同治七年為始。由廣恩庫每年協撥庫平銀一百兩。就近給發。俾濟急需。將此各諭令知之。○又諭裕瑞桂成奏撥兵遏守口外要隘。籌辦布置情形。趙長齡

奏陝匪竄入吉州。抽兵堵剿各一摺。陝省回捻時。思竄越晉省。裕瑞擬於包頭河口駐兵防守。而以察哈爾馬隊並續調官兵。分撥防邊。兼為後路策應。並請飭令左宗棠撥出一旅渡黃入晉。進趨河保。所籌固屬周妥。惟此時陝匪已由宜川搶越冰橋。竄入吉州。黃河業經失險。晉省所屬地方。在在均堪竄擾。左宗棠督辦軍務。日久未能蒞事。反縱賊蹤東渡。趙長齡陳湜毫無備禦。致賊竄入晉疆。實

堪痛恨。均著交部嚴加議處。趙長齡現已帶兵出省。著即檄調各路兵勇。相機扼要堵截。並著陳湜督率所部。迅由隰州一帶迎剿。毋令蔓延他處。左宗棠前奏有捻回如過河竄晉。即擬率軍先清晉省。再行入秦。並有令劉松山郭寶昌等軍追入晉省之議。著該大臣一面撥兵渡河。赴晉追剿。一面相度機宜。親督各軍入晉。將此股賊匪就地殲除。力贖前愆。儻再因循玩忽。任令蔓延四竄。致誤大局。

自問當得何罪。陝省回捻交乘。左宗棠並當與庫克吉泰。喬松年。劉典。會籌勦辦。迅圖殄滅。毋再玩延。晉省毗連直豫。到處可通。官文。李鶴年。務宜迅籌兵勇。揀派得力將弁。扼要嚴守。毋任竄入邊境。太原省城。並著趙長齡飭令胡大任嚴密守禦。陝捻既竄晉境。難保沿邊一帶回逆。不乘機由草地竄近薩托等處。著裕瑞等督飭馬陞各軍實力防堵。毋稍疏虞。將此由六百里加緊諭知官文。左宗棠。

庫克吉泰裕瑞桂成喬松年趙長齡李鶴年並傳諭劉典陳湜知之尋吏部議左宗棠趙長齡陳湜均照溺職私罪例革職得旨均著加恩改為革職留任○又諭成祿奏圍攻肅州被挫情形文麟奏肅州股匪竄撲玉門各一摺成祿勦辦肅州踞逆日久未下此次一經接仗卽損一武職大員不知平日布置者何在官軍失挫後賊勢愈張成祿若再不激發天良勉力進攻何時是滅賊出關之期著卽激勵各將士迅圖攻拔肅城毋得任意遲延致干重咎黃祖淦所部既交馬天祥管帶務當飭令該員認真整頓以作士氣肅城之賊成祿既稱移營扼紮三軍聲勢聯絡何以大股竄出關外若罔聞知其為形同聾瞶已可概見現在雖經文麟擊退而該逆紛竄靡常仍須時加戒備期免疏虞著文麟嚴飭文武員弁設法扼勦毋任該逆窺伺以保嚴疆安敦玉一帶既形喫緊著將玉門應辦事宜

妥籌布置卽往安西勉圖兼顧哈密地方最關緊要仍著文麟將關內外辦理就緒迅赴該城任事以資鎮撫將此由六百里各諭令知之○又諭成祿奏請將四川協餉匯至山西藩庫等語四川應協成祿軍營餉項均係指撥專款與甘省無涉若抵甘時卽為甘省截留借用肅州餉需勢將更形缺乏著駁東章卽將五月間指撥銀十萬兩並按月應撥補足川兵口糧銀一萬兩徑匯兌至山西藩庫毋庸由甘省轉解趙長齡於此項協餉匯到時卽飭藩司妥為存儲俟成祿迎提委員到晉交其轉解並飭經過地方官多撥兵役護送毋稍疏忽將此由五百里各諭令知之○禮部以明年元旦慶賀禮節請得旨是照例行禮奉
慈安皇太后
慈禧皇太后懿旨停止筵宴其在外公主福晉命婦進內行禮之處並著停止予甘肅肅

州陣亡總兵官黃祖淦遊擊錢魁元等祭葬世職加等○癸未賞已革浙江處州鎮總兵官陳國瑞頭等侍衛發往山東軍營交巡撫丁寶楨差委○蠲緩浙江仁和錢塘海甯富陽餘杭臨安新城於潛昌化嘉興秀水嘉善海鹽平湖石門桐鄉歸安烏程長興德清武康安吉孝豐諸暨金華蘭谿東陽義烏永康武義浦江湯溪西安龍游開化建德淳安遂安壽昌桐廬分水象山蕭山山陰會稽上虞臨海黃巖天台仙居常山縉雲青田宣平新昌嵊麗水松陽遂昌雲和六十州縣杭嚴嘉湖衢州三衛被水被旱被風被雹被潮被蟲地方暨未墾田畝本年額賦有差○甲申諭軍機大臣等前因棍噶扎勒參奏厄魯特官兵礙難收作門徒因病請假請撥鹽菜等項厄魯特錢糧孳牲請照舊章辦理瞻顧難民情形各摺片諭令原議王大臣妥議具奏茲據奏稱厄魯特官兵改為該喇嘛徒眾李雲

麟原以棍噶扎勒參善於撫馭奏明辦理如果聽其驅使不難著有成效等語今昔情形不同因時制宜自可從權籌辦該喇嘛所請辭退門徒之處著毋庸議兵丁鹽菜銀數著麟興錦丕勒多爾濟榮全李雲麟明瑤卽照該喇嘛所請在解到新疆餉銀內陸續補撥以資接濟棍噶扎勒參所稱孳牲錢糧從前全賴賞給該官兵等方能度活現在牲畜失盡請照舊章辦理並以該人眾時有盜竊等事若不善撫綏必激變成禍各情朝廷現授李雲麟為布倫托海辦事大臣明瑤為幫辦大臣一切事宜均屬責無旁貸著李雲麟明瑤會同棍噶扎勒參悉心籌畫明定章程妥為辦理其中如實有窒礙之事著隨時據實具奏布倫托海現已改設辦事大臣而該喇嘛又稱該官兵似有不願改作門徒之意應否仍照塔城舊制添設厄魯特官員兵丁抑或酌量變通著麟興李雲麟等悉心再議以

臻妥善。至接濟牲畜一節。能否飭令喀爾喀等旗附近蒙古部落。量力捐輸。或設法另行籌給之處。並著麟興、李雲麟等酌覈情形。妥籌覆奏。棍噶扎勒參受恩深重。正宜及時圖報。以副委任。著麟興、李雲麟傳諭該喇嘛。懍遵疊次諭旨。力疾從公。毋得稍涉推諉。其所請賞假回籍之處。著毋庸議。原摺著鈔給閱看。將此由六百里各諭令知之。○命翰林院編修歐陽保極仍在南書房行走。○展緩吉

林三姓五常堡被水地方新舊額賦倉穀。○乙酉。

孝惠章皇后忌辰遣官祭

孝東陵。○諭軍機大臣等。李鴻章奏官軍追賊疊獲大勝。逆首殲擒殆盡一摺。逆匪由濰縣敗遁。官軍追至膠州諸城等處。疊有斬擒收降甚眾。十一月二十九日。劉銘傳等偪賊海濱。生擒及殺斃者尤夥。逆首賴汶洸等均已就殲。勦辦甚為得手。現在僅賸馬賊數百。逆

勢已極窮蹙。著李鴻章乘此機會。檄飭各軍迅速進兵。為一鼓聚殲之計。不可稍涉鬆勁。致令匪勢復張。又成不了之局。陝省賊匪勢甚猖獗。現已由宜川竄入吉州。晉省軍情甚形喫緊。左宗棠所部各營。未能兼顧。朝廷殊深廬繫。李鴻章務將東捻剋期殄滅。以便騰出兵力。鼓行而西。將秦晉各匪。協同勦洗。掃蕩逆氛。本日御史游百川奏。此次捻逆回竄青萊。未得肆掠。飢疲已甚。其中被脅難民。皆

思自拔。請飭乘此合力兜勦。李鴻章現在但防運河東北。黃防兵甚寥寥。河水堅凍。賊如北竄。恐東省軍務貽患非輕等語。著李鴻章迅籌勦辦。不可稍失戎機。黃河防務。並著妥為布置。以期有備無患。將此由六百里諭令知之。○又諭左宗棠等奏官軍進勦宜君回匪。疊獲大勝。並分軍勦辦譚家灣等處。回巢情形各摺片。此股回匪馬壯沅等圖陷米子營壘。經劉端冕籌以少擊眾。首逆伏誅。洵屬

異常出力。譚家灣等處回巢。亦經高連陞等軍踴躍回逆。疊受大創。半回甘境。事機尚為順利。第馬壯沅雖已伏誅。而蘇萬沅郭阿渾等未盡殄除。甘省無糧可採。難保不乘隙回竄。仍著左宗棠嚴飭各軍認真防剿。毋稍鬆懈。其由宜川竄入山西之匪。亟應迅速聚殲。毋任延蔓。該省兵力單薄。而地方富庶。京協各餉尤賴以接濟。該大臣身膺統帥。自當權衡緩急。即著懍遵前旨。迅飭劉松山等軍繞赴山西。迎頭截擊。左宗棠亦即酌量情形。督軍入晉。就地殲除。不准稍涉遷延。庫克吉泰於何日出省。喬松年責任封圻。亦當同心協力。不得坐視致誤事機。庶左宗棠無顧此失彼之虞。將此由六百里諭知左宗棠。庫克吉泰。喬松年。並傳諭劉典知之。○引見記名御史工部郎中朱智得旨著註銷御史。開缺以五品京堂候補。○以山東諸城等處勦賊疊勝殲擒首逆。予副都統善慶溫德勒克西以

部統簡放。賞副將劉克仁吳鳳桂尹昌景蔡家旺巴圖魯名號。餘加銜升敘開復有差。○以陝西宜君等處勦匪疊勝。予總兵官劉端冕以提督簡放。賞總兵官李大有巴圖魯名號。千總戴禮富以守備用。並賞花翎。餘加銜升敘有差。予陣亡參將羅少林傅洪達祭葬世職加等。○予江蘇各屬陣亡殉難紳民王疇南等暨婦女一千七百六十四名口分別旌卹如例。○蠲緩直隸通三河武清寶坻香河甯河霸保定固安永清宛平房山天津青靜海滄豐潤薊順義清苑新城玉田東安雄文安大城隆平良鄉涿澤盧龍昌黎安肅宛定興容城東鹿安南皮鹽山慶雲廣宗永年雞澤元城大名懷來涿水深定衡水昌平燕高陽阜城南樂清豐宣化深澤磁晉六十一州縣被旱地方新舊額賦雜課。並民借倉穀有差。○丙戌。諭軍機大臣等官文奏梟匪回竄西北。飭軍扼剿。並派春壽馬隊前赴西路。

各摺片。梟匪由莘冠一帶竄回直隸之清豐南樂等處。經楊毓枬等督率弁勇疊擊獲勝。該匪展轉奔逃。復由隆平竄至甯晉。勢將搶渡滹沱。余承恩等現已繞至趙州。著官文卽嚴飭該將領等迎頭探截。毋任該匪北竄。滹沱河水勢雖微。仍當督飭地方官集團守禦。不得藉詞弛懈。穆騰阿現住德州。距賊已遠。著卽統帶所部西進。迎探截擊。以防賊由舊路東竄。西路一帶空虛。官文現令劉長佑移紮適中之地。督飭各軍堵截。並令春壽統帶所部馳往定州正定等處防勦。惟春壽一軍人數無多。分則力單。官文當斟酌情形。令其歸併一處。以厚兵力而備迎截。賊騎剽疾。奔突靡常。崇厚亦當籌布兵勇。嚴扼東路。豫備截擊。不可因距賊尚遠。稍形疏懈。賊匪由海豐回竄時。僅餘二三百騎。何以此次與官軍接仗。又分三四股抗拒。此非奏報不實。卽匪類裹脅愈多。何日是滅賊之期。該督等務當

振刷精神。迅將此股匪徒聚殲。毋蹈因循粉飾之弊。是為至要。將此由六百里各諭令知之。○又諭。昨因陝匪竄晉。亟須派兵勦辦。適值李鴻章奏擒匪屢被官兵擊敗。賴逆伏誅。餘孽無幾。朝廷正擬調派東省得力之軍入晉助剿。本日據侍郎毛昶熙奏稱。陝擒搶渡黃河。竄至山西吉州。恐其直走太行。漸達直隸邊界。晉省兵力不敷堵禦。請抽調宋慶程文炳兩軍。屯紮太行東南兩面。探蹤扼截。並另片奏晉省與豫省河北三府毗連。不可無兵扼守。請飭李鴻章派得力將弁會同皖軍嚴防運河。騰出張曜一軍移紮河北各等語。所見適相脗合。晉省為完善之區。餉源所出。且與畿輔毗連。斷不可任賊延蔓。山東賊已窮蹙。李鴻章所部兵力甚厚。足敷勦辦。著卽飭令宋慶程文炳各統所部。由山東直隸剋日西行。入晉境後。覘賊所向。與陝晉各軍會籌夾擊。速掃賊氛。東省擒勢雖蹙。該大臣務

當趁此機會。迅圖殄盡。此後按捕餘匪。安插降眾。事事均關緊要。現有宋慶程文炳兩軍入晉。該大臣正可專心辦理東省軍務。庶不至功虧一簣。宋慶程文炳兩軍餉銀。即著李鶴年。英翰張兆棟。照舊發給。如有不敷。李鴻章亦當設法接濟。運河防務緊要。宋慶一軍。既經調赴西路。著李鴻章等。即派得力將弁。將宋慶所防地段。實力嚴防。張曜一軍。著即移紮河北。李鴻章等亦當另派得力將弁。填紮運防。毋稍疏虞。該大臣等素顧大局。諒必通盤籌畫。不至因宋慶等軍調赴山西。置運防於不顧也。原摺片均著鈔給閱看。將此由六百里諭知左宗棠李鴻章趙長齡英翰李鶴年。並傳諭張兆棟知之。○緩徵山西薩拉齊廳被水地方新舊額賦。暨民借倉穀。○丁亥。諭軍機大臣等。官文穆騰阿奏截剿梟匪獲勝一摺。梟匪在晉州釣魚臺吳邱等處。經余承恩陳濟清等分路追剿。殲擒多名。所贖

不滿二百人。該匪經此懲創。勢已窮蹙。亟應一鼓作氣。迅速殄除。著官文穆騰阿嚴飭陳濟清等。盡力窮追。務將此股敗殘之眾悉數鏟除。不准一名漏網。僅敢稍涉懈弛。致敗匪乘間潛逃。縱令死灰復燃。必將該員弁等從重治罪。已革總兵余承恩係剿賊不力。獲咎之員。此次督隊擊賊。尚屬奮勉。著與在事出力各員。均行存記。並著查明逆首姓名。毋使幸逃顯戮。本日據徐繼畲等奏。請飭余承恩赴晉剿賊等語。晉省為餉源所自出。關繫緊要。余承恩籍隸山西。保衛桑梓。尤應格外出力。著官文飭令該員將所部兵勇。挑選精銳。迅赴該省剿賊。歸左宗棠調遣。直隸剿匪正在喫緊。未可因抽調一軍。稍涉疏懈。官文等務當另調得力之兵。馳赴前敵。合力殺賊。以竟全功。將此由五百里各諭令知之。○又諭。前因捻逆竄過黃河。擾及晉疆。疊經諭令左宗棠督兵入晉。先顧大局。茲據左宗棠奏。捻

逆渡河犯晉。自請治罪。並調馬德昭駐守運城。留劉典等勦辦陝回各摺片。擒匪由吉州南竄河津。蒲解一帶。防務喫緊。運城鹽庫。為餉源所自出。左宗棠現調馬德昭一軍進紮運城。著即檄令星夜拔營。馳赴該處駐紮。相機進勦。並著李鶴年一體嚴催。飭令剋日起程。不得稍延時日。左宗棠當懍遵疊諭。迅速入晉督勦。劉松山郭寶昌兩軍。並著左宗棠趙長齡迅速催提。兼程來晉。繞由東路兜勦。

而西與陳湜所部會合夾擊。昨因東省捻股殲除將盡。李鴻章兵力有餘。已諭令該大臣等將程文炳宋慶兩軍。由山東直隸赴晉助勦。張曜一軍。由山東移赴河北堵勦。該將領等到晉豫後。即著歸左宗棠調遣。並著一面催提。以厚兵力。此次擒匪入晉。該大臣竟未能立時得信。日久始得消息。朝廷焦盼已久。前經吏部遵旨將該大臣嚴議革職。已加恩改為革職留任。所請從重治罪之處。著暫行

寬免。該大臣當思奮勉立功。力圖自贖。儻再仍前貽誤。寬典豈能再邀。且該大臣由閩浙總督調任陝甘。授為欽差大臣。督辦陝甘軍務。倚任不為不重。若不振奮精神。力求成效。清夜自思。何以自安。陝省回匪未靖。且續有由甘東犯大股。該處軍務。即著責成劉典高連陞與庫克吉泰喬松年會籌勦辦。喬松年責任封圻。亦當會商劉典等調度。不得置身事外。本日據前任太僕寺卿徐繼畬給事中

白恩佑御史郭從矩等奏陳山西軍務布置機宜。並請飭陳國瑞余承恩帶兵赴晉各摺。已諭令官文飭余承恩統帶所部西行入晉矣。陳國瑞前已有旨令赴山東歸丁寶楨差委。現在東省軍務較鬆。陳國瑞著改發山西。交左宗棠差遣。即著該員與宋慶程文炳合統兵勇赴晉。與余承恩所部均歸左宗棠節制調遣。徐繼畬白恩佑原摺均著鈔給左宗棠趙長齡閱看。郭從矩原摺著摘鈔給左宗

崇等閱看。該京卿等所陳布置機宜。並著左宗棠趙長齡斟酌情形辦理。將此由六百里諭知左宗棠庫克吉泰喬松年趙長齡李鶴年並傳諭劉典知之。○又諭劉嶽昭奏滇軍回援省城楚雄等處一摺。迤西逆匪連陷祿豐廣通元謀等城。勢甚披猖。楚雄危急。省城戒嚴。岑毓英所部各軍已分投西進援應。著劉嶽昭咨照宋廷春一面將省城防守事宜妥籌布置。以靖內患。一面督飭各軍相機進剿。迅將祿豐等城剋期攻拔。毋稍延緩。岑毓英現紮曲靖。即著飭令確探賊情。隨時策應。不得遷延觀望。坐失事機。滇省軍務方殷。劉嶽昭身任滇撫。務將黔西一帶賊匪迅圖掃蕩。即行入滇任事。以副委任。將此由六百里諭令知之。○鑄給新設布倫托海辦事大臣印信。從烏里雅蘇台將軍麟興等請也。○以廢弛營伍革雲南副將唐錫巒職。○科爾沁扎薩克圖謝圖親王巴寶多爾濟等七人。喀

喇沁扎薩克都楞郡王色伯克多爾濟等五人。教漢郡王布彥德勒格喀爾喀克齊蘇尼特扎薩克郡王托第布木等二人。扎賚特扎薩克郡王阿勒坦鄂綽爾阿巴哈納爾扎薩克貝子桑齊薩喇特多布等二人。扎魯特鎮國公達瓦甯保。郭爾羅斯扎薩克輔國公阿勒坦鄂齊爾烏喇特扎薩克輔國公貢桑端魯布。克什克騰扎薩克頭等台吉畢瑪拉吉哩第茂明安頭等台吉達爾瑪吉哩第喀爾喀扎薩克郡王托克托琥圖魯等六人。於養心門內瞻覲。○戊子。諭內閣。前因戶部奏遵議右贊善徐申錫積穀條陳。當經降旨諭令江蘇浙江督撫迅籌採買米糧數十萬石。由海運津。茲據太僕寺少卿彭祖賢奏東南穀賤傷農。畿輔宜籌足食。請飭江蘇招商販運。以資調劑等語。向來沿海地方。運米出口。例禁綦嚴。惟現在南北米價懸殊。若准內地商船接踵販運。畿輔民食庶可藉資接濟。自應

變通辦理。著兩江總督江蘇巡撫轉飭蘇松太道督飭沿海州縣出示招商。凡沙船衛船及甯波福建廣東商船均准其在上海等處運米赴天津售賣。隨時由地方官給予護照。所過關卡並准免納稅釐。以廣招徠。○諭軍機大臣等。李鶴年奏遵覆張曜宋慶兩軍分紮山東東平戴廟等處。現飭防守情形等語。昨因晉省軍情緊要。諭令李鴻章等飭令宋慶統帶所部。由山東直隸赴晉。協同剿匪。張曜一軍移紮河北。李鶴年此次所陳。自未接奉前旨。晉省竄匪亟應添兵協剿。著李鶴年懍遵。本月初七初八等日寄諭。將張曜宋慶兩軍迅速調撥。以赴戎機。馬德昭一軍。昨據左宗棠奏調赴運城。即著李鶴年飭令趕緊拔營。馳赴該處。相機堵剿。該將領等到防後。即由左宗棠調遣。其段廣瀛四營。現駐晉溝。應否渡河繼進之處。著李鶴年與左宗棠會籌布置。趙長齡仍當督飭陳湜激勵各營。認

真防剿。務將此股竄匪就地殄除。毋得專恃客兵。置身事外。再干重咎。將此由六百里諭知左宗棠李鶴年趙長齡。並傳諭陳湜知之。○又諭麟興等奏。土爾扈特盟長呈懇赴京。請旨遵行一摺。土爾扈特盟長布彥烏勒哲依圖自伊犁變亂後。游牧盡失。奔赴烏城。呈請入都陞見。覽其所呈各情。中途顛沛流離。甚為可憫。若仍令其折回游牧。道途阻滯。非所以示體恤。布彥烏勒哲依圖著准其馳驛

來京。由內地臺站行走。惟該盟長入京。其土爾扈特厄魯特游牧人眾。日久無主。恐其滋生事端。著麟興。錦丕勒。多爾濟。傳知該盟長設法安插。該將軍等亦當隨時就近料理。務臻妥協。將此由五百里各諭令知之。○督辦新疆北路軍務西安將軍庫克吉泰奏出省相機督剿。得旨著即酌帶官兵相機進剿。迅殄逆氛。不得株守咸陽。敷衍了事。○以正白旗滿洲副都統棍楚克林沁為鑲紅旗護軍

統領正白旗護軍統領常星阿為正藍旗漢軍副都統未到任前以頭等侍衛載良署理○以河東祥河等廳搶險出力予同知鄒梁等加銜升敘開復有差○以河南襄城土匪滋事革知縣羅雋職降都司杜芸為千總予勦辦出力總兵官崔廷桂等升敘有差○己丑諭內閣鍾岱奏晉奏遵查富新倉粟米微變情形請將監督先行交部議處一摺富新倉存儲粟米據該侍郎查明實係陳粟蒸變

清史稿卷一百一十一

十一

兼之廩座年久失修今秋大雨椽瓦塌落致有土礫尚無別項弊端惟該監督等未能隨時挑瞭實屬不知慎重所有該倉監督工部員外郎鍾霖刑部主事童世樸本已因案撤任著先行交部議處以示懲儆該倉應放正黃旗甲米業經諭令戶部改剗別倉開放其現存粟米著該侍郎督飭該監督等加意節瞭乾潔咨明戶部遇有雜款零檔剗放以重倉儲○諭軍機大臣等戶部奏統籌財用請

嚴飭將帥迅速平賊一摺據稱用兵省分偏僻將士人品不齊往往視帶兵為利藪所部勇丁按籍而稽十不得五幸而獲勝鋪張揚厲濫膺上賞其甚者惟恐軍務速平故意縱賊以為自利之計等語所奏切中時弊各該統兵大臣督撫等受國厚恩宜如何激發天良實心籌辦迅圖滅賊之方儻玩泄因循任令老師靡餉日久無功軍務竟無了期問心何以自安著各路統兵大臣用兵省分督撫

清史稿卷一百一十一

十一

即將所部各營認真考覈毋任缺額虛冒口糧並嚴檄將弁同心勦匪務期迅就廓清以靖地方而裕國用若仍蹈從前積習朝廷必治以應得之罪決不寬貸直隸梟匪滋擾所練六軍並未見力加勦辦並據奏稱此項固本餉需半耗於督帶月糧及委員薪水等款徒循訓練之虛文無裨勦匪之實用似此情形實堪痛恨著官文破除情面將六軍大加整頓認真淘汰以期兵歸實用餉不虛糜該

署督卽迅速辦理。據實具奏。原摺著鈔給閱看。將此各諭令知之。○又諭候補京堂王家璧奏請將散失馬隊兵勇赦罪招回。並請刊刻清漢蒙古三體字告示曉諭各摺片。已諭令軍機處內閣繕寫清漢蒙三體字樣告示。發交各統兵大臣矣。從前僧格林沁在軍營殉難時。所部馬隊兵勇多有迷失。陷在賊中。該兵勇等久在軍營殺賊。均係為國出力之人。一旦陷身於賊。未必甘心從逆。特苦迫於

軍機處

王

時勢。末由自拔來歸。此等馬隊皆久經戰陣。素稱得力將士。若任其淹沒。不開以自新之路。殊覺可惜。王家璧所請張布告示曉諭。令其解散歸誠。所論不為無見。著各該大臣等將朝廷頒發告示。照式刊寫多張。徧行張貼曉諭。以期解散脅從。益孤賊勢。此內如有從前打仗得力者。並可由各該大臣體察情形。酌留軍營。責其立功贖罪。以收其用。王家璧原摺片各一件。均著鈔給閱看。將此各諭令

知之。○又諭穆騰阿奏馳抵衡水。賊已東竄。現添隊跟追。並釣魚臺等處剿賊獲勝各摺片。所陳余承恩陳濟清等在釣魚臺吳邱追剿各情。與官文所奏情形大略相同。此次賊匪由武邑阜城等處渡河東竄。雖經富和等跟追。並未大加懲創。該匪所贖僅二百人。其勢已感。自應分路追擊。以免死灰復燃。著穆騰阿嚴飭派出各員弁覘賊所向。迎頭截擊。不得徒事尾追。復滋延蔓。德州一帶。卽著飭

軍機處

王

令派出之軍認真兜剿。余承恩現已調赴山西。官文當懍遵前諭。另調得力將弁接替。並檄飭陳濟清會同穆騰阿所派各軍跟蹤剿擊。不准稍有遷延。貽誤戎事。將此由五百里各諭令知之。○又諭趙長齡奏秦軍擊賊獲勝。現在跟蹤追剿一摺。此次捻逆闖入晉疆。雖經劉松山等軍追剿獲勝。克復吉州。而逆蹤紛竄。愈逼愈東。現在洪洞竄匪諒亦不能久踞。勢將乘虛東竄。前諭左宗棠飭令劉松

山等軍。由東面兜剿。仍著懔遵前次諭旨。檄飭各軍繞前攔截。張曜本令移紮河北堵剿。余承恩亦令由直入晉。現在晉東遼潞一帶。尤須有兵扼截。即著官文。李鶴年。迅飭張曜。余承恩兩軍。由臨洺關進發。宋慶。程文炳兩軍。著李鴻章。英翰。張兆棟。催令兼程前進。由直隸獲鹿大道進剿。會同劉松山。郭寶昌。陳湜等軍。兩面夾擊。以殄逆氛。左宗棠亦應迅速赴晉。親往調度。不得稍涉遲誤。趙長齡現

實錄卷二

三

已出省。即著扼要駐紮。固不可任賊北竄。亦宜杜賊東趨。庶完善各邑。不至處處被擾。陳湜進駐趙城。西面沿河一帶。仍責成該司加意嚴防。毋再令匪徒闖入。更形滋蔓。馬德昭一軍。諒已渡河。僮南路情形較鬆。並著左宗棠相機檄飭。併赴東路兜剿。以杜紛竄。左宗棠趙長齡。陳湜前已施恩。僅予薄譴。僮任逆氣東北紛竄。不能力遏兇鋒。必當重治其罪。懔之勉之。將此由六百里加緊諭知官文。左

宗棠李鴻章趙長齡李鶴年英翰並傳諭張兆棟陳湜知之。○賞山西等省鄉試年老諸生馬恩溥等三十二人舉人副榜有差。

實錄卷六

三十

大清穆宗繼天開運受中居正保大定功聖智誠孝信敏恭寬毅皇帝實錄卷之二百十八

大清穆宗繼天開運受中居正保大定功聖智
誠孝信敏恭寬毅皇帝實錄卷之二百十九

聖祖皇帝遺訓

聖祖皇帝遺訓

聖祖皇帝遺訓

聖祖皇帝遺訓

聖祖皇帝遺訓

教修

同治六年丁卯十二月庚寅

孝和睿皇后忌辰遣官祭

昌西陵○諭軍機大臣等丁寶楨奏擒逆被勒
南竄查驗黃防並截勒梟匪各摺片官軍勒
辦擒匪獲勝情形與李鴻章前奏大略相同
自當乘賊窮蹙一鼓作氣迅就殄除惟賊騎
雖已無多大率皆百戰悍酋若不及早剪鋤
將來死灰復燃又有滋蔓之慮著李鴻章嚴
檄各路將士乘勝窮追務將此股竄匪勒除
淨盡毋使一名漏網該大臣當念功虧一簣

之時極力圖惟清此巨慙與行間諸將士同
膺懋賞也現在賊既南竄已有劉銘傳等軍
緊躡追勒兵力尚厚王正起等軍已由丁寶
楨飭令分紮要隘即著嚴飭認真扼守儻遇
賊匪回竄必當分投截勒不可稍形疏懈黃
河防務該撫布置尚妥天寒水凝尤宜格外
慎重即著照所擬實力舉辦不可徒託空言
該撫暫駐省城旬餘以便居中調度一俟河
流解凍仍著專力督勒海口一帶四五十里
不能駐隊務當責令王成謙等妥籌守備期
免疏虞直隸梟匪疊經官軍擊敗現在忽東
忽西紛竄無定即著嚴飭傳振邦郭大勝等
勤加偵探由東南扼勒與直省官軍會合夾
擊以殲窮寇將此由六百里各諭令知之○
督辦新疆北路軍務西安將軍庫克吉泰奏
馳抵咸陽妥籌扼勒得旨即著督帶親軍扼
紮渭濱一帶隨時與劉典等軍妥籌策應不
得徒事株守致誤事機○辛卯

孝德顯皇后忌辰遣官祭

定陵○以都察院左都御史譚廷襄為刑部尚書刑部左侍郎鄭敦謹為都察院左都御史調禮部右侍郎賀壽慈為刑部左侍郎實授沈桂芬禮部右侍郎○予故刑部尚書齊承彥祭葬謚恭勤賞其子廕生世名員外郎孫國子監典籍兆麒主事○壬辰諭內閣崇厚奏請飭順天直隸各屬舉行團練等語團練一事實仿堅壁清野之法聯絡民心以補兵力之不逮乃梟匪倡亂以來如大城南皮兩縣之能辦團協勦者甚屬寥寥可見各州縣平日於團練要務漠不關心以致賊騎縱橫生民荼毒殊堪痛恨所有辦團著有成效之大城縣知縣彭瑞麟南皮縣知縣武士選均著交部議敘其餘各州縣及該管營汛經梟匪竄擾不能率團禦賊綏靖閭閻者即著官文嚴查懲辦嗣後各該地方文武紳民有能始終不懈保衛地方者准與直隸總督等隨

時分別獎勵如各州縣營汛員弁仍前玩泄致令安靜地方突有匪徒滋事及窩藏逸匪者即著各該管上司據實糾參將該州縣營汛各官從嚴懲辦該管上司亦不准扶同掩飾以副朝廷除莠安良之意○諭軍機大臣等官文穆騰阿奏梟匪殄除殆盡直境肅清崇厚奏梟匪被勦星散現飭揔捕餘匪舉辦團練各摺片梟匪自晉州敗遁後由景州竄至東光之安樂屯等處經官軍追捕疊有斬擒該匪僅餘一二十人改換農服由山東夏津之杜甫掖渡河遁去該署督等現飭張得信等過河追勦余承恩等暫駐夏津即著官文穆騰阿崇厚嚴檄派出各軍乘此聲威將夏津竄匪悉數殲除一面知會丁寶楨督飭官軍會同揔勦毋任一名漏網再貽後患逃散零匪必有窩藏之所各該州縣地方官當迅行嚴密躡緝以絕根株儘捕拏不力致令死灰復燃將來在何處滋事即將該處地方

官及營汛各員從重治罪決不寬貸天津所屬現辦團練著崇厚與官文會商飭令劉策先督同官紳認真經理仿照堅壁清野之法以衛閭閻此外天河屬境與順天東路南路兩廳毗連之處並著飭令劉策光查明次第辦理所練六軍著官文懍遵前旨逐加淘汰去弱留強以期餉不虛糜毋得瞻徇情面虛應故事將此由五百里各諭令知之○又諭張之萬奏擒逆衝過六塘河擾及鹽河以北

抽隊迎勦情形一摺前據李鴻章奏擒匪在壽光海濱等處為官軍擒斬殆盡僅贖數百騎遁去何以忽有擒眾萬餘由順河集竄撲六塘河擾及鹽河北岸雖經張之萬派張從龍抽兵迎勦小有擒斬未能大挫賊鋒該逆已深入完善之地裏下河一帶地方倍形喫重更恐該匪圖竄運河回擾皖豫張之萬現調姚廣武王可陞等軍夾擊即著迅速進兵力圖掃蕩並著檄飭黃翼升等水師駛赴眾

興楊莊一帶節節嚴密防守李鴻章自前次報捷後至今尚無續報劉銘傳等軍已否追賊南下逃逸餘匪究有若干逆首悍目尚有幾人即著確切查明具奏並嚴飭各軍星馳赴勦務期一鼓蕩平毋使該匪稍延殘喘得遂其裹脅奔突之計丁寶楨亦當勤加偵探嚴防回竄運河交冬水淺防務尤關緊要李鴻章李鶴年英翰張兆棟等務須添派兵勇加意校巡儻任一賊一騎偷渡必將分防將

弁按照軍法從事並著丁寶楨李鶴年英翰張兆棟等分派勁旅覘賊所向與淮軍合力夾擊毋稍觀望其程文炳宋慶張曜等軍著李鴻章等仍遵前旨分別飭令移防赴晉毋得藉詞逗留此次六塘河疏防地段各員著李鴻章張之萬確查從嚴叅辦將此由六百里諭知李鴻章張之萬丁寶楨李鶴年英翰並傳諭張兆棟知之○以兵部左侍郎胡家玉兼署刑部左侍郎○以直隸晉州臬匪肅

清予已革改用總兵官余承恩開復道員鹽運使銜復已革總兵官陳濟清職賞還花翎餘加銜升敘有差○癸巳諭內閣額勒和布等奏會審案內應訊大員始終狡展將大概情形奏明請旨一摺前任金川副都統希拉布與協領訥欽布互相叅訐一案前因希拉布遣抱赴京呈控當經諭令解京交刑部訊辦茲據額勒和布等奏業經提集人證將此案各節研訊明確卽著額勒和布會同盛京刑部詳慎定讞咨送刑部覈議定擬具奏毋庸將人證解京訊辦以免拖累○諭軍機大臣等馬新貽奏接辦西防石塘大工單開章程並繪圖呈覽一摺海甯繞城石塘將次工竣現辦西防石塘大工通共約需銀四十八萬九千兩據稱所估工料價值覈與例定稍有加增實因物力艱難時勢不同所致自係實在情形所估銀數既經加增馬新貽當督飭屬員認真購辦務期工堅料實為一勞永

逸之計所有勘估各工及章程六條均著照馬新貽所擬辦理該撫卽實心經畫迅速開辦以重要工此項工程須添購新石十餘萬丈浙省採辦斷難敷用著郭柏蔭遴委委員在於洞庭等山按照志載尺寸如式採辦五萬丈運浙濟用毋稍遲誤其石價水腳運費等項均由江蘇籌款自行報銷將此各諭令知之○又諭左宗棠奏官軍入晉勦擒獲勝情形一摺所稱克復吉州並解河津稷山之圍與趙長齡所奏略同惟現在捻蹤已至洪洞劉松山郭寶昌兩軍由平陽進剿該大臣調喜昌安住全福馬隊從天井關趨澤潞一帶相機截擊尚屬合宜卽著催令迅速前進以期迎頭攔擊韓侯嶺為太原門戶前經陳湜派兵扼守趙長齡計日亦可趕到著卽督飭各軍嚴加防守毋許一匪竄越致滋蔓延宜川一帶捻逆雖多而晉省無知兵大員督辦事無稟承恐未能迅速肅事且前調宋慶

程文炳等軍由獲鹿赴晉張曜余承恩兩軍由臨洺關進發並將陳國瑞發往該大臣軍營差遣客兵愈多必得左宗棠親往督辦方可調度合宜著仍遵前旨兼程東征其宜川等處擒匪另派妥員防勦俾得移緩就急廓清晉境再行返旆而西以紓廩念並著陳湜嚴防西面沿河一帶毋使匪眾再有闖入直隸河南各要隘疊諭官文李鶴年加意嚴防著懷遵前旨相機辦理毋稍疏懈昨據御史

王道源奏條陳晉省防勦事宜所稱進兵道途固屬詳細第兵機無定難以遙制著左宗棠趙長齡酌量調度間敬銘如已就痊並著趙長齡知照令赴太原省城幫辦防守事宜並將石嶺關豫為布置晉省團練有名無實丁憂候補侍讀祁世長人素謹飭著趙長齡傳知該員會同原辦之紳士田雨公趙德轍體察民情認真妥辦河保暨歸化包頭一帶著裕瑞等督飭馬陞各軍並新調察哈爾官

兵嚴密堵禦口外各廳著趙長齡酌量派員幫同稽查襄辦防務期免疏虞王道源原摺著鈔給左宗棠趙長齡閱看將此由六百里諭知官文左宗棠裕瑞桂成趙長齡李鶴年並傳諭陳湜知之○以翰林院侍讀學士馬恩溥侍讀學士孫毓汶司經局洗馬黃體芳翰林院編修李文田充日講起居注官侍講學士錢寶廉編修歐陽保極署日講起居注官○蠲緩兩浙西興杜瀆橫浦浦東四場被

水竈地本年竈課有差○豁免兩浙仁和海沙鮑郎蘆滙橫浦浦東六場未墾竈地本年錢糧○甲午

上奉

慈安皇太后

慈禧皇太后幸漱芳齋侍午膳○諭內閣官文奏永定河漫工合龍請將被叅各員開復處分各摺片並永定河南七工汎漫溢等語本年永定河秋汎盛漲北三工五號並南上汎

灰壩先後失事現經道廳汛弁人等開挖引河設法搶護灰壩業已合龍應需款項著官文督飭藩司照案籌辦其應如何分捐歸款之處並飭會同該河道妥議辦理至前次漫口各工前經合龍而永定河南七工六號永泮水長隄身坐墊河水復至漫溢雖在三汛期外在事各員究屬疏於防範所有此次失事之該道廳等暨各員弁均著交部議處其北三工等處搶辦出力人員暨隨辦大工繳清賠項各員弁均著俟全河工竣再行奏請酌量加恩○又諭官文奏革員帶兵出力並請遣撤楚勇回籍等語已革直隸總督劉長佑於革職後督勇親赴前敵將梟匪殄除殆盡尚屬出力劉長佑著賞給三品頂帶管帶所部楚勇並楚省帶兵各員弁均回湖南本籍妥為安置○諭軍機大臣等前據官文等奏梟匪殄除殆盡餘匪竄至山東夏津當經諭令官文等飭令派出各軍將夏津竄匪悉

數殄除茲據穆騰阿奏稱直隸派出各軍與山東兵圍將夏津竄匪殄除按捕淨盡直隸已無賊蹤惟該匪敗逃之餘難保竟無一名漏網潛匿他所山東夏邱革館等處並直隸大順廣一帶素多土匪更難保無此股梟徒潛匿窩藏著官文丁寶楨嚴飭該地方文武實力查緝務期盡絕根株不得稍涉鬆懈致令死灰復燃穆騰阿所部出力員弁准其擇尤保奏毋許冒濫所有神機營馬步官兵卽著穆騰阿管帶回京吉林馬隊仍著留駐直隸由官文飭令在正定一帶擇要扼紮以防晉省捻匪東竄仍交春壽富和統帶認真整理訓練所有軍裝火藥馬匹器械並著官文妥為經理籌備毋稍缺乏江甯副都統富陞著穆騰阿卽行知照令其馳赴任所將此由五百里各諭令知之○以已革一等男貴山子佐領維寬襲爵○乙未諭軍機大臣等英翰奏皖軍渡運擊捻獲勝收降並追勦情形

一摺。捻股被劉銘傳等軍擊敗。由山東南竄宿北。經牛師韓徐登善等渡運迎剿。將逆匪擊敗。並收降投誠賊眾多名。分別散遣留用。惟散遣降眾務須妥籌安插。不可漫無歸束。致令散而復聚。別滋事端。留用之眾亦須善為駕馭。以資驅策。此股殘匪甫經皖軍擊敗。並據英翰奏稱賊數無多。乃復向六塘河浙軍防守地段竄渡而南。該營將士之防堵疏懈。已可概見。實堪痛恨。前據張之萬奏稱竄

渡六塘河。敗匪約有萬餘。是否另有分股。著李鴻章查明具奏。淮徐一帶防務此時倍形喫緊。李鴻章旬日以來未有續報軍情。劉銘傳等軍曾否追至淮甸。該大臣務當督飭諸軍分路扼截。杜其竄越江皖之路。並著英翰檄令牛師韓等合力截剿。務期就地殄除。以杜蔓延。毋令垂成之功。隳於一旦。陝捻竄入晉疆。需兵助剿甚急。程文炳一軍仍著英翰飭令迅速拔營。由直東一帶赴晉。並著李鴻

章遵奉前諭。飭令張曜宋慶兩軍趕緊起程。分赴山西河北防剿。毋稍遲誤。將此由六百里各諭令知之。○又諭蘇鳳文奏擊退黔省苗匪。並鎮安等處剿賊情形。各一摺。貴州荔波所屬之九阡下河等處苗匪竄擾粵疆。閩人思思宜山等境。經遊擊吳開運等擊退。復有另股苗匪竄撲慶遠府城。經官軍鄉團擊斃多名。該匪旋竄融縣。長安鎮據險負隅。亟應厚集兵力。痛加剿洗。蘇鳳文現派刁經明

帶兵前往會同何元鳳等軍進剿。卽著嚴飭該副將等合力圍剿。迅速殄除。不得任令逸出。致貽後患。柳慶等處團務飭令該地方官實力舉辦。藉資協助。柳州西北一帶接連楚境。並著咨照湖南巡撫派兵嚴防。以杜竄越。獨山荔波一帶為苗匪出沒之區。必當派兵駐紮。隨時截剿。道員吳德容所部既經渙散。著曾璧光迅速派得力將弁帶兵前往。與粵軍會合夾擊。毋得任令擾及鄰疆。致滋蔓延。逆

匪吳亞終一股。屢經官軍擊敗。其勢漸衰。著蘇鳳文督飭覃遠璉奮力進剿。剋期殄滅。毋稍延緩。其謝八一股盤踞龍州窰頭等處。馮子材已拔營前進。著蘇鳳文知會該提督迅速進兵。力圖埽蕩。以靖疆圉。將此由五百里各諭令知之。○以故三等誠毅伯彥慶弟彥凌一等男陳慶福孫景寬金泳子桂祥襲爵。○補鑄廣西界牌鎮巡檢印信。從護巡撫蘇鳳文請也。○予廣西慶遠陣亡府經歷高士廉從九品袁錄祭葬。世職加等。○予故江蘇六合縣知縣雲茂琦山東章邱縣知縣張樸陝西臨潼縣知縣賈芳林入祀名宦祠。從巡撫郭柏蔭予寶楨劉蓉請也。○予安徽故內閣中書洪鈞江西故四川巴縣知縣毛輝鳳浙江故江蘇淮徐揚海道朱善張直隸東安縣知縣倪承弼錢塘縣訓導方垌平湖縣優貢生顧廣譽定海廳歲貢生黃武三福建故翰林院編修林春溥河南商邱縣知縣孫珩

惠安縣優貢生孫經世河南故江西進賢縣知縣高殿舉安陽縣訓導龐慎修山東故河南候補知州李德林山西故直隸玉田縣知縣趙逢年陝西故四川候補直隸州州判張鵬飛石泉縣廩生張翎入祀鄉賢祠。從巡撫英翰劉坤一馬新貽李鶴年丁寶楨趙長齡劉蓉護巡撫周開錫請也。○予江西前明南京都察院右副都御史歐陽旦廣東按察司提學僉事歐陽哲入祀鄉賢祠。從巡撫劉坤一請也。○蠲緩廣西歸順宣化隆安永淳甯浚雲武宣崇善左養利永康天保奉議橫來賓雄容象柳城思恩河池桂平平南貴臨桂靈川賀永安武緣賓遠江上林三十一州縣被擾地方本年額賦有差。○丙申諭軍機大臣等寶珣奏請將盤獲形跡可疑人犯飭交順天府嚴訊等語。據稱盤獲面生可疑之康雨山等七犯。供係聽從民人焦明山邀會入夥。藉捕匪為名。聚集十九人之多。並訪得

豐潤縣境宣莊等處地方近有詐冒官軍訛索鹽店搶劫行旅之案難免非卽此股匪徒四出滋擾亟應嚴切根究著萬青藜王榕吉親提此案人犯嚴行審辦並將焦明山暨其餘各犯一併嚴密訪拏毋任漏網原片著鈔給閱看將此各諭令知之○又諭寶珣奏盤獲販賣火藥人犯請旨飭交審辦一摺據稱巡捕外委王懋忠等先後在薊州地面拏獲販賣火藥之回民張二把卽張泳順等供係

與通州邢各莊民人高姓等時常與販並查出該犯等均持有練軍糧臺手票情節支離請飭查辦等語私販硝磺火藥例禁綦嚴若不從嚴究辦貽害實深著官文卽派公正明幹之員提集人證徹底根究按律懲辦毋得稍涉寬縱火藥例應官制何以練軍營中發票買自民間致有私行興販之事又薊州各屬地方官何以於私販火藥人犯平日毫無覺察並著官文逐一查明據實嚴參不准巧

為開脫私販人犯尤恐不止一起仍著寶珣嚴飭王懋忠等會同薊營員弁隨時查拏以消奸宄原摺著鈔給官文閱看將此各諭令知之○又諭都興阿奏官兵接獲匪犯分撥隊伍巡緝情形一摺吉林屬界賊匪在二大窪屯等處搶掠經諾林丕勒派隊勦捕疊有拏獲餘匪逃散仍著都興阿檄飭諾林丕勒暨托倫布接統常在各軍認真搜捕務絕根株練目陳安本係著名匪犯假團練以擾民

屢經被控亟應嚴行懲辦著都興阿知會麒慶連將陳安拏獲解交奉天由該將軍嚴加審訊按律懲治以除奸宄如麒慶延不解交或任遠颺卽著都興阿據實嚴參白凌阿等要犯都興阿當懷違前旨嚴拏務獲毋任漏網留防客兵及本省練兵馬步各隊准其棠入孤山案內擇尤保奏毋稍冒濫嗣後如再有賊匪滋生事端卽將該員弁等從重懲處將此諭令知之○又諭降調廣東巡撫蔣益

澧本日已加恩以按察使候補發往左宗棠軍營差遣惟該員所帶湘軍前曾諭令派員管帶回籍現在已否起程儻未經回籍卽著瑞麟傳知蔣益澧督飭派出各員妥速帶回楚省安插以免滋擾該臬司著卽赴陝毋稍延緩將此由五百里諭令知之○又諭李鴻章奏官軍勦捻大勝後捻蹤南竄現飭追勦並派張曜等軍赴晉一摺捻逆經前次痛勦之後匪首殲斃不少餘黨僅賸數百騎賊勢

衰落洵足以壯軍威惟該逆竄過六塘河鹽河圖竄運河清淮實為喫重該處尚係完善之區且西達皖疆張之萬所部單弱恐不能堵禦劉銘傳等馬步各軍雖不免疲乏而時有可乘正宜一鼓殲旃豈可稍有遲誤致令賊勢復張著李鴻章嚴飭劉銘傳等軍迅卽前進滅此朝食以慰南顧之懷張之萬駐紮清江兵勇雖不甚多亦當妥為扼守毋得專待援軍致誤事機張之萬前奏賊眾尚有萬

餘而李鴻章兩次所奏俱稱賊止數百何以多寡如此懸殊仍著李鴻章確切查明據實具奏張曜宋慶程文炳各軍前已疊諭分道赴晉著李鶴年英翰仍遵前旨飭令張曜由臨洺關進勦宋慶程文炳由獲鹿進發毋許延緩張曜宋慶兩軍防勦東捻半載以來頗知奮勉深堪嘉許著李鶴年查明擇尤奏請獎敘以示鼓勵丁寶楨現在蒲臺逆匪雖南趨不可不慮其回竄河防極為緊要著懷遵

前旨妥為布置毋得稍有貽誤將此由六百里各諭令知之○以太僕寺卿鄭錫瀛為太常寺卿○命降調廣東巡撫蔣益澧以按察使候補發往陝西軍營交欽差大臣左宗棠差委○以河南陝州糧臺轉運出力予知縣盧驥雲以同知直隸州知州用並賞花翎從九品莫崇禮等藍翎餘加銜升敘有差○予江蘇海州等處陣亡千總熊正興等二十四員祭葬世職加等○予江蘇各屬陣亡殉難

紳民韋香等暨婦女二千三十四名口分別旌卹如例○展緩江蘇宜興荆溪丹陽金壇溧陽五縣被擾地方本年額賦○蠲緩江蘇長州元和吳吴江震澤常熟昭文崑山新陽太湖華亭婁金山青浦武進陽湖無錫金匱江陰丹徒太倉鎮洋嘉定宜興荆溪丹陽金壇溧陽奉賢靖江寶山泰興泰江都甘泉崇明上海南匯川沙三十九廳州縣暨蘇州太倉鎮海金山鎮江五衛未墾歉收田地新舊額賦雜課有差○丁酉諭內閣協辦大學士四川總督駱秉章忠誠亮直清正勤明由翰林洊擢卿階以廉介持躬仰蒙宣宗成皇帝特達之知先後命赴山東河南等省查辦事件旋簡授臬司擢任封疆在湖南十年練兵訓士甄拔人材東南巨寇賴以殄滅復荷文宗顯皇帝知遇特加頭品頂帶以示寵眷嗣

命督辦四川軍務朕御極以後卽擢授四川總督統軍入蜀賞罰嚴明所向克捷滇粵各逆悉數殲除並越境攻克甘肅貴州各州縣因石逆被擒川境肅清論功行賞晉加太子太保銜旋以江甯克復東南埽蕩念其昔年在湖南任內識拔將帥克振軍威忠藎咸孚勛勞夙著復賞戴雙眼花翎賞加一等輕車都尉世職本年夏間簡任綸扉老成碩望方冀克享遐齡長資倚畀昨因舊恙復發賞假調理遽聞溘逝披覽遺章良深震悼駱秉章著追贈太子太傅卽照大學士例賜卹任內一切處分悉予開復應得卹典該衙門察例具奏並加恩予謚入祀京師賢良祠並於四川湖南兩省建立專祠其生平政蹟事實著卽宣付史館伊子駱天保著賞給郎中服闋後分部分行走駱天詒著賞給舉人服闋後准其一體會試伊孫駱懋湘駱懋勤駱懋仁駱懋勳均著交部帶領引見伊姪孫候選縣丞駱

肇銓著以知縣分發省分卽補其靈樞回籍並著沿途地方官妥為照料用副篤念蓋臣至意尋予祭葬諡文忠○諭軍機大臣等丁寶楨奏梟匪復竄東境官軍追剿殲除殆盡一摺梟匪由吳橋闌入德州恩縣一帶經官軍追剿疊有斬擒殘匪由夏津竄逸與官文等前奏大略相同前據官文等奏該匪全股竄東由夏津之杜甫掖地方渡河遁去境內肅清是直省已無匪蹤卽著丁寶楨督飭兵勇及該地方官分路按捕務絕根株並知會官文檄飭地方官於直東毗境會同躡緝總期殲除淨盡毋任餘匪逃匿又致死灰復然捻逆現在邳宿恐將回竄西路著丁寶楨嚴檄官軍迎頭截擊以剿為防會同李鴻章各營迅圖埽蕩為一鼓聚殲之計毋任再行回竄東境將此由六百里諭令知之○又諭趙長齡奏捻逆南竄飭兵堵剿李鶴年奏捻匪竄近濟源調軍剿辦各摺片覽奏曷勝憤懣

此次捻逆竄晉屢被官兵擊敗復由曲沃南竄垣曲趙長齡自當相機南行方合機宜乃旬日之間僅由徐溝進駐平遙恒怯無能不知調度至於如此實堪痛恨左宗棠著仍遵前旨兼程赴晉扼要堵剿並催安住等馬隊剋日迎擊昨諭瑞麟飭令蔣益澧前赴該大臣營差遣到營後著卽分撥兵勇協同剿賊懷衛一帶為豫省精華所萃斷不可任賊蹂躪著李鶴年飭令叅將田慶和等軍奮力迎剿並著李鴻章迅飭張曜由東阿渡河取道大名內黃馳赴懷慶一帶相機截擊前諭李鴻章等令宋慶程文炳兩軍由獲鹿赴晉現在捻逆趨重南路情形稍異著該大臣飭令宋慶等軍迎賊所向相機進剿不可稍涉拘泥致誤戎機河北毗連畿輔防剿尤關緊要著官文嚴飭防軍認真堵剿總兵劉景芳本有革職之案儻能力贖前愆不使一騎竄越直境自當量予恩施如仍前玩泄卽著從嚴

參辦母稍姑息。富和春壽所帶馬隊前令暫駐正定。現在匪擾河北。著進紮大順廣一帶。以杜紛竄。趙長齡既貽誤於前。若再任賊北竄。則其罪尤不可逭。著卽振刷精神。妥為防勦。西路河保鄉吉各屬。仍著陳澍暨新調之王巨孝各軍填紮嚴防。以免續有竄越。將此由六百里加緊各諭令知之。○命都察院左都御史鄭敦謹馳往山西查辦事件。○調閩浙總督吳棠為四川總督。未到任前。以成都

奏案卷七

三五

將軍崇實兼署以浙江巡撫馬新貽為閩浙總督。未到任前。以福州將軍英桂兼署。○調署湖廣總督江蘇巡撫李瀚章為浙江巡撫。命署江蘇巡撫郭柏蔭赴湖北巡撫本任。以江蘇布政使丁日昌為巡撫。○以山東德州等處截勦梟匪獲勝。予降補遊擊黃兆昇以副將補用。千總石魁陞以都司用。並賞花翎。知縣郝植恭等藍翎。○以索餉罷操革湖北副將王福彬職。○予湖北羅田等處陣亡殉

難舉人葉為璜等紳民婦女七百九十三名口分別旌卹如例。○戊戌諭內閣劉崑奏分別舉劾各員一摺。湖南長沙府知府孫翹澤清廉質樸。辦事實心。衡州府知府張士寬守潔才優。勇於任事。均著交部從優議敘。補用同知零陵縣知縣德鈞操守廉潔。聿著循良。著俟補同知後。以知府補用。以示獎勵。候補知府喬雲苓性情庸鄙。難資表率。著以通判降補。桂陽州州同石毓藻心地糊塗。辦事乖

奏案卷七

三六

謬。候補知縣吳炳雯處事冒昧。不洽輿情。武陵縣知縣歐陽烈辦事顛預。操守平常。新化縣知縣夏獻鈺性情躁妄。不飭廉隅。以上四員均著卽行革職。安化縣知縣馮檢准補祁陽縣知縣白雙全人地不宜。均著撤回。另補。○又諭張之萬奏官軍追勦捻逆疊獲大勝。生擒首逆一摺。捻逆在山東壽光一帶。被劉銘傳等軍擊散。後狂奔江蘇宿遷等境。竄過六塘河。在鹽河老壩一帶盤踞。經張之萬派

撥總兵張之龍等分路追殺疊有斬擒總兵姚廣武追至淮東石塘率橋等處殺斃賊匪千餘名復追至淮安平橋轟斃搶渡匪眾極多與員外郎李昭慶所部分路窮追沿途截殺不可勝計參將王得勝道員吳毓蘭在灣頭地方將逆首偽導王賴汶洗卽時擒獲並將大小賊目擒斬無遺晁水逃匿均經勇丁按殺殆盡六塘河以北未經竄渡之賊亦經遊擊蕭誠督勇兜剿殺斃數百名陣斬偽福

臣等奏

三十七

爵張得桂等二十三名總兵王可陞並浙軍斬殺亦復不少淮揚徐海一律肅清逆首賴汶洗前隨粵逆擾亂東南各省十餘年復糾合捻逆竄擾陝鄂豫東江皖各省疊肆猖獗此次經官軍臨陣生擒著張之萬卽行提訊明確就地盡法處治以申國憲而快人心所有此次出力將弁兵勇紳團均著李鴻章張之萬查明擇尤保獎以示鼓勵○諭軍機大臣等本日據張之萬馳奏追剿擒逆大勝生

擒首逆餘匪殲除殆盡一摺覽奏曷勝欣慰擒逆竄過六塘河時虞深入江境或回擾皖豫又致蔓延經官軍奮力追剿將賴汶洗擒獲並將匪黨殲除殆盡逆首賴汶洗前據李鴻章奏稱在山東彌河被剿窮迫落馬投水係屬獲賊所供續據該大臣奏稱該逆首淹斃水中天已昏黑究竟未實此次生擒該逆卽著張之萬提訊明確就地盡法處治此外尚恐有敗散餘匪分逃潛匿著李鴻章張之

臣等奏

三十八

萬卽行派兵分路搜捕不可稍涉大意致令餘灰復燃又成滋蔓難圖之勢晉省擒匪已竄濟源河北一帶勢甚喫緊著李鴻章仍遵昨日諭旨迅飭程文炳等軍兼程北上飭令相機迎剿毋稍延緩將此由六百里各諭令知之○調直隸布政使鍾秀為江蘇布政使以山東按察使盧定勳為直隸布政使山東兗沂曹濟道文彬為按察使○以浙江辦理海運漕糧完竣予知府譚鍾麟等升敘有差

○舉行熱河奉天吉林黑龍江綏遠城江甯福州各省駐防本年軍政卓異官二十七員不謹官二員才力不及官五員年老有疾官十四員分別議敘處分如例○予江西各屬陣亡殉難武舉鄔聯陞等紳民婦女二千七百五十七名口分別旌卹如例○緩徵江西南昌新建進賢清江新淦新喻峽江蓮花安福永新餘干建昌安義瑞昌湖口德化彭澤豐城德安鄱陽崇仁金谿樂平二十三廳縣

三元

被水被旱地方新舊額賦有差○蠲緩湖北鍾祥天門嘉魚漢陽漢川黃陂孝感沔陽黃岡蘄水京山潛江雲夢江陵公安石首監利松滋枝江江夏武昌黃梅二十二州縣暨武昌衛被水被旱被擾地方新舊額賦雜課有差○己亥諭軍機大臣等佛爾國春奏盛京開墾牧廠官荒協領依通阿界官鳴珂舞弊虐民濫邀保舉經該御史奏請查辦近聞委員佐領楊得富一味袒護朋比為奸等語是

否屬實著都興阿確切查明迅將此案奏結原片著鈔給閱看將此諭令知之○又諭英翰奏皖軍續行戰勝會合各軍窮追並賊竄運西留黃秉鈞帶隊各摺片牛師韓等於初七日帶兵由宿遷一帶東追敗匪連次戰勝斬殺甚多並收降馬賊三千餘騎方長華一軍亦於初五日在郊城截擊獲勝收降初八日馳抵宿遷會合牛師韓陳振邦等軍合力追剿昨據張之萬馳奏捻股南趨淮揚兩郡

二

所屬各地方經清淮等軍與淮營將士追截疊勝並於初十日經道員吳毓蘭等在揚州灣頭地方將逆首賴汶洗擒獲大小賊目擒斬無遺其圖竄運西之賊亦經姚廣武於初八日夜間在平橋對岸轟擊堵禦未容搶渡此次英翰所稱餘匪於初十日由平橋搶渡運河向西南奔竄是否另股匪徒搶渡運西人數究有若干著李鴻章張之萬英翰查明具奏並著督飭追剿各軍緊躡匪蹤並設法

迎頭截擊。母任稍行喘息。盱眙蔣壩一帶。並著英翰迅調皖軍扼擊。母任賊匪搶過三河。逸出平原。又成蔓延。不了之局。記名提督黃秉鈞。帶隊素稱得力。現丁父憂。著暫行賞假一月。俟假滿後。仍令赴營帶隊。牛師韓等所收降眾。現留軍營者。務當妥為駕馭。遣散餘黨。亦當妥籌安插。不可稍涉大意。另摺奏現飭程文炳赴援晉省。通籌全局一摺。並請飭官文嚴催等語。晉省捻匪現已竄至濟源河。北一帶。情形喫重。著英翰速飭程文炳起程前進。徑赴直隸。或先赴河北彰衛懷等處迎勦。著英翰飭令該統將沿途探訪相機辦理。不可拘泥。此軍行近直隸。即著聽候官文調遣。並著官文飛速催提北上。母任延緩捻逆。既竄濟源。直境相距不遠。官文曾否派兵嚴堵。余承恩一軍曾否由直赴晉。何以未見奏報。著該署督將大順廣一帶。迅籌布置。毋稍大意。並飭余承恩速帶所部迎頭截勦。將此

由六百里各諭令知之

大清穆宗繼天開運受中居正保大定功聖智誠孝信敏恭寬毅皇帝實錄卷之二百十九

大清穆宗繼天開運受中居正保大定功聖智
誠孝信敏恭寬毅皇帝實錄卷之二百二十

奉天省城內務府奏為恭摺陳明前奉聖訓事

臣等謹將前奉聖訓事恭摺陳明

臣等謹將前奉聖訓事恭摺陳明

臣等謹將前奉聖訓事恭摺陳明

臣等謹將前奉聖訓事恭摺陳明

教

同治六年丁卯十二月庚子諭內閣前因江

甯克復陣亡員弁力戰捐軀深惻於懷曾允
曾國藩所請於江甯城內建立昭忠祠專祀
湖南水陸各軍陣亡員弁惟江甯殉難官紳
並歷次陣亡將士崇祀之典闕然未足以彰
忠烈復諭曾國藩等查明建祠茲據奏稱擇
地興工專祀金陵軍營官紳請飭地方官春
秋致祭各等語溯自咸豐三年髮逆東竄將
軍祥厚等抗節效忠迨向榮和春張國樑統
軍進剿行間將士感恩誓死血戰捐生者尤

不乏人而江甯紳民婦女深明大義節烈昭
然允宜同享明禋用垂永久著照曾國藩所
請建立江甯官紳昭忠祠其殉難婦女查明
別立貞烈祠均由地方官春秋致祭以副朝
廷褒獎忠貞有加無已之至意○兩江總督
曾國藩奏准揚通三屬應徵漕米現因夏秋
災歉飭屬酌減米價以恤民艱仍由官買米
辦運由來春蘇屬海運回空沙船運津下部
知之○以湖北巡撫郭柏蔭署湖廣總督仍

以湖北布政使何璟護巡撫予安徽霍邱
合門殉難監生李友張暨眷屬五十一名口
分別旌卹並立祠建坊如例○辛丑以江南
勦平捻匪紅旗報捷

上詣綏履殿

慈安皇太后前平安室

慈禧皇太后前賀喜以神靈顯應加河南溫

縣楊將軍封號曰靈佑諭內閣前據張之
萬奏官軍追擒大勝生擒首逆餘眾殲除殆

盡當經降旨宣示中外。茲據李鴻章馳奏。派軍南追。生擒賴汶洸。餘逆剿滅淨盡。紅旗夕至。慶幸良深。擒逆偽魯王任柱。偽遵王賴汶洸。糾眾肆擾。流毒中原。極惡窮兇。神人共憤。經朝廷特授李鴻章為欽差大臣。督師進剿。廣設方略。將士同心。捷書屢奏。旋斃任逆。賊勢衰落。率黨南奔。復經劉銘傳等軍晝夜窮追。未及旬日。賴逆生擒。其餘逆酋偽眾悉數殲除。洵足以彰天討。從此江南安徽山東湖北等省生民得以安業。自宜特沛恩施。以酬勞勩。湖廣總督一等肅毅伯李鴻章調度有方。膚公克奏。加恩著賞加一騎都尉。世職直隸提督劉銘傳。加恩著賞給三等輕車都尉。世職福建提督郭松林。湖南提督楊鼎勳。副都統善慶。加恩均著賞給騎都尉。世職山東布政使潘鼎新。著賞給頭品頂帶。江南提督黃翼升。山西布政使劉秉璋。均著賞給白玉翎管各一箇。大荷包各一對。小荷包各一對。

火鍊各一箇。白玉柄小刀各一柄。又諭本日據李鴻章馳奏。剿除擒逆淨盡。生擒首逆。已明降諭旨。將李鴻章等分別給予世職。並升擢有差。以昭懋賞。因思此股擒逆。擾亂江南安徽山東湖北河南等省。各省疆臣公忠體國。共濟時艱。或督兵出境調度。合宜或轉餉籌糧。軍行無缺。洵屬同心協力。一體有功。允宜特加異數。用普恩施。大學士兩江總督一等毅勇侯曾國藩。加恩著賞加一雲騎尉。世職安徽巡撫英翰。加恩著賞給三等輕車都尉。世職漕運總督張之萬。著賞加頭品頂帶。並賞戴花翎。河南巡撫李鶴年。浙江巡撫李瀚章。均著賞加頭品頂帶。三品頂帶前任直隸總督劉長佑。著賞加二品頂帶。山東巡撫丁寶楨。前任湖北巡撫曾國荃。前因防剿不力。分別懲處。現在擒逆蕩平。自應量予加恩。丁寶楨著開復革職。留任處分。並賞加頭品頂帶。曾國荃著開復頂帶。用副朝廷論功。

行賞甄敘賢勞之意諭軍機大臣等李鴻章奏籌辦目前緊要各事等語李鴻章勦平捻匪克竟大功本日已明降諭旨將該大臣賞給世職以獎勞勩該大臣為國宣勤身在行間十有五載覽奏各情殊深廕念現在安插降眾裁留營勇各事宜尤須該大臣次第經理方臻妥協欽差大臣關防著無庸齎京恭繳俟善後各事辦理就緒再候諭旨此股捻患雖平根株是否淨盡該大臣仍當嚴飭

各路員弁盡力搜捕毋使一名漏網宋景詩牛遂任三厭等匪曾否殲斃抑尚在逃著確切查明毋令幸逃顯戮徐宿一帶向多土匪擾害地方正可乘此兵威搜除伏莽並著李鴻章會商張之萬妥為籌辦以期一勞永逸各營將士從征日久勞瘁異常今幸巨患削平自應予以休息著李鴻章將所部各隊裁汰老弱妥為贍遺其得力可用者仍當酌量留營以備緩急之用河北防務喫緊劉銘傳

所部最為得力著飭該提督將所部稍為休養整頓即移得勝之師馳赴豫省相機防勦毋令晉捻得以奔突至將士久役于外敵愾同仇朝廷既憫其勞且嘉其勇未可遽萌退志著該大臣加意拊循以示體恤現在捻竄晉豫之交毗連直隸即著飭令善慶溫德勒克西統帶所部馬隊迅赴直省歸官文調遣以壯聲勢而靖畿疆將此由六百里諭令知之又諭官文奏西省戒嚴擬將兵勇分別

撤調布置一摺所稱直隸西南北三路各隘口擬分派劉景芳姜國仲崔福泰等軍扼要駐守並飭唐訓方移紮唐縣廣昌各處布置均尚周妥即著迅飭各軍星夜赴防嚴密守禦捻蹤已至河南濟源南路情形較為喫重春壽所部馬隊著即移紮臨洺關磁州等處相機防勦余承恩一軍務須越境與陝豫各軍會合兜擊迅殄逆氛所部兵力尚單著即酌量添撥以壯聲勢東捻肅清沿河駐防各

營應如何分別留撤著該署督妥籌辦理項已寄諭李鴻章飭令善慶溫德勒克西等統率所部馬隊迅赴直隸會同防剿到直境後著卽分飭扼要駐紮以資得力將此由五百里諭令知之又諭左宗棠奏擒回土匪合擾邵陽等處先籌痛剿以免續竄晉境官軍入晉後勦擒屢勝賊向西南敗竄歸綏邊防無警已調馬隊由河南赴晉勦擒穆圖善奏河州東鄉回匪圖抄官軍後路現在布置情

形各摺片黃河西岸各匪糾合竄擾邵陽澄城洛川等處意圖內犯左宗棠現飭周紹濂等營分投防剿卽著檄飭派出各軍協力兜勦務將此股擒回土匪就地殄除毋令續渡冰橋更增晉境之賊其竄晉擒匪前據趙長齡李鶴年先後奏報該匪由曲沃南擾垣曲並已竄近河南濟源縣境河北軍情甚形喫緊著左宗棠仍遵前旨兼程赴晉惟匪蹤現已南趨應如何擇地駐紮居中調度之處並

著妥籌辦理左宗棠當激勵官軍分路截擊以期一鼓聚殲毋令四出蔓延又成不了之局該大臣赴晉後並著庫克吉泰喬松年劉典督飭各軍嚴遏匪蹤毋稍鬆勁左宗棠以西路空虛庫克吉泰若復北行無軍援應著卽照所請庫克吉泰暫緩前赴陝甘毗境該將軍現在咸陽卽體察情形相機布置以壯聲援賊蹤距甯條梁雖遠包頭等處防務仍著裕瑞桂成妥籌兼顧嚴防回竄毋稍疏虞

董高二逆老巢在花馬池一帶必須擣其巢穴方能制賊死命該處距甯夏甚近金順帶隊尚稱勇敢著卽挑選所部精騎並統帶沿邊馬步各隊及胡世英各營剋期東征迅殲醜類甘肅河州東鄉回匪糾黨抗拒官軍穆圖善以兵力未齊尚難進取先將前敵事務布置暫行旋省卽著嚴檄王得勝等趕緊拔隊前進不准託故遷延穆圖善俟各軍進發仍卽出省督剿以赴事機正在寄諭間據左

宗棠等奏雷正綰等軍進援慶陽沿邊疊獲勝仗攻拔回巢收撫土匪雷正綰已抵盤客地方距慶陽僅八十餘里著左宗棠等嚴飭雷正綰統帶所部與孟玉德等防軍互相聯絡埽蕩而前迅解城圍肅清疆圉將此由六百里諭知左宗棠庫克吉泰穆圖善裕瑞喬松年金順桂成並傳諭劉典知之○又諭左宗棠奏請飭湖廣迅撥應解協餉採辦軍米等語本年陝西米糧昂貴軍糧缺乏採辦維

艱據左宗棠奏湖北欠解五六兩月協餉銀四萬兩湖南欠解尤多亟應籌解採買以資接濟著郭柏蔭李瀚章劉崐何璟各飭該藩司由湖北迅撥銀四萬兩湖南迅撥銀二萬兩均解交陝甘後路糧臺王加敏等委員採辦軍米分批轉運由漢江汴流而上入甲河至陝西山陽縣之漫川關陸運至西安以供軍食毋稍遲誤正在寄諭間左宗棠奏餉項將罄需用緊急請准提江南等省協餉援案

擬借用洋商銀兩開單呈覽並請飭河南巡撫仍按月協解各摺片左宗棠新舊各營餉項積欠三四五月不等需用浩繁必須及早寬備所有江南浙江湖北廣東應解同治七年正二兩月協餉及本年未解協餉著曾國藩瑞麟馬新貽郭柏蔭李瀚章丁日昌李福泰何璟各照單開如數籌撥務於明年正二月間解到該大臣軍營以應急需本年三月間左宗棠奏借洋款藉資接濟深有裨益自

可援案辦理所有續擬借用洋商銀二百萬兩除已諭總理各國事務衙門辦理外著曾國藩瑞麟英桂馬新貽郭柏蔭李瀚章丁日昌李福泰下寶第何璟傳諭各關監督按單各出印票由各該督撫加蓋關防發交道員胡光墉迅速籌辦會同應寶時與洋商交割分批起解左宗棠原單均著鈔給閱看河南部定協甘餉銀該省未能照解著李鶴年仍照部議按月籌撥銀一萬五千兩解交左宗

崇軍營母稍稽延將此由五百里諭知曾國藩瑞麟英桂馬新貽郭柏蔭丁日昌李瀚章劉崐李福泰李鶴年下寶第並傳諭何璟知之○以戶部尚書寶鋈理藩院尚書存誠戶部左侍郎毛昶熙禮部右侍郎沈桂芬充經筵講官○以大學士倭仁充文淵閣領閣事內閣學士訥仁充文淵閣直閣事廣壽署文淵閣直閣事○以勦平捻匪紅旗報捷賞提督陳振邦易用剛宋德鴻唐宏成總兵官李長樂宋慶黃馬褂參將朱大珍同知直隸州知州包國樞巴圖魯名號道員陳濬等花翎餘加銜升敘有差○以陝西站坪接仗不力摘副將胡先勝頂帶○壬寅上御撫辰殿大幄次賜蒙古王貝勒貝子公台吉等宴並賞賚有差諭內閣昨據李鴻章馳奏山東江蘇捻股全數蕩平業經降旨宣示因思博多勒噶台親王僧格林沁前在河南山東安徽湖北等省勦辦捻匪疊著戰績

方冀剋期奏功旋因追賊山東於曹州殉難現在山東等省捻股肅清朝廷追念該親王為國捐軀益深悽惻伊子伯彥訥謨祜著加恩賞用黃纁用示眷念舊勳有加無已至意○諭軍機大臣等左宗棠奏率師入晉啟行日期一摺賊匪由垣曲東竄河南濟源縣境劉松山郭寶昌兩軍已落賊後喜昌等前赴澤潞馬隊亦成尾追之勢左宗棠現擬親督兵勇由晉省赴直隸迎頭繞截惟賊騎剽疾異常現已竄至濟源恐其深入河北各州縣地方平原曠行奔馳益疾左宗棠當隨時確探賊蹤應由何路繞道東行著隨時酌度辦理總期趨行迅速繞前堵截不可落後尾追致成不了之局所有陝省軍務即交庫克吉泰喬松年劉典督辦務期就地將回捻各逆殄除毋稍鬆勁捻股是否全數竄入濟源抑另有分股盤踞晉省現在晉省勦辦情形若何著趙長齡速行具奏並著該撫迅督各軍

嚴密布置扼守要隘毋任續渡冰橋直隸與
晉省交界各要隘已據官文奏稱派兵堵截
著卽飭令在防將士實力嚴守不准稍形鬆
懈余承恩一軍並著官文飭令迅速入晉助
勦李鶴年當飭河北防軍認真堵截並嚴催
張曜等軍兼程馳赴河北會合各軍截擊毋
任蔓延將此由六百里各諭令知之○命科
爾沁鎮國公烏爾濟濟爾噶勒翁牛特輔國
公克什克阿爾畢濟呼喀爾喀貝勒剛當黨

準車林喀爾喀扎薩克頭等台吉達爾瑪扎
布在乾清門行走賞扎魯特貝勒達木林旺
濟勒雙眼花翎○以陝西鳳翔等處勦辦回
匪出力賞副將姚連陞參將劉春藻巴圖魯
名號都司何恩壽等花翎周國泰等藍翎餘
加銜升敘有差○癸卯諭內閣兵部奏遵議
李鴻章奏保霆軍勦擒出力員弁開單分別
請旨辦理一摺千總唐占魁著賞給力勇巴
圖魯名號餘依議軍營保舉歷經部定章程

甚為詳明乃近來各省保獎人員往往不能
按照章程殊不足以昭畫一嗣後各路統兵
大臣各省督撫遇有軍營保獎務當查照奏
定章程辦理以昭覈實另片奏曾國藩所保
江北漕糧試辦河運出力之守備忠發等業
經奉旨允准仍請明定限制等語嗣後河運
出力員弁著照海運保獎文職章程覈辦不
得援此次為例越級保升並著各直省督撫
等凡遇各項勞績概不得援引軍營請獎章

程以杜冒濫○又諭郭柏蔭奏擊獲槍船匪
徒首要各犯解散餘黨一摺江浙地方向有
槍船匪徒聚眾搶擄最為閭閻之害經郭柏
蔭會同馬新貽李朝斌密派員弁先後將著
名首犯金幅卜小二卜長生擒獲訊明正法
並將悍黨數十名一併擊獲懲辦其餘脅從
概行解散所有出力員弁著准其擇尤酌保
數員以示鼓勵兩省地方文武從前失於覺
察本有應得之咎姑念此次會同協捕迅速

藏事均著免其議處。在逃著名要犯仍著督飭該地方官實力訪拏務絕根株嗣後當飭令各該州縣隨時查察如所管地面及鄰境再有槍船無論是否為匪卽著不分畛域嚴拏懲辦儻仍前玩泄致令匪徒日久復行滋事定將該地方官從重懲處決不寬貸。○予湖北節年陣亡殉難紳民甯俊千等暨婦女三千三百一名口分別旌卹如例。○蠲緩江蘇山陽阜甯清河桃源安東鹽城高郵泰東臺江都甘泉儀徵興化寶應銅山豐沛蕭錫山邵宿遷睢甯海沐陽贛榆通泰興海門二十八廳州縣暨淮安大河揚州徐州鎮江五衛被水被旱地方新舊額賦雜課有差。○甲辰

孝莊文皇后忌辰遣官祭

昭西陵。○諭軍機大臣等前因富明阿等奏稱吉林需餉孔亟請飭直隸山東等省迅解軍餉銀兩當交戶部速議具奏茲據該部奏稱

吉林前調征兵軍裝銀兩曾令山東河南各撥銀二萬五千兩解赴盛京戶部現在河南所撥銀兩已可解到請飭盛京戶部先行撥給吉林並請直隸山東迅解各銀兩等語吉林撥發征兵餉項前由該將軍等向鋪商借墊自應早日給還此次河南解到銀兩卽著額勒和布先行撥給吉林以便歸還商墊原款其山東省欠解吉林之軍餉銀九萬兩並現撥未解整裝銀二萬五千兩直隸省欠解吉林之軍餉銀二萬兩著官文于寶楨嚴飭各該藩司迅速籌款按照所欠各數派員解往盛京戶部交納如果該藩司藉詞延宕致誤急需並著戶部查明據實奏奉山東未經解到之整裝銀二萬五千兩並著額勒和布酌量籌墊解交富明阿等應用一俟該省解到時再行扣還以免轉輾將此由四百里各諭令知之。○又諭于寶楨奏河牆事竣暫駐省城李鶴年奏捻逆紛竄河內等境現在接

仗情形各一摺。張總愚捻股由濟源竄擾河內溫縣。李鶴年現調崔廷桂等軍分路進剿。即著該撫剋日出省。馳赴衛輝一路。就現有兵力認真掃蕩。務將此股就地殄除。毋任延蔓。此股捻逆是否全數竄豫。著趙長齡確探賊蹤。實力防剿。儻再一味顛頑。縱賊殃民。坐失機宜。趙長齡自問當得何罪。該撫已竄至河內溫縣。左宗棠應由何路繞道東行。親為調度之處。著懍遵前旨。調度情形迅速前進。

劉松山郭寶昌等軍並著該大臣催令星馳進剿。不得徒事尾追。捻蹤剝疾。直隸邊防緊要。著官文即日前赴省南。扼要駐紮。嚴飭在防將士合力堵剿。毋稍疏虞。陳國瑞現在行抵何處。著官文檄令趕緊前進。前令該員會合張曜宋慶等軍入晉。現在未能久待。即著官文先行抽撥勁旅。交陳國瑞統帶。覘賊所向。迎頭截擊。統由該署督相機辦理。余承恩一軍並著官文檄飭星速赴晉。張曜宋慶兩

軍。李鶴年務催兼程前進。會同剿洗。以厚兵力。捻擾河北。東昌臨清等處亦宜先為之備。著丁寶楨嚴密防維。妥為布置。正在寄諭間。復據趙長齡馳奏。捻逆南竄情形一摺。即著該撫馳赴澤州。相機防剿。不得沿途遷延。致有疏失。劉松山郭寶昌兩軍並著催令兼程追剿。毋使賊得喘息。其沿河防務。即遵前旨。由陳湜辦理。以杜東竄。所有山麓餘匪。仍著認真搜捕。失守文武及陣亡殉難官紳。即行

查明具奏。毋稍延宕。將此由六百里各諭令知之。○又諭。張之萬奏派隊搜捕逃匪請飭皖軍控剿一摺。官軍擒獲賴逆後。敗殘餘匪尚在天長盱眙一帶肆擾。亟應嚴密搜捕。即著英翰督飭官軍認真搜捕。毋留餘孽。並著李鴻章張之萬各派兵弁會同控剿。務期盡絕根株。毋使一名漏網。蒙毫為該匪老巢。難保無餘匪雜髮逃回。潛圖勾結。並著英翰責成各州縣。隨時嚴密控拏。儻有潛匿匪徒。准

各堡寨捆送究辦以期綏靖閭閻至西路擒逆現在竄至河內等處官軍由北路進剿恐其乘此冰凍渡河南竄思回老巢著李鴻章英翰於皖豫邊境派兵豫為截剿地步免致臨事周章以期一鼓蕩平將此由六百里各諭令知之○又諭晉省係完善之區且為京協各餉所自出自陝西擒回竄擾廊延綏各屬後晉省西河一帶處處毗連疊諭該撫趙長齡督飭臬司陳湜嚴防各渡口該撫等宜如何實力堵禦以保完疆乃於十一月二十二日竟任擒匪由吉州之七郎窩紛紛東竄擾及平陽洪洞曲沃河津等邑嗣因陝軍緊躡賊蹤復由垣曲竄至河南濟垣等處據李鶴年奏懷慶之河內溫縣濟源各處賊匪蔓延趕緊調撥兵將力籌堵剿而趙長齡自報擒逆到垣曲境後未見將匪至何處晉境有無竄匪及現在防剿情形隨時陸續奏聞以慰焦盼其平日之布置乖方臨時之束手無

策已可概見除將趙長齡陳湜先行交部嚴議外著鄭敦謹於到晉後將該撫所辦軍務如何疏懈一切吏治如何廢弛之處確查並將擒逆竄吉州時太原鎮總兵陳必發駐防何處賊竄之渡口何人帶勇駐紮何人督防暨該管地方文武員弁一一查明據實具奏再防河係該員弁專責苟能身歷何干督率兵勇嚴密堵遏何至任賊紛渡冰橋該撫所奏當日接仗情事恐有不實不盡著一併確查覆奏將此密諭知之○又諭穆圖善奏進取河州東鄉回巢情形各摺片據奏因南路兵力未齊業已暫行回省著仍遵本月二十二日諭旨嚴檄王得勝等前進俟各軍進發該將軍即出省督剿將河州東鄉等處回匪次第殲除毋任再行滋擾成祿圍攻肅城久無功效現在關外兵力甚單望援甚切成祿著即統帶原部剋期出關剿辦哈密等處賊匪毋庸辦理肅州軍務致阻師行所有西路

各營著交楊占鼇總統以專責成。甘州提督即著楊占鼇署理。穆圖善務飭該署提督激勵各營將肅城迅速攻拔。痛埽逆氛。並將甘涼各屬防守事宜妥為籌辦。以副委任。僅日久無功。即著穆圖善據實奏。毋稍迴護。甘肅西路軍務已交楊占鼇接辦。穆圖善仍隨時知照。左宗棠會商妥籌。期臻周密。黃祖淦剿賊陣亡。前據成祿奏到。已將該總兵照提督陣亡例議卹矣。穆圖善請准黃祖淦靈柩

馳驛回籍沿途照料之處。殊於體制未合。著毋庸議。將此由五百里各諭令知之。○以故賽因諾顏扎薩克鎮國公車登扎布子幹昭爾扎布襲爵。○以山東會剿竄逆。歲事迅速。賞還提督傅振邦頂帶。○釋已革副都統成保監禁。發往署陝甘總督穆圖善軍營效力贖罪。○賑直隸開東明長垣三州縣被水災民。並蠲緩節年錢糧暨雜課倉穀有差。○乙巳諭內閣。趙長齡奏特參庸劣各員。請分別

革休一摺。山西署隰州直隸州知州鈕福熙辦防不力。冒昧請假。候補府經歷章英係語言不慎。性情輕浮。均著卽行革職。汾陽縣知縣慶文辦事顛預。緝捕廢弛。著勒令休致。諭軍機大臣等。都興阿等奏擬辦昌圖廳增添民戶。並都興阿遵查廣甯開墾荒地。開單呈覽。各一摺。奉天昌圖廳地方向有望地民戶。兼之民招民佃。人戶日繁。現經都興阿等飭屬清釐。查出續行增添之戶。共有五十二

社。較從前奏留佃民原數已添至六萬二千餘戶之多。並飭昌圖廳同知杜芬等會同委員。攜帶各社佃民底冊挨戶抽查。及選充鄉長編管各情。固屬正辦。惟該民戶等戶口較舊增至十倍。其中良莠不齊。且地方遼濶。額設正佐無多。稽察一有不周。必至藉端滋事。仍著該將軍等悉心籌度。應否添設官員。明定章程。以垂久遠之處。於擬定後詳細奏聞。不得將就了事。貽惠將來。其廣甯盤蛇驛開

墾荒地。疊據有人奏。參諭令都興阿詳查。據實具奏。茲據該將軍奏。遵查原辦情形。並單開各款。雖所稱委員楊得富查報各節。尚屬有因。而於是非曲直。毫無斷制。殊非覈實辦公之道。著都興阿遵奉。疊次諭旨。將委員等有無浮收勒派情事。及墾地招佃各情形。再行確查。定擬具奏。將此各諭令知之。尋志和奏。遵查該委員招佃荒地。分別畝則。收取押荒銀錢。俱係遵照前任錦州副都統恩合劄文辦理。並無浮收勒派情事。該副都統未將所定畝則四等。及押荒收數。分晰奏明。實屬疏忽。業因另案革職。應無庸議。下部知之。○又諭曾壁光奏。賊攻安順府城。旋經官軍擊退。請飭劉嶽昭暫緩赴滇。各摺片。鎮甯州屬路匪分股。勾結苗教各賊。攻撲安順府城。疊經官軍痛懲。郡城解嚴。勦辦尚為得手。該城善後防守事宜。曾壁光當督飭屬員妥為布置。並著該署撫嚴檄各軍。乘勝進攻。將賊匪

次第掃除。廓清疆圉。前據該署撫奏。請飭劉嶽昭移師貴陽。助勦當經降旨允准。著曾壁光懍遵前旨。咨會劉嶽昭暫行留省。與張文德分投進勦。龍里貴定各匪。一俟歲事卽催令劉嶽昭前赴雲南。新任毋稍遲延。將此由五百里諭令知之。○以貴州長寨廳堵勦不力。革同知韓載堃。參將刁士樞。職仍留任。○蠲緩河南祥符。陳留。杞。通許。尉氏。洧川。鄆陵。中牟。蘭儀。鄭。滎。澤。汜水。商邱。甯陵。永城。鹿邑。虞城。夏邑。睢。柘。城。安陽。湯陰。臨漳。林。武安。涉。內黃。汲。新鄉。輝。獲。淇。淇。延津。滑。濬。封邱。河內。濟源。修武。武陟。孟。溫。原。武。陽武。洛陽。偃師。鞏。孟津。宜陽。登封。永甯。新安。汝陽。淮甯。西華。商水。項城。沈邱。太康。扶溝。臨潁。靈寶。光山。息。考城南陽。唐。泌陽。鎮平。桐柏。鄧。內鄉。新野。淅川。裕。葉。信陽。羅山。七十九廳州縣被旱被水。被擾地方。新舊額賦有差。○緩徵山西平遙縣被水村莊新舊額賦。

上以歲暮禋祭

太廟自是日始齋戒三日○丙午諭內閣馬新貽奏請將庸劣各員分別降革休致並知府難資表率請開缺以同知歸部選用各摺片浙江甯海縣知縣克克僧額嗜好甚重辦事疲玩湯溪縣知縣王日新性耽安逸難期振作試用布政司經歷黃中遇事生風聲名惡劣府經歷于滙才質鄙陋操守平常試用從九品王健陳鏐均任性妄為聲名狼藉海鹽縣典史周振華性情懶惰不堪委任以上七員均著革職委用知縣葉環才欠開展難膺民社著以教職回籍候選試用直隸州州判胡聯慶才本平庸年力就衰著勒令休致嚴州府知府劉汝璆徒事矯飾不知振作著開缺以同知歸部選用○諭軍機大臣等前因寶珣奏稱盤獲販買火藥人犯張泳順曾經諭令官文提集人證訊辦並以此等私販不止一起諭令寶珣隨時查拏茲據寶珣奏續

獲張泳順供出之碾製火藥人犯王澤遠窩家呂癩子販運火藥之姚景春三名並起獲火藥四百餘斤該犯等私販火藥如許之多究係銷售何處賣向何人著官文提歸前案確切嚴訊按律懲治以儆奸宄不得稍存寬縱其寄存火藥之蕪州五里橋陳姓通州邢各莊素碾火藥之高姓蘇姓張姓並高五等四家均著寶珣揀派弁兵嚴緝務獲由官文歸案訊辦原摺著鈔給官文閱看將此各諭令知之○丁未

上以禋祭

太廟前期親詣行禮○遣官祭

太廟中殿

後殿○諭軍機大臣等前因左宗棠奏請借用洋商銀兩當經諭令該衙門妥籌辦理茲據總理各國事務等衙門奏稱照案借銀行息太重四成洋稅一項不妨暫為通融請將左宗棠原擬代借之款劃分為二一半提用洋

稅一半由各海關向洋商借用。開單呈覽等語。左宗棠軍餉待用甚急。該衙門所籌辦法。既可節省息銀。又可不誤要需。自是兩全之道。即著曾國藩等按照該衙門所擬各節。先由應解部庫四成洋稅項下。提出銀一百萬兩。飛速解交左宗棠軍營支用。其一百萬兩。由各海關出具印票。由各督撫加蓋關防。交胡光墉應寶時。向洋商借用。由江南等省各藩司於應協甘餉項下撥還。並委解部庫交納。歸還四成洋稅之款。仍足二百萬兩之數。左宗棠於以上兩項銀兩。隨收隨報。總理各國事務等衙門。俾便查催。該大臣素顧大局。必能仰體籌餉之艱。撙節動用。迅埽逆氛。以慰朝廷西顧之憂。其單開數目。著各該督撫等。督飭按月分別起解。毋許稍延。至四成洋稅。係解部要款。並著按期撥解。如有遲延。即著照撥解京餉章程。查明參辦。原摺單均著鈔給閱看。將此由六百里諭知曾國藩左宗

棠英桂馬新貽瑞麟郭柏蔭于日昌李瀚章。卞寶第李福泰並傳諭何璟知之。○命科爾沁賓圖郡王西哩巴咱爾郭爾羅斯輔國公阿勒坦鄂齊爾在御前行走。賞科爾沁扎薩克圖郡王達特巴扎木蘇扎薩克圖汗車林端多布喀爾喀貝勒多布沁扎木楚三眼花翎。○賞前任烏什幫辦大臣伊昌阿頭等侍衛在乾清門行走。○予河南歷年陣亡殉難官紳婦女一千六百八十一名口分別旌卹如例。○朝鮮國使臣金益友等三人於午門外瞻覲。○戊申。祫祭太廟。遣恭親王奕訢恭代行禮。○遣官祭永陵。福陵。昭陵。昭西陵。孝陵。孝東陵。

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○遣官祭

太歲之神○諭內閣丁寶楨奏特參庸劣不職各員請旨分別降革一摺山東登州府同知圖桑阿不安本分物議沸騰萊州府同知汪澄之貪婪不職致激民怨知府用候補同知直隸州知州張延齡素行鄙獷大壞風氣署萊陽縣候補知縣張書升藉端苛勒擾累地方均著卽行革職坐補臨邑縣知縣吳廷鼎貪鄙素著聲名惡劣著革職永不敘用已

補平原縣知縣盛一林居心近利不洽輿情

著以教職選用蓬萊縣知縣李德基審斷糊

塗性情疏縱著以縣丞降補○諭軍機大臣

等左宗棠奏捻逆東竄現籌截剿情形丁寶

楨奏捻竄豫疆籌布河北剿辦事宜各一摺

賊蹤東趨河南衛輝府境左宗棠現飭喜昌

等入直隸磁州出廣平順德一帶攔截劉松

山等繞出賊之北面向南壓剿卽著嚴檄各

軍分路進攻迅掃逆氛左宗棠現由蒲州渡

河取道聞喜翼城東趨入直應如何擇要駐

紮居中調度之處著左宗棠妥籌辦理喜昌

等馬隊到河南彰德後卽可迎頭截剿不必

拘定指示道路以免紆折張曜余承恩宋慶

程文炳各軍著官文李鴻章李鶴年催令該

員等分途前進星速會剿左宗棠以捻逆中

有宋景詩之黨難保不徑趨大名糾合宋景

詩餘黨教匪圖抗官軍請飭李鴻章撥勁軍

馳赴大名一帶以杜勾結前已寄諭李鴻章

飭令劉銘傳善慶等所部稍為休息移師赴豫即著左宗棠與李鴻章會商檄飭該提督現賊所向實力殲除各軍到防後均歸左宗棠節制調遣官文當懷遵前旨馳赴省南嚴密布置毋稍疏虞現在駐京之黑龍江馬隊一千名著神機營王大臣整頓齊備後派往直隸並現在直隸之吉林馬隊均交春壽統帶歸官文調遣以資厚集擒匪併趨河北亟應迅加勦辦東捻現已殄除著李鴻章統率

勁旅前赴河南豫為截勦地步以免臨時周章如衛輝一帶兵力不敷並著添派得力之師渡河會剿趙長齡現由韓侯嶺進駐澤州一帶務當督飭嚴密守禦遇賊即擊臬司陳湜現駐何處西路河防仍督同該臬司認真截勦儘任陝賊續渡冰橋惟趙長齡陳湜是問李鶴年扼紮衛輝著即就現有兵力攔頭截擊毋任匪勢蔓延東昌一帶防務緊要著丁寶楨檄飭派出各軍妥籌防守該撫並即

親赴東昌相機布置丁寶楨所調吉林黑龍江馬隊務當趕緊訓練俾得迅速成軍以備調遣將此諭知神機營王大臣並由六百里諭知官文李鴻章左宗棠丁寶楨李鶴年趙長齡並傳諭陳湜知之○予河南澠池殉難貢生趙學書母劉氏妻張氏旌表如例○蠲澧湖南武陵龍陽沅江巴陵華容臨湘湘陰澧安鄉九州縣暨岳州衛被水地方本年額賦雜課有差○蠲免雲南昆明會澤安甯昆

陽嵩明富民恩安呈貢宜良羅次晉甯定遠巧家十三廳州縣荒歉田地上年額賦有差○已酉

上御保和殿筵宴朝正外藩科爾沁喀爾喀喇沁敖漢扎賚特奈曼蘇尼特扎嚕特阿巴哈納爾翁牛特烏喇特土默特克什克騰茂明安察哈爾王貝勒貝子公額駙台吉暨朝鮮正副使隨文武大臣依次就坐諸樂並作上進酒召科爾沁親王濟克登旺庫爾喀爾喀

親王達爾瑪喀喇沁扎薩克都楞郡王色伯
克多爾濟敷漢郡王布彥德勒格喀固魯克
齊扎賚特扎薩克郡王阿勒坦鄂綽爾泰曼
郡王薩克拉克蘇尼特扎薩克郡王托第布木
扎魯特貝勒達木林旺濟勒阿巴哈納爾貝
子桑齊薩喇特多布翁牛特輔國公克什克
阿爾畢濟呼烏喇特輔國公貢桑端多布土
默特輔國公格木丕勒多爾濟克什克騰頭
等台吉畢瑪拉吉哩第茂明安頭等台吉達

爾瑪吉哩第察哈爾扎薩克頭等台吉瑪林
晉沁保等至

御座前賜酒成禮○奉

慈安皇太后

慈禧皇太后幸漱芳齋侍午膳○酉刻

上詣綏履殿

慈安皇太后前平安室

慈禧皇太后前行禮○諭軍機大臣等前因山
西臬司陳湜防河不力曾予嚴議旋加恩改

為革職留任原冀策其將來茲據喬松年奏
稱陝捻竄渡冰橋陳湜所部勇丁先潰且當
河防緊要之時潛行回省而其營中幕客代
稟左宗棠巧為掩飾晉省失事罪在陳湜覽
其所奏各情是陳湜之貽誤地方殊堪痛恨
而其族人陳膺福捏稟李鶴年各情實為營
中惡習著鄭敦謹於馳抵太原後按照喬松
年摺內所陳明查暗訪據實奏聞斷不可稍
涉徇隱致有貽誤原摺著鈔給閱看將此由

四百里密諭知之○緩徵安徽望江盱眙泗
懷甯桐城潛山太湖宿松宣城南陵貴池青
陽銅陵東流當塗蕪湖繁昌合肥無為舒城
廬江巢定遠懷遠壽鳳臺宿靈璧阜陽霍邱
毫蒙城潁上天長五河建德六安太和三十
八州縣被旱被水被風被蟲地方新舊額賦
有差○是年旌表孝子直隸等省魏廷麟等
九十二名孝友湖北等省平澍等六十名義
夫浙江省應延壽一名義士湖北省李貽泰

等四名。義民。山西省段福臨等二名。孝女。直隸等省王五姐等四名。孝婦。浙江等省周廷燿妻陳氏等三口。烈婦。順天等省李光輝妻馬氏等十口。守節合例。滿洲馬甲祥志妻吳佳氏等九十二口。蒙古護軍校克蒙額妻白佳氏等四十口。漢軍教爾布林義妻劉氏等四十一口。內務府尉役永壽妻劉氏等四口。東陵承辦事務衙門間散和慶妻周佳氏等七口。各省駐防幼丁常明保妻覺羅氏等一百

軍機處

三

五口。奉天等省劉英妻張氏等一萬五千六百八口。夫亡殉節。順天等省林元熙妻郝氏等十口。未婚守志。陝西等省趙瑜聘妻王氏等十五口。義婢。浙江等省徐玉梅一口。百歲壽民婦。四川等省劉朝棟等二十七名。口。五世同堂。廣東等省陸之煥等三十一家。樂善好施。江西等省伍應洪等三名。均給銀建坊如例。○會計天下民數穀數。除江蘇安徽福建廣西陝西甘肅雲南貴州未經冊報外。奉天

軍機處

三

等省通共大小男婦二萬三千六百六十三萬六千五百八十五名。口。存倉米穀二百九十七萬一千六百十石七斗七升四合八勺。

大清穆宗繼天開運受中居正保大定功聖智
誠孝信敏恭寬毅皇帝實錄卷之二百二十

實錄卷之

二百二十

統一書號:11018·1355—49

定 價: 43.00 元